



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

20 VITAE PATRVM,

PER ROMANAM EANDEMQVE
CATHOLICAM ECCLESIAM, IN DIVORVM RELA-
torum numerum, ex fide dignissimorum scriptorum monu-
mentis summa cum diligentia congeste, cuius pio, comprimis
uero diuini uerbi concionatoribus non incommo-
dæ, iam denuo ab ipso recognitæ autho-
re atque locupletatæ. Per
GEORG. VVICEL.

HVIC ACCESSIT AEDITIONI.

Praconium gloriosiss. uirginis. D. Mariæ, per eun-
dem Georg. VVicel.

ADDITO INDICE.

Cum Imp. Maiest. gratia & priuilegio.

MOGVNTIAE,

Impensis honesti ciuis ac Bibliographi Colonien. D. Petri
Quentelij Excudebat ad D. Victorem
Franciscus Behem, Anno
M. D. XLVI.

~~34~~
34 72 50

20 VITAE PATRVM,

PER ROMANAM EANDEMQUE
CATHOLICAM ECCLESIAM, IN DIVORVM RELA-
torum numerum, ex fide dignissimorum scriptorum monu-
mentis summa cum diligentia congeste, cuius pio, comprimis
verò diuini uerbi concionatoribus non incommo-
dæ, iam denuò ab ipso recognitæ autho-
re atque locupletatæ. Per
GEORG. VVICEL.

HVIC ACCESSIT AEDITIONI.

Præconium gloriosiss. uirginis. D. Mariæ, per eun-
dem Georg. VVicel.

ADDITO INDICE.

Cum Imp. Maiest. gratia & priuilegio.

M O G V N T I A E.

Impensis honesti ciuis ac Bibliographi Colonien. D. Petri
Quentelij Excudebat ad D. Victorem
Franciscus Behem, Anno
M. D. XLVI.

Bayerische
Staatsbibliothek
München

REVERENDISSIMO

IN CHRISTO PATRI, ILLVSTRISSIMO QVE PRINCIPI AG

Domino D. Alberto, S. R. E. Tituli S. Petri ad Vincula Presbytero, Cardinali, ac Le-

gato nato, sanctæ sedis Moguntinæ & Magdeburgens. Ecclesiæ Archiepi-

scopo, Principi Electori sacri Romani Imperij, per Germaniæ Archie-

cancellario & Primate, Administratori Halberstatis. Mar-

chioni Brandenburgens. &c. Domino suo & Meccenati

clementissimo simul ac benigniss.

S. P. D.



TSI NON FUI NESCIUS, OMNIUM CLARISS. PRIN-
ceps, quid plurimi, ex eruditorum etiam coetu, quum primum
aggrederer opus isthuc, secū animo reputarint, adeoq; sine dissi-
mulatione affirmarint, quippe memoliri non minus arduum, q̃
audax facinus, à quo nimirum tentato, periculoq; intellecto ab-
horruissent doctissimi quicq; , nec quid huic nostræ tempestati
rerum eiusmodi gloriosæ cōtemptrici, minus convenire: attamen in eo quod me-
cum semel destinaram, immotus perstiti, hucq; nunc cœpra qualiacunq; perdu-
xisse confido, ut omniū tam beneuolorum, q̃ æmulatorum cogitationes facile uin-
cam. Certe multis eripuerō, quod metuebant cœptis, idq; animo neutiq; inimico,
præterq; quod tot Orthodoxorum atq; Ecclesiasticorum hominum undiquaq;
gratissimum fecero. Equidem nullo alio consilio ad id operis initio animū adpu-
li, nisi ut Ecclesiam Patrum, quam amare ac mirari uehementiss. cœperam, hono-
re aliquo prosequeretur simul, & illam unam me communionem Sanctorum, fide
minime ficta credere publicitus contestarer. Putavi decere Christianū, ut synchri-
stianos, quocunq; tandem id fiat modo, ueneraretur. Antiquioris Ecclesiæ cum
prædicationem, tum obseruationem, quod quidem potui, & quantum licuit, fra-
tribus per Germaniam nostram dilectissimis patefeci: Reliquum erat, ut eiusdem
Ecclesiæ præclarissima gesta cōmendarentur p̃is mentibus: Nec unq; me ut pœ-
niteat, fore spero, quod amicis & domesticis Dei, hoc est, Sanctis Ecclesiæ hunc
propriū laborem dedi. Vidi pariter ac dolui, ē nostrorum hominum memoria
indignissimis modis eiectos, & ceu sepultos delitescere, per quos diuina Maiestas
primum, tam ab orbe condito, q̃ redempto, sui notitiā atq; uoluntatem manife-
stauit mortalibus, per quos edidit innumerabilia miracula, omnipotētis suæ pro-
palām declarandæ, per quos pereuntis mūdi tenebras illuminauit, per quos men-
tium morbos sanauit, per quos miserabiliter errantes populos in uia reduxit: per
quos deniq; omnem prioris Adæ calamitatem imminuit. Prōh pie Iesu, inquam,
hanc obliuione tam profunda damnati sunt homines Christiani inter Christia-
nos: Nullāne illorum ratio, qui diuinitus electi, nos eō præcesserunt, quō nemo
non tendit? Archæologiam, & gentiliū nomina semper in ore tantum habebi-
mus, nunquā ne diuorum etiam nostrorum? Leguntur cupidissime uitæ Plu-
tarchi, uitæ Suetonij, uitæ Laërtij: ita enim uocant historias, quas authores illi in
paganitatis gloriam descripserunt. Vix quisquam hodie ignorat Herodotum de
Homero, Q. Curtium de Alexandro, Xenophontem de Cyro, & nescio quē hi-
storiographum de Phrygio fabulatore: solos sanctos Dei in crassiss. ignorantia
caligine sopitos esse sinimus, non secus ac si illorum memoria nihil ad nos perti-
neret, & essemus, qui quondam fuimus, ethnici. Habet suos paganitas Thucydi-
des, habet Theopompos, habet Trogos, habet Philostratos, habet Pausanias, ha-
bet Dionysios Halycarnaseos, habet Polybios, habet Ascanios, & quos Laërtius
ante se uitas scripsisse cōmemorat, Hermippos, Demetrios, Idumeneos, Polycri-
tos, Lycophrones, Apollodoros, Phauorinos, Dicæarchos, Theophrastos, Stra-

tones Lamfacenos: Habet præterea Iustinos, habet Floros & Valerios, habet Iulios & Hircios, habet Liuios & Salustios, habet Lampridios & Eutropios, præter eos, quorum supra mentionem feci: Atqui Christianismus noster, turpe dictu sit, si habeat suis de uiris illustribus nihil, atq; solus eo careat, quo tument superbæ gentes. Tametsi præoptarim, ut extaret rerum Ecclesiæ gestarum syncerissimus pronuntiator, sicut de Thucydide Cicero scribit: & quæ unum pro millibus obijcere Antagys liceat. Certè tradunt Fabianum episcop. Rhom. septem notarios, cum uiueret, ordinasse, qui gesta S. Martyrum cõscriberent. Atque idem Antherum præcessorem huius factitasse, Barptolomæus Platina testatur. Præter hos ipsi etiam sanctissimi doctissimiq; Episcopi uitas Patrũ descripserunt. Nam Athanasius Anthorium nobis dedit, teste etiam Nazarzeno, Leontius Cyprus Eleemosynarium illum Iohannem, Amphilogius Basilium, quem tamen Syncerius depictum continet Monodia illa celebratissima. Euagrius item patres aliquot cecinit, & Gregorius Magnus Benedictum, Paulinum Nolanum, Sabinũ Camisium, Casium Narniensem, Frigidianum, Cerbonium, & complures alios scripto suo dignatus est. Reperi in codice peruetusto, quendam item Abdiam episcopum de Apostolis scripsisse: uerba mihi reperta subiungam: Scripsit aut gesta S. Apostolorum Abdias episcopus Babylonie, qui ab ipsis apostolis ordinatus, sermone Hebreo, quæ omnia à discipulo eiusdem Abdie, cui nomen Eutropius, in Græcum translata sunt, quæ uniuersa nihilominus ab Aphricano decem libris descripta, &c. Verum scripsit, præter alios Ecclesiasticos historiographos, Eusebius etiam noster librum, cui titulum fecerat, De antiquis martyribus: & Egesippus, præter alia, uitam Iacobi fratris Domini connotauit: quam eandem Clemens Alexandr. exarasse legitur. Adeoq; lego citari Egesippum, ut qui scripserit historiam Ecclesiasticorum actuum à passione Domini, usq; ad sua tempora. Iam uerò ut huiusmodi nostris sæculis desyderare cogimur, ita scriptas scimus, nec habemus Epistolas Vienensium atq; Lugdunensium ad Asiaticos & Phrygas de gestis martyrum. Et Dionysij epistolam ad Flauianum, de Alexandrinis martyribus. Nicephorus palam fatetur Christianam historiam triginta sex libris descriptam fuisse à Philippo presbytero, ut nullus memorem de sanctis quoq; compluribus historias texuisse quatuor illos ex Latinis Hieronymum, Ambrosium, Augustinum, & Gregorium. His adiunge Seuerum Sulpitium, Paulum Diaconũ, Gennadium, Bedam, & horum consimiles. Nam inter ueteres cõnumeremne, an uerò secus Heraclidem, Arabianum, Virardum, Adonium, seu Adonem, planè dubito. Raphaël Volaterranus subinde allegat Eunapium quendam, è quo excerpterit nonnihil in Anthropologia suæ libris. Sigibertum ac Vsuardum, à quibusdam multoties citatum, esse neotericeũ, uel è nominibus liquere arbitror. Quo fit, ut non ita magni momenti apud nos Gelasij esse possit opinio, qua negat certa nomina eorum sciri, qui scripserint Sanctorũ historias. Illud haud inficior, nempe sæculis proximis segriores æquo in celebrandis Sanctorum actis fuisse maiores nostros, Id quod & Albertus Krantz Hamburgensis cõqueritur. Nam Martyrologia manuscripta, quæ in Canonicis templis quotidiana lectione uersantur, antiquitatem præ se ferunt, tam historię fide, q̃ uenustate styli. Circumfertur quidem martyrologium formulis nuper excusum, sed à manuscriptis mire diuersum. Extra hæc, quod ego sciam esse uetustũ in hoc argumenti genere, codices illi Fuldensis Bibliothecæ sunt, è quibus sex ingentia uolumina composuit Ruggerus, pietate atq; doctrina præstantissimus monachus mōtis S. Marię, subabbate Marquardo, Anno humanæ salutis restitutæ 1156. Vix credam ullibi talem latere thesaurum meliorum ac uetustiorum codicum: Et propè adducor, ut quod A. Gelius de Fabij annalibus, Libri, inquit, bonæ atq; syncerę uetustatis, id ego de libris Bonifacianæ bibliothecæ dicam. Continentur hic uaria Sanctorum Passionalia, & insi-

EPISTOLA NUNCUPATORIA.

& insignite quoddam Martyrologium, hirtio intectum corio, quo libro nihil augustius. Ante Ruggerum hunc diligentiss. scriptorem, sudarat in eodem lucubranda stadio Aruodolphus coenobita facundissimus, iisdem fere temporibus, aut non ita multo post existimo scripta fuisse de Sanctis duo illa volumina Moguntiae in monte S. Iacobi, qui mons olim, Speciosus, appellatus est, haud procul a vetustissima atq; famosiss. pyramide, vulgo dicta Eigelstein, idq; non a glande, sed ab Eigel principe gentili, cuius coibusti cineres asseruabantur in hac columna. Post, ut ad recentiores descendam, extitit Iacobus Voraginis praesul Genuensis, qui uixit Anno 1290. Verum quid is prestiterit, uel eeco perspicuum sit. Longe melius Voragine de Ecclesia meritis est Petrus Lombardus, qui post Voragine scriptitauit, multa mutuatus ad uerbum ex membranarum ueterum: id quod conferenti inter se libros facile adparet. Mythologiae ille impensius indulget, quam ob rem in tantu contemptu abiit apud omnes cordatos. Hac profecto Lombardica haecenus nimis usae, seu abusus potius cathedrae sunt, contemptis interim, aut certe neglectis sanctorum actis, quae nobis Ecclesiastica historia, Eusebio Pamphilo auctore, offerebat in Christi gregem diuulganda. Nec uulgares passim bibliothecae in monasterijs continent historicu quid de Sanctis, praeter hanc unam Lombardicam, quam cur auream uocent, demiror. Sub eisdem annos, ni fallor, confarclauit Vincentius Beluacensis Speculum illud suum, qui ipse quoq; compilator Voragini praeferrere meretur. Anno 1494. scripsit Iacobus Philippus Pergamenensis uitas sanctarum, seu clararum feminarum. Nec is quidem attulit aliud, q; quod ante se dictum ab alijs fuit. Tersiore stylo retexit historias quasdam, & rem fauorabilem facere satagit Beatrici Aragoniae reginae: huic enim nuncupauit librum. His omnium nouissimus accessit, inter recentiores diligentior agiologus, Petrus de Natalibus praesul Eglinus, & ante hunc Petrus Calo Venetus. Pergratae breuitati studuit Equilinus, & q; minimum intexuit mythologiae, quo comendatio eius apud nos fama est, diuorum ille non chiliades, sed myriades enumerat: quod quidem de nullo huc usq; compertu esse arbitror. Baptista Mantuanus obsequiu, si quisquam alius inter neotericos, maximum Ecclesiae praestare poterat, nisi alio inclinatus, id argumenti neglexisset. Sic enim promiserat in lib. 2. Calamitatum:

Si tranquilla quies, & tristibus oia curis
Libera me sinerent sanctos inuifere fontes,
Et totos Heliconae dies consumere circum,
Prima salutiferi repetens exordia Christi,
Ad suprema meum uenisset tempora carmen,
Actaq; tentassem maiori singula uersu
Texere, & annales melioribus edere chartis.

Et cum contra poetas impudice loquentes intonans, ad hanc materia istos hortatur, his quide uerbis: Collige diuorum mores, & fortia facta

Incluta martyrij bella rubentis habes.

Porro qui ex Breuiariorum Choralium turbatissimis lacunis sanctorum mores cognoscere coguntur, na isti bis miseri sunt. Excussi ego uiginti plus minusue Breuiaria diuersae dioeceseos, aliudq; cum alio contuli, sed difficile credas mihi, quantae in nonnullis Cenagoria, ut de dictionis barbarie nihil attingam, nihilq; de librorum mendis, quibus undiq; scatent Ecclesiasticae cantiones. Bona Breuiariorum pars, quod quide ad Lectiones matutinas attinet, ex Lombardica desumpta est, licet interdum uerbis paululum immutatis, & diuersa de sanctis nonnunq; ingerunt nobis diuersa Breuiaria. Vnde non imprudenter fecit, mea quidem sententia, Clemens pontifex Rom. adiutus opera Francisci Quingnonij, q; historiolas aliquot Sanctorum utriusq; sexus cum Christo in Paradiso conregnantium, succincte iuxta & erudite describi, inq; Romanu Breuiarium inseri curarit, omne calumniam

EPISTOLA NVNCVPATORIA.

calumniatoribus ansam amputans, qui fabulas, nō historias, in tēplis recitari clā-
mitabant. Ipse quidē carptim degustatis plerisq; scriptis, quotquot uidelicet ē mul-
tis bibliothecis nancisci potui, ea congeſſitantum, inq; hanc redeſſi farraginem,
quæ neq; historiæ fidem excedant, neque Euangelij uigorem lēdant. Suetonius
Tranquillus ſcribit in Claudij uita, ſe aliquid magis ne prætermitteret referre, q̃
quia uerū eſſe, aut ueriſimile putaret. Atqui ego, quæ hic collegi, niſi maxima ex
parte uera & ueriſimilia putarem eſſe, non referrem, uel repente diſpeream. Non
nitor Lombardica, nō Scholaſtica, ſed Eccleſiaſtica historia, Hoc eſt, quam ue-
luti per manus traditam acceperūt à ueteribus recentiores. Indubitatiff. enim fue-
rit, poſteros iſtos qualeſcunq; neq; conſinxiffe Sanctos, qui nō extiterint olim in
uita, neq; de ijs historias, quarum cognitio ad ipſos à maioribus non peruenerit.
Præſcorum libris historialibus, quos gratem noſtram deſiderare ſupra dixi, procul
dubio probē uſi ſunt, qui uiciniores illorum temporibus uixerunt. Et non uul-
gare historiæ ueritatis argumentum eſt, q̃ paſſim membranei codices, uetustate
propē modum detriti, in locis diuerſis, nec iſdem manuſcripti ſæculis, uſq; adeo
inter ſe cōſentiunt. Atq; utinam antea mihi uidere Vaticanam bibliothecam con-
tigiffet, aut ſi qua alia uetuftior & locupletior Vaticana eſt. Spero tamen me hoc
auſu Italos extimulaturum, ut quod ipſe, librorum eam ad rem neceſſariorum in-
digens non infeliciffime cœpi, illi copia ſua conſumment. Poterant idem feliciffi-
me perficere Beatus Rhenanus & Ioannes Sichardus, uiri abſolutiff. & ueneran-
dæ antiquitatis ſtudioſiffimi, rerumq; ſacrarū exactiſſimi æſtimatores. Nemo alius
me, fateor, ad id operis exiſtendum minus aptus eſt, uerum igneus quidam amor,
quo erga eccleſiam, ſeu omnium ſanctorum panegyriſt iam pridem ardeo, animū
meū quieſcere minime ſiuit: impulit uerō magis magisq; ad audendum, & tandē
præualuit. Fidem proſecto libet hic oſtendere, ſi minus eruditionē licet oſtentare.
Accedat alius, qui me oſtenſa etiam fide ſuperet, et perlibens ceſſero locum. Neq;
enim gloriæ certamen cum ullo homine ſubibo, quippe qui Eccleſiæ gloriā ſuam
uiſdico, ſectæ detractam: ut interim non cōmiſcar à Catholicis, hac tempeſtate
noſtra grauiter afflictis, opus huiusmodi à paruitate mea crebris hortatibus ex-
tortum eſſe, quibus negare rem tam piā ſanē difficillimū fuit, nec nimis honeſtū.
Equidem præſtare non queo, ſi qua ē Patrum uitis, à ueritate eſſe alieniora uide-
buntur: aut ſi occurreret aliquid, quod in ſpeciem appareat diſſidere à cōmuni do-
ctrina. Ei certē, qui manum domini haud quaſq; abbreviatam eſſe credit, & qui di-
ctum illud domini ueriſſimum eſſe iudicat: Illi uero egreſſi prædicarunt ubiq; do-
mino cooperante, & ſermonem confirmanſe ſequentibus ſignis: non is reclama-
bit huic noſtro Hagiologio. An ideo fictum eſt, quod tota ubiq; eccleſia piē cre-
dit, quia tu mendax es ſectariē, ac ore mendaci cōſpurcare laboras cōmunionem
Sanctorū? Aut forſan ideo falſum eſſe putas, quia his temporibus nō uſuueniunt
ſimilia? Credere nō uiſ in ſanctis dei, niſi quæ ſub humanū ſenſum cadunt, & quæ
coram cernas in ſanctis iſtis tuis ſcilicet. Quo errore grauiffimo, immodica ipſe
tux profeſſionis ignominia paris. Finge exiſtere iam Eccleſiā, ſeu Chriſtianiſmion,
qualis olim erat: finge in terris Sanctos uiuere, quales aliquot retro ſæculis uixe-
runt: finge eo pacto ſeruere in templis ueram religionem, adeoq; ardere in omniū
pectoribus ſynceram pietatem, quemadmodum primis Eccleſiæ temporibus, &
aperte inſanias, ſi ademeris miracula nobis, ac tam inſignem omnis ſupplicij atq;
mortis contemptū. Nos atri tuo iudicio, quæ præſci authores ſuper ſtupendis mi-
raculis, per ſanctos Chriſti teſtes potenter exhibitis, tradiderunt, non credimus ſo-
lum, uerumetiam reueremur, ac proni adoramus in his præſentem Domini ma-
num, factricem uidelicet talium uirtutum. Nicephorus monachus Græcus multa
ſimul & inſigniter admiranda miracula Sanctorum Eccleſiæ noſtræ in libro hi-
ſtoriæ ſuæ recenſet, quæ cur reiſcias, irridiasue, nullam afferre rationem poteris,
niſi q̃

EPISTOLA NVNCVPATORIA.

nisi q̄ sunt eiusmodi prædicatu ridicula, creditu absurda, humanum deniq̄ intellectum respuentia, quasi uerò quicq̄ sit coram Deo uel difficile, uel impossibile, qui uirtutē altissimā suam exerere in membris suis solitus, glorificari inter gentes uoluit. Nec ego in ea sententia sum, ut mox ab Apostolorū ætate, uirtutes ac miracula desinisse in Ecclesia Sanctorum existimem. Nam isthuc qui asseuerant, uniuersam semel Ecclesiam pudefaciunt. Cæterum de poenarum atrocitate quid obsecro dicturi sumus Antagie? Crederes opinor, si istiusmodi in paganorum literis lætitares: At de Sanctis, hoc est, confratribus tuis propter baptismum & dominicam coenam, credere non potes eam, quam animi fortitudinem descripserunt sancti. Nihil addubitas de Græcorum atq̄ Rho-manorum historijs, quantūlibet sæpenumero incredibilibus: Verum eam gloriā Christo, triumphanti per corpora Sanctorum mortalia, dare diffidis, nimirum ut fide dignum esse tibi persuadeas, per testacea Sanctorum uasa sæpissime contritum fuisse Satanam. Noli queso sanctos Ecclesiæ primæ a nostro ingenio & moribus æstimare. Tanta nostra est ignauia, tanta timiditas, quanta illorum uiguit cum strenuitate fortitudo. Ohe nostri cum illis similitudinem: sic, scilicet, canibus catuli similes: sic matribus hædæ. Illi cœlestia tantum expetere, uerum hodie præter terrestria quaritari nihil planè comperio. Per calcatas ibant illi opes, nesciebant delicias, ridebant glorias: Illud uerò contendebant unicè in omni uita, ut Iesu Christo, cui nomen dederant, & cui erant obstricti sacramēto, fortissime militarent, eiq̄ in tantū placerent, ut sanctissimos homines ob nullam aliam causam uel natos, uel renatos fuisse, asserere possis. Eos igitur orthodoxos nō emori dolore nimio mirū est, qui facta diuorū maxima atq̄ summa, cū nostræ ætatis illaudatissima cōuersatione uel leuiter cōparare parent. Heu nobis: Egressus est a filia Zion omnis decor eius. Sed ad querimoniā & lachrymas Hieremianas nolens digredior. Ergo nō pium modo, uerum etiam utile est, sibi quenq̄ Christianorum persuasum habere, Ecclesiam seruatoris nostri Opt. Max. temporibus multiplicis atq̄ sæuissimæ persecutionis, tam omnigenis miraculis, q̄ incomparabili magnanimitate mirabiliter claruisse. Facit ea persuasio ad confirmandos ac stabiliendos credentium animos, præterq̄ q̄ iucunditatem nobis, Ecclesiæ filijs, parit, & gloriandi materiā præbet aduersum antecclesiasticos quosuis. lætitent isti suos, si quos habent, Sanctos, suaq̄ debuccinent egregia gesta: nos nostros, seu nostræ Ecclesiæ (quæ ut una, ita sola est) sanctos decet quotidianis extollere laudibus, uoce styloq̄ plurimi facere, ceu uiuendi regulam proponere, adq̄ horum castissimos mores, nostræ uitæ corrigere uitia. Nostri Sancti ij sunt, quos prædicare ē suggesto citra ruborem queas. Nostri sancti ij sunt, quibus a speciosissima uictoria, quam de inferorū oppresso regno reportarunt, triumphus magnificentiissimus debeatur. Nostri sancti ij sunt, in quos solos Apostolica lectio competat: Sancti per fidem uicerunt regna, operati sunt iustitiam, assequuti sunt promissiones, occluserunt ora leonum, extinxerunt uim ignis, effugerunt acies gladij, ualidi facti sunt ex imbecillitate, effecti sunt robusti in bello, incursiones auerterunt exterorum. Mulieres acceperunt ex resurrectione mortuos suos. Alij uerò distenti sunt, aspernati redemptionem, ut potio-rem forentur resurrectionem. Alij rursus ludibrijs & flagris explorati sunt, insuper & uinculis & carcere, lapidati sunt, dissecti sunt, tentati sunt, occisione gladij occubuerunt: oberrarunt in ouillis & caprinis pellibus, destituti, pressi, afflicti, quibus indignus erat mundus; in desertis errantes & montibus, ac speluncis et cauer-nis terræ. Atq̄ omnes hi testimonium promeriti per fidem, non acceperant promissionem, q̄ deus de nobis melius quiddam prouiderat, ne sine nobis cōsumma- rentur. Proinde nos quoq̄, cum tantā septi simus nube testium, deposito onere omni, & tenaciter in hærente peccato, per tolerantiam curramus in proposito nobis certamine, respicientes ad fidei ducem & cōsummauiorem Iesum, qui pro pro-

EPISTOLA NVNCVPATORIA.

posito sibi gaudio, pertulit crucem, ignominia contempta, & ad dexteram throni dei confedit. Hacenus Paulina retulimus. Excellentissimus concionator Gregorius Nazanzenus illud per se familiare habet, ut in sermonibus suis nostros Sanctos se potest maximis ferat præconijs: & cum laudat S. Athanasium, ait se uirtutem laudare. Porro uirtutem laudans, se Deum ipsum laudare affirmat. Verum ipsius Gregorij uerba hæc sunt: Ἀθανάσιον ἐπαινῶν, ἀρετῶν ἐπαινέσομαι. ταυτὸν γὰρ ἐκένοντο ἐπιπῆν καὶ ἀρετῶν ἐπαινέσαι. ὅτι πᾶσαν ἐν ἑαυτοῦ συλλαβὴν εἶχον πλὴν ἀρετῶν, ἡτοίγη ἀλθεσθαι ἐπιπῆν ἔχον. θεὸς γὰρ ζῶσι πάντες διὰ κατὰ θεὸν ζήσαντες. Mox in hunc modum: ἀρετῶν δὲ ἐπαινῶν, θεὸν ἐπαινέσομαι, πᾶς δὲ τοῖς ἀνθρώποις ἡ ἀρετὴ. Præterea Ecclesiastes hic eximius, hoc quod in reliqua Sermonis huius parte de S. Athanasio encomiastice scribit, ad omnium Sanctorum laudem non pertinere non potest. Qui Athanasium defunctum ob merita (dei dona) in corpore mortis huius declarata ita prædicat, næ is alios quoque Sanctos ob eadem, aut his proxima prædicaturus fuerat, si uel omnes æque nouisset, uel omnium attigisset ætatem. Quin igitur laudes huius sancti, aut potius sanctorum omnium laudes in hoc Sancto, ipso sermōcinante Gregorio patienter audimus. Aduocat principio cunctos omnis ætatis, conditionis, ordinis & sexus homines, & hortatur ad laudandum Athanasium, quem omnibus omnia facit argutissime: ὁ μὲν ἐπαινείτω τὸ ἐν κηρίαις καὶ προσευχαῖς ὡς ἀσώματον καὶ ἄψυχον. ὁ δὲ τὸ ἐν ἀγρυπνίαις καὶ ψαλμωδίαις εὐλογόντε καὶ αἰνῶντες. ἄλλοι τὸ ἐν προσασίαις δεινομένοι. ἄλλοι πλὴν πρὸς τὸ ὑπερέχον ἀντιπυπῆν, ἢ πρὸς τὸ ἀπενόητον καὶ ἀβυσσόν. αἱ παρθένοι τὸν νυμφάγωγον. αἱ ὑπὸ ζυγῶν τὸν σωφρονιστὴν. οἱ τῆς ἐρημίας τὸν ἡγεωτήν. οἱ τῆς ἐπιμειξίας τὸν νομοθέτην. οἱ τῆς ἀπλότητος τὸν ὁδηγόν. οἱ τῆς θεωρίας τὸν θεολόγον. οἱ ἐν εὐθυμίαις τὸν χάριν, οἱ ἐν συμφοραῖς πλὴν παράκλησιν. πλὴν βακτηρίαν ἢ ποσὶν. πλὴν καιδέω γίαν ἢ νεότης: ἢ πένια τὸν ποριστήν. ἢ ευπορίαν τὸν δίκονομον: δὸκῶσι μοι καὶ χηραὶ τὸν προσάτην ἐπαινεσέσθαι, καὶ ὄρφανοὶ τὸν πατέρα, καὶ πτωχοὶ τὸν φιλόπῳχον, καὶ τὸν φιλόξενον οἱ ξένοι καὶ ἀδελφοὶ τὸν φιλάδελφον, οἱ νοσήντες τὸν ἰατρὸν, οἱ ὑγιαίνοντες τὸν φύλακα τῆς ὑγείας, &c. Magna quidē laus hæc Sanctorum: sed hac longe maiorem meretur Christi spiritus sanctus, qui ex sese effecit, ut homines isti non solum essent sancti, uerūetiam ut sanctam uitam in nō sancto mundo ducerent. Proinde uel spiritus sancti nomīne laudandi sancti homines sunt, horumque memoria solenni ritu colenda. Nazanzenus in Orat. de S. Cypriano inquit, se oblectari martyrum honoribus, & agonizantium exultare sanguine: denique eorundem memoria releuari. Quem pietatis affectum reor, quotquot amici Euangelio sunt, perpetuum habere. Solebant olim celebrari Sancti in Christo mortui Christiani inter ipsas exequias, partim ut sanctissimis illorum factis honos haberetur, partim ut qui e fraternitate Christiana superstites erant, incenderentur ad consimile uiuendi formam, atque iuxta anhelarent ad consumationem illam per beatam. Sic enim tradit Dionysius Areopagita in libro Ecclesiastica Hierarchia: εἶτα τῶν λειτουργῶν ὁ πρῶτος ἀπολύει τοὺς κατηχημένους, καὶ ἀνακηρύττει τοὺς ἡδὴ κεκοιμημένους ἁγίους, μετ' ὧν ἐξιοὶ τὸν ἄρτι τελευθέντα τῆς ὁμοταγῆς ἀναβήσεως, καὶ προστίθεται πάντας αἱ τῆσαι πλὴν ἐν ἁγίῳ μακαρίαν τελείωσιν. Quid? Nunquid gentilitas laudare uiros egregios, & iactare solebat? Præter alia multa eius rei testimonia suffecerit Porrij Rho. in declamat. contra seditiosum ciuem, cuius hæc est sententia: Nihil statuimus animo dignius, nec autoritate maiorum, nec opinione populari, quàm in eo genere uersari forensis exercitationis, quæ canere laudes egregias summorum hominum posset, atque animos inflare nostræ ciuitatis ad imitandum. Hæc quidem ille. Cupimus autem omnes nos eò uenire, quò Sancti atque adeo summi illi homines perueniunt: at non omnes æque uia eadem delectat. Bonorum operum labores delicatulos nos potissimum absterrent à summi boni fruitione. Qua maior inter mortales infania haud quā esse potest. Oblatam felicitatem refugimus, propter pauca facta, quæ à fidelibus seruis suis redemptor iure suo requirit. Volumus in coelum repente ab obitu rapi: sed interea uoluntatē patris, qui est in coelis, facere de-

trectamus

EPISTOLA NVNCVPATORIA.

credamus, sufficere putantes: Domine, domine: credo, credo. Quin igitur, dum tempus est, dumq; sapientia fores nostras pulsât, resipiscimus, & primum perspecto archetypo Christo seruatore, oculos uertimus ad exemplaria gregis, hoc est, sanctos episcopos ac martyres, qui nobiscum Christi eiusdem seruatoris uiuum, æternumq; corpus sunt. Laudemus uiros illos gloriosos, ac decantemus ipsorum opera bona, ut per ea is glorificetur demum, quo authore facta sunt omnia opera bona. Verum à laude statim progrediamur ad laudatorũ uiuorum imitationem, ne in nos quoq; quadrare posse uideatur, quod de Demosthene Plutarchus scripsit, Nimirum illum maiorum facta laudare potuisse, sed nequaquam imitari. Legamus uitas Sanctorum tam publice, q̃ domesticè, sed lectis etiam utamur, utpote cuius rei gratia, & descripta omnia istiusmodi sunt, & à nobis congesta. Dices: da mihi q̃ breuissime depictas diuorum omnium uitas. Nam & Suetonius uitas suorum Cæsarum in calce breuiter perstringere solet: & Plinius Nouocomensis sui auunculi uitam in epistolis ad Marcum & Tacitum suum paucis comprehendit. Marcus item Cicero suam ipsius conuersationem, seu diurna gesta, ad Papyrium delinuat: Hæc, inquit, uita nostra: Mane salutamus domi & bonos uiros multos, sed tristes & hos latos uictores, qui me quidẽ per officiose, & per amanter obseruant. Vbi saluatio defluxit, literis me inuoluo, aut scribo, aut lego: ueniunt etiam, qui me audiunt, quasi doctum hominem, quia paulo sum, q̃ ipsi doctior. Inde corpori omne tempus datur. Patriam eluxi iam & grauius et diutius, q̃ illa mater unicum filium. Et Valerius Martialis suam quoq; uitam hisce adumbrat uersibus:

Rure morans quid agam, respondeo pauca rogatus.

Luce deos oro, famulos post arua reuiso.

Paribus atq; meis iustos indico labores.

Inde lego, Phoebumq; cio, Musamq; lacesso.

Hinc oleo corpus frico, molliq; palestra

Stringo libens, animo gaudens, ac fœnore liber.

Pondero, poto, cano, ludo, lauo, coeno, quiesco,

Dum paruus lychnus modicum consumit oliui,

Hæc dat nocturnis nox lucubrata Camœnis.

Verum heus pie uir, quod tempestiue petis, præstare non grauabor. Accipe ergo hunc diuorũ typum uerbis q̃ paucissimis: Sancti, iam beati homines ex hoc sæculo nequam per Euangelium erẽpti, inq; regnum cœlorum per gratiam collocati, spiritu dei induti, nouos in homines transformati, per regenerationem filij Dei facti, tanquam luminaria in mundi tenebris luxerunt. Fuerunt illi uero per omnem uitam pauperes tam spiritu, q̃ carne, iugentes, mites, esurientes sitientesq; iustitiam, misericordes, mundo corde, pacifici, patientes, Math. v. Nec non uigilantes, sobrii, modesti, hospitales; non uinolenti, non percussores, non turpis lucri cupidi, nõ iracundi, nõ præfracti, sed equi, alieni à pugnis, alieni ab auaritia, bonarum rerũ studiosi, iusti, pii, euangelicæ doctrinæ tenaces, Timot. ii. Tit. i. Præterea pleni fide, spe, charitate, gaudio spiritus, pace, benignitate, bonitate, temperantia, Galat. v. ijs semper intenti, quæcunq; honesta sunt, quæcunq; iusta, quæcunq; pura, quæcunq; accommoda, quæcunq; boni nominis, si qua uirtus, si qua laus. Philip. 4. En habes uitas Sanctorum. Gentiles uitam, suo iudicio, beatam sic describunt:

Vitam quæ faciunt beatorem,
Iucundissime Martialis hæc sunt:
Res non parta labore, sed relicta,
Non ingratus ager, focus perennis.
Lis nunq; toga rara, mens quieta,
Vires ingenuæ, salubre corpus,
Prudens simplicitas, pares amici,

Conuictus facilis, sine arte mensa,
Nox non ebria, sed soluta curis,
Non tristis thorax, attamen pudicus,
Somnus, qui faciat breues tenebras,
Quod sis, esse uelis, nihilq; malis,
Summum nec metuas diem, nec optes.

Nos

EPISTOLA NVNCVPATORIA.

Nos uerò, qui non deos, sed deum cognouimus, qui Christum unigenitum au-
dimus, qui doctore spiritu coelestia discimus, tam beatum hominem, q̄ beatam
eiusdem uitam sic prædicamus: Beati omnes, qui timent dominum, qui immacu-
lati ambulant in uis eius, non in consilio impiorum, nec stant in uia peccatorum,
nec in cathedra derisorum sedent; in lege uerò domini beneplacitū eorum, in qua
meditantur die ac nocte. Ingressi sunt irreprehensi, & operantur iustitiam. Nec id
solum, uerum etiam loquuntur ueritatem e corde suo: Non agunt dolum in lingua
sua: Non faciunt proximo suo malum: Non opprobrant, negligunt improbos:
dominum uerò timentes colunt: tenent id alteri, quod promittunt, pecuniā suam
ad usuram non dant, Nec munus contra innocentem accipiunt, dispergunt, dant
pauperibus, intelligunt super egenū, commouentur super contritione Ioseph, uxo-
rem proximi sui non uiolant, neminem contristant, pignus domi non retinent, nu-
dum operiunt uestimento, a pauperis iniuria manum auertunt, dimittunt eos, qui
confracti sunt liberos, & omne onus dirumpunt, tremunt sermones dei, &c. Quan-
do quidem uerò ille nuncupandorum librorum mos (qui si pietati tribuatur, in
nullam reprehensionē cadere potest) passim apud omnes nunc inoleuit, & mihi
potissimū deligendus erat patronus autoritate ac amplitudine cōspiciuus, nullus
uspiam succurrit animo illustrissime princeps, qui tua reuerendissima Celsitudine
ulla in re præstaret. Proinde sumpta fiducia, supplex nūcupo, atq; nominatim de-
dico T. R. C. opus hoc peregrinationi nostræ, Ecclesiæ uidelicet Christianæ pa-
ratum, ut tuis auspicijs feliciter in Catholicorū manus prodeat, quippe gratius fu-
turum uniuerfis, ubi constiterit, tanto dicatum principi, Electori Imperij Rhom.
qui non principem modo locum in republica, sed in Ecclesia etiam obtinet, a deo
nimirū excellentiore illa potestate tradita. Non ego plebeio cuipiam, sed tali prin-
cipi nuncupo nostrum Hagiologium, qui non minus eloquentia q̄ sapientia præ-
mineat. Alij aliud in eo præfule admirentur, ipse hanc uiri uirtutem maximam iac-
tandam duco, q̄ his perturbatissimis temporibus rectum facit iudicium de tot
controuersis dogmatis, q̄ irrefragabili ac solidæ doctrinæ patrocinatur, eamq;
prædicatam cupit, q̄, quæ ulterius Ecclesia neq; excusare, neq; tolerare potest, im-
probat, q̄ toties tentatam inter dissidentes partes concordia non præpedierit, imò
potius & suaserit & concupierit factam, q̄ pijs bonisq; literis Mecœnas exintius
cōtigat, q̄ nouas bibliothecas instruit ingenti sumptu: q̄ erga calamitosos adficitur,
q̄ in omnes perbenignus, in omnes comis, in omnes humanus est, q̄ pacis amans,
atq; tumultu bellorum alienissimus, rerum tranquillitati perpetuo consulit, q̄ de-
niq; tam patienter tot ac tantas aduersariorū contumelias suffert. In ista enim infe-
ctatione plus q̄ tragica, mendacijs oneratus & exaturatus conuictijs immanissimis
flescit, propriæ conscientia testimonio ac integrorū hominum iudicio semet so-
lans. Quæ pleraq; in confesso in tantum sunt, ut hic ne inuidia quidem ipsa calu-
mniandi locum habeat. Iam recte isthuc fieri, nemo ibit inficias, quoniam Eccle-
siastico Ecclesiasticos, catholico catholicos, religioso deniq; religiosos diuos mit-
to. Noui, q̄ sedulo T. R. C. complusculis ante annis tale quid ab Hollando illo
magno expetierit, tantus uidelicet sanctorum animorum amator: sed quibus de
caulis ille, quod pie petebatur, dare superfederit, non me solum latere reor. Vtinā
aut hoc ipsum, quod ipse dedi, tam sit acceptum T. R. C. q̄ longe infra illud fue-
rit, quod Hollandus allaturus, si libuisset, erat. Daui nos, non Oedipi sumus: disci-
puli, non præceptores: filij, non patres. Ille afferre preciosissima quæq; poterat:
nos ad reedificandam domum Dei heu nimis collapsam, e nostra paupertatula,
cum arena calcem adportamus, in spem erecti, nostram hanc operam non super-
uacaneā omnino fore. Exorsi sumus librū ab orbe condito, & desinimus in con-
summatum, quo absolutior exeat. Neq; uero dissimulo, diuorū aliquot Noui Te-
stamenti desiderari in hoc albo: uerum istud neq; incuria, neq; fastidio uelim im-
putari

EPISTOLA NVNCVPATORIA.

putari, sed uel uariorum codicum penuria, uel immodicæ typographorum festinauioni. Curabimus autem, Domino bene propitio, ut quotquot desyderantur in hac æditiōe prima, mox suo quēq; loco insertos habeant Agiophili, simulatq; scœtura hæc refingetur: quod idem præstabimus in opere Homiliatico, breui recudendo. Vfus Moguntia sum non uno tantum scriba, seu notario, dum hæc collectanea in unum libri corpusculum compingerem: ijs non est sua laus defutura. Nec uno eodemq; tempore hoc opus exegi: Lipsia enim ante biennium, & Berlini coeptū, hic ad rumbā S. Bonifacii in manus resumpsi. T. nunc R.C. pro sua in Deum diuosq; singulari dilectione, hunc laborem meum, ut maxime calumnijs obuium, attamen minime impium, pacato animo, uultuq; sereno accipiat obseruandis. Mecœnas, & me plurimis iactatum casibus, ac diutino tentatum pariter ac probatum exilio commiseretur, defendat, iuuet. Experta est omnis Ecclesia iam inde à decennio, quanta ego sedulitate rebus in nostra natione afflictissimis mederi studuerim. Nec alicui obscurum est, qualia passus sim in isto agone. Mentem meam, sicut hætenus, Christo inspectori probabo. Is uerè nouit, nihil uspiam me quærere, præter Ecclesiæ catarsimon. Atq; huic studio immori, per omnia decretum est. Bene diuq; ualeat T.R.C. in Christo lesu Domino & seruatore nostro, in cuius conspectum ascendunt perpetuo gemitus nostri. Ex sylua Fagea, Mense Iulio.

AN. M. D. XLI.

T. R. C.

Famulus

Georg. Vvicelius.

PINACIDION ORTHODOXIAE, PER GEORG. VVIC.

EXeat affectus, præsto sit spiritus ille,
 Quo primum structa est urbs tua Christe uetus.
 Nullius inuidia uerum rectumq; negetur,
 Iustitiæ regnum florebat o utinam.
 Incorrupta fides Patrum nunc una triumphet,
 Huic cedant soli schismata cuncta procul.
 Dogma nec est aliud, quàm quod tenuere priores:
 Rectum Euangelium non latuit ueteres.
 Quin etiam duret, qui quondam, publicus ordo,
 Quo populi probitas tempore magna fuit.

CATA.

20 CATALOGVS AV

THORVM, TAM VETERVM, QVAM RECENTIORVM,
quorum luculentis testimonijs usi in hoc opere sumus.

B iblia utriusq; Testamenti.	Fortunatus presbyter.
E usebius Pamphilus Cæsariē.	Ioannes Damascenus.
H istoria Tripart.	Chronicon Hermannii Contracti
E gesippus.	& aliorum.
I renæus.	Franciscus Petrarcha.
V itæ patrum.	Franciscus Picus Mirandulanus.
C ecilius Cyprianus.	Franciscus Quignonius.
B asilius Magnus.	Anthonius Sabellicus.
G regorius Nazanz.	Ruffus asterius.
I oannes Chrysostomus.	Erasmus Roterodamus.
A urelius Prudentius.	Robertus Ganguinus.
I uuenius Hispanus.	Ambrosius Chamauldulensis.
S edulius poëta Christianus.	Adam Victorinus.
S ept. Tertullianus.	Ioannes Aretinus.
A rator Diaconus.	Martyrologia manuscripta.
H ieronymus Stridonē.	Bibliotheca Fuldensis.
A mbrosius Mediolanē.	Bibliotheca Moguntinensis.
A ugustinus Hipponē.	Bibliotheca Berlinensis apud Mi-
G regorius Romanus.	niores.
B eda Anglosaxo.	Baptista Mantuanus.
N icephorus Græcus, item Cyrus.	Ioannes Pontanus.
M aximus Taurinensis.	Raphaël Volaterranus.
A lcimus poëta Christianus.	Barptolomæus Platina.
L actantius Firmianus.	Ianus à Suola.
E ucharis Lugdunensis.	Thomas Morus.
S euerus Sulpitius.	Petrus Equilinus.
P aulus Orosius.	Petrus Lombardi.
P aulus diaconus.	Leonardus Iustinianus Venetus.
P aulinus presbyter.	Maphæus.
Author incertus, qui diui Caroli I. uitam descripsit, adiunctam in calce uitis Plutarchi.	

GENE

GENETHLIACON ¹

MVNDI, IANO A' SVOLA

ÆQVITE AC IVRECONSVLTO,
AVTHORE.



Rincipio causas rerum, fatumq; renascens,
Et mundi, quod cernis opus, æuiq; recursus
Si iuvat, & fluxas sæclorum prendere sortes,
Nosce Patrem, arbitrioq; Patris congesta putato
Cuncta Dei, ac nostris quicquid uariabile rebus

Ne dubita auspicijs VERBI constare potentis.

Hos etenim Genitor mundum fabrefecit in usus

Vt uentura pares (tantum sub imagine prima)

Monstrarent formas rerum, similesq; figuras

Sæcula: sic dictata olim per mystica Moses

Longæuum deduxit opus, sex ille dierum

Ab numero, præfaga dabat cum signa per orbem

Totaq; formaci statuebat munia Verbo.

Vtq; idem haud ueros orsus fabulosq; princeps

Ludicra, & ingentis construxerat omina sæcli,

Sic duplici totum constat discrimine Verbum,

Legifero & Mose & uatum conscripta per ipsa

Qualia iam nostro quod restituenda sub æuo

Admonuit magni Christus mens alma parentis,

Nempe supergressos uatum legisq; disertæ

Euentus, primum quo sese littera pacto

Cerne petat flecti uetus, & mutetur ab ipsa

Fine caput repetens tantum, & quæ prima reducens.

Huc priscae Cabalæq; notas linguasq; latentis

Flecte proin, qualis cœlo delapsa facultas

Noscitur, humanoq; ualet comprehendier haustu,

Cuncta uolubilibus complectens uera figuris.

En triplicem ternos mundum deducit in orbes

Atq; eadem duplicis præfert discrimina linguæ

Ense potens gemino sacratæ pagina uocis.

Indicio siquidem rerum simulacra pererrans

Mox noua de prisco præsumit munia facti.

Mens angusta uiri, quisquis pote talia foelix

Noscere, perq; notas eadem distincta referre.

Nomine ab arcano & magni Tetragrammate patris.

Deniq; in humanis quicquid uariabile rebus

A # Seu

GENETHLIACON

Seu belli pacisq; uices, seu noscere leges
 Mirariue libet populos, mutarier urbes
 Cædere regna locis, & religiosa parentum
 Transferri iura acritus cessare priores.
 Est uerbi uertentis opus, iussuq; laborat
 Ipse potens mundi Genius iussuq; recumbit
 Noscere quo magni libeat genitoris honores.
 Hinc mundi haud uno fatum disquirere pacto
 Natalemq; animis licuit haud segnibus illum.
 Nanq; quod agrestum sæclorum ab origine prima
 Testatum confluit opus, totiesq; redire
 Inde datum sub sermonis exordia primi
 Est operi immenso, dum se lux septima tandem
 Inferat, & magno succedat Sabbata ritu
 Atq; malis positura modum sæcla aurea surgent.
 Quo magis & certis discamus talia signis
 Sæclorum in primis cursus metitus & annos
 Digere, neu casto relege hinc momenta relapsu.
 Nomina quin etiam rebus quæ prodita quondam
 Concreuere nouis, ueteri deducta figura
 Hebræo fonte atq; arcanis erue chartis
 Obscuris miram lucem quæ inferre parabant
 Iuncta notis, nil non usquam hinc imitabile nobis
 Antiquæ ut dudum debentur talia famæ
 Mirari ni iam cœlo demissa pigebit
 Omni, & hinc magni secreta reuoluere cœli
 Aemula degeneri quæ reddit imagine tellus.
 Deinde hominum solers quod finxit cura laborq;
 Fama uetus cumulat gemine molimine prolis
 Quam primus genuisse parens monstratur, ab inde
 In populos licet ire duos, plebemq; piorum
 Vexatam, cœtu tantum superare malorum
 Seraq; posteritas nil non monstrare nepotum
 In stirpes defluxa ualet, semperq; redibant.
 Ad præscripta pares animi, nil interit usquam
 Nil perit, æterno succedunt omnia uerbo
 Iam studia & mores terræq; sub ultima metas
 Dissidia & paces quasq; usus inuenit artes
 Obicit interdum scripti non discolor ordo
 Hoc dilapsa licet, licet & præsentia nosse
 Ordine, & occultas causarum expromere uires.
 Quid quod ad hæc etiam duplicis dictamine linguæ
 Talia

Talia per populos mittuntur signa prophanos,
 Estque haud uana olim in gentes sapientia late
 Dedita, quo proprii tollant uernacula signi
 Commoda, & hunc hominum successit cura piorum
 Mature, at ritus quo detestentur auitos.
 Fabula sublimes quæ uis dabat inclyta sensus
 Siue hanc Phœnices memorant Athlantis ab axe,
 Seu Macedum aut Graia fluxit deducta moneta,
 Aut qua Barbaricas, tumque hinc celebrata per oras
 Non obscura manet, simili noscenda figura
 Dogmate nec fallax uacuo nec prodita ductu
 Quamuis uana Deos commenta est usque nocentes
 Hinc iam cura hominum, Phrygia sic uenit ab Ida
 Ausa Deos, propriumque exponere pagina sacrum,
 Hæserat arcani sic Memphis ad orgia ritus,
 Qualia sacrilegæ spreuit ludibria gentis
 Fatidicus Moses, parilesque subintulit orsus
 Doctior, hinc sacris phas nos inolescere signis.
 Quicquid in arcanas quondam sapientia chartas
 Contulerat, magni quod uel Danielis & Esdræ
 Hauferat arcanum pectus, iam prodita tandem
 Per simulacra licet propius dignoscere, ni tu
 Quæ longinqua recens quæque obtulit abicis ætas.
 Sunt etiam terræque plagæ pelagique recessus
 Hinc spatijs distincta suis, sermo inclytus ille
 Nil uel inaccessum siquidem uel liquit inausum.
 Sic format Genitor Verbo uelut omnia nosces.
 Et uocet hinc Gentes, perdatque hinc sæpe uocatas,
 Ventorum neque non flatus rabiemque ferarum
 Utque suis cognata locis animantia inhærent.
 Longius & uastæ surgentia compita terræ,
 Ad rectum & puri normam subducto ueri.
 Est mundus, sacer ille Ioui, sacer ille Plutoni
 Tartara & hinc cœlum ac medius subit ordo Deorum
 Atque duplex rerum facies subie hoc generantur.
 Sunt elementa Dei, mundi sunt altera, cerni
 Quæ licet, occulto nascuntur & altera facto
 Litera quæ diuina uocat, nascentia & inde
 Omnia diuersos eadem subducit ad usus.
 Hæcque uides magni miracula maxima Verbi.
 Ut mundum propria circumtulit ipse figura
 Factus homo, & partes mundi Deus induit omnes.

A ij

Sic genus

GENETHLIAGON

Sic genus ipse hominum quod uel circumq; citraq;
 Conciliet natus Genitori, & pascit inanes
 Hinc animas Verbo, & per mystica munera donet
 Corporibusq; alimenta hominū frugesq; merumq;
 Non uana aut facti specie, uel imagine falsa,
 Munia sic magni depromens inclyta Verbi
 Sic nunc apta animis, esca est uelut artubus illa
 Nanq; fouent elementa pios, elementa malignos
 Illa Deo, hæc panibus tantum prognata gigantum.
 Naturamq; sub hæc dictam nil esse memento.
 Sed uacuum magno tantum cum numine inane
 Misceri, rerum hanc naturam noscere phas est.
 Mens magna ut latum, atq; ipsum demensa profundū
 Iamq; super medijs recto consumat in alta
 Ordine, & hinc pendet surrectæ prodita carnis
 Gloria, quæ cœlo omnis post animata recumbat.
 Mira fides, in lippo lumine cernimus ista,
 Quadrupedumq; genus, prepetem piscemq; repēs q;
 Imbuet ipse anima Genitor, cœloq; creata
 Inseret, & simili constabant corpore Gentes.
 Ergo & amicitias nascentium ex ordine rerum
 Aut inimicitias opus est cognoscere, si quem
 Diuinas audire iuuat, uel discere uoces.
 Nam duplices conferre notas elementa probantur
 Et gemina constare opera, has iam dicere læuas
 Et dextras licet usq; notas, sic noxius ignis
 Exhaustit totas quamuis cum ciuibus urbes
 Depopulatus humum, & uestigia fœda reliquit
 Est tamen æthereæ decus, & sua gloria flammæ.
 Tellus ab infami sic sæuit inhospita partu
 Nubigenum, atq; hominum generi sua toxica portet
 Ipsa salutiferis eadem subit inclyta succis.
 Vndarum quis non etiam pelagiq; furores
 Doctior agnouit, detesteturq; ruinas
 Ingentes, per aperta mari grassante pericla
 Perq; pios hominum cœtus operumq; labores.
 Est paccata quies pelagi uitreoq; relucens
 Intuitu, est undis honor, & diuersa ferebant
 Aërei tractus duplicis conamina coepti
 Nanq; auras hominum uitales carpere nulli
 Contigerat, uitæ ni sedit cura beatæ
 Morbidaq; inde lues etiam terrisq; perosa

Ingruit,

Ingruit, atq; truces Phœbi fluxere sagittæ:
 Ventorumq; abeunt vires atq; acria bella.
 Per populos, populosq; ea monstrant signa per orbem.

Hoc quoq; diuinum licet internoscere fatum
 Vt nusquam peruicta malis pietasq; fidesq;
 Nanq; orbis uindex iustorum est maximus, ipse
 Impia supplicijs adigit mansuescere corda
 Dum petit occasus, dumq; idem fortius instat.
 Postq; etenim uictusq; malo fessusq; refertur
 Impetus, & mundi lex aduersata resedit.
 Hinc noua cœlesti surgunt elementa fauore
 Non urunt mites flammæ, est animantibus ær
 Purior adflatu, undarum pelagiq; procella
 Subsedit, nostris non iam contraria rebus,
 Terra nec ingratos gignit pertæsa priorum
 Titanas, hominumq; parens innoxia surgit,
 Reptantum genus, atq; atri genus omne colubri
 Vertit, & obsequijs cogit parere piorum.

Deinde puta cœli ad normam legesq; supremi
 In terris constare modum, septem ne uagantùm
 Sydera, in arcanos quisquam neget indita sensus
 Spiritum ut totidem redeunt miracula, & illinc
 Septeni, decursa patres quos colligit ætas,
 Quodq; inter senos Phœbi meat ignea lampas
 Egregiam cœlo lucem quod sumit ex imis
 Aptâ ministerijs fulget, quicquam ne putetur
 Aptius hoc magno adscribi per munia Christo.
 Sic Plato sic docuit, quondam ter maximus heros,
 Mystica sacratæ effatur sic pagina linguæ.
 Occulto hinc fratris radio ceu fœta relucet,
 Et fratris etiam radio Lætônia tantum
 Luna potens, abdit quia se tandemq; refertur
 Telluri, & magni totiens commercia cœli
 Experta, simili nuptæ exaugescit honore
 Fatidico, hæc nocti luci satus ille regendæ.

Nec minus occultas astrorum noscere vires
 Admonita licuit, nusquam uacat ætheris almi
 Inter nos ratio, gignunt ea singula formas
 Corpora per hæc confluxu materiæ.
 Seu bis sena meant dici quæ signa meretur,
 Seu quæ sparsa micant cœlo, cognomina: siue has
 Pleiadas, Hyadas, licet aut dixisse Triones,

Erige

A in

Erigo

Erigonenue, Helicenue, udi aut decus Orionis.
 Ista quidem instinctu educunt, motuq; feruntur,
 Obuerso motu; ac mundum nascentibus implet
 Hinc uolucrum, pecudumq; genus, formæq; natantum,
 Arboreæq; fluunt stirpis discrimina, & inde
 Ad similes abeunt elementa in cuncta figura.
 Inter eos homini mortali in corpore uis est
 Inclyta, flammiferæq; animus defluxit ab æthra.
 Sic iussit pater ipse Deum, sic facta reponit,
 Quæ minime fiunt, sed sunt, uelut Ethnica uatis.
 Verba canunt: tardi motus tardissima secum
 Sed stata fata ferunt mundo, rapidiq; citato
 Erumpunt cursu, atq; homini inseruire putantur,
 Totum agitant tardi, atq; agili mox singula lapsu
 Instar agunt rapidi: hinc partes, totumq; pererrans
 Æterni pietas maturat cuncta parentis.
 Nam flammæ uelut atq; gelu, cum iuncta resultant
 Corporaq; educunt nusquam Chaos illud iniquum,
 Quo stupuisse ferunt, longò sic prodita in æuo,
 Mundus cuncta tulit: primum iuuenescere suetus,
 Delapsuq; perit, tantumq; renascitur ortu
 Legibus æternis, ceu prouida sanxerat olim
 Maiestas, proprijs cogens consuescere cuncta
 Officijs, accepta refert ea fœdera cœlo.
 Hoc stant fata modo, sunt hæc decreta Tonantis.
 Hinc præscripta meant, Verbosi uera potentis
 Nosse aliquo ueras sit phas interprete uoces,
 Et non ambiguus metiri talia signis.
 Pauca dein monuisse sat est, duplices animantium
 Esse notas, bellicq; etiam constare cruenti
 Vsq; modos, hominum produnt iam talia mentes
 Exempla, hinc pietas animi sunt inde ferarum,
 Seu cognata etenim mortalia pectora cœlo,
 Siue aduersa Deo subit, acperitura potestas
 Res subiecta feret, nec se improba cælet origo.
 Hinc refugi pisces pelagi quos semita cælat
 Inuia, quicq; natant captiui ad littora sponte
 Esca prijs facti piscantum gratior hamis,
 Quadrupedum, uolucrumq; genus hoc noscere pacto est,
 En pecudes arbosq; innoxia gramina prati,
 Et quæ lætiferos eadem damnata per usus,
 Cuncta notis quæ adscripta suis per signa patefunt,
 Serpentumq;

Serpentumq; proin linguæ, rabiesq; ferarum
 Natiuum ponunt subito incantata uenenum,
 Verbo uicta dei, solers industria domat
 Ista hominum, sortemq; dabat penetrare beatam.
 Subiicit ac nato genitor, frangitq; furorem
 Omnipoteris, rebus pacem largitus amicam.
 Cætera signorum quid persequar? An ne metalla
 Non referunt solidos firmę uice uocis honores,
 Atq; uacant isthoc sensu non semina terræ,
 Non gemmæ omniparæ quæ surgunt ludicra matris,
 Et magnæ tantum mentis dictata susurrant?
 Nil mutum pater esse dedit, sese esse fatetur
 Sydera perq; fretum peruisilis omnia mundi.
 Hocq; etiam partes rerum digressus in omnes
 Prouidus, æternę profert simulachra figuræ.
 Nam superi q; facta ineunt de semine mundi
 Omnia per terras, iussit pater ipse deorum
 Archetypa cœli metitus imagine terras,
 Vt speculi obtutu refertur imagine uera
 Effigies excussa uiri, sed fluxa propago.
 Hæc q; eadem uastæ quæcuncq; insignia moli
 Incumbunt homini, nostriq; imitamine mundus
 Constitit, & Verbi in sortem sublectus uterq;
 Conditur ad uerum, atq; Dei simulachra recenset.
 Hæc VERBUM & mundi facies denunciat ingens.

DE MVNDI CREATIONE

AD ANTONIVM PANTHORMITAM,
IO. PONTANI.

HOc cœlum, quæq; obliquo distincta meatu,
 Sed certa ferri sydera lege uides,
 Telluremq; suo libratam pondere, circum
 Quam cingit rapidis Ennosigæus aquis,
 Spiranteisq; auium tractus, fufumq; superne
 Qui cuncta ætherio temperat orbe louem,
 Antoni, Deus è nihilo, Deus omnia fecit,
 Et formam rebus iussit adesse suam.
 Ipse sua uoluit cœlum splendescere luce,
 Et terras cæcæ noctis habere uicem.
 Accendiq; diem claro de lumine solis,
 Solis & auratum manè redire inbar:
 Alternisq; atræ lucem concedere nocti,

Tempora

Temporaq; hinc spatijs ire coacta suis.
 Bissenisq; uagum compleuit mensibus annum,
 Ut tamen in parteis quatuor omnis eat.
 Namq; ubi sol nostro languens sese eripit orbi,
 Frigidaq; hybernis terra madescit aquis,
 Sæuit hyems incana gelu, riget horrida bruma,
 Tum tellus foetu concipit aucta suo.
 Ast ubi uicinos sol ipse recurrit ad ortus,
 Excursu & parili noxq; diesq; ruunt,
 Terra suas ostentat opes, & diuite gemma
 Vestit pampineas uitis opaca comas.
 Ludit & in pratis uarium uer, ludit & æstas
 Torrida, & ipsa suas sedula curat opes.
 Hæc frumenta manu legit, hæc & in horrea condit,
 Quæ mox uersa rotis parca colona terat.
 Hinc cedente die, longè & crescentibus umbris,
 Autumnus pleno fert sua poma sinu,
 Ac Bacchum plenis docet expumare lacunis,
 Sordida dum celeri sub pede musta fluunt.
 Sic statuit pater ipse hominum, rerumq; creator,
 Annua perpetuas munera obire uices.
 Quinetiam spirare suis de partibus orbis
 Ventos, & patrijs nomen habere locis.
 Namq; ab Hyperboreis Aquilo uolat impiger antris,
 Excitat oppositas humidus Auster aquas.
 Eöos ciet Eurys equos : ac mitis ab orbe
 Hesperio Zephyrus lenia flabra mouet.
 Idem etiam occultos alta ad conuexa uapores
 Sustulit, ac terræ uertit in auxilium.
 Vnde cadunt imbres, & matutina pruina,
 Et grato sitiens rore madescit humus.
 An non & summo decurrunt uertice riui,
 Et caua muscosis fontibus antra sonant?
 Vnde sitim pecudesq;, feræq;, armenta sedent,
 Temperet & riguum coerulea lympa solum.
 Quando aër quoq; nimbolis inclusus in antris
 Cogitur in laticem frigore, & inde fluit.
 Ne qua igitur mundi regio uacet, implet & undas
 Piscibus : hi campo liberiore natant,
 Ac gregibus uarijs ingentia regna frequentant,
 Nullaq; squamigera gente lacuna caret.
 Alitibusq; auras celebrat, quibus indit & alas,

Et corpus

Et corpus penna uersicolore tegit.
 Induit & uirides frondenti gramine colles,
 Et nemora arboreis uelat opaca comis.
 Communem & statuit uictum è felicibus agris,
 Pomaq; frugiferis ducit ab arboribus.
 Quò uarios usus homini, pecorìq; auibusq;
 Præstent, ac uitæ munera certa ferant.
 Et iam quadrupedes foetus, obnoxia morti
 Corpora, plumosos ædideratq; greges:
 Tum Deus humanos effingere molliter artus,
 Membraq; de tenui ducere coepit humo.
 Cunctaq; formarat studio perfecta magistro,
 Quæq; artem referant, artificemq; suum.
 Mox auram ætherio de fomite fundit in illum:
 Viue, ait, & proprio membra labore foue.
 Arcanæ mox partem animæ de mente profunda
 Libat, & erecti spirat in ora uiri.
 Dux, ait, hæc hominum generi sit, & ipsa magistra,
 Et sua constituent hac duce, seq; regant.
 Hac ualidas ponant urbes, hac iura notarint,
 Hac coetus pariter, iustitiamq; colant.
 Coniugium ac thalamos discant ratione magistra
 Seruare, & casta religione focos,
 Atq; artes tractare bonas, & munera cœlo
 Digna, & qui factis nomen ad astra ferant.
 At postquam immemores recti cœlestia dona
 Vertère in facinus, perniciemq; suam,
 Immemoresq; boni, sprete pietate fideq;
 Admouunt proprias in sua fata manus:
 Grassati & patrium in iugulum, cædesq; suorum,
 Miscuerunt stygio pocula tincta lacu:
 Inq; uirum sæuit coniunx, in pignora mater,
 Pro scelus, ac miscet fasq; nefasq; furor.
 Hæc pater ut celsa miserans prospexit ab arce,
 Sisteret ut sceleri, criminibusq; modum,
 Progeniem in terras summo demisit olympo,
 Quæq; hominis gereret munia, quæq; Dei.
 Hæc cœli secreta, & inenarrabile patris
 Consilium explicuit, quæ bona, quæue mala,
 Quæ uitanda homini, quæ uitæ forma sequenda,
 Quæq; bonos maneant præmia, quæq; malos.
 Deniq; mortem obijt, uitæ dum consulit ipsi.

B

Atq;

DE CHRISTO FILIO DEI

Atq; suo in coelum sanguine fecit iter.
 Quo magis admiranda Dei clementia summa est,
 Cui fumet quicquid terra Sabæa ferat,
 Quicquid Arabs : date thura focis, costumq; cremate,
 Et date cum multa thurea dona prece.

DE CHRISTO FILIO DEI.

Georg. Vili-
 celi.

IESVS CHRISTVS FILIVS DEI ET
 HOMINIS, SERVATOR MUNDI, REX COELI ET TER-
 ræ, non tantum Rex Israël & Zion, Lux mundi, Dominus
 dominantium, Deus deorum, Princeps pacis, Unigenitus fi-
 lius Dei uiui, Primogenitus omnium creaturarū, per quem creata sunt
 omnia, & sine quo factum est nihil quod factum est, Imago idem est &
 splendor coelestis patris sui, cui consubstantialis existit per omnia, He-
 res uniuersorum, Verbum in principio apud Deum, in quo uita, Deus
 uerus de deo uero, In ipso plenitudo diuinitatis, Unus cum patre, Me-
 diator Dei & hominum, Caput Ecclesiæ, Corona sanctorū omnium,
 Summus Pontifex, fons sapientiæ, Typus sanctimonix, Magister uerit-
 tatis, Petra iustitiæ, Via, Veritas, Iustitia, Redemptio, Resurrectio, Ag-
 nus dei, Pastor bonus, Propheta magnus, ac potens idem in sermone et
 opere, Reparator æternæ salutis, Propiciatio pro peccatis, Porta coeli,
 Monarcha uisibilium pariter & inuisibilium omnium, quem adorant
 Angeli, tremunt diaboli, Archiater utriusq; hominis, Archithaumae-
 turgus solus, Mors mortis, Domitor Inferni, Victor Satanæ, Interfe-
 ctor Antichristi, Antiquator Iudaismi, destructor Ethnicismi, Iudex
 tam uiuorū q̃ mortuorū, Lapis angularis, Supremus apex sacri edificij,
 cardo uirtutū, pulchritudo rerū, Speciosus forma præ filiis hominū, in
 cuius uultū desiderant angeli p̃spicere, Refrigeriū animarū nostrarum,
 Consolatio, gaudiū & uoluptas nostra, Legifer noster, doctor noster.
 Generationē eius quis enarrabit? Laus omniū sanctorū huius Iesu Chri-
 sti laus est. Neq; em̃ non laudatur & prædicatur, quoties laudamus ac
 prædicamus membra capitis huius Iesu Christi, amicos dei, ciues coeli.
 Iesus Christus laudatur atq; canitur in Sanctis suis, & Sancti laudantur
 per Christum suū. Iesum Christum laudo p̃pter semetipsum, Sanctos
 uerō propter ipsum Christum. Iesum Christum igitur principem San-
 ctorum omnium, alpha & ω, principio pono, citra quem nemo sanctus
 fuit, est, eritq;. Verum expectas historiā Iesu Christi? Lege Moysen &
 Prophetas, Relege libros Euangelistarum ac Apostolorum. Ibi depic-
 ta est utraq; natiuitas Iesu Christi, quippe filij dei & Adæ: deinde in-
 comparabilia eiusdem unici, ueri, nostriq; Messix facta dictaq;, omnia
 plus quā angelica, omnia plus q̃ prophetica, omnia plus q̃ regia.
 Postremo mors huius nostri ducis ignominiosa quidē, sed quam mox
 subsequuta

subsequuta est Reuiuiscencia gloriosissima. Totus terrarū orbis libros non caperet, qui de Iesu Christo sancto Sanctorum, diuo diuorū, iusto iustorum, doctore doctorū conscribendi fuerant. Hunc uero Iesum Christum nouit, credit, diligit, colit, & sequitur Ecclesia Dei ab initio, per uniuersum orbem diffusa, quæ est communio Sanctorum Dei, felicissime persuasa, se Deum Opt. Max. Deū unum, Deum uiuum nosse, credere, diligere, colere ac sequi, quum hunc Iesum Christum, cornu salutis nostræ, duce uerbo ipsius, in ueritate nouit, credit, diligit, colit, & sequitur.

¶ **DEVS** igitur machinator constitutorq; rerum (sicuti in secundo libro diximus) Ex Lactantio Firmi. antequam præclarum hoc opus adoriretur, sanctum, & incorruptibilem, & incomprehensibilem spiritum genuit, quæ filium nuncuparunt. Et quamuis alios postea innumerabiles per ipsum creauisset, quos angelos dicimus, hunc tamen solum primogenitum diuini nominis appellatione dignatus est, patria scilicet uirtute ac maiestate pollentem. Esse autem summi Dei filium, qui sit potestate maxima præditus, non tantum congruentes in unum Prophetarum uoces, sed etiam Trismegisti prædicatio & Sibyllarū uaticinia demonstrant. Hermes in eo libro, qui ὁ λόγος τέλει inscribitur, his usus est uerbis: Dominus & omnium creator, quem deum uocare censemus, quia secundum Deum fecit uisibilem & sensibilem. Sensibilem autem animo non ideo, quia ipse sentit: Hoc enim non est, utrum ipse sentiat: sed quia ipse in sensum mittit & mentem: Quoniam hunc fecit primum & unum solum. Bonus autem ei uisus est, & plenissimus omnium honorum, oblectatus est, & ualde amauit quasi propriū filiū. Sibylla Erythræa in carminis sui principio, quod à summo Deo exorsa est, filium Dei ducem & imperatorem omnium his uersibus prædicat: Omnium nutritorem creatoremq; qui dulcem spiritū omnibus apposuit, ac principē omnium deorum fecit. Et rursus in fine eiusdem carminis: Eum dedit deus fidelibus uiris honorare. Et alia Sibylla præcipit hunc oportere cognosci: Ipsum tuū cognosce Deum, qui dei filius est. ¶ Videlicet & ipse est dei filius, qui per Salomonem sapientissimum regem diuino spiritu plenum locutus est ea, quæ subiecimus: Deus condidit me in initio suarum uiarum in opera sua ante sæcula. Fundauit me in principio, antequam terram faceret, antequam abyssos constitueret, prius quàm prodirent fontes aquarum, ante omnes colles genuit me dominus: fecit regiones & terras inhabitabiles sub cœlo. Cum pararet cœlos, aderant illi, & cum secerneret suam sedem, cum super uentos faceret ualidas nubes, & cum confirmatos poneret montes sub cœlo, quando fortia faciebat fundamenta terre, eram penes illum disponens. Ego eram, cui aggaudebat: quotidie autem iucundabar ante faciem eius, cum lætaretur orbe perfecto. ¶ Idcirco autem Trismegistus δὴ μὲν γὰρ τὸ θεῶν, id est, opificem dei, dixit: & Sibylla

B ij bylla

bylla *συμβολον*, id est, consiliarium, appellat: qui tanta sapientia sit instructus à deo patre, ut consilio & manibus uteretur in fabricatione mundi.

Fortasse querat aliquis hoc loco, quis sit iste tam potens, tam Deo charus, & quod nomē habet, cuius prima natiuitas nō modo antecesserit mundum, uerum etiam prudentia disposuerit, uirtute construxerit. Primum nos scire conuenit, nomē eius ne angelis quidem notum esse, qui morantur in cœlo, sed ipsi soli, ac Deo patri. Nec ante id publicabitur (ut est sanctis literis traditum) q̄ dispensatio Dei fuerit impleta. Deinde nec enunciari posse hominis ore, sicut docet Hermes, hæc dicens: Causa autem huius causæ diuini & increati boni uoluntas quæ deum protulit, cuius nomen nō potest humano ore dici. Et paulo post ad filium: Est enim fili secretus quidam sermo sapientiæ sanctus de solo domino omnium. Et dei qui ante mente capitur, quem dicere, supra hominem est. ¶ Sed quamuis nomen eius, quod ei à principio pater summus imposuit, nullus alius præter ipsum sciat, habet tamen & inter angelos aliud uocabulum, & inter homines aliud. Iesus quippe inter homines nominatur. Nam Christus non proprium nomē est, sed nuncupatio potestatis & regni. Sed exponenda huius nominis ratio est propter ignorantium errorem, qui cum mutata litera *χρίστος* solent dicere. Erat iudæis ante præceptum, ut sacrum conficerent unguentum, quo perungi possent hi, qui uocabantur ad sacerdotium, uel ad regnum. Et sicut nunc Romanis indumentum purpuræ insigne est regiæ dignitatis assumptæ, sic illis unctio sacri unguenti nomen ac potestatem regiam conferebat. Verum quoniam Græci ueteres *χρίσται* dicebant ungi, q̄d nunc *ἀλειφῆσθαι*, sicut indicat Homericus uersus ille, quo propitiabant, unxerunt oleo: *τὸς δὲ δειμῶναι λίσσας καὶ χρίσας ἐλαίο*. Id est, Hunc autē famulæ lauerunt & unxerunt oleo. Ob hanc rationem nos eum Christum nuncupamus, id est unctū, qui Hebraice Messias dicitur. Vnde in quibusdā Græcis scripturis, quæ male de Hebraicis interpretatæ sunt, *ἐλόμενος*, id est, ungendo creatus, scriptum inuenitur, *ἀπὸ τοῦ ἀλειφῆσθαι*, id est, ab ungendo creari. Sed tamen utrolibet nomine rex significatur: non q̄ ille regnum hoc terrenum fuerit adeptus, cuius capiendi nondum tempus aduenit: sed quod cœleste ac sempiternum est. De quo differemus in ultimo libro: nunc uerò de prima eius natiuitate dicamus.

In primis em̄ testificabimur illum bis esse natum: Primum in spiritu, postea in carne. Vnde apud Hieremiam ita dicitur: Prius q̄ te formarem in utero noui te. Et item apud ipsum: Beatus qui erat anteq̄ nasceretur. Quod nulli alij contigit, præter Christum: qui cum esset à principio filius Dei, regeneratus est denuo secundum carnem.

Pio



Quoniam ferè nostris temporibus defunt, qui, ut admonet
 sanctus Petrus, *τύποι* gregis Christiani sint, quosq; tuto sequi
 possis, placuit ueterum, & eorundem optimorum exempla,
 ceu *ἀγιολόγιον* quoddam, in usum proponere. Quæ tametsi in ipsis suis
 Biblijs melius leguntur, attamen non paulò iucundius est, suo in choro
 & collectos solosq; intueri sanctos illos homines, amicos, domesticosq;
 dei, ita ut in promptu habeas, quid de quo Patriarcha, Rege, aut
 Propheta tradiderint sacra Biblia. Atq; illi omnino digni sunt, qui mul-
 torum etiam literis celebrentur, atq; adeo gaudent ad imitationem ex-
 poni, uelut honore eximio. Fuere illi templa uasq; spiritus sancti: Ad
 huiusmodi nos ipsos exigamus, qui esse eadem & nobis uidemur. Ho-
 rum conciuēs nos Apostolus uocat, alicubi fratres. Et sunt iidem non
 doctores modo, sed & factores. Nec indicarunt solum uiam dei,
 uerum etiam ipsi calcarunt. Concedamus interim sua Ro-
 manis, sua item Græcis exempla: nos priscos illos
 exuscitatos contemplemur, nosq; in illis su-
 spirantes & clamantes, donec, si
 non pares, saltem proxi-

mos illis faciat ac
 formet nos
 suo spi-
 ritu Deus. Cui uni laus.
 In Saxonia.

Anno,
 M. D. XXX.

Philip. 3.

Coimitatores mei estote fratres, & considerate eos, qui sic am-
 bulant, quemadmodum formam habetis nos.

B iij Diuo

DIVORVM VETE- RIS TESTAMENTI HYPO-

DEIGMATA, AVTHORE GEORG.
VVICELIO.

ADAM.

Gen. 1.



Id est, q̄ sum
pulvis & ci-
nis.

DAM E' PARADISO VOLVPTATIS EMITTITVR,
ut in sudore operetur terram, de qua sumptus est. Igi-
tur Paradisus hac in terra Adamæ posteritati interdic-
ta est: opus uero manuū præceptū. Paradisum in futu-
ro sæculo expectamus, De qua Dominus Lucæ xxiij.
Hodie mecum eris in Paradiso. Hic euntes imus, & in lachrymis semio-
namus, in exultatione messuri, Psalm. cxxv. Porro quisque sibi contra
superbiam sæpe occinat illud: Pulvis es, & in puluerem reuerteris. Aut
si malis cū Abrahamo: *Anochi apha ueaphar*. Aduersus pleonexiam utere:
Nudus uenisti, nudus abibis. Atq; hic demū habes, quale sis τὸ πλάσμα,
inuicte Polypheme unā cum Ennacim socijs. Lutulentum genus est,
quod iactatis: aut si poëtis mauultis cedere, lapideum.

HEVA.

Gen. 3.

1. Cor. 7

Perfert multiplices pressuras mater, idq; non tam pregnans, q̄ pa-
riens. Virum suum appetit, atq; ad hunc sese uertit, qui ipsi præsit. Affli-
ctionem carnis habent huiusmodi. j. Corint. vij. Saluatur tamen uxor
puerpera, si manserit in fide ac dilectione, & sanctificatione cum castitas-
te. j. Timoth. ij. Recole Christiane, Tempus breue est: Qui habet uxore-
rem, sit tanquam non habeat.

ABEL.

Gen. 4.

Ibid.

Vberimam hostiam obtulit Deo Abel, fide, factisq; iustus, & ore
dominico celebratus. Vnde inuidiam sibi conflans, cruce glorificatus
est. Sed heus tu quoq; fidelis offer. At quid offeras? Dicam equidem:
Primum temet, quantus es: mox cor contritum, deinde fructum labio-
rum: postremo substantiam in fratres dispersam: quæ res odorem præ-
bebit bonæ fragrantiae. Hoc facto, para collum. Tunc etenim gladio
præbenda est candida ceruix. Subinde memoria repete: Vox sangui-
nis fratris tui, &c. Hoc est: Non impune occidisti te meliorem fratri-
da. In auribus Domini Zebaoth istud, crede mihi, est.

ENOS.

Gen. 4.

Ioel. 2.

Huius tempore palam coepit inuocari nomen Domini, tu hunc ses-
quere, credendo, prædicando, laudando, amando, ut sis ueri Adæ filius,
cuius priscus ille transgressor typum gerit. Non nescis? Omnis qui inuo-
cauerit nomen Domini, is saluus erit.

Enoch

ENOCH.

Enoch ambulauit cum Deo. O uocem sacram, quę augustius quidam in sua lingua sonat. Vera sanctitas & iustitia hominis eo schemate significatur, adeoq; quicquid est, quod pietatem, siue religionem, item alicubi timorē dei scriptura appellat. Necesse est igitur, uitę huius commodis parcissime usum, & futuram, toto pectore, citra intermissionem, gemebundum exoptasse. Vnde sublatus ē peccatrice generatione, quā grauiter ferebat, gaudio inenarrabili in Paradiso uerę uoluptatis in sempiternum fruitur. Gen. 5

NOAH.

In terra hac maledicta consolator siue recreator Nōe est, sed eorum qui laboribus & oneribus premuntur, Matth. xj. Qui contendunt per strictum iter in hereditatē promissam. Qui quotidie baiulant sibi crucem, gementes domicilio, quod ē cōlo est, superindui. Ceteri diluuiō ac igne æterno perdentur. Noah uir iustus est, & *thamim*. Gen. vj. Nam & ipse ambulauit cum deo. Vide textum. Item iustus erat in generatione sua. cap. vij. Et ædificauit altare domino, & sacrificauit. cap. viij. Iustus idem cum iustis numeratur, Ezech. xiiij. Fuit & iustitię p̄cto, non iustus tantum, ij. Petri. ij. Nisi ex animo & constanter credidisset, non apparasset arcam rebus adhuc secundis. Hebr. xj. Habes pietatem Noe erga Deum, nunc communem uitā accipe. Coepit, ait textus, Noe esse uir agricola, & plantauit uineam, Cap. ix. Labores enim marum suarum comedit, Psalm. cxxvij. Tu quoq; incumbas, ut quietus sis, & agas res proprias, & opererē manibus p̄prijs, j. Thes. iij. Lege ij. Thes. iij. Et tibi, non Monachis tantū, dictum puta. Pudor ingenuus duorum filiorum huius, p̄dagogię studium declarat. Catadysmi subitam irruptionem de subito aduentu iudicis orbis expositam in Euangelio meditare.

ABRAHAM.

Huius uiri fides, pietas, obedientia, fortitudo, dilectio nunquam satis commendabitur. Quin textum audimus: Ædificauit Abraham altare domino, & inuocauit ibi nomen eius. Ecce cultus dei. Mox cap. xv. Credidit Abraham, &c. Ecce fidelem ac iustum corde, ore, opere. Accipit idem in mandatis a domino: Ambula coram me, & esto perfectus: quodd Græci τέλειος. Tale tibi præcipitur quoq; Deutero. xviij. Perfectus, id est, absq; macula, cum deo tuo eris. Item Math. v. Hęc hominis religio. Priuatam conuersationem, hoc est, uerę religionis testimonium, ornat relicta patria, perpetua peregrinatio, tribulatio, apud ignotos tentatio, quam heroica fide uicit, philoxenia, precatio pro sterili regina, precatio fortis pro Sodomorum salute, libertas arguendi regem. Iam attinet & hoc ad rem, quodd laborat, plantans nemus. Nec fordus est, utpote qui a rege Sodomorum nec calciamenti corrigiam accipere

accipere uelit. Emit liberaliter sicut & Dauid ab Areuna, honorat alios, &c. Propheta idem dicitur, Cap. xx, Patriarcha, Hebr. vii. Homo, cuius nemo similis inueniatur, Eccle. xliiij. Typus est omnium credentium & peregrinantium in Ecclesia. Ea propter ad hunc respicere in Isaia iubemur, Cap. lib. Quod ni, spiritu operante, feceris, sinu huius nunquam colligere. Si filius huius esse uis, ingredi uestigia fidei huius, Rom. iij. Et declara fidem, ut Zacchæus Luc. xix. Breuiter, filius Abrahæ, opera patris peragit, Ioan. viij.

SARA.

Gene. 19.

Saram allegat D. Petrus contra mundum muliebrem, & ponit eandem in exemplum Christianis mulieribus, spei in deo, subiectionis & obedientie erga maritos. Quemadmodum Sara, inquit, obediuit Abrahæ, dominum illum appellans: Comes peregrinationis sui uiri ac tribulationis omnis socia, fide profecto non caruit.

LOT.

Lot Abrahæ nepos, Abrahæ fidem, obedientiam ac hospitalitatem imitatur, nobis imitandus. Compellit intrare ad se hospites, Dei angelos, ut eos lauet, cibat, reficiatque, adeoque quos aduersus uiolentiam uel filiarum suarum prostitutione, tueatur. Adque illorum imperium, relictis omnibus fugitis antea oppressus a nefarijs per libidinosam conuersationem. Et quoniam oculis & auribus iustus habitaret inter illos, quotidie animam iustam iniquis suis factis excruciant, ij. Pet. ij. Ridetur hodie, qui ob malefacta Christianorum torquetur, cum ferè superent Sodomitas in superbia, crapula, abundantia, ocio, immisericordia, Ezech. xviij. Nec temere queritur Ieremias: Maior effecta est, inquit, iniquitas filiarum populi mei peccato Sodomorum. ἡ ἀσέβεια τοῦ λαοῦ ἡ ἡμετέρας Itali Sodomitæ soli non sunt, qui quotquot sunt, grauius iudicium expectent oportet, Matth. xj. Cæterum subuersio ista ciuitatum ὑπὸ δειγµα est illorum, qui impiè forent acturi, sicut S. Petrus exponit. Idem dominus in Euangelistis ad nostri uerberia trahit: Sicut, ait, accidit in diebus Lot: edebant, bibebant, &c. Vt nimirum in sanctis conuersationibus ac pietatibus expectemus aduentum diei Dei: utque immaculati & incontaminati ab illo in pace reperiatur. Sic enim docet S. Petrus.

VXOR LOTH.

Memores estote uxoris Lot, dicit Dominus, Mat. xvj. Nemo qui manu sua admota aratro, respexerit a tergo, aptus est regno coelorum, Lu. xj. Exemplum S. Pauli hoc loco substituendum, lege Philip. iij. Atque illud imitari nos uult, ut ibidem legis. Obluiscere patriæ tuæ, & dic patri ac matri: Nescio uos: & fratribus: Ignoro uos, Deut. ult. Ægypto ac Babiloni, hoc est, mundo huic ualedicamus, nec illuc redeamus, ne cum eo damnemur, & pereamus.

Abrahæ

ABRAHAE SERVVS.

Forma piorum seruatorum, si quibus datum est. Homo ille religiose *Gen. 24.* praeatur, credit, gratias agit. In heri sui negocio sollicitus, prudens ac fidus est, postponens officio patinas. Obserua item, q̄ sit idem in orando apud Syros illos diligens & disertus, q̄ uerax, q̄ simplex. Ablegatus reditum maturat. Vere dixit Salomon: Sapiens seruus regis beneplacitum est. Et Syrach: Si est tibi seruus fidelis, sit tibi quasi anima tua.

ISAAC.

Benedicti seminis typus, in quo benedicendæ erant omnes familiae *Gen. 22* gentium: Filius promissionis uerius q̄ carnis, genitus ex deo, &c. Quæ generatio risum facit filijs generationis huius adulteræ. Puellus Isaac patri obediens fuit usq̄ ad mortem etiam, quæ sibi intentabatur. Patitur Ismaëlẽm derisorem, siue, ut Paulus dicit, persequentem. Patitur Palestinorum similitudines. Nec ulli dubium, quin sanctus pater filium tenellum *ἐν τῷ κοιλίᾳ καὶ νοσθεῖα* domini educarit, iuxta illud: Scio, ait Dominus, *Id est, in disciplina & admonitione* quod Abraham praecepit filijs suis, & domui suæ post se, ut custodiant uiam domini. Tandem illi uxor à deo prudens datur, Prouer. xix. Morem præterea peculiarem habuisse existimandus est, nimirum, q̄ rus deambulauit ad meditandum, siue orandum, Cap. xxiii. Cuiusmodi Dauid in Ogdoade sua sæpe dicit: Meditabor siue exercebor in statutis tuis. Et sanctus Paulus præcipit: Hæc meditare, in his esto. Signum est hoc inhabitatoris spiritus, qui sensus ac corda ad sese suaq̄ rapit. Orat Isaac contra sterilitatem uxoris, & impetrat, paterno uidelicet exemplo edoctus. Vides ubiq̄ in patriarchis pietatẽ & honestatem, j. Timot. ij.

Illud semel dictum sufficiat: Nempe in somnis illo tempore reuelasse populo suam uoluntatem Deum, nunc uero idem facere in scripturis sanctis per doctorem spiritum.

Item illud: Nimirum naturam in sanctis nō tacere scripturas. Abraham ridet grauidam anum, mortuam deflet. Isaac adimit dolorem nouæ nuptæ amor, ludens nugatur cum uxore, uterq̄ timore adactus simulat. Iacob puellam iuniorem mire amat, reifamiliari studet, natu minorem filium præ ceteris tenerè senex adamat, cuius etiam in somnio iritatur, ueste sanguine resperfa luditur, mox uehementer luget *δύκ & δάκρυον* *Id est, non absq̄ lachrymis.* Rebecca uiuere renuit, ni ex sententia succedat. Rahel inuidet sorori fecunditatem, & deludit patrem. Iosepho commouentur uiscera suaper fratribus, &c. In rege Dauid multi affectus. Quis enim huiusmodi omnes enumeret?

Aliud: Noah, & post Iosephi ebrietas, Loti, & post Iudæ incestus, Abraham cruenta manus, Iacobi in parando uictu calliditas (Si tamen hæc duo in peccatis numerari debent) Mosi, & post Dauidis homicidium, Aharonis murmur, Ionæ inobedientia, Iobi maledicentia, Dauidis recensio, scortationes Samsonis, Ruth nocturni concubitus cap-

C ptatio

ptatio, & si qua alia flagitia sanctorum hominum sunt, pijs incaute labentibus medicina esse debent. Impij cōtrā peccatores eiusmodi respuūt.

REBECCA.

Gene. 23. Vna ex mulieribus quas S. Petrus sanctas ac sperantes in deo uocat. Reperitur ea uirgo in labore. Quirit lanam & linum, &c. Proue. xxxj. Et perquam comes ac benigna: Bibe, ait ignoto Abrahæ œconomo, domine mi. Hospitalis quoq; est, inuitās uirum. Parentibus assentit nuptura, & uolens tam patriam quam parentes derelinquit, ut marito suo adhæreat. Vide quam genuinus uirgunculæ pudor, quando se pallio obtegit. Vide pietatem mulieris, quando dominū consuleret, non pythonicos, aut augures, Isa. viij. An non populus apud deum suum querat? Peregrinatur cum marito suo in fide dei. Summa: Mulier est, quam lem describit Apostolus, j. Timo. ij.

IACOB.

Gene. 27. *Gene. 28.* Iacob uir integer, a fratre odio habitus, consilio matris solum uertit, ut uitam tueretur. Duriter peregrinans uixit, sed interim audit a domino: Ero custos tuus. Mire pius adolescens, quod uel ex Cap. xxviij. liquet. Nam erecto Bethel, orat, uouet, & deum præsentem sibi propitiumq; & credit & habet: ualde idem affabilis ac humanus erga populum orientalem. Seruit liberaliter uni hero xx. annos: diu noctuq; æstu ac gelu affligitur, uigilat, damnum hero sarcit, seruus qualem nimirum exigit Apostolus Ephe. vj. Colo. iij. Tandem una atque altera uxore ducta, *Id est, filiorū procreationi* *ἱερογυνὴ* studet. Tale enim ad multiplicandam Abrahamianam sobolem attinebat. Nuptiale conuiuium Isaaci, præter hoc in Aram factum, non legimus: ubi & Iacobo pro more gentis celebratum conuiuium legis: sicut & Simsoni apud Philistæos. Non ibi legis germanicas nuptias, hoc est, diabolicas comessationes, comporationes, pompas, insanias, choreas, & plane dedecorosum Christiano nomini strepitum. Nota item, quam non sit amarulentus erga uxorem Iacob, Coloss. iij. *Gene. 30.* Sed ut Petrus admonet, secundum scientiam eam tractat, cum potuisset eius importunitatē sæuis uerbis retundere: Nunquid, ait, pro deo ego sum? Nec illud arbitror contemnendum, quanta uidelicet sedulitate infantulis nomina indiderint sancti parentes, tametsi parum referat, quocumq; appelleris nomine, modo Christum sequare. Vult Iacob & suæ etiam domui præesse, hoc est iuxta Pauli parænesim operari propria. Hactenus seruierat. Sed potuit liber fieri, cur nō uteretur? Idem ē uultu latentem soceri iram animaduertit, sed uide, ut illam iniustam arguat, ac sese purget. Audi fidem: Non, ait, dedit illi deus, ut male mecum ageret. Ibidem honestis rationibus expostulat cum socero, & multa libertate aduersus ingratum in dicendo utitur. Ea est bonæ conscientiæ fiducia: Rediens uir bonus obuium habet fratrem Esau, quem ex multo metu dominum suum uocat, & placat ferocem donis atq; uerborum *facilitate*

*Gene. 31.**Gene. 32.*

facilitate. Obserua quàm pie deo, non sibi aut operi suo, tam libere, & bona uendit: Minor, inquit, sum cunctis misericordijs. Item: Benedictio, quam donauit mihi dominus, &c. Item: Paruuli sunt, quos donauit mihi dominus. Lucta illa diuina summam uiri pietatem & iustitiam indicat simul & commendat. In uia orat, promissionis fide plenus, affligitur, tentatur, uincit. Illud admirandum, quod pius uixit in medio gentis impiæ. Omnia sic loquitur, sicq; se per omnia gerit, ut concordiam cum fratre alat, eiusq; ferocitatem mitiget. Atque hic uides, mollem sermonem iram frangere, Prouer. xv. Seruit deo in Suchoth, diues quidem pecoris, sed tamen pius. Hunc igitur imitemini, & diuitiæ uobis nihil oberunt: Diuites erga Deum sitis, Lucæ. xij. Et diuites in bonis operibus, j. Timoth. vj. Displicet uiro iusto cades Sichimorū. Tribulatio & angustia hinc inuenerant eum. Iubet ē medio auferri idola, & mundari &c. Vbi claret, quàm pie, quàmq; paterne sug domui præfuerit. Perpetuo peregrinatur Dei populus, declarans se in terris locum manentem non habere. Et hoc in genere prætereundum non est, uidelicet, incolas ubiq; ἀδίους licet, erga Hebræum populum benignos ac humanos sese exhibere, ut cap. xij. Aegyptij, cap. xx. Geraritæ, cap. xxij. Hethæi, cap. xxiiij. Syri, cap. xxxij. Sychemi, &c. Nobis tale præcipitur in Deutero, nec fecimus, atq; hoc Christiani.

IOSEPH.

Narrat libere diuina somnia, hoc est, dei iudicia: suffert incredibilem fratrum inuidiam; nudatur, in lacum conijcitur non aperiens os suū, uenditur in exilium. Sed o foelix, quia Dominus cum eo. Ex exule ac famulo fit præpositus & oconomus regis. Cogita hinc, quanta hominis fidelitas, quanta modestia, quanta bonitas, quantum deniq; delitium sui generis. Continentia adolescentis prodigiosa est, utpote, quem tam ingens tentationis ignis incendere non ualuit. Tali dono donatum quoque Paphuntium quendā & Narcissum tradunt, & cum primis diuam Ceciliam, & Agatham, quæ sollicitatori Quintiano dixisse legitur: Mens mea supra petram solididata est, uentus uerborū tuorum hinc nihil efficiet. Bellephoron & Hippolitus gentiles hac in re Christianos nostri temporis antecedunt. Vera crux prius iuxta ac castiss. iuuenis, quod in carcerem conijcitur, sed Deus cum eo in carcere. Pape quàm gloriosum est, pati aliquem ὁ ἁγιστάτος, hoc est, innocentem. His tamen malis cupit eripi Ioseph, sed ad uotum protinus non succedit: duos enim annos in lacu illo degere oportet. Hæc disciplina est filiorum Dei. Pincerna interim κακοποιός cum Barraba educitur. Tandem uir, in quo spiritus Dei id est, malus factor. est, uir intelligens & sapiens, ad summum honorem, quem non affectat, euehitur. Gloriā enim ubiq; præcedit ignominia. Bone deus, quàm admirabili prudentia, quàm salubri consilio regioni adest? Quis satis explicet animi illius diuinitatem, morum conseruatam integritatem, sum

C ij mum in

num in iuuando studium ac laborem? Non est oppressor pauperum, nec exactor tyrannicus, sed saluator ac patronus adeoque *ἄνθρωπος* totius populi. Atque ita in publico se gerit: Priuatim ad pietatem exercetur, obliuiscitur populi sui & domus patris sui, grato animo beneficia a Deo dato re accipit. Durius cum fratribus agit dissimulator egregius. Porro sic debebat fieri. Odio aut uindictæ libidine nihil egisse existimandus est.

Id est, naturali amoris affectu carentes.

ἑσος γοι fratres commeruerant iram, sed ipse condonat, sed flet, sed pecunias largitur Iosephi pietas. Item benignè eos excipit, refocillat benignius, tractat honorificè immeritos, consolatur, & exilij sui necessitatem perque comiter ipsidem exponit. Usque adeo autem Deo plenus est Ioseph, ut nomen Dei non possit suis sermonibus non frequentissime inferere, atque hoc reuerenter utiliterque: Dens, inquit, uester dedit uobis thesauros. Mox: Deus misereatur tui fili mi. Item: Deus me pro salute uestra misit in Ægyptum. Et iterum: Dei uoluntate huc missus sum, non uestro consilio. Et, Deus fecit me dominum uniuersæ regionis. Item, filij mei quos dedit mihi dominus. Item: Vos cogitastis de me malum, sed deus uertit illud in bonum. Atque ita ex abundantia cordis os loquitur. Vtinam & nos talibus uerbis adsuaseremus, & disceremus rectè nomine diuino uti. Magnū præterea honorandorum parentum exemplū in Iosepho relucet, qui patrē senio confectū tam diligenter cum tota propagine accersit, & tam amāter aduenientes suscipit, instruit, curat, pascit, pater uerius quàm filius IACOBI, quem uicissim alit, mortuum ritè sepelit, fratres metu liberat, solatur, recipit sese illorum necessitati non defuturum, loquitur super corda eorum, &c. Morem sepulturæ Ægyptiæ seruat, rem mediam uidelicet, tam in condendo se quàm patre. Nec prætermittenda est aliorum fratrum erga parentem obedientia, erga Ægypti præsidem illum ignotum humilitas ac reuerentia, pro fraterculo sollicitudo. Breuiter erga omnes exhibita honestas ciuitasque.

MOSES.

Exod. 2.

Infans etiam dum impij regis tyrannidem experitur, domino suo in hoc pulchrè adsimilatus, Matth. ij. Sed tamen perdere homo non potest, quem seruat deus. Exul idem est puer, adeoque pupillus adoptatur.

Ibidem.

Vide quæ diuini uiri auspicia in hoc miseriæ salum æditi. Adolescens supplicium effugit, & aduena fit sicut omnes patres eius, nec tamen Dei auxilio perpetuo destitutus. Pascit oues uir sanctus, atque in officio uidet auditque deum, sed non sine metu. Post, uocatur ad aliud munus, futurus ex pastore ouium pastor hominum, sicuti S. Petrus ex piscium piscatore hominum piscator. Munus aliquantis per detrectat, non tam rei periculum quàm suam paruitatem considerans. Gentis doctor à uocatione instituitur formaturque, & audit primus ipse, quæ loquatur alijs, imò miraculis allicitur, & multa persuasionem tantum non attrahitur, ut pareret ignominiam currentibus ultroque captantibus publica munia. Cæterum

Exod. 3

Ibidem.

prouin

prouinciam delegatam obiturus, salutato & consentiente socero, Aegyptum repetit, una cum uxore ac filiis. Partes suas apud regem strenue liberetq; peragit, sed iterum atq; iterum ludit operam: Nam ita fieri debebat. Tandem expellitur à facie tyranni, crucis opprobrium amplectens, & audit: Aut abi, aut morere: Quod prius ille facit, & in æstu iræ discedit. Hæc in Aegypto. In profectioe uir dei fide firmatus, populum labascentem mirè surrigit, roboratq; deo exultabundus canit, populo cum solitudine præest, à domino petens, si qua necessaria populus efflagitasset. Murmur indomitæ gentis perfert, nec tamen sine contestatione, quod id in iniuriam dei cederet. Præterea urget ac sudat pretiosa anima, ut alijs bene esset. Post, obdurat ad rixas uulgi, qui murmura pertulerat, idq; adeo, ut ad lapides prope res ueniret. Plane est domus *Mari* synagoga. Plane n̄ sunt, si qui alij, quos Propheta longo post tempore salonim, sarabim & morrerim appellat. Quæ agnomina rectissime intellexeris, ubi huiusmodi expenderis, nempe: Forsan non erant sepulchra in Aegypto. Item, utinam mortui essemus in Aegypto, &c. Quis dabit nobis ad uescendum carnes? Recordamur piscium, &c. Constituamus nobis ducem & reuertamur in Aegyptum, &c. Cur fecisti nos exire de Aegypto? ut occideres nos, &c. Est ne dominus in nobis, an non? Quæ tametsi extra institutum est referre, tamen quia inde notior nobis Mosi mansuetudo sit, prætermittere non debebam. Christiani nostræ ætatis tanto Hebræos hosce intervallo anteeunt, quanto olim gentes in circuitu, Ezech. viij. Orat homo magnus, & tacens clamat ad deum. Quid quod sublati palmis hostem fundit? Vide item, quibus negociorum undis iactetur, inuoluaturq; quæ subeat, quæ perpetiatur, ut bene præsit. Consilio quoq; soceri barbari pro temporis ratione obtemperat, excellens alioqui in quauis scientia. Ad montem Sinai præmonet, susq; deq; cursitat, narrat, contestatur, consolatur, docet, sui nimirum officij satagens. In periculo rursus orat, ac se ceu parietem diuino furori opponit. O ualidam ualidæ fidei precationem. Eam nos oraturi in nostris casibus imitemur. Quam indignè fert infandum res lapsi populi scelus, quam disquirat, quam irascitur, quam grauiter cum seducto fratre expostulat? Deinde quanto ardore deum orando conciliat? Bone deus, quæ ista uox: Sin minus, dele me, &c. Quam non nostri sanguinis, q̄ non nostræ mentis ea est? Ad eundem modum optabat se pro alijs deuotum S. Paulus. Nulla maior charitas est. Proxima Davidis: Reus, inquit, ego sum omnium animarum. Item, Domine deus uertatur, quæso, in me manus tua. Obscurantur hîc Curtij, et Decij una cum Scipionibus. Vide quoq; q̄ diligenter doceat, q̄ ad amussim præscribat, q̄ probè singula instillet ac repetat Moses pro suæ ætatis ratione, multa pro hocce nostro tempore. Non condemnat blasphemum, priusq; à domino iuberetur. Quemadmodum alibi pollutos celebrare pasah non

Exod. 4.

Exod. 10.

Exod. 14.

15.

Id est, exasperans.

Id est, rebelles.

Exod. 14.

Exod. 16.

Num. 11.

Exod. 14.

Exod. 17.

Exod. 18.

Exod. 19.

Exod. 32.

Rom. 9.

1. Reg. 22.

2. Reg. 24.

Num. 9.

Num. 15.

C iij permittit

Num. 27

permittit, nisi antea cōsulito domino. Sic agit cum collectore lignorum, & filiabus Salphat. Pius est in affinem Hobab Madianitem, nec facile à se illum dimittit, non tam sui quàm totius synagogæ causa, cui per eremum opus fore illius industria uidebat. Quo claret sollicitudo prouidentiaque Christiani præsidis uti uolentis etiam increduli opera in administrando. Verum illo recusante, aliunde deus supplet, ne quid in Ecclesia desyderes. Nec reticendū, quibus angustijs septus uir dei fuerit, quando res omnis iterum esset inclinata: ut interpellat, ut afflictor, ut sua de sorte queritur apud deum? Sed post, ea pastoris querela accusatum populum ualde pressit. Id quod nobis magno solatio fuerit. *Man* impune

Num. 11.

nō fastidiere saturi, sicuti nec nostri homines. Et quis non miretur animum uiri huius ab omni inuidia alienissimum, quando Eldad & Medad prophetantes, contra contemptores nō tueretur solum, sed & optat, ut nemo non diuino spiritu illustratus prophetet in eius gloriam, cuius

Marc. 9
Luc. 9.
Philip. 1.

res agitur. Sic apud Euangelistas dominus prohiberi uetuit, qui eijcerent dæmonia. Et Paulus Christum adnunciari quauis occasione gaudet. Audi aliam atque aliam subinde optimi hominis afflictionem. Antea affligebatur à turba promiscua, nunc à supremis. Quam infestationem quomodo tulisset, ni eum & dextera dei suffulisset, & aluisset remunerationis æternæ spes? Neque enim uulgaris animi est, summam inuidiam iuxta ac maleuolētissimas pati obrectationes. Vnde scribitur ualde An

Id est, mansuetus.

fuisse, hoc est, qui humili deiectione spiritu iniuriam deuorare omnem potuerit, quod uirtutis Apostoli *πραότεια* dixere. Iam quia *πραύς* erat, non luit calumniam ipse ulcisci, sed hoc fecit dominus, qui semper dicit: Mihi ultio: à quo laudatur contra Mosi fidelitas. Adhæc quò liquidius pateret Mosi mansuetudo, longanimitas & candor quidam, orat pro persecutore *εὐαγγελικῶς*, & orat *ὑπο* pectore. Id quod è suis ipsius uerbis

Id est, tolerantia malorum.

melius intellexeris. Ita enim habet precatiuncula: Deus obsecro, sana eam. O mirandam *ἀνεγκλίαν*. Sic alibi humi prouolutus sistit iram dei, nec cessat à clamore in ipsa etiam strage. Iterum à populi plane deplorati impio murmure afflictor, unā cum Aharone pronus in terram corruit, quippe non ferens sacrilegam uocem (grauiori enim uerbo uti non possum) Constituamus capitaneum, & redeamus in Ægyptum. Quæ

Num. 14

machæra, quod telum synceriss. ac fideliss. pectus immanius transuerberare unquam poterit? Neque tamen minus post deum illis propitium facit. Audimus uidemusque & nos hodie non ita multum disparia in nostro populo Christiano, ob quæ quantum ego excoquar adedatque dissimulatum quàm confessum malo. Accedunt his nouæ illæ Cora turbæ aduersus uirum iustum. Cuius schismata, cenodoxia matre prognata, plurimum nostris casibus solatijs adferunt. Sed hinc mihi obserua, quàm sapienter eam synagogæ labem absterferit. Age, ait, dominus ipse secerneret à prophanis sanctos, ne nos iudicando inter nosmet erremus. Quo

in loco

in loco discamus à Mose uocationis certitudinem, deq; deo in nobis ple-
rophoriam. Destituti hac persuasione sunt, quotquot spiritu dei desti-
tuti sunt, ut sunt literarij, mercenarij, uentriculi, hæretici. Verbis illi pug-
nant inanibus & cōuitijs amarulentis, nec apparere audent, ubi cog-
nitio causæ exactior habenda est. Discamus item, multum habere mo-
menti in controuersia uitæ innocentiam, ut dicere possis: Tu scis domi-
ne, quod nec asellum, &c. Huic *ὁμόθυρος* Samuel erat. Homo multis mo-
dis exercetur, & grauius etiam, ac si plagis cum Paulo uapularet. Popu-
li mores, mihi crede, uerba abunde atrociora pio sunt Antistiti. Quin-
etiam exemplum fidij pastoris præbet, quando sententia mortis accepta
solicite à domino peteret, ut sibi in ministerio, æque bonus succederet.
Oues enim multæ, pastores uerò pauci: pauciores ueri pastores, patres
paucissimi. Nemo est, cui tam curæ sit Ecclesia, quàm est sua cuiq; do-
mus. Ad hoc dilucidat legem, siue ut Paul. dicit, secatur, ne ullus non intel-
ligat, Deut. j. Moriturus successorem diligenter instruit fingitq; scribit
legem, tradit, præcipit, interminatur. Habes itaq; absolutissimum opti-
mi pastoris *τύπος* in Mose, cui contigit eloquium: Non fore, ut similis il-
lius propheta in Israel surgeret. De cuius spiritu auferat, & nobis impar
Deut. 34.
Nume. II.
tial misericors deus, Amen.

AHARON.

Aaron Mose frater eloquens à domino pronuntiatur, qui oraculo Exod. 4.
admonitus, fratri obuiam lætabundus exit, prophetæ illi loco futurus
in Ægypto. Murmur populi perfert, ita ut decet uirum. Expostulatori Nume. 16.
Mose mansuetè respondet, quando populi uesaniæ infelix acquieuisset.
Communem cum Mose iniuriam tam à populo quàm à Leuitis fert. Nume. 14.
Quàm supplex ueniam precatur uir tantus, quando nimirum in Mose Exod. 32.
personam peccasset. Huius uirga præ cæteris floruit: is enim cōmenda-
tus est, quem dominus cōmendat. Sic quoq; Heliam miraculo insigni
alijs prælatum legis. Porro uestitus hominis Episcopo *μυσικὸς* conuenit,
præsertim pectorale, quod cōtinet iuxta Septuaginta, *ὁ λόφος καὶ ἀλβύρα*. Id est, decla-
rationem et
rationem et
ueritatem.
Adeoq; tota Aaronis uita, presbyteri Christiani instructio esse poterit.
Horum est, panes dei sui adportare, id est, Euangelizare, ideo sancti
sint: in quibus uerò *μομί* est (quod pulchrè *ἰχθυόματα*) ἢ non adferant Id est, uitupe-
panē dei sui, unde Paulus presbyterū *ἁμωμοί* exigat. rium.
Eorundem quoq;
est docere, ne flagitiorum immunditijs tabernaculum polluatur, id est,
Ecclesia. Vide Leui. xv. Vnde Paulus j. Cor. v. Ad eundem modum ce-
lebrari merentur duodecim principes Israël, & septuaginta seniores, Nume. II.
cæteri q; sacerdotes, synagogæ columina. Horum curam atq; laborem
imitentur Ecclesiæ diaconi, ut ea cum synagoga nō certare solum queat,
uerum etiam superare. O utinam & nos in Ecclesia tandem audiremus:
En populus sapiens & intelligens, gens magna. Nec est alia natio tam
Deut. 4.
grandis, quæ habeat deos appropinquantes sibi, &c. Deut. iij.

Pinchas.

PINEHAS.

Nume. 25. Fidei spiritu non caruit Pinehas, qui zelo polluit. Videt homo sanctus prauaricantes, & zelo diuinæ legis incenditur, usque ad mali propulsationem. Ardens pectus sese continere non ualuit, quemadmodum nec Elias, nec Mathathias cohibere se potuere zelo dei concitatissimi. Dauidis zelus incredibilis uel hinc nobis commendatur. Consumpsit, inquit, me zelus meus. Et: Vidi prauaricationem, & moestus dolui, idque adeo, ut præ moerore tantum non extabescerem. Idem: Nonne odientes te domine odio persequar, & in insurgentes aduersum te extabescam. Quem affectum & omnium princeps Christus induerat, quando de indignabundo diceret: Zelus domus tuæ, &c. In Exodo *21. 10.* prædicatur. Rectè scripsit d. Ambrosi. Zelus charitas est, & angeli sine zelo nihil sunt. Horum temporum conniuentia, indulgentia & dissimulatio nota est ecclesiæ, deo inimica.

CALEB.

Nume. 14. Vir excelsio animo Caleb, quippe qui diffidentes reprimat, & pollicetur omnia per deum fausta: Ascendentes ascendamus, inquit, & hæreditemus terram, quia potentes poterimus (obtinere) eam. An non uiua planeque mascula uox hæc? Hinc collige non fidem modo, sed & fidei naturam, usum, adeoque uitam. Idem alibi populum rebellem pari fiducia alloquitur: Nolite timere, inquiens, Nam sicut panem uorabimur hostes, Dominus nobiscum est. Quale, deus immortalis, pectorum illorum robur? Quanta confidentiæ uis? Heu nostram dissimilitudinē. Illis lapides, nobis perdicēs parit ueritas. Sed absolutam Calebi laudem accipe: Seruus meus Caleb, ait dominus, qui cum spiritus alius est, &c. Hoc est, qui diuerso à uestro spiritu ducitur. Et idem plenus est imitatione mei, hoc est, perfecte me sequitur. Quo idiomate et alibi in eiusdem laude utitur, & sæpius *Ios. xiii.* Adeo, ut hoc ceu titulo insigniore honestandus esse Caleb mihi uideatur. Impleuit, ut iret post deum. Quem admodum in Genesi de Henoch peculiarius scriptum, Et ambulauit cum Deo, Non nostri temporis uiri tales fuere.

IOSUA.

Iosue 1. Vocatur ad subeundum munus Iosua, uir in quo est spiritus Dei, posita Mosi manu super eum. Et alibi clarius: Surge & transi, &c. Homo non tam corpore, quam animo fortis ac robustus, suo ministerio non sine laude satisfacit. Fide insignis, studio impiger, bonitate, sapientia, potentia præstans. Breuiter talis, ut iure exemplar sit Christianorum principum, si qui sunt. Quam pie, quam comiter à facinoroso commissum discit. Quam cuncta ex mandato agit, atque iuxta legem domini scriptam, scribit, legit, repetit, infigit, doctor etiam, nedum ductor. Præterea tantum ualet apud deum, ut illius uoci obediret poli cursus, & *ὅτι* inaudita præter naturam fieret. E' uiuis decessurus solícite omnia præcauet, ne quid mali

Id est, sollicitum. Ios. 10.

quid malifaciat populus. Legem legis populo commendat, pollicetur minaturq̃, quo citius emolliat marmoreos animos, reuocat illis in memoriam beneficia domini, &c. Deniq̃ ne quid prætermittat, se suamq̃ familiam diuino seruitio addicit, ut uel in se uiderent, quid esset faciendum. O uirum ineffabilis fidei, & dilectionis incredibilis. Quis Episcopus tam possit & uelit suis uigilijs plebem sibi concreditam admonere? Ego, inquit, & domus mea seruiemus domino. Quem imitatus Mathathias: Etsi, ait, omnes ad regem Antiochum desciscant, ego & filij mei & fratres mei obediemus legi patrum nostrorū. Pauculi ingrediuntur per arctam portam: at his pauciores usq̃ ad finē saluandi perseverant.

RAHAB.

Fide purgata meretricula, consors radicis & pinguedinis oleæ fit. Eadem hospitalitate percelebris, & amore hospitum nulli secunda.

IUDICES.

Iuda, Othoniel, Ehud, Sanger, Barac, uiri bellaces, dicti Israël's Mo schiæ. Nec nobis pax cum carne nostra est. Vexamus em̃ & ipsi uexantem nos, ut cum Macario illo dicam, Sed uincenti, datur arboris uitæ fructus. Qui accipit brabium, is bene cucurrit.

DEBORA.

Propheta mulier tanta fide & grauitate, ut iudicandi illi munus arduum committeretur. Insuper tanti animi, ut exercitu collecto, aduersus hostem iret. Propheten sese præterea declarat, quando Sisseram à muliercula trucidandum Baraco uaticinaretur, insecuto facto. Mater decantatur eadem in Israël. Et illa subindicat, q̃ uehementer amarit deū, q̃ unice delectata sit dei mirabilibus, quā mirifice gestierit in laudando, inq̃ gratiam agendo fortissimæ Dei dexteræ. Virago nobis ea, & nescio quæ Pallas depingitur. Nulla Semiramis, nulla Thamyris, nulla Zenobia, nulla deniq̃ Amazonum cum nostra ista Debora conferri meretur. Et quod ad eruditionem attinet, nulla Cornelia, nulla Hortensia. Hanna Phanuelis, Hulda prophetissa, Philippi Diaconi filia, ut alias præteream, huius esse ordinis possunt.

IAEL.

Benedicta inter mulieres Iael, habet &c. Ea hostem suæ gentis de let, muliebris uirtutis exemplar. Vtere & tu Christiana mulier simili dolo, uictura impetentem te anguem. Vince, aut cum Eua uincere. Iugulum pete superbix, & non aberraueris. Quis enim te ea magis sollicitat? Quod ni facias, non coronaberis. Mariæ Bethanicæ similis in audiendo discendoq̃ fias. Cananæ fidem imitare. Sequere dominū cum Galilæis mulierculis. Si parthica es, clama ad dominū cum Amorrhuis. Manus enim eius ad sanandam est ad hanc usq̃ horam. Ad eandē mulier hereditatem uocata es, ad quam uir, & æque tibi ac mihi præcipitur:

D tur:

cur: Vigilate, aduersario resistite, fide solidi. Animosa Iudith huiusce repleniorem hypotyposin exprimit.

GEDEON.

Vocatur Gedeon è minima tribu, minimus ipse in paterna domo. Sic minimus eligitur David, Iacob simplex diligitur, Ioseph contemptissimus probatur, Proiectus in profluentem Moses uocatur, id est, tardior, *Id est, tardior loquens.* *Ἐραδὺ γλωσσός,* iunior Ieremias assumitur, Amos rusticus, puer Daniel, Petrus piscator, Paulus scenopæus, Matthæus telones: Adeo uerū est, quod reliquit Apostolus: Infirma mundi huius elegit Deus, ut fortia confundat. Porro Gedeon operi rustico uacans uocatur & audit, Dominus tecum uir Mauortie. Huius fidem scriptura non tacet. Ea ex alato nuncio accepta, atque hinc sibi redditus, qui antea cōfusus incertusque animi erat, extruit altare domino: Vides religionem. Destruit altare diaboli: uides zelum & libertatē, sed hominis spiritu dominico induti. Quod uerò id noctu fecit, humani metus est, cuius expers nullus diuorū uixit. *Id est, saluator.* Moschia & ipse Israëlitis est, sed id negocij totū Deo transcribit. Si, inquit, per manū meam saluabis populū. Præit autē selectis ad aciem, & dicit: In me aspiciate, sicque facite. Et mox: Sicut ipse fecero, sic facite. O regiā planē uocē. Par erat & diaconos ad eundē modum præire, id est, prælucere Ecclesię dei, & eandē usurpare uocē. Aut, si malint istam: Exemplū dedi uobis, ut quēdmodū ego feci, ita & uos faciatis. *Iohann. 13.* Quod si ad id requirant præceptū, audiant Paulum: Esto forma fidelium, in sermone, in conuersatione, &c. Verū huiusmodi frustra admonemus, nisi Ecclesia corrigatur, & à tot foeditatibus purgetur. Iam quanta homo facilitate ac humanitate sit, uel ex hoc liquet, quod Ephraïtas contra se acriter rixantes, non ferocia, sed comitate frangit. Est hoc profecto exemplū tam egregium, ut nihil supra. Imò laudat iurgantes quoque, id est, stratagemate, à suæ regionis ubertate, à diuino præsidio. Magni animi est, ita placibilem esse inferioribus. Vere potens est, qui sui potens est. Huic adde, summam hominis tapeinosphrosenen, ac singularem sui agnitionem. Non, inquit, dominabor uestri, nec filius meus, sed dominabitur uobis dominus. *Id est, hominum uorator.* Audite hoc uos anthropophagi. Audite uos hæmatodipsæ Tyranni, qui nihil didicistis, nisi uiduas facere, & prædam conuehere, sicuti Ezechiel dicit. Qui, inquam, si non dicunt, certe sentiunt: Fluuius meus est, ego feci me ipsum. Dracones, leones, pardi, ursæ, & quiduis citius immanissimum, quam homines estis, tamque minus Christiani, quam illi olim Mithridatæ. Audietis non longo post tempore: Detracta est ad inferos superbia uestra, concidit cadauer uestrum, *Id est, sanguinem sitientes.* *Isa. xliij.*

IEPHTHA.

Iudic. xi. Iephtha uir bellicosus, heroico planē titulo decoratur, & ipsē uerbis erat saluatus Gideon. Est & homo, super quem factus est spiritus Domini. Qua nulla laus absolutior. Spiritalis & religiosus idem, nec non

non militaris, hoc est, quouis laudis genere prestans. Spurius exhaeres
ditatur, cōtemnitur, enicitur. Ecce crucem. Insurgit hic frater in fratrem,
sed suo tempore reuocatus postliminio redit. Nam mites terram possi-
dent, Math. v. Post dux constituitur. Ecce gloriam post ignominiam,
Prou. xv. De stercore est erectus pauper, Psal. cxij. Iam qua prudentia,
quo consilio idem polleat, uel unica illa cum Ammonita actio arguit.
Vide enim, quā proluxa oratione, quāmq̃ probabili rem Israēliticam
aduersus hostem tueatur, modis omnibus agens, ne inique eos impete-
re uideatur. Non ego, inquit, pecco in te, &c. Ceterum quod uouet, stul-
tius ne sit, an sanctius factum, deus nouit. D. Augustinus factum minus
probat. Est cum Saulis adiuratione penē idem. Vt tuncq̃ est, adparet
uir magnanimis fuisse, nec paulò melius egisse Agamennone illo, qui &
ipse filiam immolasse legitur. Item Embarus Athen. Romani olim stu-
pri causa, proprias filias publice interimabant: at hic nihil in puella sceles-
ris. Gentibus barbaris peculiare erat, occisos sacrificare filios, sed dias-
holis. Cuius exemplum legis de Moabitico rege. iij. Reg. iij. De Schy-
tis nemo nescit. Quod si omnino errauit uir pius, saluti gentis error im-
putandus est, cuius nimirum gratia uouet. Ad ultimum hominis man-
suetudo *ἡ μακροθυμία* hinc elucet, q̃ Ephraitas tumultuatuos: quod &
Gideon fecerat: tam leni responso mitigare nitebatur. Nam uirtutis
eximiae est, summitatem affectione non frangi.

Ibidem.

Id est, longa
nimitas.

SAMSON.

Nazaræo puero diuinitus benedicatur, & cum eo spiritus domini. Iud. x.
Adolescens honorat patrem & matrem. Discerpit alter Hercules leo-
nem rugientem. Ita tibi athleta Christiane subigendus est Diabolus,
idēq̃ fidei uirtute, hoc est, diuina, non tua. Idem *φιλότιμος*, sed facti egres-
sij dissimulatio egregius. Idem ferox uiribus hostes adfligit uarijs mo-
dis. Imitandum isthuc exemplum, ni noris ueros animæ hostes. Quorū
caro improbior ac indomitor est. Cæterum prodigiosum illud robur
subministrat testaceo uasi spiritus. Iam si scortum illud (Prou. cap. vij.)
hoc est mundum hunc cōcupiscentijs suis in sinu te fouere, hoc est, blan-
diri ac placere tibi patiari, actum fuerit. Eneruat in te uim coelestē Thais
illa. Quare uitanda est, ut ille ait, improba Syren.

Id est, ambi-
tiosus.

NAEMI.

Arborem fructus produnt. Mulieris obedientia, peregrinatio cum
uiro laboriosa, nurum amor, patriæ sanctæ repetitio, pia uerba, & hus-
iusmodi à fidei non esse non possunt. Commorari in regione impia pia
potuit, & inter deos illos Moabiticos deum coeli unicum ac uerū cre-
dere atq̃ confiteri. Id quod ex uerbis eius palam est. Idem fecit Iacob
in Mesopotamia, Ioseph in Ægypto, Moses in terra Madiam, Daniel
Chaldaea, Tobias in Niniue. Naemi ad Ruth dicebat: En reuersa est co-
gnata tua ad deos suos. Deum uerò suum nostrumq̃ rectissime iam

Ibidem.

Dñ Adonai

Adonai, iam Sadai appellat, unde Ruth instituta: Deus, inquit, tuus deus meus. Non enim dñs suis tam repente ualediceret, si non antea à ludæa illa probe edocta fuisset. His adde, quæ illius fidem clariorem reddunt: Dominus humiliavit me. Item: Egressa est manus domini contra me:

Id est, amara Mara eam facit exilium, tribulatio carnis, orbitas, tenuitas. Cuiusmodi magna mortificationis pars est. Quid uis? Ea est Noemi, in quam Paulina competant: Quæ uerè uidua est, &c. j. Timot. v. Hanc igitur imitari uideatur, & huius afflictionem cum Hannæ apud Lucam religione copulate.

R V T H *Mωαβίτις.*

Ruth 1. Peregrina muliercula, oblita populi & domus patris sui, sub alas dei Israël confugiens *πρόσφυγίς* in populo dei fit, atq; adeo proua Dauidis, & ipsa in ueram oleam inferitur. RVTH paupertatem sectatur, exul esse uult et contempta, modo uiuere liceat in Israël coram domino. O diuitias summas istam paupertatem. Dilectio, qua complexa est socrum, non osculo tantum & uerbo ut Arpæ, sed re ipsa declaratur. Iam obserua, quæ sit fœminæ conuersatio, & inuenies ea nullam reuerentia, pudore, affabilitate, frugalitate, gratitudine, sui demissione fuisse superiorem. Nihil hîc, quod in iunioribus uiduis damnat Paulus. Non est ociosa, non garrula, non alienas domos circuiens, non curiosa. Seruat autem præceptum Apostolicum: Volo iuniores nubere, *τεκνογονεῖν*, &c. Atq; ita afflictæ uarijsq; iactata casibus, curante deo abundè refocillatur. Propterea sperare & benefacere discite mulieres abiectæ. Quia non est deficientia timentibus deum, Psal. xxxiii.

H A N N A.

1. Reg. 1. Ornamentum Hanna nō uulgare est mulierum omnium, inter sanctas sanctissima, ac omni uirtutum genere à deo cohonestata. Summa huius pietas non uno in loco nobis indicatur. Crux pietatis comes domestica est, & tanto ad ferendū grauior. Tentatur probrosa sterilitate. Marito subiecto atq; dilecta est, ipsa diligens ac reuerens, Ephe. v. Sub cruce uero luget, orat, effundit animam coram domino, uouet, gratias agit, exultat, laudat. Ecce digna fide uita, uita inquam sobria, & talis, ut eam ab infidelium uita facile dignoscas.

Sunt quoq; uiri boni Leuitæ Ephraïta, Boas, Elcana, & alij. Nos celebratiores in Christianæ uitæ formam, si quibus libet, producimus.

E L I.

1. Reg. 4. Sacerdos sanè optimus, & religione nota: nisi quòd pædagogian negligeret, rem tam utilem quàm honestam. Quare hæc historia de parentibus indulgentioribus narratur, qui uirgæ parcunt, ne moriatur puer, Pro. xii. xxii. Nulla lingua exitiosam horum temporum teneritatem satis enarrarit. Philosophi gentiles nostros cum hac in re, tum in alijs plurimis præcellere. Et qua cura ludæi Europæi suos educant liberos

beros, nemini obscurum est. Heu omnia Euangelio Ecclesiæ Christi Iesu indignissima hac ætate, si unquam, uidemus.

SAMUEL.

Nazir ^{ἡλὴν} λατρυγός Samuel uenerabilis placet tam deo quam hominibus. Idem propheta, qui cum dominus est & loquitur, eoque cuius ore nullum uerbum in terram cecidit. Eli uaticinium infaustum liberè confitetur, personam non acceptans. Populum ad poenitentiam reuocat, proque huius peccato orat, clamat, sacrificat, nec perdit operam. Iniquitas uiro iusto displicet, qua abundante, ad orationem dei sese totum uertit, nec id citra consolationem. Vulgo uir dei non solum, sed & uir uidens habitus est. ^{φιλόξενος} idem est, ac perque comis. Iam quis satis efferat prius hominis ingenium ac mores castiss. quippe, qui poscat etiam, ut si quid in ullum admiserit, edisserat. Tanta est innocentiae sanctae libertas. Idem fecit Moses, Idem Paulus, Num (scribit hic Corinthiis) uos ^{ἐπ' αὐτοῦ ἐλπίσας} Id est, hospitalis. Non uestra quaero, sed uos. Alibi: Argentum & aurum, aut uestem nullius concupiui. Cæterum aliquid est, populum tale testari, j. Tim. iij. Habes præterea solliciti pastoris in Samuele exemplar, cuiusmodi in Mo se quoque & in Iosua & Paulo. De hoc Actu. xx. Tu quoque ora & doce uiam bonam rectamque, & præi cum Gedeone dicens: Quod me uidetis facere, hoc facite. Nec prætereundum, qua linguæ libertate Regem impetat, iam stultè eum, iam fecisse impiè. Simili ^{παρρησία} Achabum Helias, Ieremias Sallum, Sedechiam Ezechiel, Baltazarem Daniel, & Herodem Baptista reprehendit. Nostris uero præconibus in publico modo taxasse, satis est. Rogatus honorat Saulem propter alios, quem & luget abiectum, interemptum plangit Dauid. Verum afflictio sancto homini adeoque mortis metus incumbit, ne quid in eius religione desyderes. ^{Id est, incerpandi fiducia}

IONATHAN.

Vir tam pius quam fortis Ionathan, fidem animi ore manuque declarat, quando diceret: Non est difficile domino, uel in multis uel in paucis saluare. Quod & Assa rex dixisse legitur. Patrem impium seueriuscule notat, post periclitatur obtruncandus de re leui: sed crudeli Manlio aduersatum est, ne scire in filium liceret. Qua in tentatione mititas hominis plane ouina claret. Porro similitudo morum conglutinat hunc cum Dauide uictore, adeo, ut eum quasi animam suam diligeret. Id quod beneficentia ac liberalitate quamprimum ostendit. Nam opere diligendus frater est, non lingua. Nec non excusat Dauidis inuocentiam apud regem, sublato in se fraterno onere, & mirifice eum solatur iam desperatis rebus, & serio excogitat, quamam arte ærum nosum seruet. Contristatur, cursitat, illachrymans osculatur, &c. Quo certè exemplum uiuidius uix inuenias. Breuiter, tale Dauidi præstat officium Ionathas, quale sibi à Dauide præstari uelit. A' Dauide contra

D iij non

2.Reg.1 non secus diligabatur Ionathas, quàm diligit unicum filium mater, sicuti in planctu ipse fatetur. Apagelis nunc omnes Pylades istos & Orestes, & nescio quos Theseos ac Perithoos, amantes potius quàm amantes.

DAVID.

1.Reg.16
Act.13

Id est, puer.

1.Reg.12.

Nam 1.

1.Reg.20

Ibidem.

Act. 24.

1.Pet.4

1.Reg.24.
et 26.

Id est, innocens.

Id est, equus.

2.Reg.1

Vir Mauortius, prudens sermone, psalter, formæ insignis: Hoc est, uir secundum cor dei. His enim uerbis in eius laude utitur scriptura. Vocationi puer accurate inseruit, & ruri, hoc est, in honesto labore reperitur. Sic ex agro arator Helisæus, sic à caula Moses, ab armentis Amos in negotium dei accersitur. Regno inauguratus gygantem prosternit, hoc est, spiritu donatus diabolum uincit Christianus *ὑπέρ*, qui ni reddare, nullus eris. Vincit uero inermis, hoc est exutus natura, sed interim incessitur à fratre, & exhibetur ab hoste. Habes simulacrum filij regni. In negocijs regijs prudenter sese gerit, omnibus dilectus, & quanto superior, tanto submissior in oculis omnium uisus: Quis ego, inquit, ut fiam gener regis? Cæterum qui in domino pacem habet, in mundo pressuram non habere nō potest. Eapropter copiose descripta est crux Dauidis, figura crucis Christi & Christianorum: sed non cadit capillus de capite eius sine patre. Lancea, insidiæ, machinationes, minæ, inquisitiones, obsidiones, uanæ sunt. Fuga uero infelix sæpius sibi cōsultat, quod & Elias facit, ut de Apostolis, adeoq; de secessu domini taceam. Bonus dominus confortat eum in die tribulationis, sciens sperantem in se. Cuius tribulationis occasione, tot cecinit Psalmos. Audi mortis umbram: Vno, inquit, gradu ego & mors diuidimur. Audi contra quid commiserit: Quid feci? Quæ est iniquitas mea, & quod peccatum meum in regem? Et mox: Si est iniquitas in me, tu me Ionatha interfice. Plurimum enim refert sons ne an insons patiari. Paulus in iudicio clamat: Si non cui, aut aliquid dignum morte feci, non recuso mori. Sic de domino Pilatus: Quid mali fecit? Et iterum: Ego nullam inuenio in eo causam. Locum Petri nemo nescit. Obserua uero indies auctam tyranni in innoxium sæuitiam. Bone deus, quæ ista barbaries? Imò miremur potius exulis animum ferendis omnibus malis parem. Nec illud prætermitte, quod tanto hosti bis parcit, & illæsum seruat, à quo ipse tot malis erat afflictus. Eo pacto dein Absolonem & Semei fert, super quorum capita carbones ignitæ dilectionis coaceruat. Idem fecit Christus rex, idem Stephanus, idem cæterorum martyrum turba. Vincenda natura est contra naturam. Nam credenti nihil non possibile. Exul uero & peregrinator nondum esse desiuit, tametsi planè *ἀνακτος* ac iustus, uel hostis sententia, & meretur bonum testimonium eius probitas ab Achis extraneo: Æquus, ait ille, tu & bonus, nec quicquam mali in te comperi. Nec *τὸ ἐπίτιμος* uiri laudatissimi taceri potest, cuius æquitas ac liberalitas statutum etiam induxit. Interemptum hostem miserabiliter plangit: non nescius, impunitum non fore, qui in alterius ruina lætaretur, Pro.

Prouerb. xvij. Notum est ex prophetis, Amon, Moab, Edom & alias nationes eo grauius punitas, quod lætarentur in Israël interitu. A morte Saulis : quod, & uiuo illo fecerat : nihil inconsulto domino facit. Neque enim faciendum, quod nobis rectum uidetur, ut habet lex. *Deuter. 12.* Ad hoc sæpe perierunt, qui ore domini non interrogato, aliquid moliti sunt. Afflictio hominis, uolente id deo, non cessat, sed durat usque ad eam, qua à Seba afflictus est. Primi fratres iustam animam malis afficiebant, post exagitauit Saul, deinde Saulis semē, quarto loco Absalom, postremo Seba. Atque ita tanquam aurum in fornace probauit illum deus, & inuenit illum se dignum. *Sapient. 3.* Dicit uero nequit, quod infensus omni iustitiæ & iniquitati fuerit, homo neque iniustus ipse neque iniquus. Pietatem summam subinde manifestius declarat, quando præter alia, adeo sudat pro arca reparanda, pro templo ædificando, pro cultu dei ordinando in laudem gloriæ eius, ut subsilit, ut totis uiribus tripudiat, corpore uidelicet præ se ferens, quod erat in animo. In gestis enim illis prorumpit pia affectio: id quod multis exemplis uel aliunde indicare possem, ni breuitati studerem. Ridentur autem à mundo illi gestus. Vnde Dauid hominibus, nulla fronte, comparatur. Porro solenne fuit, choris celebrari festos dies, idque pertinuit ad cultum dei, sicut patet Exod. xxxij. Iudic. xxj. Psalm. ultimo, & hoc loco. Deinde mulierum potius istæ erant choreæ quam uirorum. *1. Reg. 18.* Cæterum subinde uincit, quia dominus cum eo. Facit misericordiam seminum Saulis hostico: refert gratiam Hanon bene de se merito, & per omnia talis est, ut culpari iure non possit. Iam ne se stans extollat, cadit: sed rursus subleuatus surgit. Peccato ablato, perturbationibus filioli gestuat, ne nescires non modo hominem esse Dauidem, sed & humanum nihil esse ab eo alienum. Id quod & in recensione populi claret. Insuper quam uigil iudex, & rex *φιλάνθρωπος* sit, uel Thecoita illa docet. Nouit seruauitque legem. Deut. vij. Iustitiam iustitia prosequere. Filio fratricidæ durus est, at reuocatum osculatur, à quo mox regno expellitur. Atque hic uide piæ principis felicitatem, Polycrateam scilicet. Supra toties moerens uestes sciderat, cibum orans non ceperat, in terra iacuerat: hic cooperto capite ac flens fugit in syluas. Sed in media tentationum unda, sollicitus est pro arca, sese deo tradit, orat, conuitia suffert, conuiciantem seruat, bene adhuc sperat. Consultatur quidem de eo perdendo, sed à deo non *2. Reg. 16.* deseritur, nec quod ad comneatum attinet, &c. Talis calamitas filio dei patris erga se amorem ardentissimum testatur. Nec tale seruo contingit, nec *υἱός*. Quin tragoediæ huius finem specta, & reficere. Difficiles aditus regnum cœli habet. In fine illud appendendum: Nimirum nihil laudabilius, nihil magno et præclaro uiro dignius Dauidem fecisse, quam quod tanta sollicitudine sacra curauit, primusque post Moysen instituit. Qua de re sola ferè prior Paralipom. Res diuinæ curæ quoque Ezechiae, Iosue, Iosaphat regibus fuere, tametsi alioqui prophanis. Nostra uero capita

capita dedecori sibi tam minuta, hoc est sacerdotalia ducunt.

DAVIDIS VITA EX OGDOADE SVA.

psalm. 138.

Seruus dei David, fide, spe atq; timore plenus, pacem multam habet. **S**amator Legis. Expectat salutem, quam desyderat, in quam sperat. Discit iudicia iustitiæ dei. Confitetur deo recto corde. Adolescens purificat uiam suam. Exquirat Dominum. In corde suo abscondit eloquia dei. Enunciat iudicia dei. Vnice delectatur in testimonijs dei super omnes diuitias. Charior illi lex oris dominici super milia auri & argenti. Item super aurum & topazion. Eidem eadem dulcis super mel, & unicum cordis illius gaudium est. In mandatis dei exercetur, siue meditatur tota die. In statutis dei delitatur. Non obliuiscitur uerba dei. Orat peregrinus & attrita anima præ desyderio. Patitur principum oblocutiones, iacet pressus. Vias suas confitendo enarrat, recogitatq;. Agonizat præ maximo dolore blasphemiae gratia. Viam fidei ueritatisq; eligit. Iudicia dei sibi proponit. Adhæret testimonijs dei. Viam mandatorum dei currit. Orat iterum atq; iterum pro intellectu, pro doctrina, pro ductu in uia dei, pro corde ad pia proclui & integro, pro uita interioris hominis. Concupiscit, diligit, & ualde diligit mandata Dei. Respondet opprobrantibus. Sperat in uerbis dei, & multum sperat. Semper custodit legem dei, quam & exquirat, sed toto corde. Loquitur ueritatem coram regibus. Cōsolatur eum in afflictione uerbū dei, adeoq; uiuificat. Ridetur à superbis, spoliatur ab impiorum funibus. A' superbis rursus mendacium suffert, iñdem iniqui agunt contra iustum, fodunt illi foueas. Tendunt illi laqueum. Mendacis persequuntur, & calumniantur eum persecutores sceleris. Et multi persecutores tribulatoresq; eius, iñq; non solum plebei, sed & principes, & affligunt gratis, unde fit sicut uter in fumo. Memor est iudiciorum dei. Horret & tristatur propter impios & peccatores. Canit de statutis dei, noctu Deum meditatur. Festinat, non differt recte facere. Media nocte surgit ad confitendum & laudandum. Socius est timentium Deum, qui illo uiso lætantur. Credit dei præceptis. Errarat sicut ouis ante afflictionē, & testatur, qd sibi conducatur afflictio: & perisset in afflictione, ni in lege dei suas haberet delitias. Deficit homo præ nimia salutis concupiscentia. Doctis doctior, senibus prudentior, adolescentulus licet & cōtemptus. A' semita mala prohibet pedes suos. Non declinat. Odit omnē uiam mendacij: odit præfractos: odit mendaciū, & abominatur. Lucerna eius uerbum dei. Iurat sese perseueraturum. Suapte sponte laudat deum. Inclinat cor suum ad facienda statuta dei. Horripilat præ pauore iudiciorū dei caro eius, & à uerbis de expauet cor eius. Facit iudicium & iustitiam. Ingemiscit ac desyderat præcepta dei. Orat pro liberatione, pro iudicāda causa, pro auxilio, pro sustentaculo, pro bonitate, pro miseratione, pro illuminatione, pro gressuum suorum directione. Præter modum illachrymatur propter

propter peccatores. Tabescit siue perit zelo suo: uidet preuaricantes, & tabescit. Clamat & inuocat deum in crepusculo. Euigilat in intempesta nocte ad orationem, laudem, gratiarum actionem.

NATHAN.

Propheta domini, reprehensor Dauidis, & idem consolator egregius. Qui ad quemuis uerè pium dicit: Omne quod in corde tuo est, ^{2. Reg. 7.} uade & fac, quia dominus tecum. Sed quid, si labatur aliquando pius, & ex animo eum poeniteat? Audi ab eodē propheta: Dominus transiit ^{2. Reg. 12.} per peccatum tuum, non morieris. Quæ duo dicta totius libri loco tibi sint, quem scripsisse legitur.

GAD.

Propheta domini, & Dauidis uidens, quem cum fiducia adit, uerbum domini durum adnunciaturus. Simus & nos Gaditæ, super tecta prædicantes non solum, uerumetiam in aurem cuius seorsum, nempe illud: Aut hic mortificare, ut illic uiuas: aut hic uiue, (quod eheu facimus) ut illic mortificare.

SOLOMON.

Dilectus Domini uir, quietissimus ac permagnificus, sapientior ac gloriosior uniuersis, quotquot unquam uixere. Huius petitionem peculiarem tuamque facito, ut petas cor obediens, siue iuxta Chronicon, sapientiam, & scientiam, sed spiritalem, Coloss. j. Nam dominus qui illi dixit: Postula, ut dem tibi: idem dicit: Pate, & dabitur tibi. Victus uestitusque ultro his adijcietur, Matth. vj. Iubetur Salomon, in simplicitate cordis & æquitate uiuere. Id quod indubie præstitit, donec redderetur mulierosior, ^{3. Reg. 3.} πολιτεία eo rege floret. Mirum, quod sapienter incorrupteque iudicet, quod prudenter satrapas constituat, quam solícite rerum omnium cognitionem sibi paret, quod diligenter ædificet. Planè hæc dei ordinatio est, non hominis. Vnde est, quod quidam Canticum canticorum de politia ceu amica, & de ipso rege amico exponant. Vt cunque est, binas certe extruxit domos: suam, hoc est, politicam, & dei, hoc est, ecclesiasticam. Cuiusmodi sibi Christianus princeps, si qui sunt, dictum putet. Qui si nolit Christiano appellari nomine, curet modo πολιτικά. Ad ultimum, ^{Id est, res ciuiles.} laudem iuxta ac æmulationem meretur regis huius eruditio, qui si naturæ historiam scribere uoluisset, Plinium, & qui ante hunc scripserant, longe superasset. A nostris rectoribus exigit cū Plato, tum imminens rerum tempestas, ut docti sint. Sed o nihil hic neque doctrinæ, neque prudentiæ.

ASSA.

Rex pius, cuius cor perfectum cum domino est, unde rectum facit ^{3. Reg. 15.} in conspectu domini, sicut Dauid. Memorabile est, quod idololatriam id temporis feruentem subuerterit. Memorabilius, quod pugnaturus tanta in deum fiducia dicit: Dominus deus noster tu es, non præualet contra te ^{2. Para. 14.} E homo

homo. Vir uirtute admirandus, & regibus non aspernandum exemplar. Sed eundem peccasse podagricum, non reticent sacræ literæ, morbo ualido, tentatione ualidiore eo nimirum adactus. In administranda quoque republica præstat, ædificator urbium, turrium, uallorum.

AHIA SILONITES.

3.Reg.14. Propheta Domini Ahia, uerbo recte uaticinatur. Quod fecere præter alios Ieremias & Ezechiel. Durus idem nuncius aduersus Ieroboam nostros. Huius libri periëre.

IEDDI.

Propheta Domini, unus ex uidentibus. Contra impietatem Ieroboam uisionem scripsit, sed & ipsa desyderatur. Arguendi libertate usque ad plagas usi isti homines sunt, quod uel in illo adparet, in cuius ultionem regia manus exaruit.

SEMAIA.

3.Reg.13. Propheta domini, homo acer in malos principes inuehitur: Vos, inquiens, deseruistis me, & ego deserui uos, dicit dominus. Verum idem lenior poenitentes alloquitur: Quia humiliati estis, non disperdam uos. Sic humiliatus Achab clementiam meruit, & ipsi etiam Niniuitæ. Ea est dei nostri bonitas. Quos ad posteritatem transmisit libros, non extant.

IEHV.

3.Reg.16. Propheta Domini, contra perditos principes missus, ut illis ostendat peccata sua pariter & peccatorum stipendium, hoc est, mortem. Quid rides satrapa? de te res ea narratur.

HELIA.

3.Reg.1. Propheta domini magnus, spiritu uirtutisque plenus, qui plus prophetis omnibus laborat. Vestis eius ex pilis, & zona pellicea circum lumbos eius, sicut Baptistæ. Hic in tempore famis miraculose saturatur, ne Christiane desperes. Simili modo cibatur Man Hebræa gens, & è petra potatur, Samsoni asini mandibula aquam præbet, hydria farinulæ non exhauritur. Turba in Eremito de modico satiatur. Mulieris uasa uacua replentur, fossa arida alueum aquæ concipit. Populus apud Helisæum comedit, & superest. Danieli mittitur, angelo duce, prandiolum, discipuli in naui, oblitis panibus, aluntur: Quia in uerbo dei uiuere credens potest, non in pane solo. Hic, inquā, fame tentatus, sed non uictus, quippe fide uiua fultus. Hic sese irato tyrāno offert, dei negocium tuetur, mendacium ueritate retundit. Hic deo fidens, audet in certamen uocare totam pseudoprophetarum colluuiem, & uincit. Ea in re deprehendis prophetæ zelum, scientiam, libertatem, fiduciam, orationem, dicacitatem: sed sobriam, & nihil non, quod talem uirum deceat. Verum huiusmodi, ita ut solet, comitatur crux & exilium, quo usque adeo perturbatur, ut mori, quam uiuere maluit, sicuti post Ionas. Vide qua molestia homo sanctus montana pereretur, quam frugaliter uiuat, quam pie zelet, ac in spiritu turbetur, quamque incontinenter

contanter uocanti obediat, & uitam in discrimen ponat. Nam per tribulationes multas itur in regnum coelorum. Porro officio satisfaciens, libertatem ubiq; suam seruat in, corripiendo praesertim rege homicida simul & raptore. Opera tenebrarum, dicit Apostolus, arguite. Fructus uero correptionem aliquis insequitur, nempe poenitentia qualiscunq;.

Ad eum modum scribit literas obiurgatrices Ioram pessimo rege. Et coram acriter reprehendit Ahasiam idololatram, dicens: Nunquid non est deus in Israël, ut mittas ad consulendum Belzebug? Iam cursu bene peracto, homo sanctissimus in coelum sustollitur, prophetis alijs id futurum non nescientibus: & relinquit Eliseo suo, operante deo, spiritum suum, zelum, & loquendi licentiam. Ipso facto declarans, quo peruenire serui dei soleant.

MICHEA.

Propheta Domini, uir contemptus, inuisa impietati praedicens, odio habitus, sed syncerus ac uerax. Cui opponit Zedechiam prophetam regis, uirum spectabilem, grata praedicentem, in precio habitum, sed plane mendacem. Talis cum Ieremia collatus Anania, Pashur, Semeia, Achab. Talis Amazia, si eum cum Amos compares. Tales cum Paulo collati Pseudapostoli *ἀνδρες πωδὲ ὄλοι*. Ne quid de purpuratis huius aui Euangelistis dicam. Audax admodum Micha, qui a cccc. prophetis non solum dissensit, uerum etiam affirmat, eos falso spiritu captos: pro qua libertate alapam recipit, sicut & Christus & Paulus. At uero audacior, qui regem iritat, & malum illi, quod uolebat, uaticinatur: pro qua ueritate compedes praemium accipit, sicut & Ieremias. Homo in aliorum prophetarum sententiam flecti non potest: nihil adulatur, non ambit mollem uestem, non fauores aulicos. Tam uero uellem omnes nos de doctrina esse certos, quam ille de prophetia occidendi regis.

AZARIA.

Propheta domini, bono regi consolator atq; consolidator missus: Dominus, ait, uobiscum, siquidem uos cum eo. Vox pergrata. Nostri homines cum contra dominum toti & loquantur & operentur, sibi tamen ipsis persuasissimum habent, non esse alios se feliciores: Nunquid, inquit, non dominus in medio nostri est? Item: Non ueniet super nos malum, Jerem. y. Quin uos Azariam auditis: Si dominum reliqueritis, relinquet uos. Quod post dixit & Zacharia, Ioa rege. Audite Ieremiam, qui confiditis in uerbis mendacij: Quid dilecto meo cum domo mea? facit enim multa scelera.

HANANI.

Propheta Domini, reprehensor regis ob initum cum Syro foedus, & qd Deo parum fideret: Stulte egisti, inquit, &c. Sed non impune. Nam prius etiam principibus inimica esse aliquando asperior ueritas solet.

E n̄ Iehasiel

IEHASIEL.

- 2.Paral.20 Propheta & Leuita Domini, regem religiosum & populum Dei in periculo roborat: Nolite, dicens, timere nec formidare hanc multitudinem: non enim uestra pugna est, sed Dei. Vos confidenter state, & uidebitis auxiliū domini super uos. Atq; isthuc credens rex populusq; uincit. Huiusmodi certe uti non nesciet Christi discipulus.
- ibidem.

ZAREPTHANA VIDVA.

- 2.Reg.17. Gentilis quidem hæc, sed fidelis, & uix tanta fides in Israël reperiri potuisset, ubi licet quotidie in synagogis sacræ literæ leguntur. Eadem paupercula, afflicta, lugens, sed cuius est regnum cœlorum, sed cuius tristitia uertitur in gaudium. Cæterum ne diffidas de huius fide, audi confessionem: Nunc cognoui, &c. Vide & opus, Abijt, & fecit secundum uerbum Eliæ, Hoc est, esurientem paut. Postremo & peccata sua sentit ac palam de his queritur: Vt, inquit, rememorarentur iniquitates meæ. Sanctorum, quorū nomina sunt scripta in cœlis, multus numerus est, præter centū prophetas domini occultatos, & lxxxv. sacerdotes, quos occidit Saul, & quinquaginta uiros de filijs prophetarum. Deniq; præter 7000. uiros, qui non incuruauerunt Baali genua. Omnes illi operati sunt iustitiam, destituti, pressi, afflicti, quibus indignus erat mūdus.
- Mat.5.
Ioan.16
- 3.Reg.17
- ibidem.

ABDIA.

- Id est, dispensator, gubernator.
3.Reg.18
- οικονόμος regis Abdia, dominum deum non timet modo, sed & ualde timet, idq; ab infantia sua. Eum autem timorem amoris opus, hoc est, beneficentia ostendit. Nam ostendit nō sine periculo fratres prophetas. Atq; adeo facit sibi amicos de bonis domini sui, si quisquā alius. Opiam fraudem. Attamen humanum quiddam passus, dum ueluti Nicodemus rem dissimulat.

IOSAPHAT.

- 2.Paral.17 Rex, qui cum dominus est. Quia ambulat in uis prioribus Dauid, & facit quod rectum est coram deo, seruans præcepta dei, uitās Baalim, et Israelis opera: Quin animi excelsi uir, deos propellit alienos, & deum uerum ac unum prædicari per regionem mandat, mittens prophetas, sacerdotes, & leuitas, qui populum legem domini doceant. Peccans, hoc est, impijs adhærens, a propheta lehu reprehenditur, & post a propheta Eliezer, sicut a Nathan Dauid, ab Hanani Assa rex, ab Isaia Ezechias, pñ omnes, sed tamen homines. Contrā uerò consydera, quā religiose rex sacra uindictæ, ac in suum quæq; locum reuocet. Vide quā sollicitè constitutis synagogæ diaconis præcipiat super lege, mandato, ceremonijs, iustitijs, iudicio: Ne peccetur, inquit, in dominum. Item: Sic agetis in timore domini, in fide, & corde perfecto. Sed de sacris hætenus. Num idem ciuilia iustè tractat? Maximè, uide enim quā seuerè constitutis Reipub. iudicibus mandet: Videte, dicens, quid faciatis. Item: Sit timor
- 2.Paral.19
- ibidem.

timor domini uobiscum. Cauete & facite. Non est apud dominū deum nostrum iniquitas, nec personarum respectus, nec acceptio munerum. Quid, quæso, in principe desyderes? Non hīc legis comestationes sumptuosas, non expilationes, non uenationes, non choreas, non luctas theatricas. Heu laboratur uehementissimè. Male ecclesiæ status habet, peius Reipublicæ. Muti sunt prædicatores, surdi principes. Cæterum si qui boni procures sunt, legant, adq̃ se pertinere putent, quod scribitur & Deut. xvij. & Exod. xviij. Vix tamen, uel hoc facto, Christianos dixeris. Præterea rex pius in angustia sese totum ad dominū confert, orans, fidens, & proclamans ieiunium. Quod exemplum secutus Ezechias, & uterq̃ saluatus est. Huc oculos animosq̃ principes flectite; Sin minus, exite Ecclesia. 2. Paral. 20
2. Paral. 32

HELISÆVS, Hebræi Elīsa.

Relictis bobus, adeoq̃ patre & matre, ex aratore famulus Eliam sequitur, quem patris nomine dignatur, & longè fidelius illi per omnia adhæret, atq̃ Paulo Iohan. Marcus, uir excellens futurus. Quare patre illo decessuro filius ac minister rem longè omniū preciosissimā impetrat: Fiat quæso, inquiens, os meum duplex per spiritum tuum super me: hoc est, fiat, ut dato mihi tuo spiritu, duplo liberius & potentius aduersum malos agam, atq̃ tu egisti. Quæ petitio totum semel hominem nobis depinxit. Videbat opus eo fore, ad oppugnandam impietatis arcē, Elīa sublato. Homo dei uitam omnem eo destinarat, ut dei unius gloriam tueretur, uel sui corpusculi dispendio. Vtriusq̃ miracula imitari, in nobis situm non est, qui singularem sanctorum hominum pietatem exosculamur. Tantus hic est, ut mortuus ædat miracula, non uiuus tantum. Obserua, nihil cōmertij HELISÆVM cum rege impio habere uelle, adeo ut ne intueri quidem eum dignetur, ne cōmunicaret operibus eius malis, quemadmodum Iohannes ait. Sed propter bonum Iosaphat causæ adest. Certè enim uitandi p̃ns sunt, tum relapsi à ueritate dei, tum flagitiosi frustra moniti fratres, Mat. xviij. j. Cor. xv. ij. Thess. iij. Viduam afflictam beneficio non uulgari subleuat, quando eam & ditat, & ditatæ consulit. Ecce charitatem. Mox Sunamiti, à qua ipse beneficio affectus fuerat, gestit etiam remetiri beneficiū: nec quiescit, donec pensarit, atq̃ hoc duplo. Ecce gratitudinem. Similem huic gratiam Loto Angeli hospites retulerant. Similem item exploratores mulieri Rahab. Tantum meretur uel in hoc sæculo hospitalitas liberalitasq̃. Porro multiplicat charitatis officia, quādo tam benignè famelicos exatit, leprosum operante deo curat, munera non accipit, securim amissam pauperi restituit, &c. Per quæ illustrat pariter diuini nominis gloriam, & auget discipulorum cœtum. Adde his, quod regem Israhel inimicum licet consilijs iuuat, quod captos Syros, hostes nimirum, non percuti, sed pasci iubet. Audi maiora; Obsidionem ciuitatis, in qua erat, et è qua petebatur, 4. Reg. 2
1. Reg. 19
Ibidem.
4. Reg. 13
2. Ioan.
4. Reg. 4
Ibidem.
Gen. 19
Ios. 2
4. Reg. 4
4. Reg. 6

E iij nihil

4. Reg. 6 nihil curat, ministrum desperantem erigit: Noli timere, inquiens, plures nobiscum sunt, quàm cum illis. Orat deniq; & quod orat impetrat. Ecce igitur uiri fidem in tentationibus robustam, adamantinam, inuictam.

Ibidem. Quæ putas confidentia, quæ salutis certitudo est, dum spiculatorem aduenturum sentit, nec fugit? Quæ longanimitas, dum regis minas non solum perfert, uerum etiam querulorum murmuratorumq; & blasphemorum sacrilegas uoces audit, mussitat, deuorat? Quibus tamen post tridie, quantumuis ingratis ac malis, calamitatem mutatum iri pollicetur. Papè, ut eadem est Dei patris & filiorum germanorum natura? ut eadem uoluntas? Atque eam rem regenerationi debemus. Insuper & prophanis gentibus rogatus, affabilem sese exhibet propheta, sed in ipso statim sermone sistit componitque uultum, hoc est, fixum tenet, dum erubesceret & fleret. Qui gestus, affectus uiri diuinos nobis repræsentat, & plus indicat, quàm nos aut scrutari possumus, aut etiam debemus. Forte pectus amore ac commiseratione ciuium liquescit, sicut & domini Iesu apud Lucam & Iohannem, turbatur spiritu ad lachrymas usq;. Tandem ægrotans obdormit uir dei. Ægrotant enim & sancti, sed nō sine fructu, ut Ezechias rex, Daniel, Timotheus, Epaphroditus, &c. Mirum uero est, Helisæum sicca morte extinctum, cuius sanguini tot insidiabantur. Sed hæc est ala protegentis dei Israël.

IEHV.

4. Reg. 9 Ad regni administrationem, ut plerique alij, uocatus Iehu, ultor innoxij sanguinis seruorum dei, deletor Boalitarum, uir fortis ac uehementissimi spiritus zelique: Veni, dicit ad Ionadab, & uide zelum meum pro domino. Sed nihil in impios molitur, nisi iussus. Vafricie pia, aut si mauis, mendacio pro necessitate utitur. Quemadmodum & Dauid in Nobe & apud Achis. Tale quippiam fecere Pharaoni obstetrices Ægyptiæ timentes deum. Sic ferme Herodi à Magis illudum. Ceterum quantumuis Boalim infestus Iehu, uitulos tamen aureos & ipse adhuc colit. Quo in scelere si immortalus est, ex hoc catalogo eum radendum existimemus.

PROPHETA inunctor Iehu regis.

PROPHETA inunctor Iehu regis.
 Ἀνώνυμος ille nobis traditur, unus uidelicet ē filijs prophetarū, quos
 Helisæo cœnobitas & ueluti discipulos cohabitasse legis, adeoque om-
 niū afflictionū magistri sui socios. Id qđ uel hinc enitet, qđ hunc Misga
 amentiū more se habentem, aulici appellant, peculiari nimirū uerorum
 prophetarum cognomine, ut uides Ierem. xxix. Apud Oseam duos ha-
 bent titulos æque scilicet honorificos: Nempe hunc, & *Ischbaruab*, quod
 Græci πνευματοφόρον dicunt, hoc est, qui spiritu feratur, nos dementem.

IOAS.

4-Reg.12. Rex loas fecit rectum coram domino cunctis diebus, quibus eum docuit

docuit Ioiada sacerdos. Excelsa tamen non abstulere, ipse uidelicet & sacerdos, ne de solo rege intelligas, sicut supra legebas de Assa. Neque uero ipse aut Ioiada in excelsis sacrificasse dicitur, sed uulgus. Attamen in hoc uterque peccauit, quod se uiuis nephas tantum committeretur. Prohibuisse quidem credendi sunt, sed manu regis ad hoc non uerbo duntaxat sacerdotis opus fuit. Verum nos, quatenus Ioas tale fecit, in diuos eum non referimus, maxime, cum et prophetam post occiderit. Quo nullum maius flagitium a rege isto admitti poterat. Peccatum in sanctos cadere potest, impietas ac uaticidium non possunt. Illud uero in Ioas miramur, illud laudamus, quod ita sese doceri pontificem opt. sinit, quod in reficiendo templo tanto impendio tantoque studio defudat. Iniquitates ipsi abunde habemus, propterea in alijs non quaerimus.

ZACHARIA.

Propheta spiritu dei indurus, ruit in mediam idololatrarum turbam & inquit: Cur transgredimini praecepta dei, quod uobis male cedit? Sed inique ferentes ueritatem, correptorem iuxta ac confessorem prophetam lapidibus obruunt, qui animam simul & hanc uocem efflat: Videat dominus & requirat. In templo hoc factum, loco scilicet apto. In templo quoque iugulatus est Thomas apud Cantauriam. Nos Ecclesiastae nondum ad sanguinem restitimus idolo auaritiae. Caetera taceo. Plagas, stigmata, lapides, lachrymas, Paulinam nuditatem, hac aetate nondum uidi.

EZECHIA.

Regum omnium specimen egregium Ezechias. In domino Deo Israel sperat, & facit rectum, adhæret domino, nec discedit, seruat legem, in omnibus prudenter agit, adeo, ut nullus eum, post Dauidem, spiritu, fide, probitate æquet, nec æquarit. Illud multo præclarissimum, quod tanto studio templum execrabili sordium colluue uacuefactum cupit. Nec cessat, dum dei cœli sacra uindictet: Mundate, ait sacerdotibus, domum Domini. Ad hæc scribit literas ad tribus, rogans, præcipiens, suadens artificiosule, ut ad deum, dijs relictis, redeant. Sed risum ac uituperium promeretur inde pietas. At ipse bene operando non defatigatur, donat in rem diuinam plurima, laudat, orat, gratias agit. Super hoc tam exitio negotio in Paralipo, multa. Is uero cum sit, et talia operetur, pressuram in mundo habet, necesse est. Ideo imponit Assyrium super caput eius Dominus, hoc est, affligit ut tentet, usque cordis secreta patefiant, Deut. viij. & Iudic. ij. & iij. Vide autem, qui sese in tempore tentationis gerat, non offenditur, non recedit temporarius, confitetur uero palam: Peccaui, inquit. Et misso auro pacem quaerit, tam se quam templum defraudans. Vetat responderi impio oratori Rabfacæ. Cur enim Christus Herodi frustra respondeat: Iam negata pace scindit uestes, & indutus sacco templum ingreditur. Præterea mittit ad prophetam, literis ab hoste acceptis,

ceptis, expandit se coram Domino, fiducialiter orat: Salua nos, dicens, de manu eorum, ut cognoscant omnia regna terræ, quia tu es dominus Deus solus. Et feliciter exauditur. Exemplū hoc orbis rectoribus propositum, cuiusmodi & supra in Iosaphat admonuimus. Abiam & Assa reges non satis alioqui probati, fide tamen & oratione magis quā armis usi, hostes fudere: nostri uero quia confidunt in munitionibus & thesauris suis, capientur. Et quia in arcu sperant, in equo & in gladio, occumbent. Cuius rei periculum fecerat in monomachia Dauid Psaltes. Cæterum, quemadmodū ab homine impetitus ad orationē ascendit sibi diffidens: sic a Deo uisitatus, ad deū it orans, lachrymansque. Qui enim labi poterat, qui uocationē suam tam firmam fecerat: Nimirū pie, iustē, & sobrie uiuens. Id quod non iactat, sicuti Phariseus. Sed tamen in tentationis æstu sit, ut sanctissimi quique integritatem suam uel inuiti, parcius licet, attestentur. Cuiusmodi in Dauide notissima: Si est, dicit ille, iniquitas in palmis meis. Item: Custodiui uias eius, nihil impie gessi a deo meo. Et rursus: In innocentia mea ingressus sum. Et alibi: Mandata tua custodiui. Sic Caleb: Plene secutus sum dominum Deum meum. Sic Iob: Vt sciat Deus integritatem meam. Huc pertinet, quod Israëlita dicere docetur: Obediui, &c. & feci omnia, sicut præcepisti mihi. Sic Ieremias de uerbis: Quod egressum est de labijs meis, rectū est coram te. Atque hinc de bona puraque conscientia toties gloriatur Paulus, quam habere uulgi istud pseudeuangelicum non potest, quippe fide hypocritica, & rectioris uitæ negligens. Attamen & tam multæ probitatis uiri peccatum in Paralip. tectum non relinquitur. Sed operæ precium est, illud quoque dicere, Ezechiam uidelicet reualuisse curatum. Sed textus habet: Ecce ego, dicit Dominus, medicus tuus. In hoc rex confisus, pristinae sanitati restituitur. Neque tamen minus patitur medicum hominē Isaiam, qui ulcus cataplasmate siue malagmate depellit. In hoc, id est, medico homine confisus rex Assa perit. Valitudinariū medicū consule, deo fide. Creauit enim illum Dominus. Et Paulus medicī uice nonnulla γυναικί filio scribit.

Iere. 4. 8.
Psal. 43. 42.
146.
Id est, singu-
lari certami-
ne.

2. Petr. 1.
Titum. 2.

Psal. 7. 16.
Psal. 25. 118.

2. Para. 32.

Id est, ger-
manus.

IOSIAS.

Longe laudatiss. Iudaicæ gentis dux. Qui quod bonum est coram domino facit. Nec declinat uel ad dextram uel ad sinistram. Qui puer etiamnum patris sui deum quærere incipit. Qui Ioam quoque secutus, templi sartatecta restaurari mandat. Hoc rege in lucem subito proferretur *δευτερονόμιον*. Quo rex comperto mire obstupescit, & tremens, quid facto opus sit, dominum consuli iubet, dolens insuper maiores tantum librum in precio non habuisse, unde iram dei exardescens intelligit. Adeoque Hulda dicit, emollitum cor eius humi prouolutum, illachrymatum. Et quis non miretur hominis tam ualde pī pietatem, affectus, gestus? Quis non adoret in eo spiritum? Heu nostram disparitatem, qui saxo

4. Reg. 22.
2. Para. 34.

Ibidem.

saxo quouis duriores, neq; sacris permollimur, neq; fratrum necessitate tangimur. Ultimo loco uide, quàm graui concilio erubescendam idololatriæ sentinam submouere decernat, & quàm serio quàmq; intrepide alter Hercules Augiæ stabulum repurget, atq; omnia in suum statum redigat, Ezechia hac in re non paulo superior. Vindex Theolatriæ syncerus hodie nullus est. Papismi uero propulsores complusculi. Interitus huius regis dignus uidebatur, quem lamentaretur Ieremias. Reges illos optimos mortificauit quotidianus luctus, ac desyderium pro deo, & exulcerauit nephariorum idolorum abominatio. Quantulum quæso, uoluptatibus datum ab ijs credis, qui nisi moerere flereq; nihil potuerunt?

HVLD A προφῆτις.

Consulta uaticinium de Ierosolymæ per Chaldæos excidio reddit, 2. Para. 24. & mali causam adiiciens: Quia, inquit, dereliquerunt dominū, & adoleuere dijs alienis. Durabit propheta, uæ ijs, in quos ceciderit. Nam dijs hoc sæculum nondum ualedixit, & innoxium sanguinem effundere quotidie pergit, quapropter ad misericordiam flecti recusat dominus. Ieroboam, Achab, Ahas, Manasse, sicut uas figuli conterentur, & sicut lutum platearum delebuntur calcabunturq;: Sic Iezabel, Athalia & id genus androgyni. Psalm. 21. 2. Reg. 22.

ZEROBABEL.

Princeps reducis populi, uir suspiciendus, cuius amplitudinē simul illustrat & declarat pietatē ingens in extruenda domo dominica labor, quam in cinerem Chaldæi uerterant. Antea Ioas, Iothan & Iosias rupta modo farserant: at hic de integro reædificat, monentibus eum prophetis Zacharia & Haggæo, atq; deo excitante. Nec curat idem aduersariorum machinationes quantumuis improbas. Quæ res fidem uiri & amorem erga deum flagrantem non obscure indicat. Porro eandem laudem meretur pontifex Iosua synchronos.

ESRA.

Id est, con-
temporaneus

Sacerdos dei coeli, & expeditus scriba in lege Moysi Esra, cui rex plurimum fauet, sicut & Danieli huiusq; socijs. Præterea cor suum ita comparat, ut scrutetur legem domini, utq; & faciat & doceat statutum ac iudicium. Atq; adeo in hoc omnis est, ut per Iudææ fines euulgetur ac instituatur, quod non tam ad amplificandum quàm ad innouandum dei sui cultum pertinere uidebat. Breuiter patriam repetit in timore dei, in ieiunio, afflictus, orans. Illud indignum quod præteream, nempe tam generosæ eum mentis esse, ut à prophano rege suppetias petere nolit, ne deo suo diffidere uideatur. Quæ rogo tam fortis fides non perrumpat? Neq; uero hic tentare deum existimandus est. Quale enim probum dei in gentibus, si petiisset? Nam ante dixerat regi: Manus dei nostri super nos &c. Huic innitebantur, in hūc animos suos coniciebant, unde

F saluos

Exod. 15. Iosue 3. saluos remeasse legis. Brachio carneo, hoc est, arundineo baculo opus Mosi in Arabico sinu non est, nec in Iordane Iosue. Non tentat deum, qui certæ promissioni credens, nec hæsitans, omnem iacit aleam. Præterea hominis incredibilem, peccati causâ, tristitiam cōsideremus: Mox enim ubi rescivit foedam ludæorum & allophylorum commixtionem, scindit pallium, uellit caput, uellit barbâ, confidet mœrens, ieiunat, affligitur, genuflectit, expandit manus ad dominū, et cum lachrymis orat: Domine cōfundor & erubesco leuare faciē meā ad te, &c. Bone deus, quātē illorū hominū acerbitates, quāti cruciatus, quātē deniq; mortes? Quā plane cum deo unīrū, inq; deum trāsfusum pectus illos habuisse necesse est? Ut tantum nō ægrotant, ut tantum non exiccant ossa eorū; quoties uel uidere uel audire in populo uitia cogunt pñ? Vnde in eremū secedere Ieremias exoptat, ne abominationes uideat, uir nimirū impatientissimus doloris, cuius lachrymæ ne noctu quidem quiescunt, Cap. xiiij. Nec tacendum est sedulum docendi studium & ardor quidam in Esra. In lignea enim turricula ad id operis fabrefacta stans (quo latius uox deuolaret, & ipse magis esset conspicuus) utrinq; doctorum hominum turba septus, collecto populo legit legem dei. Sed quī legit? Plane & apposite ad intelligendum. Quā diu uerō hoc? Num horulam? A matutino in medium usq; diem, et post quater in die. At quī se in ea cōtione gerit auditor populus? Arrectis auscultat auribus, intelligit, sublati in cœlum manibus respondet, Amen, procidens in terram orat, & in tam sancto negotio illachrymatur. Quo quæso spectaculo quid iucundius, imò quid utilius? Ceteri sacerdotes & Leuitę, uiri religiosi huc & ipsi omnia destinauēre, ut res diuinæ redintegrarentur.

NEHEMIAS.

Id est, pincer na. 2. Esra. 11. 2. Esra 2. Ezech. 9. ἐν ὄχῳ Nehemia, in impia regione pius, interq; spinas rosâ, sicut et ceteri aliquot electi, qui in idololatriam seduci non poterant, pulli uidelicet gallinæ alis tecti, & in manibus pastoris conseruatæ ouiculæ. Hic amore fratrū flagrat, et nihil eum perinde angit, atq; reuersi in patriā populi casus. Vide em̃, q̃p solícite pro huius salute rogitet, q̃p uehementer percellat comperta fratrū aduersitate, q̃p fleat, lugeat, ieiunet, oret. Deinde nō potest non uultu prodere, quid sese maceret, nec id uerbis negat: Quur, inquiens, non tristis appaream? &c. Hypocritā hodie clamitant, qui tetricus incedat, uaria rerū discrimina, multiplicia nostræ religionis incōmoda, & super cunctis abominationibus dolens gemensq;. Qui uerò explicata fronte est, qui cuius arridet, qui configuratur sæculi huius moribus, qui nihil non probat, is est Christianus. Ne uerò putes simulatum dolorem, & mœstitiam aspectu ementitam, en tibi ueritatis testimonia. A rege enim dimissus, redit in patriam consolator suæ gentis, extructor urbis, & numen aliquod. Et quemadmodum Esra templi, sic Nehemia restaurandæ urbis gratia, patriæ terræ redditus uideri possit, hoc est,

hoc est, alter synagogæ, alter Reipub. gratia. Quo quid maius, aut toti orbi salubrius esse possit, non uideo. Afflictionis ubiq; plurimum, item ^{2.Ef.3.4} opprobrii & risus satis suffert propter honestum ædificandi studium. Quin etiam uirtute ad fastigium gubernationis euehitur Nehemia, & sapientia eo uenit, ut latis legibus mala coherceat, utpote usuram, proprii commodi studium, rapacitatem, & similia. Bonitate quoq; rara pollet, dum annonas præsidibus debitas non exigit, dum non plebeculam grauat, nec expilat, dum non in eam exercet tyrannidem. Quid attinet hic huius temporis harpyias, atq; sanguisugas ad id exempli uocare, cū huiusmodi audire aures suas non docuerint, sicut nec Exod. xviij. Verū si quis regis ius ethnicum ē j. Reg. viij. depromat, & censum Cæsaris al- ^{Matt. 22} leget, mirum, q̃ talpa etiam liquidius illic audiant, alioqui surdi. Deinde ^{Matt. 12} uarijs technis tentatur Nehemia, ut cœpta relinquat, sed seipso fortior fit indies, nec uel tantillum remittit operis. Sunt & alij nonnulli in hoc album asciscendi, maxime Hanania ille, quem dicit fide & metu dei cæ- ^{2.Ef.7} teris fuisse præstantiorem. Omnium cōmunis erat conatus, ut reuiuisceret refloresceretq; neglecta religio.

ESTHER.

Exul Esther non modo, sed & orphana, uirgo Naiadum pulcherri- ^{Esther 2.} ma, moribus optimis prædita, non sine Dei consilio uxor regi, hoc est, infideli fidelis ducitur. Et cū primis efferenda est iuuentulæ uirtus, qua tacere potuit, qua item ornatum respuit, nimirum sic præmunita ac ficta ab institutore. Idem fidem Dei probè docuisse, inq; timore & disciplina eam educasse existimādu est, idq; inter ipsos idololatrias, secundū illud Deut. Docebis ea filios ac nepotes tuos, &c. Si pertinax Rechabitarum obedientia apud prophetam collaudatur, quis huius constanti obedientiæ laudem detraxerit? Et quæ apud regem ignota ac timidula ^{Esther 2.} tacere potuit, collige, quā sese alibi gesserit. Quæ patrui uoci tam obnixe obtemperat, q̃ putas ad uocem dei tremuit? Iam uerò in regiam tracta, atq; honorata diademate, non mutatur Abrahæ filia, sicuti nec in aula ^{Gen. 39} Aegypti Ioseph, nec in Babylonij satrapij Daniel. Quinetiam fratres ^{Danie. 5} Iudæos, filios mortis, sui capitis periculo liberat. Id quod uel ingeminatum pereundi uerbum illud declarat, sentiens nimirum, quod quidam dixit: Si pereō, manibus hominum perijisse iuuabit. Non sibi regina est, sed alijs. Alijs, inquam, salutare sydus, uitæq; mater. Paucula in Apocryphis adiecta, subnotabimus.

MARDOCHAEVS.

Iudæus pius & æque bonus ciuis. Mardochai in exilio ita uiuit, ut ^{Esther 2.} qui obloqui, & bonam eius incessere cōuersationē uelit, pude fiat. Idem pædagogus Esther uirgunculæ & alumnus. Quod utrunque satis arguit hominem optimum. Deinde uirginæ pudicitia custodit, peruigil est, post raptam insequens, ante gynecium, in quo adseruabatur, obam-
F ij bulans

bulans, anxie sciscitans, si qua acciderāt. Iam quod ad suam ipsius uitam attinet, indignum ducit satrapam, cui genu flectat, Dei nimirum unius cultor. Qua ex pietate, cum illi, tum illius gratia toti genti malum ilico nascitur quidem, sed in hostis caput redundat. Atq; hic uides summam uiri charitatem, qua fratribus ter miseris condolet, ita, ut cultum quoq; mutare eum interior moeror amaritudoq; cogat. Nec id solū, sed & in publicum prodire, uociferari ac eiulare: hoc est, testari incredibilem animi tristitiam. Præterea haud quaquam quiescit, dum eruditiss. sermone reginæ persuaserit, ut à rege gentis salutem impetret. Breuiter nihil non laboris ac periculi subit, quo calamitosos iuuet. Verū sicuti sol pluuiā, ita tristitiā lætitiā insequi solet. Iudæus euehitur, Agagita deſcitur. Dominus enim est, qui humiliat lignum sublime, & exaltat lignum humile: siue, ut David psallit, qui humilia respicit, et alta à longe cognoscit. Dominus est, qui erigit elisos, qui diligit iustos, qui custodit aduenas. Breuiter, Dominus est, qui redimit nos ab inimicis nostris. Quanta uero futuræ uitæ gloria, si tam eximia in hoc mortalitatis oceano contingere pio potest? Obserua hunc iam heroa, in sua illa sanctione ad Iudæos, & pauperes donis subleuandos edixisse. Eo pacto memores pauperum erant Apostoli.

I O B.

Vir integer & rectus Iob, & timens deū, malumq; uitans. Quæ commendatio omne pietatis atq; uirtutum genus cōprehendit. Prima commendationis parte per scripturam nihil tritius. Quemadmodū et illud, Bonus & rectus. Iam qui deum timet, declinat à malo, Prou. xv. Atque adeo timēs credit, sperat, diligit. Syrach cap. ij. Talis uero Græcis θεοσεβής dicitur. Præcipuā autem operam pius ille in pædagogia collocat. Coniuratores liberos sanctificat, proq; illorum delictis offert, oratq; non tam pater q̃ sacerdos, hoc est, bis pater, Non nescius, perrarò epulari homines sine peccato posse. Cuiusmodi superstitionem magis q̃ religionem à nostris iudicari constat, qui nihil horū curant. Nemo nescit, quid ^{Id est, comes} ^{κωμοί} in Paulo sint. Præterea per omnem uitam integerrime se gerit. Eru dit plurimus, oculus est cæco, & pes claudō, pater item pauperum, cōsolator moerentium. Audi plura: In manibus eius nulla macula, omnibus æquus, egenis nihil negat, solus non comedit, nudum uestit. Diues diuitijs non fidit, sed Deo, nec inde sibi gaudet, inimico amicus, nulli malus, peregrinos hospitio colligit. Summatim, Tam sancte uiuit, ut se cor suum in omni uita non reprehendat, tametsi in hoc nō iustificatus. Vbi uero peccat, haud quaquam cælat. Quo fit, ut non iniuria inter iustos numeretur uir ille, Ezech. xiiij. Verū quia talis est, afflictio non tardat: iniustis interim in opulentia florentibus. Permittitur ergo ad diuexandum tentandumq; iustum Satan, ut fieret iustior, & ex puro purior. Diuexare autem eum, nisi quantum ad externa illa, & ab homine aliena, non

Esther 4.

Ezech. 17

Galat. 2.

Iob 1.

Id est, comes
sationes.

Mat. 25.
1. Timot. 6.

Ierem. 2.

na, non potest. Nihil enim de se amisit, qui liberos, ædes, iumenta, ualētudinem amisit, id quod piaculū est, Philosophos credere, Christianos non item. Vnde Iob quoq; non magnificat rerum omnium iacturam, sed pulchris etiam apophthegmatis semet solans: Nudus, inquit, exi ab utero matris, &c. Item: Dominus dedit, dominus demit. Et rursum: Bonum equidem à Domino accepimus, malum autem non accipiemus? Quid, quæso, huic addi possit? Nec sat tulerat, ni & Xantippæ suæ & amicorum ferret importunitatem. Quo fit, ut in exemplū patientiæ illustrissimū accipiatur, Iacob. v. Nos gentibus Vlyssæ sufferentiæ libentes concedimus, de qua poëta: Exemplum est animi nimium patientis Vlysses, lactatus dubio per duo lustra mari. Pudeat uerò rapaces & usurarios, & negociatores, atq; id genus Ecclesiæ dedecora, suam auariciā Iobi huius patrocínio defensare. Cuius farinæ sunt bibuli quidam fratres, qui quoties se ob hoc argui audiunt, Christū obiciunt uisipotorem. Eo scilicet in scripturis sanctis profecere nostri homines.

TOBIAS.

Finibus extorris quidem Tobias, inq; terra aliena degens, sed tamen ueritatis uiam haudquaquam deserit, imò diligenter uitat in Iudæa, in Assyria uerò Eleemosinas multas quotidie facit, filium ab incunabulis timere Deum docet, recta monet, consolatur alitq; uiuos, mortuos condit polinctor sollicitus. Sed quia iustitiæ aduersitas comes esse solet, pro benefactis malum accipit. Occidendus fugit, sed non longe post redit. Multæ quidem tribulationes iustorum, & multo ubiq; sale igneq; saliantur. Sed tamen est, qui acre temperat, faciens nimirum cum tentatione exitum, ut sufferre ualeant. Verum alia exeunte, alia uenit. En igitur oculis captum, en ab uxore afflictum adeo, ut mori eligat. Vide interim, ut beati illi homines orent, ieiuent, in luctu ac tremore uiuant. Cum primis uero legenda est iuuentæ illa patris, sed Græce. Nam nonnulla in Latino desyderantur. Porro patrem proles sequitur. Eadem probitate est cōsobrinus Raguel, huiusq; filia Sara. Mores illorū ab Ethnicis diuersi sunt, iuxta illud: Nolite ad simulari eis. Vbiq; piè nomen dei usurpatur, glorificatur, timetur.

IVDITH.

Mulier uerè (& Lamuel ait, Hail) pia, doctaq; uidua, ieiunijs & obsecrationibus Deo nocte dieq; seruiens: deniq; conuersatione talis, ut nemo loqueretur de ea uerbum malum. Zelo feruet, libertate arguendi sacrificos ualet (tametsi id præter decorū) & docendi peritia præeminet, cui sacrificus credere cogitur. Deinde pro salute gentis precatur cilicio tecta, clausa ac supplex. Quo immensa sanctæ foeminæ charitas elucet. Quin & capite periclitatur, atq; hostili sæuitiæ industria uirtutē resistit, donec iugum seruitutis à populo acerbissimū repellat. Quo facto immortalitatis gloriā sibi peperit. Simili ratione nobis, qui Chris-

F iij stiani

stiani dicimur, Assyrius draco, qui est princeps mūdi, petendus est. Sed heus Leuiathan est, quo nihil immanius, inuictiusq̃. Quare diuino robore opus est, quod animo ad pugnandum alacri spiritus Christi præbet, cui bulla erat rota eius uis, Matth. iij. Dicit uero non potest, quam planè dei præsidio, hoc est, fide, sui diffidentia, oratione, lachrymis remperat. Ea peracta, papè, quas benedictiones, quas gratiarū actiones, quas laudes, quamq̃ lætum Pæana deo recinuit, cui etiam totum negocium transcribit Hebræorū liberatrix, mulierum decus, uirorū calcar.

Iudit. 16.

SOSANNA.

Dani. 13.

Instituta ac erudita secundū legem Mosi puella, mulier Deum timet, idq̃ in Babylone. Præterea illæsum seruat coniugij thorum castissima matrona, moribus honestissimis rebusq̃ omnibus ornata. Probari uero eius fidem consentaneum erat. Ecce igitur procellam. Petitur ad scelus, recusat: condemnandā ergo sese audit, nihil curat, quippe mori malens, q̃ peccare. Rogata clamat, iuxta Deut. xxi. Accursu facto silet, tanquam non habens in ore suo redargutiones, uociferantibus in eam interrim reis. E' pomærio castior exit, q̃ fuerat ingressa, sicut ex fornice Hagnes. Iam in iudicio grauiter accusata silet, suspiciens ac confisa Deo, qui audit gemitus compeditorum: quiq̃ protector est in se sperantiū. Deniq̃ condemnata orat ad deū, qui uidet scitq̃ omnia, etiam occulta cordis, contestans suam innocentiam: quo fit, ut seruetur. Adeo nouit è tentatione eripere pios piorum pater. Pari crimine absolutus Anastasius legitur, quum & ipse accusatus facinoris tam indigni se, sileret. Sic mulier septies percussa, apud Hierony. Non refert accusari, si sis innocens. Cato gloriabatur etiam se sepius accusatum, sed semper absolutū. Adeo uerum est, quod quidam scripsit: Conscia mens recti, uulgi mendacia ridet.

Psal. 37.

Psal. 101

2. Pet. 2

ESTHER.

Rebus in arctum contractis, lugubri cultu uestitur. Corpus ieiunijs humiliat, inq̃ seruitutem redigit, ad dominum confugit, orat, confitetur, queritur. Confitens dicit: Peccauimus. Orans: Da mihi fiduciam domine, & sermonē compositū in ore meo coram leone. Item: Libera ancillanm tuam, nullum aliud auxilium habentē, nisi te domine. Sic mox: Exaudi eos, qui nullam aliam spem habent. Conquerens dicit: Volunt claudere ora laudantium te. Audisti pietatem mulieris, cui aliquid addi posse dubito, Communis uita pietati in uniuersum conformis est. Vehementissime odit sæculi huius delitias, pompas, lautitias, & hoc genus sordes. Nec ijs, nisi coacta, utitur regina, adeoq̃ quasi non utatur: Non lætata, inquit, sum à die, qua huc translata sum. Vera hæc Christiani hominis uita est, in carne ambulare, sed secundum carnem non militare: in mundo uiuere, eoq̃ carptim ad necessitatem corporis abuti, sed non de eo esse, nec lætari. Nam hospitium est, & commorandi, non habitandi diuers

Esther. 14

Ibidem.

diuerforium, quemadmodum gentilis etiam orator asserit. Talis fere
fuit Elizabetha illa *ἐν ὅλῳ*. (Facilla etiam Augusta hac in re superior) *Id est, paupe*
quæ & ipsa factum illum & splendorem aulicum extreme detestabatur. *rum subleuanda*
Talis propemodum Kunegundis. Et de Cecilia legitur, quod sponsa *rix.*
cilicio usa, desuper bysso ac purpura ornata apparuerit, quæ alijs alia
pro libidine canentibus in corde suo psallit: Fiat domine cor meum im-
maculatum. Circumi nunc orbem totum, & considera si inuenias inter
omnes *ἐν ὅλῳ*.

MATTHATHIAS.

*Id est, iuanis
mem.*

Fidei eius uiri mirum robur, miræq; animi fortitudo ac potentia.
Facta considera: Hostiles blanditias abscisso responso retundit: Non *1. Mac. 2.*
audiemus, inquit, uerba regis transgressoris legis nostræ. Iam ubi ui-
det idololatriam, dolet ac adeo incandescit, ut renes eius in intimo con-
tremant, sicut Athenis Apostolus. Author est homo nobiliss. & armis *Act. 19.*
tutandæ rei Iudaicæ & fessi Imperij status fulciendi. Quantum uero peri-
culi unus pro tota gente sustinuerit, ipsa historia abundè docet. Nec eas-
dem tacet morituri dicta præclarissima, quibus progeniem suam ad per- *1. Mac. 2.*
seuerantiam inflammat.

IVDAS, huius filius.

Patrem uirtute etiam superat flagrantissimi animi iuuenis & plane *1. Mac. 3.*
gigas. Quàm plurimum is fiduciæ in deo habeat, demonstrant actorum
exitus, ne dicam uerba, quibus suorum uires incendit: Ipse dominus, in- *1. Mac. 4.*
quiens, conteret hostes antea faciem nostram. Nec enim aliunde est ista
uirtus, ista pectoris magnitudo, ista Achillæa firmitas, præterq; à deo
suo, quo fidei, seruantur. A quo item copias petunt, cui uendicant uictori-
am, & agunt gratias. Accincti ad aciem pie dicunt: Sicut uoluntas in *1. Mac. 3.*
coelo fuerit, ita fiat.

CÆTERI FILII.

Iudaico sanguine omnes æque clarent, & eodem ardore labentem *2. Mac. 7.*
religionem utcumq; restituant Iudæ fratres. Quibus gestis eternam sibi
laudem parant. In horum indice ponenda est mater pñss. planetæ ma- *ibidem.*
scula fide, cum septem filijs, qui sanguinem suum Tyranno hauriendum
pro aris tradunt. Talia ferme de Felicitate muliere Christianiss. legunt.
Nec non de matre Symphoriani. Item de uxore Hadriani. Atq; o for-
tunatam mortem, quæ naturæ debita, pro Religione redditur. Nos igitur *1. Petri 4.*
eadem cogitatione armemur, odientes animas nostras, ut inuenias *1. Ioh. 12.*
mus eas. Mors nobis uita sit, & contra uita hæc mors. Simus uiri, & for-
titer dicamus: Est hic animus lucis contemptor. Sciamus Abrahæ sinum
dilatare sese, ut nos suscipiat filios. Sciamus generum Cereris præstolari
suos quoq; & parasse, quo eos excipiat, ignem æternum. Neque enim *2. Theß. 1.*
moriemur inulti.

Prophetæ

PROPHETÆ, quorum extant monumenta.

Hebr. II.

Luc. I.
Act. IO.

Matth. 5. 23.

Deuter. 18.

2. Petr. I.

1. Thessal. 5.

1. Petri I.
Id est, respiciat
sceniam.

Psalm. 17.



Vocati missique à deo omnes illi, amicti spiritu in mundum uenire, quibus tamen is indignus erat. Præsertim uero in unam Syriæ partem, quam Palæstinam uocamus. Venire uero primum uates Messia ab alto exoritur. Nam huic omnes prophetae testimonium perhibent. Deinde doctores Synagogæ Iudaicæ, adeoque monitores ac correptores. Postremo prænuntiatores super gentem istam excidij, siquidem non audirent, imò contra subfannatores erant nuntiorum dei, & contemptores sermonum eius, & illusores prophetarum eius, ij. Paralip. ult. Sic iij. Reg. xix. Quo factum, ut pati eos oportuerit, & ad crucem prius paratam, iter sternere. Sunt prophetae Angeli dei, sunt serui dei, Amos v. Sæpius & uiri dei appellantur. Maxima denique illorum dignitas est, quod Christus prophetarum dominus, propheta dici uoluit. Scripta illorum per se lucida, nobis aliquanto obscuriora sunt, quæ proprio, hoc est, humano sensu enarrari non licet: Nimirum super quæ extructa est Ecclesia dei Ephe. ij. Lucem ipsi præbent Apostolicæ literæ, & historiarum omnium plena cognitio. Linguae ubique plurimum profunt. Aduersitates scholia sunt optima. Breuiter ipse in te sit spiritus oportet, idem animus, eadem mens, cuiusmodi illi habuere, si germanè uoles singula intelligere. Commentarii ueterum ac recentiorum adhibendi sunt quidem, sed ut commentarii, non ut oracula. Semper ad rectius aspirandum, & ad perfectius enitendum. Porro intellecti prophetæ in Ecclesia prælegendi sunt, non secus ac Apostoli. Euangelizant enim & ipsi regnum dei, et de salute animarum scrutatores eos Petrus scribit.

Fulciunt fidem, uocant ad *μετάνοιαν*, terrent, commirantur, consolantur: & ut concludam, nostris moribus corrigendis, si quid aliud, quæ maxime conueniunt. Faxit

Deus Opt. Max. ut se sequamur unum,

& cum sancto sancti reddamur:

cui honor & benedictio

in omne æuum,

Amen.

Vtriusque

VTRIVSQVE TE

STAMENTI COMPRAEHENSIO, AVTHORE TVR-
TIO RVFFO ASTERIO.

Antemus socij Dominò cantemus honores.

Dulcis amor Christo personet ore pio.

Primus ad ima ruit magna de luce superbus.

Sic homo cum tumuit primus ad ima ruit.

Vnius ob meritum cuncti periere minores.

Saluantur cuncti unius ob meritum.

Sola fuit mulier, patuit qua ianua leto.

Ex qua uita redit, sola fuit mulier.

Frater iniquus erat, iustum qui perculit olim.

Damnator Christi frater iniquus erat.

Transitus ille monet, quid prima amisit origo.

Quid uentura paret, transitus ille monet.

Arca leuatur aquis, homines ne perderet æquor:

Ne pereant homines, arca leuatur aquis.

Summe pater populos pro nati uulnere cunctos,

Cum tradis Christum sume pater populos.

Hostia summa patris tacitis signata figuris,

Quam referat Christus, hostia summa patris.

Claudicat ecce uidens dominum dum præualet heres,

Aspera gens Christum claudicat ecce uidens.

Reppulit ille famem frater, quem uendidit auro.

Venditus ab Iuda reppulit ille famem.

Perfide corde peris, dum uastant omnia plage.

Dum cessant plagæ, perfide corde peris.

Agnus ab hoste sacer conduxit sanguine patres.

Sanguine nos reuocat agnus ab hoste sacer.

Obruit unda nefas populo gradiente per æquor.

Nunc mundi populis, obeuit unda nefas.

Murmurat impietas Manna ueniente resecta.

Panis adest Christus, murmurat impietas.

Plebs sibi dura caput terræ cultoris adoptat.

Abstulit heu Christum plebs sibi dura caput.

Lex dedit indicium ueteris de crimine poenæ.

Quodq; salus ueniat, lex dedit indicium.

En lapis irriguus satiare incredule fonte,

Qui Christum reprobas, en lapis irriguus.

G Carpitur

D E S A N C T I S

Carpitur igne sacro munus, uotumq; priorum.
 Seditiosa tribus carpitur igne sacro.
 Regna beata patris legis non contigit hæres,
 Christus dispensat regna beata patris.
 Destruit arca dei muros dum circuit hostem.
 Sic hostem mundi destruit arca Dei.
 Area uellus habet madido sed uellere sicca est.
 Siccum tota madens area uellus habet.
 Vincis honore Dei promisso munere gentes,
 Effectum natæ uincis honore Dei.
 Tu decus omne tuis, qui sternis cæde Goliam,
 Qui uincis mundum tu decus omne tuis.
 Maxima dona dei cuncti cecinere prophetæ,
 Impleuit Christus maxima dona dei.
 Pondera dura tulit mandatum legis, & iram,
 Gratia mandati pondera dura tulit.
 Virgo Maria nitet nullo temerata pudore,
 Post partum pueri uirgo Maria nitet.
 Filius hic hominis fit maxima quæstio mundi,
 Nobiscum Deus est filius hic hominis.
 Gaudia magna dei mundus percepit, & ambit,
 Respuit heu mundus gaudia magna Dei.
 Signa mouent populos, cernunt magnalia cæci,
 Nulla tamen duos signa mouent populos.
 Aspera mors populis ligno deducta cucurrit,
 Aufertur ligno aspera mors populis.
 Ipse tulit Dominus pro poenis munera seruis.
 Pro seruis poenas ipse tulit Dominus.
 Vita beata necem miseris auertere uenit,
 Depulit à miseris uita beata necem.
 Lumen adesse Dei persensit Tartarus ingens.
 Nec cernunt homines lumen adesse Dei.
 Mors fera per hominem miserum sibi subdidit orbem,
 Subdita congemuit mors fera per hominem.
 Suscitatur ecce genus morti pater ille prophanus.
 Ad uitam Christus suscitatur ecce genus.
 Hic populus dominum dura ceruice negauit,
 Suscepit primus hic populus Dominum.
 Sanguine læta redit fuso gens impia Christi.
 Gustato Christi sanguine læta redit.
 Crimina cuncta suis terrenus contulit author.
 Dissoluit Christus crimina cuncta suis,

Libera

Libera corda sibi facinus deuinxerat olim,
 Nunc reficit Christus libera corda sibi.
 Fortia uincla dedit peccati sæua potestas,
 Dulcis amor Christi fortia uincla dedit.
 Iam super astra sedet, cuncti exultate fideles.
 Perfide quid sæuis? iam super astra sedet.
 Mortuus ille tonat, cœlum, terramq; subegit,
 Quid faciant hostes? mortuus ille tonat.
 Pellitur umbra die Christi ueniente figura,
 Christus adit gentes, pellitur umbra die.
 Te properare docent & signa & sæcula prima.
 Nos sacra quæ gerimus te properare docent.
 Vnicus adueniens firmauit uota priorum.
 Vota dedit nobis unicus adueniens.
 Passio Christe tua compleuit munera legis,
 Munera nostra replet passio Christe tua.
 Hic homo qui deus est spes est antiqua priorum.
 Spes cum fine prijs hic homo qui deus est.
 Munus erit fidei toto credentibus æuo,
 Qui dedit ut credant munus erit fidei.
 Te ueniente deus, mundanus concidit error,
 Concidit hic mundus, te ueniente deus.
 Gratia plena dei est, quæ totis gentibus extat.
 Abscedant sectæ, gratia plena dei est.
 Sola columba redit, quæ totum circuit orbem.
 Discedant corui, sola columba redit.
 Adueniet Dominus, dare digna prijs, mala prauis.
 Credite iam miseri, adueniet dominus.
 Visio Christe tui tormentum & pœna malorum est,
 Gloria cuncta bonis uisio Christe tui.
 Gloria magna patri, semper tibi gloria nate:
 Spiritui & nato gloria magna patri.

ADVENTVS DOMINI



Abitur Empyreo fortis tibi missus ab orbe
 Nuncius, æterni referens pia iussa Tonantis,
 Concipis assensu subito sine semine natum,
 Qui iussu cœlum struxit, qui sydera, terras
 Condidit, æterni soboles æterna parentis.
 Ast ubi conceptus, terrenæ munera sortis
 Induitur, uoluitq; nouem gestarier aluo

Ex Franci-
 sco Pico Mi-
 randul.

G ij

Menfib.

DE S A N C T I S

Mensibus integris sacrato flamine clusus.
Iam quibus elapsis solida mitissimus aula
Actutum effulsit, splendentis lampados instar
Humanos nimium diuina potentia captus
Exuperat, qui semper erat sine matre, fideli
Mox prodit è matre, noui miracula partus
Ex illo cultæ in templis tellure subacta
Mox ueteres fugère deæ per opaca silentium. &c.

Hoc habitu iam plena deo, montana petisti
Cognatam uisura sacro, quæ pignore uentris
Læta laborabat, cui sexti in limine mensis
Exultauit ouans, & matris motus in aluo,
Infanti Christo assurrexit maximus infans.
Loturus refluo Solymos Iordanis in amne.
Quod templis etiam pingunt, sed & illa refulgent
Gaudia pastorum, qui spectant lumine opaca
Afflari noctem, & mulceri carminis sancto,
Cum tuus è clausa subito cum prodijt aluo
Filius & Genitor, quem tectum paupere panno,
Et pastum lacte in uili præsepe reponis,
Et medium flatu placido iumenta tuentur,
Atq; nouo paries præsentat sydere ductos
Ad Nati cunas Nabathæo à littore Reges,
Qui procumbentes genibus tria munera promunt,
Thura, aurum, myrrham, regemq; hominemq; deumq;
Testati, plantas posito diademate lambunt,
Linquentes gazam, &c.

Andreas

ANDREAS APO- STOLVS.



Andreas frater Petri, ut maiores nostri prodiderunt, *Ex Hiero-
nymo.* Schytis, & Sogdianis, & Saccis prædicauit Euange-
lium domini nostri Iesu Christi, & in Augusta ciuitate
prædicauit, quæ cognominatur Magna, ubi est irruptio
Apsari, & Phasis fluius, illic incolunt Æthiopes inte-
riores. Sepultus est autem Patris ciuitate Achaia, cruce

suffixus ab Ægea præfecto Edeserorum.

Præteriensq; uidet ponti per littora fratres,
Præsolidum Simonem dignum cognomine Petri,
Andreamq; simul sinuosa uolumina lini
Piscibus insidias disponere marmoris undis.

Nunc inquit pisces capitis maris æstibus altis,
Sed me si libeat sectari, fortia uobis
Prouenient hominum perpulchra indagine lucra,
Illi confestim firmato pectore certi,
Retibus abiectis, pariter præcepta sequuntur.

Post fratres geminos Iacobum Ioannemq; marinis
Insidias gregibus, maculoso innectere textu
Ut uidit, similemq; dedit de littore uocem.

Illi Zebedæum genitorem in puppe relinquunt
Illico, sectantes pulcherrima iussa salutis.

Protinus ergo uiros ex piscatoribus aptos
Humanas piscari animas, quæ lubrica mundi
Gaudia sectantes tanq; uaga coerulea ponti,
Cæcæq; præcipites tranant incerta profundis,
Discipulos iubet esse suos, talesq; supernæ
Conciliat uitæ, quos non uentosa loquendi
Gloria, nec uana de nobilitate superbus
Sanguis alat, sed fama tacens, humilicq; refulgens
Mente nitor cœlo faciat de plebe propinquos,
Nancq; stulta potens elegit, & infima mundi
Fortia confundens Deus & sapientia perdens.

S. Hieronymus ad Marcellam de blasphemia in spiritū sanctum,
meminit Sancti Andreæ Apostoli in Achaia, & Thomæ in India, &c.
Vrbs marittima in Pincetinis, Amalphis dicitur, in qua S. Andreæ se-
pulchrum uisitur. Hierony. aduersus Vigilantium, de Reliquiis S. An-
dreæ sic scribit: Dolet Martyrum reliquias precioso operiri uelamine,
& non uel pannis, uel cilicio colligari, uel proijci in sterquilinum, ut so-

G iij lus

*Ex Iuueno,
Math. 4.*

Ex Scudlio.

lus Vigilantius ebrius & dormiens adoretur. Ergo sacrilegi sumus, quando Apostolorum basilicas ingredimur? Sacrilegus fuit Constantinus Imperator, qui sanctas reliquias Andreæ, Lucæ, & Timothei transtulit Constantinopolim, apud quas dæmones rugiunt, & inhabitatores Vigilantijs illorum se sentire præsentiam confitentur? Sacrilegus dicendus est & nunc Augustus Arcadius, qui ossa beati Samuelis longo post tempore de Iudæa transtulit in Thraciam? Omnes Episcopi non solum sacrilegi, sed & fatui iudicandi, qui rem uilissimam, & cines res dissolutos in serico & uase aureo portauerunt? Stulti omnium ecclesiarum populi, qui occurrerunt sanctis Reliquijs, & tanta lætitia, quasi præsentem uiuentemq; prophetam cernerent, susceperunt, ut de Palæstina usq; Chalcedonem iungerentur populorum examina, & in Christi laudem una uoce resonarent? Sanctus Cyprianus in libello de duplici Martyrio hæc de Andrea Apostolo habet: Beatus Andreas, ut habet humana quidem historia, sed satis probatæ fidei, gaudens sibiq; gratulans ibat ad crucem. De S. Andrea sic Augustinus in libro de uera & falsa pœnitentia, Cap. viij. In hoc, inquit, desyderio erat Andreas, qui in cruce positus, à Domino requirebat: Tempus est, ut cõmendes terræ corpus meum. Volebat enim eum plebs de cruce deponere. Ipse autem cœpit dominum rogare: Ne me permittas domine descendere uiuum, sed tempus est, ut cõmendes terræ corpus meum: tamdiu enim iam portauit, tamdiu super commendatum uigilauit & laborauit, quod uellem iam ab ipsa obedientia liberari, & isto grauissimo indumento expoliari. Reliqua legat studiosus presbyter in loco citato.

BARBARA VIRGO ET MARTYR.

Georg. Vii-
celij.

Nicomediensem fuisse accepimus puellam hanc, Barbaram quidem nomine, sed minime barbaris moribus, imò sapientiæ studijs & excultam, & omni uirtutum genere cumulatam fuisse heroinam illam, res ipsa loquitur. Parens huius Dioscurus, nephandi Iouis cultor, à quo traxit & nomen, impietate erga filiam orbi percelebris effectus est. Etenim crudeliorem hostem homo hominem uix unq; habuit, atq; filia patrem istum. Iuenculam etiamdum conclauit ceu carcere clausit inhumanus ac uerè barbarus, non tam illius formæ metuens, quàm ne Christianæ religionis odor ad eam usq; penetraret præcauens. Verum hæc naturæ dotibus ornata, quippe liberali ingenio, & prudentiuscula ridere primis etiam ætatis annis cœpit Idola deorum *χαροπόνητα*, ratiocinans, mortales fuisse Iouem, Saturnum, Martem, Neptunum, Triptoleum, Hercule, Venerem, Dianam, Vestam, & id genus portenta, idcirco non esse, cur numinis instar adorarentur à mortalib. Atq; hic contemptus planè pius seminariū fuit odij & persecutionis. Interim ueluti

ueluti flatu quodam coelesti pulsa Deum existere cognouit, id quod uel
 ē mundi praelustri machina potuit colligere. Cum uero nihil certi habere
 ret de deo uiuo, soloq; cui fidem daret solidam, spretis iam idolis omni-
 bus, commodum ab Alexandria uenit Origines Adimantius Antio-
 chiam accersitus Mammeæ Augustæ literis, nostri Euangelij audiendi
 gratia, cuius historiae Eusebius Cæsariē. etiam meminit. Quo rumore
 percepto, statim exarasse ad Theologum literas dicitur, quibus signifi-
 cat suum plene cognoscendi Dei desiderium, posteaq; eo uenisset noti-
 tiæ, ut non dubitaret semel omnia gentium dæmonia abominari. Orige-
 nes, ut erat rei Christianæ propagator maximus, puellæ literis non re-
 spondit solum de Deo, atq; hoc trino, uerum etiam unā ablegauit ad
 hanc Valentium Christi sacerdotem, qui nimirum copioso Euangelij
 sermone, adeoq; catechistisq; puellam Christo proprie dicatam institue-
 ret erudiretū. Cuiusmodi disponente prouidentia Dei nostri, quibus-
 cunq; occasionibus Nicomediæ factum esse, in custodia etiam uirginis
 quantumuis munita haudquaquam est dissimile ueri. Instituta igitur
 Barbara, & nostram edocta fidem, per energiam diuini spiritus & Va-
 lentij ministeriū, sacrum baptisma suscepit. Hoc licet cælarat patrē, non
 potuit is tamē eam rem aliquando nō rescire. Abit tempus, uirgo Chris-
 tiana proficit & ætate & Euangelio. Tandē adreptit malignus anguis,
 sanguinē Barbaræ sitiens. Parcerat paganæ, Christianam ferre nequijt.
 Proinde offert occasionem, qua proderetur, Dioscuro filiam Euangelij
 Iesu Christi recepisse. Extruit Balineum pater, de mutata filiae religione
 nihil dum suspicans. Sed cum illa duabus fenestellis tertiam addi iussis-
 set hoc in ædificio, paterq; causam ternionis sciscitaretur, libere con-
 fessa est, Trinitatem Dei Opt. Max. qua uniuersus terrarum orbis ceu
 unico ac perpetuo cœli Astro illustratur. Ea responsione quātumlibet
 simplici, seniorē ita perculit, ut educto ferro innoxiam interempturus
 fuerat, ni illam ab oculis furiosi tyranni ademisset bonus Angelus. Aus-
 xit iram hominis, q; casta puella obfirmato animo repulerat procos,
 præsertim ethnicos: Nolebat cogi uel ad impar coniugium, uel ad ido-
 lolatriam, quam deseruerat. Sed parens seu potius hostis fugientem Bar-
 baram, Dei nunc filiam, Christi sponsam, templum sancti Spiritus furo-
 re percitus immodico insectatur, sumpturus de ea poenam abnegatę pa-
 ganitatis. Equidem latere illa & hostiles manus fallere formidine mor-
 tis uoluit, sed quando aliter Deo fuit uisum, uestigauit eam crudelis pa-
 ter, uestigatam cepit, captam uerberauit, uerberatam præsidii illudens
 dam atq; excruciamdam tradidit. O uiscera genitoris saxea, O truculen-
 tas ac barbaricas manus eius, qui auxilium ferre natæ debuit. Sistitur
 puella iudici, hoc est, lupo datur ouicula, fit de fide quæstio, incidit disser-
 ratio. Puella metu posito, & exputis ab animo perturbationibus, intrep-
 pidē confiteretur Euangelium. Nec id solum, sed acriter etiam intonat ad
 uersus

uersus idololatriam omniū gentium: recinens unum atq; alterū uersum
 ē psalmo centesimo decimotertio, præterq; quod antehac inspuerat in
 simulachra seu penates patrię domus. Profecto uirile pectus in foemina
 insit oportet, à quo procedunt corā iratissimis iudicib. hæ uoces: Vestri
 dij dæmonia sunt, ligna & lapides sunt, os habent & non loquuntur,
 guttur habent & non clamant, oculos habent & non uident, manus ha-
 bent & non palpant, pedes habent & non ambulant. Similes illis fiant
 qui faciunt ea, & omnes qui confidunt in eis. Porro præses sategit pri-
 mum, ut blandis alloquijs Barbaram à religione auulsam, pristinae sus-
 perstationi redderet, inhortans ad sacrificandum. At illa erecta spiritu
 libero malum suasorem confutans, se Christo Iesu sacra facere affirmas-
 bat, Dei uidelicet filio, authori ac opifici rerum uniuersarum, in cœlis, in
 terris, in inferis. Qua sermonis libertate pariter & ueritate offensus præ-
 ses, adeoq; in furiam uersus, iubet Christianam cædi, lacerari, discerpi,
 usq; dum omnia pudici corporis artus cruore commaderent.

Sanguis erant lachrymæ, quæcunq; foramina nouit

Humor ab his largus manat cruor, ora redundant.

Et patulæ nares, sudor rubet, omnia plenis

Membra fluunt uenis, totum est pro uulnere corpus.

Attamen ne sic quidem ad abiuratum paganitatem redacta, fidem
 prodidit. Tam inuicti roboris in uase etiam imbecillo Christi spiritus
 est. A tam immani supplicio in tetrum carcerem abducitur uirissa illa,
 ibi cœlitus consolata & consolidata, uires grauiora patiendi colligit.
 Quanta hic & q̄ efficax precatio, quanta dilectio, qualis raptus, quod
 deniq; desyderium coronæ promerendæ. Iam uero redintegratis uiri-
 bus, denuo trahitur ad lanienam. Admouentur lateribus ardentes fa-
 culæ, amputantur mammillæ, atq; eo pacto fœdata, ut spectetur in ter-
 rorem, circumducitur. Inter quæ ludibria uirgo Christi nihil nisi prece-
 ri, & inuocare fortem Deum. Ultimo tot tormentorū uictrix, eripitur a
 patre filia ē carnificum cruentis manibus, non ut curaretur, quod patrē
 decuerat, sed ut trucidaretur. Neq; enim satiarat iracundiam tam lamen-
 tabili spectaculo, non homo, sed Tygris. Abductam igitur suis consce-
 leratis manibus iugulat, & fundit sanguinem, quem ipse genuerat, plus
 q̄ astorgus, plus q̄ filicida belua. Habet nunc Ecclesia quoq; contra
 quas disserat Medæas. Quo martyrio soluta anima in cœlum subuola-
 uit ad sponsi oscula, corpusculo interim Ecclesijs relicto, non ut adores-
 tur, sed ut honoretur à fidelibus, qui tam inusitata Barbaræ martyris
 constantia ac fortitudine ad crucem pro Christo & Ecclesia ferendam
 animantur. Passa est triumphaliter, Imper. Maximiano. De hac Ra-
 phaël Volaterranus sic: Barbara uirgo Nicomediensis Dioscori nobis
 lis uiri filia: à quo in turrim est coniecta, q̄ se Christianam profiteretur:
 ac post omnibus probris nudatum, conuerberatumq; corpus, ab eodē
 ad præsi

ad præsidem ducta, iugulataq; in eadem turbe sub Maximiano est. De-
mum Venetijs, quo deinde translata fuit, nunc condita.

Ex Petro
Chalybe.

Vrbs est bellipotens Nicomedia, deniq; parua
Pars Asiæ, templis diuûm, populisq; refulgens.
In qua diues erat, claro quoq; stemmate natus
Discorus, incoelix diuûm tamen ipse nephanda
Cultura atq; sacris, hominû q; sanguine gaudens.
Huic erat insignis uirgo, pulcherrima forma,
Pulchrior & uita, morum grauitate pudica
Barbara, quam procures urbis magniq; petebant
Præfecti, ornatu nymphæ, splendorcq; uultus,
Moribus & claris inducti. Barbara Christum
Quæ imbiberat, cultum tacito sub pectore uirgo
Christicolum portans (quamuis mysteria nondû
Cognorat fidei, nec aquæ purgamina sanctæ
Quid facerent) procerû spernit sponsalia, magnis
Nec precibus capitur, neq; auri pondere fului.
Huic pater atq; timens, Pario de marmore turrim
Splendentiq; iubet cellam coniungere, & auro,
Atq; coloratis ornare cubilia passim
Segmentis: operi accingunt se protinus omnes
Artifices, ferro quadrantq; cauantq; uicissim
In partesq; secant lapides, & uomere multo
Vertentes terram, turris fundamina iactant.
Hinc superædificant, manibusq; in cella recuruis
En lapides tollunt, certo quos ordine iungunt.
Crescit opus tandem, tenues surgitq; per auras
Egregium, in tota quo non formosius urbe.
Interea quid agant famuli, qua deniq; mente,
Vel quibus acceperint animis commissa, requirit
Discorus: at postquam uidit ex ordine cuncta
Arbitrioq; suo manibus fabrefacta peritis,
Laudat opus, spectatq; diu: tandem imperat illic
Binas ut faciant disiunctas rite fenestras.
Hinc comitatus abit turba, confinia terræ
Intrat, & officio commissa negocia tractat.
Confestim uirgo diuino numine tacta
Desuper, æthereos axes, & sydera coeli,
Irriguos fontes, terram, pulcherrima terræ
Munera, totq; hominû species, tot deniq; cultus
Contemplata diu, submissa uoce locuta est:

H

Quum

Quum nec ab æterno mundus sit origine, semper
 Nec steterit, proprijs nec se formauerit ipsum
 Viribus, aut hominis sit opus, deus inde necesse est
 Unus & omnipotens, æternus, & integer, almus
 Ut sit qui mundi posuit primordia vasti.
 Ergo dijs patrijs (quoniam sunt dæmona) uirtus
 Condendi nulla est mundum, nos fallimur omnes
 Ignari: nam quos diuos ueneramur, & aras
 Nos quibus incensis stolidi inflammamus ubiq;
 Mortales fuerant quondam, nunc morte perempti
 In Stygijs recubant lacubus sua damna gementes.
 Dixerat, extemplo diuini feruor amoris
 Cor subit ignitum, magis & magis inde perurit.
 Barbara dehinc Christo cupiens adiungier, alto
 Consilium sub corde tenet, quibus ipsa medelis,
 Vel quibus æterni ualeat sponsalia tandem
 Læta modis Christi, sanctæ quoq; fœdera uitæ
 Contrahere, & diuûm consueta relinquere sacra.
 Vir fuit exemplo, doctrina, moribus, arte
 Magnus, Origenes fidei defensor, amicus
 Christicolum fidus, culturæ osorq; nefandæ.
 Illi per celeres notas secreta reuelat
 Pectoris, atq; petit fidei rescribere sanctæ
 Dogmata, quîs ualeat uitâ modo ducere honestam.
 Doctus Origenes tabulas ut uidit apertas,
 Lætus abit, sociumq; uideat, remq; ordine narrat,
 Et iubet, ut properet Nicomediam, atq; puellam
 Fortius instructam, sacro mox flumine mundet.
 Perfidus interea rebus iam ritoperactis
 Discorus ad patriam rediens de more puellam
 Congreditur, dumq; altâ petit, tres ecce fenestras
 Conspicit, austero uultu, Proh Iuppiter, inquit,
 Sic mea iussa capis? mea sic tibi munera curæ
 Barbara sunt? agedum quæ te sententia traxit?
 Sed uirgo uultum nil transmutata serenum,
 Sic loquitur: Tria cuncta beant, tria singula lustrant,
 Et tria saluificant, mundum tria sacra gubernant.
 Est deus in tribus personis unus & idem
 Trinus, tres igitur iussi formare fenestras:
 Non tamen ut tres sint, sed ut unus nomine trino.
 Hic numerus mihi sanctus erit, nec pectore ab isto
 Vnquam discedet, uiuens moriensq; tenebo.

At pater his uerbis infœlix territus (anguem
Vt qui calcauit pedibus sub cespite nudis)
Arma rapit subito, Furijsq; agitato acerbis,
Irruit in teneram, manibus tunditq; puellam,
Defœdat faciem: uinctam quoq; turpiter ipsi
Marciano adducit præfecto, uertere mentem
Si posset duram, Stygijsq; adiungere diuis,
Christicolumq; fidem iuuenili euellere corde.
Barbara sed duro repetens sub pectore lesum,
Facta patris perfert constanti pectore sæui,
Laudando Christum semper, nec iudicis ora
Formidat rabidi, magni nec murmura uulgi.
Marcianus formam, generis quoq; stemmata magni
Virginis admirans, placido sic pectore diuam
Alloquitur: Nunc parce tibi ueneranda puella,
Parce precor teneris membris, alienaq; linque
Sacra, deos nec sperne tuos, qui numine sancto
Tot tibi præclaræ tribuerunt munera uitæ,
Qui genus omne tuum, qui te quoq; nomine tanto
Splendore & uultus, natura, moribus, inde
Diuitijs placidi ornarunt, qui tempus in omne
Teq; tuumq; fouent patrem, tu linquere diuos
Stultra putas tantos Christi documenta sequendo?
Quem gens uana deum peruerso murmure garrit,
Turpiter in ligno qui pendens corpore nudo
Inter tot gentes uitam cum morte mutauit.
Barbara Marciani spernens conuicia, dixit:
Tunc meo Christum coloratis pectore uerbis
Euellere unquam? Dominum me spernere, seruum
Accipere atq; iubere, heu seruum qui Phlegetontis
Antra colit, similes cui sunt, fientq; uicissim
Illi (proh dedecus) qui credunt, munera soluunt,
Et sacra cum precibus patrio de more ministrant.
Ante leo Libicus, tigris foret ante capistrum,
Ante leues liquidas præstet Vulcanus & undas,
Testudo leporem uincet, canis ante elephantem
Robore, formicam fugiet louis aut prius ales,
Ante lupos inter timidos quoq; pax erit agnos.
Christi q; nostro transibit pectore uultus.
Sic ait, atq; palam cunctis cernentibus ultro
Conspuit in facies diuim, uerbisq; malignos
Detestata deos, Christi præconia tollit

H ij

Altius

DE S A N C T I S

Altius, & fidei confirmat dogmata sanctę.
 Marcianus ergo tanto pro munere nudam
 Turpiter expallis manibus suspendere in altum
 Imperat, & neruis corpus pertundere duris.
 Hęc ubi carnifices captarant iussa, puellam
 Denudant hilares, populo spectacula inerti
 Exhibuisse quidem gaudent, sed Barbara sponsi
 Pollicitis confisa sui, dum uerbera dira
 Multiplicant famuli, fessi tandemq; recedunt,
 Sic ait: Omnipotens rector rerumq; potestas,
 Conditor & cœli, bonitas, sapientia, splendor,
 Qui terram palma, qui Tartara, deniq; Olympum
 Solus comprehendis, dominum quem cœlica noscit
 Cōcio, quemq; timēt flammantis stagna Acherōtis,
 Aspice quæ patior, quantis me Christe fatigat
 Verberibus gens dura nimis, sed candida uirtus
 Per te sponse quidem mentem ad cœlestia tollit
 Gaudia, nec patitur diuis me sacra parare,
 Quos sibi finxit iners populus, qui corpore nullas
 Virtutes sterili gestant, phantasmata uulgo
 Qui inspirant, donec mentes ad Tartara flectant
 Humanas, tenebrisq; inuoluant undiq; longis.
 Talibus incensus dictis, furnisq; repletus
 Marcianus, diuam alloquitur: Pulcherrima uirgo,
 Cur tibi tam dura es rogito: cur uerbera perfers,
 Nec grauiora times, gladios, tormenta, facēsue?
 Aspice q̄ placido nostri tibi Barbara diui
 Arrident uultu, quantis uel honoribus ornant,
 Nec cupiunt de te uindictam, corpore multos
 Sed potius sano uiuas foeliciter annos,
 Exoptant, agedum tibi consule, & elige, mortem
 Seu uelis indignam perferre, aut sacra per aras
 Spargere thura dijs patrio de more benignis.
 Sic fatur præsēs: faciem sed uertit, & aures
 Quantumcunq; potest uerbis seiungit ab illis
 Barbara: non aliter, uirides q̄ lubricus anguis
 Dum sacra uerba timet cantantis, forte per herbas
 Caudam circumagitat, linguam crispatq; trisulcam.
 At pater infœlix nondum satiatus Erynnim
 Sed magis excrescens, gnatam tunc exuit ipsam
 Vestibus, & teneras præcidit sponte papillas.
 Interea uirgo ad Dominum pia murmura Christum

Effundens

Effundens, ait: Omnipotens qui singula uestis,
 Qui terram uiridi circundas tegmine, pennas
 Qui tribuis uolucris, uulpicq; cubilia praestas,
 Da precor ex alto uestem, ne corpore nudam
 Hirquis aspiciat me gens petulanter ocellis.
 Dixit, confestim splendor de nubibus altis
 Erumpens, oculos multa caligine fuscatur,
 Astantum in medijs uersatur uirgo tenebris,
 Anxia sollicitis precibus gens numina poscit,
 Et manibus frustra tenues diuerberat auras.
 Interea Christus alto delapsus Olympo,
 Sponsam congregitur lætam, diuinacq; praestat
 Pharmaca, quis cunctas abstergit corpore plagas.
 Postq; lux abiit, cernunt mysteria apertis
 Luminibus, qui aderant, consultant illico diuos.
 Hinc praeses (quoniam sola hæc medicina laboris
 Restabat) sanctam iussit mox tradere morti.
 Quam pater arreptam nimium sæuerus, in altum
 Educit montem: uirgo sed candida Christum
 Supplicibus pulsatur precibus feruenter, & orat:
 Annua qui sacris ornabunt festa loquelis,
 Martyrij memores nostri, deus obsecro uitam
 Illis perpetuam tandem post funera, at illic
 Ante diem mortis condona Christe reatus,
 Ac culpæ ueniam, sanctæ & conuiuia mensæ.
 Dixerat, hinc reboat tenues uox clara per auras,
 Exaudita ueni, quoniam coronaberis, ipsa
 Vicisti uictrix constanti pectore mundum.
 At pater exerto gnatum petit ense pudicam,
 Et ferro niueam ceruicem à corpore uellit.
 Extemplo è cœlo crescentia fulmina surgunt,
 Vindice missa deo, patremq; uelociter igne
 In cineres uertunt, animamq; ad Tartara mittunt.

NICOLAI EPISCOPI MYRENSIS.

Pataram rerum scriptores tradunt, urbem fuisse in terra Ly- Ex Leonar-
 cia nobilem inter primas, Eicq; si cætera defuissent ornamen- do Iustinia-
 ta, quibus tamen plurimis affluebat, poterat sane uel hoc uno no Patrio
 nobilitari præcipue, q; Magnum Nicolaum Myrarum Episcopum tu- Veneto.
 lit, uirum profecto, quem in Republica Christiana nemo propè sancto-
 rum omnium in omni uirtutum laude facile anteiret. Nam Pataræ natū
 H iij illum

illum cōstat, & claro quidē genere. Mater eius foemina fuit sanctissima, atq; grauis. Patri uero non tam uitę splendor, q̃ integritas, non tam populi q̃ dei cultus, non tam diuitiæ, quā eleemosyna fuerunt in pretio. Mundi itaq; relictis illecebris, nullum erat illis nisi bonarum actionum studium, atq; uoluptas. Hi tanquam lignum plantatum secus decursus aquarum in tempore suo speciosissimum edidere fructum, infantem uis delictet hunc, cuius coelestis indoles futuræ uirtutis prælagium præ se ferret. Illum autem primum mater pariter, atq; postremum tulit. Infœcunda posthac cum charissimo coniuge perseverans, siue desperante natura, per illos posse huic similem alterum in lucē producere, siue ut puer hic multifariam Baptistæ similem in hoc quoq; cum illo quodammodo conueniret. Ille enim infœcundæ matris dissoluit uterum, atq; sterilitatem: Iste foecundæ matris uterum obstruxit. Sic itaq; parentum diligentia omnis, studia, & uoluptates in hunc unum diuinæ ornandum, institutūq; sunt collectæ, ut quē carnaliter genuerant, spiritualiter educandum, & omnibus sanctissimarum institutionum ornamentis excultum, admirabilem cunctis mortalibus redderent.

Infantem autem hunc (quis dubitet) in ipso statim natiuitatis exordio, diuino fuisse numine afflatum, sanctificatumq;, qui nō prius uiuere, quā deum uenerari, nō prius comedere quā ieiunare cœperit. Compertum enim habemus, illum, cum reliquos dies, noctesq; omnes nutritis ubera sugeret crebro, quarta tamen sextaq; feria nisi semel duntaxat, & id uesperis quidem, lac uoluisset gustare. Atque hoc semper certo immotoq; seruauit ordine, ut nullis posset blanditijs, nullo nutritis lenocinio, nulla naturę necessitate à ieiunio cœpto deflecti. Quamobrem uel improbum quemq; bonarum rerum interpretem planē fateri oporteat, non fortuitu illud, aut intemperie stomachi factum esse, sed quasi consulto, & Dei afflante spiritu. O miraculum singulare, & inter rara omnium sæculorum spectacula, per ecclesias merito decantatum, & dignum uiuendi principium, cui tam excellens uita succederet, quando quidem, crescentibus annis, debebat eius quoq; uirtutibus tum natura, tum studio & gratia, partis fieri accessio admiranda.

Postea enim q̃ pueritia excessisset, castissimos mores, & disciplinam ab optimis acceptam parentibus in melius redigens, ipse quoque suapte natura, & ingenio non desinebat, uelut generosa quædam, & fertilis gleba, nouos quotidie honestatis, & pietatis fructus edere. Inde ætate poscente, ad capiendum animi cultum, traditur studio literarum. Vbi tum ingenij magnitudine, tum uelocitate discendi, breui admodū æuo, multa ingenuarum disciplinarum scientia imbutus, ab omni humanæ laudis cura abhorrebat. Æqualium uero sodalitates, conuiuia, consuetudines uitabat omnino, quia in illis cerneret, sicut festiuitatis multum, ita plurimum esse intemperantiæ, atq; periculi. Mulierum non modo colloquia

colloquia, uerum etiam conspectum, tanq̃ iuuenilis animi pestilentissimam labem fugiens, totū se honestati, pudicitiaēq̃ addixit. Libidinum uero, & carnis incendio, quibus aestuare pleriq̃ omnes adolescentes solent, quotidiani labores, ieiunia, uigiliae extinguebant. Talibus instructum artibus, totum sese accepimus ad Christi seruitium contulisse. Schola illi erat, ac diuerforium Dei templum, ut se dignum pararet templum, in quo Deus ipse pernox & per dius habitaret. Neq̃ bonarum disciplinarum studia aut legendo, aut audiendo, aut meditando intermittere, in quibus tantum excelluit, quantum magno futuro antistiti opus erat. Sed quo uita recta, doctrinis omnibus longe maxime praestabilior est, eo plus in componendis, formandisq̃ moribus nauabar operae, ac laboris, quo iuuenilis, fluctuantisq̃ aetatis inconstantia senili quadam firmaret grauitate. Quem enim admodum non illud senium laudamus, in quo non emineat par senio, in annis modestia, sic etiam solemus iucunde admirari, multaēq̃ laude dignam existimare adolescentiam, quae plane didicerit eiusae aetatis compescere motus, & senectutis grauitatem, ac molestiam retinere. Est enim si iuuentus in sene turpis, ita pulcherrima quidem in adolescente senectus.

Habuit autem Nicolaus auunculum nomine Nicolaum, a quo nunc nostrum, arbitror, id nominis usurpasse. Is cum nepotem animaduerneret religioni, & sanctimonie deditum, mundo se penitus abdicasse, parentes hortatur, ut adolescentem sacerdotalibus sacris initiari permittant: illi in sententiam uenire faciles. Cur enim gratos homines pigeat reddidisse, quod gratis acceperint, & fidelium more debitorum aes alienum, cum ipsa etiam usura persoluere? Nam in ueteribus memorijs scriptum inuenimus, Nicolai nostri parentes aliquandiu steriles, & prope modum de sobole desperantes, multa prece & lachrymis a Deo hunc filium impetrasse, atq̃ illum propterea Deo, qui dederat, reddidisse libentius. Perhibent autem auunculum, sancto afflatum spiritu, de nepote uaticinantem praecinisse in illo coelestium donorum redundantiam. Cum enim initiaretur, ad astantes conuersus, Nouum, inquit, fratres, terris solem oriri uideo, & humano generi grande solatium comparat. O gregem felicem, qui hunc sibi pastorem sit habiturus. Nunc enim uidetis, errantes oues ad pietatis pascua reuocantem, Hunc periclitantibus salutem, calamitosiis opem, laborantibus praebere quietem. Neq̃ secus, atq̃ iste praedixit, omnia euenisse insequens sermo docebit. Nulli autem mortalium admirabile uideri debet, uel nepotis praecleara facinora, usq̃ adeo mundum illustratura, sui splendoris uatem aliquem habuisse, uel auunculum prophetandi spiritum meruisse, quem admirandae uitae integritas, ecclesiae iudicio inter coeli sydera collocarit. Nam duos fuisse Nicolaos constat, auunculum illum, hunc nepotem, sanctos ambos, episcopos ambos, illustres ambos, quantū longe illustrior quidem nepos est habitus,

habitus, is, cuius nunc uitam, & facta conscribimus, cuius propterea Magno cognomen fuit. Igitur factus sacerdos, morum & uitæ sæueritatem pariter cum dignitate augendam putauit, naturæ sapientiam imitatus, quæ arbores ipsas, quo se celsius in cœlum tollunt, eo altius demissas in terram radicibus, firmiores reddit. Sacerdotij autem, quis dubitet, solidissimas esse radices, integritatem uitæ, misericordiam, pietatem, continentiam, sobrietatem, reliquasque uirtutes id genus, quibus potissimum propius ad Deum acceditur? Itaque corpori suo bellum indicit, non quod illud necaret, aut contereret, sed quod domitum, & omni petulantia extutum, redigeret in seruitutem. Igitur somno, & quotidiano cibo, quantum ratio permittebat, detrahit, ieiunijs, nocturnisque uigilijs solito plus indulgens, uino parcissimo utebatur, sæpius aqua sola contentus. Veste si non sordida, ut hypocrita, & uanus ostentator, nullo tamen conspicua luxu deinceps est usus. Crebrior illi fuit ad delubra aditus. Nulla penitus nisi sacrarum literarum lectio. In uultu & gestu modestia maior. Sermo rarior, & grauis quidem, & qui nihil haberet inanitatis & fuci, ut his præditus ornamentis uideretur in corpore mortali immortalium uitam degere.

Per id autem temporis Nicolaus auunculus templum nobile sub sacræ Syon nomine struit, eiisque pari dignitate monasterium addit. Cui, cum de præficiendo gubernatore pro rei amplitudine cogitaret, uisum est, id negotij nepotis curæ, sapientiæque committere. Tum ut admirabiles eius uirtutes usu & exercitatione uegetiores redderet, tum quia nemo erat in promptu, qui rem illam aut sapientius, aut sanctius, aut diligentius gubernaret. Nepotem itaque præfecit, eiisque plurimos præstantes adiungit monachos, ut uelut in re militari & imperatorem exercitus, & exercitum imperator pari uirtutum cultu & uoluntate haberet. Hoc itaque munus ita Nicolaus administrauit, ut dignitatem monasterij gubernatoris præstantia facile superaret. In eoque perstitit, quoad ipse uiuendorum sacrorum locorum gratia in Palæstinam est profectus: Quod iter paulopost plusculis attingemus. Sed me iam uideo de narrationis semita declinasse. Prius enim quam de monasterio dicerem, erat de parentum interitu, & hæreditatis distributione dicendum, quem locum nunc paucis absoluamus. Parentes eius in illius pestilentie uastitate, que Lyciam ea tempestate depopulata est, intra triduum morientes, hæredem illum testamento instituunt. Quorum mortem omni officio ac pietate ita est prosecutus, ut nihil omitteret, quod ab amantissimo filio parentibus optimis præstari par sit. Hæreditatem igitur adiens, & non tam possessorem se, quam hæreditatis dispensatorem relictum intelligens, coepit, non quo modo patrimonium augeret (id quod plerique omnes mortales factitant) cogitare, sed quo pacto patrimonium seminando, uberiores sibi frugem in cœlo colligeret. Quid enim aliud agat uir constans

uir constans & sapiens, qui ab ineunte ætate funditus ex animo terrenas eiecerat cupiditates, nisi ut duriore iam ætate contemnat, quod teneris annis animo magno & excello contempserit: ne uitæ præclara exordia à succedentis ætatis actionibus dissentirent. Itaque non ad congregandas diuitias, sed ad congestas dispertiendas animum appulit, ut nil aliud pastula manus, quam egenum & pauperem cogitaret. Cæterum quemadmodum tellus ipsa omnium longe liberalissima herbis, frugibus, arboribus sic alimenta, atque uitæ præsidia porrigit, ut nemo quidem omnino id sentiat. Ita noster hic egenorum alumnus clam quidem, & nullo sciente mortaliū, misericordiā suam incredibili studio, in pauperes exercebat, Cuius reliquas eleemosynas intelligemus facilius, si hoc unum è pluribus celebre illius factum subiiciamus.

Fuit Patarae uir genere nobili, qui (ut fert humnæ felicitatis fragilitas) ab honoribus in contemptum, à diuitiis in egestatem deciderat. Ei erant tres filiae corporis, formæque uenustate, & morum elegantia longe præstantes, uirgines omnes, & quarum ætas (si patris calamitas non obstitat) nuptias flagitaret, Has inops pater omni rerum egestate calcatus, non modo uiro tradere, sed ne alere quidem quoquo pacto poterat, neque spes ulla miserum hominem solabatur, qua quotidie crescentis inopiæ uim perferret. Heu rem dictu foedam, heu quo mortalium mentes insuperabilis uis egestatis impellit, Terrum, atrox, immane facinus, patrem paternæ pietatis memorem ne, an immemorem potius dixerim, exagitat filiarum decus, ac pudicitiam deserentem, ut natis esurientibus non deesset, coepit enim de illarum uirginitate alienæ prostituendæ libidini, cogitare, ut turpissimo & flagitioso quæstu, uitam pereuntis familiæ tueretur. Iam uesana fames reluctantem patris animum ægre perfregerat. Iam crudele, & humanis indignum luminibus spectaculum parabatur. Quid enim tam ualidum est, tamque munitum, quod necessitas non prosternat? Sed affuit de coelo miserator dominus, qui escam daret timentibus se, Qui patris in filias inuitam crudelitatem non pateretur, Qui uirginum castissimas lachrymas miseratus à tam foetido flagitio liberaret. Sed quo pacto id facies dulcissime deus, uniuersæ misericordiæ pater & fons, aut quo ministro auxilium tuum oppressæ familiæ porriges? Angelum profecto tute tibi Nicolaum delegisti, quo nemo mortalium esset, qui tua iussa meliori aut studio, aut consilio, aut pietate perficeret. Tua igitur miseratione factum est, ut crudele consiliū famulus tuus, nescio quo, nisi te uolente, sentiret, cuius animus, tum rei atrocitate, tum insita pietate commotus, in auxiliū periclitantium totus accingitur. Stimulabant misericordem animū esurientis familiaris lachrymæ. Stimulabat castarum puellarum prostituenda uirginitas. Stimulabat amantis patris misericordia, qui in pudiciā inuitus agebat, ne in uentrem crudeliter agere uideretur. Sed seruus tuus, qua ratione

I Deus

Deus impleat praecepta, non uidet: cum enim iubeas misericordes nos esse, uetas tamen sinistram scire, quid faciat dextera nostra. Ardet animus misericordiae faciendae studio, sed humanum sui beneficii testimonium refugit, quippe qui tibi soli benefactorum gratissime retributor placere conetur. Tantum enim uir Dei ab omni humanae laudis desiderio abhorrebat, ut quantum caeteri sua maleficia, tantum ipse iste benefacta sua coelare studeret. His agitatus stimulis impiger animus, credo, te domine inspirante, in tempestae noctis silentio è strato prosiiliens, auri haud mediocri pondus sacculo belle insutum, sumit, domo egreditur clanculum, miserandae familiae domum tacitus adit, circumspicit sagaciter omnia, animaduertit tandem, luna ipsa adiuuante, fenestram apertam paululum, ea cubili inseruiebat, in quo infelix pater membra quieti tradiderat. Tunc Nicolaus pulcherrimam sibi à Deo oblatam occasionem ratus, auro per fenestram immisso, domum se statim proripit. Mane pater auri comperto miraculo, stupens, cum tanti muneris datorem suspicari non posset, daemonum eam esse, aut callidi cuiuspiam hominis fallaciam putat, adulterioque credit se lusum auro. Inde cum aurum digitis contrectaret, iamque rei cognosceret ueritatem, incredibili laetitia gestiens, lachrymas ubertim effundit. Miratur rem, animo uersat omnia. Et cum humanum benefactorem coniectare non posset, in Deum hoc muneris transferens: Quid faciam nunc miser, inquit, ne tanti beneficii ingratus arguar? Certum est, peccatum meum diluere, & impio me ac nefario scelere expiare. Filiam, in cuius pudicitiam crudelissime saeuiebam, à foedo periculo eruam. Aurum uirginem redimat, quae meo scelere auri gratia perdenda erat. Haec itaque secum reputans, primam ex tribus filiam honesto marito locat. Nicolaus non minus dato, quam ille accepto munere gaudens, ubi uirginem uidet à periculo liberatam: liberabo, inquit, & reliquas. Aurique tantundem uocatu, ut antea, per patentem fenestram immittit. Diluculo pater, cum secundum aurum inuenisset, uix sui compos humi supplex sese prostermit. Tum ora, pectusque largis irrigans fletibus: Deus, inquit, misericors, esurientium liberalis alumne, fac (quaeso) domine, ut sciam, quo ministro tu flagitiorum meorum periculum sustulisti, ut te domine in illo laudem, te in illo magnificem, te in illo contempler: Domine, qui me iampridem sanguine tuo redemisti, & nunc auro pereuntem familiam redimis, ostende mihi dispensatorem hunc tuum, & Angelum profecto in terris, cuius ope ecce secundam quoque filiam, diabolo crudeliter maritandam, sancto connubio honestabo. Haec cum dixisset, non prius destitit, quam alterum quoque generum sibi asciuit, nec minore certe gaudio duplicis coniugii celebrati, quam spe tertij quoque proper diem celebrandi. Iam enim tantum sibi de Dei misericordia pollicetur, ut sese putaret tertiae quoque filiae dotem tenere manibus. Ita ab inferno ereptus

ereptus homo noctes diesq; perpetuos, ereptoris sui defydrio estuabat. Statuitq; noctes insomnes per excubias ducere, quoad quisnam esset hic exploratum haberet. Nec minus admirabilis noster, tertiam quoq; filiam nuptijs tradi cupiebat. Profunda itaq; nocte ueniens tacito (ut affolet) pede, per eandem fenestram tertiam introiecit dotem, ac peruigil pater decidentis auri strepitu monitus, quanta potest pedum uelocitate prosiliens, Nicolaum tandem fugientem assequitur, comprehendit, tenet, atque illius pedibus aduolutus, redemptorem suum, adiutorem, saluatorem percutitum animarum flens, gaudensq; compellat. Nisi enim miserationes tuas, inquit, misericors excitasset dominus, dudum iam perierat infelix cum tribus infelicio ribus natis pater, sed clementissimus Dominus per te saluauit nos, & a crudeli peccati casu liberauit Dominus, suscitans inopem à terra, & de stercore erigens pauperem. Talia lachrymantem, beatosq; osculantem pedes, Nicolaus ægre compescuit, qui cum beneficium suum, quanta potuit humilitate attenuasset, multis tandem adiurationibus, ut rem nulli mortalium patefaceret, frustra precatus est. Vna igitur hæc ex innumeris prope misericordis hominis huius elemosynis. Quod si reliquas quoq; recensere pergemus, quoties indigentibus opem tulit, quoties paui esurientes, quoties alieno grauatos ære leuauit, immensi propemodum laboris id fuerit.

Postea uero quam perfecta iam & absoluta uiri uirtus illum maiore Dei familiaritate dignum effecit, coepit eum solitudinis cupiditas ingens, in eoq; defydrio diutius immoratus, statuit tandem ab omni hominum coetu secedentem in abditam aliquam eremum sese recondere, ut remotior mundo, Deo fieret propior. Eremita enim quietis atque tranquillitatis animi optima parens & nutrix, comes uero atque tranquillitas cogitationum diuinæq; contemplationis fructifera radix, certaq; pronuba cum Deo coniugij spiritualis. Itaque cum ueteri uiuendæ Palæstinæ defydrio teneretur, ubi Saluator noster ante Crucem inter mortales uersatus est, nauim in Ægyptum reditus rari conscendit, ut inde ad loca sancta profectus, solitudini se deinde disceret. Sed Palæstina, & eremo intermissis, nauigationi ipsi paululum indulgeamus. Igitur è portu tranquillo coelo soluentes recta in Ægyptum enauigant. Cum aut docti naturæ nihil aduersi suspicarentur, quos tamen diuturnus usus futurarum tempestatum præscios solet facere, Nicolaus illis horrendas uentorum, turbinumq; procellas imminere prænunciat: Etenim uidere se, ait, humani generis hostem iratum, nauim stricto gladio ingressum, atq; rudentes, omniaq; simul mali, & clauis retis sacula concidere cupientem, molientemq; nauim, quasi rapidis uorticibus circumactam, in profundum cum uiris ipsis demergere. Vix ea factus erat, cum de repente, quasi signo dato uehemens, atraq; uis tempestas

I n statum

statum exoritur, undique horrendo fragore erumpunt turbines, mare uertitur funditus, tolluntur fluctus in coelum, trepidi nautæ subito metu perterriti, ad genua se Nicolai prosternunt, orant misere, periclitantibus opem ferat, Dei auxilium pro se imploret, quibus nulla reliqua sit spes salutis. Tunc uir Dei confidere illos iubet, ac breui hoc periculo liberatum iri, modo iactent spem suam in domino, qui saluos facit sperantes in se. Post cum paululum orasset (mirabile dictu) sedantur fluctus, turbines in leuem auram dissoluuntur, lux atram caliginem dissipat, & iam undique læta tranquillæ pereuntibus dies redit. Tum nautæ à lachrymis in gaudium uersi, ex animo gratias cum Deo, tum admirabili famulo eius habere fatentur, duplici uiri admiratione comoti, quod & futurum prædixisset periculum, & præsens tam facile subtulisset. Auxit aut illorum admirationem insequentis quoque rei miraculum: Conscenderat nauta supremum antennæ cornu, ut solutos carbassi funiculos religaret, Is dum incautior descendere pergit, & manus illum falleret, magno lapsu super naus tabulata corruit, contusum corpus iacet exanime, & sine dubio è uita migrarat. Tum Nicolaus misericordia uehementer motus, defixis in coelum luminibus, orauit intentius. Inde rediens, & primum coepit illum lachrymans contractare, mortuus quasi è leuissimo somno excitatus resurgit, et corpore ut prius integro ad obsequenda munera naus redit. Post hæc, uir Dei pandere illos uela iubet. Illi toto sinu flantem à tergo Corum accipiunt, nec prius illos foelix deseruit aura, quam Alexandriam adducti sunt. Ibi nautæ peruulgatis, quæ uiderant miraculis, ciuitatem incredibili huius uiri uisendi studio excitant. Hæc bone Deus multa per seruum tuum mirabilia Ægyptiis ostendisti. Et erat operæpretium, magnalia illa tua Domine uirtutum singula recensere, nisi hoc esset negotij nimis longi. Magnus etenim factus ægrotantium hominū ad eum concursus, magnus calamitosorum opem petentium, magnus ab immundis spiritibus uexatorum, magnus moerentium, & infestis fortunæ calibus laborantium. Sed quis, donorum largitor Deus, quis, inquam, æger non sanus abscessit? Quis moriens non lætus? Quis arrepticius non mundatus? Sed quid hæc ad te Domine, qui fecisti coelum & terram in intellectu? Non tuam igitur incomprehensibilis Deus omnipotentia admiramur, sed ministrum hunc tuum, quæ suæ uirtutis merito uiuentem mortuumque per omnia sæcula nouis quotidie signis clarescere uoluisti. Hunc iure miramur, hunc uniuersus orbis immortalis gloria dignū laudat & extollit. Tua tamen hæc laus est Domine, quia sine te laus ista non esset. Sed iam reliquum itineris absoluamus.

Ex Ægypto itaque soluens, & in Palæstinam (ut constituerat) ueniens, ascendit in Golgatha, ubi pro salute generis humani Christi patibulum fuit. Inde cum ad diuinæ crucis lignum uenerandum incederet,

deret, & noxillum interceptisset, ferunt templi fores tunc clausas uenienti ultro cum fractis uectibus patuisse. Nec mirum id quidem, quippe cui coeli ipsius patebant portæ. Non enim caruit cumulata mercede ista profectio: uberiorem enim spiritus sancti gratiam, maioraque deinceps omnium uirtutum atque signorum dona perpetuo eum habuisse accepimus. In Palæstina itaque quantum par fuit moratus, in solitudinem sese colligere parat. Cæterum Dominus, qui ciuitatem supra montem positam abscondi uetat, et ardentem lucernam poni sub mōdio, illi per uisum semel atque iterum imperat, ut ad oues, quas reliquerat in Syon, confestim redeat. Quod ubi diuinum id esse mandatū manifeste deprehendit, seipsum abnegans, colla impiger diuino iugo submittit. Nauem Alexandria nam conduxit pretio, cum qua à Palæstina in Lyciam remearet. Ast eum improbi nautæ dolo fallere aggressi, suæ propè dederunt poenas improbitatis. Nam sumpta mercede, cum è portu soluissent, non quo perigerant, sed Alexandriae proras obuertunt. Iam erat in conspectu patriæ illorum tellus, cum repens exorta procella, clauo, antennaque confectis, ultimum illis exitium minabatur. Tunc nautæ conscii perfidiæ suæ ignosci sibi postulant, & supplices, ut deinde pro sua exoret salute, magno flagitant studio (miram dictu rem) uix illi sermonem compleuerant, cum subito uis omnis tam sæuæ tempestatis compressa resedit, & naus, nouis surgentibus austris, in Lyciam pulsa applicuit. Descendens itaque Nicolaus sese ad monasterium confert, quod auunculus eius (ut pauloante dicebamus) sub nomine sacræ Syon, magnis ædificauit sumptibus. Eum fratres incredibili gaudio excipiunt, amplectuntur, osculantur, & quasi Angelum à Deo sibi redditum, uenerantur. Hunc sibi locum Nicolaus, quasi tranquillum aliquem portum delegerat, in quo à turbulentis mundi actionibus ad contemplandam futuræ uitæ foelicitatem conuersus, deinceps quieturum sese sperabat. Sed breuis admodum ea spes, eaque quies fuit. Non enim passus est, qui omnia sapienter gubernat Deus, ut locupletissimus iste omnium uirtutum thesaurus humi lateret defossus, ex quo erat futura sæcula innumerais beneficijs ditaturus. Voluit enim, ut magnum hoc lumen, quod ipse immensa sua accenderat prouidentia, super magnū erectumque candelabrum suis radijs uniuersum orbem per sæcula illustraret. Itaque dum in secretiorem aliquando locum sese orandi contemplandique gratia, uti insueuerat, recepisset, uox eum de coelo alloquitur: Nicolae ad mundi, inquit, palæstram tibi redeundum est, si meam coronam expetis. His uerbis exterrito, cogitantique, quid nam uox ista portenderet, iterum uox eadem acrius intonans: Nicolae, inquit, nō hic est ager, in quo fructum, quem ex te flagito, proferas. Ad homines redi, ut in te nomen clarificetur meum. Tunc hac uoce Nicolaus plane sibi imperatum à Deo intelligit, ut relicto ocio ad deferendum miseris mortalibus, quam possit

opem, redeat. Hic cum Deo parendum existimaret, diuq; secum uersasset animo, in patriam ne, ac inter notos, an alio terrarum orbe sese habiturus reciperet, fecit tandem humanæ laudis odium, atque contemptus, ut neglecta Patara & suis, Myras, ubi nemo quisquam illum nouerat, commigraret.

Forte autem fortuna per eos dies Myrensis pontifex à uita migrasset, cuius rei gratia (quoniam ea ciuitas Lyciæ Metropolis erat) prouinciales Episcopi, quos Suffraganeos uocant, frequentes illò conuenerant, ibi de sufficiendo antistite actum est. Tum diuino operante spiritu, incredibilis quædam cupiditas coepit non Episcopos modo, uerum etiam uniuersum clerum, ut sanctissimum atq; ornatissimum, aliquem præfulem sedes illa pro sua dignitate, amplitudine, atque gloria consequeretur. Quod tamen multi præstantes uiri nominabantur, non tamen unusquisq; facile ostendebatur, in quem huius concilij suffragia consentirent. Ita cum uaria (ut in conuentibus hominum fit) studia eorum essent, uariæq; sententiæ, placuit tandem, precibus, omniq; supplicationum genere orari Deum, ut reuelaret, quis nam esset huic obeundo muneri deligendus. Magno studio diutius oratum est, nec ieiunia etiam, nec pleraque pietatis opera defuerunt. Tandem de coelo Dominus, non tam precantium meritis, aut sedis dignitate, quàm huius immensi luminis patefaciendi gratia, uoces eorum exaudiuit. Præficiendumq; antistitem uni ex suffraganeis episcopis, uenerando senio, & uita præstabili reuelauit, hoc pacto: Huic enim ante lucanam cum cæteris episcopis orationem facienti, apparuisse quendam ferunt, habitu angustiore quàm humano, eiq; imperasse, ut ab oratione confestim ad templi excubias se conferret, & quem primum in templum uenientem deprehendisset, illum esse, ad quem diuino consilio episcopatus & ecclesiæ gubernacula deferantur, hominiq; Nicolao nomen esse. Hæc iste cum cæteris episcopis nunciasset, uisum est omnibus ita fieri, quemadmodum episcopo sanctissimo reuelatum fuerat. At ne qua posset humana suspitio Dei uoluntatem labefactare, omnisq; tolleretur huius rei in fraudem nunciandæ occasio, decretum est, ut nemo quisq; omnino de templo ante rei finem egrederetur. Tum omnibus ad orationem conuersis, hic unus ad exequenda Dei mandata pro templi foribus excubat. Habebat suspensus omnes (ut est humanus animus sollicitus futurorum) huius tantæ rei diuiniq; indicij expectatio. At Nicolaus media nocte ad confitendum tibi clementissime Deus de more surrexerat, ignarus certe uoluntatis tuæ, cui tamen se totum addixerat. Et cum in tuis laudibus (ut solebat) nocturna silentia absumpsisset, anteq; primos radios rutilans aurora diffunderet, ortumq; solis ægris mortalibus nunciaret, in templum, te inspirante Domine, securus ire pergit, quo cum primus omnium aduenisset, explorator iste diuinorum iudiciorum ingredienti

ingredienti Nicolao templi uestibulum, siste gradum, inquit, fili mi, dīe
quāso, quises, quode nomine uociteris? Tum uas istud electionis nil ta
le suspiciās, mansuetē uerecundēq; Peccator, inquit, sum, & seruus inuti
lis, nomine Nicolaus. Tum ille uultus, & morum grauitatem, uerborū
modestiam conspicatus, & uiri præterea nomen sibi cœlitus des
ignatum, non dubitauit hunc illum esse, quem diuinā uisio futurum
Episcopum prædixisset. Non erat enim nescius, in quos solet Deus
respicere, in mansuetos uidelicet, & humiles corde. Itaque incredibili
plenus gaudio, sicut qui inuenit spolia multa, aut in absconditum agri
thesaurum incidit, sequere me, inquit, fili mi, & apprehensum dextera
ad reliquos introducit episcopos. Illi audita re, nouum episcopum non
humano certe, sed planē diuino suffragio declaratum, insolita quas
dam ueneratione excipiunt, uenerantur, Deoq; laudem & gloriam
decantantes, in medium templi statuunt, non tam reluctanter, quā
nouī huius uelut prodigij stupore uix compotem sui. His continuo
promulgatis (quid enim est ocyus fama rerū, præsertim admirabilium)
ad tantæ rei spectaculum innumerabilis propē confluit multitudo.
Tum surgens episcopus ille, qui uisum habuerat, docet, quā chari ha
bendi sunt, quā uē a populis honorandi rectores animarum, illi præ
sertim, a quibus iustē, sanctē, humanēq; gubernarentur, nihilq; prope
modum felicius esse illa ciuitate, cui istiusmodi antistitem habere contig
isset, propterea lætari oportere Myrinensem populum, & Deo per q̄
maximas habere gratias, qui eum esset præsulē consecutus, a quo planē
sperare liceat, quicquid ab optimo atq; sanctissimo pontifice expectari
par sit. Neminem enim dubitare oportere, hunc uirum esse omnium uir
tutum arcam atq; thesaurum, & iucundissimum spiritus sancti diuerso
rium, qui non humano consilio, non episcoporum suffragijs, non cle
ri, aut populi electione, sed sola Dei miseratione sit pontifex declaratus.
Inde omnibus quemadmodum euenerant, accuratē expositis, abire illos
lēto animo iubet, & gratias unumquēq; Deo pro immortalī ac inasti
mabili beneficio reddere, se cum cæteris episcopis ad unctionem nouitij
pastoris iturum, quem spiritus sancti digitis inunctum manifeste iam
perspiciant. Cum dicendi episcopus finem fecisset, uniuersus hominum
coetus in lætitiā, lachrymasq; profusus, discedit. Synodus frequens ad
nouī præsulis unctionem conuenit. A quo magno tandem labore, im
petratum est, ut se pateretur inungi, tum magistratus magnitudine, tum
uirium suarū, ut ipse putabat, imbecillitate deterritum, quāq; Dei hoc
esse imperium multifariam planē cognouerat. Quo igitur die Myrens
sem thronum conscendit, secum ait: Hic dies Nicolae, hic locus mores
alios affert, iam non tibi, sed alijs est utuendū, quandoquidē alijs uiuere,
hoc est profecto sibi ipsi perquāmaxime uiuere. Iste cum sibi uideretur
cleri populiq; uitia partim corrigenda, partim tollenda esse, non soli
Deo,

Deo, ut ante, sed hominibus quoque uitam suam palam faciendam esse putauit, ut illi exemplo sui facerent, quod prece, aut imperio, aut ratione fortassis facere nolissent. Erāt eius pristini mores, ut iam expressimus, absolutę uirtutis, & formę, atque accurata quadā castigatione compositi. At quoniam alia est priuati hominis ratio, alia magistratum gerentis, uitam omnem moresque pro magistratus dignitate, transformandos esse putauit. Igitur in omni corporis cultu, maiore quā ante incuria, & negligentia fuit. Nihil erat in eo uenustum, nihil elegans, nihil accuratum, præter mores, uiuendique disciplinam. Vestis plus solito uilis atque neglecta, in qua nullus esset omnino nitor, aut fastus, sed castigatę potius humilitatis, & modestię significatio, nec enim alio quouis pacto poterat sapientius, aut facilius sacerdotū in uestitu luxuriam amputare. Nam quis tam impudens fuerit, qui priuatus pretiosam, & nitidam uestem non erubescat, cum magistratum amplissimum uideri uulgariter, & negligenter indutum? Ego præterea sic arbitror indumentorum splendorem hunc, & plus quā regium luxum, quo nostri antistites nunc utuntur, aut nullis ecclesiasticis, aut his solummodo magistratibus conuenire, quibus nulla excellens uirtus auctoritatem uendicet, aut uenerationem, ut quod propria luce non possunt, externo fulgore oculos uulgi perstringant. At in quo uniuersę honestatis, ac modestię eluceat species, maior certe gloria est, atque hominum admiratio ex ueste uulgari. Semel edebat quotidie, & uesperī quidem, ut publicis negocijs, quę pro magistratus amplitudine magna erant, multaque diem licentius cōmodaret. Nec cœna tamen publico uacabat munere, quandoquidem triclinium eius suo consilio, aut ope indigentibus patebat semper, & cœna sæpius pro negociorum opportunitate intercidebatur. Cibus erat eiusmodi, qui ad ieiunitatem, & abstinentiam, quā ad saturitatem potius inuitaret. Carnes ab ineunte ætate ita dimisit, ut illas nunquam in omni reliqua uita resumpserit. Non plus uno ferculo cœnauit unquam, nisi hospitum gratia, quorum dignitas aut affluentiorē escam, aut deliciaiorē expeteret. Nunquam sine sacrorum librorum lectione cœnatum est. Post epulas uero grauis aliquis sermo sanctissimo, atque doctissimo conuentu dignus inducebatur. Nam sacerdotes aliquot eruditione, & uita probatos, perpetuos sibi conuiuas delegit, a quibus suauiore aliquo animi cibo aleretur. A mensa in cubile semisatur sese recipiens, totus in coelestium contemplationum campum diffundebatur, & animum diurnis alienisque curis distractum, nocturna meditatione collectum refouebat. Cumque inter has delicias aliquantum noctis absumpsisset, membra tandem humi demissa, somno tantum indulgebat, quantum ad perferendum diei labores sat putabat. Inde surgens socios aduocabat, quibus cum antelucana oratione resumpta inter psalmos, & hymnos aurora expectabatur, tum una cum sole in templum prodiens

prodiens, diuina exolvebat officia, à quibus ad pascendū curandūq; gregem reliquū lucis accommodabat. O antistitem admirandū, & ab Ecclesia meritò Magnum cognominatum, qui utranq; uitam ita complexus est, ut nunquam à diuinarum rerum cōtemplatione negotium, aut à negotio contemplatio læderetur.

Vt autem suorum morbi facilius sanarentur, medicos ad eam rem præstantes magno studio undiq; conquisiuit. Nam primum omnium id curauit, ut unaquæq; ex suis Ecclesia eius generis rectorem haberet, à quo exemplo, atq; doctrina, atq; studio uitia populi tollerentur, prauī corrigerentur mores, uirtutum atq; religionis cultus induceretur. Iis medicis utebatur, ab ijs discebat quotidie, si quid insigne in animis, corporib;ue uspiam locorum suorum esset, quod suum auxilium aut præsentiam flagitaret. Incredibile aut est, quanto studio & charitate opẽ suam quoquo modo laborantibus impartiebat. Non labores ulli hominem fatigabant, non sumptus deerat, quo oppressos aliqua siue corporis, siue animi mole leuaret, animo grauius laboranti medendo erat impiger iste, & longo, si oportebat, confecto itinere accurrebat. Iacebat quispiam ægroto corpore pauper & egenus, nunquam, quantum necesse fuerat rerum et pecuniarum, in hominis auxilium defuit. Non em̃ à Myrensis tantum, uerum & à uicinis urbibus, haud parum argenti in eleemosynas dispartendi quotidie ferebatur. Quod si necessitas aliqua occurrisset maior, q̃ ut ei posset præsentī pecunia subueniri, ab diuite aliquo misericorde, quos multos habebat in promptu, pecuniam uel mutuo, uel dono accipiebat. Nam præter necessaria corporis opera, & supellectilem tenui uitæ per opportuna nihil ei reliquū erat, quod uel pignori, uel uenum posset dari. Nam etiam, quos legebat libros, mutuo petebantur. Ita semper uoluntariam paupertatẽ omnibus diuitijs facile antetulit. Hoc autem elegans in eo, atq; præcipuum fuit, q̃ cum perfacilis eius ad omnes, & omnium item ad eum accessus esset, amplitudinem tamen, & dignitatem magistratus ita retinuit, ut dignus pro sua grauitate uideretur, qui non modo Lyciam, sed multas quoq; prouincias gubernaret. Habebant Myræ nobiles quasdam matronas, uita, moribus, & religione præstantes, quæ se totas ad misericordiæ contulerant studia. Iis Nicolaus (quoniam sexus iste ad eiusmodi obeunda munera uidetur impigrior) quasi exploratoribus & ministris utebatur, quibus uinctis ægrotantibus egenis, indigentibus omnibus opem ferret. Nec ei deerant graues aliquot ciues, à quibus disceret, si quid in ciuitate fieret tum publice, tum priuatim, quod sua suiq; magistratus cognoscere interesset, ut ea cogitatione posset aut nascētibus malis occurrere, aut iam natis remedium adhibere. Haud multo autem postea, q̃ Episcopatum inuuit, prouincialem habuit synodum, in qua pleraq; multa tum ad deitemplorumq; cultum, tum ad uitam, moresq; cleri decreta præ-

K clare

clare & sapienter instituit, partim uetera corrigendo, antiquandoue, partim noua condendo, quibus uniuersa prouincia Lycia uteretur. Atque quotannis prouincialia Concilia, quoad uixit, Kalendis Septembris conuenere, in quibus de institutis ac disciplina Cleri, deq; omni Ecclesiarum statu accuratissime agebatur, nec improbis censuræ ac poenæ deerant, nec bonis faces, quibus ad meliorem uitam accenderentur. Initio autem Magistratus sui ferunt, cum exoluendi officij debitiq; reddendi magnitudinem formaret, eum lachrymis & gemitu Deum sæpius intensissime deprecatur, ut ab se intolerabilem hanc molem tolleret. Nam cum hinc animaduerneret de singulis sibi subiectis, qui innumerabiles propè erant, sibi reddendum esse rationem, illinc uires suas, quanquam erant magnæ, ualidaq; nihil pro sua humilitate existimaret, in desperationem satisfactionis adductus, animo incredibiliter angebatur, Atque sæpius ob id, cum uberes lachrymas effudisset, uocem tandem audiuit de cœlo, in hæc ferè uerba: Ne timeas Nicolae, ut à me, mea negocia fideliter gerens, ingratis destituaris. Hac uoce maxime recreatus, & spem suam omnem in Deum coniiciens, opem sibi à Deo pollicebatur, sed ita pollicebatur, ut omnia tamen à seipso petenda putaret, quæcunque opera & consilio præstare potuisset. Sciebat enim Deum eos non iuuare solitum, qui seipsi negligenter deseruissent. Itaque uires suas omnes tum animi, tum corporis ad gerendum id negotij explicauit, quas cum (ut dicebamus) imbecillas existimaret, duos sibi quasi consiliarios adiungit, Paulum uidelicet Rhodium, & Theodorum Aschalonitam, uiros in omni Græcia celebres, & quibus explorata uirtus atque doctrina, & diuturnus præterea rerum usus auctoritatem pepererat. Horum fide atque consilio priuatim publiceq; plurimū utebatur, à quibus ita sciebat se diligi, ut nihil illi magis in eo cuperent, quàm ut Deo placeret quàmmaxime. Ad eorum itaq; sententiam quasi ad fidele aliquod speculum proprios ornabat mores, & ad magistratum aptos accommodabat. In obeundis insuper Episcopatus negocijs, si quid paulò difficilius iudicandum, agendumue accideret, hos sibi continuo adhibebat, cum quibus de re ipsa statueretur.

Interea uetus humani generis hostis ira crescentis Christianæ religionis feroces animos Diocletiani, Maximianiq; solito atrocius instigat, crudelioremq; quàm antea persecutionem parat. Veniunt itaque ab Imperatore edicta in omnes, qui Christianā fidem profiterentur, quibus carceres, tormenta, uincula, postremo truculenta nox indicbatur. Hæc cum Myris publice legerentur, aderant pariter Imperatorij carnifices, Christianis non obtemperantibus, extrema omnia minitantes. At contra Nicolaus pastor intrepidus, acerrimusq; Christiani gregis propugnator, fidelibus omnibus clypeum sese præstat, & Christi
fidem

fidem, quanto potest ardore, ubiq; intonat, liberi profecto atque sanctissimi pastoris officio fungens. Tum urbis praefecti aegreferentes, contemni ab eo Regia mandata, illi, nisi desistat, decernunt supplicia. At Nicolaus perquam (erat enim Martyrj cupidus) contemptis minis, acrior tum insurgens, tandē uinctus in longinquas custodias abducitur, in quas & Christiani multi ex uarijs ciuitatibus erant cōiecti. Vbi non parum æui omnibus incommodis captiuitatis affectus, tanta mentis constantia ac firmitate fuit, ut eum inter delicias uitam degere arbitreris. Nec exemplo modo, uerum etiam assiduīs cohortationibus imbecilliores adiuuabat socios. Et uelut agricola bonus, teneras plantas religionis & pietatis riuulis irrigabat, ut eorum radices infertili stabiliq; solo defigeret. Robustiora uero pectora ad martyrium inflammare, ardorem illis & spiritum addere, quā speciosa esset in conspectu Domini mors sanctorum eius, dissere, & praedicare quotidie, nihilq; omittere, quo illi cello firmoq; animo breuem hanc miseramq; uitam pro beata illa & immortalī contemnerent, non cessabat.

Interea uero benignus Dominus de cœlo suum populum miseratus, qui solem post tenebras, & post tempestates tranquillitatem solet seruis suis inducere, dissipare protinus ac perdere crudelia sceptrā parat, ac sui nominis inimicos de medio tollere, Diocletianos scilicet & Maximianos, & quotquot cum eis suo populo impie praefuerunt. Erigit autem cornu salutis plebi suae, & cœlesti crucis signo Constantinum Constantij & Helenæ filium aduocat ad Romanum Imperium. Ille non ignarus, quis nam hic esset, à quo cœlitus uocaretur, omnem spem suam in eum coniiciens, Maxentio confestim exacto, dignitatem nominis Christiani in propria maiestatis solium exaltauit, uertitq; priorum læritiam Imperatorum in luctum.

Tum per orbem edicta profert, quibus iubet idola, & gentium delubra eueri, solui eos, qui pro Christi nomine uincti essent: instaurari Christianorum sacra, templa refici, & pristinum ornatum resumere. His Constantini dictis ubique promulgatis, Christi confessores soluti, unusquisque in patriam suam redit. Sicq; Myrensis populus Pontificem suum recipiunt, martyrem profecto uoluntate ac desyderio, atque incruentum athletam & bellatorem: à quo cum cœlitus collata sibi dona miris modis exercerentur, tanta creuit apud populum de illius uirtute opinio, ut iam plane miraculo omnibus esset.

Hic cum uideret dæmonum delubra quædam, nonnullasq; gentium aras adhuc superstites, nō exiguasq; impiorū ac uarij generis hominum multitudinem ad eas confluere, atque id mali serpere quotidie latius, incredibili ardore accensus insurgit, & undique Dei uerbum praedicans, ubi idolorum aram quampiam conspexisset, funditus euehebatur, nulli parcens, neminem metuens: Nihil nisi de Dei gloria, homi-

K ij numq;

numq; salute sollicitus. Sic itaque omni dæmonum cultu eiecto, puram gregi suo tranquillitatem & requiem comparauit.

Hæc cum Christi miles, imò Imperator & dux, aduersus principes tenebrarum non minus feliciter, quàm fortiter auderet, coepit continuo illum libido, quatinus ne ab ipso Dianæ templo abstineret, facinus si quidem desyderandū potius, quàm sperandum. Erat em̄ ædes hæc admirabili pulchritudine, & magnitudine singulari, & quæ à Myrensi populo inter primaria urbis ornamenta præcipue coleretur. In hanc igitur cū robustissima iuuenū manu impetum faciens, nō solo illam, ut ceteras, æquasse contentus, fundamenta quoq; radicitus euulsa disiecit, nullo prorsus ciuium obistente. Horrenda res erat, profligatorum dæmonum audire ululatus immurmurantiū, terribiliq; stridore inclamantium, nunc se per iniuriam ē sedibus proprijs eici, atq; fugari.

Hic itaque triumphus armis eius & militiæ aduersus infideles finem fecit: Non autem animo corporeq; in alienum auxilium exercendo, aut mirabilibus faciendis, quæ quoniam multa sunt, non omnia idcirco silentio patiemur obrui & obliuione, sed strictim pauca attingemus, si prius ostenderimus, qualem se ipse præstitit in illo celebri, & omnium nobilissimo Christianorum conuentu, qui iterum Nicææ est habitus. Constantino igitur, qui primus Christianorum cultum in uniuersam suam ditionem induxit, Romanum Imperium gubernante, Iulius, qui summus tunc erat Pontifex, non modo Constantinum, uerū etiam cæteros omnes, quibus præerat Imperator, ad orthodoxæ religionisq; fidei ritum & disciplinam assidue inflammabat. Et cum Arrianus error haud paruam orbis partem occupasset, Pontifex tandē effecit, ut suo Imperatorisq; iussu, uniuersale Christicolarum Concilium Nicæam conuocaretur. Vbi dogmata incorruptæ fidei Christianorū Comitiorum firmarentur auctoritate, pariterq; ut Arrius Arrinaq; stultitiæ sectatores, damnati ē Republica Christiana abigerentur. Ei Concilio affuerunt trecenti decem & octo Episcopi, inter quos Nicolaus non minor doctrina, quàm uita, neque sermone, quàm opere in refellendis Arrianis fallacijs iudicatus est. Hæresim illam acutissima ingenia tuebantur, & uiri omni doctrinarum genere cultu & elegantijs expoliti, quos contra non modo disputationibus & lingua, uerū multo maxime supplicationibus & assiduis ad deum precibus Nicolaus pugnabat. Ita cum illorum tandem argutias & errores ipse cum cæteris ueritatis defensoribus dissoluisset, Canonemq; ipse, & reliqui synodi patres, orthodoxæ fidei præscripsissent, *ὁμοούσιον*, hoc est, consubstantialē patri, & æqualem credendum esse Christum, refarcita scissura Ecclesiæ. Inde discedens ad proprium gregem regressus est, cui neque doctrina, neque exemplo, neque assidua exhortatione defuit, quo magis omnes ad uirtutē, ad mores, ad animi cultum, ad pietatē, religionemq; perpetuo concitaret.

Accidit

Accidit autem ea tempestate, ut terram Lyciam ualida uexaret famines, tantaque Myris, alibi tritici egestas esset, ut iam ad interitum hominum res spectaret. Tum Nicolaus ad horrea Dei, hoc est, ad orationem confugit. Per id autem temporis mercator quidam in terra Sicilia magnam frumenti uim in nauim intulerat, exportandi in Hispaniam, dandique uenum causa. Huic noctu dormienti Nicolai simulachrum sese per uisum offert: imperat, ut Myras triticum statim tempore aduehat, ex eo grande pretium relaturus, fidemque uerbis, tribus datis aureis, facit. Excitatus ille cum aureos propè, & cubile clausum inuenisset, admonitum se diuino numine ratus, Myras sine mora frumentum uehit, preciumque accipit, quod dormienti sibi sponderat Nicolaus. Eo pacto Myrae sequentis iam ingrediae uim repulere. Ita cum mercator rem omnem, ut sibi euenerat, cunctis palam fecisset, Myrenses suum praesulem maiori deinceps, quam hominem uenerari par sit, honore & laude sunt profecti.

Ea tempestate Constantino nuntiatus est ab nonnullis rerum nouarum cupidis, seditionem haud negligendam, in superiori Phrygia excitatam. Tunc Constantinus tres ad eos reprimendos motus Legatos mittit, Nepotianum uidelicet, Vrsium, & Herpilionem. Hi celere cum armis ad negotium sibi datum profecti, Andriaciam appulere. Id erat in terra Lycia oppidum, subiectum Myrensis. Ibi milites aliquandiu aduersa maris tempestate detenti, emendorum ciborum gratia in terram egressi, tandem (ut est eiusmodi genus hominum rapax, & alieni appetens) ad praedam incolarum sese uertunt, multa rapiunt per uim, plurima temere deuastant: Quorum improbitas cum indies augetur, incit tandem incolarum patientiam effrenata licentia militum. Igitur agrum omnem armat iniuria, seditio & tumultus exoritur, & iam in mutuam caedem utrinque ruebatur. Cum Nicolaus (is enim rem perspicuus, citato pede ad locum uenerat,) adesse nunciatur, tunc oppidum omne, nec non & ipsi Imperatoris legati ac milites (tanta erat in omni Lycia Nicolai auctoritas atque nomen) depositis armis, ueniens sem Episcopum, obuiam progressi, incredibili quadam ueneratione ita excipiunt, ut nullum penitus tumultus, aut irarum uestigium appareret. Nicolaus rem sedatam animaduertens, benigne legatos congressos, in urbem honorifice perhumaneque inductos, hospitatus est. Dum illi se, placatis uentis, ad nauigandum expediunt, adsunt Myrenses aliquot anxij, flentesque. Hi ad sancti uiri pedes prouoluti, celeritatem & auxilium conclamant, contra nequissimi hominis uim, atque iniuriam: Eustachium enim praefectum urbis auro uictum, tres innocentissimos ciues capite damnassee, ciuitatem omnem in ludu esse, unam reliquam superesse in NICOLAO spem, Qui si affuisset, ille nunquam tam immane facinus in animum induxisset:

K iij opus

opus esse maturato : ni cito accurrerit , de capite & fortunis infontium actum esse.

Hæc illi cum flentes lamentarentur, uir Dei, diuinæq; misericordiæ imitator, rei crudelitate uehementer percitus, iter arripit, Constanti- niq; legatos contra præfecti uim, si oporteat, sibi comites & adiutores adiungit. Itaque cum in locum, cui Leo nomen est, aduolasset, obuios quosdam rogat, si quid de tribus his damnatis ciuibus exploratum ha- berent. Illi reliquisse eos aiunt, in Castoris & Pollucis campo, tractos ut mactarentur. Tum Nicolaus ad locum uelox contendit, ut illorum præueniat necem. Iam miseros illos crudelis carnifex tyranni iussu ad portam loci pertraxerat, ubi capite damnatos plecti mos erat. Quo Nicolaus incredibili ardore flagrans, cum irrupisset, uidet magnam mortalium uim undique circumfusam, & tres (miserum dictu) ma- nus post terga uinctos, & lumina linteolo uelatos, nuda colla carnifi- cis securi præbentes. O miserum spectaculum, & indignum profecto, quod humanos oculos suæ immanitatis testes haberet. Iam carnifex securim erexerat, & furenti similis, truculentos oculos in miseras ceru- ces defixerat, nihil aliud quàm crudelitatem atque cruorem gestu, uultu foedæq; uoce significans. At diuinus hic noster, ut primum pia lumina nefario iniecit spectaculo, non tumultuans quidem, aut temerarius, sed grauitè admodum, & cum seueritate carnificem compellat : Quid agis scelestè? securim contine. Simulq; accedens intrepidus, & fiduciæ plenus, cum regia quadam auctoritate, securim e manibus extortam abijcit, tribus damnatis lumina & manus reddit, bonoq; animo esse iubet.

Hæc cum ita fierent, nemo tamen quisquam ausus est ex omni ap- paritorum turba non modo Nicolao obistere, sed ne in eum quidem uel attollere oculos, Tanta erat moribus auctoritas, gratia, atque maies- tas, tantæq; de illius uirtute omnium mortalium existimatio. Rei præ- terea indignitas illis (ut arbitror) manus & linguam ademerat. Tum tres illi, sanctissimi uiri beneficio in lucem restituti, quanta poterant uo- ce, cum lachrymis beneficium extollebant, simulq; uniuersus campus, in quem facti misericordia ciuitatem propè omnem conciuerat, in eius laudes resonabat.

Inter hæc præfectus urbis cum aduenisset, ei Nicolaus neque ob- uiam ire, neque uenientem inspicere passus est. Tum ille siue sceleris sui conscientia, siue poenæ metu (si Constantinus factum resciscat) in poe- nitentiam uersus, Episcopum benigne congreditur. Ille repulsum seue- ra increpat uoce, Affirmat hanc se publicam iniuriam non passurum, imploraturumq; non modo ultoris Dei, uerum etiam Constantini iu- stitiam in eum, qui auro corruptus, magistratum sibi traditum foede & crudeliter administrasset.

Cumq;

Cumq; illi extrema minaretur supplicia, præfectus uehementius sibi timens, iam non uerbis modo, uerum & lachrymis supplex sibi ueniam postulat, omniq; poenitentiae significatione Nicolaum sibi conciliare studet. In Symonidem & Eudoxium Myrensiū principes iniurię culpam falso transferens. Tum incredibile est, q̃ ea res charum omnibus hunc uirum reddiderit, ut in eius laudes fusa multitudine, confestim ea res tota Lycia celebraretur.

Sed iam Constantini legati, confecta re, abeundum rati, Nicolai benedictionem efflagitant, pulcherrimum tutissimūq; itineris sui uia-
ticum. Ea accepta benigne dimissi, proficiscuntur in Phrygiam, ubi cum motus illos sapienter compescuissent, Bizantium ad Imperatorem regressi, honorifice & perhumane excipiuntur. Nouis honoribus atque donis aucti, quippe quorum opera atq; consilio id incendiј tute maturęq; extinctum esset, iamq; inter primos Constantino chari, & cæteris omnibus illustres & conspicui habebantur. Cæterum hanc eorum felicitatem non diutius pertulit, laudum semper & glorię hostis inuidia. *Ii enim, quibus erat cum tribus istis de honore contentio, Bizantiј præ-
torem clam adeunt, conficta in illos crimina afferunt, quod scilicet illi pecunia uicti, in auctores seditionis non animaduertissent, seminaq; eiusce mali reliquissent, breui maius periculum paritura. Cæterum ac-
cusationem hanc per se infirmam atque suspectam, grandi pecunia præ-
tori data, communiunt. Prætor corruptus, ad Constantinum omnia defert, comperta se habere horum peccata affirmans. Tum opinionem Imperatoris de legatorum fide & integritate uicit suspitio, quæ regum animos facile occupat, ac dominatur. Prætori itaq; ab Imperatore da-
tur potestas, Nepotianum, Vrsū, Herculionem huius accusationis ignaros, uinculis & custodia coercendi. Tum prætor se satis accusato-
ribus fecisse arbitratus, q̃ illos cohercuisset, pariter intelligens ficta illa contra insontes crimina fuisse, Neq; ad quæstiones, neque ad crimina quouis pacto discutienda accedit. Sic ergo cum aliquantulum æui efflu-
xisset, ueritaccusatores, ne si uincti inopinato dissoluerentur, pericu-
lum patratę fraudis in suam redundaret ceruicem, ad prætorem re-
deunt, eum perquā multo concitant studio, ut negotium rerum in-
termissum resumat, efficiatq; ut illi factorum suorum poenas luant, Neque sibi, neque prætori conducere, ut illi liberati acceptam iniuriam ulciscantur. Prætor & ipse sibi pro auro ab accusatoribus sumpto, me-
tuens ad Imperatorem redit, uultu, gestu, oculis se malę rei nuncium uenire dissimulat. Tum ubi fandi copia data est, legatos, ait, nondum odiū suū satis expleuisse, ex his quæ contra Imperij maiestatem gessissent in Phrygia. A quibus tantum aberat priorum flagitiorum poeniten-
tia, ut etiam uincti & custoditi, noua non desinant pericula moliri, qui-
bus nisi occurratur, anteq̃ ueniant, frustra cum uenerint, occursurum.*

Cum

Cum itaq; suam fraudē prætor lachrymis contexisset, Imperator uera atq; comperta sibi afferri putans, simulq; motus tum ira ob illorum ingrati-
tudinem, tum metu sui periculi, mortem reis in crastinum decernit. Erat custos carceris uir tum humanitate præditus, tum ueteri consuetu-
dine cum tribus his legatis coniunctus, quorum calamitatem ægre ad-
modū & molliter semper tulerat. Ad eum igitur cum tristis crastine cæ-
dis nuncius aduenisset, exclamans, Me miserum, inquit, & hominū lon-
ge infelicissimum, quem tam funesti ludi spectatorem fortuna delegit: q̃
noluissē unquam hos carceres conspexisse: q̃ præstabat, in ultimis ter-
rarū finibus nūc abesse. His uocibus custos omnē cōpleuerat carcerem,
neq; largi fletus lamentis deerant. At tres illi, quibus uitæ, factorumq;
innocentia dudum & mortis & poenæ metum ademerat, ad subitū nun-
cium consternati, Quæ nos, inquit, aduersa fortuna in hoc miseriarū
atq; calamitatis impulit? Quæ tanta in nos falsa suspitio potuit, ut inson-
tes sceleratorum hominū supplicio damnaremur? Tum amicis, cognatisq;
qui aderant, frustra imploratis, quandoquidē aiunt, nihil præsidij
innocentibus in terris est, Deum ipsum & integritatis nostræ testem, &
iniurię atq; necis ultorē inuocamus. Inter hæc dei miseratione effectum
est, ut Nepotianus in memoriā Nicolai ueniret, iamq; uersaret animo,
quo pacto ille damnatis Myrensibus succurrisset, Qua ui atq; miseri-
cordia eos ab interitu uendicasset. Hæc cum socijs in memoriam reuo-
casset, Et quid, inquit, spei nostrę saluti superest, nisi ut hunc ipsum inno-
centiæ nostræ patronum ex animo imploremus, qui pulchre didicit in-
son-tes ab omni mortis periculo liberare? Tum & duo reliqui ad oratio-
nem lachrymis & mente conuersi, sanctissimi uiri patrociniū inuocant.
Exaudiuit autē eos dominus de excelso sancto suo, & de cœlo in terram
aspexit. Audiuitq; gemitus cōpeditorum mirabilis dominus in sancto
suo, cuius nō est passus frustra patrocinium implorari. Voluit enim, ut
discerent reges, & omnes populi, principes, & omnes iudices terræ, re-
gum regem in cœlis esse, qui non spernat iniurias pauperum, qui soluat
iniuste compeditos, & elisos erigat. Noctu enim per quietē Imperatori
Nicolaus apparuit ore profecto sicuti uenerando, ita & terribili formi-
dolosq;, atq; illi imminens: Surge confestim Imperator, inquit, & Ne-
potianum, Vrsū, & Herpilionem uinculis & custodia solue: falso em̃
& per inuidiam accusati sunt, & iniuria abs te damnati. Id nisi feceris, in-
tolerabile tibi bellum indico, & foedam insuper stragē, turpissimumq;
tibi domuiq; tuæ interitū uerus Dei præco denuncio. Tum Imperator
rei nouitate perculsus, miratusq; (ut sæpe in somnis solet) cum uiri ma-
iestatē & uerba, tum q; intempesta nocte in regiam, regisq; penetrasset
cubile: Et quis tu es, inquit, qui hæc mihi denuncias, & minaris? At ille,
Nicolaus sum, Myrarū Dei miseratione antistes. Quo dicto, ab eo eua-
nuit. Et Allabio prætori tunc quoq; dormienti sese per uisum offert,
eodem

eodem oris habitu, iisdemque uerbis, quibus Cōstantinū terruerat. Tum Constantinum somni terrore excitatum, secumque tum minas horrendas, tum minantis speciem reputantem, pauor non mediocris occupat, idque uisum minime negligendum ducit. Eodem pauore, eademque animi cognitione cum teneretur prætor, ab Imperatore adueniunt nuncij, qui uisa ab eo per quietem accurate exponant. Tum prætor metu adaucto, ad Imperatorem confestim uenit, quæ uidisset, quæque audisset, quantum potest, uerissime explicat. Ita cum singula utriusque somni conuenirent, & uelut ab eodem imperante, quasi signo dato, in utraque cubacula irruptum esset, tandem uisum est, reos ipsos ex uinculis accersiri. Qui cum coram destitissent, rogantur: Num disciplinam magicam didicissent? Cum negarent illi, & studia eorum omnibus manifesta esse contenderent: Rex, num, inquit, de interpretandis aut inducendis somniis exploratum habetis aliquid? Cum illi negarent, Constantinus se per uim (quandoquidem uoluntarie non licet) ueritatem ab illis extorturum minatur. Illi regis iustitia implorata, neque magicam, neque ullam somniorum disciplinam usquam attigisse affirmant, se à parentibus ab ineunte ætate ita educatos, institutosque, ut nihil didicerint, nisi Imperatorem uenerari, illum colere, illum rebus anteferre omnibus, quas mortalium animus solet concupiscere. Hoc institutum ita constanter, & perpetuo tenuisse, ut nihil nisi pro augenda Imperij maiestate dixerint fecerint: si secus compertum habuerit, nulla se prorsus misericordia dignos putet. At si nonnihil quandoque tuendi extollendique Romani imperij causa fecerint, si uitam sæpenumero minimi pro illius dignitate æstimauerint: Si data sibi ab eo negocia castè integreque gesserunt, iam non præmia, quibus amplissimis eiusmodi facinora donari solent, sed fama tantum nomenque ut sibi restituatur suum, supplices postulare. His uerbis cum uultus, gestus, lachrymæ oculis obortæ facerent, coepit Constantinus de illorum innocentia cogitare, & suæ poenitere sententia, quippe qui Dei iustitiam formidaret, uerereturque, ne si ipse innocentes damnaret, nocens ipse diuino iudicio damnaretur. Iam itaque benignus illos inspicit, benignus alloquitur, ut uultus uerbaque poenitentiam animi sui facile indicarent. Tum illi paulo fidentius Constantinum intuiti, Nicolai simulachrum continuo uident assidentis Imperatori, & nutu sibi ueniam & misericordiam pollicentis. Tum Nepotianus, & duo reliqui deinceps uehementiore animi exultatione permoti, sublatis in cælum oculis conclamant, Deus misericors, Deus Nicolai, qui tres innoxios olim Myris ab interitu liberaasti, libera innocentes sperantes in te, ne Angelus hic tuus frustra uideatur nostrum patrociniū suscepisse. Miratus hunc sermonem Constantinus, quid sibi hæc uerba uelint, rogat, quiue hic Nicolaus sit, quosue tres ab interitu liberarit? Tum Nepotianus ordine exponit omnia, & quid ipsi Myris uidissent,

L & quo

& quo pacto in uinculis illius auxilium implorassent, quem pone assidentem conspexerint. Constantinus (ut par erat) miraculo rei commotus, neq; immemor domesticæ clementiæ, ac lenitatis, quam à maioribus acceptam magno ipse semper studio auxerat, utroq; somnio cum istorum narratione collato, solui confestim tres uinctos iubet, & pristinæ dignitati restitui, atq; ad illos conuersus, abite ad eum, inquit, qui me de fortunis, & capite uestro sollicitus territat dormientem, & gratiam illi reddite, eiq; meo nomine nunciate, quid sui gratia fecerim. Hæc cum dixisset, Euangelium aureis literis proferri iubet, aureumq; thuribulum gemmis, & arte insigne, & duo præterea puro ex auro candelabra, ea omnia imperat, ut Nicolao offerant, quibus inter sacrificandum utatur, suæ pietatis perpetuum monumentum. His alijsq; admirabilibus uiri factis, eo usq; nomen eius diffusum est, ut iam uel remotas orbis terrarum plagas attingeret, essetq; calamitosi & periclitantibus certissima spes, atq; profugium, quibus ille uocatus deesset nunquam. Qua uero misericordia atq; pietate nauigantes olim è faucibus mortis extraxerit, operæpretium arbitror enarrare.

Ferunt enim nautas quosdam horrenda disiectos tempestate, furentiq; pelago propè absortos, Nicolai, quem nunquam uiderant, auxilium inuocasse. Audierant enim, quàm multos sæpe è summis periculis liberasset. Itaque iam non manibus fidere, non clauo, non uiribus uilis, aut arte nauigandi, sed toti in sanctissimi uiri innocentiam proiecti contra procellarum rabiem, hoc quasi tutissimo scuto sese tueri, illum inuocare, illi manus tendere, illi tota mentis cogitatione inniti. Tum hic noster impiger humanarum calamitatum adiutor, inclinante iam naui, & pelagus imbibente, oculis omnium manifestus: Ecce, inquit, adsum, quem inuocatis, opem, si sperabitis, allaturus. In Deo confidite, cuius ego minister adueni, simulq; clauo, cernentibus cunctis, arrepto nauim erigit gubernatq; inde mare minaciter increpans fluctus confestim, sæuientesq; procellas placat, ut nautæ dicerent, quis est hic, quia mare, & uenti obediunt ei? & ipse Christi promissis fidem faceret, dicentis: Amen dico uobis, qui credit in me, signa quæ ego facio, & ipse faciet, & maiora horum faciet. Ita cum procellarum omnis illa superbia resedisset, eisq; placidam reddidisset nauigationem, ex oculis eorum euasit. At nautæ, ut primum illos optata tellus excepit, Myras, quæ stadia xx. à mare aberant, recta contendunt, saluatoris sui uisendi cupiditate incensi, ubi cum sciscitantes didicissent, beatum hunc in templo cum reliquo clero diuina officia exoluentē, templum ipsi anxij petunt. Erat sanctissimus hic noster sacerdotum choro immixtus, nihilq; habebat insigne, quod à cæteris secerneret. In quem simul atq; nautæ oculos coniecerunt, quasi bacchantes per confertam turbam ad illum irrupunt, prostratiq; Hic est, inquiunt, hic est, cui uitā planè debemus, hic est, cuius

cuius ope ab interitu erepti sumus: hic est, qui inuocatus, ut parens miser-
 ricors laborantibus preſto fuit. His uocibus cum in ſe circumfuſos My-
 renſes cōuertiffent, rem omnē, ut ab initio geſta fuerat, edixerūt. At Ni-
 colaus ora ingenuo quodā rubore ſuffuſus, Date inquit, gloriā deo filij,
 ego peccator ſum, & ſeruus p̄fecto inutilis, ipſe eſt, qui facit mirabilia
 magna ſolus. Inde illos ſeorſum euocatos, cū placida quadam ſeueritate
 admonet, ut poſt acceptam corporis ſalutem, animi quoq; ſalutē nō ne-
 gligant. Habebat em̄ ex ſpiritu ſancto, quē in illū Deus ubertim effude-
 rat, ut alieni cognoſceret cordis arcana. Ex quo nautas iſtos ſciebat pec-
 catis quibuſdā & diabolo eſſe obnoxios: Cognoſcite igitur, inquit, co-
 gnoſcite filij errata ueſtra, & corda motuſq; ueſtros in tutiorem portū
 traducite, deumq; horrendū iudicē formidate. Eſtis em̄ (ut inquit Pau-
 lus) dei templū: qui uerō dei templū corrumpit, ut corrumpat et deſtruat
 illū Dominus, æquū eſt. Ego (ut dicitis) ueſtræ corporalis ſalutis adiu-
 tor, ſpiritalis nunc periculi nunciuſ uenio. Et cum poſt hæc ſecretiora
 quædā illorū peccata pferret, eos iuſta admiratione et poenitentia reple-
 tos dimiſit. O medicum expetendum, & omnium mortaliū linguīs per
 ſæcula celebrandum, qui cum corpora omni periculo liberaret, animos
 quoq; ſanctificare non neglexiſſet, ut totum hominem ſanum redde-
 ret, eius nullam omnino partem incuratam p̄termiſiſſet. Quamobrē ue-
 re putandum eſt, deum ipſum hoc tantum terrarum coeliq; ornamentū
 ſuis plaſmaſſe digitis, & inter primas ſuas delitias habuiſſe, dediſſeq; ani-
 mo illi p̄fecto cōleſti habitaculū pari omnium elegantiarū ornatu præ-
 ditū. Sic em̄ inter ueterū memorias literis Græcis mandatū inuenimus,
 beatiffimum hunc cōleſti quadam oris & uultus uenueſtate fuiſſe, mor-
 ribuſq; ſenili ac ueneranda grauitate iocundis, & ueluti ſanctificationē
 quandam & gratiam ex ſe ſpirantibus, in cuius intuitu ea eſſet uniuerſæ
 honeſtatis ſpecies & exemplum, ut ſibi congreſſos aſpectu ſolo a uitijſ
 ad uirtutem facile reuocaret. Si quem aut̄ naſtus eſſet ulla animi moleſ-
 tia laborantem, nunquam non abunde conſolatum atq; lenitum ab ſe
 miſiſſet. Tradunt præterea, ex eius uultu uelut coruſcantia fulgura mi-
 ſcere ſolita, faciemq; ſuper humanum eluxiſſe ſplendorē. Sermo erat ad-
 mirabili quodam lenocinio & ſuauiſſe ſuffuſus, grauiſ, modeſtuſ, &
 in ſententiam facile etiam reluctantēſ trahēſ. Compertum enim habes-
 mus, multos illum de ueritatis curriculo declinanteſ, & in hæreticam fo-
 ueam delapſoſ, ad catholicæ fidei ſemitam reuocaſſe, ut in opere atq; ſer-
 mone iuſte ſit habitus efficax.

Hic itaq; tantis prædituſ ornamentis, ſic inter mortaleſ uerſatuſ eſt,
 ut cōleſto ſemper, & immortalitate omnium conſenſu digniſſimuſ uide-
 retur. Qui cum diutiuſ, quaſi liliū intra Myrenſeſ hortuſ iucundiſſime
 redoleuiſſet, & ueluti unguentum fragrans diuinarum uirtutum odo-
 rem atq; ſuauiſſe ex ſe ſpiraiſſet: tandem dierū ſanctorum plenuſ, in

L ij uiridem

uiridem senectutem inducitur. Iamq; cum communi hominum lege listandum esset naturæ, in breuem, eamq; leuem ægritudinem incidit. Ita cum intelligeret, hinc sibi migrandum esse, beatus iste superioris Hierusalem ueteri desiderio flagrans, in hymnos & gratiarum actiones totus diffunditur, omnique lætitiæ significatione, ualedicto, in cœlum, quod sibi apertum cernebat, euolat, longæuam illic & sempiternam acturus uitam, angelorum splendoribus consors, diuinæq; pulchritudinis perpetuus contemplator. At uenerabile corpus, singulare orbis terrarum ornamentum, Episcoporum, uniuersiq; cleri, & populi laudibus, & lachrymis decoratum humatur in templum, quod Myris maximum atq; pulcherrimum ea tempestate fuit.

LUCIA VIRGO ET MARTYR.

Georgij Vni
celij.

Syracusanam patria Luciam, genere nobilem, & bene honesteq; educatam esse tradunt. Quibus in Lucia mundi ornamentis cœlestia dona, & hæc quidem egregia, Magni regis gratuito beneficio accesserunt, ut laudaretur eius inexhausta gratiæ profusio. Hæc igitur cum esset Christianis orta parentibus, & peragendo cultui diuino, iam inde à pueritia assuefacta deditaq; uisum est Eutychiæ matri uirginis illius nostræ, ut Catanam iter faceret, per celebrem tumbam diuæ Agathæ uisere, nec non, precibus ardentissimis patrē cœlestem sollicitare. Matrem filia morigera comitatur. Ventum est in templum, peragitur Liturgia, oratur, & iuxta auscultatur, quid uerborum pro more Ecclesiastico legeret diaconus. Forte uero legitur Euangelica historia de Æmorrhossæ prestitito beneficio. Tum per eam occasionem Lucia ad Eutychem conuersa, Mater, inquit, nihil dubito, te tuo quoq; profluuio liberatum iri, si hisce uerbis Domini, quæ publicitus recitata sunt, ex corde credas, ac fidas. Laborabat enim & matrona illa eodem morbo q; grauissime. Præter uerbi fidem à matre exigebat etiā filia, ut ad memoriam sanctæ Agathæ, manus in cœlum tendens, precaretur Deum pro sanitate reddenda. Expectas euentum? Vtraq; pernoctant in delubro illo, prostratæ ad sepulchrum miraculorū ferax prolixè orant, & Agatham reliquosq; cum Christo diuos, ut secum orent, compellant. Inter orandum, ita ut sit, sopore oppressa Lucia, in somniū faustissimum de sananda matre percipit. Et eo profecisse, precationem suam cum fide coniunctam, simul & Agathæ in cœlis cooperatricē intercessionem. Verum simul atq; illuxit postera dies, sistitur fons pudendi sanguinis in Eutychia: uoti sui compotes illæ magno cum studio domum repetunt, gratias agentes Deo, cuius bonitati potius, q; sue supplicationi incolumitatem ferebant acceptam. Hinc autem filia audentior facta, liberius posthac cum matre agit, ut quæ diuinitus tanto impetrato beneficio

beneficio, in posterum sit æquior ac remissior futura. Quare ab ea petit præcipuum, ne se posthac nuptiarum mentione grauet, nam nolle se nubere. Atq; hoc ueluti præmij loco postulat pro communicata interpellatione Cathanensi. Præterea uelle se, quicquid hæreditate obueniret, dispergere in egenos. Nec enim magnis opibus ei fuerit opus, quæ uitæ coelibem agere decreuisset. Coniugium uorax magnopere est, & in erogandis elemosynis tenax. Mater grauatim assentiens, illud à filia modo postulat, ut se uiua parcat opibus: Ab obitu autem ex animi sententia illas aut asseruet, aut expendat. Hic filia quasi Nuthetico quodã asperiore matrem ad beneficentiam exhortans (ut erat spiritu superior matre) in hunc modum ait: Heus mater mea, dare tu quidem uis pauperibus iam iam moritura, nunc incolumi uita dare reuuis? Qua præpostera largitione eum animum præ te fers, q̃ nunquam quicquam sis datura, si perpetuò uiuere liceat in hoc sæculo. At uero quia hinc emigrandum est tibi, dari non uetas: quandoquidem nosti, opes te in alterum sæculum non comitari. Quæ, obsecro, merces hinc tibi? Quam eo animo inibis gratiam à domino? Proinde si me audis, o charissima mater, confer cœlestia cum mundanis, æterna cum caducis, contemne, atq; animo eijce philargyriam, hoc est, amorem pecuniæ, & fac tibi amicos de iniquo mammona, dum uiuis, dumq; bene habes, da tua, non aliena manu, da copiose, da candide, nec aberit, quin pater noster cœleste tabernaculum olim tibi redditurus sit. Illiusmodi orationem Lucia matris tenaces manus expugnauit, hucq; adegit, ut posthac è domo illa opulenta eulogia pauperum usibus effunderetur. Resciuit hoc adolescens, qui Luciam in uxorem ambierat. Is ut erat sæculo huic deditior, religionē nostram nihil morabatur, contemptor tam Euangelij q̃ legis Christi. Nul la mora, procurrit frustratus amator (ut qui repulsam coniugij tulerat) ad Paschasium uirum consularem, accusat Luciam Christianismi, flagitij scilicet capitalis. En tibi crucem occasione bonorum operum: quod idem in diuo Laurentio uidere est. Puella non fide tantum, sed factis quoq; Christiana, ad impium tribunal accersitur. Fit inquisitio de religione. Affirmatur Christianismus citra dissimulationem. Consul obijcit Imperatorum Decreta, quibus cauebatur, ne quis Christianus fieret. At Lucia non superioris & ordinatæ potestatis, sed impij decreti contemptrix, respondit, ad se nihil pertinere eius generis inhibitiones. Tu, inquit, o Paschasi, principum tuorum decreta custodi, ipsa Dei mei legē custodiam. Metuis tu quidē reges & præsides, ego Deum timeo. Offendere non uis homines, & ego offendam Deum? Quinetiam ambis illis placere, & mihi succenses, q̃ Christo meo placere studeam. Agedum, fac tuo pro libitu, mihi curę erit, ut quod Christianam decuerit, quodq; animæ meæ fructuosum fuerit, strenue faciam, uel renitentibus inferorum portis, nedum Romanorū armis. Paschasius audita uirginis apo-

L iij

logia

logia, diffidebat se illam in superstitionem gentilium posse retrahere, quandoquidē fortiter responderet, se nullo modo dijs sacrificaturam: simulq; docens, quidnam sit uerum sacrificium, ac deo placens: Nimirū uisitare pauperes, & illis in necessitatibus subuenire. Adeoq; addiderat, semet nunc offerri uelle, postquam sua omnia ceu Christianam oblationem in pauperes expendisset. Ira igitur incaluit homo, & conuersus ad conuitia, Luciam impudicitiae notabat, & quæ hæreditatem suam nequiter prodegisset. Illa mendacij Paschasium arguens, respondit, se patrimonium suum tuto in loco posuisse, nec sibi consciam esse de ulla libidinis macula. Atq; hīc reprehendit paganos, tanquā corruptores mentium, nedum corporum. Peruersa enim illorum cum sit religio, consensaneum est, ut uita eorundem omni scelerum genere operata sit. Præter hæc iactauit æternitatem uerbi diuini, sc̃q; ipsam exhortari ac consolari dictis Euangelicis, pulchrum duxit. Post longam disputationem, uidebatur Paschasio haud abs re fore, si puella uirginitatis soluta zona, cuius uis in libidinē putri prostitueretur: Nam hoc actu futurum, ut amisso casto spiritu, experta probrosa uoluptate, desereret disciplinā nostram, ac ad pristinum errorem licentiamq; rediret. Procurat impurus, ut lenum turpissimorum turba ad Luciam uentitet, illiq; quod possunt persuadeant, donec firmum pectus expugnetur. Sed nihil effecerunt fœdi. Dein tentatum est alia uia: uerum ne sic quidem processit. Virgo in sententia ac proposito castitatis fixa & immota perdurans, uerba fecit de pudicitia, uidelicet, quæ auferri non queat à quoquam, si animo relucteris: Non, inquit, inquinatur, nisi de cōsensu mentis. Quod si me inuitam corrumpi præceperis, nihil aliud feceris, q̃p̃ quod hic mihi coronam castitatis auctam reddideris. Ecce corpus meum ad omne supplicium paratū habes. Hæc Lucia. Mox igne torquetur, nec tamen assentit uel errori, uel turpitudini. Ferunt inter tormenta uirginis ipsum Paschasium suæ tyrannidis dedisse poenā, ultore Deo. Virgo morti destinata, multa sermocinata fuerat ad populum, admixtis etiā uaticinijs. Efflauit autem animam, transfixo gutture, ubi tamen prius acceperat sacram Eucharistiam. Acta sunt anno Domini CCCX. sæuiente Maximiano & Diocletiano Christicida. Huius rei testis est Her. Cōtractus. Quo loco meminimus etiam Viti Modesti, & Crescentiæ in Sicilia, pro Christo trucidatorū. O nympham coelesti throno dignam, dictam à Luce, qui Christus est, Luciam, præ qua gentilis illa Lucina tenebrosa fuerit. Rapha. Volaterranus de Lucia & Lucina sic: Luciae item duæ martyres, altera uirgo Syracusana, altera Romana uidua iam annis xxxix. unā cum Geminiano, quem à lymphatione liberatum, ad fidem deduxerat: gladio cæsa est sub Diocletiano. Lucina uirgo item Romana diues admodum circa ea ferè tempora Christianos sumptibus iuuabat, martyresq; in agro suo sepeliebat. Eius Romæ sepulchrum in templo Sebastiani, &c.

Hæc

Hæc Raph. Habuit eadem nostra Ecclesia olim Lucium uirum Dei, de quo Eusebius Cæsar. in hanc sententiam scribit: Lucius autem quidam Christianus uir, uidens tam temerè datam sententiã, ait ad Urbicium: Quid quæso causæ est, q̃ neq̃ adulterũ, neq̃ corruptorem, aut homicidam, uel latronem, raptoremq̃, aut alterius cuiuslibet facinoris reum, sed tantum pro nomine Christiani, quod hoc se uocabulo confessus est nuncupari, ad mortem duci hominem præcepisti? Non sunt hæc digna pio Imperatore, nec sapientissimo puero filio eius, neq̃ sacro senatu, quæ agis, o Urbici. At ille nihil aliud inquirens, ait ad Lucium: Videris mihi & tu Christianus esse. Cumq̃ Lucius respondisset: Hoc planè sum: etiã ipsum Urbicius duci pariter iussit ad mortẽ. Ille: Gratias (inquit) ago, q̃ me nequissimis dominis absolutũ, ad bonũ & optimũ patrem & regem omniũ Deum remittis.

ODILIA VIRGO.

E Nobili Francorũ seu Gallorum genere natam Odiliam esse *Georg. Valla* perhibent, patre magnate in superiore Burgundia, cui nomẽ *cel* Attico, tempore Hilderichi regis, qui inter Francorum reges à Roberto Gang. decimusquartus numeratur, in uenatione cum uxore Vlride occisus. Hæc ab incunabulis se colendo Deo mancipauit, accepto inter baptizandum peculiari lumine suæ mentis. Nam gratia dei & opus spiritus sancti est per filium, ut natura cæci, ad cognitionem rerum diuinarum oculati reddamur, alioqui Adamica illa cæcitas Christum Nazarenum, saluatorem mundi, precium emendis siue liberandis nobis à patre donatum, perspicere fidei oculis haud quaquam potest. Tametsi non incredibile putamus, Odiliam etiam corporeis captã extitisse, & cum Baptismi sacramento uisum accepisse. Nec fidem excedit, eandem immiti patre defuncto precum assiduitate profuisse. Nos potissimum in hac Gallica puella spectamus, q̃ contempto sæculo, calcatisq̃ uoluptatibus, se tanta fide Christo obstrinxerit, malens monasticũ degere abiectũ, q̃ aulicũ uiuere splendida. Christi uirgo Odilia recte iudicauit, diuinæ Maiestati placere castitatem, ieiunia, preces, elemosynas, lectiones, præ connubijs, cõmessationibus, obrectationibus, rapinis, litibus. Studuit facere secundum Euangelium, non credere tantum: abnegans semetipsam, mortificans & crucifigens carnem suam, ambulans spiritu, uirgo sancta tum corpore, tum animo. Iam malorũ annorum iuxta & operum bonorũ plena, decessit in Domino, simulatq̃ è calice sumpsisset Dominicum corpus & sanguinem. Vt hæc Odilia Monacha, ita alius Odilio Monachus extitit, tempore Othonis Tertij, uir æditis miraculis clarus. De isto legitur: pauperibus cõpatiens manu largissima tribuebat, ut etiam famis tempore sacra uasa & coronas, ab Imperat

ab Imperatore oblatas Ecclesię distraheret, & pecuniam acceptam erogaret. Hæc Petrus de Natalibus. Anthonius Sabellicus de Odilia lib. ij. Nec minus, inquit, tetrice Odilia corpus afflixit, ursina pelle pro stragulo usa, pro puluino muricoso lapide. Monasterij hæc, quod in Ba uaris uisebatur montibus, sacerdos fuit maxima, sed sororum omnium abiectissima & esse & uideri uoluit.

CONCEPTIO MARIAE.

Ex Baptista
Mantuan.



Ed quia longæuam fecit discordia litem
Conceptus ne sacer fuerit, uel sorde paterna
Illitus.

His igitur ne membra malis obnoxia sanctæ
Parthenices essent, ista Pater obstitit arte.
Ante tener sacra foetus quàm uiueret aluo
Conceptus ne prima nouos exordia pullis
Induerent maculis : mens ne syncera nitensq;
Communem imbiberet labem, ne pigra liquore
Pectora Lethæo fierent : quæ lactea magno
Pabula & amplexus fuerant latura Tonanti,
Semine confusas sordes & uirus inustum
Dissecuit, foelici anima mox imbuit artus.
Sunt tamen audentes contra sentire, nec illos
Incusamus, habent quo se tueantur, & olim
Ista hominum communis erat sententia : uerum
Iam senio exangui frigens sua robora sensim
Perdit, & amissa iam maiestate recedit
Sponte sua, cæditq; nouo Latonia Phœbo.
At quoniam sacræ legis de fontibus hausta
Creditor, ex omni nondum est explosa theatro,
Iudicio nec dum sancti damnata senatus
Qui Vaticani Romana palatia saxi
Et piscosa regunt sulcantem cerula puppem,
Sed prior ut nobis æquum sentire uidetur
Dignior est, & grata magis Nato atq; Parenti,
Nam legi assurgens Mariæ decus addit, opusq;
Materna dignum attribuit pietate Tonanti
Adde quod & multis fert adiumenta, fidemq;
Roborat infirmam, nam nec uenisse sub aluum
Sorde laborantem tali sublimia cœli
Numina non nulli ingenio præstante putarunt.
Religio maior, pietas animosior istam

Consus

Consummata fides legumq; peritia fecit.
 Altera uerborum textum & fastigia tantum
 Summa uidens, abstrusa Dei mysteria nescit.
 Quod si syderei tanto splendoris honore
 Fulget, ut æterno qui temperat ordine mundum
 Gestarit gremio, lactauerit tubere, dulci
 Strinxerit amplexu, summoq; uocauit olympo,
 Quare illam in nostras opus est detrudere sordes
 Et turpi incestare luto: mortalibus æquas
 Cui Pater æthereas mentes subiecit & astra?
 Scrutandum potius si quæ præconia iungas
 Eius ad inuentas per plurima sæcula laudes.
 Nulli adeo uiuax animi solertia, nulli
 Tam foelix aderit florentis gloria linguæ,
 Vt Mariæ possit laudes æquare loquendo.
 Quæ data sunt illi, nunquam mortalibus ullis
 Antea concessit: nec post concedit olympus.

Venerabilis presbyter Ecclesiæ legat Equilini episcopi Petri de Na-
 talibus scriptum de festo Conceptio. Mariæ. Ibi non inueniet à ueritate
 quicquam dissonum, quod quidem ad disputationis materiam attinet.
 Alij alijs immoderatus inepitiusq; non enim dicam absurdus, ea de re
 pro rostris differunt. Vellem nos simplicitate & puritate fidei contentos,
 altiora non uestigare, nec ociosa sectari. Legat item presbyter, si
 quidem illi libet, Homilias Origenis in Lucam, quæ extant in Merlini
 Parisiensis ædizione. Apud uulgus tacere præstat, quam eiusmodi mo-
 uere Camarinam.

EVLALIA VIRGO.

Hispanica uirgo, à S. Donato presbytero in ciuitate Barcinonensi catechizata, puerilibus etiamdum annis Martyrj palam cupide assecuta est sub præside Daciano. Causa mortis erat, Idolorum abominatio. Aiebat se soli Deo, qui in cœlis habitat, sacrificare solere, huiusq; Vnigenito dedisse fidem. In qua sententia cum firma perstaret, cedens neq; ad dextram neq; ad sinistram, multo atrocissimis pariter & creberrimis tormentis, usq; dum animam redderet, discruciatu fuit. Et quod in muliebri ac sanè quam imbecillo sexu magis mirere, bene locuta est Eulalia (suo uidelicet nomini respondens) in Christo Iesu inter has ipsas laminas, uugulas, fustes, cultros, flagra, haud secus ac si accubaret in uiridario quodam procul à carnificum cruentis & ferinis manibus. O uirtutem Dei ostensam in testaceo uasculo. O turpiter confusam potestatem robustissimi Behemoth. Hispaniæ decus
 M haud

D E S A N C T I S

haud uulgare, hæc Eulalia, Satanicam tyrannidem deuicit in domino,
qui est benedictus in sæcula. Meminit Eulaliæ Her. Contractus, recens
sens eam inter sanctos Ecclesiæ homines sub Diocletiano Imper. passos.

AVRELIVS PRVDENTIVS AEDIDIT HYMNVM IN
laudem Eulaliæ uirginis ac Marty. quod ascribere libet.

<p>Germine nobilis Eulalia, Mortis & indole nobilior, Emeritam sacra uirgo suam Cuius ab ubere progenita est Ossibus ornat, amore colit. Proximus occiduo locus est, Qui tulit hoc decus egregium, Urbe potens, populis locuples, Sed mage sanguine martyrij, Virgineoq; potens titulo. Curriculis tribus atq; nouem Treis hyemes quater attigerat, Cum crepitante pyra trepidos Terruit aspera carnifices Supplicium sibi dulce rata. Iam dederat prius indicium Tendere se patris ad solium, Nec sua membra dicata thoro Ipsa crepundia reppulerat, Ludere nescia pusiola. Spernere succina, flere rosas, Fulua monilia respuere, Ore seuera, modesta gradu, Moribus & nimium teneris; Caniciem meditata senum. Ast ubi se furiata lues Excitat in famulos domini, Christicolasc; cruenta iubet Thura cremare, iecur pecudis Mortiferis adolere deis. Infrémuit sacer Eulaliæ Spiritus, ingenijq; ferox Turbida frangere bella parat, Et rude pectus, anhela Deo Foemina prouocat arma uirū. Sed pia cura parentis agit</p>	<p>Virgo animosa domi ut lateat, Abdita rure & ab urbe procul, Ne fera sanguinis in pretium Mortis amore puella ruat. Illa perosa, quietis opem Degenere tolerare mora, Nocte fores sine teste mouet, Septa; claustra fugax aperit, Inde per inuia carpit iter. Ingreditur pedibus laceris, Per loca senta situ, & uepribus, Angelico comitata choro, Et licet horrida nox sileat, Lucis habet tamen illa ducem. Sic habuit generosa patrum Turba columniferum radium. Scindere qui tenebrosa potens, Nocte uiam face perspicua Præstitit, intereunte Chao. Non aliter pia uirgo uiam Nocte sequuta diem meruit, Nec tenebris adoperta fuit, Regna Canopica quum fugeret Et super astra pararet iter. Illa gradu cita peruigili, Millia multa prius peragit, Quam plaga pandat Eoa polū, Mane superba tribunal adit, Fascibus adstat & in medijs. Vociferans, rogo quis pudor est Perdere præcipientes animas, Et male prodiga corda sui Sternere rasilibus scopulis, Omnipatremq; negare deum? Quæritis o miserranda manus Christicolum genus? en ego sum Dæmonias</p>
--	---

Dæmoniacis inimica sacris,
Idola proterò sub pedibus,
Pectore & ore Deum fateor.
Ilis, Apollo, Venus nihil est,
 Maximianus & ipse nihil.
 Illa nihil, quia facta manu:
Hic, manuum quia facta colit:
 Friuola utraq; & utraq; nihil.
Maximianus opum dominus,
 Et tamen ipse cliens lapidum,
 Prostituat, uoueatq; suis
 Numinis caput ipse suum,
 Pectora cur generosa quatit.
Dux bonus, arbiter egregius
 Sanguine pascitur innocuo,
 Corporibusq; prijs inhians,
 Viscera sobria dilacerat,
 Gaudet & excruciare fidem.
Ergo age tortor adure, seca,
 Diuide membra coacta luto.
 Soluere rem fragilem facile est,
 Non penetrabitur interior
 Exagitante dolore animus.
Talibus exitus in furias
 Prætor, ait, rape præcipitem
 Lictor, & obrue supplicijs,
 Sentiat esse deos patrios,
 Nec leue principis imperium.
Quam cuperem tamen, ante necem
 Si potis es reuocare tuam
 Torua puellula nequitiam,
 Respice gaudia quanta metas
 Quæ tibi fert genialis honor.
Telachrymis labefacta domus
 Prosequitur, generisq; tui
 Ingemit anxia nobilitas,
 Flore quod occidis in tenero,
 Proxima dotibus & thalamo.
Non mouet aurea pompa thori,
 Non pietas ueneranda senum,
 Quos temeraria debilitas,
 Ecce parata ministeria

Excruciabilis exitij.
Aut gladio feriere caput,
 Aut laniabere membra feris,
 Aut facibus data fumificis.
 Flebilitersq; ululanda tuis
 In cineres resoluta flues.
Hæc, rogo, quis labor est fugere?
 Si modicum salis eminulis,
 Thuris & exiguum digitis
 Tangere uirgo benigna uelis,
 Poena grauis procul abfuerit.
Martyr ad ista nihil, sed enim
 Infremit, inq; tyranni oculos
 Sputa iacit, simulachra dehinc
 Dissipat, impositamq; molam
 Thuribulis pede profubigit.
Nec mora, carnifices gemini
 Iuncea pectora dilacerant,
 Et latus ungula uirgineum
 Pulsat utrinq; & ad ossa secat
 Eulalia numerante notas.
Scriberis ecce mihi domine,
 Quam iuuat hos apices legere,
 Qui tua Christe trophæa notât,
 Nomen et ipsa sacrum loquitur
 Purpura sanguinis elicit.
Hæc sine fletibus & gemitu.
 Lata canebat & intrepida,
 Dirus abest dolor ex animo,
 Membraq; picta cruore nouo
 Fonte cutem recalente lauant.
Vltima carnificina dehinc
 Non laceratio uulnifica
 Cratetenus, nec arata cutis,
 Flâma, sed undiq; lampadibus
 In latera, stomachumq; furit.
Crinis odor & in iugulos
 Fluxerat, inuolitans humeris,
 Quo pudibunda pudicitia,
 Virgineusq; lateret honos,
 Tegmine uerticis opposito.
Flamma crepans uolat in faciem,
 M ij Perq;

Perçq̃ comas uegetata caput
 Occupat, exuperatq̃ apicem;
 Virgo citum cupiens obitum,
 Appetit & bibit ore rogam.
 Emicat inde columba repens,
 Martyris os niue candidior
 Visa relinquere, & astra sequi:
 Spiritus hic erat Eulaliæ
 Lacteolus, celer, innocuus.
 Colla fluunt abeunte anima,
 Et rogos igneus emoritur,
 Pax datur artubus exanimis,
 Flatus in æthere plaudit ouans,
 Templaq̃ celsa petit uolucer.
 Vidit & ipse satelles auem
 Foeminae ab ore meare palam,
 Obstupefactus, & attonitus
 Profilit, & sua gesta fugit,
 Lictor & ipse fugit pavidus.
 Ecce niuem glacialis hyems
 Ingerit, & tegit omne forum,
 Membra tegit simul Eulaliæ
 Axe iacentia sub gelido,
 Pallioli uice linteoli.
 Cedat amor lachrymantū hominū
 Qui celebrare suprema solent,
 Flebile cedat & officium,
 Ipsa elementa iubente Deo
 Exequias tibi uirgo ferunt.
 Nunc locus emerita est tumulo
 Clara Colonia Vettoniæ,
 Quam memorabilis amnis Ana
 Præterit, & uiridante rapax
 Gurgite, moenia pulchra lauat.
 Hic ubi marmore perspicuo
 Atria luminat alma nitor,
 Et peregrinus, & indigena
 Reliquias, cineresq̃ sacros
 Seruat humus ueneranda sinu.
 Tecta corusca superrutilant
 De laquearibus aureolis,
 Saxaq̃ cæsa solum uariant
 Floribus ut rosulenta putes
 Prata rubescere multimodis.
 Carpite purpureas uiolas,
 Sanguineosq̃ crocos metite,
 Non caret his genialis hyems,
 Laxat & arua tepens glacies,
 Floribus ut cumulet calathos.
 Ista comantibus è folijs
 Munera uirgo, puerq̃ date,
 Ast ego sarta choro in medio
 Texta feram pede dactylico,
 Vilia, marcida, festa tamen.
 Sic uenerarier ossa libet,
 Illa Dei sita sub pedibus
 Ossibus altar & impositum,
 Prospicit hæc, populosq̃ suos
 Carmine propitiata fouet.

NICASIVS ET EUTROPIA.

Georg. Vii.
cel.

ERater & soror Nicasius & Eutropia Galli natione, Christi
 Euangelio toti addicti, quæsierunt Regnum Dei atque iustis-
 tiam eius, & ambulauerunt in uia domini irreprehensibiles.
 Erat autem Nicasius episcopus Remensis, tempore Vandalicæ persecu-
 tionis, Auiano Aureliæ agente episcopum. Atq̃ o lamentabiles Eccles-
 iæ casus. Non sat erat ipsos olim Romani orbis Imperatores, in Chris-
 tianorum capita iuratos hostes multipliciter sæuire, nisi exteros etiam
 Scythas, quibus nihil inhumanius, aduersus Ecclesiam suscitaret arma-
 retq̃ Diabolus ueterator ille millies execrandus. Pax nostris erat à dos-
 mesticis

mesticis persecutoribus, utpote Cæsaribus iam Ecclesiæ filijs factis, & ecce adest Ate noua, imò multo exitiabilior Tisiphone ab ipsis inferis immissa, ne uidelicet infelici Ecclesiæ ulla tranquillitas afforet, usq̃ adeo nimirū irato Satana, & ulciscente, quod à se suoq̃ tenebrarum regno, baptismatis obstricti sacramento defecerimus. Porro hæc Vandalica persecutio ut non prima, ita nec ultima fuit. Primum omnium Gothi, ex ipso opinor Acherontis lacu prodeuntes, late uagantes Europam Christianam truculentis armis inuasertunt. Sic scribit Eusebius. Per idem tempus, nempe Valentiniani Augusti, in orientis regno Gothorū gens sedibus suis pulsa, per omnes se Thracias infudit, armisq̃ urbes & agros uastare feraliter cœpit. Astipulatur Eusebio Nicephorus Monachus græcus, qui de Hypogothis etiam scribit: item de Alanis, quorum Paulus quoq̃ Diaconus meminit, Hos Barbaros unā cum Sarmatis antea bello superarat Constantinus Mag. Sed Valens Imp̃. postea, inualescanti Gothorum exercitui non potuit æque obsistere, imò ab his uictus, misere periit: nec illi quicq̃ profuit, quod Gothica gens Arianismo consenserat, cuius sectæ propugnator Valens Imperator, Ecclesiam catholicam hostiliter adflixit. Putabat bene secum actum esse Valens, ubi missis prædicatoribus sui Euangelij, Gothorum exercitus deceperat, inq̃ Arii sectam traxerat, idq̃ cōsulente Eudoxio, qui aiebat: Communio unius dogmatis, firmiorem faciet pacem. Eo tempore præfuit bello Atalaricus rex Gothorum, iuxta Historiam Tripart. quem tyrannum Paulus Diaconus Athanaricum uocat. Defuncto Valente creuit Gothorum rabies in Italia, ducibus Alarico Valamero (de quo apud Bedam) Theoderico, Ataulpho, Radagaifo, Torila &c. Contra uero strenue pugnatum est ab Imperat. Roman. Valentiniano Valentis filio, Gratiano, Theodosio, Arcadio, Honorio, Iustiniano, Martiano, & sæpenumero de Barbaris illis reportata uictoria. Interim exurgūt Hunni, post Belam, duce Attila, qui se Terrorem orbis & Virgam Dei appellabat. Is secundum Chronicum Vngaricum, quinquies centena milia militum dūctauit in Europam, unde Gothos fudit expulsiue, ut ipse Romano Imperio solus dominaretur: erat enim impatiens consortis regni. Circa idem tempus irruerunt etiam Vandali, duce Genserico & Helderico, qui adiunctis Alanorū copijs, per Gallias ac Hispanias maximo omnium terrore grassati sunt, domitores & uictores Christianorum populorum. Accessit huic malo, quod Gensericus Ariana iam doctrina infectus, Catholicos immaniter trucidauit, idq̃ in Aphrica, quo tempore locouit S. Augustinus uixit. Tum capta fuit à Genserico Carthago, qui idem Siciliam adflixit: Quinetiā Hunni Thraciam & Illyricum uastarūt in ijsdem Ecclesiæ procellis. Athanaricus rex Gothorum, referente Paulo Diacono, Christianos in sua gente crudelissime persequebat, adq̃ coronam Martyrij sublimauit. Præterea Vandali, regnante

M iij

te Thras

te Thrasimundo, catholicas ecclesias clausit, & cccx. Episcopos in Sardiniam deportauit exilio multandos. Horrenda mala narro: Romanam urbem à Gothis antea captam, Hunni quoque expugnarunt et diripuerunt. Mox denuo Gothi, regnante Torila. Quid ea tempestate rebus Christianis potuit funestius accidere? Nihil tum contemptius, nihil abiectius Ecclesia, nihil abominabilius catholicismo. Verum ubi Deo iudicanti visum fuit, cessauit illa uastatio. Missi enim fuerunt duo uexilliferi à Roma. Imperatore, Narses scilicet & Bilisarius, qui forti manu Getas illos expulerunt tam Aphrica quam Europa, terrasque foeda barbarie purgatas Imperio Roma restituerunt. Multo post deleuerat reliquias Hunnicæ gentis Carolus Magnus, teste Donato. Attamen totum Scythicæ huius familiæ seminariū usque in hunc diem extinctum haudquaquam est, siquidem Hunni Hungariam seu Pannoniam obtinuerunt, ibique fixerunt stabilem sedem, & Gothi Gothiam ad latus Daciæ, & Vandali Vandaliam seu Lusatiam. Nec non æterno Marte celebres Alani alicubi gentium existunt. Durauit ista per Europam & Aphricam Ecclesiæ perpetuis lacrymis deflenda calamitas CC. amplius annis. Sed quia calamitatem calamitas comitari solet, in Italiæ aut potius Romano Imperio aliud ex alio malum. Non enim ita magno temporis interuallo post, mouent arma aduersa Longobardi, & de integro Italicas Gallicasque urbes depopulantur, duce Alboino. Huic populo è Scandinia oriundo successit nihil non ex sententia uicta Italia regnarunt aliquot annis: dehinc Italicæ regionis partem nacti, quæ ab his Longobardiæ nomen trahit, quieti manserunt. Ais: Quando tandem pax Imperio? Tum ne, uidelicet prostratis Scythis & Longobardis suum in nidum coactis? Heu minime. Nam post Gothos, Hunnos, Vandalos, & nunc etiam Longobardos sub Iustino & Tyberio, fatali quadam infelicitate Persæ contra Romanum Imperium excitant, nempe regnantibus Phoca & Heraclio. Tum enim temporis elato animo Cosdra rex Persarum orientem, Romanis tributarium, crudelissime debellat, capta Hierosolyma, & expugnatæ ciuitatibus plerisque Iudææ in Imperij ludibriū triumphat: hostis religionis nostræ summus. Sed Heraclius, per Deum uiuum ac uerum potentior, Persicam beluam repressit. Sub eisdem annos exoritur extrema mundi pernicies Arabs Mahumeta. Prætereo in Hungaris ueterem Hunnorum rabiem ueluti renouatam. Etenim imperante Ludouico vii. Arnolphi filio et Kunrado, Hungari iunctis armis socialibus, fortasse ad ultionem de Carolo capiendam, Italiam subegerunt. Quin & Germaniam nostram ingressi, multas ciuitates expugnarunt, ac omnia passim sanguinolentis cladibus impleverunt. Multis post annis compressit illorum ferociam, cæsis aliquot milibus, rex Otto, mox Imperator. Cæterum istæ calamitates Christianismi iam olim destiterunt, Mahometica noxa hoc etiam die perseverat, in nocendo pertinacissima. Equidē primo tempore

quum

quum Arabes descuiſſent hortatore ſimul & anteſignano Mahometa a Romano Imper. ac pleriq; Cæſares, præcipue Tyberius, Abſimarꝯ & Anaſtaſius Artemius huius defectionis cauſa iuſta bella gereret aduerſum illos, inflammati hinc atq; concitati fuerunt Saraceni, ita ut frequenter irruptionem facerent in Italiam, ſeſeq; de Romanis uindicarent. Atq; iſta diſcordiæ acerbitas quotidie in maius euasit. Profecto noſtra ætate experimur iſthuc, ut hitoriarum lectione opus non admodum ſit. Nunc ipſi, inquam, ſentimus, quod ſæculis prioribus factitatum eſſe legimus. Eccleſia tot retro antiſ a Scythico populo uexata, nunc compluribus etiam ſæculis a longe immaniſſimis feris, quos Turcas uocant, ultra omnem modum moleſtatur. Gothorum, Hunnorum, Vandalorum & Longobardorum uſurpata poteſtas, finem accepit in Europa ac Aphrica: at Saracenorum tyrannis in omnes horas augeſcit, non habitura finem, hoc quidem rerum ſtatu. Eſt hæc Antichriſti tyrannis, & Draconis rabies, qua tot milia Chriſtianorū hodie miſerrime pereunt. Huiusmodi obiter percurrimus, dum, quænam fuerit Vandalica perſecutio aduerſum Nicaſium, preſbyteris rudioribus ſubindicare uoluimus, alioqui ferè extra inſtitutum. Tametiſi ea hitoriarum repetitione palam ſit, quàm infinita ſanctorum milia, non ſolum Nicaſius cum ſua Eutropia, in Scythicis iſtis cædibus interempti fuerint, quorum nomina licet nos lateant, uolumus tamen & illorū quotquot ſunt, memoriã in Nicaſij feriis renouatã celebrari. Vnus Nicaſius in Vandalorū furore occiſus, repræſentat nobis multas myriades ueterum Chriſtianorū in iſtis barbarorum impreſſionibus partim trucidatorum, partim ſpoliatorum exiliorūq; damnatorum. Celebramus quoq; in Nicaſio & Eutropia omnes fratres ſororeſq; noſtras in Chriſto, quotquot Turca trux tyrannus ardens oculis, animoq; fremens tam præteritis quàm noſtris annis, in Græcia, in Italia, in Pannonia, uelut oues maſtauit. Vincit hæc Turchica immanitas Gothicam: hæc ſequitã ſuperat Hunnicam, hæc crudelitas antecellit Vandalicam. Incidimus cheu nos in longe deteriora tempora, atq; illa fuerunt, quæ nobis Chronographi de ueterum Romanorū atq; Aphricanorum ærumnis in ſcriptis reliquerūt. Scythæ loris, Turcæ ſcorpionibus cædunt Eccleſiam. Antiochus olim ad Soleis mannum collatus, columba uideri poſſit. Siculi tyranni, & qui Athenis ui damnabantur, tantum non amici fuerint, ſi hos Saracenos, inimicos tales, aſpicias. Quis ſtrages, quas ædidiſt homo ille perditionis, quis funera ſando explicet? Nicaſius uerum agens paſtorem, irruentibus immani ira comitatis homicidis pro populi ſalute ſolicite orans, gladiatorum iſtus fortiter excepit, ſicq; in confeſſione S. Euangelij mortem obiit. Eadem fide & exemplo ciues occubuerūt, Præcioſa mors in conſpectu Domini. Accidit res admiranda, Remenſes a Vandalis iugulati, uicerunt. Atq; inde nomen Nicaſius habet. Sit benedictus Deus.

Sabbat

DE SANCTIS
SABBAS ABBAS PALÆSTINÆ.

Georg. Viti-
cel,

Patria Cappadox, Christianis parentibus Sabbas, cuius nomē in Græcorum quoq; Ephimeride legitur. Is patre in miliciam proficiscente: siquidē isthuc iubebat Imperator Theodosius; proripuit se in Monasterium, partim ut in eo, quippe loco semotiore, à seculari strepitu tranquillius Deo seruiret, uitæ innocentia, precibus, ieiunijs, meditationibus, Psalmodijs, partim ut commodius prijs utriusq; Testamenti literis operam daret. Quæ duo Monachū Christianum decent, nimirū Deo & studijs uacare. Extra illum binariū Monachus nihil aliud est, q̃ telluris inutile pondus. Monachus mundo familiaris, Deo odibilis est. Monachus prauis cupiditatibus indulgens à caupone nihil differt. Non cucullus, sed uirtus facit Monachū. Sub cucullo hypocrisis latere potest, in bona mente non potest. Eo processit sanctimonix Sabbas, ut per eum miracula quædam ederet omnipotens. Diabolum uicit uarijs modis, tanta ualebat uirtute dei. Vitam beatus uir in Palæstina consumpsit, ubi in domino obdormiuit, Hierosolymis sepultus. Rapha. Volaterranus de Sabba illo ita commemorat, lib. xix. Sabbas abbas imperante Theodosio à Cappadocia uenit Hierosolymam, ubi usq; ad extremum uixit, paruo sibi ædificato tugurio, quotidie loca religiosa lustrando. Eius deinde reliquiæ Venetias translatae.

IGNATIVS EPISC. ET MARTYR.

Ex D. Hiero-
nymo.

Ignatius Antiochenæ Ecclesiæ tertius post Petrum Apostolum Episcopus, commouente persecutionem Traiano, damnatus ad bestias, Romam uinctus mittitur. Cumq; nauigās Smyrnam uenisset, ubi Polycarpus auditor Ioannis Episcopus erat, scripsit unam Epistolam ad Ephesios, alteram ad Magnesianos, tertiam ad Trallenses, quartam ad Romanos: & inde egrediens scripsit ad Philadelphæos, & ad Smyrnæos, & proprie ad Polycarpum, cōmendans illi Antiochensem Ecclesiam: in qua & de Euangelio, qđ nuper à me translatus est, super persona Christi ponit testimonium, dicens: Ego uero & post resurrectionem in carne eum uidi, & credo quia sit. Et quando uenit ad Petrum, & ad eos, qui cum Petro erant, dixit eis: Ecce, palpate me, & uidete, quia non sum dæmonium corporale. Et statim tetigerūt eum, & crediderunt. Dignum autē uidetur, quia tanti uiri fecimus mentionem, & de Epistola eius, quam ad Romanos scribit, pauca ponere. De Syria usq; ad Romam pugno ad bestias in mari & in terra, nocte dieq; ligatus cum decem leopardis, hoc est militibus, qui me custodiūt: quibus & cum benefeceris, peiores fiunt. Iniquitas autem eorum, mea doctrina est, sed non idcirco iustificatus sum. Utinam fruar bestijs, quæ mihi sunt

mihi sunt præparatæ, quas & oro mihi ueloces esse ad interitum, & ad supplicia, & allici ad comedendū me, ne sicut & aliorum martyrum non audeant corpus attingere. Quod si uenire noluerint, ego uim faciam, ut deuorer. Ignoscite mihi filioli, quid mihi prosit, ego scio. Nunc incipio Christi esse discipulus, nihil de his quæ uidentur, desyderans, ut Iesum Christum inueniam. Ignis, crux, bestia, confractio ossium, membrorum diuisio, & totius corporis contritio, & tota tormenta diaboli, in me ueniant, tantū ut Christo fruam. Cumq; iam damnatus esset ad bestias, ardore patiendi, cum rugientes audiret leones, ait: Frumentū Christi sum, dentibus bestiarum molar, ut panis mundus inueniar. Passus est anno undecimo Traiani. Reliquiæ corporis eius Antiochiæ iacent extra portam Daphniticam in cœmiterio. De eodem S. Ignatio lege presbyter Eusebium, Hist. Eccl. lib. iij. cap. xxxvij.

DE EODEM S. IGNATIO.

Pastor in Antiochi celebres Ignacius agros
Venerat, & sacros Petri sortitus honores,
Sancta per Assyrios pascebat ouilia campos:
Iste super mira nascentis origine Christi,
Et teneri studijs æui, uitæq; prioris
Moribus ad matrem dedit, accepitq; tabellas.
His adeo incaluit patriæ coelestis amore,
Obuius ut fatis ultro progressus in ipsos
Se tulerit Traiani enses, & in ora leonum.
Quin & defuncti scrutatus colla satelles,
Auratis inscripta notis inuenit Iesu
Nomina: sic grauibus dictis, suauisq; potenti
Intima discipuli penetrarat pectora uirgo.
Ac si quis Partho missurus spicula cornu,
Cuspidis æratæ trahat, impellatq; sagittam.

Ex Baptista
Mantuan.

S. DAMASVS. EPISC. ROM.

Damasus natione Hispanus, patre Antonio, Iuliani temporibus fuit, uiri certe egregij, si domi, si foris eius ingenium respicis. Nam & Eubolo sophista & Libanio philosopho præceptoribus usus, liberalibus disciplinis ita erat imbutus, tū Græce, tū Latine, ut cuius optimo principij comparari posset. Multe erat memoriæ, ingentis facundiæ, in amicos liberalis, puincialibus iustissimus, gloriæ cupidus. Verum hæc omnia ad extremum euertit, dum Christianos persequitur. Callidior tamen cæteris persecutor non ui, neq; tormentis primo, sed

N præmijs

præmijs, honoribus, blanditijs, persuasionibus maiorē ferē populi partem, quā si atrocior fuisset, elicit. Vetuit autem, ne Christiani autorū gentiliū studia adirent, neue scholę, nisi his qui deos deasq̃ uenerarentur, paterent. Vni tamen pro hæresio uiro doctissimo concessum est, ut Christianos publice doceret, quam gratiam ipse indignatus cōtempnit. Militare cingulum dari nisi gentibus uetuit. Statuit præterea procuraciones prouinciarum iurisq̃ dictionē Christianis non debere permitti, quippe quibus lex ipsa Christiana proprio uti gladio uetat. Athanasium tamen aperte oppugnat, atq̃ in exiliū mittit, à magis, ab auguribus instigatus, quorum artibus maxime delectabatur, q̃ dicerent, Athanasium ob stare, quo minus eorū artes in pretio essent. Cum Daphnius quoq̃ in suburbano Antiochię iuxta fontem Castalium litaret Apollini, & nulla ex his quę quærebantur responsa susciperet, causasq̃ silentij percontaretur à sacerdotibus, Dæmones aiunt sepulchrum Babylłæ martyris propè astare, & ideo responsa non reddi. Tum Iulianus Galilæis imperat, (hoc enim nomine Christianos appellabat) ut sepulchrū martyris inde auferant. Qui dum sepulchrum mira exultatione traherent, dicentes: Confundantur omnes, qui adorant sculptilia, & qui gloriantur in simulacris suis: ita iram Iuliani principis concitarunt, ut multos præter institutum suum interfici iusserit. Miror ego illud à Iuliano factum, cum diaboli artes iam uanas esse cognosceret. Semel enim magū quendam in speluncam secutus, cum uoces dæmonum perhorresceret, signo crucis usus est, quo fugati sunt dæmones. Cum uero Iulianus diceret, signo crucis aliquid mirum inesse, respondit magus, dæmones etiam genus illud supplicij formidare. Hanc ob rem Iulianus pertinacior q̃ antea factus est, adeo uanitati magicę deditus erat, licet prius Christianam religionem simulato animo amplexus fuisset, ut Constantij odium uitaret, legissetq̃ publice diuinos codices, ac basilicā nomine martyrum ædificasset. Præterea uero idem Imperator, quo nostris stomachum faceret, Iudæis templum Hierosolymitanum restituit, cum dicerent, se alibi sacrificare non posse. Qui certe tanta arrogantia elati sunt, ut maiore impensa q̃ antea, restituere templum conarentur. Verum non ita multo post terræmotu templū corruens, & multos Iudęos simul oppressit, & illud approbatum est, lapidem supra lapidem poni non debere. Sequenti autem die incendio diuinitus immisso, & ferramenta ipsa cōsumpta sunt, & eo miraculo multi Iudæi perterriti ad fidem Christi uenire. In Persas uero proficiscens Iulianus, quos intellexerat res nouas moliri in reditu suo, malam quidem rem Christianis minatur. Cum autem superatis hostibus incōposito agmine uictor rediret, apud Ctesiphontem confossus periit. A' suis, an ab hostibus id factum sit, incertū est: quanq̃ sunt, qui scribant, sagitta ex incerto missa transfixum fuisse, eundemq̃ exclamasse manu ad cœlum extensa, Vicisti Galilæe, uicisti: nam Christum

rum Gallarum appellabat, & fabri filium: unde illud adolcentis in Libanium sophistam, interrogantem, quid ageret fabri filius, Iuliano, inquit, locellum componit; nam paulo post eius cadauer locello auctum est. Sunt etiam, qui scribant, hunc antea clericum fuisse, ac postea à fide nostra defecisse, unde hominē apostatam uocant. Perijt autem post annum & octo Imperij sui menses: anno uero ætatis secundo & trigésimo. Huic deinde succedit Iouinianus, qui ab exercitu Imperator electus, nō prius profiteri Imperatoris nomen uoluit, quā omnes conclamarent, se Christianos esse. Quibus collaudatis, & imperium suscepit, & exercitum ē manibus Barbarorum liberauit, Nisibi ac magna Mesopotamiæ parte Sapor regi Persarum relicta. Hic autem octauo imperij sui mense cruditate stomachi, siue tetro odore prunarum moritur. Damasus autem electus ad Pontificatum obeundum Vrsicinum diaconum competitorē habuit in basilica, quæ Sicinini appellatur, ubi multi utrinque cecidere in ipso templo, cum res non suffragijs tantum, sed ui & armis tractaretur. Verum non ita multo post, sacerdotum ac populi consensu Damasus Episcopus confirmatur, & Vrsicinus ad Neapolitanam Ecclesiam traducitur. Damasus autem adulterij accusatus publico Concilio causam dixit: ubi & innocens absoluitur, & Concordius atque Calistus diaconi falsi accusatores damnati ac reiecti ab Ecclesia sunt. Cautumque lege est, ut deinceps poenam talionis subeant, qui aliquem falso accusauerint. Pacata tandem Ecclesia, Damasus ocio literario delectatus, uitas Pontificū omnium, qui ante se fuere, conscripsit, easque ad Hieronymum misit. Non destitit tamen & templa & cultum diuinum augere. Duas enim basilicas ædificauit: unam iuxta theatrum, alteram uia Ardeatina ad catechumbas. Dedicauit & Platoniam, ubi corpora Petri & Pauli aliquando iacuerant. Versibus quoque elegantibus sanctorū corpora eo loci sepulta exornauit ad memoriam posteritatis. Præterea uerò basilicam, quam ipse in honorem diui Laurentij non longe à theatro Pompeiano condiderat, maximis muneribus ornauit, patena argentea librarum uiginti, ama argentea librarum quindecim, scypho argenteo anaglypho librarum decem, calicibus argenteis quinque, coronis argenteis. V. domos quoque circa basilicam positas dono dedit: fundum etiam Papyrianum agri ferentinatis: fundum Antonianum, balnea nō longe à templo posita: ut Psalmi quoque alternis uicibus in Ecclesia canerentur, in finēque eorum uerba hæc ponerentur, Gloria patri & filio & spiritui sancto, instituit. Primus etiā Hieronymi scriptis autoritatē dedit, cum prius LXX. interpretū scripta tantummodo in pretio essent. Nam & Biblia Hieronymi legi cœpta est, et Psalmi eiusdem fideliter ex Hebraico traducti, cum antea apud Gallos potissimum incomposite leguntur. Mandauit item, ut in principio celebrationis (quam Missam uocant) confessio diceretur, ut hodie fit. Idem uerò Damasus, ubi ex fa-

eris ordinibus quinquies habitis, presbyteros unū & XXX. diaconos
XI. Episcopos, II. & LX. creasset, moritur, ac sepelitur uia Ardeatina
cum matre & sorore in basilica à se cōdita, tertio Idus Decembris. Sedit
annos XIX. menses III. dies XI.

S. THOMAS APOSTOLVS.

Ex Eusebio.

DE hoc Eusebius in hunc modum: Deniq; post resurrectionem
nem atq; ascensionem Domini ad coelos, Thomas Aposto-
lus ex commonitione diuina Thattæum quendam, unum ex
septuaginta discipulis, ad Edissenam ciuitatem Euangelistam & prædi-
catorem uerbi dei emittit, simul & quæ à domino promissa fuerant, im-
pleturum. Idem lib. iij. cap. j. ait: Thomas (sicut nobis traditum est)
sortitus est Parthos, Matthæus Æthiopiam, &c. Idem lib. xj. cap. v. sic
scribit: Edessa Mesopotamiæ urbs fidelium populorum, Thomæ Apo-
stoli reliquis decorata, &c. De S. Thoma Hieronymus sic: Thomas
Apostolus, quemadmodum traditum est nobis, Parthis & Medis &
Persis, & Germanis, & Hircanis, & Bactris, & Magis prædicauit Euan-
gelium Domini. Dormiuit in ciuitate Calamina, quæ est Indiæ.

Libuit præterea huc attexere nonnihil ex sacro Sedulij poëmate,
Ioan. xx.

Ex Sedulio.

CVM foribus clausis resideret turba fidelis,
Pace salutantis sese intulit, atq; foratas
Expediens palmas, nudat latus. Ast ubi Thomas,
Cui Didymus cognomen erat, cum fratribus unda
Non fuerat, dubioq; fidem sub corde gerebat,
Donec rursus eo pariter residente ueniret,
Qui nunquam subtractus erat, tunc limine clauso,
Constitit in medio, non dedignatus apertum
Discipulis monstrare latus, tactuq; probari
Vulneris, & mentem patienter ferre labantis.
Agnitus hinc potius q; sit dubitantis amicus.
Quisquis enim artifices cæca sub imagine fraudes
Instruit, & uarias cupit exercere figuras,
Non uult agnosci, non uult sua facta requiri,
Vt lateant sub nube doli, nebulaq; recludens
Omnia, sollicitos odit simulator amicos.

Natalis

NATALIS DOMINICVS



Va gratia, uel quibus laudibus hunc diem Natalis Domini prædicemus, prorsus ignoro. In tanta enim festiuitate ad magnificandum Deum humana loquela non sufficit. Nam si tunc cum nascebatur Christus, angelorū uoce laudatus est, nūc humana laudandus est uoce, cum regnat. Supergreditur enim illius temporis festiuitatem nostra solemnitas. Siquidem tunc stupuerunt illi tantum nascentem Dominū, nos illum suspicimus nascentem, resurgentem pariter & regnantem. Tanto igitur facundior laudatio esse debet humani temporis, quanto sunt maiora miracula. Sed quoniam dignam prædicationem exhibere non potest humana fragilitas, ad angelorū nos præconia conferamus. Et quia merito eos equiparare non possumus, deuotione comitemur: hoc est, in ea festiuitate eadem qua illi lætitia, nos sententia persultemus, dicentes: Gloria in excelsis deo, & in terra pax hominibus bonæ uoluntatis. Digna plane & iusta sententia, quæ in natiuitate Christi, & Deo honorem repræsentat in coelis, & hominibus pacem præsentat in terris. Ante saluatoris enim ortum nec coelestia reuerentiā deferebant, nec terrena requiem possidebant. Sed uidete quid dicat ipsa sententia: pax in hominibus bonæ uoluntatis. Non in quibuscumque hominibus, sed bonæ uoluntatis hominibus, ut intelligas pacem Christi non debiti esse, sed meriti. Non enim eam meriti angeli in ea nocte, qua pastores nascentem dominum super gregem suum uigilias obseruantes primi præ omnibus didicerunt. Ipsi enim primi ortum Saluatoris ante omnes homines intimantibus angelis cognouerunt. Vnde mirum est, quod prius redemptionem sæculi potuerint scire, quam principes. Non enim angeli annūciarant regibus, non iudicibus, sed hominibus rusticis. Non ergo iam mirandum est, si Christi gratiam ante scire meruerit innocentia, quam potestas, & prius cognoscere ueritatem simplex rusticatio, quam superba dominatio. Quod enim cognouerunt pastores, principes cognoscere nequiuerunt. Vnde & beatus Apostolus ait: Quam nemo principum sæculi huius cognouit: & reliqua. Ergo in natiuitate Domini angeli pariter cum pastoribus sunt lætati. Excelsam uero dicentes gloriam. Nam uicinis quodam modo & cunctis choris Dei gloriam prædicauerunt. Vnde & credo eosdem angelos in eiusdem Domini eadem festiuitate, simili nobiscum lætitie uicinirate gaudere. Nam qui solent propter Christi ortum alloqui pastores, non possunt propter eiusdem Christi gaudium non inquirere sacerdotes. Siquidem & quod tunc ad illos super gregem suum uigilias obseruantes, nocte intempesta locuti sunt, huius temporis mysterium designabant. Nam illo facto, hoc utique monstrabatur, gregem populū, non tantum sæculum, sacerdotes esse pastores, qui iugi super plebem solliciti

N in dine

dine uigilantes propter Christum ab angelis minime deseruntur. Hodie igitur die secundum carnem natus est dominus, ita secreto, ita silentio, ut ortum eius sæculum penitus ignoraret. Ignorauit enim sæculum, quia & extra conscientiam patris natus, & extra ordinem naturæ conceptus. Nam Ioseph conceptum suscepit filium, quem non genuit: Maria partum ædedit, quem sexus consuetudine non creauit. Sic igitur natus est Dominus, ut ortum eius nemo futurum suspicaretur, nemo crederet, nemo sentiret. Quemadmodum crederet hoc futurum, quod postea factum est, factum esse uix credunt: Nam quod ita latenter & secreto saluator descensusus esset in uirginem, iam ante Dauid propheta testatus est, dicens: Descendet sicut pluuia in uellus. Quid enim tam silenter & sine strepitu fit, quam cum imber in lanæ uellus infunditur? Nullius aures sono uerberat, nullius corpus humore percussione aspergit: sed sine inquietudine hominum totum imbrem per multiplices effusum partes toto corpore in se trahit, unius meatus scissuram nesciens, solida mollietie plures præbens meatus, & quod clausum uidetur per densitatem, est patulum per tenuitatem. Recte ergo Maria uelleri comparatur, quæ ita concepit Dominum, ut toto eum hauriret corpore: nec eius discissuram corporis pateretur, sed esset mollis ad obsequium, solida ad sanctimoniam. Recte inquam, Maria uelleri comparatur, de cuius fructu salutaria populis uestimenta texuntur. Vellus planè Maria est, siquidem de molli sinu eius agnus egressus est, qui et ipse matris lanicium, hoc est, carnem gestans, molli uellere cunctorum operit uulnera populorum. Omne enim peccati uulnus Christi lana suffunditur, Christi fouetur sanguine: & ut sanitatem recipiat, Christi indumento uestitur.

IN PRÆCONIUM EIVSDEM NATALIS

summi ac maximi.

Ex Sedulio.

A Solis ortus cardine
Ad usque terræ litem
Christum canamus principem
Natum Maria uirgine.
Beatus author sæculi
Seruile corpus induit,
Ut carne carnem liberans
Ne perderet quos condidit.
Castæ parentis uiscera
Cœlestis intrat gratia,
Venter puellæ basulat
Secreta, quæ non nouerat.
Domus pudici pectoris
Templum repente fit Dei,
Intacta nesciens uirum,
Verbo concepit filium.

Enixa est puerpera,
Quem Gabriel prædixerat,
Quem matris aluo gestiens
Clausus Ioannes senserat.
Fœno iacere pertulit,
Præsepe non abhorruit,
Paruoque lacte pastus est,
Per quem nec ales esurit.
Gaudet chorus cœlestium,
Et angeli canunt deo.
Palamque fit pastoribus
Pastor creator omnium.
Hostis Herodes impie,
Christum uenire quid times?
Non eripit mortalia,
Qui regna dat cœlestia.

Ibant

Ibant magi quam uiderant
 Stellam sequentes prauam,
 Lumen requirunt lumine,
 Deum fatentur munere.
 Materua matrum personat,
 Conlisa deflens pignora,
 Quorum tyrannus millia
 Christo sacrauit uictimam.
 Lauacra puri gurgitis
 Coelestis agnus attingit,
 Peccata quæ non derulit,
 Nos abluendo sustulit.
 Miraculis dedit fidem,
 Habere se deum patrem,
 Infirma sanans corpora,
 Resuscitans cadauera.
 Nouum genus potentia,
 Aquæ rubescunt hydrae,
 Vinumq; iussa fundere,
 Mutauit unda originem.
 Orat salutem seruulo
 Flexus genu Centurio,
 Credentis ardor plurimus
 Extinxit ignes februm.
 Petrus per undas ambulat,
 Christi leuatus dextera.
 Natura quam negauerat
 Fides parauit semitam.
 Quarta die iam foetidus
 Vitam recepit Lazarus,

Cunctiq; liber uinculis
 Factus superstes est sibi.
 Riuos cruoris horridi
 Contacta uestis obstruit
 Fletu rigante supplicis
 Arent fluenta sanguinis.
 Solutus omni corpore
 Iussus repente surgere,
 Suis uicissim gressibus
 Aeger uehebat lectulum.
 Tunc ille ludas carnifex
 Ausus magistrum tradere,
 Pacem ferebat osculo,
 Quam non habebat pectore.
 Verax datur fallacibus,
 Pium flagellat impius,
 Cruciq; fixus innocens
 Coniungitur latronibus.
 Xeromyrrham post sabbatum
 Quædam uehebant corpori,
 Quas allocutus angelus,
 Viuum sepulchro non tegi.
 Ymnis uenite dulcibus,
 Omnes canamus subditum
 Christi triumpho Tartarum,
 Qui nos redemit uenditus.
 Zelum Draconis inuidi,
 Et os leonis pessimi
 Calcauit unicus dei,
 Seseq; coelis reddidit.

ALIUD IN EVNDEM NATALEM.

Augustus rerum dominus regna, oppida, & ipsos
 Indigenas redigi in scriptis mandarat: & ibant
 Cæsareis omnes censum nomenq; daturi

Ex Baptista
 Mantuano.

Præsidibus: ueterem patriam Dauidis Ioseph:
 Cum consorte graui Bethlemica regna petebat,
 Iamq; suburbanas ædes intrarat, & urbem
 Turba frequens complebat: erant plena omnia multo
 Hospite, & ingenti strepitu, plenq; sonabant
 Confuso clamore domus, promiscua uulgi
 Congeries atra sub apertis nocte iacebant
 Porticibus, nulloq; tegi uagus aduena tecto
 iam poterat, &c.

At tulerat medio nox alta silentia cursu,
 Astricq; per tenebras tremulis ardentia flammis

Lustrabant

DE SANCTIS

Lustrabant dubio frigentem lumine terram.
 Occiderant ignes, & caligauerat antrum,
 Quom subito matris clausa puer æditus aluo
 Expulit umbrosam cœlesti lumine noctem.
 Aduenêre chori superum, promptiq; agilesq;
 Dulce ministerium nato exhibuere Tonanti,
 Et dulces cecinere modos: tulit ora repente
 Territus hac nouitate senex, & strata cubili
 Membra leuans, pueri numen recubantis adorât.
 Iam leuis, & partu nullos experta dolores,
 Sustulit infantem, pannisq; uolutum,
 In præsepe tulit, iumentorumq; sub ora
 Micia, ubi tractis alternus anhelitus auris
 Spirabat pueri tepidos in membra calores.

Tum quoq; montanis lætum pastoribus agmen
 Diuorum apparens, Regem clamauit Olympi
 Querite, qui natus modico iacet abditus antro.
 Ite citi: nec uos nox intempesta retardet,
 Candida formosæ iam pendet ad ubera matris:
 Infantem fouet ipsa sinu: noua gaudia mundus
 Accipit, & rerum melior contexitur ordo.
 Descendit promissa salus, pia numina mundo
 Seruauêre fidem, foelicia sæcula currunt,
 Et cum prole noua cœlo noua labitur ætas,
 Pax noua terrigenis oritur, nōua gloria cœlo.
 Hæc diui. Gressus illi mouere citatos,
 Ingressiq; lares, dulcem uidere puellam
 Pascentem teneros lactenti pectore partus.
 Nam iubar immensum cœlo deduxerat infans,
 Illustriq; die noctis disiecerat umbram.
 Mirati lucem insolitam, summumq; decorem
 Virginis, osq; uiri sanctum, capitisq; uerendi
 Canitiem sacram, pulchræq; simillima matri
 Pignora uirgineum labris mulgentia pectus.
 Poplitibus flexis miti sub imagine clausum
 Numen adorarunt: mox ad sua septa reuersi
 Miserunt celebrem uicina per oppida famam.

PLVRA SVPER ILLO NATALI AVGVSTISSIMO.

Ex S. Auguf.
 de Symbolo.
 lib. 4.



Vis non expauescat, cum audit, Deum natum: Audis nascentem: uide in ipso ortu miracula facientem. Aluus tumescit uirginis, claustrum pudoris permanet: Impletur uterus matris

tris sine ullo complexu patris: Sentit prolem quæ se ignorabat coniugem. Angelus ad uirginem loquitur: à uirgine cor præparatur: Christus fide concipitur. Miraris hæc? Adhuc mirare. Parit mater & uirgo foeta & intacta: Nascitur filius sine homine patre, qui fecit & ipsam matrem: Factor omnium fit inter omnia: portatur manibus matris rector totius orbis: lambit ubera regens sydera: tacet & Verbum est. Nec dum per linguam se demonstrabat quis esset: & uniuerſa creatura suum natum indicat creatorem. Angeli pastoribus annunciant, stella Magos inuitat, rusticitas pastorum admonitione exigit Angelorum, curiositas Magorum instructa est lingua cœlorum. Magi Iudæorum regem prædicant, Iudæi abnegant. Illi quærunt adorare, isti quærunt occidere. Dicunt Magi Herodi regi, quem quærunt natum regem: dicunt Iudæi ex qua ciuitate Christus surgat regnare. Vtrique prædicant, utrique confitentur, sed illi aliter, isti aliter: Illi ut inuentus adoret, isti ut captus necetur. O Iudæi, ad hoc ferentes in manibus lucernam legis, ut alijs uiam demonstrareis, & uobis tenebras ingeratis? Ecce Magi primitiæ gentium Christo offerunt munera: non solum aurum, thus & myrrham, uerum etiam animas suas: & uos repudiat iniquitas propria, ut illum qui uos uenit obligatos liberare, dementes effecti, eum quæratis occidere.

DVÆ CAUSSÆ NATIVITÆ

tis Domini Iesu.

VNa est, ut secundum hominē omnia patiēdo pro nobis, à peccatorū nos uinculis liberaret. Sic enim Esaias propheta prædixerat: *Ex sermon. Augustini.* Hic peccata nostra portauit, & pro nobis dolet. Et rursus: Ipse autem uulneratus est propter iniquitates nostras, & infirmatus est propter peccata nostra: Eruditio pacis nostræ in eo. Liuore enim eius nos sanati sumus. Altera uero causa est dominicæ passionis, ut nos, quos sanguine suo redemit à uitijs atq; criminibus, non solum doctrinæ, auxilio & gratiæ, sed etiam exemplo suo ad studium sanctitatis accenderet, ne nos ut modo præcipientem dominum, sed etiam exemplo suo ad uirtutis fastigia prouocantem, maiore alacritate sequeremur, & iustissimum Dominum & piū Patrem, secundum sententiam beati Petri, filij imitatione coleremus.

IDEM DOCTOR ECCLESIASTI

cus, & est tempestiua parænesis.

QVando peccatum quodcunque delectat aut subrepat, sit nobis in memoria, quod iam deleta sunt peccata nostra. Non perdamus præmium sanguinis Christi, nec maculemus stolam animæ per iniquitatem, aut rapinam, aut concupiscentiam. Iacuius, iam erecti sumus, uulnerati fueramus, iam sanati sumus. Non erit excusatio. Qualescunque

O potest

potest diabolus ad malum inuitare, non potest trahere, delectionem infert non potestatem, consilium ingerit non conflictum. Nunc ergo propter partum beatæ Mariæ sit mihi sermo ad uirgines, siue uiros, siue uiduas, siue foeminas, siue poenitentes, siue pauperes, siue seruos, non est apud Deum nisi meritorum discretio.

R V R S V S I N N A T A L E M

Domini.

Ex Cyprian. **A**dest Christi multū desyderata & diu expectata Natiuitas, Adest solennitas inclyta, & in præsentia Saluatoris grates & laudes Visitatori suo per orbem terrarum sancta reddit Ecclesia. Gaudia nobis cælitus nunciantur, lætitia imperatur. Nox ista sacri partus conscia &c.

I N E V N D E M.

Ex Gregor. Nazanz. **C**hristus nascitur, gloriamini. Christus ex cœlis, occurrite. Christus super terram, exaltemini. Cantate domino &c.

I N N A T A L E M C H R I S T I

Regis.

<i>Hæc Io. Gig. olim ad me.</i>	I Ani Calendæ nunc fores	Ianua, multos quæ dies
	Pulsant, hyems in uertice	Surda stetit mortalibus.
	Summo stat, hircus iam niuem	Luenda patris crimina
	Inducit albam montibus.	Adæ recedunt, nubila
	Adest dies, quo natus est	Cœleste depellit iubar
	Quem tremit orbis & polus	Redditq; lumen perditum.
	De quo Prophetæ sapius	Præuia lux ferentibus
	Fatidici prædixerant.	Munus Magis è Perside
	Iam rata sunt præfagia	Monstrat salutis principem
	Vatum futuro de duce	Viasq; tutas indicat.
	Qui liberet diuinitus	Nimum beata ciuitas
	Hominem malis obnoxium.	O Bethleem quæ sustines
	Conditor orbis & poli	Regem tremunt quem tartara
	Fine & carens exordio	Cui paret orbis & polus.
	Paupere tecto natus est	Cuius triplex laudem canat
	Pecus ante brutum uagijt.	Mundus per omne sæculum
	Stygij Iouis iam clauditur	Cuius potentiam tremat
	Regia, cœlestis patet	Quicquid hic orbis continet.

Quidquid argenti latitat sub axe
Quid uel Eois retinetur oris
Gaudeat, lætum Oceani triumphet
Litrus utrunq;.

Pfallat

Pfallat in laudes genitoris almi
 Gentium quicquid trifidum est per orbem
 Ut modo excelsa resonent Olympo
 Iubila læta.

Cur ita? humanæ redeunt cohorti
 Pax, salus, summo reparata rege,
 Vita adest quam perdiderat per orbem
 Degener ordo.

Venit Abrahæ puer à Prophetis
 Sæpe promissus, genitrice pura
 Prodiit ueræ dominus salutis
 Fons & origo.

Perditæ turbæ reparat salutem
 Regna Plutonis quatiet, tyrannos
 Opprimet, uero populos amore
 Ducet ad astra.

Liberet quo nos Strygijs ab undis
 Induit, parens domino parenti,
 Corpus humanum, paleis quieuit
 Paupere tecto.

PRECATIO.

CHRISTE pia de Virgine
 Nate, gregem quo perditum
 Eriperes è faucibus
 Orci, poloq; adiungeres,
 Quem tremit orbis maximus
 Quem dominum agnoscit polus
 Da miseratus quo tibi
 Iustas canamus gratias,
 Fac ne malus nos occupet
 Rursus tuo hostis lumine
 Pressus, sed ut te principem
 Toto colamus pectore.

AD HERODEM.

HEbræo frustra pfundis sanguine cunas
 Nec quicq̃ multus tollitur ense puer
 Nil tua Rex natus mortalia regna moratur
 Nil facit Israël regia sceptrum domus
 Verum Iudæo princeps de sanguine natus
 Rex cœli & rector totius orbis erit.

O ij

Denas

DE NATALI CRHISTI

PLaude puer, lætare puer, iuuenesq; senesq;
 Plaudite, lætitiæ pandite signa nouæ
 Christidos abiecto lætetur turba dolore
 Gaudeat, exultet quicquid hic orbis habet
 Optatum rediit tempus quo palmifer ales
 Carnea pro nostra membra salute subit
 Tempus quo Maria uenit de Virgine natus
 Humano generi spes pia, uita, salus
 Hic nisi pro nobis mortalia membra subisset,
 Essemus Stygio portio facta cani.
 Ergo humana memor reparatæ turba salutis
 Iusta Redemptori munera ferto tuo.

A L I V D.

EN iacet in paleis & inani & paupere tecto
 Natus, inhumanum uagit & ante pecus
 Qui sacri sacro fabricauit numine uerbi
 Quicquid habet coelū quicquid & orbis habet
 Non sunt regali magna atria splendida luxu,
 Sed parua est magni pompa puerperij
 Agresti apparet populo pecorumq; magistris
 Qui coeli & mundi fecit & auxit opes.

STEPHANVS DIACONVS
& Protomartyr.

Historiam sanctissimi ac fortissimi Stephani perq; eleganter,
 copioseq; descripsit S. Lucas in libro Praxeôn, cuiusmodi
 passim in omnibus Ecclesijs leguntur & decantantur.

Ex Aratore
 Diacono.

EMicat hinc Stephanus, primus qui in agone
 coronam
 Nominis hæres habet, de quo prænuncia palma,
 Vox cecinit, q; causa dedit: sere prælia martyr
 Felices habitura neces, ubi gloria pœna est,
 Et cadere est ortus, iugulisq; parentibus æuum
 Nascitur, æternæ complectens munera uitæ.
 Vitæ principium fuit en sine fine beatæ.
 Sic meruisse mori, lapides Iudæa rebellis
 In Stephanum lymphata rapis, quæ crimine duro
 Saxea semper eris. hunc deniq; Christus adoptat,
 Ad quem

Ad quem miles ouans per uulnera sacra uocatus
 Sanguine fecit iter, cupiensq; in præmia uictor
 Hac properare uia, niuei metitus honorem
 Callis, ad excelsi pergit fastigia regis.
 Et per tot lapides petræ coniungitur uni,
 Quis furor iste nouus nulli feritate secundus?
 Parcere nolle pio, uibrantibus acta lacertis
 Saxa iacis. parat ille preces, nec respicit unde
 Grando nefanda cadat, qui tēpore mortis amicæ
 Pro populo peccante rogat: licet omnia tecum
 Tela feras, filicesq; graues, & pondera libres,
 Quem perimis uicturus erit, qui sine colono
 Seminat exemplum, quo surgit uinea Christi,
 Et calicem domini conuiuia festa coronent
 Lumina cordis habens cœlos prospexit apertos,
 Ne lateat quod Christus agat, pro martyre surgit,
 Quem tunc stare uidet confessio nostra sedentem
 Cum soleat celebrare magis: caro uincta Tonanti
 In Stephano fauet ipsa sibi, dux præsciis armat,
 Quos ad dona uocat: ne quis hic dimicet anceps,
 Corpus in arce dei patuit pro munere testi.
 Ad Sauli posuere pedes uelamina sæui
 Infernum quod Hebræus ait, iam constat utrisq;
 Hinc meritum sentire suum, cum sydera martyr,
 Carnifices infirma petunt sors prima reuelat
 Exemplumq; creat, q; talia bella gerenti
 Hoc de fonte fluit. sic occidentibus ut mox
 Tartara succedant, morientibus astra pateſcunt.

PASSIO STEPHANI.

PRimus item inquit Stephanus mercedem, sanguinis imbri
 Afflictus lapidum, Christum tamen ille cruentus
 Inter saxa rogat, ne sit lapidatio fraudi
 Hostibus, o primæ pietas miranda coronæ.

DE S. STEPHANO DIUVS HIERONYMVS
 lib. 13. in Ezechielem, cap. 43.

Alunt duos hoedos immaculatos post passionem Domini oblatos
 Esse ad altare domini, Iacobū & Stephanū: quorū alter de aposto
 lorū numero, alter de septē electis in ministeriū dñi princeps fuit. Iste est
 Iacobus, qui transformatū saluatorem uidit in monte: qui resurgentē fi
 liā archisynagogi cū Domino Petroq; & Ioanne intuitus est: qui catha
 logo Apostolorū, in quo bina iunguntur nomina, prior fratre ponitur.

O in Hunc

Ex Enchiridion
 dio Prudentij.

Ex S. Hieronymo.

Hunc interfecit Herodes, & quasi hœdum immaculatum post passionem saluatoris in die immolauit secunda. Stephanum quoq̃, cuius sapientiae & doctrinae nullus poterat resistere: & qui stantem uidit filium ad dexteram patris, & dixit: Domine Iesu suscipe spiritum meum: lapidibus obruere Iudæi.

Idem Hieronymus ad Paulam super obitu Blefillæ filiae, de S. Stephano inter reliqua sic: De Mose uero & Aaron, quod eis ex ueteri more sit planctus exhibitus, non mirandum est, cum & in Actis Apostolorum iam Euangelio coruscante, Stephano fecerint Hierosolymę fratres planctum magnum. Et utiq̃ planctus magnus, nō in plangentium exanimatione, ut tu putas, sed in pompa funeris, & exequiarū frequentia intelligendus sit.

*Miracula
apud corpus
S. Stephani.*

De S. Stephano diuus Augustinus in ciuit. dei, lib. xxij. cap. viij. sic scribit: Ad aquas Tibilitanas Episcopo afferente, proiecto, reliquias martyris gloriosissimi Stephani: ad eius memoriam ueniebant magnae multitudinis concursus & occurfus. Ibi cæca mulier ut ad Episcopum portantē pignora sacra duceretur, orauit: flores quos ferebat, dedit, recepit, oculis admouit, protinus uidit. Stupentibus cunctis, qui aderant, præibat exultans, uiā carpens, & uiæ ducē ulterius non requirens. Memorati memoriam martyris, quæ posita est in castello Synicensi, quod Hipponensi coloniae uicinum est, eiusdem loci Lucillus Episcopus populo præcedente atq̃ sequente in manu portabat: fistula, cuius molestia iam diu laborauerat, & familiarissimi sui medici, qui eam secare uellet, operiebatur manus illius pię uectatione, ubi sanctas attigit reliquias, repente sanata est. Nam deinceps eam in suo corpore non inuenit. Eucharis presbyter ex Hispania Chalamæ habitans, ueteri morbo calculi laborabat, per memoriā supradicti sancti martyris, quam Possidius illud aduexit Episcopus, saluus factus est. Idem ipse postea morbo alio præualecente mortuus sic iacebat, ut ei iam pollices ligarētur, opitulatione memorati martyris, cum de memoria eius reportata fuisset, & super iacentis corpus missa ipsius presbyteri tunica, suscitatus est. Fuit ibi uir in ordine suo primarius, nomine Martialis, æuo iam grauis, & multum à religione abhorrens Christiana. Habebat sanè fidelem filiam, & generū eodem anno baptizatum. Qui cum eum ægrotantem multis & magnis precibus & lachrymis rogarent, ut Christianus fieret, prorsus abnuuit, eosq̃ à se turbida indignatione submouit. Visum est genero eius ut iret ad memoriam sancti Stephani, ut illuc pro eo quantum posset, oraret, ut Deus illi daret mentem bonam, qua credere non differret in Christum. Fecit hoc ingenti gemitu & fletu, & sinceriter ardente pietatis affectu. Deinde abscedēs aliquid de altari florum quod occurrit tulit, eiq̃ cum nox esset ad caput posuit. Tunc dormitum est: & ecce ante diluculū clamat, ut ad episcopum curreretur: qui mecum forte tunc erat apud Hipponen.

ponen. Cum uero cum audisset absentem, uenire presbyteros postula-
uit: uenerunt, & statim credere se dixit: admirantibus atq; gaudentibus
omnibus baptizatus est. Hoc quamdiu uixit in ore habebat: Christe
accipe spiritum meum: Cum hæc uerba beatissimi Stephani quando las-
pidatus est a ludæis, ultima fuisse nesciret, quæ huic quoque ultima fue-
runt. Nam nō multo post etiam ipse defunctus est. Sanati sunt illic per
eundē martyrem etiam tres podagrici, duo ciues, peregrinus unus: Sed
ciues omnimodo, peregrinus aut per reuelationē quid adhiberet, quan-
do doleret, audiuit: & cum hoc fecisset, dolor cōtinuo conquieuit. Aus-
durus nomen est fundi, ubi ecclesia est, & in ea memoria Stephani mar-
tyris. Puerum quendam paruulū cum in area luderet, exorbitantes bo-
ues, qui uehiculum trahebant, rota obtriuerunt, & cōfestim palpitauit
expirans. Hunc mater arreptum ad eandem memoriam posuit: & non
solum reuixit, uerum etiam illæsus apparuit. Sanctimonialis quædam in
uicina possessione, quæ Caspaliana dicitur, cum ægritudine laboraret ac
desperaretur, ad eandem memoriā tunica eius allata est, quæ anteq̃ reuo-
caretur, illa defuncta est. Hac tamen tunica operuerunt cadauer eius pa-
rentes, & recepto spiritu salua facta est. Apud Hipponen Bassus quidā
Syrus ad memoriā eiusem martyris orabat pro ægrotante & pericli-
tante filia, eoq; secum uestem eius detulerat: cum ecce pueri de domo cu-
currerunt, qui ei mortuam nunciarent. Sed cum orante illo ab amicis
eius exciperentur, prohibuerunt eos illi dicere, ne per publicum plange-
retur. Qui cum domum redisset, iam suorum eiulatibus personantem,
& uestē filia, quam ferebat, super eam proiecisset, rursus reddita est ui-
tæ. Rursum ibidem apud nos Hyrenei cuiusdam collectarij filius ægri-
tudine extinctus est. Cumq; corpus iaceret exanime, atq; alijs gementi-
bus & plangentibus exequiæ pararentur, amicorum eius quidam inter
aliorum consolantiū uerba suggessit, ut eiusem martyris oleo corpus
perungeretur. Factum est, & reuixit.

Idem Augustinus de S. Stephano scribit, in questionibus ueteris &
noui Testamenti. Item in libro de cognitione ueræ uitæ, cap. xliij.

Heri mundus exultauit,
Et exultans celebrauit
Christi natalitia.

Heri chorus angelorum
Prosecutus est cœlorum
Regem cum lætitia.

Protomartyr & Leuita
Clarus fide, clarus uita,
Clarus & miraculis.

Sub hac luce triumphauit,

Et triumphans insultauit
Stephanus incredulis.

Fremunt ergo tanquam feræ,
Quia uicti defecere,
Lucis aduersarij.

Falsos testes statuunt,
Et linguas exacuunt
Viperarum filij.

Agonista nulli cede,
Certa certus de mercede,

Perseuera

Adam de S.
Victore.

Perseuera Stephane.

Insta falsis testibus,

Confuta sermonibus

Synagogam satanæ.

Testis tuus est in cœlis,

Testis uerax & fidelis,

Testis innocentia.

Nomen habes coronati,

Te tormenta decet pati

Pro corona gloria.

Pro corona non marcenti

Perfer brevis uim tormenti,

Te manet uictoria.

Tibi fiet mors, natalis,

Tibi poena terminalis

Dat uitæ primordia.

Plenus sancto spiritu,

Penetrat intuitu

Stephanus cœlestia.

Videns dei gloriam

Crescit ad uictoriam,

Suspirat ad præmia.

En à dextris Dei stantem

Iesum, pro te dimicantem

Stephane considera.

Tibi cœlos referari,

Tibi Christum reuelari

Clama uoce libera.

Se commendat saluatori,

Pro quo dulce ducit mori

Sub ipsis lapidibus.

Saulus seruat omnium

Vestes lapidantium,

Lapidans in omnibus.

Ne peccatum statuatur

lis à quibus lapidatur,

Genu ponit & precatur

Condolens insaniam.

In Christo sic obdormiuit,

Qui Christo sic obediuit,

Et cum Christo semper uiuit

Martyrum primitia.

Quod sex suscitauerit

Mortuos in Aphrica,

Augustinus asserit,

Fama refert publica,

Huius, dei gratia

Reuelato corpore,

Mundo datur pluuia

Siccitatis tempore.

Solo fugat hic odore

Morbos & dæmonia,

Laude dignus & honore,

Iugisq; memoria.

Martyr, cuius est iucundum

Nomen in Ecclesia,

Languescentem fous mundum

Cœlesti fragrantia.

De ciuitate
Dei, li. 22.
cap. 8.

IOANNES APOSTOLVS ET EVAN, gelista.

Ex Hierony.



Ioannes Apostolus, quem Iesus amauit plurimum, filius Zebedæi, frater Iacobi Apostoli, quem Herodes post passionē domini decollauerat, nouissimus omnium scripsit Euangelium, rogatus ab Asiæ episcopis, aduersus Cherinthum, aliosq; hæreticos, & maxime tunc Ebionitarum dogma consurgens, qui asserunt, Christum ante Mariam nō fuisse. Vnde & compulsus est, diuinam eius natiuitatem edicere. Sed & aliam causam huius scripturæ ferunt: quod cum legisset Matthæi, Marci & Lucæ uolumina, probauerit quidem textum historiæ, & uerā eos dixisse firmauerit, sed unius tantum anni, in quo & passus est, post carcerem Ioannis historiam texuisse. Pretermisso itaq;

itaq̃ anno, cuius acta à tribus exposita fuerant, superioris temporis, anteq̃ Ioannes clauderetur in carcerem, gesta narrauit, sicut manifestum esse poterat his, qui diligenter quatuor Euangeliorum uolumina legerint. Quæ res etiam *διαφωτίαν*, quæ uidetur Ioannis esse cum cæteris, tollit. Scripsit autem & unam Epistolam, cuius exordiū est: Quod fuit ab initio, quod audiuius, & uidimus oculis nostris, quod perspeximus, & manus nostræ contrectauerunt de uerbo uitæ, quæ ab uniuerfis Ecclesiasticis & eruditis uiris probatur. Reliquæ autem duæ, quarū principiū, Senior electæ dominæ & natis eius: & sequentis, Senior Caio charissimo, quē ego diligo in ueritate: Ioannis presbyteri asseruntur, cuius & hodie alterum sepulchrū apud Ephesum ostenditur. Et nōnulli putant, duas memorias eiusdem Ioannis Euangelistæ esse. Super qua re cum per ordinē ad Papiam auditorem eius uentē fuerit, differemus. Quarta decimo igitur anno, secundam post Neronem persecutionē mouente Domitiano, in Pathmon insulam relegatus, scripsit Apocalypsim, quā interpretatur Iustinus martyr, & Hirenæus. Inrerfecto autem Domitiano, & actis eius ob nimiam crudelitatem à senatu rescissis, sub Nerua principe redit Ephesum, ibiq̃ usq̃ ad Traianum principem perseuerans, totas Asiæ fundauit rexitq̃ Ecclesias, & confectus senio, sexagesimo octauo post passionem anno dñi mortuus, iuxta eandē urbem sepultus est.

IN LECTIONEM EVANGELII DE S. IOH.

anne Euangelista.

Dominus Iesus dixit Petro: Sequere me: rursus ad suæ charitatis ac mortis imitationē inuitans. Petrus ubi respexisset, uidet et illum discipulum, quem diligebat Iesus, quiq̃ in domini petus incubuerat in extrema coena, dum ex eo sciscitaretur, quis esset proditor. Hunc cum unice diligeret Petrus, & domino cæteris chariorem semper fuisse sciret, ac tantum non iussus sequeretur, Petro proximus, rogat Dominum, quid de illo futurum esset. Iam enim de sua morte cognouerat, & scire cupit, an hunc mortis suæ comitem esset habiturus. Nam hoc sibi gloriosum ac uehemens dominicæ erga se charitatis indicium esse ducebat, quod Iesu mortem esset imitaturus. Iesus autē super uacuam hanc de morte alterius Petri curam corrigens, ait: Si hūc uelim manere, donec ipse ueniā, quid id tua refert? Meus est, & meo arbitratu, de illo quod optimum erit, statuam. Tu quod ad te pertinet, cura, uide licet, ut me sequaris. Ortus est igitur ex huius occasione sermonis inter discipulos rumor, q̃ discipulus ille Iesu dilectus, nō esset moriturus uio lena morte, sed permansurus in uita, donec rediret Dominus iudicaturus uiuos & mortuos, quod omnes tum breui futurum opinabantur: Tamen si Iesus non dixerat, eum non moriturum, sed Petri curiositatem
P retundens

Ex Paraphr.
Erasmi.

retundens, negauit ad illum pertinere, si uellet eum manere usq̃ ad aduentum suum. Atq̃ hic est ille ipse discipulus, qui testimoniũ perhibet, hæc sic esse gesta, quiq̃ scripsit hæc, quo certius ac latius ad omnium noticiam diffundantur. Et cognouimus, q̃ uerum est illius testimonium. Non enim scripsit ab alijs audita, sed quibus ipse interfuit. Nec omnia tamen cõmemorauit, quæ dixit aut fecit Iesus. Etenim si quis ea singulatim conetur enarrare, immensa uoluminum uis nasceretur. Tantum aut̃ literis proditum est, quantũ ad salutem cõsequendam satis est. Superest igitur, ut his credentes, & Iesu uestigijs inhærentes, contendamus ad immortalis uitæ præmium.

HISTORIA DE IUVENE AD MELIOREM uitam reuocato, per Ioannem Euangelistam. Ex Eusebio.



Um post Domitiani tyranni obitum, de Pathmos insula Ephesum rediret, rogabatur etiam uicinas illustrare prouincias, quo uel ecclesias fundaret, in quibus non erant locis, uel in quibus erant, sacerdotibus ac ministris instrueret, secundum quod ei de unoquoq̃ spiritus sanctus indicasset. Cum igitur uenisset ad quandam urbem haud longe positam, omnibus ecclesiasticis solenniter adimpletis, uidit iuuenem quendam ualidum corpore, & uultu elegãtem, sed & animis acrem nimis: respiciensq̃ ad Episcopum qui nuper fuerat ordinatus, hunc (inquit) tibi summo studio cõmendo sub testimonio CHRISTI & totius ecclesiæ. Tum ille suspiciens, omnem se abhibiturum, sicut præcipiebat, diligentiam pollicetur. Sed iterum atq̃ iterum eadem sæpius repetens, iuuenem commendabat attentius, & post hæc Ephesum redijt. Tum uero presbyter in domum suam adolescentem suscepit cõmendatum, & cum omni diligentia enutrit, amplectitur, fouet, ad ultimum etiam baptismi gratiam tradit. Posthæc iam uelut confidens gratiæ, qua fuerat commonitus, paulò indulgentius iuuenem habere cœpit. Sed ille ubi ætate immatura libertate potitus est, continuo per æquos, quibus luxus & desidia cordi est, amare uicia & corrupte uitæ incedere tramitem perdocetur. Et primo quidem conuiuiorum ille lecebris decipitur, inde nocturnis eum furtis socium sibi participemq̃ consciscunt, post hæc etiam ad maiora flagitia pertrahunt: cum interea sensim iuuenis formabatur, & instituebatur ad scelera, & quia esset acer ingenio, sicut equus infrenis & ualidus, diris moribus obfirmatus, recti itineris lineam derelinquens, rectore contempto, rapito cursu totus fertur in præceps, ita succedentibus sibi malis, ut desperationem sibi quoq̃ a Deo præstitæ salutis acceperit. Dedignatur iam de paruis sceleribus cogitare, grandia quæq̃ molitur, & ex integro perditioni se tradens, nullo

nullo inferior esse in flagitijs patitur. Deniq; illos ipsos, qui prius magistri criminum fuerant, discipulos facit, & latronum ex his turmam, quibus ipse dux & princeps uiolentus praeesset, instituit, & cum his omni crudelitate grassatur. Verum tempore elapso (cum rei ita poposcit utilitas) inuitatur iterum ad illam urbem Iohannes, et cum cetera (quorum gratia uenerat) ordinasset, inquit: o Episcopo, depositum repraesentata, quod tibi ego plane & Christus commendauimus, ecclesia teste, quam regis. At ille obstupuit, primo pecuniā putans à se repositi, quam non acceperat. Sed rursus considerabat, nec posse fallere, Iohannem, nec quod non dedit, quærere. Hærebat ergo stupens. Quem Iohannes hærentem uidens, luuenem illum, inquit, repeto abs te & animam fratris. Tunc grauitus suspirans Senior, & in lachrymas resolutus, Ille (ait) mortuus est. Quomodo (inquit) uel quali morte? Deo (ait) mortuus est, quia pessimus & flagitiosus euasit, ad ultimū etiam latrocinium adgressus est. Deniq; nunc montem quendam cum multa latronum manu occupauit. Quibus auditis, Apostolus uestem continuo, qua erat indutus, scidit, & cum ingenti gemitu feriens caput suum, Bonum te (inquit) custodem fratris animæ dereliqui. Sed iam nunc mihi equus paratur, & dux itinoris. Et confestim ab ipsa ecclesia ascendens, concitus properabat. Cumq; peruenisset ad locum, attinetur ab his latronibus, qui custodias obseruabant. At ille neq; effugere, neq; prorsus declinare usquam nitens, ingenti tantum uoce proclamabat: Quia ad hoc ipsum ueni, adducite mihi principem uestrum. Qui cum ueniret armatus, emissus agnito Iohanne Apostolo, pudore actus, in fugam uertitur. Ille equo post eum admissio, confestim insequitur fugitantem, etiam ætatis oblitus, simul & clamans: Quid fugis o fili patrem tuum? Quid fugis inermem senem? Miser hære, noli timere, habes adhuc spem uitæ: Ego Christo rationem reddam pro te: Certe & mortem pro te libenter excipiam, sicut & dominus excepit pro nobis, & pro tua anima dabo animam meā. Sta tantum & crede mihi, quia Christus me misit. At ille audiens, restitit, & uultum demisit in terram: post hoc arma proiecit. Tum deinde tremefactus flebat amarissime, & accedentis ad se senis genibus prouoluitur, gemitibus & ululatibus, quibus poterat, satisfaciens, & uberrimis lachrymarum suarum fontibus iterum baptizabatur, occultans solam dexteram suam. Apostolus uero iurisiurandi sacramento se ei à Salvatore impetraturam ueniam pollicens, simulq; genibus eius prouolutus, atq; ipsam dexteram, ex cuius cædis conscientia torquebatur, tanq; iam per poenitentiam purgatam deosculans, ad ecclesiam reuocat, & indefinenter pro eo orationes profundens, et cum ipso pariter ducens crebra ieiunia, indulgentiam à Deo, quam ei pollicitus fuerat, expetebat. Sed & uarijs sermonum consolationibus, uelut quibusdam precationibus efferos & exterritos eius animos mitigabat, Nec prius

p ij abstitit,

abstulit, quam cum in omnibus emendatum etiam ecclesie præficeret, præbens per hoc magna exempla ueræ poenitentiae, & documentum ingens nouæ regenerationis, atq; insignia quædam & trophæa uisibilia in eo resurrectionis ostendens. Hæc à Clemente dicta, non solum ad scientiam rerum, sed & ad utilitatem legentium profutura.

DE IOHANNE APOSTOLO S. HIERONYMVS

lib. 3, in Epist. ad Galat. cap. 6.

Beatus Ioannes Euangelista cum Ephesi moraretur usque ad ultimam senectutem, & uix inter discipulorum manus ad ecclesiam deferretur, nec posset in plura uocem uerba contexere: nihil aliud per singulas solebat proferre collectas, nisi hoc, Filioli diligite alterutrum. Tandem discipuli & fratres qui aderant, tædio affecti, quod eadem semper audirent, dixerunt: Magister, quare semper hoc loqueris? Qui respondit dignam Ioanne sententiam: Quia præceptum domini est, & si solum fiat, sufficit. Hactenus Hieronymus.

Vir clarissimus Ioannes Capnion libro iij. Verbi mirifici de S. Ioanne sic refert: Ioannes Euangelista superato ueneno, dæmonem in Dianæ templo ducentos & quadraginta nouem annos commoratum, his uerbis loco expulit: Interdico tibi in nomine Iesu Christi Nazreni, ne ultra hinc habites. Et confestim decessit Epheso dæmon. Quo factum est, ut iussu Domitiani uir sanctus non sine Prochoro sodali suo in Pathmon insulam exul deportaretur, ubi tam ingentia per nomen Iesu confecit miracula, quod sacerdotes Apollinis, impatientia simul & futuræ desertionis formidine perculsi, rem omnem ad Cynopem magorum facile principem, &c. Hæc Capnion.

Notum est uulgo, quod de Drusiana Ephesiana, uerè Christiana matrona, ab Ioanne Apostolo, cum iam efferretur, ex mortuis suscitata legitur. Hæc foemina Ioanni uidetur esse, qualis Petro Tabita illa seu Dorcas in Actis Apostol. Nec à uero abludit, quod referunt de philosopho Cratone, huius Apostoli disputatione atq; miraculo, ad Religionem nostram conuerso. Nouum haudquaquam est, à Christianis Ecclesiae Philosophos sæculi uictos, & Christo lucrifactos esse.

Septimius Tertullianus de Ioanne Euangelista meminit in libro de præscriptionibus hæreticorum his quidem uerbis: Romæ Apostolus Ioannes posteaquam in oleum igneum demersus, nihil passus est, in insulam relegatur.

Iacobus Fab. Stapulensis, in lib. de una ex tribus Maria, Ioannis Apostoli meminit, referens uerba quædam ex Melitone Sardensi episcopo, qui ait: Cum esset annorum nonaginta, apparuit ei dominus Iesus Christus cum discipulis suis, & dixit ei: Veni ad me, quia tempus est, ut epuleris in conuiuio meo cum fratribus tuis, &c.

Innocentes

INNOCENTES BETHLEHEMITICI.

Historiam puerorum Bethlehemiticorū scribit S. Matthæus Euangelista sui de Christo libri cap. ij. Verum Herodis sceleratam multas in locis Egessippus & quidem recte depingit.

ERgo ubi delusum se comperit, impius iram
 Rex aperit, si iure queat rex ille uocari,
 Qui pietate caret, propriam qui non regit iram,
 Ereptumq; gemens facinus sibi ceu leo frendens
 Cuius ab ore tener subito cum labitur agnus,
 In totum mouet arma gregem, manditq; trahitq;
 Molle pecus, trepidæq; uocant sua pignora foetæ
 Nequicq; & uacuas implent balatibus auras.
 Haud secus Herodes Christo stimulatus adempto
 Sternere collisas paruorum strage caturas
 Immerito non cessat atrox. Quo crimine simplex
 Turba perit? Cur qui uix dum potuere creari
 Iam meruere mori? Furor est in rege cruento,
 Non ratio. Primosq; necans uagitus & audens
 Innumerum patrare nefas, puerilia mactat
 Millia, plangoremq; dedit tot matribus unum.
 Hæc laceros crines nudato uertice rupit,
 Illa genas secuit, nudum ferit altera pugnīs
 Pectus, & infelix mater nec iam modo mater
 Orba super gelidum frustra premit ubera natum.
 Quis tibi nunc lanio cernenti talia sensus,
 Quosue dabas fremitus, cum uulnera feruere late
 Prospiceres arce ex summa, uastumq; uideres
 Misceri ante oculos tantis plangoribus æquor?
 Extinctis tamen quamuis infantibus absens
 Præsens Christus erat, qui sancta pericula semper
 Suspicit, & poenas alieno in corpore sentit.

Ex Sedulio.

OCCIDVNTVR INFANTES
in Bethleem.

Impius innumeris infantum cædibus hostis
 Perfurit Herodes, dum Christum quærit in illis.
 Fumant lacteolo paruorum sanguine cunæ,
 Vulneribusq; madent calidis pia pectora matrum.

Ex Enchiridion Prudentij.

P iij Homilia

DE SANCTIS
HOMILIA IN SANCTOS PVEROS.

Ex S. Angu-
stino.



Christo secundū prophetiæ fidē nato in Bethleem Iudæ, tem-
poribus regis Herodis, de orientis partibus aduentantes quid-
dam uiri ex Magorū gente, p̄cunctantur ab Herode, ubinam
esset rex, qui nuper natus est, Iudeorū, affirmantes uidisse se stellā eius in
Oriente, quæ sibi etiā dux itineris extitisset, causam uero tantę propera-
tionis adorandi ac uenerandi nup̄ æditi regis esse. Quibus ille auditis in-
credibiliter terretur, timēs, ne status sui p̄clitaretur imperij. Aduocatis
accerfitisq; legis doctoribus, requirens percūctatur, ubinam Christum
nasci sperarent. Vt uero ex Micheæ oraculis locus natiuitatis eius apud
Bethleem designatus est, uno præcepto rex omnes lactentes pueros,
non solum apud Bethleem, sed & in omnibus eius finibus à bimis & in-
fra, secundum tempus, quod explorauerat à Magis, interim iubet: si
quomodo etiam Iesum cum æqueuis posset extinguere. Sed; præuenit
regis insidias puer adductus in Ægyptum, parentibus de dolo regis
Angelo prænunciante commonitis. Deceptus itaq; Herodes rex & il-
lusus à Magis, mittit in Bethleem & in omnes fines eius, ut interficiātur
pueri à bimatu, & infra. Occiduntur pro Christo paruuli, pro iustitia
moritur innocentia. Quām beata ætas, quæ necdum Christum potest
loqui, & iam pro Christo meretur occidi: nondum oportuna uulneri,
& iam idonea passioni. Quām foeliciter nati, quibus in primo nascendī
limine æterna uita obuiam uenit. Incurrunt quidem inter ipsa primor-
dia acceptæ lucis periculum & finem salutis: sed de ipso protinus sine ca-
piunt principia æternitatis. Immaturi quidem uidentur ad mortem, sed
foeliciter moriuntur ad uitam. Vix dum gustauerant præsentem, statim
transeunt ad futuram. Nondum ingressi infantiae cunas, & iam perue-
niunt ad coronas. Rapiuntur quidem à complexibus matrum, sed red-
duntur gremijs angelorum. Nihil ergo egisti ferocissime austeritatis au-
dacia: potes martyres facere, Christum non potes inuenire. Putabam̄
incoxilis tyrannus domini saluatoris aduentu regali folio detrudendum:
Sed nō ita est. Non ad hoc uenerat Christus, ut alienam gloriā inuade-
ret, sed ut suam donaret. Non, inquā, ad hoc uenerat Christus, ut regnū
terrestre præriperet, sed ut cœleste donaret. Non uenerat ad potestates
dignitatesq; rapiendas, sed ad contumelias et iniurias perferendas. Non
ad hoc uenerat, ut sacrum illud caput ad diadema gemmatū, sed ut ad
coronam spineam præpararet. Non, inquā, ad hoc uenerat, ut consti-
tueretur supra sceptrā magnificus, sed ut crucifigeretur illusus. Nascente
ergo domino conturbatur Herodes, & omnis Hierosolyma cum eo.
Quid mirum, si pietate nascente perturbetur impietas? Ecce iacentem in
præsep̄io pertimescit armatus, contremescit humilem rex superbus, ob-
uolutū pannis metuit purpuratus, cum simulatione alloquitur Magos:
Ite, inquit.

Ite, inquit, requirite de puero, & cum inueneritis renunciate mihi, ut & ego ueniens adorem eum. Simulabat adorare se uelle, quem conabatur occidere. Sed non timet ueritas falsitatis insidias. Quam ceca feritas, quae credebat quod deprehendere dominum fraudibus posset. Ecce cuius terra coelumque ostendebat aduentum, qui pastorum non latebat simplicitatem, quem Magi de extrema uenientes Aethiopiae parte merentur agnoscere, dolis suis ad illum non potest rex sacrilegus peruenire. Fallitur ergo stulti furor tyranni, Christum non potest inuenire perfidia, quia Deus non crudelitate sed credulitate quaerendus est: qui uiuit & regnat in saecula saeculorum, Amen.

Idem Augustinus scribit de Innocentibus pueris, lib. iij. de Symbolo ad catechumenos: Necdum, inquiens, loquuntur, & Christum confitentur: necdum motibus membrorum ualent suscipere pugnam, & uictoriae offerunt iam palmam. Quomodo regnas Herodes, qui sic uinceris?

S. Cyprianus in hunc modum de Innocentibus pueris disserit: In ordine Sanctorum protomartyres primum habent locum, & secretorum consilij diuinorum propinquitate familiarissima clementiam Dei pro nostris exorant laboribus, quos usque hodie funestus Herodes persequitur, quorum sanguine et morte diabolus delectatur. Hi itaque a cunabulis in coelum translati, facti sunt superni capitoli Senatores & iudices, nonnullis ueniam obtinentes immeritis, assistuntque miserationibus & ultionibus diuinis, sed saepius agni, quem quocumque ierit persequuntur, mansuetudine, quam uel ira uel furore utuntur. Hi nuper cruore lacteo loti, primitias baptismi martyrio consecrarunt, tradentes posteris formam, ubi necessitatis articulus excluderet moram, non minus ad lauachrum animae sanguinem efficacem quam sanctificatas uerbis solennibus aquas, maxime, cum nec sanguis hoc elemento careat, sed aquarum motu per totum corporis alueum fluat. Spiritus uero sanctus & aquis & sanguini superfertur, qui subiectos sibi fouet & abluit: quo baptizante idem occisio & merisio operatur, qua extinctam peccati uitam uirtutemque emortuam utriusque rei continet sacramentum. Ipse enim est, qui uel hoc, uel alio modo quicumque est ille modus, baptizat, & ad idem refertur, quod pura fide agitur per Christum dominum nostrum.

EX BAPT. MANTVANO DE INNOCENTIBVS.

Rex erat Herodes Solymis, de sanguine cretus
Gentis Idumaeae, sceptrum Iudaeae propago
Perdiderat, saeuumque ferens in uita tyrannum,
Amisissos regni ueteris plorabat honores.
Ipse igitur Regis metuens haec signa futuri,
Protinus innocuo Bethlemica rura cruore

Tinxit

Tinxit, & effusa ingenti per tecta per agros
Cæde, domos lachrymis impleuit & æthera planctu.

THOMAS EPISCOP. ANGLICVS.

Ex Romano
Breviario.

Thomas natione Anglus, suscepto Archiepiscopatu Cantuarien. ut in Cancellariæ muneribus obeundis strenue se gesserat, sic in Ecclesia administranda fortem & constantem animum præstitit. Nam cum rex Henricus coacta Synodo leges quasdam ferre moliretur dignitati, & commodis Ecclesiæ perniciosas, tam sancte et cōstanter se conatibus eius opposuit, ut nullis neq; pollicitationibus, neq; minis potuerit deterreri. Itaq; missus est ipse in exilium, & tota eius cognatio regno excedere iussa, cunctorum bonis publicatis. Sexto aut anno Papa & Gallorum rege intercedentibus, ab exilio cum ingenti totius regni gratulatione reuocatur, magno tamen scelere & fraude regis. Qui dolens sacrilegos suos conatus Thomæ sanctitate ad nihilum recidisse, uiolata fide mittit armatorum manum, qui eum in sua Ecclesia trucidarent. Quibus ille aduenientibus portas Ecclesiæ, quas clerici ad obsequendum clauferant, patefecit, seq; intrepidum obtulit iugulandū, hoc duntaxat precatus, ne suorum quisquam læderetur. In me, inquit, unum tela conuertite, non em̄ recuso, pro dei Ecclesia mortem oppetere. Itaq; flexis genibus Deum adorans, gladys impiorum confossus occubuit, v. Calend. Decembris. Cuius corpus in eadem Ecclesia conditum est magnificentissimo sepulchro.

SYLVESTER I. PONTIFEX ROM.

Ex Platina.

Syluester natione Romanus, patre Ruffino, Constantini temporibus fuit, anno ab urbe condita millesimo nonagesimo primo; Domini uero anno ccc. xxxix. Sub hoc tandem principe Christiani à tyrannis antea oppressi, nonnihil respirare incipiunt. Nam corporis ac animi dotibus cum optimo quoq; principe cōparari Constantinus potuit: militaris enim gloriæ appetentissimus fuit, in bello fortunatus. Pacem petentibus libenter dedit: liberalibus studijs, ubi per ocium licebat, delectabatur: liberalitate & gratia omnium beneuolentiam sibi comparabat. Multas leges rogauit ex æquo & bono, superfluas abscidit, seueras nimium emendauit. Urbem in Byzantijs ruinis de nomine suo condens, eam Romæ magnitudine ædificiorum parem facere conatus, secundam Romam uocauit, ut literæ sub equestri eius statua indicabant. Is igitur tantus princeps omnia circumspiciens, omnia considerans, ubi honestatem Christianæ religionis intellexit, qua seruare parsimoniam, paupertate gaudere, mansuetudinem colere, paci studere, simo

dere, simplicitate & constantia uti iubemur, eam ita cōplexus est, ut iturus ad bellum, nō alio q̄ crucis signo uteretur. Quod sereno cōelo dum in Maxentium tyrannum copias mouet, & uiderat et adorauerat, astantesq̄ angelos audierat dicentes: Constantine ἐν τῷ σταυρῷ, quod etiam fecit, ac tyrannos omnes à ceruicibus populi Romani Christianorumq̄ omnium depulit: maxime uero Licinium, qui Christianos & domo & militia pulsos, aut religione, aut carcere (ut dixi) ad mortem usq̄ macerabat, aut leonibus obijciebat, aut suspensos tanquā porcos membratim lacerans dissipabat. Tantum itaq̄ principem ac tam humanum Syluester nactus, relicto Soracte monte, quo à tyrannis sequentibus relegatus fuerat, uel (ut quidam uolunt) secesserat, Romam ueniens, Constantinum erga Christianos bene animatum, promptiorem ad optime de Ecclesia dei promerendum reddidit. Nam & Pontificibus diadema aureū distinctum gemmis concedebat: quod quidem Syluester aspernatus, tanquam religioso capiti minime cōueniens, Phrygia mitra & candida tantummodo cōtentus fuit. Permotus autem Constantinus sanctitate Syluestri, Ecclesiam in urbe Roma condidit in hortis Equitij, non longe à thermis Domitianis, quæ titulum Equitij usq̄ ad tempora Damasi præ se ferebat. Cui quidem Ecclesiæ Imperator munificus hæc etiā dona præstitit, patenam argenteam librarum uiginti, scyphos duos uiginti librarum, calicem aureum duarum librarum, & alia uascula tum argentea tum aurea, quæ enumerare longū esset. Fundum quoq̄ Valerianū dono dedit in agro Sabino positum, unde quotannis solidos octoginta capiebat. Hortum intra urbem ad regionem duorum adamantum, unde solidi quindecim capiebantur. Domum in regione Orphea intra urbē, unde solidi octo & quinquaginta proueniebant.

CIRCUNCISIO DOMINICA.

Saluator noster natus de patre sine die, per quem factus est Ex S. Augustino
 omnis dies, uoluit in terra habere natalem hunc diem, quem stino.
 hodie celebramus. Quisquis in die miraris, æternum mirare
 potius ante omnem diem permanentem, omnem diem creantem, in die
 nascentem à malitia diei liberantem. Adhuc mirare. Quæ peperit, & ma-
 ter & uirgo est. Quem peperit, & infans & Verbum est. Merito cœli
 locuti sunt, angeli gratulati, pastores lætati, Magi imitati, reges turbati,
 paruuli coronati. Lacta mater cibum nostrum, lacta panem de cœlo ue-
 nientem, & in præsepe positum uelut piorum cibaria iumentorum. Illic
 enim cognouit bos possessorē suum, & asinus præsepe domini sui. Cir-
 cūcisio scilicet & præputium cohærendi lapidi angulari, quorum primis-
 riæ fuerunt pastores & Magi. Lacta eum, qui talem fecit te, ut ipse fieret
 in te, qui tibi & munus fecunditatis attulit conceptus, & decus uirginis-
tatis

D E S A N C T I S

tatis non abstulit natus, qui sibi priusq̃ nasceretur, & uterū de quo nasceret, & diem in quo nasceretur, elegit: Et ipse condidit q̃d elegit, ut ille hinc procederet de thalomo suo, quo mortalibus oculis posset uideri.

VIRGINIS PARTVS.

Ex Sedulio. **I**Amq̃ nouem lapsis decimi de limine mensis
Fulgebat sacrata dies, cum uirgine foeta
Promissum compleuit opus, Verbum caro factum est,
In nobis habitare uolens. Tunc maximus infans
Intemerata sui conseruans uiscera templi,
Illæsum uacuauit iter pro uirgine testis
Partus adest, clausa ingrediens, et clausa relinquens.
Quæ noua lux mundo? quæ toto gratia cœlo?
Quis fuit ille nitor Mariæ, cum Christus ab aluo
Processit splendore nouo: uelut ipse decoro
Sponsus ouans thalamo, forma speciosus amœna
Præ natis hominum, cuius radiante figura
Blandior in labijs diffusa est gratia pulchris.
O facilis pietas, ne nos seruire teneret
Peccato dominante iugum, seruilia summus
Membra tulit dominus, primiq̃ ab origine mundi
Omnia qui proprijs uestit nascentia donis,
Obsitus exiguis habuit uelamina pannis.
Quemq̃ procellosi non mobilis unda profundi,
Terrarum non omne solum, spaciosaq̃ lati
Non capit aula poli, puerili in corpore plenus
Mansit, & angusto Deus in præsepe quieuit.

IN EANDEM CIRCUNCISIONEM PVERI IESV.

Ex Enchirid. Prudentij. **V**iderat octauam lucem puer, ecce recidi
Ad morem legis, nomenq̃ aptare necesse est,
Impositumq̃ illi est, monitus cœlestibus olim
Quod Mariæ uox missa deo præcepit, Iesus.

CIVITAS BETHLEEM.

Sancta Bethleem caput est orbis, quæ protulit Iesum
Orbis principium, caput ipsum principiorum
Urbs hominem Christum genuit, qui Christus agebat
Ante deus, q̃ sol fieret, q̃ lucifer esset.

INCREPATIO DE KALENDIS IANVARIIS, RECTE CONTRA mores Ecclesiasticorum publicos, hisce festis Natalijs Domini. Nam nunc uentri magis, q̃ puero Iesu seruitur, in omni crapula & ebrietatis genere.

Hæc sunt Ambrosij



Educa, de his loquor, qui nobiscum natalem domini celebrantes gentilium se ferijs dederunt, & post illud cœleste conuiuium superstitiosis sibi prandium parauerunt, ut qui ante lætificati fuerant

rant sanctitate, inebriarentur postea uanitate: ignorantes, quod qui uult regnare cum Christo, non possit gaudere cum saeculo: & qui uult inuenire iustitiam, debeat declinare luxuriam. Alia enim ratio est uitae aeternae, alia desperatio lasciuiae temporalis: ad illam uirtute ascenditur, ad istam perditione descenditur. Atque ideo qui uult esse diuinorum participes, non debet esse socius idolorum. Idoli enim portio est inebriare uisum mentem, uentrem cibo distendere, saltationibus membra torquere, & ita prauis actibus occupari, ut cogaris ignorare, quod Deus est. Unde sanctus Apostolus haec praeuident, dicit: Quae portio iustitiae cum iniquitate? aut quae societas luci cum tenebris? aut quae pars fideli cum infideli? qui autem consensus templo Dei cum idolis? Ergo si nos sumus templum Dei, cur in templo Dei colitur festiuitas idolorum? Cur ubi Christus habitat, qui est abstinentia, temperantia, castitas, inducitur comessatio, ebrietas atque lasciuia? Dicit Saluator: Nemo potest duobus dominis seruire: hoc est, Deo & mammon. Quomodo igitur potestis religiose epiphaniam domini procurare, qui iam Kalendas quantum in uobis est, deuotissime celebrastis? Ianus enim homo fuit unius conditor ciuitatis, quae Ianiculum nuncupatur, in cuius honore a gentibus kalendae sunt Ianuariae nuncupatae: unde qui kalendas Ianuarias colit, peccat, quoniam homini mortuo defert diuinitatis obsequium. Inde est, quod ait Apostolus: Dies obseruatis & menses & tempora & annos: timeo, ne sine causa laborauerim in uobis. Obseruauit enim diem & mensem, qui his diebus aut non ieiunauit, aut ad ecclesiam non processit. Obseruauit diem, qui hesternae die non processit ad ecclesiam, processit ad campum. Ergo fratres omni studio gentilium festiuitatem & ferias declinemus, ut quando illi epulantur & laeti sunt, tunc nos simus sobrii atque ieiuni, quo intelligant letitiam suam nostra abstinentia condemnari. Non solum autem gentilium, sed & Iudeorum consortia uitare debemus, quorum etiam confabulatio est magna pollutio. Hi etenim arte insinuant se hominibus, domos penetrant, ingrediuntur praetoria, aures iudicum & publica inquietant, & ideo magis preualeant, quo magis sunt impudentes. Hoc autem non recens in ipsis, sed inueteratum & originarium malum est. Nam olim iam & dominum Saluatorem intra praetorium persecuti sunt, & praesidis eum iudicio condemnarunt. In praetorio ergo a Iudeis innocentia opprimitur, secretum proditur, religio condemnatur. Cum enim Christus occiditur, omnis in eo ueritas & iustitia condemnatur, quoniam ipse est innocentia, religio sanctitatis, atque mysterium.

MAGI ORIENTALES.

Exultandum est nobis, fratres charissimi, quod uotis nostris Ex S. Ambrosio. uota succedunt, quod gaudijs gaudia cumulantur. Ecce enim adhuc natalis dominici solennitate corda nostra persultant, & iam festiuitate sanctae Epiphaniae gloriamur. Gratias igitur agere debemus

Q. ij

bemus domino, qui nos frequenter uisitat, ut sæpe lætificet, & iam copiosius requirit, ut numerosius benedicat. Quamuis igitur gentilis licet uane numerus ad solennitatem lætetur propter diuersitatem dominorum suorum, tamen plures nobis festiuitates præstat unius diei uisitatio, quam illis multorum dæmoniorum superstitiosa præsumptio. Nam sicut eos ueritate religionis uincimus, ita uotorum numero superamus. Epiphaniæ ergo hodie procuramus gaudia. Quærat aliquis, &c.

ALIA HOMILIA IN EPIPHANIAM
Dominicam,

Ex S. Augustino.



AD partū uirginis adorandū Magi ab Oriente uenerunt. Hūc diem hodie celebramus, huic debitā solennitatē sermonemq̃ persoluimus. Illis dies iste primus diluxit, anniuersaria nobis festiuitate rediit. Illi erant primitiæ gentiū, nos populi gentiū. Nobis hoc lingua nunciauit Apostolorum, stella illis tanq̃ lingua cœlorū, et nobis idem Apostoli tanq̃ alij cœli enarrauerūt gloriam Dei. Cur enim non agnoscamus eos cœlos, qui facti sunt sedes Dei? Sicut scriptum est: Anima iusti, sedes sapientiæ. Per hos enim cœlos ille cœlorum fabricator & habitator insonuit, quo tonitruo mundus tremuit, & ecce iam credit. Magnum sacramentum. In præsep̃i tunc iacebat, & Magos ab oriente ducebat. Abscondebatur in stabulo, & agnoscebatur in cœlo, ut agnitus in cœlo manifestaretur in stabulo, & appellaretur Epiphania dies iste, quod latine manifestatio dici potest: simul eius celsitudinem humilitatemq̃ cōmēdans, ut qui in aperto cœlo signis sydereis monstrabatur, in angusto diuersorio quæsitus inueniretur inualidus infantis libus membris, inuolutus infantilibus pannis, adoraretur à Magis, timeretur à malis.

IN MAGORVM ADVENTVM.

Ex Sedulio.

TAlia Bethleis dum signa geruntur in oris,
Eoi uenēre Magi, sæuumq̃ tyrannum
Grandia sollicitis perturbant nuncia dictis,
Iudaicis nuper populis orientis ab axe
Progenitum fulsisse ducem, hoc cœlitus astra,
Hoc stellam radiare nouam, ferus arbiter aulæ
Æstuat Hebrææ ratus hunc succedere posse
Mox sibimet, qui primus erat. Tunc fronte serena
Nubila mentis alens, clam mandat ubiq̃ requiri
Sicut adorandum, quem tractat fraude necandum.
Quid furis Herodes? Christum sermone fateris,
Et sensu

Et sensu iugulare cupis? legemq; legendo
 Negligis? & regi regum tua regna minaris?
 Ne tamen insano careant tua numina facto,
 Patrandum sub honore crucis sed crimine gentis.
 Herodes alius quod tu molire uidebit.
 Ergo alacres summo seruantes lumina coelo
 Fixa Magi, sydusq; micans regale secuti,
 Optatam tenuere uiam, quæ lege futura
 Duxit adorantes sacra ad cunabula gentes.
 Thesaurisq; simul pro religione solutis
 Ipsæ etiam ut possent species ostendere Christum
 Aurea nascenti fuderunt munera regi,
 Thura dedere Deo, myrrham tribuere sepulchro.
 Cur tria dona tamen? quoniam spes maxima uitæ est
 Hunc numerum confessa fides, & tempora summus
 Cernens cuncta Deus præsentia, prisca, futura,
 Semper adest, semperq; fuit, semperq; manebit
 In triplici uirtute sui, tunc coelitus illi
 Per somnum moniti contemnere iussa tyranni,
 Per loca mutati gradientes deuia callis
 In patriam rediere suam. Sic nos quoq; sanctam
 Si cupimus patriam tandem contingere, postq;
 Venimus ad Christum, iam non repetamus iniquum.

HISTORIÆ EIVSDEM RE petitio.

Ex Iuueno.

Gens est ulterior surgenti proxima soli
 Astrorum solers, ortusq; obitusq; notare.
 Huius primores nomen tenuere Magorum.
 Hinc læti procures, Solymas per longa uiarum
 Deueniunt, regemq; adeunt, orantq; doceri,
 Quæ regio imperio puerum Iudæa teneret
 Progenitum, sese stellæ fulgentis ab ortu
 Admonitos uenisse uiam, quo supplice dextra
 Exortum terris uenerabile numen adorent.
 Territus Herodes, uatum, legumq; peritos,
 Quiq; prophetarum ueterum præfagia noscunt,
 Imperio accitos iubet omnia quærere legis,
 Quo pateat, quæ sint genitalia moenia Christo,
 Omnia uenturum spondent quem oracula uatum.
 Tunc manifestatur Bethleem quod moenibus illum
 Progigni maneat, cui sacram ducere plebem

Q. iij Israëlitas

D E S A N C T I S

Israëlitarum sancta uirtutē necesse est. •

Tunc iubet Herodes Persas pertendere gressum
Inuentumq; sibi puerum monstrare colendum.
Ecce uiæ medio stellam præcurrere cernunt
Sulcantem flammis auras, quæ in culmine summo
Restitit, & pueri lustrata habitacula monstrat.
Gaudia magna Magi gaudent, sydusq; saluant.
At postq; puerum uidere sub ubere matris,
Deiecti prono texerunt corpore terram,
Submissiq; simul, mox mystica munera promunt.
Thus, aurum, myrrham, regi; hominib; deoq;
Dona ferunt, totam mox horrida somnia noctem
Sollicitant, sæuumq; iubent uitare tyrannum.
Deniq; diuersis Herodis callibus aulam
Diffugiunt, patriam Magi rediere latenter.†

IN MAGOS.

IAm puero iuxta mores, legemq; paternam
Nomen, & indigenæ dederant insignia gentis,
Membraq; pertulerant cultrōs recutita cruentos;
Quom no uus Eoo criniti syderis ardor
Mouit ab orbe Magos, qui uel quia forsitan astrum
Ante diem partus multo uidere, uel ipsa
Quod iumenta magis cursu uenēre citato.
Immensum paucis iter exegere diebus
Herodis monitu: postq; monstrata Tonantis
Tecta subingressi, puero tria dona dedere,
Ad Persas aliud per iter rediere colonos.

EX SACRIS SCRIPTORIBVS DE Magorum facto egregio.

DE Magis uetustissimus Theologus & egregius scriptor Se-
ptimius Tertullianus in libro contra iudæos ita habet: Ma-
gos reges ferè habuit Oriens, & Damascus Arabiæ retro
deputabatur, anteq; transcripta esset in Syrophœnicen ex distinctione
Syriarum, cuius tunc uirtutē Christus accepit, accipiendo insignia eius,
aurum scilicet & odores: spolia autem Samariæ, ipsos magos: qui cum
illum cognouissent, & muneribus honorassent, & genu posito adoras-
sent, quasi dominum regem sub testimonia indicis & ducis stellæ spolia
sunt facti Samariæ, id est, idololatriæ, credentes uidelicet in Christo.

Diuus

Diuis Hilarius in Matthæum, Canone primo, de Magis ita scribit: Stellæ aut ortus primum à Magis intellectus indicat, mox gentes in Christo credituras, & homines professionis longe à scientia diuinæ cognitionis auersæ, lumē, quod statim in ortu eius extitit, cognituros. Denicq; oblatio munerum intelligentiam in eo totius qualitatis expressit. In auro regem, in thure deum, in myrrha hominem confitendo. Atque ita per uenerationem eorum, sacramenti omnis est consummata cognitio: In homine mortis, in deo resurrectionis, in rege iudicij. Quod uero repetere iter atq; ad Herodem in Iudæam redire prohibentur, nihil à Iudæis petere scientiæ cognitionisq; permittimur, sed in Christo salutem omnem & spem locantes, admonemur prioris uitæ itinere abstinere.

Diuis Irenæus de Magis in hanc sententiam scribit: Vnus & idem deus, qui à prophetis prædicatus est, & ab angelo annunciatus, & huius filius, qui ex fructu uētris David, id est, ex David uirgine, & Emanuel, cuius & stellam Balaam quidem sic prophetauit: Orietur stella ex Iacob, & surget dux in Israël. Matthæus autem Magos ab oriente uenientes ait dixisse: Vidimus enim stellam eius in oriente, & uenimus adorare eum. Deductosq; à stella in domum Iacob ad Emanuel, per ea que obtulerunt munera ostendisse, quia erat qui adorabatur, Myrrha quidem, quod ipse erat, qui pro mortali humano genere moreretur & sepeliretur: Aurum uero, quoniā rex, cuius regni finis nō est: Thus uero, quoniā deus, qui & notus in Iudæa factus est, & manifestus eis, qui non querebant eum. Historia Tripar. lib. iij. cap. ij. uerba de Magis hæc habet: Magi religionem Persarum ueluti quædam sacerdotalis tribus per successionem generis ab initio commissam habere noscuntur.

Io. Chrysostomus super Matth. cap. ij. uocat Magos illos barbaros & Persas. Tanti, ait, regis natiuitas Persarum regem ad se ortu suo triumphante traxit, &c. Idem ibidem dicit Magos istos nō simpliciter barbaros, sed illis longē, utiq; sapientiæ dignitate præstantes, &c. De donis Ioannes Chrysostomus sic cōcionatur: Munera suppliciter offerebant, quæ tamen plurimum & à Iudæorum more distarent, & ecclesiasticæ philosophiæ conuenirent, Siquidē scientiam illi obedientiamq; & charitatem figuraliter offerebant.

Diuis Hieronymus lib. vij. in Esaiam: Magi, inquit, ab oriente docti à dæmonibus, uel iuxta prophetiam Balaam intelligentes natum filium dei, qui omnem artis eorum destrueret potestatem, uenerunt Bethleem, & ostendente stella, odorauerūt puerum, &c. Idem Hieronymus in Ezechiel. prophetā, cap. ij. Magi qui de singulis philosophantur, &c. Mox: Cōsuetudo autem & sermo communis, magos pro maleficis accipit, qui aliter habentur apud gentem suam, eo q; sint philosophi Chaldæorum, & ad artis huius scientiam reges quoq; & principes eiusdem gentis omnia faciunt. Vnde et in natiuitate domini saluatoris ipsi primū ortum

ortum intellexerunt, & uenientes in sanctam Bethleem, adorauerunt puerum, stella desuper ostendente.

Episcopus Thaurinensis Maximus nomine, in serm. de Epiphania, uocat Magos Chaldaeos. Idem de Magis sic: Et bene charissimi uno itinere tres simul adoraturi ueniunt Magi, &c. Cremonensis Platina sic ait: Magos quidam orientales reges suos & sapientes appellant. Atque huc accedit, quod Serm. vii. August. de natali dom. legitur, Chaldaeos puerum Iesum regijs muneribus honorasse.

Scribit idem Augustinus de Magis etiam, lib. iiii. de symbolo ad catechumenos, cap. iiii. Et de Trinit. lib. iiii. cap. xij. Quo loco docet, nos ad exemplum Magorum, per aliam uiam in patriam coelestem redire, Nempe per eam uiam, quā monstrat rex humilis, quamq; rex superbus obsidere non possit. Serm. j. in Epiphaniā leguntur hęc uerba: Triplicium munerum triplex significatio continetur. In thure obtulerunt Dei honorem, in auro regiam dignitatem, in myrrha corporis sepulturam. Offeramus ergo et nos dilectissimi fratres syncera et sancta munera deo nostro, castitatem, fidem, patientiam, charitatē, mentes humiles, mores probos, animas deo inhabitare dignas. Hęc sunt enim placita deo dona, hęc grata munera, quę Deo quidem offeruntur, sed offerentibus profunt. Nullo enim munere ille eget: sed hoc illi munus optimum est, ut causas habeat munerandi. Paranasim quoq; ex Ioan. Chrysost. libet adiungere: Imitemur igitur nos saltem deuotionem Magorum, ueroq; amore philosophię barbaram consuetudinem subiungemus, longo itinere curramus, ut Christū uidere mereamur. Nam & illi nisi procul regionem propriam reliquissent, nequaquam utiq; Christum uidere potuissent. Recedamus igitur a terrenis negocijs & curis. Etenim Magi illi cum adhuc morarentur in Perside, stellam uidere tantūmodo: quia uero a Perside recesserunt, solem iustitię ipsum aspexere, qui certe, nec stellam quidem ipsam tamdiu uidere meruissent, nisi cito a Perside fuissent profecti. Surgamus ergo & nos, & licet omnes resistent, nos tamen alacres & prompti ad pueri accurramus domū. Et si rex, & si populus, & si tyrannus huius uelint cursum itineris impedire, nequaquam tamē accensi desyderij extinguiamus ardorem. Sic enim omnia aduersa calcabimus, quoniam & illi nisi uidissent puerum, nec periculum, quod a rege intentabatur, uitassent. Prius enim q̃ puerum cernerent, undiq; illis opposebantur timores, conturbationes, atq; discrimina. Postquā uero adorarunt, securitas et tranquillitas consecuta est. Nec iam stella eos, sed angelus suscipit, quia scilicet adorando facti fuerant sacerdotes, cū supplicatione etiam muneribus oblati. Quin nos & S. Ambrosius adhortatur ad imitationem Magorum, sup. Lucam cap. ij. dicens: Quę sunt ista uerę fidei munera? Aurū regi, thus deo, myrrha defuncto, &c. Nos quoq; qui hęc audimus & legimus, de thesauris nostris talia fratres munera

nera proferamus. Habemus enim thesaurū in uasis fictilibus, &c. Stella la hæc uia est, & uia Christus: quia secundum incarnationis mysterium Christus est stella. Orietur em̄ stella ex Iacob, & exurget homo ex Israēl, &c. Num. xxiii. Citat S. Ambrosius historiam, quæ doceat Magos à Balaam genus ducere. Vocat illos Chaldeos peritos in numeris, & qui Magicis artibus conciliandæ sibi diuinitatis studium impenderint, &c.

D. Cyprianus facit Magos Arabas & incolas Sabba. Paulò post sic differit de Magis: Erant in illis regionibus uiri syderum inspectionibus assueti, qui arte mathematica uim discursumq; planetarum nouerant, qui ex elementorū natura rationem temporū metientes, astrorum ministeria certis experimentis proprijs didicerāt effectibus assignata. Hi ex uaticinijs Balaam olim audierant, stellā oriri in Iacob, &c. Diu homines illi huius prophetiæ prouentū expectarant: & ubi uenit plenitudo temporis, orto repente nouo sydere, ad antiqua uolumina recurrentes, tam testimonio muniti, q̄ signo, Dromadis inuecti in Iudæā stella duce peruenerunt, &c. Mox: Ecce alienigenæ à fluminibus Æthiopie ad paruulum Christum supplices ueniunt, &c. Item: In auro regem, in thure sacerdotem, in myrrha incorruptibilem, quamuis passibilem profitentur.

Idem Cyprianus: Adorato Domino, Magi hilares alio tramite in suā patriam reuertuntur: quia necesse est, ut qui ad iustitiam, ore etiam confessi sunt ad salutem, deinde uias eligant arctiores, & se districtioribus mandatis obligent, quoniam per uias latas descensusq; præcipites itur ad inferos: per arctas uero & difficiles reditur ad superos, &c. Mox: Arcta uia est castitas, trames strictus humilitas: ieiunio affligi, & carnem in seruitutem redigere: Scopulosæ sunt semitæ, sed ad patriam superiorem nō nisi per meatus difficiles armati milites reuertunt. Hæc Cyprianus. Si cui libet, legere poterit D. Hierony. in lib. de uera Circūcisione, ibi de Magis Orientalibus, deq; oblati ipsorum donis agitur. Histor. Tripart. lib. x. cap. xxx. scribit Theodoretus, Magos à Persis eos dici, qui elemēta deificant. Raphaël Volaterranus lib. xvij. Anthropologie: Magi tres ex Oriente fuere, Gaspar, Melchior, & Balthasar, quorū corpora in ciuitate Coloniensi. Platina in Alexandro iij. de sepulchro Magorum refert: Federicus autem tyrannica potestate usus, direpta Derona & Mediolanū solo æquauit: unde translata Magorum corpora Coloniā tum crediderim à Rodulpho Coloniensium Archiepiscopo, &c. Anthon. Sabellicus lib. ix. de Magis ita memoriæ tradidit: Pari miraculo tres illi qui ab oriente uenerūt Magi, ut Christum nuper natū adorarent, intempesta nocte moniti, ne ad Herodem redirent, quem Hierosolymis conuenerant, rati (quod erat) cœli numen interesse ijs, quæ fierent, ab hospitali urbe diuersi domum abierunt: sed in nulla re sacræ literæ pluribus scatent exemplis. Nam quotusquisq; religionem adijt, qui non aliquo instructus oraculo uisus sit sibi diuinę uoci, nō no-

R eturnæ

sturnæ imagini obtemperare? Petrus Comestor in historia Scholastica erubescendum in modum delyrat, quem secutus est Petrus de Natalib. circa nomenclaturam Magorum, dum autumant Latina esse nomina, Caspar, Melchior, Balthasar : Quæ Hebræis dicantur Apellius, Amesrius, Damascus: Græcis uerò Galgalath, Malgalath, Sarachin. Stupendam inscitiam. Sed isti temporum infelicitati uenia danda est. De translatione Magorum ex Mediolano in Coloniensem ciuitatem, opera Reinaldi Coloniensis Episcopi, uide Albertum Krantz in sua Saxonia, lib. vj. cap. xxiiij.

TELESPHORVS I. PONT. ROM.

Ex Platina.

Telephorus natione Græcus ex patre Anachoreta, Antonini Pij temporibus fuit, cuius quidem imperatoris paternum genus è Gallia Cisalpina originem habuit. Imperauit autem cum filijs, Aurelio & Lucio annis II. ac uiginti, mensibus tribus, tanta cum modestia & benignitate, ut merito Pij cognomentum adeptus, ac pater patriæ appellatus. Nulli enim unquam tum priuatim, tum publice acerbus fuit, aut in redimendis pecunijs, aut exactione tributis, quod quidem interdum ita remisit, ut cautionibus incensis omnium debita relaxaret. Quid plura de hoc principe dicam? qui religione, pietate, gratia, humanitate, clementia, iustitia, modestia cum Numa Pompilio bonorum omnium sententia comparari potest. Is præterea cum Tyberis inundatione plurima Romæ uexasset ædificia, tum priuata, tum publica, sua impensa ciues in restituenda urbe liberalissime iuuuit. Tarra-
cinensem quoque & Caietanum portum miris operibus, ut nunc etiam apparet, restituit, eius quoque impensa erectam esse columnam illam cochleam putarim, à qua urbis celeberrima regio nomen accepit. Thelephorus autem quem diximus Sixto successisse, constituit ut septem hebdomatibus ante pascha ieiunium obseruaretur, utque in natali Christi noctu tres missæ celebrarentur: prima in dimidio noctis, quo Christus in Bethleem nascitur, secunda illucescente aurora, quando à pastoribus cognitus est, tertia eadem hora diei, qua nobis dies redemptionis & ueritatis illuxit, cum omni reliquo tempore ante horam tertiam celebrare interdictum esset, qua hora dominus noster in crucem ponitur, ut Marcus ait. Constituit item ut ante sacrificium hymnus ille caneretur: Gloria in excelsis Deo. Huius temporibus multum elaborauit pro fide Christi Iustinus philosophus ex Neapoli urbe Palæstinæ, qui & Antonino Pio principi ac filijs eius librum dedit contra gentes scriptum, et dialogum contra Tryphonem principem Iudæorum habuit. Inuectus est & in Marcionem, qui Cerdonis dogma secutus, alterum bonum, alterum iustum dominum asseruit, tanquam duo contraria principia creationis & bonitatis

& bonitatis. Impugnauit & Crescentem Cynicum, ut gulosum, mortis timidum, luxuriæq; ac libidinum appetentissimum, Christiꝝ blasphemum, cuius insidijs ad extremum circumuentus, pro dignitate Christiani nominis sanguinem fudit. Hunc autem Iustini hostem non philosophum fuisse, sed philopompum, id est, amatorem arrogantiae, scribit Eusebius. Eodem quoq; tempore inualuisse Valentinianam hæresim constat. Hi quidem Valentini cuiusdam Platonici sectatores, dicebant Christum de corpore uirginis nil sumpsisse, sed per eam tanq; per fistulā quandā puerum transisse. Photinus autē tum Lugdunensis episcopus, uir certē singularis uirtutis & doctrinæ (ut ait Isidorus) iam nonagenarius martyrii coronā constanti animo perpeßus est. At uero Thelesphorus cū ordinationes quatuor mense Decembri habuisset, creassetq; presbyteros quindecim, diaconos octo, Episcopos tredecim, martyrium subiens, apud beati Petri corpus in Vaticano sepelitur. Sedit annis undecim, mensibus tribus, diebus XXII.

REMIGIVS EPISC. REMENSIS.



Vir pius, nec indoctus Remigius, Gallus extitit, Gallie suæ unica gloria. Hoc enim Euangelij prædicatore, natio nobilissima, Christum cognouit, idq; Clodouei Quarti Gallorum regis ætate, circa annum domini ccccxc. Eodem tempore floruit quippe Remigij Synchronus Vedaßtus Atrebatensis Episcop. qui Thaumaturgiam per Christi nomen exercuisse legitur. De utroq; Episco. scribit Robertus Ganguinus lib. j. de gestis Francorū, narrans qua occasione Clodoueus rex gentilis etiamdum per uxorem suam Crotildem Christianam ad Christum inuitatus fuerit. Inter alia sic scribit: Pertinaci autem in errore Clodoueo bellum in Alemannos instauratur. Constitutis in conspectu utrinq; exercitibus, manus conserunt. Pugnatum cum diu esset, Francis cedentibus timet sibi Clodoueus, cœlumq; suspectus: Deus, inquit, quem Crotildis religiose ueneratur, audi: Si uicero, fide te perpetua colam. Vix preces finierat rex, ecce alacres Francos prælium redintegrare conspiciatur, quibus animum ipse quoq; adijciens, rege Alemanno perempto, uictoria potitus est, & Alemannis lex posita. Victorem etiam credulum Christo regem Vedaßtus qui Tulli aderat, & qui postea Atrebatii pontificatum administrauit, secutus est, cui rex crudelitatis & fidei suæ rationem enarrauit: Crotildis credenti Clodoueo gratulata, Remigium pontificem nihil morata conuenit, atque ad Clodoueam introducit, quem ad se admissum rex diligenter audit de fide & Christi religione differentē. Dies abluendo regi indicitur, parato, ingenti ornatu lauacro, cum sacrosanctū oleum, quo liniri ritu Christiani qui abluuntur, solent, siue ministrorum incuria, siue hoc agente Deo allatum non esset, ecce de superis delapsa columba, phialam quam

Georg. VIII
cel.

R ij ampullam

ampullam uocāt, odoratissimi liquoris oppletā ad manus Remigij detulit. Creditum est spiritus Dei ministerio id perpetratum esse. Eo liquore B. Clodoueus primū, posteri deinceps Francorum reges hactenus regnum administraturi sacrantur. Ministerio ablutionis expleto, Clodoueus ad circumstantem nobilitatem populūq; breui oratione habita, suadet aspernari falsam deorum religionem, & eius fidem profiteri, qui Christus appellabatur, & Dei filius esset, quo autore hostem Alemannum, inquit, superauimus. Regis oratione perculsis Francorum animis, Christum professi abluti sunt.

HAEC S. REMIGIVS DE CLODOVEO REGE
ad Religionem Christianam conuerso.

Dives opum, uirtute potens, clarusq; triumpho
Condidit hanc sedem rex Clodoueus. & idem
Patricius magno sublimis fulsit honore.
Plenus amore Dei contempsit credere nullo,
Lumina qui uarijs horrent portenta figuris.
Mox purgatus aquis & Christi fonte renatus
Fragrantem gessit infuso chrismate crinem.
Exemplumq; dedit, sequitur quod plurima turba
Gentilis populi, spretoq; errore suorum
Doctorem cultura deum uerumq; parentem
His foelix meritis superauit gesta priorum.
Semper consilio, castris, bellisq; tremendus
Hortatu dux ipse bonus ac pectore fortis,
Constructas acies firmavit in agmine primus.

HILARIUS EPISCOPVS.

Ex S. Hieronymo.



Hilarius urbis Pictauorum Aquitaniae episcopus, factione Saturnini Arelatensis episcopi, de Synodo Piterensi, Phrygiae reus legatus, duodecim aduersus Arianos confecit libros. Et aliū librum de Synodis, quem ad Galliarum Episcopos scripsit. Et in Psalmos cōmentarios, primū uidelicet, secundū, & à quinquagesimo primo usq; ad sexagesimum secundum, & à centesimo decimo octauo usque ad extremum: in quo opere imitatus Origenē, nonnulla etiam de suo addidit. Est eius & ad Constantium libellus, quem uiuenti Constantino poli porrexerat. Et alius in Constantium, quem post mortem eius scripsit. Et liber aduersum Valentem & Ursatium, historiam Ariminensis & Seleuciensis synodi continens. Et aduersus praefectum Salustium, siue contra Dioscorum, & liber Hymnorum, & mysteriorum alius. Et commentarij in Matthæum: & tractatus in Iob, quos de Græco Origenis ad

nis ad sensum transtulit: & alius elegans libellus contra Auxentium: & nonnullæ ad diuersos epistolæ. Aiunt quidam scripsisse eum & in Cantica canticorum, sed à nobis hoc opus ignoratur. Mortuus est Pictauis, Valentiniano & Valente regnantibus.

DE EODEM HILARIO.

Nunc in genere de laudatissimi uiri dotibus pauca libabimus. Erasmus Roterod.
Ac primum de uitæ sanctimonia, quid attinet dicere, quum authoritas Ecclesiastica iam olim eum diuorum catalogo ascripterit? Quanquam alioqui & omnes uiri libri mirum quendam pietatis ardorem spirant. Quanta uero fuerit nominis illius autoritas, uel hinc licet conijcere, quod diuus Hieronymus, qui penè contempsit Augustinum, nec ita multum tribuit Ambrosio, toties tanta cum ueneratione citat Hilarium, alibi uocans eum orbis Deucalionem, alibi Latini sermonis tubam, alibi Latinæ eloquentiæ Rhodanum appellat: nec uno in loco aduersus calumniantes, quod Origenicis uteretur, huius exemplum ueluti clypeum obijcit, cui plenissimum testimonium reddit in Epistola quadam ad Marcellam: Tantum, inquit, uirum, & temporibus suis disertissimum, reprehendere non uideo, qui & confessionis suæ merito, & uitæ industria, & eloquentiæ claritate, ubicunque Romanum nomen est, prædicatur. Quid hoc elogio plenius? Nec minus honorifice meminit eius in commentarijs, quibus enarrat Esaiam: Sanctus, inquit, & eloquentissimus martyr Cyprianus, & nostri temporis confessor Hilarius, nonne tibi uidetur excelsæ quondam in sæculo arbores edificasse Ecclesiam Dei? Quin & diuus Aurelius Augustinus, non sine præfatione honoris auctoritatem Hilarij citat, in libris de Trinitate.

Fuit item alius Hilarius Aretij ortus, Donato Episcopo perquam familiaris. Georg. Vindob.
Qui Hilarius, dum dæmonibus sacrificare nollit, Quadratiano præside, in ciuitate Ostiensi martyrij coronam accepit. Hilaris Hilarius ob Christi Euangelium passus est, qui in fide & charitate eiusdem Christi domini nostri hilaris peregerat omne bonorum operum genus.

BASILIUS MAGNVS EPISCOPVS.

Cum Magni Basilij uiri sanctissimi præconijs mea penè omnia Greg. Naz.
scripta sint referta: ipsumque dum uiueret, & admirari, et in honore summo habere nunquam destiterim, hoc sanè tempore quando excessit, uberiōres à me laudes expostulari proculdubio uidentur, quum defunctorum memoria, præsertim excellentissima uirtute prædictorum, non solum ab amicis, sed etiam alienis commendari, maxima sit pietas, &c. Reliqua ex Monodia Gregorij Nazianzeni requirat lector.

R. in Basilus

Ex uita P
trum.

Basilius solus, ut sic dicam, in terra æqualem & decentem ostendit uitam operibus et uerbis diuina sapientia uitam componens, omnia Christo dans, scilicet & animam atq; corpus, nec non sermonū manus quidem gentilem errorem sicut araneæ telam dirupit. Hic septennis factus, datur à genitoribus literis, uacans autem doctrinis quinquennio fructum acquisiuit multam philosophalem disciplinam dulcedini naturæ, deinde relinquens patriā (Capadocus em̄ erat natione) apprehendit matrē uerborum Athenas: castitate & multa abstinentia decoratus adiit præceptorē Græcorū sapientiæ, nomine Eubolum, & sic seipsum dedit doctrinis admirandis, etiā & magistris, factiq; sunt ipsius cōscholastici, Gregorius Magnus Nazi, postea factus est episcopus, qui Apostolicæ sedis gubernacula in duo & decem annorum gubernauit tempora, Iulianus etiam à puero Christianus, atq; Libanius. Is autem ab omnibus uir admirandus posuit in corde suo, nihil sumere panis & uini, donec superna prouidentia intellexerit diuinæ sapientiæ archana. Morans quoq; in doctrinis quinq; & decem annis, omnemq; Græcalem philosophiam percurrens, in fine astronomiam, ac optima quæq; colligens, & nullatenus inuenire ualens per ipsa omnia creatorem in una nocturno uigilante eo diuinitus quidem splendor fidei accendit, eum perlustrare totius religionis scripturam. Surgens ergo abiit in Ægyptum. Et accedens uni archimandritarum, Porphirio nomine, supplicauit sibi dari libros sacros ad cōprehensionem diuinorū dogmatum. Quod consecutus mansit ibi delectans meditationi diuinorum sermonum, & aqua & herbis se enutrens. Annuali uero tempore ibidem commorans, & uerbum ueritatis fide considerans permanfit, scrutans ueritatis sermonem. Sicq; postulauit, se dimitti Hierosolymam orationis gratia, et quæ ibi sunt uidendi miracula. Iam autem superorans illum dimisit eum. Veniens namq; ubi Græcorum philosophiam didicit, cepit persuadere multis philosophis & multitudini gentiliū, atq; afferre Christo, ostendens eis uiam salutis, querebat nihilominus & suum præceptorem Eubolū, qui erat opinatissimus uerbi, ad retributionem in ipsum laboris afferre immaculatæ fidei, sicut se bene currentem ad eam, omnes etiam eum sicut magistrum sequebantur, qui philosophiam sectabantur. Quærens autem illum per omnia auditoria, inuenit illum in suburbano conquerentem in sermone cum cæteris philosophis. Hoc enim erat apud illos, festinabatur aut dici quid, aut audiri plus noui: disputante ergo eo, reprehendit eum superueniens Basilius. Et hi qui cum illo erant, reprehendit quis (inquiunt) te, o philosopho. Ipse aut ait: Aut deus, aut Basilius. Recognoscens igitur Basilium, coeßentes sibi dimisit Eubolus, & coheret Basilio, tribusq; diebus incibati permanentes, conquerebantur ad inuicem. Interrogauit ergo Eubolus Basilium, dicens: Quæ est diffinitio philosophiæ? Qui ait: Prima diffinitio philosophiæ est meditatio mortis.

Ille

Ille admirans dixit: Quid est mundus? Qui ait: Quid est super mundū? Et dulces quidem sunt mundi sermones, amarus autem ualde ille mundus, qui eum continet uitiose. At altera est uoluptas corporis, & altera incorporeę naturę, & simul hæc coesse cuidam non de licitis est. Nemo enim potest duobus dominis seruire. Veruntamen ut uirtus est, frangimus esurientib. panem scientię, & per maliciā intectos pro uirtute ducimus sub tectum. Si autem & nudum uidemus, circumamicimur, & ut proprii germen seminis non despiciamus. Hæc dicens, & exacuens eum parabolice, Saluatoris quę erga nos est clementia, per poenitentiam tres cathinos menti pposuit in uestibulum cogitationis. Superliminare quidem portarum, uirtutem adducentem prudentiā, uiriliteriam, iustitiam, castitatem: quę autem sinistra parte suasionem, in utraq; uero parte eius intemperantiam, libidinem, ebrietatem, impudicitiam, segnitiam, criminationem, lingositatem, incantationē, & quoddam talium examen, poenitentiam autē decenter stantem, intrementem, subridentem, lenem, aduersarios quidē increpantem, priorum autē indigentem populorū, iuxta eam uero abstinentiam, intellectum, lenitatē, uenerabilitatē, timorem, clementiam, & multorum bonorum plebem: ipsius historię mens diuina cautela, audientibus autē zelorū meliorē occasio. Hæc ego ipse uidens benigne factus sum, & isto ductus sum o Eubole. Sunt enim in nobis non imagines, neque enigmata, sed ipsa plane ueritas ducens ad salutem. Resurgemus enim omnes, hi in uitam æternam, & hi in opus probrium & confusionem æternam, & astabimus tribunali Christi, sicut docent nos magni uocibus prophetę, Esaias, Hieremias, Ezechiel, Daniel, & Dauid rex, atq; diuinus Paulus illos. Ipse enim poenitentię doctor, & ipsius retributionis dominus, qui ouem quæsiuit perditam, & apostatam puerum ex patris sinu cum multis diuitijs & seipsum prodige consumentem, & postea reuertentem fame afflictum sincere amplexatus est, & ueste splendida ornauit, ac annulo induit precioso, suadetq; peccanti puero seuienti, sicut fratri indulgentiam dare. Iste in inuido dominus præualens benignitate, qui æqualem mercedem circa undecimā horam uenientibus tribuit, & nobis poenitentibus, ac suscipientibus ex aqua & spiritu sancto regenerationem, dabit enim, quę oculus non uidit, & auris non audiuit, & in cor hominis non ascenderunt, quę præparauit deus diligentibus eum. His ex sensu factus Eubolus dixit: O Basili coelestis demonstrator trinitatis, per te credo in unū deū, patrē omnipotentem, & deinceps usq; expectans resurrectionem mortuorum, & uitam sæculi futuri, Amen. Ego autem in hoc quę in me est ostendi tibi, quia omnia quę mihi sunt, in manus tuas dans, reliquum tempus uitę meę tecum ero, si placitum in conspectu domini fuerit, suscipiens ex sancta aqua & spiritu regenerationem. Basilius dixit: Benedictus Dominus deus noster a modo & usq; in sæculum, o Eubole, qui splenduit lucem

lucem ueram in mente tua, & transtulit te de multiformi errore in agnitionem ipsius misericordiae: quia uero ut dixisti mihi coesse uis, ostendā tibi, quomodo salutē nostrae prouideamus, uinculis istius uitae nos liberantes: uenundemus omnia, quae nobis sunt, & demus indigentibus, & sic in sanctam ciuitatem abeamus ipsi uisuri quae sunt ibi miraculorum, & apud deum acquiramus fiduciam: & sic uterque eorum erant dispensantes ad sanctum baptisma indumenta tantum ex ipsis ementes, Hierosolymam ibant, conuertentes ad deum gentilium multitudinem magnam.

Apprehendentes autem Hierosolymam, & omnem locum sacrum fide & amore requirentes, & ipsis locis qui est super omnia deum adorantes, manifesti fiunt episcopo ciuitatis nomine Maximino: & se ei prosternentes postulabant consequi regenerationem in Iordanis fluuio diuinam. Quos uidens idem uir sanctus, plenus cum esset benignitate, adimpleuit postulationem eorum, & simul cum fidelibus uiris uenit ad Iordanem. Basilius autem iuxta ripam factus proiecit se in humum, & cum lachrymis & clamore forti postulabat signum reuelari eius fidei. Resurgensque cum tremore despoliauit se uestimentis suis, & cum ipsis uere uetusto homine, & descendens in aquam orabat. Descendens autem sacerdos baptizauit eum. Et ecce fulgur ignis uenit super eos, & columba ex eodem fulgure uenit in Iordanem, & turbans aquas reuolauit in coelum. Astantes autem in tremore facti glorificauerunt deum: baptizatus uero Basilius exiuit de aqua. Admirans quoque Maximinus episcopus Basilium in deum dilectionem, orans uestiuit eum resurrectionis Christi indumentis: baptizauit autem & Eubolum, atque unguis eos sancto crismate, tradidit illis uiuificam communionem: postulauitque Basilium Dei sacerdos per orationem sumere cibum, quod & fecit, dicens: Iesu Christe deus noster credo Euangelicae tuae uoci, & spero in tua benignitate comedens & bibens contra egredientem nobis diabolum cooperationem nobis sancti spiritus fieri. Stupens uero sacerdos dei in fide eius, reuersus est cum ipsis in sanctam ciuitatem. Annali autem tempore inibi commorantes, communi sententia uenerunt Antiochiam, & ibi gradum dyaconi suscepit.

Conuenientes ergo coetus Episcoporum sancti spiritus cooperatione elegerunt Basilium ad Episcopatus sedem, & consecratus gubernabat Ecclesiam Dei prouidentia. Post quoddam autem tempus postulauit deum, ut daret illi gratiam & sapientiam atque intellectum, proprijs sermonibus offerre in sanguineum sacrificium, & illi uenire super eum sancti spiritus aduentum. Post dies uero sex sicut in extasi factus, propter aduentum sancti spiritus septima die apprehendēte, coepit ministrare deo per singulos dies: & post aliquod tempus fide & oratione coepit propria manu scribere ministrationis mysteria: atque in una nocte adueniens ei Dominus in uisione cum Apostolis, propositionem panis faciens in sancto altari

altari excitauit Basilium, dicens ei: Secundū tuam postulationem repleatur os tuum laude, ut per proprios sermones offeras mihi sanguineum sacrificium. Qui non ferens oculis uisionem, surrexit cum tremore. Et accedēs ad sanctum altare coepit dicere, scribens in charta sic: Repleatur os meum laude, ut hymnum dicat gloriæ tuæ domine deus, qui creasti nos, & adduxisti in uitam hanc: & cæteras orationes sancti ministerij. Et post finem orationum exaltauit panem sine intermissione orans, & dicens: Respice domine Iesu Christe Deus noster ex sancto habitaculo tuo, & ueni ad sanctificandum nos, qui sursum patri tuo cōcedes & hic nobis inuisibiliter coēs, dignare potenti manu tua tradere nobis, & per nos omni populo tuo sancta sanctis: populus respondit, Unus sanctus, unus dominus noster Iesus Christus, cum sancto spiritu in gloria dei patris, Amen. Et diuidens panem in tres partes: una quidem communicauit timore multo: alteram autē reseruauit conssepelire secum: tertiam uero imponens columbæ aureæ, quæ pependit super altare. Eubolus siquidem & cleri principes stantes ante portas templi, uiderunt lucem intelligibilem in templo, & uiros gloriosos candidas uestes habentes, & audientes uocem populi glorificantis deum: Basiliumq; cernentes altari astantem, stupefacti in uisione ceciderūt in facies suas, glorificantes deū. Exeunte autem Basilio, prostrauerunt se ad pedes eius. Interrogauit autem causam adorationis & præsentiae eorum, qui retulerunt ei admirabilem uisionem, quam uiderunt in templo. Tunc Basilius gratias agens sine intermissione domino propter eius admirabilia: uocauit aurifabrū, & fecit columbā ex auro puro, atq; in ipsam deposuit, ut diximus, portionem, pendens eam super sanctam mensam in figura illius sanctæ columbæ, quæ apparuit ei in Iordane domino baptizato. Hoc autem facto, exorsus est sermonem consolationis dicere ad populum. Et cōgregata est multitudo infinita in ecclesia, inter quos erat & magnus abbas Effren, de quo postea narrabimus, quomodo ex diuina ostensione uisor factus est beatissimi patris nostri Basilij.

Diuinum quidem ministerium illo agente, Hebræus quidam se, sicut Christianus, populo commiscuit, officij ministerium & muneris explorare uolens, uidit infantem partiri in manibus sancti Basilij. Et cōmunicantibus omnibus, uenit & ipse Hebræus, dataq; est ei hostia uera caro facta. Inde accedit ad calicem sanguine repletū, & ipsius factus est particeps, atq; de utrisq; seruans reliquias, abiensq; in domum suam, ostendit uxori suæ ad confirmationem dictorum, & narrauit quæ proprijs oculis uiderat. Credens ergo ut uere quia horribile & admirabile est Christianorū mysterium, in crastino uenit ad Basilium, postulans se sine dilatione accipere, quod in Christo est signaculum. Basilius autem sanctus non deferens, sed consuetam Eucharistiam uolenti omnes saluare offerens, baptizauit eum cum omni domo sua credente Domino.

S Claudius

Claudius autem ipsius sanctissimæ memoriæ uisor & minister factus ab eo perfectorum miraculorum, & successor sedis post obitū iam dictæ memoriæ Apostolicę Basilij, uir mirabilis, & omni uirtute decoratus, enarrauit mihi, quia senator quidam fidelis, nomine Protherius, abiit ad sancta & uenerabilia loca, & ibi filiam suā consecrare, ac in uno de bene actionalibus domibus monasteriorum mittere, atq; sacrificium deo offerre uolens. Sed ab initio homicida diabolus inuidēs diuinę uoluntati, mouit unum de seruis suis, & incendit ad puellæ amorem. Is aut cum fuisset huiusmodi inchoationis indignus, & non audens appropinquare ad propositum, alloquit unum abominandorū incantatorū, promittens se, si meruerit dominari ipsius puellæ, multam auri tribuere ei quantitatē. Maleficus uero dixit ad eum: Homo, ego in istud non præualeo, sed si uis, mitto te ad meum procuratorē diabolum, & ipse perficiet uoluntatem tuam. Qui ad eum: Quæcunq; dixeris mihi, faciam. Et ait ad eum: Abrenuncias Christo in scripto. Dixit ei: Etiam. Iniquitatis autem operator dixit ei: Si in isto paratus extiteris, cooperor tibi fiam. Qui ait ad eum: Paratus sum, tantum ut consequar meum desiderium. Et faciens malignitatis magister epistolam ad diabolum, misit eam ad illum, habentem sensum istum: Quoniam quidē mi domine & procurator oportet me à Christianorum religione abstrahere, & tuæ adducere uoluntati, ut multiplicetur pars tua, misi tibi hunc, qui præsentem meas defert literas, cupiditate in puellā exarsum, & postulo eum actionem istam consequi, ut & in isto glorier, & cum multa alacritate congregem placidiores tuos. Et dans epistolam dixit: Vade secundū talem horam noctis, sta super monumentū gentilis, & exalta chartam in aëre, & astabunt ibi qui debent te ducere diabolo. Qui alacriter hoc faciens, iactauit miserā uocē, inuocans diaboli auxiliū. Et cōtinuo astiterūt ei principes potestatis tenebrarū, spiritalia nequitie & apprehendentes erantem cum gaudio magno duxerunt eum ubi erat diabolus. Et ostenderunt ei ipsum sedentē in sede alta, & in circuitu eius malignitatis spiritu stantis. Et suscipiens missas a maleficio literas dixit ad miserum: Credis in me? Qui ait: Credo. Et abnegas Christum tuum? Qui respondit: Abnego. Dixit ei diabolus: Perfidi estis uos Christiani, & quandoquidem me opus habetis tunc uenitis ad me, quando autem consequimini desiderium uestrum, negatis me, & acceditis ad Deum uestrum, qui est benignus ac clementissimus, & suscipit uos: sed fac mihi manuscriptam Christi tui & baptismatis abrenunciationem uoluntariam, & quæ in me est in secula uoluntariam professionem, & quia mecum sis in die iudicij, condelectans mihi & in præparatis æternis tormentis, & ego statim desiderium tuum adimplebo: Qui disposuit propriā manuscriptam sicut quæsitus fuerat. Statim autem animarū corruptor draco tortuosus misit illos qui sunt super fornicationem dæmones, & inflāmauerunt puellam

puellam in amore iuuenis. Quæ proijciens se in terram, coepit clamare ad patrem: Misere mei, misere mei mi pater, quia dire torqueor propter talem puerum nostrum, misere uisceribus tuis, ostende in unigenita tua paternum amorem, & coniunge me puero nostro, quem amo: si autem non uis hoc facere, uidebis me post modicum amara morte morientem, & sermonem dabis pro me Deo in die iudicii. Pater autem eius cum lachrymis dicebat: Heu mihi peccatori, quid conuenit miseræ filiae meæ? Quis meum thesaurum furatus est? Quis meam inquinauit filiam? Quis dulce lumen oculorum meorum extinxit? Ego coelesti te uolebam nubere sponso Christo, & Angelorum cohabitatricem constituere, & in psalmis & hymnis & canticis spiritualibus Deo canere festinabam, & per te saluari sperabam, tu autem in amorem lasciuitatis inuaniisti: Sine me sicut uolo desponsare te Deo, ne deducas senectutem meam cum tribulatione ad inferos, neque nobilitatem parentum tuorum confusione operias. Illa autem pro nihilo reputans, quæ à patre dicebantur, instabat & clamabat: Pater mi, pater mi, aut fac desiderium meum, aut post morientem me uidebis. Pater ergo in magna defectio: ne factus ac immensurabilitate tristitiæ absorptus, ac amicorum consiliis credulus, hortantium ei deferre uoluntatem eius, aut seipsam exponere, concredens pater præcepit fieri desiderium puellæ, ne exitiali se traderet morti. Et adduxit quæsitum puerum ac propriam filiam, dansque ei omnem substantiam suam, dixit filiae suæ: Vade filia uere misera, multum enim planges poenitens in nouissimo, quando nihil habes proficere. In quo ergo coniugio facto & diabolica facinorositate completa, ac modico transeunte tempore, signatus est à quibusdam puer, non introire ecclesiam, neque appropinquare immortalibus & uiuificis mysteriis, & dicunt miseræ coniugi eius: Scis quia uir tuus quem elegisti, non est Christianus, sed peregrinus fidei & alienus: tenebrarum & dolorosæ plagæ repleta, prosternit se in humum, & coepit discerpere seipsam unguis suis, & percutere pectus ac clamare: Nemo non obediens parentibus saluus fuit unquam. Quis annuntiabit patri meo meam confusionem? Heu mihi misere, in quantam profunditatem perditionis descendit: Cur nata sum, & nata continuo rapta non fui? Ista ergo lamentari eam discens erratissimus uir eius accurrit ad eam, contendens, non haberi ita ueritatem. Illa autem in consolationem ueniente suadilibus eius sermonibus, dixit ad eum: Si uis mihi satisfacere, & misere animæ meæ, crastino ego et tu unanimiter eamus ad ecclesiam, & coram me participa in contaminatorum mysteriorum Christi, & sic satisfacta ero. Tunc coactus dixit ei sententiam capituli. Continuo deponens illa muliebrem infirmitatem, & consilium bonum consilians illi, cucurrit ad pastorem et ad discipulum Christi sanctum Basiliū, aduersus impietatem clamans: Misere mihi, misere mei, Sancte Dei misere mihi discipule Domini, qui

S ij cum

cum dæmonibus causam egi. Miserere mihi miseræ proprio patri non obediens. Et docet eum rerum gestarum ordinem. Sanctus autem Dei uocans puerum, sciscitatus est ab eo, si ista in hunc modum se haberent. Qui ad sanctum dei cum lachrymis ait: Etiam sancte Dei, si ego siluero, opera mea clamabunt. Et enarrauit ei etiam ipse à principio usque in finem consequentem diaboli malam operationem. Tunc dicit ei sanctus Basilius: Vis reuerti ad dominum Deum nostrum? Ad quem puer: Utique uolo, sed non ualeo. Dicit ei sanctus: Quare? Respondit puer: Scripto abnegauit Christum, & professus sum diabolo. Dicit ei sanctus: Non sit tibi curæ: Benignus est enim Deus noster, & recipiet te poenitentem, compatitur etiam malitijs nostris. Et iactans se puella ad pedes sancti, Euangelice deprecata est eum, dicens: Discipule Christi Dei nostri, quantum potes adiuua nos. Dicit ad puerum sanctus: Credis saluari? Qui ait: Credo domine, adiuua incredulitatē meam. Et continuo apprehendens manum eius, faciensque signum Christi in ipso & orans, reclusit eum in uno loco interioris sacri periboli, & dans ei regulam, collo laborabat ei per tres dies, post quos uisitauit eum, & dixit ei: Quomodo te habes fili? Dicit ad eum: In magna, domine, sum defectione, sancte dei, non fero clamores eorum, & terrores ac iaculationes seu lapidationes eorum, tenentes manuscriptam meam causantur me, dicentes: Tu uenisti ad nos, non nos ad te. Et dicit ei sanctus: Noli timere fili, tantū crede. Et dans ei modicam escam, faciensque super eum Christi iterum signaculum, ac orans reclusit eum. Et post paucos dies uisitauit eum, & dicit ei: Quomodo te habes fili? Dicit: Pater sancte, à longe clamores eorum audio & minas, sed non uideo eos. Et iterum dans ei escam, & orans claudensque ostium abiit, & quadragesimo die rediit, & dixit ei: Quomodo te habes frater mi? Respondens dicit ad eum: Bene habeo sancte Dei, uidi enim te hodie in uisu pugnantem pro me, & uincens diabolum. Mox ergo sanctus secundum consuetudinem faciens orationem, eduxit eum, & adduxit eum in dormitorium suum. Mane autem facto, uocauit clerum sacrum & monasteria, & omnem Christi amabilem populum, & dixit eis: Filioli mei dilectissimi, omnes gratias agamus domino: ecce enim ouem perditam debet pastor bonus in humeris suis reportare, & offerre Ecclesiæ, quapropter debitum est & nos uigiliam facere nocte, ac postulare eius benignitatē, ut non corruptor animarum uincat etiam in hoc facto. Et alacriter populo aggregato, per totam noctem postulauerunt deum cum bono pastore, cum lachrymis clamantem pro eo Kyrieleyson. Et mature cum omni multitudine populi accepit sanctus puerum, & tenens dexteram manum eius, ducebat illum in sanctam Dei ecclesiam, cum psalmis & hymnis. Et ecce diabolus omniū festinans in tristem uitam cum omni pernicioſa uirtute aduenit, & inuisibiliter apprehendens puerum, conabatur rapere eum de manu

manu sancti. Et coepit clamare puer : Sancte Dei adiuua me. Et tanta instantia improbus aggressus est, ut etiā memorabilem uirū compelleret trahens puerū. Conuersus ergo sanctus, ad diabolum dixit: Improbissime animarū corruptor, pater tenebrarū & perditionis, non sufficit tibi tua perditio, qua te, & omnes qui sub te sunt, affecisti, nisi etiam & Dei mei temptes plasma. Diabolus autē dixit ad eū: Præiudicas me o Basili, ita ut plurimi ex nobis uoces audirent demonū hæc dicentium, clamante populo: Kyrieleyson. Sanctus autē Dei ait ad illum : Increpet te Dominus diabolē. Qui respōdens ait ad eū: Basili præiudicas me. Non ego abij ad eū, sed ipse uenit ad me. Abnegauit Christum suū, & mihi professus est: & ecce manuscriptam habeo, & in die iudicij ad communem iudicem eum duco. Sanctus Dei dixit: Benedictus dominus Deus meus, non defleat populus iste manus de altitudine cœli, donec reddas manuscriptam. Et conuertens se, dixit populo: Erigite manus uestras in cœlum, clamantes cum lachrymis: Kyrieleyson, Christe eleyson, Kyrie eleyson. Et stante populo in horā multam extensas habentes manus in cœlum, ecce manuscripta pueri per aërem delata, & ab omnibus uisa uenit, & imposita est manibus memorabilis patris nostri Basili. Suscipiens autem eam, & gratias agens Deo, gaudius factus est ualde, & coram omni populo dixit ad puerum: Cognoscis literulas has frater? Qui ait ad eum: Etiam sancte Dei, manuscripta mea est. Et dirumpens manuscriptam sanctus Basilius, perduxit eum ad ecclesiam, dignum fecit sancto ministerio & communioni mysteriorum Christi. Et faciens susceptionē magnā, refrigerauit omnem populum. Et ducens puerum ac instruens, seu dans ei regulam decentem, reddidit eum mulieri eius in tacibili ore glorificantem & laudantem Deum, Amen.

Mulier quædam diuitijs & nobilitate ornata, & cæteris uitæ istius uanis ministrationibus superelata, quasi uiduitatem complectēs, in decorosa uia & potestate castrimargiæ & prodigalitatē superinserviens, nihil placidi Deo possidens, sed porcorum more se sceno uoluptatis inuoluens, sero quandoq; secundum dispositionem Dei ad mentem rediens, immensurabilitate suorum delictorum illuminata silenter sola cogitabat, & multitudinem peccatorum suorum flebiliter suspirans dicebat: Heu mihi peccatrici & prodigæ, quomodo me excusabo de actis delictis meis? templum spiritus sancti corrupti, & animam in corpore habitantem, pollui. Heu mihi abiectissimæ. Putas dicam me sicut meretricem anteriorem, an publicanum: sed nemo sicut ego peccaui, maxime post sanctum baptisma. Quomodo ergo certa ero, quia poenitentem suscipiet me Deus? Et hæc cogitante ea, qui omnes uult saluare, & ad agnitionem uenire ueritatis, in mentem ei misit de iuuentute usq; in senectutem peccata sua scribere in charta, quæ præscripta, nouissime omnium scripsit, quod erat ei maximū peccatum, & plumbo signauit eam.

S iij

Confide

Considerans autem tempus oportunum, quando sanctus Basilius ad consuetas orationes ibat, ad sanctam ecclesiam cucurrit clam, & proiecit chartam secus pedes eius, & super faciem iactans seipsam clamabat, dicens: Misere mei sancte Dei pater super omnes peccatrici. Stans autem beatus Christi famulus, sciscitabatur ab ea causam doloris. Quæ ait: Ecce domine, omnia peccata mea scripsi in ista charta, & iniquitates meas, & sigillaui eas. Tu autem sancte Dei sigillum ne amoveas, sed tantum per orationem tuam illa dele: qui enim dedit mihi talem cogitationem, omnino exaudiet te pro me postulantem. Magnus autem Basilius tollens chartam, & respiciens in cælum ait: Domine, tibi soli est opus istud: Qui enim mundi peccatum tollis, & unius animæ istius facilius delere potes peccatum, Omnia enim nostra delicta numerata sunt apud te, misericordia autem tua innumerabilis & inestimabilis est. Et hæc dicens, intrat ecclesiam tenens chartam & prosternens seipsum, & ponens chartam secus altare, mansit per omnem uigiliam orans, & crastino per omne sanctum mysterium deprecans Deum. Et post completionem sanctorum mysteriorum, uocauit mulierem secrete astantibus paucis clericis, & ostendens eis chartam, dixit ad eam: Audisti mulier, quia nemo potest dimittere peccata, nisi solus Deus? Quæ dixit: Audiui senior, & per hoc admonui te ad intercessionem misericordissimi Dei. Et hæc dicens soluit chartam, & inuenta est tota inscripta, mansit autem magni peccati celestem opus non deletum. Videns autem mulier pusillanimis effecta est, & percutiens pectus manibus, cecidit ad pedes episcopi, clamans: Misere mei serue Dei altissimi: & quemadmodum pro omnibus iniquitatibus meis certasti, sic & pro ista postula, & omnino delebitur. Archiepiscopus autem lachrymatus est propter indulgentiam, dicens: Surge mulier, quia & ego peccator sum, indigens indulgentia: Qui deleuit tua peccata quanta uoluit, potens est tollere & istud à te, qui tollit peccata mundi. Si custodieris amodo non peccare, & in uis domini ambulaueris, non tantum indulgebit tibi, sed & gloria digna eris. Vade ergo ad heremum, & inuenies uirum sanctum & nominatum in omnibus, nomine Effren: Isti da chartam, & postulans placabit Deum pro te. Mulier autem concite ad sanctum Effren ad heremum cucurrit, & transiliens longitudinem uie, ad prædictum sibi locum magni heremitæ præuenit. Et pulsans ostium clamabat, dicens: Misere mei sancte Dei. Qui præsciens propter quam causam astiterit, dixit ei: Vade à me mulier, quia homo peccator sum, indigens & ipse auxilij. Illa autem proiecit chartam dicens: Archiepiscopus Basilius misit me ad te, ut orans ad Deum deleas iniquitatem meam, quæ in ista charta conscripta iacet, cæteras omnes ipse sanctus orans deleuit: tu autem pro una noli pigritari deprecari Deum, ad te enim missa sum. Non filia, non: qui enim pro multis præualuit placare Deum, & pro uno poterit plus me: uade ergo & noli

& noli stare, ut comprehendas eum ante eius transitum. Mulier autem conceita à sancto Effren reuersa est Cēsaream, & intrante ea in ciuitatem, obuiauit corpus portantibus sancti Basilij: Et uidens coepit clamare, uoluens se in humo, & causabatur cum sancto, dicens: Heu mihi miseræ, heu mihi sancte Dei, propter hoc misisti me ad heremum, ut immolentatus à me transires: & ecce in acta reuersa sum inanū pertransiens per lagus uiæ: Videat Deus & iudicet inter me & te, quia placare potens Deum ad alterum me misisti. Et hæc clamans, proiecit chartam super feretrum, subtiliter enarrans de causa omni populo. Vnus autem de clero uolens uidere quale peccatum esset, tulit chartam, & absoluens inuenit eam super totum inscriptam, & clamauit uoce magna, dicens ad mulierem: Inscripta est charta ò mulier, quid laboras nesciens in te factam clementiam. Multitudo ergo uidens admirabile miraculum, glorificauit Deum, qui dedit potestatem hominibus super terram dimittere peccata: Dans etiam gratiam seruis suis, & post mortem sanare omnē infirmitatem & omnem languorē, sed & peccata fide accedentiū dimittere.

De Ioseph Hebræo inseriit historia. Hic Ioseph egregius in arte medicinalis disciplinæ ualde p̄batus, simul & illustris cum fuisset in ipsa peritia summam scientiam habebat tactu eius uenæ præscire caute ante tres uel quinq; dies, si quis deberet de his transire tumultibus, ad meliorem stabilitatem. Inuidiosum autem multitudīni medicorum deifex pater noster Basilius ex diuino splendore p̄sciens, q̄ deberet dari ei diuini baptismi donum, ualde amabat eum, & assidue ad colloquium uocabat illum, docens eum regiam uiam salutis & ueritatis ambulare, postulatq; illum discedere de polluta religione, & per Baptismū induere Christum. Qui non acquiescebat, dicens: Quia in fide qua natus sum, in ipsa & finiam. Sanctus autē dei dixit ei: Crede Ioseph, nec tu, nec ego de istis transibimus tumultibus, donec renouet te dominus meus Iesus Christus per aquam & spiritum: sine istis enim impossibile est introire in regnum cœlorum. Nunquid & patres tui non baptizati fuerunt in nube & mari, & biberunt ex spiritualibus sequenti eos petra? Petra autē erat Christus: qui in nouissimis diebus ex uirgine incarnatus & propter nostram salutem humanatus, & mirabilia agens, passus, ac pro patribus tuis crucifixus & sepultus, & tertia die resurgens, in cœlū ascendit, & sedet ad dexteram patris, & ueniet in multa gloria cum angelis suis iudicare uiuos & mortuos, & reddere unicuiq; secundum opera eius. Impossibile est ergo, sicut dictū est, omnē hominem in regnū dei introire, nisi per aquā & spiritum, & participationē uiuificatoris & incontaminatorū mysteriorū corporis et sanguinis Iesu Christi. Et talibus orationibus probatus operarius dei cultor colloquebat̄ cum eo, ipse autē non audiebat eum. Quando uero prosperauit deus, qui segregauit eum ex utero matris suæ, suscipere eum sancti spiritus gratiam, debens sanctus de his transferri

transferri tumultibus, duxit eum occasione ad se medicinalis disciplinæ, & dixit ei: Quomodo uides, quæ erga me sunt? Ille à tactu uenit sentiens uirtute eius mortē imminere, dixit ad domesticos ipsius: Quæ ad sepulturam sunt indumenta præparate, iste enim pene moritur. Dixit Magnus Bassilius: Nescis quid dicis. Dixit ad eum Ioseph Hebræus, Crede domine, sol cum sole occidet hodie. Et dixit sanctus: Et si nō morior usq; ad matutinū, quid? Dixit Hebræus: Non est possibile domine hoc fieri, uix enim una hora erit anima tua in te. Sed dispone iam Ecclesiam tuam & res tuas, non enim obscurabitur dies hodie in te. Dixit ei sanctus: Et si uixero in crastinum usq; ad horam sextam, quid facies? Qui ait: Ego moriar. Dicit ei sanctus: Etiā ut moriaris peccato, uiuas aut in Christo tuo. Dicit ei Hebræus: Scio quid dicis, & facio iussionem tuam, si sicut dicis fit. Cum iuramentis horribilibus promittens, quia si uixerit dei discipulus, omnino accipere sancti spiritus gratiam Dei cultor pater noster postulauit deum additionē uitæ dari sibi, ut illum Hebræum saluaret. Misit ergo sanctus mane, & uocat Hebræum. Qui diffidens aduenit, putans omnino mortuum, et uidens illum uiuentem, in stupore factus est, & proiciens se ad pedes eius, dixit: In uero corde dico, non est deus magnus, sicut Christianorum, & nō est deus amplius eo. Nēgo ergo Christus te odibilem religionem Iudæorum, & accedo fideliter ueritati Christianorum: iube ergo sine dilatione dari mihi in Christo signaculum, & sanctū baptismū & toti domui meæ. Dicit ei sanctus dei: Ego manibus meis baptizo te & omnem domum tuam. Procedens ergo iterum medicus, & tangens dexteram manum eius, dixit ei: Lassæ factæ sunt uirtutes tuæ domine, & natura ualde defecit. Dicit ei sanctus: Habemus naturæ creatorem confortantem nos. Et surgens uenit in sanctam dei ecclesiam, & coram omni populo baptizauit eum cū tota domo eius, uocans nomen illius Ioannes. Communicans autem eum uiuificis mysterijs, assumpsit eum, & duxit in dormitorium suum, dans ei escam, & docebat eum quæ sunt æternæ uitæ, adijciens eum ouili suo cum mulieribus & filijs nouiter electum militem. Medicus autem sequentibus diebus pertransibat benedictionales domos, et dabat donatam sibi de medicina pecuniam, & quod ei erat residuum. Et circa horam nonam stetit magnus pater noster Basilius ad ministerium Missæ in sancta ecclesia simul cum electis cleri & ciuitatis capitaneis, & iterum cum ipsis panem diuisit, eos instruens & osculans eos in osculo sancto, & nouum Christi militem commendans etiam & omnes domino, atq; dispositam sibi consepelire sumpsit tertiam partem, quæ à domino data fuit ei communionis, & recumbens in lecto, gratias egit extense domino & Deo nostro, in peregrinatione à corpore & fide medici, & adhuc gratiæ cum essent in ore eius, reddidit domino spiritum, & additus est principibus sacerdotum, prædicatoribus quoq; magnis magni uerbi tonitruū. Videns autem

dens autem ex Hebraeis fidelis medicus, qui sicut dixit homo dei & magnus princeps sacerdotum Basilius, sic requieuit, cadens super pectus eius cum lachrymis dicebat, Vere serue dei Basili, si non uoluisses, nec modo mortuus fuisses. Crastino autem congregata est multitudo, & duxit honorificum corpus eius, qui uicit materialem institutionem in sanctam ecclesiam, cum omni oblatione aromatum & thimiamatum sepelientium. Audiens autem Gregorius Nazanti episcopus, currens & ipse aduenit, & uidens honorificum corpus, cecidit super illud. Et lamentans multum ad orationem hortabatur populum in hymnis & canticis spiritalibus cum decenti honore gloriosam memoriam magni sacerdotis facere, simulque concurrentibus duodecim episcopis, & multitudine ciuitatis deposuerunt eum in archaismum marmoreum, in templo sancti & gloriosi martyris Isichi, ubi & Leontius ante eum Episcopus cum ceteris dormit. Requieuit autem angelicam uitam in terra agens magnus Basilius mense Ianuario die prima, quinto anno imperij Valentis & Valentiniani, memoriam suae uitae relinquens ecclesiae, quae est secundum operationem sancti spiritus conscripta cum eo in coelesti libro, in gloriam & laudem domini nostri Iesu Christi & gloriosae uirginis Mariae, cui cum patre est gloria simul & sancto ac uiuifico spiritu, nunc & semper & in secula seculorum, Amen.

HIGINVS I. PONTIF. ROM.

Higinus natione Graecus, patria Atheniensis, patre philosopho, Antonino Pio imperatore Telephoro successit. Addere uero aliquid etiam de laudibus Pij, antequam ad Higinum ueniam, hominis uirtus me cogit: qui adeo moderatae gloriae fuit in re militari, ut defendere magis prouincias, quam augere studeret: utque hanc Scipionis sententiam saepius usurparet, ac diceret, Malle se unum ciuem seruare, quam mille hostes occidere, contra Domitiani institutum, qui populi Romani exercitum hostibus obiebat, quo rarior in patriam reuerteretur: adeo multitudinem oderat & reformidabat ob eius saeuitiam. Tanta autem iustitiae Pius fuit, ut multi reges, multaque nationes positae eius iussu armis, ad hominem controuersias suas litesque deferret, eiusdemque sententiae statim parerent. Ob haec autem merita, quae maxima sunt, populus Romanus mortuo & flaminem, & Circenses, & templum & sodales Antonianos lachrymantibus omnibus constituit. At Higinus urbis Romanae episcopus tum maxime clerum prudenter in ordinem redegit, gradus distribuit, instituitque, ne templa sine celebratione dedicarentur, neue augerentur, diminuerenturque sine arbitratu metropolitani, uel episcopi. Vetuit item, ne tigna reliquaue materies ad aedificanda templa congesta, in prophanos usus conuerteretur, posse tamen ad structuram alterius templi uel coenobij concedente episcopo transferri. Voluit item

T unum

Ex Platina.

unum saltem patrimū, unam uē matrimam baptismo interesse. Sic em̄ eos appellant, qui infantes tenent, dum baptizantur: licet reuera patrimus & matrima aliud significant. Est enim patrimus (teste Festo) qui cum pater sit, patrem adhuc habeat. Idem de matrima dicendum est. Instituit præterea, ne metropolitanus episcopum provinciæ suæ alicuius criminis reum faceret & damnaret, nisi prius à prouincialibus episcopis causa discussa & cognita fuisset. Sunt tamen, qui hoc postremum Pelagio pontifici ascribant. Huius quoq; tempore fuit & Polycarpus Ioannis Apostoli discipulus, Smyrnæus episcopus ab eo creatus, ac totius Asiæ religione & doctrina tum facile princeps. Is aut̄ Romam ueniens, plurimos fidelium Marcionis & Valentini falsa persuasione deceptos, ad fidem reduxit. Cum autē Marcio forte huic obuiam factus, diceret, Méne cognoscis? Respondit: Cognosco quidem primogenitū diaboli. Negabat enim patrem Christi deum esse creatorem, qui per filiū mundum fecerat. Postea uero imperante M. Antonino & L. Aurelio Commodō, quarta post Neronē persecutione, Smyrne sedente proconsule, igni crematus est. Melito quoq; Asianus Sardenis episcopus, Frontonisq; oratoris discipulus, librum de doctrina Christiana M. Antonino tradidit. Huius ingenium Tertullianus mirum in modū laudat, dicitq; à plerisq; nostrorū prophetam habitum esse. Scripsit & Theophilus Antiochenis ecclesiæ episcopus librum contra Marcionem, imperante M. Antonino. Scripsit & librum cōtra Hermogenis hæresim, qui materiā, non naturam introducens deo, non autem naturæ eandem cōparauit, materiam elementorum & deum appellans. Higinus autem bene de ecclesia dei meritis, cum ordinationes ter Decembri mense habuisset creassetq; bresbyteros quindecim, diaconos quinq;, episcopos sex: moritur, & apud beati Petri corpus in Vaticano sepelitur tertio Idus Ianuarij. Sedit annos quatuor, menses tres, dies quatuor.

MAVRI DVO.

Georg. Vii-
cel.



Alter martyr, alter Abbas, uterq; uir secundum cor dei, propter inhabitantem spiritum: quo doctore Euangelium didicerant: quo confortatore tentationes uicerant. Prior infidelis adhuc tēpore Diocletiani tyranni miles sæculi fuerat, uerū uirtute Christi Christianus factus, deo militauit, idq; spiritualibus armis, quibus Satan humani generis archechtros, hoc est, primarius hostis, mirabiliter deijcitur. Porro pius contemptus impijssimæ Diolatriæ (ita enim Iouis cultum appellare libet) Maurum, præterea Papiam, Saturnium, Sisinnium Christianos esse prodidit. Ænea Iouis statua ceu figuli testa contemnitur. Laodicius præfectus, & minister impietatis, ab eleuthero stomis, seu liberæ linguæ prædicatoribus acriter arguitur. En igitur carceres, fustes,

fustes, eculeos. Nam hac demum methodo ad hæreditatē in cœlo conseruatam nobis fœliciter contenditur.

Posterior Maurus diui Benedicti discipulus, & in Monastica cōsuetudine nulli secundus, bonis operibus, Euangelio dignis, diligentissime vacauit, temporibus Theoberti Francorum regis. Cum lego Cœnobitas, inq̃ Christiana pietate Ascetas tot claruisse miraculis, miror ego mirum in modum nostræ ætatis dissimilitudinem: & uehementissime doleo, pro pietate tantā exuberasse in Ecclesia iniquitatem. Proh dedecus, non diuina miracula, sed uitiorum portenta nunc passim uidere est.

PRISCA VIRGO ET MARTYR.



Prisca nobilis Romana decimotertio ætatis suæ anno, q̃ Christianæ fidei esset accusata, iussu Claudij imperatoris ad templum Apollinis ducitur, ut dijs immolaret: quod cum facere recusaret, alaphis cæsa in carcerem truditur. Educta postridie cū in Christi confessione nihilominus persisteret, flagellis uerberata, feruenti adipe toto corpore perungitur, ac rursus in carcerem reducitur. Die tertia in amphitheatrum producta exponitur immanissimo leoni, qui ad pedes eius mansuetus se proiecit. Tunc in ergastabulo uirgo reclusa, triduo inedia maceratur. Deinde eculeo suspensa, & ungulis ferreis exarata, in rogum mittitur, à quo tamē diuina ope incolumis euasit. Tandem extra urbem educta, capitis abscissione martyrio coronatur. Cuius corpus à Christianis sublatū, uia Ostiensi miliario ab urbe X. sepelitur.

Ex Franc.

Quinquag.

MARCELLVS I. PONTIF. ROM.



Marcellus natione Romanus, patre Benedicto, ex regione Vigilata à Constantio & Galerio usq̃ ad Maxentium peruenit. Constantius enim & Galerius abdicantibus se ab Imperio Diocletiano & Maximiano, imperij gubernacula suscipientes, prouincias inter se partiti sunt. Nam Galerius Illyricum, Asiam & Orientem sortitus est: Cōstantius uero singulari moderatione usus, Gallia tantum & Hispania contentus fuit: licet ei Italia sorte obtigerit. Vnde Galerius duos Cæsares legit, Maximianum, quem orienti præfecit, & Seuerum, cui Italiam commendauit. Illyricum ipse retinuit, q̃ ea Barbaros hostes populi Rom. iter facturos sentiebat. At Constantius uir singularis mansuetudinis & clementiæ Gallis omnibus charissimus fuit: præcipue uero q̃ & Diocletiani uafum ingenium, et Maximiani crudelitatem non sine magno discrimine euaserant. Moritur autem Constantius Eboraci in Britannia, principatus sui anno decimotertio, atq̃ in diuos summo omnium consensu refertur. At Marcellus diuino cultui intentus, ubi Pri-

Ex Platina.

T ij. scillam

scillam matronam Romanam impulsisset, cœmiteriū suis sumptibus uia Salaria construere, titulos quinq; & uiginti in urbe Roma constituit, quasi diocœses ad cōmoditatem baptisimi & opportunitatem eorum, qui ad fidem ex gentibus quotidie ueniebant, consultum iri et eo modo sepulturis martyriū uidebat. Maxentius uero ubi Lucinam matronam Romanam instituisse ecclesiam dei rerum suarum heredem intellexisset, iratus, & mulierem ipsam relegauit ad tempus, & Marcellum captum impellere minis conatus est, ut & episcopatu se abdicaret, & Christianum nomen deponeret: quem ubi cōtemnere & deridere sua prœcepta uidit, in cacabulū ad custodienda animalia publica (ut quidam uolunt) statim inclusit: quo in loco nec orationes unquam, nec ieiunia prætēmisit. Parochias item non secus, ac si liber esset, epistolis gubernabat. Mense autem nono captiuitatis suæ à clericis noctu è cacabulo liberatus est, qua ex re maiore percitus ira Maxentius, sanctissimum uirum in cacabulum redegit: ubi cum foede & incōmode habitaret, pedore & situ mortuus est. At uero Lucina sanctissimi uiri corpus uia Salaria in cœmiterio Priscillæ cōdidit decimo septimo Calendas Februarij. Postea autem re Christiana crescente, cacabuli domus in ecclesiam erigitur beati Marcelli nomine, quæ etiam ætate nostra inuisitur. Sunt autem qui scribant Mauritium cum una Christianorum legione apud Rhodanum flumen à persecutoribus cæsum. His additur Marcus, Sergius, Cosmas, Damianus, aliq; cōplures, qui ubiq; terrarum cædebantur. Marcellus autem annis quinq; sedens, mensibus sex, diebus uno & uiginti, ex sacris ordinibus mense Decembri habitis, presbyteros sex & uiginti, diaconos duos, episcopos unum & uiginti creauit.

POLYCARPVS APOSTOLICVS.

Ex S. Hieronymo.



Epistola S. Polycarpi.

Polycarpus Ioannis Apostoli discipulus, & ab eo Smyrnæ Episcopus ordinatus, totius Asiæ princeps fuit: Quippe qui nonnullos apostolorū, & eorū qui uiderant dominum, magistros habuerit & uiderit. Hic propter quasdam super die Paschæ quæstiones, sub Imperatore Antonino Pio, ecclesiam in urbe regente Aniceto, Romam uenit, ubi plurimos credentium, Marcionis & Valentini persuasione deceptos, reduxit ad fidem. Cumq; ei fortuito obuiam fuisset Marcion, & diceret: Cognoscis nos? Respondit: Cognosco primo genitū diaboli. Postea uero regnante M. Antonino & L. Aurelio Commodō, quarta post Neronem persecutione, Smyrnæ, sedente proconsule, & uniuerso populo in amphitheatro aduersus eum personante, igni traditus est. Scripsit ad Philippenſes ualde utilem Epistolam, quæ usq; hodie in Asiæ conuentu legitur, Nempe hæc: Polycarpus, & qui cū eo sunt presbyteri, ecclesiæ Dei quæ est Philippenſis: Misericordia uobis

uobis & pax à Deo omnipotente, & Iesu Christo saluatore abundet. Congratulatus sum uobis magnifice in domino nostro Iesu Christo, suscipiens immutabilia uerba dilectionis, quam ostendistis in illis (qui præmissi sunt) uiris sanctis, decoris uinculis connexis, quæ sunt coronæ electæ Deo, illius ueri regni, per dominum nostrum Iesum Christum: & quia firmitas fidei uestræ à principio usq; nunc permanet, & sanctificatur in domino Iesu Christo, qui sustinuit pro peccatis nostris usq; ad mortem: quem suscitauit Deus, dissoluens dolores inferni, quæ cum non uideritis, nunc diligitis, in quem nunc nō aspicientes, creditis, credentes autem, gaudebitis gaudio inenarrabili, &c. Reliqua ex libro Epistolarum Ignatii quibus addita est hæc Polycarpi Epistola.

Et Polycarpus autem non solum ab Apostolis edoctus, & conuersatus cum multis ex eis, qui dominum nostrum uiderunt, sed etiam ab Apostolis in Asia, in ea quæ est Smyrnis ecclesia constitutus episcopus, quem & nos uidimus in prima nostra ætate, multum enim perseverauerat, & ualde senex gloriosissime et nobilissime martyrium faciens exiuit de hac uita. Hic docuit semper, quæ ab Apostolis didicerat, quæ & ecclesiæ tradidit, & sola sunt uera. Et testimoniū hīs perhibent, quæ sunt in Asia ecclesiæ omnes, & qui usq; adhuc successerunt Polycarpo, qui uir multo maioris antoritatis & fidelioris ueritatis est testis, quàm Valentinus & Marcion, & reliqui qui sunt peruersæ sententiæ.

Hæc ex Irenæo episcop.

PASSIO DIVI POLYCARPI.

In signis autem uir Polycarpus, primo quidem cum audiret uulgus in se adclamationibus excitatum, in nullo penitus motus est, sed mansit impavidus. Tranquillus namq; erat moribus, et serenus aspectu. Qui cum in eadem ciuitate uellet interritus permanere, adquiescens tamē deprecantibus se familiaribus suis, ad agrum quendam ciuitati proximum secedit, atq; ibi cum paucis die noctuq; nihil aliud quàm in orationibus permanet, pro pace ecclesiarum, quæ ubiq; sunt, supplicās Deo, quod ei facere in omni uita sua moris perpetui fuit. Sed is in orationibus positus, ante triduum quàm comprehenderetur, uisionē uidet per noctem, ceruical capitis sui flammis esse consumptum. Cumq; euigilasset, post uisum interpretatus est astantibus somnium suum, dixitq; pro certo, se ob Christum per ignem uitæ exitum sortiturum. Imminente igitur, &c. Postea uero quàm finiuit orationem, memoriam faciens omnium quoscunq; nosse potuit maiorum minorumq; nobilium et ignobilium, & totius catholicæ ecclesiæ, quæ per orbem terræ est, instante iam hora progreditur, & asino sedens ad ciuitatem ducebatur, cum esset dies magni sabbathi. Pergit, occurrit ei Præfectus pacis Herodes nomine, & pater eius Nicetas, qui leuantes eum secum in ue-

*Ex Eusebio
Cæsariensi.*

T in hiculum

hiculum, persuadere sedulo conabantur, dicentes: Quid enim mali est, dicere dominum Cæsarem, & immolare, & de cætero uiuere securum? Hæc ille primo tacitus audiuit. Sed ubi persistebant, ait ad eos: Quid multis opus est? facturus non sum quod dicitis. At illi postea quæ nihil se proficisse senserunt, indignatione commoti, cum contumelia eum uehiculo deturbant, ita ut pedem læderet, præceps actus. Sed quasi nihil fuisset iniuriæ, tota alacritate contentus, pergebat ad stadium quod duci fuerat imperatus. Cum uero tumultus ingens in stadio ex ingressu eius fuisset exortus, uox de coelo delapsa est: Fortis esto o Polycarpe, & uiriliter age. Sed autorem uocis uidere potuit nemo, auditus tamen ad plurimos uenit. Interea animatur ad furorem tumultus populi uidentis quia Polycarpus introducit. Cumque eminus à Proconsule interrogaretur, si ipse esset Polycarpus, se esse confiteretur: Ergo (inquit) habeto ætatis tuæ reuerentiæ, & parcens ultimæ senectuti tuæ, iura fortunam Cæsaris, gerens de prioribus poenitudinem, & conclama etiam tu, Tolle sacrilegos. Tum Polycarpus toruo uultu ad populum, qui in stadio residebat, aspiciens, eleuata ad cælum dextra, cum gemitu proclamauit & dixit: Tolle sacrilegos. Sed insistente proconsule, & dicente, iura fortunam Cæsaris, & dic in Christum conuicia, & dimitto te. Polycarpus adhuc: Octoginta (inquit) & sex annis seruo ei, & nihil me læsit unquam, quomodo possum maledicere & blasphemare regem meum, qui salutem mihi dedit? Cumque rursus uehementius urgeretur, ut fortunam Cæsaris iuraret: Si hanc (inquit) iactantiam quæris, ut ego fortunam Cæsaris iurem, & quis sim, ignorare te simulas, cum omni libertate audi à me, quia Christianus sum. Si uero etiam rationem uis Christianæ religionis accipere, statue diem & audi. Proconsul dixit: Suade hoc populo. Polycarpus ait: Tibi quidem respondi. Docemur enim principibus & potestatibus hijs quæ à Deo sunt, honorem deferre, eum scilicet qui religioni non sit contrarius: Populo autem furenti satisfacere, non est meum. Proconsul dixit: Bestias habeo paratas, quibus subrigèris nisi cito poenitueris. At ille respondit: Adhibeantur, nobis enim immobilis stat sententia, nec possumus de bono ad malum per poenitudinem commutari. Melius autem erat, si hi mutarentur ad bona, qui perseuerant in malis. Tunc Proconsul: Igni te (inquit) faciam consumi, si tibi bestię contemnendæ uidentur, nec propositi recipis poenitudinem. At ille: Ignem mineris (inquit) hunc qui ad momentum incenditur, & paulo post extinguitur, quia ignoras futuri iudicii ignem æternum, qui ad perpetuas poenas præparatus est impiorum. Sed quid moraris? Adhibe utrum uoles. Hæc & multa alia his similia dicens Polycarpus, confidentia simul & lætitia replebatur, ita ut alacritatem uultus eius, responsionumque constantiam Proconsul maximo stupore miraretur. Misso igitur Curione ad populū, iubet uoce maxima protestari, Polycarpum

tertio

tertio confessum Christianum se esse. Quo audito, uniuersa multitudo tam gentilium & ludæorum Smyrnenſium ciuitatis, cum ingenti furore adclamabant: Hic est totius Asiæ doctor & pater Christianorū, nostrorum autē subuersor deorū. Ipse est qui multos docet, ne immolent neue adorent deos. Et post hæc uerba adclamabant Philippo munerario, ut leonem Polycarpo dimitteret &c. Cætera legat pius presbyter apud Eusebium lib. iij. ca. xv.

SATYRVS ET ARCADIVS.



Terq; Christi Iesu Martyr, & propter uetus Ecclesiæ Euangeli- Georg. Vitis
gelium à sacrilegis ac feralibus tyrannorum manibus occisus, et.
illud scilicet peccarat Satyrus: Idolum falsi cuiusdam Dei, cum
exufflasset fide crucifixi Iesu, accidit, ut in puluerem redigeretur. ò deum
nullum, ò deum qui hominis flatu disperit. Idem ferè proditum est de
Felice presbytero & martyre: Nam ad huius quoq; exufflationem *Ser-*
rapidis, Mercurij & Dianæ simulchra corruentia in nihilum, unde erāt,
redierunt. Quod summum miraculum, summū supplicium secutus est.
De Arcadio scribitur, quòd tot supplicia pertulerit, quot suo in corpo-
re habuerit membra. Declinans persecutionem, in persecutionē fugien-
do maximam incidit. Sed ubi uenit hora nihilo fortius in confessione
sancti Euangelij perstitit, ad sanguinem usq; in quo mutilato corpore
se se uolutabat, dum emitteret extremum spiritum.

PAVLVS EREMITA.



Nter multos sæpe dubitatum est, à quo potissimum eremus Ex S. Hiero-
habitari coepta sit: Quidam enim altius repetentes, à beato nymo.
Helia & Ioanne sumpſere principium. Quorum & Helias
plus nobis uidetur fuisse, quàm monachus, & Ioannes ante
prophetare coepisse quàm natus est. Alij autem, in quam opinionem
uulgus omne cōsentit, asserunt Anthoniū huius propositi fuisse caput,
quod ex parte uerum est. Non enim tam ipse ante omnes fuit, & ab eo
omniū incitata sunt studia. Amathas uerò & Macarius discipuli Antho-
nij, quorum superior magistri corpus sepeliuit, etiam nunc affirmant
Paulum quendam Thebæum principem istius rei fuisse, quod non tam
nomine, quàm opinione nos quoq; comprobamus, &c.

Sub Decio & Valeriano persecutoribus, quo tempore Cornelius Ex vit. Patr.
Romæ, Cyprianus Carthagine felici cruore damnati sunt, multas apud
Ægyptū & Thebaidam ecclesias tempestas sæua populata est, uoti tunc
Christianis erat pro eo nomine gladio percuti. Verum hostis callidus
tarda ad mortem supplicia conquirens, animas quærebat iugulare, non
corpora

corpora. Et ut ipse, qui ab eo passus est, Cyprianus ait, uolentibus mori non permittebatur occidi. Cuius ut crudelitas notior fiat, duo memorie causa exempla subiicimus. Perseuerantem in fide martyrem, & inter eculeum flammamque uictorem iussit melle perungi, & sub ardentissimo sole ligatis post tergum manibus, reponi scilicet, ut muscarum aculeis cederet, qui ignitas sartagines ante superasset. Alium iuuenili etate florentem in amoenissimos hortulos precepit adduci, ibique inter candentia lilia & rubentes rosas, cum leni murmure iuxta serperet riuulus, & molli sibilo arborum folia uentus stringeret, super stratum plumis lectulum resupinari iussit, & ne se inde posset excutere, blandis serorum nexibus irritum relinqui. Quod cum recedentibus cunctis meretrix speciosa uenisset, coepit delicatis stringere colla complexibus, et quod dicto quoque scelus est, manibus attractare uirilia, ut corpore in libidinem concitato, se uisatrix impudica superiaceret. Quid ageret miles Christi? aut quo se conferreret nesciebat, quem tormenta non uicerant, ne superaret abominata uoluptas. Tandem coelitus inspiratus, praecisam mordicis linguam in osculantis se faciem expuit, ac sic libidinis sensum succidens, doloris magnitudo preripuit. Per idem ergo tempus, quo talia gerebantur apud inferiorem Thebaidam, cum sorore iam uiro tradita post mortem amorum parentum in hereditate locupleti, Paulus relictus est annorum circiter sedecim, literis tam Graecis quam Aegyptiacis apprimè eruditus, mansueti animi, deum ualde amans. Sed dum persecutionis detonaret procella, in uillam remotiorem & secretiorem recessit. Verum quid pectora humana non cogis auri sacra fames? Sororis maritus coepit prodere uelle, quem celare debuerat. Non illum, ut assolet, uxoris lachrymae, non communio sanguinis, non spectans cuncta ex alto deus, a scelere suo reuocat. Aderat, instabat, crudelitate quasi pietate utebatur. Quod ubi prudentissimus adolescens intellexit, ad montium secreta confugiens, dum persecutionis finem praestolaretur, necessitatem in uoluntatem uertit, ac sic paulatim progrediens, rursumque tantundem subsistens, atque idem saepius faciens, reperit saxosum montem, ad cuius radices haud grandis spelunca lapide claudebatur. Quo remoto, ut est cupiditas hominum, auidius occulta cognoscere, animaduertit intus non grande uestibulum: quod aperto desuper coelo, patulis diffusa ramis uetus palma contexerat, fontem lucidissimum ostendens, tantummodo foras eadem continuo quae genuerat terra sorbebat. Erant praeterea per extensum montem non pauca habitacula, & in quibus scabrae iam incudes & mallei (quibus pecunia furtiua signabatur) uidebantur. Hunc locum Aegyptiorum literae ferunt furtiuam monetæ officinam fuisse, ea tempestate, qua Cleopatrae iunctus Anthonius est. Igitur adamoto & quasi a deo sibi oblato habitaculo, omnem ibidem in orationibus & solitudine duxit ætatem, cibum & uestimentum palma praebat. Quod ne cui impossibile uideatur, Iesum

Iesum testor & sanctos angelos eius in ea parte heremi, quæ iuxta Syriam in Sarracenis iungitur, & uidisse me monachos, et uidere è quibus unus triginta iam per annos clausus, ordeaceum panem manducabat et luculentam aquam bibebat. Alter in cysteria ueteri, quam gentili sermone Syri gubra, aliis gyppum uocant, quinque caricis per singulos dies sustentabatur. Hæc incredibilia uidentur his, qui non crediderint, omnia possibile esse credentibus. Sed ut ad id redeam, unde digressus sum. Cū iam centesimo tertio decimo ætatis suæ anno beatus Paulus coelestem uitam in terris ageret, & nonagenarius in alia solitudine moraretur Anthonius, ut ipse asserere solebat, hæc in mentem eius cogitatio incidit, nullum ultra se meliorem monachorum in heremo concidisset. At illi per noctem quiescenti reuelatum est, esse alium interius multo se meliorem, ad quem uidendum deberet properare. Illico erumpente lege, uenerabilis senex infirmos artus baculo regente sustentans, cepit ire uelle, qui nesciebat. Et iam media dies coquente desuper sole feruebat, nec tamen accepto itinere deducebatur, dicens: Credo in deum meum, quod seruū suum quem mihi promisit, ostendet: nec plura his. Interea conspicatur hominem equo mixtum, cui opinio poetarum centauri uocabulum indidit. Quo uiso, salutaris impressione signi armat frontem. Et ex tiro (inquit) quam in parte dei seruus hic habitat? At ille barbarū nescio quid infrendens, & frangens potius uerba, quam proloquens, inter horrentia orasatis blandum quæsiuit alloquium: & cum dextræ manus protensione iupitum indicat iter, ac si per patentes campos uolitando transmittens se in fugam, ex oculis mirantis euanuit. Verum hoc utrum diabolus ad terrendum eum simulauerit, an ut solet heremus monstruosorum ferax animalium, istam quoque gignat bestiam, incertum habemus. Stupens itaque Anthonius, & de eo quod uiderat secum uoluens, ulterius progrediebatur. Nec mora, inter saxosum contuallem haud grandem homunculum uidet, ad uncis naribus, fronte cornibus asperata, cuius extrema pars corporis in caprarum pedes definebat. Ad hoc spectaculū Anthonius scutum fidei & lorica spei bonus præliator arripuit, nihilominus memoratū animal palmarum fructus eidem ad uiaticum quasi pacis obsides offerebat. Quo cognito, gradum pressit Anthonius, & quisnam esset interrogans, hoc ab eo responsum accepit: Mortalis ego sum, & unus ex accolis heremi, quos uario delusa errore gentilitas Faunos et Satyros & Incubos colit, legatione fungor gregis mei: precamur, ut pro nobis communem dominum depreceris, quem pro salute mundi olim uenisse cognouimus: nam in uniuersam terram exiuit sonus eius. Talia eo loquente, longeuus uiator ubertim lachrymis faciem rigabat, quas magnitudo lætitiæ indices cordis effuderat. Gaudebat quippe de Christi gloria, & de interitu sathanæ, simulque admirans, quod eius posset intelligere sermonem, & baculo humum percutiens aiebat: Væ tibi Alexandria

andria, quę pro deo portenta ueneraris: uę tibi ciuitas meretrix, in quā
 totius orbis dæmonia confluxere. Quid nunc dictura es? Bestiæ Chris-
 tum loquuntur, & tu pro deo portenta ueneraris. Necdum uerba com-
 pleuerat, & quasi pennigero uolatu petulcum animal aufugit. Hoc ne
 cui ad incredulitatē scrupulum moueat, sub rege Constantio uniuerso
 mūdo teste defenditur. Nam ad Alexandriam istiusmodi homo uiuus
 perductus magnū populo spectaculum præbuit, & postea ne cadauer
 exanime calore æstatis dissiparetur, sale infusum ad Antiochiam, ut ab
 Imperatore uideretur, allatum est. Sed ut propositum persequar: An-
 thonius cepta regione pergebat, ferarum tantum uestigia intuens, & he-
 remi latam uastitatem, quid ageret, quo uerteret gradum, nesciebat. Iam
 altera fluxerat dies, restabat unum, ut deseri se à Christo non posse con-
 sideret. Perseuerans secundas in orationibus exigit tenebras, & sub dus-
 bia adhuc luce, non longe intuetur lupam sitis ardoribus anhelantem,
 ad radices montis irrepere. Quam secutus est oculis, & iuxta speluncā,
 cum fera abisset, accedens coepit introspicere, nihil curiositate proficien-
 te, tenebris auferentibus uisum. Verum (ut scriptura ait) perfecta diles-
 ctio foras mittit timorem, suspenso gradu & anhelitu temperato, calli-
 dus explorator ingressus est, ac paulatim progrediens, sæpiusq; subsis-
 tens, sonum aure captabat. Tandem per cæcę noctis horrorem procul
 lumen intuitus, dum auidius properat offenso pede lapidem in strepi-
 tum concitabat. Post cuius sonitum beatus Paulus ostium quod pates-
 bat, claudens sera obfirmauit. Tunc uero Authonius præ foribus cor-
 ruens, usq; ad sextam & eo amplius horam aditum precabatur, dicens:
 Quis sim, unde, & cur uenerim, nosti: scio me non mereri conspectum
 tuum, tamen nisi uidero, non recedam. Qui bestias suscipis, hominē cur
 repellis? Quæsiui, & inueni: pulso, ut aperiatur mihi. Quod si non impe-
 tro, hic moriar ante postes tuos, certe sepelies uel cadauer meum. Talia
 perstabat memoratus fixusq; manebat. Ad quem respōsum Paulus ita
 reddidit heros: Nemo sic petit ut minetur: nemo cum lachrymis calum-
 niam facit: & minaris, si non recipiam te, cum moriturus adueneris. Sic
 arridens patefecit ingressum: quo aperto, dū in mutuos miserentur am-
 plexus, proprijs se salutare cepere nominibus, gratiæ Domino in com-
 mune ab eis referuntur. Et post sanctum osculum, residens Paulus cum
 Anthonio, ita exorsus est: Et quem tanto labore quæstisti putribus sene-
 ctute membris operit inculta canicies? En uides hominem in pulue-
 rem mox futurum. Verum quia claritas omnia sustinet, narra mihi
 quęso, quomodo se hominum genus habeat: an in antiquis urbibus no-
 ua tecta consurgant, quo mundus regatur imperio? an supersint aliqui,
 qui dæmonum errore decipiantur. Inter has sermocinationes suspiciunt
 alitem coruum in ramo arboris consedisse: qui inde leuiter subuolans,
 integrum panem ante mirantium ora deposuit. Post cuius abscessum:

Eia

Eia, inquit Paulus, Dominus nobis prandium misit: uere pius, uere misericors: Sexaginta iam anni sunt, quod dimidij semper panis fragmenta accepi, uerum ad aduentum tuum militibus suis Christus duplicauit annorum nam. Igitur in deum gratiarum actione celebrata, super uitrei fontis marginem uterque consedit. Hinc uero quis frangeret panem orta contentio pene diem duxit in uesperum. Paulus more cogebat hospitij, Anthonius iura refellebat ætatis: tandem consilij fuit, ut apprehenso erogatione pane, dum ad se quisque nititur, pars sua remansit in manibus. Dehinc Paululum aquæ proni in fonte ore lamberunt, & immolantes deo sacrificium laudis, noctem transegere uigilijs. Cumque iam esset terris redditus dies, beatus Paulus ad Anthonium sic locutus est: Olim te frater in istis regionibus habitare sciebam, olim conseruum meum mihi promiserat dominus: sed quia iam dormitionis tempus aduenit, & quod semper cupieram dissolui, & esse cum Christo, peracto cursu superest mihi corona iustitiæ: tu missus à domino es, qui humo corpusculum tegas, imò terram terræ reddas. His Anthonius auditis, flens & gemens, ne se desereret, atque ut comitem talis itineris acciperet precabatur. Et ille: Non desbes, inquit, quærere quæ tua sunt, sed quæ aliena. Expedit quidem tibi, sarcina carnis abiecta agnū sequi, sed & cæteris expedit fratribus, ut tuo adhuc instituantur exemplo. Quamobrè perge, quæso (nisi molestum est) & pallium quod tibi Athanasius episcopus dedit, ad obuoluendum corpusculum meum, defer huc. Hoc autem beatus Paulus rogauit, non quod magnopere curaret, utrum tectum putresceret cadauer, an nudum, quippe qui tanti temporis spacio contextus palmarum folijs uestiebatur, sed ut à se recedenti meror suæ mortis alleuiaretur. Stupefactus Anthonius, quod de Athanasio & de pallio eius audierat, quasi Christum in Paulo uidens, & in pectore eius deum uenerans, ultra respondere nihil ausus est, sed cum silentio lachrymans, exosculatis eius oculis manibusque, ad monasterium, quod postea à Sarracenis occupatum est, regrediebatur. Neque uero gressus sequebantur animum, sed cum corpus inane ieiunij sensus etiam animi frangeret, animo uincebat ætatem. Tandem defatigatus & anhelans ad habitaculum suum confecto itinere peruenit. Cui cum duo discipuli, qui ei iam longæuo ministrare ceperant, occurrissent dicentes, Vbi tamdiu moratus es pater? respondit: Ve mihi peccatori, qui falsum monachi nomen fero: uidi Heliam & Ioannem in deserto, & uere in Paradiso Paulum uidi. Ac sic ore compresso, & manu uerberans pectus, à cellula pallium protulit. Rogantibusque discipulis, ut plenius quidnam esset rei exponeret, ait: Tempus loquendi, & tempus tacendi est. Tunc egressus foras, & nec modicum quidem cibi sumens, per uiam qua uenerat, regrediebatur. Illum sitiens, illum uidere desiderans, illum oculis ac mente complectens: timebat enim, quod eueniret, ne se absente, debitum Christo spiritum redderet. Cumque iam dies illuxisset

luxisset alia, & trium horarum spacio iter remaneret, uidit inter angelorum cateruas, & inter prophetarū & Apostolorum choros niueo Paulum candore fulgentem in sublime cōscendere. Et statim in faciem procedens, sabulum capiti suo superiacebat, plorans atq; eiulans, Cur me, inquit, Paule dimittis? Cur abis insalutatus? Tam tarde notus, tam cito recedis? Referebatq; postea beatus Anthonius tāta se uelocitate, quod reliquū erat uiæ cucurrisse, instar auis præuolaret. Nec immerito. Nam introgressus speluncam, uidit genibus complicatis, erecta ceruice, extensisq; manibus in altum corpus exanime, ac primum & ipse uiuere eum credens pariter & orabat. Postq; uero nulla, ut solebat, suspiria precantis auditui inflebile osculum ruens intellexit, q; etiam cadauer sancti uiri deum (cui omnia uiuunt) officio gestus precaretur: Igitur prouoluto & prolato foras corpore, Psalmis quoq; ex Christiana traditione cantatis, contristabatur Anthonius, q; serculum, quo terram foderet, non habebat. Fluctuans uario mentis æstu, & secū multa replicans: si ad monasterium reuertar, quatruidi iter est, si hic maneam, nihil ultra proficiā. Moriar ergo ut dignum est, & iuxta bellatorem tuū Christe ruens, extremum halitum fundam. Talia eo animo uolente, ecce leones duo ex interioris heremi parte cōcurrentes, uolantibus per colla iubis ferebantur. Quibus aspectis, primo exhorruit, rursusq; ad deum mentem referens, quasi columbas uideret, mansit intrepidus. Et illi quidem directo cursu ad cadauer beati senis substiterunt, adulantibusq; caudis, circa eius pedes accubere fremitu ingenti rugientes, prorsus ut intelligeret eos plangere quomodo poterant. Deinde haud procul ceperunt humū pedibus scabere, harenamq; certatim egerentes, unius hominis capacem locum effodere, & statim quasi mercedem pro opere postulaturi, cum motu aurium ceruice deiecta, ad Anthonium perrexerunt, manus eius pedesq; lingentes, ut ille animaduerneret, benedictiones eos à se deprecari. Nec mora, in laudatione Christi effusus, q; eum muta quoq; animalia sentirent, ait: Domine, sine cuius nutu nec folium arboris defluit, nec unus passer ad terram cadit, da illis, sicut tu scis. Et manu annuens, ut abirent imperauit. Cumq; illi recessissent, sancti corporis oneri seniles curuauit humeros, & deposito eo in fossam, desuper humum cōgregans, tumulum ex more composuit. Postq; autem dies illuxerat alia, ne qui d pius heres ex intestatis bonis non possideret, tunicam eius sibi uendicauit, quam in sportarum modum de palmæ folijs sibi ipse contexuerat. Ac sic ad monasterium reuersus, discipulis ex ordine cuncta replicauit, diebusq; solennibus Paschæ uel Penthecostes semper Pauli tunica uestitus est.

Libet in fine opusculi interrogare eos, qui patrimonia sua ignorāt, qui domos marmoribus uestiunt, qui uno lino uillarum insuunt prædia, huic seni nudo quid unquam defuerit? Vos ex gemma bibitis, ille uero

vero cauis manibus satisfecit naturæ. Vos in tunicis aurum textitis, ille uilissimi quidem uestri mancipij indumentum habuit. Sed eccontrario illi pauperculo paradifus patet, uos auratos gehenna suscipiet. Ille Christi uestem, licet nudus, seruauit, uos uestiti sericis, indumentum Christi perdidistis. Paulus uilissimo opertus puluere iacet resurrecturus in gloriam, uos operosis saxis sepulchra premunt, cum uestris opibus fortassis arsfuros. Parcite queso uos, parcite saltem diuitijs, quas amatis. Cur mortuos uestros auratis obuoluitis uestibus? Cur ambitio inter luctus lachrymasq; non cessat? An cadauera diuitum nisi in serico putrescere nesciunt? Obsecro quicunq; hæc legeris, ut Hieronymi peccatoris memineris, cui si dominus optionem daret, multo magis eligere tunicam Pauli cum meritis eius, q̃ regum purpuram cum regnis suis.

PAULA VIDVA.

Si cuncta mei corporis membra uerterentur in linguas, & omnes artus humana uoce resonarent, nihil dignum sanctæ ac uenerabilis Paulæ uirtutibus dicerem. Nobilis genere, sed nobilior sanctitate, potens quondam, sed nunc Christi paupertate insignior. Gracchorum stirps, soboles Scipionum, Pauli heres, cuius uocabulum trahit, Metiæ Papyriæ matris Africani uera & germana progenies, Romæ prætulit Bethlehem, & auro tecta fulgentia informis luti uilitate mutauit. Non moeremus, quod talem amisimus, sed gratias agimus, quod habuimus, imò habemus. Deo enim uiuunt omnia, & quicquid reuertitur ad dominum, in familiæ numero computatur, quanq̃ amissio illius coelestis domus habitatio sit. Quæ quandiu in corpore fuit, peregrinata est à domino uoce semper flebili quærebat, tur dicens: Heu mihi, quia peregrinatio mea prolongata est, habitauim enim cum habitantibus Cedar. Multum peregrinata est anima mea: nec mirum, si planxerat se uersari in tenebris. Hoc enim cedar interpretatur, cum mundus in maligno positus sit, & sicut tenebræ eius, ita & lumen eius. Luxq; in tenebris luceat, & tenebræ eam non comprehendunt. Vnde & illud crebrius referebat: Aduena ego sum & peregrina sicut omnes patres mei. Et iterum: Cupio dissolui, & esse cum Christo. Quotiens autem infirmitate corpusculi (quam incredibili abstinentia, & duplicatis contraxerat ieiunijs) uexabatur, dicebat: Corpus meum subijcio & in seruitutem redigo, ne alijs prædicans, ipsa reproba inueniar: & bonum est mihi, uinum non bibere, & carnem non manducare: & humiliavi in ieiunio animam meam, & totum lectum meum uersasti in infirmitate mea, & uersata sum in miseria, dum mihi infigitur spina. Atq; inter doloris aculeos, quos mira patiëntia sustinebat, quasi apertos sibi coelos aspiceret, loquebatur: Quis dabit mihi pennas sicut columba, &

V in bā, &

bæ, & uolabo, & requiescam. Testor Iesum & sanctos Angelos eius ipsumque proprium angelum, qui custos fuit & comes admirabilis foeminae, me nihil in gratiam, nihil in ore laudantium, sed quicquid dicturus sum, pro testimonio dicere, & minus eius esse meritis, quam quod totus orbis canit: Sacerdotes mirantur, uirginum chori desiderant, monachorum & pauperum turba deplangit. Vult lector eius breuiter scire uirtutes. Omnes suos pauperes, pauperior ipsa dimisit. Nec mirum de proximis et familiola, quam utroque sexu de seruis et ancillis in fratres sororesque mutauerat, ista proferre, cum Eustochium uirginem & deuotam Christo filiam, in cuius consolationem libellus hic cuditur, procul a nobili genere sola fide & gratia diuitem dereliquerit. Carpamus igitur narrandi ordinem: Alij altius crepitant, & a cunabulis eius ipsisque (ut ita dicam) crepundijs matrem Blefillam, & Rogatum praeferam patrem, quorum altera Scipionum Gracchorumque progenies est, alter per omnem Gratiâ usque hodie & stemmatibus & diuitijs, ac nobilitate Agamemnonis fertur sanguinem trahere, qui decennali Troiam obsidione deleuit, nos nihil aliud laudamus nisi quod proprium est, & purissimo sanctae mentis fonte profertur: quanquam dominus ac Saluator in Euangelio doceat Apostolos sciscitantes, quid illis redditurus sit, qui omnia sua pro nomine eius dimiserant: centuplum in praesentiarum recepturos, & in futuro uitam aeternam, respondit. Ex quo intelligimus, non laudis esse possidere diuitias, sed pro Christo eas contemnere: non tumere ad honores, sed pro fide eos paruipendere. Verè quod pollicitus est seruis suis & ancillis Saluator, reddit in praesenti. Namque unius contempsit gloriam urbis, totius orbis opinione celebratur. Quam Romae habitantem nulus extra Romam agnouerat, latentem in Bethleem & Barbara & Roma terra miratur. Cuius enim gentis homines ad sancta loca non ueniant? Quis autem in sanctis locis praeter Paulam, quod plus inter homines miraretur, inuenit? Et sicut inter multas gemmas preciosissima gemma micat, & iubar solis paruos stellarum igniculos obruit & obscurat, ita cunctorum uirtutes & potentiam sua humilitate superauit, minimaque fuit inter omnes, ut omnium maior esset: & quanto plus se deridebat, tanto magis a Christo subleuabatur. Latebat, & non latebat, fugiendo gloriam, gloriam merebatur: quam uirtutes quasi umbra sequuntur, & appetitores sui deserens, appetit contemptores. Sed quid ago, narrando ordinem praetermittens, dum in singulis tenore non seruo praepcepta dicendi? Tali igitur stirpe genita est iunctaque uiro Toxotio, qui Aeneae & Iuliorum altissimum sanguinem trahit. Vnde etiam Christi uirgo filia eius Eustochium Iulia nuncupatur, & ipse Iulius a magno demissum nomen lulo. Et hoc dicimus, non quo habitantibus grandia sint, sed quo contemptibus mirabilia. Saeculi homines suspiciunt eos, qui his pollent priuilegijs, nos laudamus, qui habentes paruipendant, haec si habere noluerint,

sint prædicamus. His inquam orta maioribus & fortunditate ac pudicitia probata: primum uero, deinde propinquis & totius urbis testimonio, cum quinque liberos ædidiſſet, Bleſillam super cuius morte eam Romæ conſolatus ſum, Paulinam (quæ ſanctum & admirabilem uirum, & propoſiti & rerum ſuarum Pammachium reliquit hæredem, ad quem ſuper obitu eius paruum libellum ædidiſimus) Eutochium quæ nunc ſanctis locis uirginitatis & eccleſiæ monile præcioſum eſt, Ruſinam quæ immaturo funere pium matris animum cõſternauit, & Toxotium, poſt quem parere deſinit, ut intelligeres eam non diu ſeruire uoluiffe officio coniugali, ſed mariti deſiderio (qui mares optabat liberos) obediffe. Poſtquæ uir mortuus eſt, ita eum planxit, ut prope ipſa moreretur, & ita ſe conuertit ad domini ſeruitutem, ut mortem eius uideretur optaſſe. Quid ergo referam amplè & nobilis domus quondam opulentiffimæ, omnes penè diuitias in pauperes erogatas? Quid in cunctos clementiſſimum animum & bonitatem, etiam in eos quos nunquæ uiderat euagantem? Quis inopum moriens non illius ueſtibus obuolutus eſt? Quis clinicorum non eius facultatibus ſuſtentatus eſt? quos ſtudioſiſſime tota urbe perquirens damnum putabat, ſi quiſquam debilis & eſuriens cibo ſuſtenteretur alterius. Spoliabat filios, & inter obiurgantes propinquos maiorem ſe eis hæreditatem Chriſti miſericordiam dimittere loquebatur. Nec diu potuit excelsi apud ſæculum generis & nobiliſſimæ familie uiſitationis frequentiam ſuſtinere. Merebat honore ſuo & ora laudantium declinare & fugere feſtinabat. Cumquæ orientis & occidentis Episcopos ob quaſdam eccleſiarum diſſenſiones Romam imperiales literæ contraxiſſent, uidit admirabiles uiros Chriſti quæ pontifices Paulinum Antiochenæ urbis epiſcopum, & Epyphanium Salaminæ Cypri, quæ nunc Conſtantia dicitur, quorum Epyphanium etiam hoſpitem habuit Paulinum in alia manentem domo, quaſi proprium humanitate poſſedit, quorū accenſa uirtutibus per momēta patriam deſerere cogitabat. Non domos, non liberorum, non familiæ, non poſſeſſionum, non alicuius rei quæ ad ſæculum pertinent, memor, ſola (ſi dici poteſt) & incomitata, ad heremum Anthoniorum & Paulorum pergere geſtiebat, tandem exacta hyeme aperto mari, redeuntibus ad eccleſias ſuas epiſcopis, ipſa uoto cum eis & deſiderio nauigabat. Quid ultra differo? Deſcendit ad portum, fratre, cognatis, affinibus, & (quod his magis eſt) liberis proſequentibus, & clementiſſimam matrem uincere pietate cupientibus. Iam carbaſa tendebantur, & remorum ductu nauis in altus protrahebatur. Paruus Toxotius, ſupplices manus tendebat in littore, Ruſina iam nobilis, ut ſuas expectaret nuptias tacens fleſtibus obſecrabat, & tamen illa ſiccis tenebat oculos ad cœlum, pietate in filios pietate in Deum ſuſpirans. Nesciebat ſe matrem, ut Chriſti probaret ancillam. Torquebantur uiſcera, & quaſi à ſuis membris diſtraheretur cum dolore pugnat, bat,

bat, in eo cūctis admirabilior, quōd magnam uinceret charitatem. Inter hostium manus & captiuitatis duram necessitatem, nihil crudelius est, quā parentes à filijs separari. Hoc contra iura natura plena fide patiebatur, imō gaudens appetebat amorem filiorum, maiore in Deum amore contendens, in sola Eustachio, quæ & propositi & nauigationis eius comes erat, quiescebat. Sulcabat interim naus mare, & cūctis qui cum ea uehebantur littora recipientibus, illa aduersos tenebat oculos, ne uideret quos sine tormento uidere non poterat. Fateor nulla sic amauit filios, quibus anteq̃ proficisceretur, cūcta largita est exhæredans se in terra, ut hereditatem inueniret in cœlo. Delata ad insulas Pontias (quas clarissimę quondam foeminarum sub Domitiano principe, pro confessione nominis Christiani, Flauiae Domicillae nobilitauit exilium) uis densq̃ cellulas, in quibus illa longum duxerat martyrium, sumptis alijs, Hierosolymam & sancta loca uidere cupiebat. Tardi erant uenti, & omnis pigra uelocitas. Inter scillam & caribdim Adriatico se credens pelago quasi per stagnum uenit Methonem, ibiq̃ refocillato paululum corpusculo, & salo thabentes artus in littore ponens per maleam & citheram, sparsasq̃ per equor Cycladas, & crebris freta concita terris post Rhodum & Liciam tandem uenit Cyprum, ubi sancti & uenerabilis Epyphanij pedibus obuoluta, decem ab eo diebus detenta est, non in refectionem (ut ille arbitrabatur) sed in opus Dei, ut res probata est. Nam omnia illius regionis lustras monasteria prout habere poterat refrigeria, sumptū fratribus dereliquit, quos amor sancti uiri de toto illuc orbe cōduxerat. Inde breui cursu transfretaui Seleuciam, de qua ascendens Antiochiā, sanctiq̃ confessoris Paulini, modicū charitate detenta media hyeme calente ardore fidei, foemina nobilis, quæ prius eunuchorum manibus portabatur, asello sedens profecta est. Omitto Cyriae colles & Phoenicis iter: neq̃ enim odeporicū eius disposui scribere, ea tantum loco nomino, quæ sacris uoluminibus continentur. Berito Romana colonia & antiqua urbe Sydonæ derelicta, in sarepte littore Helyæ ingressa est turriculam, in qua, adorato domino Salvatore, per harenas Thyri, in quibus Paulus genua fixerat, peruenit ad Choum, quæ nunc Ptolemais dicitur, & per campos Magedo Iosiae necis concio intrauit in terram Philistijm, mirata ruinas Dor urbis quondā potentissimæ, & uersa die strationis turrim ab Herode rege Iudææ, in amore Cæsaris Augusti, Cæsaream nuncupatam, in qua Cornelij domum, Christi uidit ecclesiam, & Ppilippi ædículas, & cubiculum quatuor uirginū prophetissarum, deinde Antipatrida semirutum oppidulum, quod ex patris nomine Herodes uocauerat, & Lyppam uersam in Dispolim, Dorcadis, atq̃ Aneæ resurrectione & sanitate indlytam. Haud procul ab ea Arimathiam uiculum Ioseph qui Dominum sepeliuit, & Nobe urbe quondam sacerdotum, nunc tumulus occisorum, Ioppen quoq̃ fugien

ti poro

ti portum Ione, & (ut aliquid perstringam de fabulis poetarum) relegata ad saxum Andromedæ spectatricem : repetitoq; itinere in Copolim quæ prius Emaus uocabatur, apud quam in fractione panis Dominus cognitus, Cleophæ domum in ecclesiâ dedicauit. Atq; inde proficiscens ascendit Bethoron inferiorem & superiorem, urbes à Salomone rege conditas, & uaria post hæc à bellorum tempestate deletas, ad dexteram respiciens Aylon & Gabaon, ubi Iesus filius Nauæ contra quinque reges dimicans soli imperauit & lunæ, & Gabaonitas ob dolum & insidias foederis impetrati in aquarios lignariosq; damnauit. In Gabaa urbe usq; ad solum dirupta paululum sustitit, recordata peccati eius, & concubinæ in frustra diuisæ, & tribus Benjamin in sexcentis uiris propter Paulum reseruatis. Quid diu moror? Ad leuam Mausoleo Helenæ de relicto, quæ à Dyabenorū regina in fame populum frumento iuuerat, ingressa est Hierosolymam urbem trosonomam, Iebus, Salem, Hierusalem, quæ ab Helio postea Adriana de ruinis & cineribus ciuitatis in Helia suscitata est. Cumq; proconsul Palæstinæ (qui familiam eius optime nouerat) præmissis apparitoribus iussisset parari prætorium, elegit humilem cellulam, et cuncta loca tanto ardore ac studio circuiuit, ut nisi ad reliqua festinaret, à primis non posset abduci, prostrataq; ante crucem quasi pendentem Dominum cerneret adorabat. Ingressa sepulchrum resurrectionis osculabatur lapidem, quem ab hostio sepulchri remouerat Angelus, & ipsum corpori locum, in quo Dominus iacuerat, quasi sitiens desideratas aquas fidei ore lambebat. Quid ibi lachrymarū, quantum gemitum, quid doloris effuderit, testis est cuncta Hierosolyma, testis est ipse dominus quem rogabat. Vnde egrediens ascendit Syon, qui in arcem uel speluncam uertitur. Hanc urbem expugnauit quondam & ædificauit Dauid, unde de expugnata dicitur : Væ tibi ciuitas Ariel, id est, leo Dei & quondam fortissima, quam expugnauit Dauid. De ea quæ ædificata est : Fundamenta eius in montibus sanctis diligit Dominus, portas Syon super omnia tabernacula Iacob, nō in eas portas quas hodie cernimus in fauillas & cineres dissolutas, sed portas quibus infernus non præualet, & per quas credentium ad Christum ingreditur multitudo. Ostendebatur illic columna ecclesiæ porticum sustinens infecta cruore domini, ad quam uinctus ducitur & flagellatur. Monstrabatur locus ubi super centum uiginti credentium animas spiritus sanctus descenderat, ut Iohelis uaticinium compleretur. Deinde pro facultatula sua pauperibus atq; conseruis pecunia distributa, perrexit Bethleem, & in dextera parte itineris stetit ad sepulchrum Rachel, in quo Benjamin non ut mater uocauerat moriens Benpui, hoc est filium doloris mei, sed ut pater prophetauit in spiritu, filium dextræ procreauit. Atq; inde speculum Saluatoris introiens, postq; uidit sacrum uirginis diuersorium, ubi cognouit bos possessorem suum, & asinus præsepe domini sui, ut

X

impleretur

impleretur illud quod in eodem propheta scriptum est. Beatus qui seminatur super aquas, ubi bos & asinus calcant me audiente iurabat cernere se fide oculis infantem pannis inuolutum, uagientem in præsepio, Deum Magos adorantes, stellam fulgentem desuper, matrem uirginem, nutritiuum sedulum pastores nocte uenientes, ut uiderent Verbum quod factum erat, & iam tunc Euangelistæ Iohannis principium dedicarent: In principio erat Verbum, & Verbum erat apud Deum, & Deus erat Verbum, & Verbum caro factum est. Paruulos interfectos, Herodem sæuientem, Mariam & Ioseph fugientes in Ægyptum mixtisq; gaudiis lachrymis loquebatur: Salue Bethleem domus panis, in qua natus est ille panis qui de coelo descendit. Salue Effrata regia liberrima atq; carposifera cuius fertilitas deus est, ex te mihi egredietur, qui sit Princeps Israël, & egressus eius ab initio à diebus æternitatis. De te quondam Micheas propheta uaticinatus est, tu Bethleem domus Effrata, non minima es in milibus Iuda. Propterea dabis eos usque ad tempus parientis partum, & reliquæ fratrum eius cōuertentur ad filios Israël. In te enim natus est princeps, qui ante luciferum genitus est, cuius de patre natiuitas omnem excedit ætatem, & tamdiu in te Dauidici germinis origo permansit, donec uirgo pareret, & reliquæ populi credentes in Christum conuerterentur ad filios Israël, & libere prædicarent. Vobis oportebat loqui primum uerbum Dei, sed quoniam repulistis illud, & indignos uos iudicastis æternæ uitæ, ecce conuertimur ad gentes. Dixerat enim dominus: Non ueni nisi ad oues perditas domus Israel. Et eo tempore Iacob super eo uerba completa sunt: Non deficiet princeps ex Iuda, neq; dux de femore eius, donec ueniat cui repositum est: & ipse erit expectatio gentium. Bene enim Dauid iurabat, bene uota faciebat, dicens: Si introiero in tabernaculum domus meæ, si ascendero in lectum strati mei. Si dederò somnum oculis meis & palpebris meis dormitationem. Et requiem temporibus meis donec inueniam locum domino tabernaculum Deo Iacob. Et statim quid desideraret exposuit, atq; oculis prophetalibus quem nos iam uenisse credimus ille uenturum esse cernebat. Ecce audiuius eum in Effrata, inuenimus eum in campis Silue: Zob quippe sermo Hebraicus, ut te docente didici, non Mariam matrem domini, hoc est astin, sed ipsum, id est aston, significat, unde loquitur confidenter: Introiuimus in tabernaculum eius, adorauimus in loco ubi steterunt pedes eius. Et ego misera atq; peccatrix, digna sum iudicata deosculari præsepe, in quo Dominus paruulis uagijt, orare etiam in spelunca, in qua uirgo puerpera Deum fudit infantem. Hæc requies mea quæ Domini patria est, hîc habitabo, quoniam Saluator elegit eam: Parauit lucernam Christo meo, anima mea illi uiuet, & semen meum seruiet ipsi. Haud procul inde descendit ad turrim Ader, id est gregis, iuxta quam Iacob paut greges suos, & pastores nocte uigilantes audire meruerunt

ruerunt: Gloria in excelsis Deo, & super terram pax hominibus bonæ uoluntatis. Dumq̃ seruauit oues, inuenerunt agnum Dei puro & mundissimo uellere, quod in ariditate totius terræ cœlesti rore completum est, cuius sanguis tulit peccata mundi, & exterminatorem Ægypti militis fugauit in postibus. Statimq̃ concito gradu coepit per uiam ueterem pergere, quæ ducit Gazam ad potentias uel diuitias dei, & tacita secum uoluere, quomodo Eunuchus Æthiops, gentium populum præfigurans mutauerit pellem suam: & dum uetus relegit instrumentum, fontes reperit Euangelij. Atq̃ inde ad dexteram transijt ad Bethsur, & uenit Erchol, quæ in botrum uertitur. Vnde in testimonium terræ fertilissimæ, & in typum eius qui dicit: Torcular calcaui solus, & de gentibus non est uir mecum: exploratores botrum miræ magnitudinis portauerunt. Non est longum spacium, intrauit Sarræ cellulam, uidens in cunabulis Isaac, & uestigia quercus Abraham, sub qua uidit diem Christi & lætatus est. Atq̃ inde consurgens ascendit Hebron, hæc est Cariatharbe, id est, oppidum uirorum quatuor, uidelicet Abraham Isaac & Iacob, & Adā magni, quem ibi conditū iuxta librū Iesu Nauē Hebræi autumant, licet pleriq̃ Caleph quartū putent, cuius ex latere memoria demonstratur. Noluit pergere Cariathsepher, id est, uiculum literatum, quia contemnens occidentem literam, reparat spiritum uiuificantem, magisq̃ mirabatur superiores & inferiores aquas, quas Othniel filius Iephonecenem pro australi & arida possessione susceperat, & quarum ductu siccos prioris instrumenti agros fecerat irriguos, ut redemptionem ueterum peccatorum aquis baptismi reperiret. Altero die orto iam sole, stetit in supercilio Capharberuch, id est, uillæ benedictionis, quem ad locum Abraham Dominus persecutus est. Vnde latam despiciens solitudinem, & terram quondam Sodomæ & Gomorræ, Adamæ & Seboim, cōtemplata est Balsami uineas in Engaddi, & Segor uitulam consternantem, quæ prius Bale uocabatur: & in Zoaram, hoc est, paruulam Sylo sermone translata est. Recordabatur speluncæ Loth, & uersa in lachrymas, uirgines socias admonebat, cauendum esse à uino, in quo est luxuria, & cuius opus Moabitæ sunt & Ammonitæ. Diu hæreo in meridie, ubi sponsa cubantem reperit sponsum: Ioseph inebriatus est cum fratribus suis. Reuertar Hierosolymam, & per Tescuam atq̃ Amos, rutilantem montis oliueti lucem aspiciam, de quo Saluator ascendit ad Patrem, in quo per annos singulos uacca ruffa in hoc locaustum domini cremabatur, & cuius cinis expiabat populum Israël, in quo iuxta Ezechielem Cherubin de templo transmigrâtes, ecclesiam Domini fundauerunt. Ingressaq̃ sepulchrum Lazari, Mariæ & Martha uidit hospitium, & Bethphage uillam sacerdotalium maxillarum, & locum in quo pullus lasciuiens gentium domini frena suscepit, Apostolorumq̃ stratus uestibus, mollia terga præbuit ad sedendū. Rectoq̃

X ij itinere

itinere descendebat Hiericho, cogitans illum de Euangelio uulneratum & sacerdotibus et Leuitis mentis feritate prætereuntibus, clementiã Samaritani, id est, custodis, qui seminecem suo imperio imposito iumento ad stabulum ecclesiæ reportauit, & locum ad omnijn, quod interpretatur sanguinum (quia multus in eo sanguis crebris latronũ fundebatur incurſibus) & arbores sicomorum Zachæi, id est, bonæ poenitentię opera, quibus cruenta dudum & noxia rapinis peccata calcabat, excelsumq; dominum de excelso uirtutũ intuebatur, & iuxta uiam cæcorum loca, qui receptis luminibus utriusq; populi credentis in dominum sacramenta p̄miserat. Ingressa Hiericho uidit urbẽ, quam fundauit Ayel in Abyram primogenito suo, & cuius portas posuit in Segub nouissimo filiorũ. Intuita est castra Galgalæ, & aceruum præputiorum, & secundę circuncisionis mysterium, et duodecim lapides, qui de Iordanis alueo ibi luc translati duodecim Apostolorum fundamenta firmauerant, & fontem quondam legis amarissimum & sterilem, quem uerus Helisæus sua condidit sapientia, & in dulcorem ubertatemq; conuertit, &c.

Reliquam historiam requirat Lector in Vita Parua.

PAULI APOSTOLI CONVERSIO.

ex libro Actuum cap. ix.

Ex Aratore
Diaceno.



Saul acerba fremens committere bella Damasci
Iudaica feritate parat, sed amabitur agnus
Quo properat sæuire lupo, sors læta ruinæ est
In qua culpa cadit didicit de corpore lapso
In mentis iam stare gradu, cum lumina claudit,
Pectora tunc aperit, coeliq; agnoscitur author
Discedente die, quantum meruere tenebrę.
Post oculos maiora uidet, mirabile sc̄lis
Exemplum dedit alma fides. Anania furorem
Excuit, ô noua palma, lupum domat ille rapacem
Hebræus quem dixit ouem, clamabitur orbi,
Hoc præcone deus, legisq; exutus ab umbra,
Sub qua cæcus erat, terras lucebit in omnes
Perpetuo de sole calens, ne desine Saule
Nunc celebrare diem multorum lumine plena
Nox datur ista tibi, tuq; hic tua nubila portas,
Ut mundi purgare queas, nunc plena figuris
Interius documenta sequar, tectumq; latebris
Aggrediar proferre iubar, q̄ tempora Saulus
In tenebris triduana gerit, facit esse fidelem
Exempli mensura sui, tandemq; coactum

Poena

Pœna magistra docet, dominum ne respuat ultra.
 Post triduum superasse chaos, cum cœperit ipse
 Sic uisus reparare suos, quod ab orbibus atris
 Et squamæ cecidere graues, natura quod anguis
 Ferre solet, ratione uiget. Iudæa uenenum
 Semper ab ore uomit, crudelior aspide surda
 Pertidiæ coluber Synagogæ sibilat antro,
 Discipulis saluator ait: Calcabitis anguem,
 Purior obsequijs ut sit cœlestibus actus
 Vipereum iacit ante nephas, & prælia doctor
 Mox meliora gerit. qui cum superasset iniquas
 Insidias, meruit clausis euadere sportis.
 Sporta solet texi iuncis palmisq; uicissim
 Tegmina dat Saulo retinens in ore figuram
 Ecclesiæ: nam iuncus aquis, & palma coronis
 Semper inest. iuuat Ecclesiam baptismatis unda,
 Martyrijq; cruor. dudum uescente caterua
 Nutriti sub dente cibi. distendere septem
 Sportarum cœpère sinus. tot in orbe profecto
 Ecclesias scriptura canit, q̃ spiritus illic,
 Sic operator adest, & signat nomine uirtus
 Cum tamen Ecclesiam celebremus in omnibus unam.
 Protegit ergo uirum species, cui militat ipse
 Vas in uase manens. atq; hac duce tutus ab hoste
 Egreditur, cunctis doctor qui uincit in armis.

COrde, uoce pulsa cœlos,
 Triumphale pange melos
 Gentium Ecclesia.

Paulus doctor gentium
 Consummauit stadium
 Triumphans in gloria.

Hic Benjamin adolescens,
 Lupus rapax, præda uescens,
 Hostis est fidelium.

Mane lupus, sed ouis uespere,
 Post tenebras lucente sydere,
 Docet Euangelium.

Hic mortis uiam arripit,
 Quem uitæ uia corripit,
 Dum Damascum graditur.
 Spirat minas, sed iam cedit,

Sed prostratus iam obedit,
 Sed iam uinctus ducitur.

Ad Ananiam mittitur,
 Lupus ad ouem trahitur,
 Mens resedit effera.

Fontis subit sacramentum,
 Mutat uirus in pigmentum
 Vnda salutifera.

Vas sacratum, uas diuinum,
 Vas propinans dulce uinum
 Doctrinalis gratiæ.

Synagogas circuit,
 Christi fidem astruit
 Prophetarum serie.

Verbum crucis protestatur,
 Causa crucis cruciatur,

X in Mille

Adam de S.
 Victore.

D E S A N C T I S

Mille modis moritur.	Præbet colla, discit mysteria,
Sed perstat uiuax hostia,	Fides Christi proficit.
Et inuicta constantia,	Crux triumphat, Nero sæuit,
Omnis poena uincitur.	Quo docente fides creuit,
Segregatus docet gentes,	Paulum ense conficit.
Mundi uincit sapientes	Sic exutus carnis molem
Dei sapientia.	Paulus, uidet uerum solem
Raptus ad coelum tertium,	Patris unigenitum.
Videt patrem & filium,	Lumen uidet in lumine,
In una substantia.	Cuius uitemus numine
Roma potens et docta Græcia	Gehennalem gemitum.

TIMOTHEVS PAVLI DISCIPVLVS.

*Georg. Vili-
sel,*

Timotheus Lystris oppido Lycaoniæ natus ex Iudæa matre, & patre gentili, Christianæ religionis cultor erat, cum Paulus in ea loca peruenit. Qui motus Timothei sanctitate & optima fama, qua idem inter Christianos illius tractus celebratur, asciiuit ipsum socium & comitem suæ peregrinationis. Ac ne offenderentur, qui ex Iudaismo conuersi fuerant ad Christum, Timotheumq; nouerant filium esse patris gentilis, ipsum circumcidit, quod licebat, adhuc nondum satis Euangelio promulgato. Cum autem peruenissent Ephesum, ibidem Timotheus et Paulo relictus est, ut Ecclesiâ doctrina exemploq; iuuaret. Ad hunc Paulus ut doctrina qua præsentem instituerat, absentem quoque confirmaret, duas epistolas scripsit: alteram à Laodicea, alteram ab urbe Roma. Postremo Timotheus quum in festo celeberrimo Dianæ populum ab impio sacrificio conaretur auertere, lapidibus obrutus est à furēte populo, unde penè mortuus sublatus à Christianis, & ad montem urbi uicinum ductus, spiritum emisit.

Timotheus Ephesiorum Episcopus ordinatus à beato Paulo, ex gentibus erat, nō ex circūcissione. De quo multa testatur Paulus, admonens, ut honestam professionem dati sibi doni seruaret, qui & gloriose illic testificatus est.

TITVS PAVLI DISCIPVLVS.

Titus Episcopus Cretæ, in eadem & in circumiacentibus insulis prædicauit Euangelium Christi. Ibidem autem & dormiuit, & sepultus est, nempe in Creta.

Crescens

Crescens in Gallijs prædicauit Euangelium, & illic sepultus est. Euthuchus Candaces Æthiopum reginæ in Arabia cognomento Felici, & in Taprobana insula maris rubri prædicauit Euangelium domini. Aiunt autem eum & ibidem martyriū pertulisse, & honorifice fuisse sepultum. Porro de Timotheo, Tito & Crescente Eusebius historia Ecclesiasticæ lib. iij. cap. iij. plura commemorat.

IO. CHRYSOST. EPISCOP.

Ioannes Antiochenus uocatus Chrysostomus, presbyter inter primos Antiochiæ. Fuit Eusebii Emeseni philosophi, & Diodori sectator. Hic fertur multa scripsisse, ex quibus omnibus, dialogi de sacerdotij dignitate excellunt, tum sublimitate & elocutione, tum lenitudine atq; uocum elegantia: ijs proxime certant isti in Psalmos David admirandi sermones, & præclara in Euangelium Ioannis expositio, adeoq; commentaria egregia, quæ in Matthæum, Marcum & Lucam reliquit. Reliqua uero eius opera numerum prorsus fugiunt: quippe qui omnem scripturam, tam Iudæam, q̃ Christianam, ita illustrauit, ut alius nemo. Assiduam deniq; suorum testium de se prædicationē, adauxit expedito alacriq; studio, atq; fluore orationis, ipsi Nil fluctibus foecundiore. Neq; itaq; ab exordio mundi, tantam orationis facultatem unquam est nactus, quantam solus ille locupletauit. Adeoq; solus puriter aureum promeruit, diuinumq; nomē. Cuius quidem opera per censere, complectiq; numero, uix hominis est: quin potius unus dei contenderim, ut qui unus omnia cognoscit. Cæterum diuus ille Ioannes Chrysostomus intēssimus exercitio, uigilijs multus, multus uehemensq; quietis amator, atque ob zelum pietatis interim bene libet quasiq; iracundior. Etenim ira q̃ reuerentia impensius gratificabat. Ad uersus accedentes usus est ultra modū oris libertate. In docendo ad utilitatem accommodatissimus, familiari conuictu, tanq; superbus & fastosus ijs uisus est, qui eius animi candorem minus nouerunt. Præterea euectus in episcopum, contra subditos maius assumpsit supercilium, ad uniuscuiusq; correctionem & salutem, tum mores, tum uerba mutans. Non igitur quemlibet parum adulantem elatum iudicemus: neq; ediuerso eum qui est adulator & ingenerosæ mentis, cōtinuo fateamur seruare modū, sed illum potius, qui ordine & apto & uere liberis idoneo seipsum custodit: Siquidem esse debet magnanimū, non superbum, uirilem, non temerarium, mansuetum, non sordide seruilem, liberum, nō mancipium. Quemadmodū ipse alias præclare literis mandauit. Propterea uarium, inquit, oportet esse pastorem, & doctorem: uarium autē dico

dico, non subdolum, neq; etiam adulatorem, aut iniurium, sed multa libertate, multaq; cōfidentia plenum, qui noscat in tempore & esse nunc suavis, nunc austerus. Etenim omnibus qui præsunt, haud conuenit unus idemq; modus agendi, quando neq; medicis eruditis omnibus ægrotis unum adhibere pharmacum, honestum est, neq; gubernatori scire unā dūtaxat uiam aduersus repugnantes uentorum flatus. Igitur animo concipe, q̄ esse industriū necesse est, eum uirum, cui tantis est procellis, tam sæuæ maris tempestati, totq; fluctibus insurgentibus, resistendum. Ad hæc qui debet omnia omnibus fieri, ut omnia lucrifaciet, uenerandū & grauē esse illum, quī potest negari? & absq; arrogantia, & uerendum, & lenem, principalem, gregarium, muneribus insuperabilem, salutarē, submissum, alienum à sordida seruitute, iucundum, sedatæq; mentis, ut eiusmodi pericula feliciter expugnare sufficiat. Quamobrē apertissimus ille cordatusq; caueat, ne quando turpiter aduletur, neq; etiam adulatori se præbeat illudendū, ne sit superbus, neq; adulans, sed ab utriusq; mali excessu temperet, adeoq; liber, tum peruicaciam incurrere, tum incidere seruitutis ignauiam, ut quī ad bonos humilis apparere debet, ad confidentes autem sublimis, quia illi mansuetudinem esse uirtutem putant, hi uero uirilem cōfidentiam. Illis animum adhibe summissum, atq; his grauitatem uiro dignam, quæ eorum à temeritate profectam gloriā extinguit, quo illis adiumentum animumq; subdat, atq; horum magnificam de se dissipet opinionem. Nam unius cuiusq; rei tempus est, ait Salomon, Hoc est, humilitatis, potentia, correctionis, consolationis, parcendi, audendi, bonitatis, truculentia, atq; in uniuersum rei cuiuslibet. Quod interim humilitas præferenda est, meminisseq; decet, eorum qui sunt pueruli secundum uocem dominicam. Interim autem potestati locus erit, quam Christus dedit in extructionem, & non in destructionē: idq; dum ipsa res fiduciam postulat, & in tempore consolationis benignitatem demonstrat. Tempore crudelitatis efferuentem zelum uelut in oculos ingerat, semperq; alio quouis tempore quod ex usu fuerit, atq; iustū cogitarit, exhibeat. Etenim iustorum cogitationes sunt iudicia. Iis Isidorus præterea subscribit, qui nihilo secius in principe, ut sit timori, q̄ ut seruet iustitiam, desiderat, quo per hanc bene agentes in spem consurgant, timore uero peccatores pauitent: Alterum quidem sine altero regni turbationem, q̄ regnum potius censendum est. Si omnes æque ad bonum officiosi, & uirtutem æque exoscularentur, utendum esset unā beneuolentia: contra uero si malis dediti omnes, timore tantum locus foret. Postea uero q̄ boni & mali simul uiuimus, utrunq; præstare principi, & populi præfecto necessum est.

Vita



Ioannes fuit Antiochenus, filius Secundi et Anthusæ nobilium personarum, discipulus Sophistæ Libani, & auditor Andragathæ philosophi. Cumq; se ad aduocationem præpararet, consyderans molestias litigantium, iniustumq; uitæ propoliturum, potius elegit quietem. Et hoc fecit æmulatus Euagriū, quoniam & ille cum hīdem studijs esset usus, quietam magis sequutus est uitam. Mox ergo mutato cultu pariter et incessu, diuinis lectionibus incumbibat, & frequentius ad sanctam concurrebat Ecclesiam. Hæc agēs persuasit etiā Theodoro et Maximo, qui fuerāt condiscipuli ipsius apud Sophistam Libanium, ut pompasam relinquerent uitam, & simplicem sequerentur. Quorum Theodorus postea episcopus Mopsuestienis ordinatur Ecclesiæ, Maximus autem Seleuciæ Isauriæ. Tum itaq; isti fiebant discipuli in lectione diuina Diodori atq; Carteri, qui eo tempore sacris monasterijs præsidebant. Sed Diodorus postea Tarsi ordinatus episcopus, multos conscripsit libros sacras ad literam intuens scripturas. Porro Ioannem degentē cum Basilio, qui tunc a Meletio factus erat diaconus, & postea Cæsareæ Cappadociæ præsulæ constituto, Zenno episcopus a Hierosolymis reuertens, lectorem in Ecclesia Antiochena constituit. In quo adhuc in officio positus, librum edidit contra Iudæos. Post modicum uero tempus etiam Diaconatum a Meletio promerens. De sacerdotio alium fecit librum, aliosq; plurimos explanauit. Postea uero Meletio in Constantinopolitano urbe defuncto, recedens Ioannes a Meletianis, & neq; Paulino communicans, tribus annis continue sub quiete degebat. Mortuo uero Paulino, ab Euagrio eius successore presbyter ordinatur. Ante episcopatum itaq; hoc modo cōuersatus est. Fuit enim uir (ut aiunt) propter zelum castitatis seuerior, & amplius q̄ habebat a iuuentute sua, furori magis q̄ reuerentiæ se præbebat, & propter uitæ rectitudinem incautus prospicere de futuris. Propter simplicitatem uero oris libertate profusus, apud colloquentes non mediocriter utebatur. Docendo uero præcipuus erat, utilis ad corrigendos audientiū mores. In confabulatione uero arrogans a nescientibus putabatur. Cum ergo talis moribus esset, episcopatu suscepto, maiori fastu, q̄ debuerat, utebatur, clericorum suorum corrigere uitam uolens. Mox igitur in ipso initio, cum clericis asper uideretur Ecclesiæ, erat plurimis exosus, & ueluti furiosum uniuersi declinabant. Compellebat em̄ eum, ut uelut omnes offenderet Serapio diaconus eius, qui aliquando præsentibus clericis, hunc protulit magna uoce sermonem: Nunq̄ poteris, o Episcope, hos corrigere, nisi uno baculo percusseris uniuersos. Quo dicto, maiora contra eum odia concitata sunt. Non post multum uero temporis, plurimos clericorum pro diuersis exemit causis. At

Y illi

illis conspirantes aduersus eum, etiam derogationibus apud populum utebantur, quarum rerum faciebant maximam fidem, eo quod nec ullum secum comedere pateretur, nec ipse ad alium inuitatus accederet. Dicunt enim quidam, propterea noluisse eum cum quoquam comedere, eo quod turpiter manducaret, escasque perciperet. Alii uero propter excellentem ciborum abstinenciam, hoc eum facere praedicabant. Ego tamen, quodam uiro ueraci referente, audiui, quod propter abstinenciam capite & stomacho saepe dolebat, & ideo prandiorum epulas euitabat. Porro populus propter sermones quos in ecclesia faciebat, diligebat eum, paruipendens accusatorum uoces.

VINCENTIUS DIACONUS ET MARTYR.



Incentius Oschæ natus, quod oppidum est Hispaniæ citerioris, ab ineunte ætate studio literarum deditus, & sacris literis eruditus, a Valerio Cæsaraugusto episcopo, cui bloesa lingua erat, munus iniunctum praedicandi Euangelium pro ipso sanctissime et constanter obibat. Quo cognito Decianus prouinciæ præses in persecutione Diocletiani & Maximiani capi eum iubet Cæsaraugustæ cum Valeriano, & uinctum ad se Valentiam deduci, ubi propter fidei constantiam uerberibus primum usque ad tortorum lassitudinem cæsus est: deinde in eculeo ferreis unguibus exaratus: postremo in craticula prunis subiectis impositus, & ferreis pectinibus alte impressis excarnificatus, quæ cum inuicto animo pertulisset, in carcerem retruditur. Vbi paulo post spiritum ad martyrii coronam accipiendam emisit, undecimo kalendas Februarii. Quo die martyrium quoque celebratur Anastasii natione Persæ, qui Heraclio imperatore cum Hierosolymam & loca sancta uisisset, extra castellum Bethsalem cum sexaginta Christianis, qui a Cæsarea Palestinæ ipsum fuerant sequuti, iussu regis Cosdroe fuit strangulatus.

De laude Vincentii Martyris lege hymnum in Peristephanis Prudentii.

BRIGITA VIRGO.

Georg. Viii
ecl.



Alii non Brigita, sed Birgita dicunt. Verum aut ego fallor, aut dici debet Pyrgita. Quo nomine S. Hieronymus Magdalenam alicubi uocat. Neque enim aliud Hebræis est Magdalena, & aliud Græcis πυργίτης, nimirum a turri. Eadem igitur ratione dixeris hanc diuam uel Pyrgitam, uel Magdalenam. Porro binæ Pyrgitæ feruntur, quarum altera uirgo monastica, nationis Scoticæ, tempore Iustini imperatoris: circa annum Domini 525. Altera Christo deuota femina est Suetiæ finibus, quæ Romam profecta inclaruit: circa annum Domini 1308. De uirginis Scoticæ pietate, deque per eam æditis miraculis,

culis alibi legas licet. Quod de foemina in Chronicis extat, uerisimilius est. Paulam Hieronymi discipulam aliquo modo imitari uoluit: dedicauit se totam Christo, abdicatis omnibus saeculi delitijs, Christo ut placeret, sategit: Christo seruire, regium esse & liberale duxit. Hanc quae imitentur uiduae, uix ullae sunt: quae neglecto Christo, saeculum amplectantur plurimae: his praesertim temporibus, quibus abundat impietas, feruet iniquitas. Herma. Contractus meminit utriusque Pyrgitae.

Albertus Krantz in lib. x. sic scribit: Brigita insignis sanctimonie foemina, quae memoriam suam Romae fertur in ecclesia S. Pauli reliquisse, reuersa in Suetiam patriam suam, extruxit suis sumptibus monasterium Wasteen: Erat enim magno genere militari nata, ibique in sancta conuersatione degens, hoc tempore subuolauit ad Christum, miraculis clarescens, &c.

PURIFICATIO MARIAE DEI, parae, seu festum Hypantes.

Scripserat antiquae Moses moderamina legis,
Inter quae, primos prisco de sanguine uatum
Observare dedit, foetus offerre sacrandos,
Implumesque simul ferre ad delubra columbas.
Haec ubi per Mariam templo seruata feruntur,
Ecce senex Simeon, dignus comprehendere sensu
Coelestes uoces, cui quondam praescia rerum
Virtus prodiderat, quod carcere corporis aegri
Deposito, mortem liber requiemque uideret,
Cum primum coeli laudem, terraeque salutem,
Omnia quem uatum spondent oracula, Christum
Vidisset, templo solennes ferre palumbos.
Iscque ubi, curuato defessus corpore templum
Iam grauior penetrat, monuit quod spiritus author,
Ecce simul paruum gremio genitricis lesum
Ad templum sensit uenisse, timentibus ulnis
Accepit puerum, laetusque haec dicta profatur:
Nunc nunc famulum dominus, nunc liberet atris
Corporis e uinclis, finemque imponere uerbis
Dignetur cum pace suis. en splendida nostros
Lux oculos tua circumstat, radiisque refulget,
Quam cunctis hominum lustratis mentibus addet,
Israelitarum cumulatae gloria plebis.
Hinc ait: haec quid uirgo tibi tam mira uidentur?
Hic puer ad casum populis datur, iste renasci
Concedet populis: illi signum esse negabunt

Ex Mantua
no.

Y h Foederis

DE S A N C T I S

Fœderis, hi contra cœlo uenisse tenebunt
 Liur edax faciet, lætum ut percurrat amarum,
 Atq; tuam fulgens animam (mihi crede) machæra,
 Quo pateant tecti tenebroſa uolumina cordis.
 Hæc ait in Simeone Deus. uox ecce prophetæ
 Fœmineam ſancto complet ſpiramine mentem,
 Anna fuit natu grauior, quàm in flore iuuentæ
 Conſtituit uiduam mors immatura mariti.
 Hinc fruitur caſta charo pro coniuge uita,
 Continuoq; dei cultu, quæ numine ducta
 Cognouit Chriſtum, & ſimili ſermone locuta eſt.
 Vnde ubi ſolennem pueri pro nomine legem
 Compleuit genitrix, & Joſeph omnia mirans
 Ad patriam læti repedant, puerumq; reportant.

IN IDEM EX SECVNDO LIB. PAR
thenices pri. Baptiſt. Mantua.

TAmq; quater decies croceos Titonia coniunx
 Extulerat uultus, poſtq; Lucina beatos
 Miſerat in lucem cœleſtia ſemina partus.
 Regia poſt partum Virgo, quæ limina nunq;
 Liquerat, & breuib; tectis abſcondita, nondum
 Venerat ad Solymas arces, altamq; Syonem,
 Præuigil ante diem petijt cum prole uiroq;
 Et cum pauperibus donis Salomoniam templa.
 Tum meritis longoq; ſenex uenerabilis æuo,
 Et claro Simeon uultu, niueaq; decorus
 Canicie, plusquàm grauitas anniq; ſinebant,
 Sollicito grefſu celſam properabat in ædem.
 Sanctus enim, qui munda ſolet per pectora labi
 Spiritus inceſſu celeri Simeona ferebat,
 Vt uoti fieret compos, matricq; futuros
 Euentus rerum caneret, ſæuoſq; dolores,
 Ne collata ſibi forſan myſteria uoluens,
 Efflueret faſtu pectus muliebri ſuperbo.
 Hunc Deus aſſiduû orantem fletibus olim
 Audierat tandem, & noctis reſponſa per umbram
 Tradiderat, non ante ſui uentura ſepulchri
 Funera, quàm fracto Deus illuſceret orbi,
 Inciperentq; nouæ noua ſæcula currere gentis.
 Hinc igitur dulcem materno à pectore natum
 Accipiens lætis animis, & fronte ſerena

Dulce

Dulce Deo carmen, meritisq; exsoluere grates
 Coepit, & ex alto missam clamabat Olympo
 Progeniem, & priscae uenisse piacula culpae,
 Et sic fatidicis soluit sua uocibus ora:
 Iam mea sancte pater fueras uelut ante locutus,
 Ultima pacifico concludis tempora fine.
 Namq; salutare partum, tua maxima dona,
 Vidimus his oculis, his ostentauimus ulnis.
 Immenfam reſeras lucem, populisq; sub ora
 Mittis, ut omnigenas coelesti lumine gentes
 Clarificet, crescatq; tuae noua gloria plebi.
 Tum matri conuersus ait: tua pectora uirgo
 Languor, & ingenti dolor implacabilis ictu
 Stringet, agens altum moesta in praecordia uulnus,
 Tu genitum flebis.
 Et quoniam uestris mea sunt uestigia plantis
 Obuia, posteritas hac appellabit Hypantem
 Voce diem Graia, crebrisq; erit ignea tædis.
 Haec senior uates.

BLASIUS EPISCOPVS.

Blasius quum Sebastiae, quae ciuitas est Cappadociae, sanctimo- *Ex autho.*
 nia polleret, electus est a Christianis eiusdem ciuitatis episco- *uctust.*
 pus, Diocletiano imperatore. Sed persequutione in Christianos inualeſcente, in speluncam Argei uicini montis confugit, ibiq; tam diu latuit, donec ab Agricolae praesidis militibus in eo monte uenantibus est repertus. Cuius praesidis iussu captus & in uincula coniectus est, atq; inde multos aegrotantes, qui ad ipsum adferebantur, sanauit: Et in his puerum iam conclamatũ, spina strangulante, quae transuersa in gutture ipsius inhælerat. Productus autem Blasius ad praesidem semel & iterum, cum dijs sacrificare renuisset, primum uirgis cæsus est, deinde ferreis pectinibus in eculeo laniatus, postremo capite plexus martyrio coronatur.

IOANNES ELEEMOSYNARIVS.

Iemporibus Phocæ Imperat. clauit Ioannes Patriarcha Ale- *Ex author.*
 xandriae natus, is doctrina uitaeq; sanctimonia praeditus, co- *uctust.*
 gnomentum Eleemosynarij a liberalitate ac beneficentia sortitus est. ἐλεήμων enim dicebatur planè Euangelico cognomine. Pauperes, dicebat dominos suos esse, & mendicos auxilios. Alludens nimirum ad sermonem Christi, Lucæ xvj. Facite uobis amicos de mammona
 Y iij iniquitatis

iniquitatis, ut cum defeceritis, recipiant uos in æterna tabernacula. Amicos itaq; tales domi descriptos habebat, ne quis illorū per obliuionem destitueretur. Docendo populum eò duxit, ut cuius petenti prompte atq; hilariter impertiretur, & eam ad rem citare sanctorū uirorū exempla, quæ ipse tamen omnia mirandum in modum uicit. Disperfit, dedit pauperibus quicquid habebat, quicquid illi undiquaq; obueniebat. Christianus liberalior sub sole non uixit isto Eleemone. Familiare illi dictum isthuc erat: Sic o sic bone Iesu, ego dispgendo, & tu subministrando uideamus, uter uincat. Equidem non temere Eleemosynam, hoc est, misericordiam, ceu uirginem sponsam oleacea corolla redimitam acceperat. Misericordia filium Dei deduxit è cœlo: eadem nos per illum à terra illo luc subducet. Fidelis sermo. Vide Vitas patrum fol. lxxxiiij. Scripsit huius uitam Leontius episco. in Cypro.

DOROTHEA VIRGO ET MARTYR.

Georg. Vni-
cel.

Fertur senatoria familia prognata Dorothea uirgo, atq; liberaliter educata, nec non moribus à prima statim ætate tam pudicis q; ingenuis prædita. Grassante enim passim per Italiæ diuitates sæua persecutione, commodum furori cessit pater uirginis, relictis omnibus in patria, secundum uerbum domini, & traiecto æquore, una cum filiabus suis (quarum duas habuisse superstites dicitur, nempe Chresten & Calistam) in oras Cappadociæ peruenit. Ibi cū sedem sibi pspexisset, placuit Cæsareæ cōmorari. Quo loco ex uxore sustulit tertiam filiā, hanc scilicet nostrā Dorotheam, uice magni à Deo doni. Quoniā uero in illis quoq; mundi partibus odio Christiani nominis omnia flagrarūt, coactus fuit pius genitor, dissimulanter curare, ut filiola sacramento Baptismatis ecclesiæ initiaretur. Virgo igitur posteaq; adoleuisset, forma insignis, et rogata Fabritio præfecto sui copiam facere nollet, utpote intactæ uirginitatis sedula custos, irritatus leo ille, in uirgunculam sæuire cœpit: sed tot tormentis admotis, nihil efficere ualuit. Constitit enim puella Marpesiæ cautis instar fide robusta, in confessione Christianismi, nec se hinc blandis pollicitis, nec minis immanib. adeoq; truculentiss. poenis à Deo ad deos abduci patitur. Vox hæc fortissima memoratu digna est: Deum adoro, non deos. Præter hanc ista quoq;, quam in medijs tormentis edidit: Nihil non Fabrici tyranne, pati parata sum pro amore honoreuē Christi Iesu domini ac sponsi mei. Nemo facile effabitur, quali laniena corpus istud tenerrimum uexarint carnis fices, lædendo lassati, non satiati. Atque hinc elucet uirtus Dei magna, qua tot mortibus superuixit ouicula boni pastoris. Verum non sat habuit religiosiss. uirgo, quod ob confessionem fidei masculo animo pateretur, nisi bonum etiam opus in ipso agone, ui Christianæ dilectionis adducta,

adducta faceret. Cum enim animaduerneret utranq; sordem supplicij formidine à confesso Christo Iesu turpiter descivisse, illasq; ad cumulum sui sceleris hoc quoq; addituras, ut tertiam, Dorotheam hanc, natu minorem, spiritu maximam, secum in æternum interitum pellicerent, euenit uersis uicibus, ut eximia uirgo magna cum admiratione omnium, re lapsas sorores abnegato per efficaciam prædicati uerbi tandem restituerit, atq; ita suo utraq; soror Græco nomini respondit. Chresta commodam dulcemq; sonat: Talis enim altera Christo sponso facta est. Altera Callista hoc est optima à Christo habita est, quod maluit Christiana quam Ethnica mori. Iam uero Dorotheæ toties serpente deuicto, restabat triumphus. Produci igitur ad supplicium capitis iussa, obuium habuit Theophilum protographæa quendam. Is ioco seriorie puellam cruentæ morti destinatam rogare cœpit, ut sibi de charissimi sponsi sui, toties iactata paradiso, aliquid odoramentorum aut etiam fructuum, faciendæ fidei gratia dono mitteret, simulatq; se consulisset illò. Puella tuueni amata, Christum amans, ab amato Christo prece impetrat, ut Theophilo illi ad uitam præordinato, quod rogarat, confestim in aulam mitteretur. Nam hoc pacto ipsa suam liberabat fidem pariter & iuuenem ad fidem illectum, ad se statim uocabat, in æternæ uoluptatis consortium. Accidit enim ut non solum Dorothea spiculatoris gladio ceruicem candidissimam præberet, occumberetq; aut potius moriendo uinceret: uerum etiam Theophilus, posteaq; ille Christum confessus, Baptisma, ac mox corpus & sanguinem Dominicum in communione ecclesiæ ultro acceperat. De ipsis quoq; sororibus eò quod calcatis Idolis, Christi Iesu sese ueræ religioni contradidissent, à gentilitatis errore quasi postliminio reuersæ, poena capitis sumpta est. Acta eiusmodi feruntur esse sub Diocletiano & Maximiano imperatoribus Rom.

Alia Dorothea fuit olim Alexandriæ, eiusdem nominis uirgo, de qua Eusebius lib. viij. cap. xvij. sic scribit: Verum cum duobus grauissimis dominis libidine & crudelitate præceps ageretur, fuit apud Alexandriam Dorothea quædam satis nobili orta familia, ingentibus diuitijs, & propinquis nobilibus pollens. Sed in ea ingenij atq; industriæ bonū, cæterarumq; honestarum artium studia magis, q̃ hæc, uigebant. Forma uero & decoris gloria tanta ei fuit, ut mirum ac speciale in ea dei figmentum crederetur. Sed illa quæ religione animi & honestate uitæ pulchrior, q̃ uultu corporis esse studeret, æquissimo mentis iudicio, qd pulchrum & decorum inter homines uidebatur, id potius Deo consecrare, q̃ usui humano statuit indulgere, ut uirgo deo sacrata persisteret. At ille qui diuina atq; humana, libidine simul & crudelitate foedaret, cognito solius formæ, non etiam ingenij ac propositi bono, ad contemnerandam uirginem, ac polluendam eius castitatem, animū intendit. Comperito uero qd Christiana esset, quæ secundum sua edicta poenæ magis, q̃ libidini

q̃ libidini subſc̃iēda uideretur, in ambiguo poſitus, æſtuare cœpit, & in quam ſe partē uerteret, ignorare. Sed ubi dubios animos libido, quæ ei latius dominabatur, obtinuit, & expectantē uirginem pro martyrio ad ſupplicium rapi per occultos nuncios de ſtupro interpellauit, illa æque nephas ſibi eſſe reſpondit, templum corporis ſui, quod ſemel deo conſecrauerat, idolorum cultu, ac libidinis contagione polluere. Proinde ſe quidem ad mortem paratam eſſe: à crudeli uero tyranno non decere blandum aliquid aut molle proferri, nec eſſe dignum reſolui erga ſe truces animos, quos quotidie undatim Chriſtianorū profuſus cruor duraret. Ad quæ reſponſa cū ille libidine accenſus acrius incaleſceret, & niſi uerbis acquieuiſſet, ui agere decerneret: omnibus uirgo pudiciſſima facultatibus ſuis, domoq̃ ac familia derelicta, noctu clam cum paucis ſiſſimis famulis, & cum amiciffima ſibi comite caſtitate diſcedit, atq̃ in luſum tyrannum uanum amentemq̃ dereliquit. Sed & alias plurimas nobiles mulieres ſimul ac uirgines exemplo illius adortus, ſed exemplo nihilominus illius paratiores ad mortem, q̃ ad ſeruitutem libidinis natus, crudelibus ſupplicijs affici iubet. Quæ multo promptius & lætius q̃ cæteri omnes mortem ſubibant, eo q̃ duplices ſibi coronas à domino præparandas, non ſolum pro pietate, uerum etiam pro caſtitate credebant.

SEBASTIANVS MILES ET MARTYR.

Georg. Viii.
cel.

Natione Narbonenſis, ciuis uero Mediolanenſis, Diocletiano & Maximiano Imperatoribus Rom. ob uirtutem militarem in precio habitus, & iudicatus idoneus, qui primariæ cohorti præiceretur. Iam uero quia Chriſtianus erat, neq̃ tamen in proſpatulo id iactitaret, propter metum tyrannorum, pie adſciebatur erga fratres, in carceribus ac tormentis: & quum percepiffet, quosdam horū immodicis torturis ſuperatos, ad religionis noſtrę negationem declinare, non potuit ſe cohibere, quin illos adierit, atq̃ ſermone protreptico confirmarit, ut fortem poſcant animū, mortis terrore carentem. Suſpitionem communis profeſſionis depulit chlamys, quam Romanorum militum more etiamdum geſtabat. Quis em̃ Chriſtianum ſub chlamyde latere ſuſpicari potuit inter gentes? Inter cæteros, quos in ipſis ſupplicijs mirifice animarat, Marcum etiam & Marcellinum geminos fratres, nobiliſſimi Tranquilliani & Martiæ filios, iamā nimio cruciatu ad negationem adigendos, ad mentem reuocauit, magnanimosq̃ uiuidis dei uerbis reddidit, ut cuncq̃ parentes, cognati, uxores unā cum liberis uinctorum iſtorum reniterentur. Nam illis ad extremum obſecrantibus ac miſerabiliter eiulantibus, ut conſeruandæ uitæ cauſſa Chriſtum abnegarent, ac idolis thus adolerent in gratiam Magiſtratus, irrupit ſebastianus heroico pectore, & oratione habita, in propoſito retinuit inſigne

gne par istud Confessorū. Fortior erat Sebastiani exhortatiō ad Martyrium suscipiendū, ac præualuit tam maternis q̃ uxorijs affectibus. Vbera matris exerta, obiecti ab uxoribus paruuli nō potuerunt a martyrio diuellere, quos spiritus ore Sebastiani supra firmam petram collocarat. Dum hæc aguntur in ædibus cuiusdam Nicostrati, eduntur miracula diuinitus, quibus cognitis crediderunt ac baptizati sunt duo iuga illa: nimirum Nicostratus cum Zoë uxore, & senior Tranquillinus una cum Martia uxore. De duabus uxoribus martyrij candidatorum hæctenus nihil tale lego. Atq; ea occasione poterant duo illi filij mortis, Nicostrati Christiani iam beneficio, è carcere dimitti, nisi calicem domini usq; adeo sitiuisent, hoc est, nisi mori libentissime uoluissent. Sententia tandem fertur à iudice iniusto, Marcus cum fratre Marcellino capite plectuntur, animabus Christo cōmendatis. Non multo post, palam innotuit, Sebastianum Christianum esse: nec is tale perpetuo dissimulabat, et instabat tempus resolutionis suæ. Igitur hunc imperator ad se uocatum acriter obiurgauit, exprobrauitq; ei honoraria beneficia suæ Maiestatis. At uir sanctus contra allegauit, se ad Deum opt. max. pro Romani Imperij salute indefinenter precari, nec mutatam in melius religionem Reipublicæ obesse. Imò profuerat tum alijs promiscue, tum Chromatio præfecto, quem ægrotū pristinae sanitati restituerat uirtute Christi, contritis domesticis idolis. Confregit ipse imagines Sebastianus, nec horū unam quidem superesse passus apud Chromatiū, ne hominis fides infirmiuscula posthæc ad huiusmodi impingeret. Verum Diocletians tyrannus nulli Apologiæ locum relinquens, iubet Sebastianum abripi, extra muros trahi, scopi uice statui, & præacutis missilibus sociorū confodi: Nouum supplicij genus excogitatum, ne non miles militariter occūberet, tametsi Christi miles occubuit, uereq; Sebastianus, id est, pius, non iam qui fuerat, impijs. stipendiarius diaboli. Nec omnis ante occubuit, q̃ iterum atq; iterum ueritatem Christianæ fidei fuisset cōtestatus coram ipsis tyrannis, quos usq; ad ultimum uitæ spiritum de tyrannica in Christianam gentem sæuicia uehementer redarguit. De martyribus Sebastiano, Marco, Marcellino, Nicostrato & Zoë uxore huius sub Diocletiano, liquet etiam ex Chronicis. De ipso Sebastiano diuus Ambrosius sup. Psal. c. xviij. sic scribit: Vbi multæ coronæ, multa certamina. Tibi ergo proficit, q̃ multi persecutores sunt, ut inter multas persecutiones facilius inuenias, quomodo coroneris. Utamur exemplo Sebastiani martyris, cuius hodie natalis est. Hic Mediolanensis oriundus est: fortasse aut iam discesserat persecutor, aut adhuc non uenerat in hæc partium, aut mitior erat. Aduertit hic (Mediolani) aut nullum esse, aut tepere certamen: Romam profectus est, ubi propter fidei studium persecutiones acerbæ feruebant, ibi passus est, hoc est, ibi coronatus. Itaque illic quò hospes aduenit, domicilium immortalitatis perpetuæ colloca-

Z

uit.

uit. Si unus persecutor fuisset, coronatus hic martyr utiq; nō fuisset, &c. Reliqua leget pius presbyter apud ipsum Ambrosium. Da Christe, ut nos eodem induti spiritu libertatis, ac pari magnanimitate ac uehementia præditi, ueri Christianismi negotium ubiq; agamus, & pro uno Sebastiano terris adempto, mille exoriantur, Amen.

FABIANVS EPISCOP. ET MARTYR.

Romæ ortus, patre Fabio, uir pietati Christianæ deditissimus, quam ob rem Anthero Romano Episcopo (cuiusmodi hodie Papas uocant) ut in pastoralis officio succederet, mirabiliter à deo electus est. Eusebius Cæsarien. in sexto super ista mirabili electione sic scribit: Tradunt Fabianū, Anthero defuncto, cum de agro reuerteretur und cum amicis suis, & uniuersus Ecclesiæ populus pro Episcopo deligendo in unum coisset, atq; alius de alio (ut fieri solet in talibus) conclamaret, nec tamen uulgi sententia certi aliquid obtineret, adstitisse etiam ipsum inter cæteros, scire cupientem, qui rei exitus foret. Et subito per dei prouidentiam columbam coelitus lapsam, figuram ferentem illius, quæ in sancti spiritus imagine super Iesum descenderat apud Iordanem, supra caput astitisse Fabiani. Ad quod spectaculum ora cunctorum oculosq; conuersos: & omnes uelut uno spiritu commotos, hunc esse Episcopatu dignum, per dei iudicium decreuisse, eumq; mox Cathedræ impositum, & legitimo sacerdotio confirmatum, &c.

Diuus Hieronymus in libro de scripto. Eccle. cap. xxj. de S. Fabiano sic reliquit scriptum: De crudelitate autem persecutionis, qua aduersum Christianos sub Decio consurrexit, eo q; in religionem Philippi desæuaret, quem & interfecit, superfluum est dicere, cum etiam Fabianus Rom. Eccles. Episc. in ipsa occubuerit, & Alexander Babylasq; Hierosolymorum & Antichenæ Ecclesiæ Pontifices in carcere pro Confessione dormierint. Hactenus ille. Atq; ita habes & uitam & mortem sancti Fabiani ab Eusebio & Hieronymo descriptam. Fuit & alius Fabianus, nempe inter istos xxiiij. Antichenos Episcopos planè diuinos, successionē decimus quintus, de quo etiam apud Eusebium.

AGNES VIRGO ET MARTYR.

DE sancta Agnete uirgine & martyre scribit S. Hieronymus ad Demetriadem de uirginitate seruanda in hunc modum: Si te uirorum exempla non prouocant, hortetur faciatq; securam beata martyr Agnes, quæ & ætatem uicit & tyrannum, & titulum castitatis martyrio consecrauit, &c.

In eodem libello de eadem uirgine idem Hieronymus sic: Omnium gentium

gentium literis atq; linguis in Ecclesijs Agnes uita laudata est, &c.

De eadem uirgine Agna S. Ambrosius copiose scribit, nec quid certius de hac sanctissima uirguncula atq; Christi ouicula uspiam extat, q̄ qd apud Ambrosium lib. j. de uirginib. & sermone xc. legitur. Visum uero est transcribere eiusmodi ex Ambrosio, propter eos, quibus desunt Ambrosianæ lucubrationes: Natalis est sanctæ Agnes, mirentur uiri, non desperent paruuli, stupeant nuptæ, imitentur innuptæ. Sed qd dignum ea loqui possumus, cuius ne nomen quidem est uacuum luce laudis? Fuit deuotio supra ætatem, uirtus supra naturam, ut mihi uideatur non hominis habuisse nomen, sed oraculum martyris, quæ indicauit quid esset futura. Habeo tamen, unde mihi subsidium comparetur. Nomen uirginis titulus est pudoris: Appellabo martyrem. Prædicaui satis, proluxa laudatio est, quæ non quæritur, sed tenetur. Facebant igitur ingenia, eloquentia conticescat. Vox una præconium est. Hanc senes, hanc iuuenes, hanc pueri canant. Nemo est laudabilior, q̄ qui ab omnibus laudari potest. Quot homines, tot præcones, qui martyrem prædicant, dum loquuntur. Hæc duodecim annorum martyrium fecisse traditur. Quo detestabilior crudelitas, quæ nec minusculæ perpercit ætati. Imo magna uis fidei, quæ etiam ab illa testimonium inuenit ætate. Fuit ne in illo corpusculo uulneri locus? Et quæ non habuit, quo ferrum reciperet, habuit quo ferrum uinceret. At istius ætatis puellæ toruos etiam uultus parentum ferre non possunt, et acu districta solent puncta flere quasi uulnera. Hæc inter cruentas carnificum impauida manus, hæc stridentium grauib. immobilis tractibus catenarum, nunc furentis mucroni militis totum offerre corpus, mori adhuc nescia, sed parata, uel si ad aras inuita raperetur, tendere Christo inter ignes manus, atq; in ipsis sacrilegis focus trophæum Domini signare uictoris, nunc ferratis colla manusq; ambas inserere nexibus. Sed nullus tam tenuia membra poterat nexus includere. Nouum martyris genus, Nondum idonea pœnæ, & iam matura uictoriæ: certari difficilis, facilis conari, magisterium uirtutis impleuit, quæ præiudicium uehebat ætatis. Non sic ad thalamum nupta properaret, ut ad supplicij locum, læta successu, gradu festina uirgo processit, non intorto crine caput compta, sed Christo, non flosculis redimita, sed moribus. Flere omnes, ipsa sine fletu. Mirari pleriq; q̄ tam facile uitæ suæ prodiga, quam nondum hauserat, iam quasi perfuncta donaret. Stupere uniuersi, q̄ iam diuinitatis testis existeret, quæ adhuc arbitra sui per ætatem esse non posset. Effecit deniq; ut ei de deo crederetur, cui de homine adhuc non crederetur: quia quod ultra naturam est, de autore naturæ est. Quanto terrore egit carnifex, ut timeretur? quantis blanditijs, ut persuaderet? quantorum uota, ut sibi ad nuptias proueniret? At illa: Et hæc spōsi iniuria est, inquit, expectare placituram. Qui me sibi prior elegit, accipiet. Quid percussor moraris? Pereat corpus,

Z η quod

quod amari potest oculis, quibus nolo. Stetit, orauit, cervicem inflexit. Cerneret trepidare carnificem, quasi ipse addictus fuisset, tremere percussoris dextram, pallere ora alieno timentis periculo, cum puella non timeret suo. Habetis igitur in una hostia duplex martyrium, pudoris & religionis. Et uirgo permanfit, & martyrium obtinuit.

Idem Ambrosius lib. j. offic. cap. xli. de hac uirgine: Quid de sancta Agne, inquit, quæ in duarum maximarum rerum posita periculo, castitatis et salutis, castitate protexit, salutem cum immortalitate cōmutauit.

Maximus Taurinensis Epif. de hac nostra uirgine sic scribit: Pulcherrima de uirgine Christo consecrata discite uirgines Christi amorem in puella feruentem, &c. Agnes nescit amare, quod transit, &c. Agnes per opprobria sequitur Mariam. Item, cui etiam lupanar turpitudinis locus orationis efficitur. Ait item Taurinensis ille: Aut dum Laurentium in craticula assatum recolis, atq; Agnem sicut Teclam flammaram globos euasisse cognoscis, &c.

HISTORIA PASSIONIS S. AGNÆ
ex sermone XC. Ambrosij.

Tertiodecimo ætatis suæ anno mortem perdidit, & uitam inuenit, quia solum uitæ dilexit autorem. Infantia quidem computabatur in annis, sed erat senectus mentis immensa. Corpore quidem iuencula, sed animo cana. Pulchra facie, sed pulchrior fide. Dum à scholis reuertitur, à præfecti urbis filio adamatur: cuius parentes dum requisisset & inuenisset, coepit offerre plurima, & plura promittere. Deniq; detulerat secum pretiosissima ornamenta, quæ à beata Agne ueluti quædam stercora sunt recusata, &c. Reliqua ex allegato sermone fol. cccciij. usq; huc: Emerentiana autem quæ fuerat, &c.

Aurel. Prudentius passionem S. Agnes eleganter iuxta ac pie descripsit, in libro Peristephanon.

VITA SANCTÆ EMERENTIANÆ
uirginis, ex Ambrosio descripta.

Emerentiana, quæ fuerat collectanea eius, uirgo sanctissima, licet catechumena, constanter intrepida stabat immobilis, & his uerbis exprobrabat eos: Superflui, miseri, caduci, atque atrocissimi, deum omnipotentem colentem occidistis, & percussione lapidū homines innocentes iugulastis. Hæc et his similia dum turbis furentibus diceret, lapidata est ab eis, & orans iuxta sepulchrum Agnes beatissimæ, emisit spiritum. Nō dubium est, quod in suo sanguine sit baptizata, quæ pro defensione iustitiæ, dum confiteretur dominum, mortem constanter excepit. Eadem deniq; hora fit terræmotus uehementissimus,

mus: & cum nimia esset cœli serenitas, tantæ coruscationes, tantaq; fulgura & tonitrua extiterunt, ut pars maxima infani populi expiraret. Vnde factum est, ut nullus penitus ex eo aduenientibus ad sepulchra sanctorum aliquas molestias excitaret. Venientes autem parentes beatę Agnes cum sacerdotibus nocte, abstulerunt corpus sanctę Emerentianę uirginis, & sepelierunt illud in confinio agelli beatissimę uirginis Agnes. Igitur dum parentes beatę Agnes assiduīs pernoctationibus uigilarent ad tumulum eius, uident in medio noctis silentio exercitum uirginum, quę omnes auro textis cycladibus indutę, cum ingenti lumine præteribant, inter quas uident beatissimam Agnem simili ueste fulgentē, & ad dexteram eius agnū niue candidiorem. Hęc itaq; dum uiderent parentes eius, & qui simul erant, stuporem mentis incurrunt. Sęd beata Agnes rogat sanctas uirgines, parumper gradum figere, & stans parentibus suis dixit: Videte, ne me quasi mortuam lugeatis, sęd congaudete mihi & cōgratulamini, quia cum his omnibus lucidas sedes accepi. Et illi sum iuncta in cœlis, quem in terris tota animi intentione dilexi. Et his dictis p̄transiit. Hęc uisio publice ab omnibus qui uiderant, q̄tidie uulgabatur. Vnde factum est, ut post aliquantos annos ad Constantiā Constantini filiā hoc factum ab his, qui uiderant, narraretur. Erat em̄ ipsa Cōstantia regina uirgo prudentissima, sęd ita obfessa uulneribus, ut à capite usq; ad pedes nulla membrorum pars libera remansisset. Accepto autem consilio spe recuperandę salutis, uenit ad tumulum martyris nocte, & licet pagana, tamen credula animi intentione preces fideliter fundebat. Quod dum faceret repentina somni suauitate corripitur, & uidit per uisum beatissimam Agnem talia sibi monita præferentem: Constanter age Constantia, & crede, dominum Iesum Christum filium Dei esse saluatorem tuum, per quem modo consequeris omnium uulnerum, quę in corpore tuo pateris, sanitatem. Ad hanc uocem Constantia euigilat sana, & sic sana, ut nec signum in eius membris alicuius uulneris remaneret. Reuersa igitur ad palatium sanissima, facit gaudium & patri suo, & fratribus suis imperatoribus. Coronatur ciuitas tota, fit lætitia militantibus atq; priuatis & uniuerſis audientibus hęc. Infidelitas gentium confundebatur, & fides dominica lærabatur. Interea patrem & fratres Augustos rogat, ut basilica beatę Agnes construeretur, & sibi illic mausoleum collocari præcepit. Currit hęc opinio ad omnes, & quotquot credentes ad tumulum eius aduenissent, sanabantur, quacuncq; fuissent infirmitate detenti. Quod facere Christum nullus dubitat usq; in hodiernum diem. Perseuerauit autem Constantia Augusti filia in uirginitate, per quam multę uirgines, & mediocres, & nobiles, & illustres sacra uelamina susceperunt. Et quia fides mortis damna non patitur, usq; in hodiernum diem multę uirgines Romanę Agnem beatissimam, quasi in corpore manentem attendunt. Et eius

exemplo agentes uiriliter, integre perseverant credentes sine dubio, & persecrantes perpetuæ uictoriæ palmam acquirant. Hæc ego Ambrosius seruus Christi, dum in uoluminibus diuinis inuenissem scripta, non sum passus infructuoso silentio tegi. Ad honorem igitur tantæ martyris, sicut gesta eius agnoui, conscripsi, & ad ædificationem uestram o uirgines Christi, textum passionis eius credidi destinandum, obsecrās charitatem spiritus sancti, ut labor noster in uestra imitatione fructum in conspectu Domini ualeat inuenire, Amen.

HELENA CONSTANTINI MATER.

Georg. Vitis
ccl.



Helena Constantini mater, foemina incomparabilis fide & religione animi, ac magnificentia singulari, cuius iure Constantinus & esset filius, & crederetur: diuinis admonita uisionibus, Hierosolymam perit, atq; ibi locum, in quo sacrosanctum corpus patibulo affixū pependerit, ab incolis perquirat. Qui idcirco ad inueniendum difficilis erat, quod ab antiquis persecutoribus simulachrum in eo Veneris fuerat defixum, ut si quis Christianorum in loco illo Christum adorare uoluisset, Venerem uideretur adorare. Et ob hoc infrequens & penè obliuioni datus fuerat locus. Sed cum (ut supra diximus) religiosa foemina pperasset ad locum, cœlesti sibi indicio designatū, cuncta ex eo pphana & polluta deturbans, in altum purgatis ruderibus, tres confuso ordine reperit cruces: sed obturbabat reperti muneris latitiam uniuscuiusq; crucis indiscreta pprietas. Aderat quidē & titulus ille, qui Græcis, & Latinis, atq; Hebraicis literis à Pilato fuerat conscriptus. Sed nec ipse satis euidenter dominici pdebat signa patibuli. Hic iam humanæ ambiguitatis incertū, diuinum flagitabat testimonium. Accidit in eadē urbe, primariam quandam loci illius foeminā graui ægritudine cōfectam, seminecem iacere. Macarius per idem tempus ecclesiæ illius episcopus erat. Is ubi cunctantem reginam, atq; omnes pariter qui aderant uidet: Adferte (inquit) huc totas, quæ repertæ sunt cruces, & quæ sit quæ portauerit Dominum, nunc nobis adaperiet Deus. Et ingressus cum regina pariter & populis ad eam, quæ decumbebat, defixis genibus huiusmodi ad Deum precem profudit: Tu domine, qui per unigenitum filium tuum salutem generi humano per passionem crucis conferre dignatus es, & nunc in nouissimis temporibus adspirasti in corde ancillæ tuæ perquirere lignum beatum, in quo salus nostra pependit, ostende euidenter ex his tribus, quæ crux fuerit ad dominicam gloriam, uel quæ extiterint ad seruire supplicium, ut hæc mulier, quæ semiuua decumbit, statim ut eam lignum salutare contigerit, à mortis ianuis reuocetur ad uitam. Et cum hæc dixisset, adhibuit primò unam ex tribus, & nihil profecit; Adhibuit secundam, & ne sic quidem aliquid actum est.

Vt uero

Ut uero admouit tertiam, repente adaperitis oculis mulier confurrexit, & stabilitate uirium recepta, alacrior multo quam cum sana fuerat, tota domo discurrere & magnificare Dei potentiam coepit. Sic euidenti indicio regina uoti compos effecta, templum mirificum in eo loco in quo crucem reppererat, regia ambitione construxit. Clauos quoque quibus corpus dominicum fuerat affixum, portat ad filium: Ex quibus ille frenos composuit, quibus uteretur ad bellum, & ex alijs, galeam nihilominus belli usibus aptam fertur armasse. Ligni uero ipsius salutaris partem detulit filio, partem uero thecis argenteis conditam dereliquit in loco, quae etiam nunc ad memoriam sollicita ueneratione seruatur. Reliquit etiam hoc indicium religiosi animi regina uenerabilis. Virgines quas ibi repperit deo sacratas, inuitasse ad prandium, & tanta eas deuotione curasse dicitur, ut indignum crederet si famulorum uterentur officijs, sed ipsa manibus suis, famulae habitu succincta, cibum apponeret, poculum porrigeret, aquam manibus infunderet, & regina orbis ac mater Imperij, famularum Christi se famulam deputaret. Et haec quidem Hierosolymis gesta

AGATHA.

Non nomine tantum Agatha, hoc est, bona uirgo, haec Catanae in Sicilia, parentibus genere claris, nata. Post haec aqua et spiritu renata, Christum e fide haud dissimulanter confitebatur. Vas infirmius audet, quod uix uiri fortissimi. Sed ut fieri solet, per inuidiam serpentis comitatur confessionem Crux, quae uaria occasione homines dei e malo saeculo rapit. Equidem hanc uirginem Siculam occasione fere tali e terris ademit. Erat eo tempore uir illaudatus, Quintianus, Sicilię consul: hic nepharia cupiditate motus, ad uirginem corruptendam animu adiecit. Quam cum accersisset, proposuit scelerati sui peccatoris summam malitiam, huc spectans, ut Agatha simul & fide & uirginitate spoliaretur. Sub omni moto lapide, scorpius dormiebat: anguis in herba latebat. Virgo persentiscens dolum, negat se facturam, ad quod blande sollicitabatur. At ille cupidinis ictus iaculo infeliciter in puellam deperibat. Et ut uoti compos fieret, subordinat Aphrodisiam nobilissimum eius insulae scortum, ut meretricijs artibus Agathae sententiam a proposito demutaret, faceretque, ut isto lenocinio ad impudicitiam inescaretur. Tentatum est quiduis, effectum nihil. Nam puella instar silicis ponit faciem suam, ac plena fide respondet: Mea mens supra petram, qui Christus est, solidata atque innixa, uerbis tuis quantiscumque non cedit. Aphrodisia, Veneris suę nomē habens, uere ἀπορωμένη εἰς Χριστὸν, posteaque se lulisse operam uidet, ait consuli: Ante dura saxa in ceram modum molliri, quam hanc Christianam puellam flecti posse. Inter has tentationes grauissimas sancta Agatha uberrimo fletu opem fortissimi Dei ardentem implorat, nec iam aliud, nisi Mar-
tyrij

Georg. Vita
celij.

tyrj palmam sitit, Dissolui uidelicet, & cum Christo Iesu esse cupiens. Consuli Quintiano aliud persuadendi consilium protinus suggessit Satan. Vocat Agatham, & conatur simplicitatem uirginis probabilibus humanæ sapientiæ uerbis decipere. Verum hac quoq; uia operam frustra sumpsit. Virgo enim in isto uerborum certamine magis ac magis Christi Iesu gloriam illustrans, diuinæ sapientiæ eloquijs disputando uicit. Quàm erubuisse putandus est miser ille, quum Iouem ac Venerem flagitiosiss. portenta sibi in os obijci audiret: Pudeat, inquit, diuinitus docta uirgo, pudeat Quintiane te hos colere deos & deas, à quorum spurcissimis ac execrabilibus factis ipse abhorres: Ipsa ego uiuum colo Christum, à dextris Patris in cœlo consedentem, cui seruire ingenuum est, & liberos homines addecet. Hinc pudefactus Consul tyrannidem in consilium adhibuit, commodum ratus, cogi oportere puellam pertinacem, ut quæ nulla blandiloquentia, nullis pollicitorum illectas mentis derjci quiuert. Proinde in carcerem hostili manu trahitur, aut ducitur potius, ultro sequens ad lanienam ouis. Paucis post diebus educitur ad agonem quendam: Proponuntur statim duo, nempe, ut aut Christo abnegato adoraret Idola *ἑθνη*, aut sineret se eculeo torqueri. Responsum est, satius mori, q̃ Christo ualedicere. Admouet eculeus, Agatha perfert atq; obdurat, imò etiam contestata, se tantas poenas minime horrere: nam per has patere uiam ad possessionem paradisi. Granum tritici terræ credendum, ut fructum ferat, dein excutiendas esse paleas, ut appareat frumentum. Tyrannus ira ferox, ut incestos oculos in uirgineo corpore pasceret, iussit patientissimæ puellæ mammillas ignito forcipe disseccari, hoc ipsum scilicet, quod in matre sua suxerat. Peracto agone, conijcitur secundo in atrum carcerē, ut ibi dolore ac inedia periret. Dominus autem Iesus, cui cura erat de sua sponsa, uolens fidem atq; constantiam puellæ uictoris confortare, misit uirum non sine miraculo addito, qui sauciū lacerumq; corpusculum uirtute diuina medicaretur. Illa primum somnians medicinam esse humanā, respuit medicas manus. Tandem ubi intellexit, rem diuinitus geri, ultro paruit, simulq; Patri cœlesti pro cura tali gratias egit. Iam redintegrato corpore, mirum in modum, si unquam antea, ob Christum animam profunderè præoptauit. Accidit igitur, ut denuò educeretur ad obeundū agona. Hic Quintianus multa iterum tentauit, puellæ ad relictum paganismum retrahendæ gratia, sed quid promouerit, indicabit exitus. Ætnam montem patrium Vulcani sui sedem restinxisset citius, quàm hunc pietatis calorem in Agatha. Multa Christianissime in tyrannū prolocuta, ad asserendum Euangelium, impie diripitur ac prunis ardentibus inijcitur. Quod supplicij cum per miracula cœlitus ædita, uiua etiamnum euasisset, tertio reducitur ad carcerem, ubi animam exhalauit, simulatq; hanc precatiunculam finisset: Domine Iesu Christe, qui me creasti, & iam inde ab infantia

custo,

custodisti, qui corpus meum à pollutione præsenuasti, & animam meam ab amore sæculi huius abstraxisti, quicq; tormenta atrocissima in me uicisti, ac post hæc patientiā meam exercuisti, oro, accipe spiritum meum; & iube me ad misericordiam tuam uenire, Amen. Acta tempore Decij Imperatoris Romani. Nec caret miraculo, reperta tabula illa marmorea in sarcophago soporatae uirginis, in qua leguntur uerba hæc fuisse incisa: Mentem sanctam spontaneamq; honorem deo, patrie liberationem. Quo ueluti sempiterno apud ecclesias omnes testimonio claret tota praxis sanctæ Agathæ. Orationis tria membra sunt: Primo indicat, ipsam Agatham non solum sancte uixisse, uerumetiam sponte ac libenter pro Christo mortem oppetiisse. Deinde comprobatur, uirginem hanc Deo uni, uiuo & æterno in spiritu seruiisse, ac Seruatorem illum suum cum primis honorasse, tam in credendo quàm in operando. Postremo significatur, eandem patriæ quoq; suæ profuisse, exemplo nimirum & intercessione. Raphael Volater. lib. xij. Anthropologiæ de S. Agathâ sic habet: Agatha uirgo Catanensis, & Martyr sub Gallo mammillis torta. De S. Agatha Sabellicus lib. v. exemplorum: Sunt, inquit, & muliebris sexus non minus grandia uirtutis huius exempla, nec pauciora: sed unum ponere aut alterum curæ erit, ne caput nimium crescat, dissecta est fidiculis atque eculeo imposita Agatha Catanensis uirgo, quia dæmonibus nollet sacrificare, uel quia testata est se non pœnis affici, sed delectari, sœuire Quintianus Siciliae proconsul simulq; illi mammam imperat à pectore diuelli, conuulsam uirgo impio homini exprobrat: An non pudet te Quintiane laniasse in me, quod te in matre aluit? Diuus Gregorius lib. i. Epistolarū ad lo. episc. Surretinum mentionem facit reliquiarum sanctæ Agathæ martyros. Utinam omnes utriusque sexus Christiani ita exigāt uitam suam, ut in unumquemlibet ille ternio competat. Simus Agathi, simus Agathæ, hoc est, bene uiuamus, bene moriamur, & non aberit, quin eodem coronemur præmio.

APOLLONIA VIRGO ET MARTYR.



Polonia uirgo in urbe Alexandrina sœuiente in Christianos tempore Decij Imperatoris persecutione, quum iam in senili ætate à furente populo correpta, & ad idola perducta adorare recusasset, dentes ei primum effossi sunt omnes, deinde congestis lignis, incensoq; rogo combusturos se minantur carnifices uiuam, nisi Christum detestata, deos alienos adoraret. At illa in fide Christi constantissime perseverans, crudelissimā mortem subire maluit, quàm à uera pietate discedere. Itaque corpore sœuissimis flammis absumpto, inuisibilis spiritus in cœlum ad martyrij coronam euolauit.

Ex Eusebio:

à De

DE S A N C T I S
DE EADEM VIRGINE APOLLONIA
ex Eusebii historia.

Admirandam uirginem longæuæ ætatis Apolloniam nomine cum corripuissent, dentes primò ei omnes effoderunt, congestis deinde lignis extruxerunt rogam, cōminantes uiam se eam incensuros, nisi cum ipsis pariter impia uerba proferret. At illa ut rogam uidit esse succensum, paululum quid in semetipsa molitur, repente uero se è manibus proripuit impiorum, atq; in ignem quem minabantur, sponte prosiluit, ita ut perterrerentur etiam ipsi crudelitatis autores, quòd promptior inuenta est ad mortem fœmina, quàm persecutor ad pœnam. Serapionem quoq; domi suæ repertum, crudelissimis afferere supplicijs, ita ut omnes ei iuncturas membrorum prius soluentes, de superioribus eum præcipitarent. Nullum nostris iter erat per uiam, nullius plateæ transitus indulgebatur, neq; die neq; noctu procedendi usquam libera erat facultas. Vt enim quis nostrum aparuisset in publico, statim clamor uulgi & seditio nascebatur, ut uel pedibus traheretur qui uisus esset, uel igni succenderetur. Verum cum hæc mala per dies singulos augerentur, subito inter ipsos persequutores rabies quædam belli ciuilis exarsit, & dum inter se seditionibus prælijsq; decertant, interim nobis paululum licuit respirare. Sed non in longum uenia fuit. Continuò namq; crudelissima principum mittuntur edicta, quibus tanta aduersum nos ferebatur immanitas, ut secundum quod prædictum est à domino: Si fieri potest, scandalizarentur etiam electi. Ex quo perterritis penè omnibus, quidã ex ipsis nobilibus se sponte impijs actibus ingesserunt, alij conuenti tantummodo, nonnulli à domesticis proditi, ad sacrificia execranda, & ad immundas hostias properabant. Aliqui ex his pallentes & trementes, & magis immolari ipsi, quàm immolare Idolis uiderentur, ita ut etiam ab inspectante uulgo irriderentur, eò quòd & ad moriendum, & ad sacrificandum iuxta meticulosi uiderentur. Alij sanè tam impudenter ad aras prosiliebant, ut & affirmare nitebantur, se nunquam Christianos fuisse.

COINTHA.

Eusebius eodem loco de Cointha scribit, quã quidam falsò Coniutam uocant: Post hæc (inquit Eusebius) mulierem quandam nobilem Cointham nomine, ad idola perducētes adorare cgebant: recusantem, imò potius execrantem, uincula pedibus innectentes, & per plateas totius ciuitatis trahentes, fœdo horrendoq; supplicij genere discerpunt. Dehinc omnes simul irruerunt per domos seruorum Dei, diripientes & euertentes, atq; hostili crudelitãte cuncta fœdantes, ita ut pretiosioribus quibusq; direptis, si qua alia uiliora repererant, in unum congregata igni in plateis cremarent. Nostri
tamen

tamen direptionem hanc bonorum suorum (sicut Apostolus de illis dixit antiquis) cum gaudio susceperunt.

SCHOLASTICA MONACHA.

Soror namq; eius Scholastica nomine, omnipotenti domino ab ipso infantiae tempore dedicata, ad eum semel per annum uenire consueuerat. Ad quā uir Dei non longē extra ianuam in possessione monasterij descendebat. Quadam uero die uenit ex more, atq; ad eam cum discipulis uenerabilis eius descēdit frater, qui totum diem in Dei laudibus, sacrisq; colloquijs ducentes, incumbētib; iam noctis tenebris simul acceperunt cibos. Cumq; adhuc ad mensam sederent, & inter sacra colloquia tardior se hora protraheret, sanctimonialis foemina soror eius eum rogauit, dicens: Quæso te, ut ista nocte non deferas, ut usque mane de cœlestis uitæ gaudijs loquamur. Cui ille respondit: Quid est quod loqueris soror? Manere extra cellam nullatenus possum. Tanta uero erat cœli serenitas, ut nulla in aëre nubes appareret. Sanctimonialis autem foemina cum uerba fratris negantis audisset, insertas digitis manus super mensam posuit, & caput in manibus omnipotentem dominum rogatura declinauit. Cumq; de mensa leuaret caput, tanta coruscationis & tonitruui uirtus, tantaq; pluuiæ inundatio erupit, ut neq; uenerabilis Benedictus, neq; fratres, qui cum eo aderant, extra loci limen quo confederant, pedem mouere potuissent. Sanctimonialis quippe foemina caput in manibus declinans, lachrymarum fluuium in mensam fuderat, per quas serenitatē aëris ad pluuiam traxit. Nec paulo tardius post orationem inundatio illa secuta est: sed tanta fuit conuenientia orationis & inundationis, ut de mensa caput iam cum tonitruo læuaret, quatenus unum idemq; esset momentum, & leuare caput, & pluuiam deponere. Tunc uir Dei inter coruscōs & tonitruos atq; ingentis pluuiæ inundationem uidens se ad monasterium non posse remeare, cœpit conqueri contristatus dicens: Parcat tibi omnipotens Deus soror, quid est quod fecisti? Cui illa respondit: Ecce te rogavi, & audire me noluisti, rogavi dominū meum, & audiuit me. Modo ergo si potes egredere, & me dimissa ad monasterium recede. Ipse autem exire extra tectum nō ualens, quia remanere sponte noluit, in loco mansit inuitus. Sicq; factum est, ut totam noctem peruigilem ducerent, atque per sacra spiritalis uitæ colloquia sese uicaria relatione satiarent. Qua de re dixi eū uoluisse aliquid, sed minime potuisse: quia si uenerabilis uiri mentē aspiciamus, dubium non est, quin eandem serenitatem uoluerit, in qua descēderat, permanere: sed contra hoc quod uoluit, in uirtute omnipotentis Dei ex foeminæ pectore miraculum inuenit. Nec mirum, quod plus illo foemina, quæ diu fratrem uidere cupiebat, in eodem tempore

Georg. Viti
celij.

a ij ualuit

ualuit : quia enim iuxta Ioannis uocem, Deus charitas est, iusto ualde iudicio illa plus potuit, quæ amplius amauit. Cumq; die altero eadem uenerabilis foemina ad cellam propriam recessisset, uir Dei ad monasterium redijt. Cum ecce post triduum in cella consistens, eleuatis in aëra oculis, uidit eiusdem sororis suæ animam de eius corpore egressam in columbæ specie cœli secreta penetrare. Qui tantæ eius gloriæ congaudens, omnipotenti Deo in hymnis & laudibus gratias reddidit, eiusq; obitum fratribus denunciavit : quos etiam protinus misit, ut eius corpus ad monasterium deferrent, atq; in sepulchro, quod sibi ipse paraauerat, ponerent. Quo facto contigit, ut quorum mens una semper in Deo fuerat, eorum quoq; corpora nec sepultura separaret, &c. Hæc ex lib. ij. dialog. S. Gregorij.

AMANDVS EPISCOPVS.

Georg. Vii-
celij.



Ir Dei Amandus ob pietatem Christianam ab omnibus merito amandus, uitæ monasticæ uehementer fauisse legitur. Is ætate media cum esset, Italiam peragrauit, post Gallias adiit, & quia zelo iustitiæ feruebat, non poterat ferre Dagoberti regis pessimam uitam : Quam simulatq; repræhendisset uerbo ueritatis, e finibus in exilium eiectus est. Non diu post, nato nimirum filio regis, reuocatus condonauit regi, quandoquidem ille ignoscantiam supplex petijt omnem illatam iniuriam. Natum paruulum rogatus baptizauit, respondentem ipsum infanti ore, Amen. Super ea re scribit Robertus Ganuinus lib. iij. Regi cum deessent propter sterilitatem uxoris liberi, concubitu uirginis Raguetrudæ filium marem suscepit. Cui Aribertus Dagoberti frater, qui per id tempus Aureliæ erat, nomen dedit, appellatusq; est Sigibertus. Hic inter sacrosancti lauacri, quas sacerdos Amandus enunciat orationes, dum nemo ex more Christiano, Amen, respōderet, infans ipse qui tantum XL. dies natus erat, cunctis tacentibus, Amen expedito sermone personuit. Quod diuinitus factum esse, quis non credat? Hæc Robertus de gestis Francorum.

Deinceps electus est in Episcopum Traiectensem : sed quoniam gens illa diuini uerbi prædicationem contemneret, aliò se contulit, excutiens puluerem pedum suorum super impios homines. Iam uerò alibi, nempe apud Vascones, Euangelizans, quemadmodum Episcopus decet, irrisus est à quibusdam circumforaneis non aliter, ac si esset spermologus nescio quis. Christi fide coëgit Amandus serpentem in antrum, uicit diabolus, & quo tempore hostibus suis in monte nocere poterat ulciscendi cupiditate, non nocuit, sed benefecit. Optatum Martyrium illi non contigit. Obdormiuisse tandem in Domino scribitur sub Heraclij Imper.

Vedaustus

VEDASTVS.

E piscopus apud Atrebatum in Picardia, homo iustus ac timēs *G. Vucclius.* deum, pauperes pauper ipse dilexit. Aurū enim & argentum cum non haberet, benefecit per eum Dominus cæco & claudō. Atq; ita precatio Episcoporum utilior pecunia est. Lupum fugauit Christi uirtute, Hæreticum hominem ἐπισώμισε, uerbo & exemplo ē paganismō ad Christianismum multos ubiq; conuertit, cooperante Domino.

VALENTINVS PRESBYTER.

Et pietate & doctrina ualens Valentinus, multos homines Christo Iesu lucrificet, præsertim in Italia, Qua tempestate *Georg. Vinius.* Ethnicismus adhuc arcem obtinebat, latitantibus Christianis. Imperator Claudius ij. anno cc. lxx. huius presbyteri Romani homicida factus est, cum tamen nullam mortis causam inuenisset, nisi forte capitale est, uiam dei docere. Mirum uero, q̄ probabiliter refutarit Valentinus idololatriæ per se alioqui damnatæ uanitatem, quo minus ipse nostro sæculo idoli uice, aut dei loco potius à superstitionis, hoc est, omnium miserrimis hominibus colendus atque inuocandus in die tribulationis erat. Taceo, nullas legendas quantumuis graues aliquando, de Epilepsia per Valentinum depellenda quicq; dicere. Omnes Sancti contra deos gladio spiritus depugnarūt, & tu egregie Christiane scilicet, ē Sanctis deos facis: non nomine, sed re. Animus abhorret à commemoratione ter abominandæ superstitionis. Ad Valentinum redeo, in quo exosculor fortissimum pectus, & libertatem in docendo Christo. Christolatriam docuit, idololatriam dedocuit. Et à dijs ad Deum propè Claudium Imperatorem reuocasset sermone uiuifico, ni satrapa Calphurnius quidā os tartareum interposuisset. Nam hæc illa Cerberi spuma est: Quomodo deferemus, quod ab infantia tenuimus? Non nisi filij diaboli ita loquuntur. Illa nimirum pestilentissima uoce effecit satrapa satelles satanę, ut Cæsar rursum à ueritate (quam in Valentino admiratus fuerat) & cor & aures auerteret. Hac item execranda uoce nostrates Calphurnij efficiunt hodie, ne Christianus populus ab impijs ac uarijs superstitionib. quibus à pueritia pleriq; assueuimus, pie resipiscat. Porro ad submouendam suspicionem, iubet Cæsar Valentinum protinus ab Amphitheatro uinctum duci, & in ædibus Asterij cuiusdam aulici custodiri. Ibi arrepta occasione ē uerbis precatoris presbyteri benedominantis, petit Asterius, ut si quid per Christum suum posset uinctus ille, redderet cæcę filiæ lumen. Quo signo uiso, posita incredulitate, fidem Christi cum tota domo amplexus est, operante id spiritu per uerbum dei à presbytero prædicatum. Sed crux non tardē insequitur ac

a iij ceptum

ceptum Baptisma. Mandante enim impio Cæsare, Asterius in ciuitatem Ostiensem adductus, cruenta morte Deo animam reddidit. Post hunc Valentinus presbyter Euangelicus, ut quo auctore à deorū cultu Asterius descuerat, primū fustibus, mox gladio percussus, obiit. Actum Romæ, sub Imperatore Claudio, qui tyrannus post Decium innumeros Christianos passim per prouincias neci tradidit. Libet horū aliq̃t è chronico Hermanni Contracti recensere, sub Claudio & Aureliano, &c. fol. clxxx.

VALENTINVS EPISCOPVS.

Georg. Viii-
celij.

Valentinus item Valentinus olim extitit, uidelicet episcopus Interamnensis in Vmbria: seu si quis mauult, Ichtyranensis ex Parthia: Sed quantū ego diuinare potui, prior sentētia uerisimilior est. Vir bonus & sapiens spiritaliter, regnū dei nō minuit, sed auxit. Hic cum aliquando Romam uenisset, reperit Athenis oriundum Cratonem Græcum oratorem, in urbe clarissimum, unā cum discipulis Apollonio, Phœbo & Proculo. Cratonis uero filiū toto triennio decumbentem cum uirtute altissimi curasset, curuumq̃ hunc erexisset, non sine multa precatione, persuasi euidenti miraculo tam Crato, q̃ discipuli, cumq̃ his tota domus, Euangelium receperunt, & post catechismum baptismate loti, præterea ex oratoribus prædicatores facti, uerbo gratiæ plurimas animas Christo adduxerūt in Italia. Tandem iubente Romanatu Valentinus, q̃ homines è tenebris ad lucem uocaret, præside Placido, primum uirgis cæsus, dein ense peremptus est, atq̃ hoc in carcere. Dignum Ecclesia præfulem, ut qui gratis benefecit, recusans nimirum à Cratone accipere pecuniam: hortans uero, hanc quam sibi daturus erat, ut pauperibus erogaret.

IULIANA VIRGO ET MARTYR.

Georg. Viii-
celij.

Tradunt Iulianam Nicomediæ in Bythinia ortam, clavis quidem parentibus, sed paganis. Ipsa uero filia à Christiana obstetrice fidem edocta, Christum cum lacte matris imbiberat. Adultam destinarant parentes cuidam satrapæ Eleusio dare in uxorem, sed sacra uirgo renuit Ethnico homini nubere, imò etiam cuilibet, perpetuæ castitatis proposito. Quapropter à patre loris inhumaniter cædi iussa, neq̃ tamen assensit. Mox liquefacto ac feruenti plumbo pfunditur, de capillis suspensa, nihilo minus perstitit in sententia. Decretū erat, idolum nolle, Christum uelle se colere, atq̃ ob id sibi cum Eleusio, seu, ut alij habent, Eulogio, non conuenire omnino. Post hæc carcere clauditur, in quo uir Beliaal in angelum lucis transfiguratus, sub pietatis specie sategit, uirginem à sentētia trahere. Verum illa effusa cum lachrymis oratione, à deo reuelationem accepit, cacodæmonem esse eum nunciū.

Vnde

Vnde animata Iuliana monstrum illud ui aggressa, cathena colligauit, ac calcibus probe contudit. Cumq; postero die e custodia produceretur, traxit post se colligatum monstrum, et palam ostentui habens, atq; ludibrio exponēs: En, inquit, deum uestrum gentiles. Egregie uexatum in cloacam, dignam tali angelo sedem, deturbauit: quantumuis ille in Christiana uirgine clementiam desyderaret, quasi uerò nos erga diabolum principem hostem clementes esse & boni debeamus. Cæterū puella tota iam ex deo pendenis, & præter deū nihil uel amans, uel querens, in supplicium rotæ rapitur, Mox ignito ac fluitante plumbo tingitur, tandem gladio iugulatur. Quibus poenarum generibus Iulianæ corpus occidi potuit, anima non item. Nectemere detrectauit obedire impio patri, iam cœlestis patris filia, et Christi soror. lucundum lectu est, quod Ethnicum sponsum metu Cæsaris à nostra religione resilientem, tam cordate confutauit. Ait: Quando tu ita times Imperatorem mortalem, egon' magis Imperatorem immortalem timere debeo? Acta sub Diocletiano. Sic enim ex Herman. Contracto liquet: Quo tempore multi alij quoq; Christianorū propter fidem Euangelij, contempta uita, mortem passi sunt. Inter illos numeratur Caius Pontifex Rom. Cyriacus diacon. Largus, Smaragdus, Apronianus, Papias, Maurus, Claudius, Prepedigna cum filijs, Gabinus presbyter, Castulus, Pancratius, Artemius cum uxore & filia, Sebastianus, Marcus, Marcellinus presbyt. Petrus exorcista, Tranquillinus, Nicostratus, Zoë uxor eius, Primus, Felicianus, Castorius, Victorinus, Symphorianus, Basiliscus, Faustinus, Simplicius, Beatrix, Tiburtius filius Cromatij, Susanna uirgo, Ioannes, Crispus, Genesius, Felix & Adauctus, Lucia & Geminianus, Sergius et Bacchus, Chrysogonus, Saturninus & Sisinnius, Quatuor coronati, Theodorus, Pontianus, Prætextatus & Thraso, &c. Hi Romæ passi sunt, Diocletiano Imperatore sæuiente. Apud Spoletum, Gregorius presbyter, Sabinus Episcopus, Exuperantius & Marcellinus diaco. Apud insulas Palmarias, Anastasia: Antiochiæ Iulianus & Basilissa: In Hispania ciuitate Cæsaraugustana Vincentius diaco. In Barcinona Eulalia uirgo, Ocuphas: Apud Gerundam Felix. Apud Tyrum Tyrannio, Syluanus, Peneleus & Linus episcopi, cum innumera multitudine. Apud Sirmium Serenus: Nicomedie Petrus, Lucianus presbyt. Antiochenus, Antimus episcop. Pantaleon, Ioānes Hadrianus, Dorotheus et Gorgonius, Eleutherius: Smyrnæ Irenæus: In Palestina Gaza, Syluanus: Mediolanis Victor: In ciuitate Suscia Quirinus Episcop. Apud Tharsum Bonifacius: In Aquileia Felix & Fortunatus: In Sicilia Vitus & Modestus cum Crescentia & Lucia uirgine: In Britannia Albanus: In Massilia Victor: Apud Augustam Aphra in Retia prouincia: In Nicæa Bithiniæ Theodota cum filijs: In ciuitate Compluto Iustinus & Hilar fratres: In Catana Sicilia Euplus: Pergamis Alexander: In Chalcedone

done Euphemia: In Neapoli Campaniæ Ianuarius Episco. Beneuentanus, Sosius diaco. Mesenatē ciuitate Faustus & Desyderius: in Palestina Peleus & Nilus episco. in Cyzico Suasta & Eulafius: Agauno, Mauritius cum socijs: Antiochiæ Cyprianus cum Iustina: apud Ægeam ciuitatem Cosmas & Damianus: in castro Solodoro Victor: apud Coloniā Agrippinā Gereon cum socijs: apud Tharsum Carracus, Probus & Andronicus: in Venusina Felix episco. Audax, Ianuarius presb. Sueffione Crispinus & Crispinianus: Apud Sidonem Cenobius presbyt. in territorio Auganensi Tyberius, Modestus & Florentia: in Scythia Merias: Antiochiæ Romanus, Alexandria Petrus Episc. in Aphrica Crispina uirgo: in Tuscia Barbara uirgo: in Hispania Leocadia: Emerita ciuitate Eulalia & Iulia uirgines. Meminerint hic nostrates Christiani, quæ felix prior Ecclesiæ portio, quæ plena martyrum, hoc est, uere Christianorum extiterit, & deplorent nostri sæculi Ecclesiæ turpificatam faciem. Heu in quæ tempora incidimus.

Anthionius Sabellicus de S. Iuliana: Obtulit se Belial dæmon Iulianæ uirgini in carcerem post seua uerba deiectæ, indueratque celestis nunciij faciem, ut commodius falleret, hortatur puellam Christi nomine, ut Ethnicis dijs sacrificet, fore ut propterea omni cruciatu defungeretur, inhorruit, suspicataque fraudem esse, deum supplex precatur, ut quale illud esset oraculum sibi liquidius pateret, uinxit illa dæmonem permissu numinis, sæuisque uerberibus affecit.

DIES CINERVM.

Ex D. Basilio
magno.



Adhortamini (inquit) sacerdotes populum, loquimini ad aures Hierusalem, maximum quidem momentum fratres dilectissimi, orationis natura ad studiosorum animos per se promptos augendos, pigros uero & ignaros excitandos strenuosque reddendos, habet. Ex quo duces in aciem exercitum deducturi, uerbis uirtutem exercitantibus, atque impellentibus, uti solent: tantamque huiusmodi monitio uim continet, ut mors sæpenumero penitus contemnatur: & qui in gymnasijs atque ludis exercentur ob coronam consequendam, multis ab eorum magistris ad laborum tolerantiam excitantur. Ex quo plures ob gloriæ præmiū persuasi, corporis pericula, pculdubio despexere. Nunc item mihi Christi milites aduersus inuisibiles inimicos in bellum educturo, ac pietatis athletas ad iustitiæ coronas per ieiunium præparanti necessarius adhortationis sermo. Quid igitur fratres dicam? Hi quos supra narraui, certaminibus ac palæstris legitime studentes, ciborum copia corpora saginant ad uires contra aduersarios maiores faciendas. Nobis autem quibus non est certamen aduersus carnem & sanguinem, sed aduersus potestates

testates, aduersus mundi rectores tenebrarum harum, necessarium profecto fuerit per ieiunium & abstinentiam ad certamen præparari. Nami quum oleum athletas roborat, ieiunium in dei uia sese exercentes ad pietatis studia firmat atq; incendit. Ex quo quantum carnis tibi subtraxeris, tantum spiritualis habitudinis uegetationi addideris. Non enim ex corporis lacertis ac uiribus, sed ex animæ robore atq; constantia, tum in cunctis laboribus et aduersitatibus patientia, aduersus inuisibiles hostes uictoria, potentiaq; oritur. Est itaq; omni tempore ieiunium utile seruantibus, nec dæmonum malignitas aduersus ieiunantem audet. Et animæ nostræ custodes Angeli libentius ac studiosius eos curant, qui per ieiunium purgati fuerint, multoq; magis hoc tempore quando per uniuersum orbem ieiunium nunciatur. Nec insula ulla, nec terra, non ciuitas, non gens, non deniq; locus ullus tam defectus ubi hoc mandatum non fuerit auditum, sed & exercitus & iter facientes terra mariq; mercatoresq; quoque omnes similiter audiunt libenterq; suscipiunt. Vnde nullus ieiunantiū numero sese subtrahit, in quo & generationes cunctę, sexus omnis, ætas, ordo, includuntur. Angeli per singulas sunt ecclesias eos qui ieiunant catalogo militum Christi describentes. Vide, quæso, ne ob breuem ciborum delectationē plectatris, neu te rerum ac defecto rem ordinis Angelo describenti constituas. Minus sane periculum aliis quem in acie scutum proijcere, quàm arma ieiunij maxima detrectare. Diues es? Ne ieiunium despicias, ipsam communem mensam accipere dedignans, neue tuam domum à uoluptate possessam uilem reddas, ut tu tandem apud legis auctorem des poenas, et longe maioribus iure iniunctis laboribus, uel ex corporis ægitudine, uel aliqua alia superueniente calamitate luxuriā compenses. Si rursus pauper es, ne & tu ieiuniū irrideas, quod tibi cōtubernalem domesticumq; iam dudū habeas. Mulieribus aut̃ sicuti resipiscere quoddam ac respirare, sic ieiunium natura solet esse. Pueri sicuti plantę surgentes aqua ieiunij irrigentur. Senes item laboribus leuat ieiunij antiqua familiaritas. Labores enim diuturna consuetudine ipsi qui in uitæ abstinentia se exercent leuiore sanē contingūt. Iter facientibus optimum quoq; uaticum ieiunium: uelut enim luxus, gulæ delictis oneratos nos atq; impeditos esse cogit, sic ieiunium & abstinentia leues & expeditos in itinere reddit. Deinde exercitu quidem conscripto necessaria nō ad uoluptatē militibus cibaria dantur. Nobis uerō aduersus inuisibiles inimicos ad bellum exeuntibus, ac post uictoriam de his ad coelestem patriam festinantibus, nonne multo minora satis erunt, ac illis in exercitu uersantibus necessaria? Mala ergo ut miles patere, ac legitime certa, ut coronam speratam referre ualeas: illud omnino sciens, quod omnis qui prompto contenderit animo, cuncta facile superabit. Quod autem nuper coepi de militibus dicere, nos fas præterire. Nam illis ex laborum proportionē cibaria augeri solent. Spirituali-

b bus

bus aut militibus, ij qui minus habent cibariorū maiorē obtinent dignitatem. Vt aut horū naturas inuicem cōparemus: Materia militiæ mortalis, ferrum est, nostra uero ex spe gloriæ saluari consistit. Scutum illis ex pelle & ligno conficitur, nobis uero ex fide munimentum ac thorax. Nos iustitia ac sanctitate contegimur, illi lorica, ferreaq; tunica mununtur. Nobis sensus spiritus est ad nos tuendos, illis uero ex ferro iacula mittuntur. Manifestum itaque quod cibi non easdem utriusq; uires faciunt. Verum nos ad pietatis dogmata parce sumpti roborant atque acuunt, illis autem saturitas uentris ad certamen est necessaria. Quamobrem, fratres dilectissimi, quando præsens tempus reuertens hos nobis aptatissimos dies attulit, tanquā ueteres nutrices libenti animo excipiamus, per quas ecclesia nos ad pietatem educauit. Paratus ad ieiunium, ne tristitiam more ludæorum ostentes, sed ex Euangelij præcepto laua faciem, unge caput, minime lugens, minime dolens, sed spiritali potius lætitia exhilaratus, animæ tuæ congaude. Nosti enim quemadmodum caro concupiscit aduersus spiritum, & spiritus aduersus carnem. Si hæc igitur inter se opponuntur arma, carnis adfectus omnis subtrahamus, robur atq; uires animæ addamus, ut per ieiunium de corporis uoluptatibus triumphantes, ieiunij coronis redimiri possimus. Te inquam ieiunij decore atq; meritis præpara, ne hodierna ebrietas crastinam tibi eripiat ac destruat abstinentiam. Vana quidem & improba huiusmodi cogitatio, quoniam quinq; dierum nobis ieiunium præcipitur, hodierno die à crapula incipiamus, uinoq; immodico nosmet obruamus. Nul-
lus enim uxorem pudicam legitime ducturus amicæ seu pellaci se ante commiscebit. Non enim legitima sancta q; simul cum abominandis cohibitari, quam sustinebunt, nec item tu ad expectati ieiunij compensationem indulgere uelis ebrietati, quam dixerim publicum uulgi scortum, impudentiæ matrem, stulte ridentium insaniam, ad omnem denique probri speciem facile instrumentum. Nec profecto ieiunium precesq; ad deum in animam ebrietati subiectam ingrediuntur. Ieiunantem proculdubio intra sacra munimenta recipit Deus. Crapula uero resecto ut nefario & abominando minime se propinquū reddet. Si enim cras ueneris uinū marcidum reddens, quonam modo in ieiuniū tibi crapulam computabo? Nam quū recens oles merū, in quō, quæso, te loco constitua, inter ebrios, an ieiunantes? Crapula nāq; olfactu sese ostendit, purgatus aut stomachus ac uacuus ieiunij testis erit, in cōtentione ac dubio uersaris, an sub ebrietatem ueluti mancipium redigaris. Nec illud te iure dimittet quum claras seruitutis habeat coniecturas, tuum olfactū sicuti ex uase quodam feculento exeuntem. Statim itaq; primi diei ieiunium inexpectatum tibi fuit adhuc saturo & crapulæ reliquias redolenti. Quorum enim principium debile, & primitiæ inexpectatæ atq; improuisæ, & reliquum uile atque abiectum subsequi uidetur. Ex quo totum
opus

opus reiicietur: nam ebrii regnum dei non possidebunt. Si ebrius ergo ad ieiunium ingrediaris, quæ tibi utilitas, si propterea à regno excludaris? Quid reliquū ieiunare opus? Nonne uides, quod certaturos equos magistri ac domitores per abstinentiam prius curant, facilesq; reddunt? Tu uero de industria teipsum saturitate uastas atq; deprimis. Tantum bruta gulæ uitio superas. Venter enim grauis non solum cursui, sed ne somno quidem captando satis est aptus, quoniam pondere pessundatus, non admodum quiescendi potestatem tribuit, sed huc illuc crebras facere reuolutiones cogit. Quamobrē ieiunium pueros custodit, grauē ac sapientē iuuenē reddit, senem ornat. Canicies namq; ieiunio decorata longe uenerabilior. Mulieribus ornamentū aptissimum, uegetorum ualentiumq; frenum, coniugij custos, uirginitatis nutritor. Talis em̄ per singulas domos abstinentiæ diligentia totam publice uitam quodam modo gubernat. Omnem etiam ciuitatem ac populum ad bonū traducit. Rixas ac strepitum sopit: exterminat lites, contumelias comprimit. Quemadmodū em̄ magistri alicuius præsentia tumultum sedat, sic ieiunium ciuitatis turbationem frenat. Quis lasciuus aut perditus ex ieiunio prodit? Quis chorus inhonestus consistit? Molles risus, lasciu cantus, insanæ saltationes ex stulta & impudēti exeunt ciuitate, unde ueluti iudex quidam seuerus ieiunium fugatur. Si enim omnes illud in rebus agendis consiliarium caperent, proculdubio nihil prohiberet, quin pax tranquilla per orbem foret. Nec gens aduersus gentem insurgeret: neq; item tot exercitus describerentur, aut tot arma inimica exercerent. Non fora feruerent: non in carcerem homines ducerentur: non deniq; syluæ atque saltus grassatores haberent. Non pastores fures, non mare piratas formidaret. Si omnes ieiunij discipuli essemus, non uox illa tributum præcipientis secundū Iob sententiam esset audita. Non uita nostra tantis onerata malis, tot doloribus referta esset. Si ieiunium uitæ nostræ dominaretur, non dubium, quin omnes non solum ciborum, sed etiam auaritiæ & cupiditatis, & omnis uitij abstinentiam complecteremur. Quibus expulsis, reliquum est, ut pax animarum, quiesq; alta sequatur. At qui ieiunium reiiciunt, luxumq; ac uitæ foelicitatem prosequuntur, præterq; q̄ omnem malorum supra dictam cateruam introducere uidentur, ppria corpora consumpsere. Obserua parumper quæso uultus, eorumq; differentiam, qui tibi hodie uesperis, qui uero cras apparebūt. Hodie namq; tumentes rubētesq; ex ualetudine potius q̄ natura ac tenui sudore madentes erunt oculi humore referti, procaces, sensus acuitate ob nebulas intrinsecus exidentes. Cras uero ora firmissima, ueneranda naturalem colorem præ se ferentia, sensus alacritatisq; plena: Nulla sanè intus causa naturales affectus per cibi superfluitatem impediens. Ieiunium, inquam, angelorum, imago iustorum contubernalis. Hoc & Moysem legislatorem constituit. Ieiunij fructus Samuel fuit. Ier.

b ij iunans

iunans orauit Anna mater deum: Adonay domine Eloy Sabbaoth: Si
 uidens respexeris super seruam tuam, et mihi semen uirile dederis, dabo
 ipsum coram te munus, uinum & siceram non bibet usq; in diem mor-
 tis eius. Hoc item & magnum Samsonem nutrit: quod dum ille seruauit,
 millia in bello cecidit: portas ciuitatis submouit: uim leonum robo-
 re lacertorum superauit. Quando uero & uini & scorti illecebris est ca-
 ptus, in hostiū facile potestatem peruenit: deinde oculis priuatus, pue-
 ris alienis ludibrium est factus. Ieiunans Helias tribus annis & sex mens-
 sibus cœlum præcluserat. Postq; enim uidit multam ex saturitate nequis-
 tiam prouenientem, necessarium populo ac minime uoluntarium ieiun-
 nium intulit, per quod eorum peccata præter modum gliscentia com-
 pressit: ieiunio scilicet, ut cauterio & gladio quondam usus, finem sceles-
 ri ac malis imposuit. Quamobrem omnis ordo ipsum complectimini:
 Pauperes ut uestrum contubernalem & conuiuiam: serui ut continui la-
 boris uestri ac ministerij requiem: diuites ut saturitatis assiduæ remediū
 ac futuri morbi salutare: Vtq; dulce interuallum continuæ uoluptatis
 ob frequentiam fastidientis: Aegri ut sanitatis matrem: Valentes ut uest-
 stræ custodiam ualetudinis. Percontare medicos, qui tibi referent quem
 admodum hæc ad ualetudinem uia est omniū tutissima. Quamobrem
 empiretici & medicorum peritissimi corporis superfluitatem per ieiun-
 nium tollere contendunt, ne per carnis grauitatem uires debilitentur.
 De industria nanq; per abstinentiam & frugalitatem, carnis excessum,
 ac pondus castigantes, renouatione quadam ualetudinis & augmenti
 in nutrimenti moderati uegetationem præparant. Sic omni studio &
 omni corporis habitudini, omnibus similiter & domibus & foris & ci-
 uitatibus & locis desertis ex ieiunio prouenit utilitas. Hæc igitur tanta
 ex eo beneficia bonaq; conspicientes, fratres dilectissimi, lætis animis ex-
 cipiamus: Non quemadmodum hypocritæ tristes, sed ex domini præ-
 cepto hilaritatem sine simulatione ostendentes. Nec magis quicquam ti-
 mete ac animaduertite, q; ne quis hodie uestrum ob futuram abstinen-
 tiam in ebrietatem incidat. Ieiunium nanq; mihi partim consuetudine in-
 ueterata, partim etiam uerecundia quadam obseruant atq; suscipiunt.
 Ebrietatem metuo, quam ueluti quandam hæreditatem paternam uini
 amatores custodiunt. Quemadmodum enim n, qui se ad longas adci-
 gunt peregrinationes, sic stulti hodie nonnulli ad horum dierum abstin-
 entiam, longa uini potatione præparant. Quis ita excors, ut prius q;
 esurire incipiat, uinum ac ebrietatis insaniam appetat? Nonne uides, q;
 uenter depositum minime seruat? Venter socius infidissimus promptua-
 rium incustoditum ex multis quæ ei traduntur, illa quæ nocent, facile
 continet, accepta minime curat. Vide, ne cras ab ebrietate uenienti, ea
 quæ nunc leguntur, iure sint dicta: Non hoc ieiunium, quod elegi, ait
 dominus. Quid commisceas minime miscenda? Quæ participatio ieiun-
 nij ad

nō ad ebrietatem? Quæ cōmunicatio luxus ad abstinentiā? Quod templo dei cum idolis commercium? Dei nanq̃ templū nō sunt, quibus Dei spiritus inhabitat: Templum uerò idolorum illi, qui per ebrietatem in temperantiæ probrum suscipiunt. Hodierna, inquam, dies uestibulum & primus ad ieiunium ingressus est. In atrium em̃ primum domus qui contaminatus ingreditur, minime dignus ad sancta transire. Nullus em̃ seruus sibi dominum conciliare cupiens, eius inimico ad impetrandam beneuolentiā utitur. Ebrietas nanq̃ inimica dei est: Ieiunium uero poenitentiae initium. Si uis per confessionem ad deum accedere, ebrietatem fuge, ne cibi duriorē longe alienationem prouoces. Non enim ad perfectum laudabileq̃ ieiunium satis est ciborum abstinētia: Sed uerum, deoq̃ placens ieiunium, abstinere à malo, linguam continere, iram temperare, parcere maledicentiæ, mendacio, periurio. Horum itaq̃ moderatio uerū erit ieiuniū. Pulchrum q̃dem in huiuscemodi uersari abstinētia. Igitur in domino delectemur, & in meditatione sermonum spiritus, & cōmunicatione sacrorū mysteriorum: & demum in cunctis nostras animas dirigentibus institutis solacium cōstituamus. Ieiunium autē famem illā, quæ intus est, caueamus. De qua item ppheta loquens ait: Nō in famem deus animas iustorum deducet. Item in Psalmo: Non uidi iustum derelictum, nec semen eius quærens panem. Non enim de sensibili loquitur pane: quum alioqui dominus permiserit patriarchæ nostri Iacob filios in Ægyptum famis gratia descendere: uerum de spirituali loquitur cibo, per quem interior homo noster perficitur, ne contra nos insurgat ieiunium eius generis, quod Iudæis propheta minatur, dicens: Ecce dies ueniet, ait dominus, & inducam in terram hanc famem: non autem panis famem, aut aquæ sitim, sed audiendi uerbi dei famē. Hanc itaq̃ hac de causā iustus induxit iudex: quoniam eorum mentē in fame ueritatis ac sanctorum præceptorum uersari, tantumq̃ ciborum eos uoluptati uacare, ac exteriorem hominem escis mortalibus saginare, conspiciebat. Quamobrem fratres dilectissimi hos sacratissimi ieiunij dies, quibus nos sanctus spiritus matutinis ac uespertinis gaudijs pascet, hilariter suscipite. Nullus sponte ac uolens conuiuium hoc spirituale deserat. Omnes crateris sponsi participes simus: quem sapientia fundens nobis ex æquo propinauit, quatenus quilibet ad eum hauriendum idoneus esse potest: eius craterem profecto protulit, ac hostias iugulauit: hoc est, perfectorum solidum cibum, eorum qui exercitatos habent sensus ad discretionem boni ac mali, ut ait Apostolus: Quo sane cibo qui sunt legitime imbuti ac saturi, digni sponsi lætitia sunt inuēti, in Christo Iesu domino nostro, Amen.

b iij

Sacra

DE SANCTIS
SACRA QVADRAGESIMA,
ex D. Ambrosio.



Sanctæ Quadragesimæ rationem, cuius hodie initium celebramus, frequenter edidimus, & cur tot dierum numero ieiunemus, sæpe docuimus. Diximus enim, quod dominus Iesus Christus hunc eundem numerum consecrauit, & continuatis diebus noctibusque non capiens cibum, unum ieiunii corpus effecerit: hoc est, licet diei ordo noctis interromperetur aduentu, non tamen interruptus est ordo ieiunii. Vnde erant apud eum plura temporum curricula, sed abstinentiæ dies una, ostendens nobis, ita nos hunc numerum integrum ieiunare debere, ut quia totam quadragesimam complecti non possumus sopito et uno ieiunio, uel quotidianis eandem sine intermissione ieiunium celebremus, ut si quisquam unam diem abstinendo prætermiserit, totam quadragesimam uiolarit: & propter modici temporis cibum magni fructum laboris amiserit. Sed dicit aliquis: Quadragesimæ alioquotiens accepimus rationem, & eam consecratam à domino frequenter audiuius, sed cur eadem quadragesima quadraginta & duos dies habeat, audire gestimus. Legimus in ueteri testamento, cum sanctus Moyses filios Israël de iugo Ægyptiæ captiuitatis erueret, ut in terram eos re promissionis induceret, quadraginta & duorum dierum eum ad memoratam terram mansionibus peruenisse, tantoque illum temporum numero potitum esse promissis, quanto & nos promissis nobis à Salvatore perfrui gratulamur. Eodem inquam numero Moyses per mansiones peruenit ad requiem, quo & nos per ieiunia properamus ad cælum. Ieiunia enim nostra mansiones quædam sunt, per quæ iter spiritualiter facientes animæ uirtutibus ambulamus, & diurno profectu repromissæ nobis terræ uiciniores efficimur, ita ut citius perueniat, qui deuotius ieiunauit. Pedes enim quidam animæ pernices sunt fides atque ieiunium, qui cito de humilibus ad altiora conscendunt, cito de terrenis ad cœlestia gradiuntur. De his pedibus dicit apostolus: Quam speciosi pedes Euangelizantium bona. Hos pedes lauare præcepit Dominus, sicut Apostolus ait de uirgine: Si sanctorum pedes lauit. Digni enim honore Euangelizantium pacem pedes sunt, qui spirituales ac nitidi doctrina super hominum corda gradiuntur. Quadraginta etiam & duorum dierum numero Israël populus peruenit ad fluenta Iordanis: Eodemque dierum circulo Christianus populus uenit ad fluenta Baptismatis. Et sicut ait propheta: Iordanis conuersus est retrorsum. Illic introeunte Israëlita in aquam fluminis, unda superfugit: Hic descendente in fontem Christiano, criminum peccata diffugiunt. Et mirum in modum illic deorsum conuersus fluuius in originem suam reuertitur: hic in posterum reuocatus homo in originis suæ infantiam reparatur. Ibi fontem suum de quo egressa fuerat unda

unda perquirat: hinc hominem suum à quo exierat innocentia recognoscit. Ibi exinanitur alueus fluctibus: hinc euacuantur corda criminibus. Ibi ut seruos Dei, illic aqua cenosa non madidet: hinc famulos Dei conscientia tetra non polluat. Iordanis enim quidam est fons lauacri, per quem qui transuerit, relictis sordibus, paradysum repromissionis ingreditur. In hoc ergo quadragenario & duali numero Israël populus relinquens Ægyptum, rubri maris fluentia transcendit: & nos quoque in ipso numero relinquentes mundi Ægyptum, gehennæ ardentis stagna transimus. Illis in fluctibus unda sustentat: nos ignis flamma non urit. Illis solidatur aqua: nobis refrigescit incendium. Et contra naturæ usum per æstum siccatur mare: per fontem baptismi gehenna mitescit. In hoc inquam mystico numero filij Israël peruenientes ad myrrham, cum præ amaritudine aquam haurire non possent: habebat enim fons aquam, sed dulcedinem non habebat: erat delectabilis ad uisionem, sed sincerus non ad saporem. Iniecto in eam per Moysen ligno dulcedinem suauiter positarunt: austeritatem quam noxia unda gestabat, ligni abstulit sacramentum: Quod quidem in figura factum puto. Aquam enim amaram myrrha, legem esse arbitror ueteris testamenti, quæ lex prius quam cruce temperaretur domini, erat immitis: lubebat enim oculum pro oculo, dentem pro dente, & uelut austeris nullum misericordiæ refrigerium porrigebat. At uero ubi ligno Euangelicæ passionis est temperata, statim amaritudinem suam suauitate commutans, dulcem se cunctis præstitit ad potandum. Sicut ait propheta: Quam dulcia faucibus meis eloquia tua super mel & fauori meo. Dulcia enim sunt eloquia, quæ iubent: Si quis te percusserit in maxillam, præbe ei & alteram. Si quis tibi aufert tunicam, relinque illi & pallium. Hæc est ergo illa amaritudo quæ dulcedine commutata est, id est, austeritas Legis Euangelij gratia temperata est. Amara enim est Legis litera sine crucis mysterio. De qua ait Apostolus: Litera occidit. At ubi passionis illi sacramenta iunguntur, omnis eius spiritualiter amaritudo conditur. Et de ea dicit Apostolus: Spiritus autem uiuificat.

DE S. MATTHIA APOSTOLO.



Rimus Apostolico parua de puppe uocatus
 Agmine Petrus erat, qui piscatore solebat
 Squamea turba capi, subito de littore uisus
 Dum trahit, ipse trahi meruit. piscatio Christi
 Discipulum dignata rapit, qui retia laxet,
 Humanum captura genus, quæ gesserat hamum
 Ad clauim translata manus: quicquid æquoris imi

Ex Aratore
 Diacon.

Ardebat

Ardebat madidas ad littora uertere predas,
 Et spolijs implere ratem, melioribus undis
 Nunc alia de parte leuat, nec deferit artem,
 Per latices sua lucra sequens, cui tradidit agnus
 Quas passus saluauit oues, totumq; per orbem
 Hoc auget pastore gregem, quo munere summus
 Surgit, & insinuans, diuina negocia coram
 Sic uenerandus ait: noctis quoq; proditor amens
 Mercedem sceleris soluit sibi, tædia noxæ
 Horrui ipse suæ, stringens in gutture uocem
 Exemplo cessante ream, qui parte necari
 Promeruit, qua culpa fuit, crimenq; retractans
 Iudicio tali permisit membra furori,
 Aëris ut medio communi poneret hosti
 Debita poena locum: cœlo terræq; perosus
 Inter utrunq; perit, nullis condenda sepulchris
 Viscera rupta cadunt, tenuesq; elapsus in auras
 Fugit ab orbe cinis, non hæc uacat ultio Iudæ,
 Quæ suprema negat, uindictaq; mercis iniquæ
 Sic placitura uenit, nam cum modo rura parasset
 Funeris ex precio, cum nomine sanguinis emptus
 Cespes, in externas componens busta fauillas
 De tumulis fecundet humum: caret impius agri
 Fertilitate sui, solusq; excluditur aruis
 Quæ monumenta ferunt, cuius tuba sæua cruentum
 Est exorsa nefas, qui signifer oscula fingens
 Pacis ab indicio bellum lupo intulit agno.
 Nunc opus est uotis, quod uerba prophetica clamant,
 Quem liceat supplere uices, tunc summa precantes,
 Constituere duos, Ioseph, cognomine Iustum,
 Matthiamq; dei paruum quod nomen, ut aiunt,
 Hebræo sermone sonat, humilemq; uocando
 Comprobat: o quantum distant humana supernis
 Iudicijs, parui merito transcenditur ille
 Laude hominum qui iustus erat, duodena refulgent
 Signa chori, terrisq; iubar iaculatur Olympi.
 Hæc quoq; lux operis quid præferat, edere pergam.
 Quatuor est laterum discretus partibus orbis,
 Trina fides uocat hunc, quo nomine fonte lauatur.
 Quatuor ergo simul repetens ter, computat omnem
 Quam duodenarius circūtulit ordo figuram
 Discipulisq; pñs, quibus hoc baptisma iubetur.

Matthias



Matthias, cum unus esset e numero septuaginta, allectus est in ordinem undecim Apostolorum, in locum Iudæ Iscariotæ, qui fuit proditor. In altera Æthiopia, ubi est irruptio Apfari, & Hyssi portus, prædicauit Euangelium, quum essent homines agrestes. Et illic dormiuit, & illic sepultus est, usq; ad hodiernum diem.

Ex S. Hieronimo.

SANCTI QVADRAGINTA MARTYRES.



Vis modus, aut quæ satietas Martyrum memoriam prosequendi erit, illi præsertim, qui eorum amore ac charitate magnopere tenetur? Nam honor erga bonos conseruos collatus, beneuolentiæ significationem apud communem dominum habet. Palam est enim, quemadmodum is, qui generosos homines ac fortes cum honore exceperit, in simili si forte contingat occasione, imitari non dedignabitur. Venerare igitur legitime martyres, ut egregiæ tuæ uoluntatis te testem adducas, ac demum seu persecutione, siue igne, seu uerberibus ac plagis, eodem cum illis præmio dignus habearis. Nobis hodierna die non unum propositum est admirari, neq; duos, neq; decem, sed uiros quadraginta: qui unam in diuersis corporibus animam retinētes, in una conspiratione & concordia fidei eandem erga res arduas constantiam, & pro ueritate stabile propositum ostenderunt. Omnes inter se similes, pares sententia, pares certamine: quamobrem parem coronę glorię sunt promeriti. Quæ digna laus, quæ sermonis copia his poterit adhiberi? Non enim linguę quadraginta ad prosequendam talium uiuorum uirtutem sat fuerint. Nec solum multitudo tanta, phalanx militaris cuneus insuperabilis, æque & in bellis inexpugnabilis, ac in laudibus inenarrabilis. Sed horum unus tantum, si legitime fuerit oratione commendandus, nostram facile uim ingenij sermonisq; facundiam superabit. Igitur in medium eos adducētes, ad communem omnium hic astantium utilitatem constituere, palamq; omnibus quemadmodum in pictura, fortia illorum facta reddere conabimur. Nam magnifica in bellis gesta & oratores sæpenumero, & pictores pulcherrime demonstrant: hi oratione, illi tabulis describētes atq; ornantes: amboq; plures ad fortitudinem imitandam induxere. Quę enim sermo historię per inductionem præbet, eadem & pictura tacens per imitationem ostendit. Sic & nos martyrum uirtutem commemorantes uos astantes excitabimus, ac uobis sub aspectum ipsorum facta reducentes, eos qui sunt animo alio quantulum generoso, ac ipsis uoluntate propinquiore, facile ad imitandum accendemus. Hęc est enim martyrum uera laus, alios ad eorum uirtutem æmulandam inuitare. Non enim encomiorum legibus, aut eorum, quę in genere demonstratio reperiuntur, sermones de sanctis ullo modo seruiunt, Quoniam qui laudant ceteros, ex mundi huius rebus materiam

c

teriam

teriam usurpare solent: quibus autem mundus crucifixus est, quomodo ex eo quicquam quod ad laudem faciat, mutuari poterit? Non erant his Sanctis una patria, alius aliunde uenit. Quid igitur sine patria dicemus eos? aut orbis ciues? Sicut enim in symbolorum collationibus, quæ oblata sunt communia existunt omnium conferentium: sic & in his beatis cuiuslibet patria communis omnium erat: & omnes ex diuersis terrarum locis tanquam ex uno duxerant omnia communia. Sed quid opus terrestres memorare patrias, cum non liceat quæ sit uera facile nosse. Patria igitur horum martyrum Dei ciuitas est, cuius autor atque conditor ipse Deus. Hæc est superna Hierusalem, quæ libera est, quæ est mater Pauli & omnium ei similium. Genus autem humanum aliud alij. Genus uero spirituale unum omnibus omnino. Communis namque eis pater Deus, & fratres omnes non ab uno & una descendentes, sed ex adoptione spiritus in unam concordiam inter se per charitatem conuenientes. Chorus paratus, conuentus maximus eorum, qui ab initio Deum laudant, non sigillatim congregati, sed cumulatim dispositi. Quis autem dispositionis modus? Hi magnitudine corporis, & ætatis flore, ac uirtute cæteris omnibus præcellentes, ad militares ordines regendos promoti sunt. In tantam quoque imperatoris dignationem uenerunt, ut ob bellorum experientiam & animi fortitudinem, primas apud eum obtinerent. Vbi uero per iniquum præconem nunciatum, edictumque omnibus emanauit: ne quis Christum profiteretur, propositaque omnia poenarum genera confidentibus, multa quoque à iudicibus iniustus ira & feritas perdit, multæque item ubique insidiæ, doli, delationes, ignis insuper paratus, ensis in prompto, crux affixa, bothrus, rota, flagella. In tanta igitur fidelium turbatione nonnulli fugiebant, aliqui supplicium libenter subibant, alij comprehensi ac cruciati, alij certamen incuntes deinde usque ad finem laborum durare nequeunt, pugnam ad periculum detrectabant, & uelut in pelago naufragantes, quæ uirtute patientiæ parta multorum annorum secum in nauem uehebant, in eam horam amiserunt. Tunc igitur hi quadraginta inuicti & generosi Christi milites, cum præfectus imperatoris literas ostendisset, & inobedientiam requireret, libera uoce, audacter ac fortiter, nihil ex illis quæ uiderant exemplis expauescendo, minas omnes contemnendo in medium procedentes, sese Christianos esse fassi sunt. O beatas linguas, quæ sacram illam uocem emiserunt, quæ aer quidem excipiens sacer est factus, angeli audientes plauserunt, diabolus uero cum daemonibus magnam accepit plagam, dominus postremo in cælo descripsit. Igitur horum quilibet in medium procedens: En, ait, Christianus sum. Et uelut in stadiis qui simul eunt, dicunt sua nomina, & in locum pugnae describuntur: sic & hi tunc nobilitatis generisque ac dignitatis propriæ obliti, tantum seruatoris sui professi sunt nomen, quod omnes ordine fecerunt. Ex quo facta est omnium una appellatio, Non enim talem ac talem, sed

Christis

Christianos omnes se clamantes. Hoc itaque cernens praefectus, anxius ac dubius erat, an blandis uerbis, uel potius minis eos ad obtemperandum deduceret. Primum quidem ipsos, si quo modo a pietate obstinata posset auertere, dulci aggreditur sermone: Nolite (inquit) iuuenes aetatem perdere uestram, neque intempestiuam mortem cum dulci hac et amoena uita commutare. Absurdum namque in bellis, eos qui sunt assueti fortia gerere facta, morte ignauorum ac prauorum hominum perire. Post haec pecuniam pollicebatur, honores ex Imperatore, dignitatesque ac ordines militum primos offerebat. Cum his rebus nihil proficeret, aliud genus aliumque modum tentauit, plagas, mortes, poenas intolerabiles ostendit. Et hic quidem talia. Martyres uero qualia? Quid (inquiunt) nos demulcere studeas dei hostis? Discedere a Deo uiuente, & daemonibus seruire pessimis cogis? Tua nobis bona offers? Putas ne tantum te daturum, quantum eripere contendis? Tua respuo dona, ut aeternae poenae materiam non honorem, recipio ignominiae patrem. Pecuniam da, quae permaneat, ac continuo duret, gloriam quae semper floreat. Me imperatori uis facere familiarem, sed me a uero rege alienare quaeris? Quid enim haec minima, quae tu uocas magna, ex mundo polliceris, cum mundus uniuersus a nobis despiciatur? Non sunt omnia quae uideri possunt spei paria, quam continuo retinemus. Vides hoc coelum, ut aspectu pulchrum, ut magnum: & terram quanta est, quot uel in ipsa mirabilia? Nihil & haec profecto iustorum felicitati ac beatitudini equiparari ualent. Illa namque uelociter transeunt, haec continuo durant. Vnam tantum iustitiae palmam expecto, circa unam gloriam, quae in regno est coelorum, solitor. Honoris superni cupidus sum, poenas uanas gehennae metuo. Illius ignis mihi formidolosus. Nam ignem eum, quem uos nobis intentatis, conseruus est. Nouit & ipse uereri eos, qui idola contemnunt. Sagittas infantium uestras plagas existimamus. Corpus enim caedis, quod eo clariorem assequetur coronam, quo magis tibi resistet. Quod si corporum imperium habetis, speratis etiam animarum habere? Nam & si deum nostrum non respicitis, & extrema probra horrendasque poenas nobis infertis, nihil profecto aliud contenditis, quam uobis aeternum supplicium, nobis uero uberem pietatis materiam, ac perpetuam gloriam parare. Non enim carnis amatoribus, non attonitis haec facitis. Pro charitate, proque fide in deum & in rota poni, & cruci affigi, & flammis uri, ac omnibus demum modis torqueri, parati sumus. Vbi uero haec audijt barbarus ille ac superbia tumidus, audaciam ac loquendi libertatem minime ferens, modum considerare coepit, quo mortem eis acerbissimam prolixamque pararet, inuenit tandem. Audite itaque rem quam duram sit comensus. Excogitans ille regionis naturam salebrofam, & collibus praeruptam esse, ac Brumae tempus instare, obseruauit, in qua maxime parte frigus uehemens, ac Boreae flatus horridior esset. Iussit omnes nudos sub dio

positos mori. Nostis enim fratres dilectissimi omnes, qui hyemis horrores estis experti, quod genus hoc poenae. Non enim nosse licet, nisi ipsi qui exemplis similibus periculum fecerunt. Corpus in primis horrore prostratum, totum in horrorem concreto sanguine uertitur: deinde turbatur & fremit, dentes frendunt, uenae disrumpuntur, uirium prosperitas per uim deijcitur. Dolor insuper quidam acutus, & labor inenarrabilis per medullas penetrans, intolerabilem facit sic frigore concretis dolorem. Deinde in acutum tendit, ut ab igne, cum summa cremantur. Ab extremis namque corporis partibus consequens uapor, & ad interiora ac penitiora confugiens, quaedam unde absistit mortua relinquit, non nulla uero ad quae tendit, doloribus afficit, qui paulatim cruciando perierunt. Igitur sancti dei sub dio pernoctare in stagno quodam iussi sunt, quod pro moenibus ciuitatis erat, ac per brumam ita glacie concretum apparebat, ut equis peruium & accolarum pedibus tritum esset. Aquae uero solitum non retinerent cursum, earumque natura mollior in lapidis duritie concreveret. Boreae namque mordentis spiritus animantia omnia iuxta uersantia interimebat. Hic itaque audito damnationis iussu, martyres considerate quanta fuere constantia: qui loco cum summa laetitia conspecto, ultimum nuditatis amictum alacriter reijcientes, eadem sponte irruerunt, non tantum ad supplicium, sed ad gloriosissima spolia rapenda, se inuicem hortando descenderunt. Non enim (inquiunt) amictum exuimus, sed ueterem hominem, concupiscentiae deceptione corruptum, deponimus. Gratias agimus tibi Domine, per hunc amictum peccata repellentes: quoniam ob serpentem eum induimus, ob Christum uero exuimus. Quas domino qui pro nobis est spoliatus, dignas gratias reddemus? Quid magnū seruo, si ea quae passus est dominus subeat? Nos causa sumus, ut illi uestis detraheretur, longe magis quam militum audacia, qui eam diripere ac sortiti sunt. Durum profecto frigus, sed dulcis paradisos. Affligens glacies, sed delectabilis requies. Breui tempore durantes, sinus Abraham nos perpetuo fouebit. Vna noctem cum aeuo sempiterno commutabimus. Incendatur frigore pes, ut cum angelis continuo saltet. Torpescat frigore manus, ut facultatem habeat in deum attollendi. Quot enim nostri commilitones ceciderunt, fidem mortali regi seruantes? Nos pro fide in uerum deum seruanda hanc uitam non proijciemus? Quot item malefici homines mortem tulerunt in scelere deprensi? Nos uero pro iustitia mortem non subeamus? Ne obsecro commilitones emolliamur, neu terga diabolo demus. Quando semel mori oportet, moriamur ut uiuamus. Fiat sacrificium nostrum coram te domine, & uelut hostiae uiuentes tibi placentes, nosmet hoc seculo gelu immolantes abs te recipiamur. Pulchrum quidem sacrificium, pulchra oblatio, pulchrū holocaustū, non quidem per ignem, sed per frigus absumptum. Haec igitur & his similia credibile inter se dicerent, ac communem laborem

rem in domino solarētur. Veluti quandam in bello custodiam instruētes, eam noctem saeuos cruciatus sustinendo atq; algendo praeierunt, tantū ipse certa gaudentes, et hostē cōtinuo deridentes. Vnū erat omniū uotū: Quadraginta in stadiū intrauimus, totidem dñe coronas tribue. Non desit numero, nec unus quidē. Preciosum est tempus, qđ quadraginta dierū ieiunio ornasti, per quod diuina lex in orbem transiuit. Quadraginta item dierū ieiunio Helias Dominū exquirēs uidere meruit. Et oratio quidem eorum talis. Vnus ex eorum numero, inde per animi inconstantiam subterfugiens, moerorem foēis maximum reliquit, nec propterea dominus eorum uota inania permisit esse. Nam propē aderat quidam, cui eorum custodia credita est, exitum rei expectans, paratusq; martyres si qui fugerent, ut eis clare pollicitus, in lauacro quodam aquae calidae, quod iuxta situm erat, excipere ac seruare. Res a praefecto astute fuerat excogitata, talem uidelicet inuenire certaminis locum, in quo paratum damnati haberent refugium, ut omnem coepti propositi constantiam amitterent. Sed hoc martyrum patientiam clariorem reddidit. Non enim qui cogitur est constans, sed qui liber & in oblectationis copia dura pati potest, is demū constans ac patiens est. Custos itaq; dum hos obseruaret, quosdam ē coelo descendentes Angelos, ac coronas singulis martyribus uno excepto distribuentes aspexit: Is autē quem indonatum illi reliquerunt, ac honoribus coelestibus indignum iudicauerunt, ea repertus est animi mollitie atq; inconstantia, ut statim laboris tolerantiam desperans ad hostes transfugeret, miserabile prorsus spectaculum, miles transfuga, uir fortissimus captus, Christi ouis a lupo direpta: & quod miserabilius, a uita perpetua coelestiq; excidens, neq; hac postremo diu gaudens. Nam ubi calidam attigit aquam, corpore quod glacie torpebat dissoluto, statim interiit. Custos uero, qui prodigium hoc uiderat, ubi illum fugientem conspexit, relictis omnibus, sese in eius demisit locum, ac unā cum sanctis illis uocem emisit: Christianus & ego sum. Itaq; cum eius subita mutatione stuporem illis incuteret, & numerum impleuit, & moestos ob socium amissum sanctos proculdubio cōsolatus est, eos imitando, qui in acie prima ubi forte aliquis ceciderit, statim ordini alium restituunt ac surrogant, ne proximi incommodum patiantur. Talem igitur ipse se gessit: uidit miracula coelestia, nouit ueritatem, ad Dominum confugit, cum Martyribus annumerari uoluit. Exemplum est Apostolorum imitatus: Abijt Iudas, Matthias est surrogatus. Imitatus & Paulum, qui heri persecutor, hodie factus est Euangelizator. Superne es ipse uocatus, non ab hominibus, neq; per homines. Credidit in nomine domini Iesu Christi. Baptismum suscepit, non ab ullo, sed a propria fide: non in aqua, sed in proprio sanguine. Cum uero primum illuxit, & extracti ferē omnes essent exanimis, igni traditi sunt, ac cineres in fluuiū proiecti, ut per omnem creaturam eorum transiret

c iij certamen

certamen. In terra primum exerciti, deinde in aëre sub dio darauere, postremo igne crematos aqua excepit. Horum est ergo uera uox illa: Transiimus per ignem & aquam, & eduxisti nos in refrigerium. Hi sunt, qui nostram suo templo regionem ornant, nostram quoque aduersus inimicos tutelam, ut turres quaedam munitae suscipiunt. Nec uno in loco sese clauferunt, sed in multis locis hospitio recepti, multorum patrias ornauerunt, nec tamen separati, sed inter se commixti: si in singulos ipsos diuideris, proprium numerum non excedunt: si uero in unum congregaueris, quadraginta nihilominus erunt, ac ita ut ignis natura permanent. Nam ille & ad progredientem transit, & totus est apud habentem: Sic hi quadraginta sunt unum, & omnes apud singulos. Beneficium igitur hoc fratres dilectissimi, gratiam hanc minime deficientem, ac sine inuidia, ex Deo obtinemus, ut paratum sit nobis & ecclesiae per hos martyres auxilium. Exercitum triumphantium, chorum laudantium Deum. Sepe operam dedistis, sepe laborastis, ut unum pro uobis orantem inueniretis: quadraginta sunt hi, una orationis emittentes uocem. Vbi enim sunt duo uel tres in nomine Domini congregati, ibi Deus est: Vbi uero quadraginta fuerint, quis dubitet, Deum esse praesentem? Qui aliqua praemittitur angustia, ad hos confugiat: qui rursus laetatur, hos oret: Hic ut a malis liberetur, ille ut duret in rebus laetis. Hos mulier orans pro filiis auditur, peregrinanti uiro reditum incolumem, aegrotanti uero salutem implorat. Cum his ergo martyribus nostras effundamus preces. Adollescentes suos coaevos imitentur, patres talium esse filiorum parentes exoptent, matres exemplum matris optimae spectent. Nam unius illorum mater, alios iam penè frigore consumptos aspiciens, suum uero filium, ob uires aliquantulum ualidiores, & aduersus dura constantiam, adhuc uiuum: & permittente populo, uitae consulere ualentem, ipsum proprijs accepit manibus, ac currui in quo reliqui iacentes ad pyram ferebantur, apposuit, martyris uera mater. Non enim lachrymam indecoram effundere, aut aliquid humile loqui, uel indignum agere uisa est. Sed o nate, inquit, perforce cum tuis contubernalibus iter beatum, ne a chorea deseraris, neue inferior alijs domino appareas. O matrem foelicem, o bonae radicis bonum germen. Ostendit generosa parens, quemadmodum pietatis institutis eum magis quam lacte educauerat. Et hic quidem sic nutritus, sic elatus est a pia genitrice. Diabolus uero his uisis, praue uerecundia discessit. Omnia namque supplicia ab eis uicta proculdubio uictis. Nox horrida & uentosa, tempus anni frigidi diffimum, corporea nuditas, patria Borealis. O sanctum chorum, o sacrum ordinem, o cuneum inexpugnabilem, o communes generis humani custodes, optimi curarum socij, precum ac uotorum inuicem suffragatores, castra mundi, flores ecclesiarum: uos non terra contexit, sed coelum excepit. Apertae sunt uobis paradisi portae, dignum profecto exercitijs

citibus angelorū, patriarchis, prophetis, & iustis omnibus spectaculum. Viri ætate florentes ac pares, uitam alacriter despicientes, supra parentes ac filios Deum amantes, mundo simul & angelis, & hominibus spectaculum facti, exidentes erexerunt, dubios in fide confirmauerunt, prius desiderium auxere: unum omnino pro pietate omnes trophæum erigentes, una iustitiæ corona ornati fuere, in Christo Iesu domino nostro: cui gloria & imperium nunc & in æterna sæcula, Amen.

S. IULITTA MARTYR.



Concionis hodiernæ causa in hoc sacro templo, fratres dilectissimi, beatæ Iulittæ martyris præconium. Itaque hunc diem magni certaminis memoriam referentem, uobis omni studio celebrandum nunciamus, quod certamen in muliebri corpore non solum ipsi qui tunc ei spectaculo interfuere, sed etiam omnibus in posterum id accepturis admirationi maximæ, prodigioque fuit. Beatissima igitur mulier Iulitta (si mulierem appellare decet, eam quæ muliebri naturæ debilitatem, animi uirilis magnitudine correxit, à qua puto maxime communem aduersarium nostrum ægre magnopere ferre, se fuisse superatum, qui muliebrem uictoriam minime patiens, ut qui magna illa iactare solet, uniuersum commouere orbem, & ut nidum aliquem aut oua relictæ prændere, omnes quoque pariter euertere, deinde à muliebri se uirtute uinci uideat, quæ supplicij tempore conatus decipere, in deum pietatem usque ad extremum seruantem, ac natura foeminea præter opinionem longe fortiolem inuenit, quæ obiecta terribilia eo magis risit, quo aduersarius eisdem putauit eam uehementius perterrere.) Hæc inquam Iulitta, ad iudicium quendam in ciuitate potentem olim accersuit, hominem planè auarum ac uolentem, qui diuicias sibi ex rapina & præda multas comparauerat, ex quo & agros, & uillas, & pascua, & seruos, & omnem uitæ præsentem suppellectilem ex ea ablatam ad seipsum traducens, iudicia falsis testibus & largitione iudicum corrupit. Ut autem dies aderat, & præfectus & aduocati astitere, coepit illa de hominis iniustitia dicere, & de uolentia simul & avaritia conqueri, quod rem sibi diu legitime possessam per iniuriam eripere uellet. Prodiens ipse: Non, inquit, iudicium idoneum, neque cognoscendum: nihil enim fas eis commune cum ceteris esse, qui deos imperatorum non adorent, & Christi fidem sectantur. Videbatur enim iuri consentanea apud eos dicere, & necessaria præstare: quoniam negantibus Christum, legum communis erat usus, forumque commune. Profitentes uero fidem, ut iudiciorum atque legum minime participes reiciebantur. Quid igitur illa consilij super his inijt? An ob contentionem cum uiro potentis ius fasque contempsit? an instans ex iudiciis periculum exhorruit? Non profecto: Sed ualeat, inquit, uita, ualeant

Ex D. Basilio
magno.

ualeant diuitiæ. Corpus enim iri perditum malo, quàm uocem aliquam impiam in creatorem meum emittere. Quantoq; magis præfectum huiusmodi uerbis irritatum, ut ei mortem intentantem conspiciebat, tanto magis Deo gratias agebat, quod diuitias fluxas atq; fragiles despiciens, coelestium bonorum possessionem uisa est præferre, & res terrenas ab se abijcere, ut paradysum possideret. Repulsam quoq; & ignominiam parui existimans, ut gloriæ sempiternæ gloriam consequeretur. Corpus deniq; afflicto, & uitam sibi ad tempus auferens, ut spes tempore opportuno cum sanctis reliquis acciperet. Cum autē sæpe interrogata, eandem continuo uocem emitteret, seruam se Christi affirmans, & ihs qui eam ad negandum adhortabantur malediceret: tunc iudex iniquitatis non solum opibus, quæ per iniuriam ablatae fuerant, eam priuauit, sed graui morte multauit, igni adiudicans. Illa uero nihil in uita delectabilius, nihilq; potius habuit, quàm ad Deum ocyus contendere. Vt autem ad flammam uenit, & uultu & oris claritate animi alacritatem atq; constantiam ostendens, astantes circa mulieres adhortata est, ne pro pietate subire labores grauarentur, neq; naturæ muliebris fragilitatē causarentur. Ex eadem inquires materia esse, & ad imaginem Dei similiter ut uiri creatas, & uirtutē summā recipere hūc sexum esse aptum, pariq; honore à summo Deo conditum. Quid nī si uiris in omnibus consanguineæ sumus. Non em̄ caro sola ad mulieris constructionē sumpta est, sed os ex ossibus, ex quo & robur & firmamentum & patientiam, quæ ex uiris eodem modo & ex nobis Deo debentur. Hæc dicens in pyram procurrat, quæ sanctæ mulieris corpus ueluti thalamus aliquis refulgens suscepit. Animam uero in coelestium regionem, & ei conuenientem locum transmittit. Preciosum uero corpus incorruptum eius propinquis, conseruatum est, atq; in pulcherrimo ciuitatis templo collocatum, quod & locum & adeuntes pariter sanctos reddidit. Terra autē benedicta huius beatæ aduentu, ex proprijs brachijs naturam aquæ generosissimam emisit, ut modo lactis omnes in ciuitate pariter nutriat. Ex quo pro martyre mater cōmunis uidetur effecta. Hæc enim & ualentibus sanitas, & modeste delicatis uoluptatis promptuarium, & ægris consolatio. Gratiam quam Hebræi apud Hierichunta senserunt, hanc nobis hæc martyr beatissima tradidit, ut aqua huiusmodi præter loci naturam, quum salæ ferè sint omnes, dulcem mollemq; ac delectabilem omnibus qui eam cum benedictione bibunt, degustationem præbeant. Quamobrem uiri uos hortor, ne uirtute muliebri inferiores uos erga pietatem uideri uelle permittite: Mulieres, ne & uos tantum exemplum relinquit: sed iam sine excusatione sexus, ite obuiam pietati, re periculum facientes, quemadmodum nihil bonorum uobis naturæ defectus impedit.

Ioseph

Missus est Angelus Gabriel à Deo in ciuitatē Galilææ, cui nomen Nazareth, ad uirginē desponsatā uiro, cui nomen erat Ioseph. Virum nominat, non quia mārītus, sed quia homo uirtutis erat: uel potius, quia iuxta alium Euangelistā, non uir simpliciter, sed uir eius dictus est. Merito enim appellatur, quod necessario putatur. Debuīt igitur uir eius appellari, quia necesse fuit & putari, sicut & pater saluatoris non quidem esse, sed dici meruit, ut putaretur esse, dicente hoc ipso Euangelistā: Et ipse Iesus erat incipiens quasi annorū triginta, ut putaretur filius Ioseph. Nec uir ergo matrīs, nec filij pater extitit, quamuis certa (ut dictum est) & necessaria dispensatione utrūq; ad tempus & appellatus sit, & putatus. Conijce tamen ex hac appellatione qualibet dispensatoria meruit honorari à deo, ut pater dei & dictus & creditus sit. Conijce & ex proprio uocabulo, quod augmentū non dubitas interpretari, quis & qualis homo iste Ioseph: simul & memeto magni illius quondam patriarchæ uenditi in Ægypto, & scito ipsius istum non solum uocabulū fuisse sortitū, sed & castimoniā adeptum, innocentiam assequutū & gratiam. Siquidem ille Ioseph fraterna ex inuidia uenditus & ductus in Ægyptum, Christi uenditionem præfigurauit. Iste Ioseph Herodianam inuidiam fugiens, Christum in Ægyptum portauit. Ille domino suo fidem seruans, dominæ noluit cōmisceri. Iste dominam suam domini sui matrem uirginē agnoscens, et ipse continens fideliter custodiuit.

S. BARLAAM ET IOSAPHAT,
ex Io. Damascenō.

Cum coepissent Monasteria construi, ac Monachorū congregari multitudines, & illorum uirtutum & angelicæ conuersationis felix fama fines orbis occuparet, & usq; ad Indos perueniret, eisdem ad similem zelum excitauit, ita q; multi eorū omnia desererent, ac peterent deserta, & in corpore mortali conuersationem susceperent angelorum. Rebus igitur sic bene se habentibus, & aureis (ut ita dicam) pennis multis in cœlum uolātibus, surrexit quidam rex in eadē prouinciā Auennir nomine: magnus quidem factus diuitijs & potentia, & contra aduersarios suos uictoriosus, & in bellis strenuus. Erat enim corporis magnitudine pariterq; uultus decore uenerandus, omniumq; mundialium rerum cito marcescentium successibus gloriabatur. Secundum uero animam, ultima grauiabatur inopia, multis malis suffocatus. Gentilis namq; erat professionis, nimiumq; superstitioso errori idolorū deditus. Cumq; in multis delitijs uiueret, & delectationibus atq; iucunditatibus præsentis uitæ deditus esset ex toto corde, nihilq; quod uellet atq; desideraret, ei deesset; unum tantum uidebatur esse, quod lætitiā illius

Illius minuebat, curisq; ac solitudinibus ipsius animam affligebat, ut
 delictet sterilitatis malum: nam filios habere non poterat, et idcirco mul-
 tum sollicitus erat, quatenus tali uinculo solueretur, pater filiorum uo-
 caretur: quæ res multis est optabilis. Talis itaq; rex erat, & talem inten-
 tionem habebat. Gloriosissimum uero genus Christianorum, & mona-
 chorū multitudines regis cultū uilipendentes, & prorsus minas nō for-
 midantes, proficiebant Christi gratia ad sermonis meliorē plenitudinē
 traditi, paruipendentes regem regisq; sermonē. Ea uero quæ ad dei cul-
 tum pertinebant, studiosius agebant. Et ideo multi qui monachicū sus-
 ceperant ordinem, omnes quidem æqualiter mundi delectationes à se
 repellebant. Ad unius uerò dei cultū tota intentione se contulerant, &
 pro Christo mortem suebant, æternam desiderantes beatitudinē. Præ-
 dicabant ergo sine timore aliquo & dilatione, & ualde confidenter sa-
 lutare dei nomen, et nihil aliud, nisi Christum in ore habebant. Fluidam
 uero & corruptibilem naturam præsentium rerum & stabilitatem, atque
 in corruptione futuræ uitæ apertè cunctis demonstrabant, & seipsos il-
 lis exemplum præbebant, & prædicationis semina spargebant, ut fami-
 liares illos deo efficerent, quatenus quæ in Christo abscondita est, uitam
 mererentur. Hinc multi dulcissimam illam doctrinam suscipientes, ama-
 ras quidem deceptionis deserebant tenebras, clarissimoq; ueritatis lumi-
 ni iungebantur, adeo, ut quidam nobilium atq; senatorū omnia depo-
 nentes uitæ sæculi onera, monachi fierent. Rex autem ut hoc audiuit, ira
 maxima repletus, atq; furore succensus, edictum ilico posuit, omnē Chris-
 tianum coarctari, ut negaret fidem Christi. Vnde nouas contra ipsos
 quidem Christianos species tormentorum excogitabat, & studiose per-
 quirebat, & nouos mortium modos minabatur eis, & literas per uni-
 uersas sibi subiectas prouincias delegabat principibus atq; ducibus po-
 nas aduersus pios & necesse iniustas decernens. Præcipue uero aduersus
 monasterij ordinis præpositos furens, atrocissimum contra eos ineffa-
 bile excitauit bellum. Tunc multi fidelium mente cōmouebantur. Alij
 uerò tormenta sustinere non ualentes, execrabili illius obediebant præ-
 cepto. Monastici autem ordinis duces ac principes palam quidem atq;
 in facie regis impietatem redarguentes, per martyrium temporalem ui-
 tæ finem sortiebantur, & æternam acquirebant beatitudinem. Alij uerò
 in solitudinibus et montibus abscondebantur, non q; tormenta metue-
 rent, sed dispensatione quadā diuina hoc agebant. Huiusmodi ergo ob-
 scuritate Indiam occupante, & fidelibus quidem undiq; repulsis, impie-
 tatis uerò ministris omnia tenentibus, cruoribus & nidoribus sacrificio-
 rum etiam ipso iam aëre inquinato, quidam regis archisatrapa dignitate
 qui animi constantia, magnitudine atq; forma, & omnibus alijs, quibus
 pulchritudo corporis & fortitudo significari potest, ab alijs omnibus
 differebat. Vt audiuit impium illud præceptum, ualefaciens huic uanæ
 gloriæ.

gloriæ deorsum trahenti atq; delitijs temporalibus, monachorum præpositis semetipsum cōmiscuit, montium deserta petens, ibiq; ieiunijs & uigilijs, ac diuinorum eloquiorum meditationi intentus, sensus suos uigilanter emundabat, & animam ab omni liberans passibili affectu, impassibilitatis lumine illustrabat. Rex autem hunc ualde diligebat, & in honore maximo habebat. Qui priusq; audiuit de eo talia, doluit quidem animo, quoniam amicum perdidit, contra monachos uero amplius exarsit in iram. Misit itaq; ubiq; ad eius inquisitionem, & omnem lapidem ac montium concaua & speluncas, ut inueniretur, perquiri fecit. Post aliquantum uero temporis hij qui ad inquisitionem illius directi fuerant, ut senserunt in desertis eum habitationem habere, perscrutantes inuenerunt eum. Quem compræhendentes regis tribunali exhibuerunt. Videns aut rex sic in paupere & asperrimo uestitu, illum uidelicet, qui splendidis aliquando induebatur uestimentis, & multis affluabat delitijs, nunc uero maceratum dura anachoreseos conuersatione & eremiticæ uitæ patenter opertum uestimentis, tristitia simul & ira replebatur, & ex ambobus sermonem miscens, ait ad eum: O stulte & mentis perditæ, cuius rei gratia mutasti honorem in contumeliam, & splendenter gloriam in hunc ignominiosum ac uilem aspectum, es primus in regno meo, & meæ archistrategos potentia? Ludum puerorū temet ipsum constituisti, non solum nostræ amicitia atq; fiducia oblitus, sed & contra ipsam insurrexisti naturam, & neq; priorum filiorum miserus, diuitias & omnem uitæ gloriam pro nihilo reputasti, & tantam inhonorationem inclytę præposuisti gloriæ? ut quid hoc fecisti? & quid hinc lucraberis, quod omnibus dñs, uidelicet & omnibus illum, qui dicitur Iesus, prætulisti, duramq; etiam istam & superstitiosam conuersationem delectationibus atq; iucunditatibus dulcissimæ uitæ huius? Hęc audiens ille homo dei, hilariter simul ac planè respondit: Si rationem à me audire uis, o rex, inimicos tuos de medio prætorij tui eijce, & tunc respondebo tibi de quibuscunq; interrogare uolueris: illis namq; præsentibus, nullus à me tibi sermo reddetur. Præter rationem uerò, torque, occide, fac quod uis. Mihi enim mundus crucifixus est, & ego mundo, ait doctor meus. Rege autem dicente: Et qui sunt inimici isti, quos de medio pellere me iubes? Ait uir sanctus: Ira & concupiscentia. Hęc enim ab initio quidem cooperatoria naturæ ab actore inducta sunt, & nunc similiter habent ea, quæ non secundum carnem conuersantur, sed secundum spiritum. In uobis autem, qui toti estis carnei, & nihil habetis spiritus, contraria facta sunt, & quæ inimicorum & hostium sunt, agunt. Nam concupiscentia in uobis operatur quidem uoluptatem, & incitat, ira uero destruit. Abscedant igitur hodie ista à te: assideant uerò ad audientiam dicendorum atq; iudicium prudentia & æquitas. Si em̃ iram & concupiscentiam de medio tuleris, & pro his prudentiam &

dñ æquis

æquitatem adduxeris, omnia ueraciter dicam tibi. Ad hæc rex ait : Ecce annuens tuæ postulationi, etiam de concilio concupiscentiam et iram, & in medium uero adducere prudentiam & æquitatem faciam. Dic ergo mihi secrete, unde tibi tantus error factus est, ut quæ inani spe consistunt, præponens his, quæ in manibus habentur, & oculis uidentur? Respondens autem eremita, dixit: Si initium queris, ô rex, unde mihi factum est, temporalia quidem despicere, totumque me ipsum æternorum spei dedisse, audi: In diebus antiquis, cum ualde iuuenis essem, audiui uerbum quoddam bonum & salubre, & me fortiter huius uirtus rapuit, & quasi cuiusdam diuini seminis huius memoria in meo plantata est corde, inseparabiliterque semper conseruatur, adeo ut radicata sit & exorta, & quem cernis fructum attulerit in me. Verbi uero uirtus hæc fuit: Visum est (inquit) insipientibus ea quidem quæ sunt despicere, quasi non sint, quæ uero non sint, quasi sint, apprehendere & continere. Qui ergo non gustauit eorum quæ sunt dulcedinem, non poterit eorum quæ non sunt, addiscere naturam. Ignoras autem, quomodo ista despiciet. Existencia quidem uocauit sermo æterna, & non mutabilia: non existentia uero præsentem uitam & delicias, atque fallacem prosperitatem, quibus, ô rex, male heu cor tuum addictum est. Ego etiam his aliquando detinebar, sed uerbi uirtus exuperans, animam meam indefinenter incitat, mentem meam ad id quod melius esse eligendum. Lex uero peccati resistens legi mentis meæ, & quasi quibusdam ferreis compedibus uinciens me, affectu præsentium captiuum tenebat. Quando autem complacuit bonitati ac benignitati saluatoris nostri Dei, ut liberaret me de sæua illa cupiditate, confortauit mentem meam, ut uinceret legem peccati, & aperuit oculos meos, ut discernerem bonum à malo. Tunc iam cōsideraui, & uidi, & ecce omnia præsentia uanitas & afflictus spiritus: sicut & Salomon sapientissimus dicit in suis sermonibus. Tunc sublatum est de corde meo uelamen peccati, & quæ ex corporali crassitudine superposita erat, animæ meæ nigredo terra dissipata est, & cognoui ad quod factus sum, & quia oportet me ad actorem meum ascendere, per ipsius operationem mandatorum. Vnde omnia derelinquens secutus sum eum, & gratias ago ei per Iesum Christum dominum nostrum, quia eruit me de lacu miseriæ & de luto fecis, id est, potestate sacratissimi exterminatoris principis tenebrarum sæculi huius, & ostendit mihi uiam compendiosam & facilem, per quam potero in hoc fragili ac fictili corpore angelicam ducere conuersationem. Quam apprehendere cupiens, strictam & arduam adamaui pergere uiam, condemnando præsentium uanitatem & instabile impetum istorum ac reflexum, & nescio aliquod aliud bonum uocare, præter illud quod uere bonum est, à quo miserrime tu ô rex abruptus es & disiunctus. Vnde te deseruimus, & à tuo consortio nos separauimus, eo quod in certam & euiden-

tem

sem te præcipitasti perditionem, & ad æquale urges deducere nos periculum. Nam quãdiu mundanam exercuimus militiã, nihil eorum quæ decebant nos prætermisimus: sicut & ipse nobis testimonium perhibes, nec inertiae alicuius aut negligentiae aliquando crimen incurrimus. Quando uero & ipsum omnium bonorum principale bonum à nobis amputare contendis, id est, pietatem & Deum deferere, quod damnis est omnibus præferendum, & propter hoc honores ac munera nobis repromittis: Quomodo boni notitiam te habere ullam recte dicere possim, cum ex æquo prorsus comparas ipsa ad inuicem (pietatem dico in Deum, & amicitiam humanã & gloriam) uelut aquam defluentem? Quomodo ergo tibi in hoc cõmunicare possumus, & non magis e contrario amicitiam & honorẽ & affectum filiorum, & si quid aliud erat, negabimus? Videmus enim te o rex ingratũ esse Deo, qui & ipsum tibi esse & respirare præbuit, qui est Christus Iesus dominus uniuersorum, coæqualis & coæternus Deo patri, qui cœlos uerbo & terram stabiluit, hominemq; manibus proprijs formauit, & hunc immortalitate donauit, regemq; cunctorum quæ in terra sunt constituit, & quasi regalem sedem omnibus pulchriorẽ paradysum ei subdidit, qui inuidia diaboli deceptus & uoluptate. Heu proh dolor illectus miserrime, ab uniuersis his corruit bonis. Nam qui prius erat deo dilectus, factus est miserrimus, lachrymis propter suam miseriam omnimodo plangendus. Sed qui nos formauerat & creauerat, benignis rursus respiciens oculis opus manuum suarũ, cum Deus esset, non admittens, quod erat ab initio factus, ppter nos absq; peccato, quod sumus nos, crucem sponte ac mortem sustinens, hostem iam supradictum, qui primum parentem nostrum deceperat, deiecit, & de illius amara seruitute nos redimens, in pristinam benignissime restituit libertatem. Et unde propter inobedientiam cecideramus, illuc denuo sua nos reduxit misericordia, potiori nos pristino honore efficiens dignos. Tu aut̃ illũ, qui talia ppter nos passus est, & talibus nos bonis iterũ dignos effecit, ipse respuis, & in illius crucẽ offendis. Totus uero delitijs corporis deditus, & exterminandis subditus passionibus, deos appellas ignominia & confusionis idola, & non tantũ te ipsum cœlestiũ bonorũ hæreditate alienũ efficis, sed omnes qui tuis pceptis obaudiũt, ab hac iam deiecisti, & animarũ piculo tradidisti. Scito igitur quod ego nõ credam tibi, nec acquiescam aut cõmunicabo tibi in huiusmodi contra deum impietate, neq; meum benefactorem & saluatorem negabo, etiam si me bestijs deuorandum proñcias, uel gladio & igni tradas: quod nunc tuæ est potestatis. Non enim mortem timeo, nec amo præsentia, multam eorum cognoscens infirmitatẽ. Quid enim in ipsis utile est, uel sufficiens aut stabile? Nec hoc solum, sed & in ipso suo esse, grandis inest eis miseria, & multa tristitia, multaq; sine intermissione solitudinis cura. Nam lætitiæ ipsorum & delectationi, om

d iij nis

nis copulatur dolor & tristitia. Diuitię ipsorū sunt penuria, & sublimitas ipsorum ultima deiectio. Et quis eorum mala enumerabit? Quod tamen per modica uerba mihi meus Theologus insinuat, inquit: Mundus totus in maligno positus est. Et: nolite diligere mundū, neque ea quę in mundo sunt. Quoniam omne quod in mundo est, concupiscentia carnis est, & concupiscentia oculorum, & superbia uitę. Et: Mundus transit, & concupiscentia eius. Qui autem facit uoluntatem Dei, manet in æternum. Hanc igitur uoluntatem Dei bonam exquisrens, dimisi omnia, & adhęsi illius habentibus desiderium, & eundem quęrentibus Deum: in quibus non est contentio, aut inuidia, tristitia, uel sollicitudo, sed omnes æqualem peragunt gressum, ut ad æternas perueniant mansiones, quas parauit pater luminum diligentibus illum. Hos ego parentes, hos ego fratres, hos amicos & notos possedi. Ab illis uero, qui aliquando mihi fuerunt amici & fratres, elongaui fugiens, & mansi in solitudine, expectans Deum, qui saluum me fecit à pusillanimitate spiritus & tempestate. His ita facile & luculenter à Dei homine pronunciatis, rex cōmouebatur quidem ab ira, & amarissime torquere sanctum uolebat, sed retardabatur denuo & reuocabatur, honorem illius atque nobilitatem reuerenter considerans. Exorsus ergo inquit ad eum: Vndique miser tui ipsius meditatus es perditionem, ad hanc (prout arbitror) à fortuna perductus: Acuisti namque mentem simul & linguam tuam, quatenus fatuam istam ac uanam fabulationem garriendo effutires. Sed nisi in principio sermonis promississem tibi, quod de medio concilij iram remouerem, nunc utique igni tuas carnes traderem. Quoniam uero anticipans talibus me circumuenisti sermonibus, modo tuam procacitatem, quin & propter priorem meam gratam amicitiam: Surge ergo & fuge ex oculis meis, ne ultra te uideam et male te perdam. Tunc egressus uir Dei secessit in desertum, contristatus quidem, quod martyrium non sustinuit. Martyrium tamen quotidie in conscientia tolerabat, pugnans aduersus principes & potestates, aduersus mundi rectores tenebrarum harum, contra spiritualia nequitie, sicut ait beatus Apostolus. Illo igitur abeunte amplius rex iratus, persecutionem uehementiorem contra monachorum meditatur ordinem, ampliorique honore idolorum cultores ueneratur ac pontifices. Cum in tali ergo rex esset errore crudeli & seductione, nascitur ei filius pulcherrimus: qui ex ipso florido decore, quod futurum de eo erat, præfigurabat. Dicebatur enim nequaquam in terra illa talem aliquando apparuisse gratissimum ac speciosissimum puerum. Gaudio itaque rex maximo in natiuitate eius gauisus, hunc quidem Iosaphat uocauit. Ipse autem ad templa idolorum stulus abiit, insipientioribus se dijs immolaturus, & gratiarum actiones & hymnos & laudes redditurus, ignorans miser, quis uere bonorum autor sit omnium, cui spirituale oportebat offerre sacrificium. Ille autem inanimatis & surdis

& surdis causam pueri sibi nati adscribens, ubiq; transmisit ut congregarentur multitudines, ad istius pueri natalitia. Tunc uidens omnes confluere timore regis, afferentes secum quæ sacrificio erant idonea, sicut cuiq; possibile erat, & manus illius inuenire poterat, & regalem dignitatem becebat. Maxime uero ipse eos prouocabat ad solennitatem, tauros plurimos & maximos ad immolandum afferens. Et sic celeberrimo festo peracto, cunctos honorificauit muneribus, tam maiores q̃ minores, tam nobiles quam ignobiles. In ipsa uero solennitate conuenerunt ad regem præelecti uiri quasi quinquagintaquinq;, circa astronomicam Chaldeorum sapientiam uacantes. Et hos proprius accersitos ad se rex, rogabat edicere singulos quid futurus esset puer, qui sibi natus erat. Illi uero plurima perscrutantes, dicebant illum magnum esse futurum in diuitijs & potentia, & supergressurum omnes qui ante eum fuerunt reges. **U**nus autem de Astrologis excellentior cunctis, ait: Sicut ex his quæ me docuerunt astrorum cursus, ualeo conijcere o rex pueri huius profectus, qui nunc natus est tibi, non in tuo erit regno, sed in alio meliori & incomparabiliter eminentiori. Æstimo uero illum quā persequeris Christianorum religionem fore suscepturum, nec puto quod sua spe priuetur. Hæc quidem Astrologus dixit: sicut olim Balaam astrologiam non ueram pronuncians, sed Deo per aduersarios, ea quæ sunt ueritatis significante, ut omnem impijs excusationem adimeret, &c. Porro ne liber in immensum succresceret, placuit Historiam interrompere. Æquus lector cætera requirit in loco.

CATHEDRA PETRI.

Post Christi mortem & resurrectionem, completis iam diebus Pentecostes, spiritum sanctum accepere discipuli: quo imbuti uarijs linguis res gestas summi Dei locuti sunt, etsi plerique eorum sine ulla eruditione sint habiti, maxime uero Petrus & Iohannes. Eorum autem uita ad utilitatem communem respiciebat, nil proprii habebant, quicquid ante pedes eorum ob religionem ponebatur, id totum uel partiebantur inter se ad commoda naturæ, uel pauperibus erogabant. Hi uero prouincias partiti sunt: Thomas Parthos sortitus est, Matthæus Æthiopiam, Bartolomæus Indiam citiorem, Andreas Scythiam, Iohannes Asiam: unde & apud Ephesum commoratus, post longos labores & diutinas sollicitudines è medio sublatus est: Petro autem principi Apostolorum Pontus, Galatia, Bithynia, Cappadocia obtingit. Apostolus enim natione Galilæus ex Bethsaide ciuitate Iohannis filius, Andreæ Apostoli frater, primus sedit annis septem in episcopali sede apud Antiochiam Tyberij tempore, qui Augusti priuignus & hæres, annis uigintitribus uarie imperauit. Horum itaq; temporibus fuit

Ex Platina.

Petrus

Petrus ille, quem his uerbis Christus allocutus est: Beatus es Simon bar Iona, quia caro & sanguis non reuelauit tibi, sed pater meus qui in coelis est. Et, tu es Petrus, & super hanc petram edificabo ecclesiā meam. Ac, tibi dabo clauēs regni coelestis, potestatemq; ligandi & soluendi. Is uero omnium diligentissimus, ubi Asiaticas ecclesias satis confirmasset, confutatis eorum opinionibus, qui circumcisionem approbabant, secundo Claudij anno in Italiam uenit. Claudius enim C. Caligulae patruus, quem nepos in ludibrium seruauerat, imperium accipiens, quintus ab Augusto Britanniam, quam neq; ante Iulium Cæsarem, neq; post eum quisquam attingere ausus est, in deditionem accepit. Orcadas insulas Romano adiecit imperio: Iudæos tumultuantes Roma expulit, compressit & seditiones in Iudæa à quibusdam pseudoprophetis concitatas. Obtrita etiam sunt triginta milia Iudæorum in portis Hierosolymitani templi azymorum diebus, Cumano eius iussu procurante Iudæam. Laboratum eodem quoq; tempore annonæ caritate ibiq; est, Agabo propheta tantam calamitatem prædicente. Ab externo hoste securus perfecit aquæductum, cuius ruinas apud lateranum cernimus à Caio inchoatum. Emittere quoq; fuscinum lacum est aggressus, non minus compendij spe quā gloriæ, cum quidam priuato sumptu emissurum se polliceretur, si sibi siccati agri concederentur. Per tria autem passuum milia partim effosso monte, partim exciso, cuniculum ægre absoluit post undecim annos, triginta milibus hominum ibi sine intermissione elaborantibus. Portum quoq; Ostinensem, quem adhuc cum admiratione intuemur, extruxit, ducto dextra læuacq; brachio ad coercendos maris fluctus. Messelina uxore conuulsa probri interfecta, Agrippinam Germanici fratris sui filiam contra ius fasq; ducit uxorem, à qua postea imperij decimoquarto anno boletis ueneno illitis necatur. Petrus itaq; Romam caput orbis terrarū tunc uenit, & quod hanc sedem pontificali dignitati conuenientem cernebat, & huc profectum intellexerat Simonem magum Samaritanum quendam, qui præstigijs suis eo erroris iam deduxerat populum Romanum, ut deus crederetur. Romæ enim iam titulum adeptus erat inter duos pontes positum, ac latinis literis sic scriptum: Simoni deo sancto. Hic dum in Samaria esset, tamdiu se credere in Christum simulauit, quoad baptismum à Philippo uno ex septem Diaconis acciperet, quo quidem postea in malam partem utens, multarum hæresum fundamenta iecit, cum Selenē impudica muliere, quam sceleris sociam habuit, prouorare Petrum miraculis morte pueri homo nefarius ausus est: quem eius carmina primo mouere uisa sunt. Verum cum postea nihilominus puer iaceret, in nomine Iesu Petro iubente surrexit. Hanc ob rem indignatus Simon, uidente populo se uolaturum ex Capitolino monte in Auentinum pollicetur, si Petrus subsequi uellet, ea ratione dignosci posse, uter ipsorum sanctior haberetur, & Deo charior,

charior. Cum iam uolaret, rogatu Petri ad coelū manus tendentis ac rogantis Deum, ne deludi magicis artibus tantū populum sineret, Simon decedit, ac crus infregit: cuius dolore nō ita multo post Aritia mortuus est: Nam eō post tantam ignominiam delatus à suis fuerat. Hinc Simoniaci hæretici originem habent, qui donum spiritus sancti emere ac uendere consueuissent: quicūq; affirmabant, creaturam non à Deo esse, sed ex superna quadā uirtute prouenire. Conuersus deinde ad propagandum uerbum Dei Petrus sermone & exemplo, rogatur à Romanis, ut Iohanni cognomento Marco, eius in baptismo filio conscribendi Euangelij negocium tradat. Probata nanq; erat eius uita, probati mores. Is enim (ut Hieronymus ait) in Israël sacerdotium agens secundum carnem Leuita, id est, additus uel appositus, ad Christi fidem conuersus, in Italia Euangelium scripsit, ostendens, quid generi suo deberet & Christo. Extant eius Euangelia testimonio Petri comprobata. Deinde uero in Ægyptum missus (ut ait Philo Iudæus scriptor egregius) ubi docendo & scribendo Alexandrinam ecclesiam optime constituisset, doctrina ac moribus insignis, octauo Neronis anno Alexandriae moritur, & sepelitur, in locumq; demortui Anianus sufficitur. Anno uero antè, moritur & Iacobus, cognomento Iustus, domini frater: Nam ex Ioseph & alia uxore natus erat: uel (ut alij uolunt) ex sorore Mariæ Christi matris. Hic enim (ut Egesippus ait, Apostolorum temporibus uicinus) in utero matris sanctus fuit, uinum & siceram non bibit, nil carnis degustauit unquam, intōsus, nec balneo, nec unguento usus est, uestibus lineis tantummodo indutus. Sancta sanctorum ingressus, ita assidue flexis genibus pro salute populi orabat, ut eius genua camelorum more occalluerint. Verum abeunte ex Iudæa Festo, ipsius prouinciæ gubernatore, priusquam ei Albinus succederet, pontifex Ananus Anani filius compellens publice Iacobum Christum dei filium negare, recusantem lapidibus obrui iussit: qui cum præceps de pinna templi deiectus esset, semiuuius adhuc, & manus ad coelum tendens pro persecutoribus oraret, fuisse quo fullones utuntur, tandem necatur. Refert autem Iosephus, hunc tantæ sanctitatis fuisse, ut propter eius necem publice creditum sit, Hierosolymā esse subuersam. Hic est ille Iacobus, cui Dominus post resurrectionem apparuit, cuiq; panem benedicens ac frangens dixit: Mi frater, comede panem tuū, quia filius hominis è morte resurrexit. Annis uero triginta Hierosolymitanæ ecclesie præfuit, id est, usq; ad septimum Neronis annum. Cuius sepulchrum iuxta templum unde deiectus fuerat cum titulo, Hadriani temporibus adhuc extabat. Mortuum quoq; Barnabam Cyprium, qui Ioseph Leuitæ cognominatus est, ante Petri martyrium constat. Hic enim cum Paulo gentium Apostolus electus, unam tantum Epistolam ad ecclesiam pertinentem, conscripsit: licet ea quoq; inter Apocryphas scripturas habeatur. Dissentiēs item à Paulo,

c ob Marcū

ob Marcum discipulum, in Cyprum proficiscitur Marco comite: ubi Christi fidem prædicans martyrio coronatur. Scripsit & Petrus duas Epistolas, quæ canonicæ nominantur. Secunda à plerisque eius esse negatur, quod à stylo primæ dissideat. Verum quia pluribus intentus esse non poterat, cum orationi & prædicationi uacaret, duos Episcopos ordinauit, Linum scilicet & Cletum, qui sacerdotale ministerium Romano populo & aduenis bene sentientibus exhiberent. His rebus intentus uir sanctissimus, tantum nominis sibi apud omnes comparauerat, ut iam ferè pro deo coleretur. Hanc ob rem indignatus Nero, mortem hominis quærere: unde Petrus monentibus amicis ad declinandam inuidiam & iram principis, uia Appia ab urbe discedens, ad primum lapidem Christo (ut uerbis Egesippi utar) fit obuiam, quem quidem adorans rogat: Domine quo uadis? Tum Christus: Romam iterum crucifigi. Extat scellum eo in loco ubi hæc uerba sunt habita. Tum Petrus de martyrio suipsius dictum existimans, quod in se Christus passurus uideretur, ad urbem redijt: ac statim Clementem Episcopum consecrat, eiq; cathedram & ecclesiam Dei commendat his uerbis: Eandem ego tibi potestatem ligandi & absoluendi trado, quam mihi Christus reliquit: spretis ac contemptis rebus omnibus, tum corporis, tum fortune, oratione & prædicatione saluti hominum, ut bonum pastorem decet, consule. Cum hæc autem ita disposuisset, non multo post una cum Paulo iussu Neronis necatur, ultimo eius anno, diuersis tamen cruciatibus. Petrus enim cruci affigitur capite in terram uerso, eleuatisq; in sublime pedibus, ita enim uoluit, quod diceret se indignum esse, qui mortem Saluatoris imitaretur. Sepultus est autem in Vaticano uia Aurelia secus hortos Neronis, non longe à uia triumphali, quæ ad Apollinis templum ducit. Sedit autem annis xxv. Paulus uero eodem die capite mulctatus, funeratur uia Ostiensi, anno post mortem Christi trigesimoseptimo. Hoc idem approbat Caius historicus in Proculum quendam Cataphrygum disputans: Ego, inquit, trophæa Apostolorum habeo quæ ostendam: siue enim uia regali pergās, quæ ad Vaticanum ducit, siue Ostiensi, trophæa eorum inueuies, qui hanc stabiliuere ecclesiam, duo certe fuere, Petrus & Paulus. Præterea uero in eisdem Neronianis hortis multi cineres sanctorum martyrum reconditi sunt. Nam cum incendium tempore Neronis à cliuo Scauri ad Esquilias usq; sex diebus uagatum, multas fortunas ciuium consumpsisset, ac omnis culpa principi ascriberetur, ipse (ut ait Cornelius Tacitus) abolendo rumori intentus, falsos testes subornauit, qui id factum à Christianis causarentur. Vnde tot capti & interfecti sunt, ut ex eorum cadaueribus per aliquot noctes lumina continuata dicantur.

Passio

ECCLESIAE DEI. CX
PASSIO SANCTORVM MARTYRVVM
Victoris & Coronæ.



IN illo tempore, cum persecutio Christianorum ab Antonio Imperatore mota fuisset, & Sebastianus dux iussa sui Imperatoris impleret: quidā miles de Cilicia Christianus erat timens deū, nomine Victor. Cui Sebastianus locutus est: Literę ab Imperatore manarūt, quibus iubetur, Christianos subiici tormentis: debes ergo sacrificare Victor, ne secundū Imperiale pręceptum periculū uitę subeas acerbitate pecuarū. Victor dixit: Ego sum miles magni Imperatoris Iesu Christi atq; æterni dei: ideo non obedio pręcepto mortalis Imperatoris, cuius imperium fragile, finiendumq; est. Dei autem mei imperium neq; interire potest, neq; terminari, sed manet in æternum: & hi qui militant ei, merebuntur uitam æternam. Dux dixit: Nunquid tu unus non es ex eis, qui sub Imperio sunt? Audi ergo Imperatorum pręcepta, & sacrifica. Victor dixit: Etiam cum humanam implerem militiam, & humana sustinerem munia, deum tamen occulte timebam: unde me nō potuit diabolus ex integro occupare. Corpus tantummodo in potestate tua est, animę uero nocere non poteris, quia dei solius est, utraq; uel seruare, uel soluere, qui regnat in sæcula. Dux dixit: Video te in respōsione tua plurimū sapere. Victor dixit: Sapientia mea non est ex me, sed mihi eam deus meus largitus est. Dux dixit: Sacrifica. Victor dixit: Ego libenter ob hoc punior, imo & gaudeo, si dignus fuero testimonio Christi per tormēta pręsentia pręmia regni coelestis adipisci. Dux ait: Lector es, an diaconus, q; ita differis? Victor ad hęc: Non sum (inquit) dignus hac gratia: sed deus temen perduxit me ad hanc prędestinationem: ipse enim pręstat rectis corde, & seruantibus mandata sua, sapientiam & participium diuitiarum suarum. Sicut enim agricola colit terram, & pręparat eam ad fructus faciendos, sic & dei sapientia sperantes in se animas excolit, & diuinis fructibus replet. Dux dixit: Ergo mortem eligis magis, q; uitam? Victor dixit: Hęc mors non est mors, sed uita, si sustinuero tormenta tua. Dux dixit: Hoc ergo elegisti? Victor ait: Hoc. Tunc dux iussit eum confringi, & comminui digitorū eius articulos, donec ossa de corio secernerentur. Victor dixit: Gratiās ago deo meo, quia appropinquauit ad me gratia domini mei Iesu Christi. Dux dixit: Cur annonā tuam non consequeris? Victor respondit: Quia uiolenter & iniq; exigitur, ideo neq; consequi, neq; comedere eam delector. Habeo enim spiritualē annonam, ut non esuriam in eternum. Post hęc iussit eum dux mitti in caminum ardentem, & post triiduum inuenit eum incolumem: quia oratione ad deum fusa, ignis eum non tetigit. Tunc iussit ei dux uenena preparari, atq; in carnem ea iniici, & offerri ei, ut māducaret. Cumq; oblata essent à nenenario, Victor dixit:

e ij

xix:

xit: Non quidem audebam carnem attingere, sed ut ostendam tibi, quia possum magicas omnes destruere artes, accipio de hac carne, & manduco. Et continuo oratione facta, manducauit, & nullius mali uim sensit. Venenarius autem acrius ei dedit, & dixit: Accipe nunc etiam, & si superaueris, relictis omnibus magicis artibus, credam deo tuo. Et cū de nouo comedisset, dixit magus: Viciisti: & corroboratus est, & ait: Saluaasti animam meam, in profundum perditionis dimerfam, ut ad uitam redeam. Sicut enim statua uetus rubigine tecta, atq; deformis, si cuius diligentia deterfa fuerit, & solita ad splendorem pristinum renouatur: Sic & homo inueteratus in malicia, cōuertitur, & dei gratia sanatur. Statim ergo idem magus omnes codices suos incendit, & bonis suis renunciavit, docuitq; eum Victor fidē Domini nostri Iesu Christi. Quibus perfectis, dux dixit Victori: Sacrifica dñs, ut prudens appareas. Victor dixit: Semper ego prudēs sum. Dux dixit: Stultus factus es. Victor dixit: Stulta sæculi elegit Deus, ut confundat sapientes. Dux dixit: Vbi hoc scriptum est? Victor respondit: In Apostolo Paulo. Dux dixit: Ergo deus est Paulus? Victor dixit: Non, sed dei Apostolus, & sapiens architectus, positus, supra fundamentum ædificare. Deniq; perimpleuit edificium, accepta sapientia dei, et obtinuit plenitudinem scripturarū, ostenditq; ita saluari cupientibus. Dux dixit: Comprime stultitiam tuam, & sacrifica, quia nō proderunt tibi eius sermones. Victor respondit: Non sum stultus, sed sapientiam quæro. Stulti autem sunt, qui sacrificant idolis uanis, & deum ignorant, sicut pater eorum diabolus, qui ab initio ueritatem nescit. Illi mendaces sunt & corde hebetes, qui fidem in sensu nō receperunt. Tunc iussit dux rumpi neruos eius de corpore, dixitq; Victor: Hæc omnia dolorē mihi non p̄buerunt. Sicut em̄ de rupta spina de pede extrahit secum omnem impatientiam & sensum doloris, & requiem tribuit homini, Ita & ego diruptis neruis requieui. Tunc iussit dux oleum plurimū decoqui, & infundi ei per partes occultiores. Quo facto, Victor dixit: Sic mihi feruens oleum fuit, sicut aqua frigida æstate, quæ iter facienti porrigitur, ut lassum reficiat. Tunc dux iussit lampades ardentes suspenso applicari: sed nihil sensit ille confirmatus à Deo. Post hæc dixit dux: Sacrifica, quia usq; nunc aliquid tibi detuli. Victor dixit: Non tuam uolūtatem faciam, sed dei. Iterum iussit dux acetum & calcem gulæ eius infundi. Ad quem Victor, Acetum (ait) & calx sicut mellis fauus, sic mihi fuit pro fide domini mei Iesu Christi. Tunc iussit dux exoculari eum. Victor dixit: Etsi hanc corporis partem debilitaueris, mentis oculi plus uidebunt, Quia oculi corporis uanitatem mundi contuentur, Nam oculi cordis uerum lumen aspiciūt. Sebastianus dux dixit: Cogis me diuersas et graues tibi inferre pœnas. Victor dixit: Deo meo gratias ago q̄ subuenit seruo suo, fac q̄d tibi placet, noli tardare, q̄a paratus sum ad sustinendum: nec dominus deerit ad auxiliandū. Tunc iussit

iussit eum dux capite deorsum dimerſo ſuspendi, donec de naribus eius ſanguis exiret. Dimiſſus eſt ergo in illo ſuſpendio tribus continuis diebus, ſic tamen, ut eum carniſices obſeruarent: qui eum mortuum putantes, acceſſerunt ad eum, & ſtatim excecati ſunt. Dixit autem illis Viſtor: In nomine domini noſtri Ieſu Chriſti, propter quem ſuſpenſus ſum, aperiantur oculi ueſtri: & continuo carniſices uiderunt, pertuleruntq; hæc ad ducem. Iratus aut dux, iuſſit eum decoriari. Viſtor dixit: Etiam ſi corporis corium à carne ſepaueris, tamen contra ſenſum nihil ualebis, nec me illo poteris denudare. Eodem tempore cuiuſdā militis de caſtris uxor, nomine Corona, annorū circiter ſedecim, exclamauit, dicens: Beatus es Viſtor, & beata opera tua: acceptabilis eſt immolatio tua, ut ſacrificiū Abel iuſti. Placuiſti deo, ſicut Abraham: obtuliſti te, ſicut Iſaac: ſuſtinuiſti ſicut Iacob: ſapiens fuiſti ſicut Ioseph. Acceptum eſt ſacrificiū tuum ſicut Samuelis. Non tetigit te ignis, ſicut nec tres pueros. Vidi em̄ duas coronas de cœlo deferri, unam maiorem, & alteram minorem: Maior tibi impoſita eſt ab angelis xj. minor mihi deſtinata eſt: quia licet ſim uas infirmum, tamen reuerentiam gero nominis Chriſti, & hæres eius opto cum ipſius ſamulis inueniri. Cum hæc audiſſet Sebaſtianus dux, iuſſit eam ſibi offerri, & dixit ei: Quæ es tu? Corona reſpōdit: Chriſtiana ſum. Dux dixit: Quot annorum es? Illa reſpondit, XV. & menſiū IX. Dux dixit: Quando nupſiſti? Corona reſpondit: Ante annum, & menſes IIII. Dux dixit: Quare tam cito queris perdere ſpeciem tuam? Corona reſpondit: Malo immundicias temporales & corporeas contemnere, ut poſſim obuiare uero ſponſo ſaluatori noſtro, quem expectamus dominum noſtrum Ieſum Chriſtum. Dux dixit: Sacrifica, ne noſ uis te cruciatibus conſumam. Corona reſpondit: Ideo non ſacrifico, ut accipiam dei coronam. Dux iratus iuſſit duas arbores inflecti, ita ut ſe utræq; contingerent, atq; ad ſingulas beatam Coronam religari, ac diſmitti. Eis ergo ad ſitum ſuum redeuntibus, dirupta eſt Corona in duas partes, atq; ita conſummato curſu bono & ſideli teſtimonio, quieuit in pace. Viſtorem autem dux iuſſit Sebaſtianus decollari. Beatus Viſtor dixit, Gratias ago Domino meo, qui mihi donauit ingenuam libertatem. Cum autem ſtaret, ut feriretur, dixit carniſicibus: Poſt dies ſeptem tortores morientur, & uos poſt dies XII. & poſt dies XXIIII. dux rapietur. Poſt annos uero tres ueniēt noſtri ad tollendum corpus meū. Habeo aut ſarcophagum & impendia ſepulturæ, olim mihi præparata. Ne ergo in alieno reponar extoro, nec ab alijs ſepeliar, neq; quis prohibeat tolli corpus meū, ut ad ſua redeat in pace. Percuſſo ergo eo, exiuit ſanguis & lac, ut mirarentur omnes in his omnibus. Plurimi aut appliſcati ſunt fidei, ppter mirabilia, quæ uiderant ſuper euentum eorū, quæ prædixerat: Omnia enim ſicut dixerat, euenerunt. Atq; ex hoc plurimi crediderunt domino noſtro Ieſu Chriſto. Cui gloria in ſecula ſeculorū, Amen.

e in

Paſſio

DE SANCTIS
PASSIO S. ALBANI MARTYRIS.

Ligitur uir Dei Theonestus cum Albano suo alijsq; discipulis Roma ueniens, Moguntiam urbem regiam ingressus, inuenit eam uarijs erroribus obnoxiam, & hæreticæ prauitatis sordibus profanatam. Ipsa enim sicut ex diuersis partibus pro uarijs negocijs ad se confluentes cuiuslibet linguæ uel sectę excipiebat homines, ita multorum sectabatur errores: & cui erat potestas omnibus dominari, non spernebat omnium erroribus ancillari. Hac de re etiam sacerdotem suum sanctissimum sanè uirum aureum, quia errores eius increpando redarguebat, pontificali solio & mœnibus tunc temporis deturbauit. quem postea Hunorum gladius cum sorore eademq; sacra uirgine Iustina uictimatum Christo domino ad cœlos misit. Videntes aut sancti uiri, urbē proprio pastore destitutam, occasionē prædicandi ex euentu nacti, cœperunt indigenis uerbū ueritatis Euangelizare, unitatem sanctæ Trinitatis contra Arrianos tam propheticis, q̃ euangelicis sermonibus astruere: scilicet filium patri esse consubstantialem, & coeternum, spiritum uero sanctum cum patre & filio idem esse & unum, quia unus est Deus uiuus & uerus pater & filius & spiritus sanctus. Arriani uero huic uerissimæ assertioni obnixē reclamantes, unanimiter obsistunt, & heresiarchæ sui ueneno delibuti, sanæ doctrinæ sermonibus nullatenus adquiescunt. Videns autem Beatus Albanus uirum Dei Theonestum eorum argutijs & insultationibus uehemēter urgeri, & iam prope esse, ut illata sibi uiolentia debeat uinculatus teneri, ut erat uerbo promptus linguæq; expeditus, partes Magistri defendens, se medium interponit, & quid in hac, de qua agebatur, quæstione, ueritas habeat, aperte & diligēter exponit, ostendens gradus & distinctiones seu minorationes, quas Arrius in sanctam Trinitatem blasphemio ore confinxerat, penitus nihil esse, sed patrem & filium & spiritum sanctum coessentialē & coeternum, imò unum Deum ante omnia & per omnia sæcula sine fine regnare. Videntes ergo hæreticæ prauitatis alumni se Albani sermonibus in plebis audientia confundi, & inexpugnabilem luce rationum publice confutari, in ultionem suæ confusionis seditionem concitant in populo, clamantes: indignum facinus aduenas homines ignotos & idiotas eorū fidem & religionē impugnare, oportere disciplinam, ne quis de cætero talia præsumat, eorum sanciri sanguine, fore dignum, ut aut eorum assertus palmam dantes, se uicti patiantur, aut uindictibus flammis uiui tradantur, nouisq; & exquisitis pœnis in exemplum omnium rebellium puniantur. Hinc uulgari more strepentes, confusosq; fremitu & populari tumultu super eos irruentes, Albanū, qui eis uehementius cæteris insistebat, de medio fratrum abripiunt, trahunt, impingunt, cedunt, sine discretionē super eum insaniunt, sine miseratione plagis uero

gis uerberibusq; afficiunt. At ille qui iam quotidiano usu didicerat, labores & pericula pro Christo pati q̄ patienter, tam constanter omnia perferebat, & in omnibus gratias illi, pro quo hæc patiebatur, agebat: nec minus tamen Arrianæ bestiae in insontem tormentis grassantur, & ut in eorum concedat sententiam omni poenarum genere debachantur. Pauci uero qui sanioris erant sententiæ Christiana pietate ducti, quantum fas erat prohibebant talia fieri, uolentes ei carnali quadam miseratione suggerere, ut sibi parceret, & aut eis consentiendo, aut ueritatem reticendo tempori cederet. Ad hæc Albanus ut columna immobilis in sancto firmiter herens proposito, negat se ad hoc posse cogi, nec contra Catholicam ueritatem aut tormentis concuti, aut blandimentis posse seduci. Arriani uero ut persentiunt inflexibilis constantiæ hominem irrevocabiliter in proposito perseverare, iniurijs obprobrijsq; exsaturatum extra ciuitatem eijciunt, & post uaria tormentorum genera, capitali sententiæ addicunt. Erat uidere mirabile imò miserabile spectaculum, hominem innocentem sine causa damnari, uerum Christi testem perfidia præiudicante mactari. Ipse uero iuxta Apostolum stigmata Iesu in corpore suo portans, ac semet in Agoma positum in spiritu sancto confortans, tota ad cælum mente suspensus mundū animo negligebat. Ideoq; & ipsa tormenta iam carne fatisciente deficiens, quasi non sentiebat, cupiens dissolui, & esse cum Christo. Confluit aut ad spectaculum istud tota undiq; uersum ciuitas mobile uulgus in uarias se scindit summas: Alij sacrilegum, alij clamant catholicum, hi dicunt sanctum uirum debere dimitti, illi impium turpissima morte damnari. Expectabatur iam iamq; carnifex, qui deuota sanctæ huius uictimæ colla feriret, ac ceruicem iugo Christi assuetam stricto mucrone præcideret. Tandem Albanus genibus flexis, ore interim cernuus, corde in cælum erectus, nudam spiculatori præbet ceruicem, pro tali patientia æternam recepturus mercedē. Ita uerus Christi Athleta & fortissimus fidei Agonitheta in stadio positus, & uerissimus Christi testis inuentus, bonum certamen certauit, cursum cōsummauit, fidem seruauit, de reliquo recepturus depositum, hoc est, coronam iustitiæ ab eo cui deposuit. Igitur deuota ceruix crudeli gladio trucidatur, sacrum gutturis organum, quod iugiter nomen aut laudem Christi personabat, impio ense præciditur, sanctissimum uisus hostiæ caput cruento mucrone rotatur. Sic sanctissima beati Albani anima carnis ergastulo foeliciter absoluta, sacri sanguinis imbræ purpurata, gloria martyrii coronata, angelico stipata comitatu ascendit ad regem suum, ut quē semper desiderauit, semper uideat, & cum eo regnans in æternum gaudeat. Dominus autem Iesus sedens ad dexteram patris maiestatis, & de excelso sancto suo prospiciens testem suum contra rebelles, fidei Agonizantē in terris, tali delectatur sacrificio, tali gloriatur holocausto, addens certanti uirtutem constantiæ, præbens bellanti effectum

effectum uictoriæ, assumens triumphantem cum palma martyrii ad coronam gloriæ. Nec solum dominus sanctum suum cœlesti mercede remunerat, uerumetiam ad laudem sui nominis salutemque mortaliū, miraculis illustrat. Denique ut sanctissimum eius caput impio mucrone rotatum à ceruice reuulsum est, ipsum adhuc lingua in laudem Christi palpitante, adhibitis tollens manibus, firmo incessu ad locum usque perrexit, ubi nunc placida & foelici compositus pace quiescit. Ecce autem adest in huius glorificati hominis exequiis angelica cœlestiæ militiæ dignitas, diuinis laudibus prosequens non loculum funeris, sed triumphum martyris propriis gressibus ad tumultum properantis, eique cœlestes celebrant exequias ad laudem Redemptoris. Vere gloriosissimus inter martyres Martyr iste diuinus, cuius funus non fertur loculo, non eget baiulo, sed nobili & inusitato exequiarum genere caput in manibus portans, pedibus petit locum sepulchri, ipsa statione sua designans, ubi debeat sepeliri. Hæc uero licet dominus æternæ beatitudinis gremio confoueret, pia tamen sanctissimi corporis gleba debito negligentius & æquo incultius tunc temporis humata est. Id enim habebat articulus temporis catholicos nimium infestinantibus hæreticis. Post eam uero persecutionem, quam in ultionem huius sceleris et hæreticæ impietatis, sub Attila Hunorum rege cœlesti iudicio facta, supra retulimus, cum ecclesijs Christi reddita esset pax sanctorum precibus diuinæ animaduersionis iram propiciantibus, sancti Albani tumba coepit miraculis celebrari, & multo populorum conuentu frequentari: quia uidebant qualiter dominus sanctum suum mirificaret, & quomodo magnificentiam suam in eo exaltaret. Videbant enim eius inibi florere orationes, choruscare uirtutes, eiusque meritis multa petentibus præstari beneficia, infirmantibus sanitatum dona, omnisque qui ad eum de quacunque tribulatione clamaturus ingrediebatur, protinus impetrata cōsolatione lætus regrediebatur. Videbant ibi illuminari cæcos, insolitos gressus erigere claudos, omniumque membrorum dolores & morborum languores in sanitatem pristinam reuocari. Inde Christiana religione ducti, prout tunc temporis erat copia, super sacrum cinerem parue molis ecclesiam fabricant, altare dedicant, eius se patrocinio commendantes, sanctique corporis loculum præ omnibus uenerantes. Aliquanto autem processu temporis euoluta, cum iam ciuitas ad integrum esset renouata, & Christiana religio tam catholice quam canonicè ad plenum redintegrata, uenerabilis Richolfus à præsulatu magni Bonifacii tertius, sanctæ Moguntinæ sedis archiepiscopus, sicut uidebat locum sancti Albani miraculis choruscare, ita hunc fabricis, aliisque diuinis cultibus aggressus est honorare, fundans primo Basilicam tanto nomini condebitam. Cuius fabricæ modum & extructuram, quia promptum est oculis cernere, non est opus chartis intexere, estque superfluum, ut literis uel lectione depingatur. Cuius facie uel specie

uel specie omnis ingrediens delectatur. Super sacra uero cinerem mau-
 solium erexit, quod auro ac gemmis, argento quoque, ubi compete-
 batur, uestiens, diligenter undique contexit. Addidit praeterea in cultu sanctua-
 rii & in ministerium altaris uasa aurea & argentea, sacris ministerijs ido-
 nea, sacras quoque uestes diuinis officiis, prout tempus dicitur, competen-
 tes. Construxit etiam omnis regularis uitae officinas, quas uoluit seruo-
 rum Dei inibi degentium ad perpetuos martyris excubias esse receptacu-
 la, ut eius suffragantibus meritis ipsi eum in aeterna recipiant tabernacu-
 la. Obtulit praeterea sancto martyri sumptus deo famulantium praedia
 uillasque, & ecclesiarum decimas, quas sancto altari rata astipulatione fir-
 mauit, scriptisque testamentis perpetua stabilitate legauit. Idem autem uene-
 rabilis locus in tanta celebritate cepit haberi, ut non tantum eiusdem re-
 giae urbis Pontifices, uerum etiam regni primores eum defungerentur,
 non alibi se poscerent sepeliri. Siquidem in argumentum fidei intra &
 circa Ecclesiam quoquo uersum extant mausolaeae singulorum nominum
 & obitus die titulis designantur. Sed & potentissimus ille Carolus Ma-
 gnus & orthodoxus Imperator cum Fastrada coniux eius apud Fran-
 kinsfurt diem obisset, tam nobile funus ad monasterium sancti Albani
 praecipit deferri, & aquilonari uestibulo ante altare sanctae Mariae, tem-
 pli terrae praecipit mandari. Argumento est titulus monumenti eius in
 eiusdem uestibuli pariete intra fornicem descriptus, pro cuius animae re-
 medio quaedam sancto martyri contulit praedia, unde hodie & fratris
 bus ministratur dieta. Iam nunc sufficiat de innumeris pro compendio
 pauca libasse. Si enim narrando singula percurram, paritura est prolixitas
 fastidii notam. Vere felix tali patrono Moguntia olim quidem per-
 uicacia haereticae superstitionis ferrea, nunc uero obseruantia diuinae re-
 ligionis aurea: aurea inquam felix Moguntia, quae tanti martyris sangui-
 ne purpuratur, quae tam pretiosi cineris techa consecratur, quae uictori-
 osi huius agonistae triumpho coronatur, in cuius ueneratione regina
 assurgit, Gallia nobilis adplaudit, Germania, imo tota congaudet Eccle-
 sia. Quia ergo de perpetua huius preciosissimi martyris non dubitamus
 gloria, quam in coelesti angelorum meruit curia, nos qui eius indigemus
 intercessione coelestem eius natalem quia continuatim nequimus, uel
 annuatim celebremus, ut eius suffulti meritis ad eam pertingamus glo-
 riam, quam ipse in conspectu regis sui, pro quo passus est, possidet, non
 annuam, sed continuam. Gloriosissimus igitur martyr Albanus pelliciam
 tunicam mortalitatis pro defensione ueritatis exuens, & mortalitatis ma-
 teriae tributum in Christi defensione persoluens, passus est undecimo Kl.
 Iulij, sub Iunioris Theodosio Augusto, eternaliter regnante domino nostro
 Iesu Christo in dextera paternae maiestatis, qui cum eodem patre ingenito,
 & spiritu sancto ipse primogenitus & unigenitus unus & uiuus & ue-
 tus deus uiuit & regnat per immortalia saecula saeculorum, Amen.

f

S. Per

DE SANCTIS
S. PERPETVA ET FELICITAS.

Ex S. Auguf.
de tempore
barbarico
Cap. 5.



Iecerunt martyres mundum, inter quos martyres mares etiam foeminae repertae sunt fortiores. Ante paucos dies Natalicia celebrauimus martyrum Perpetuae & Felicitatis, comitum. Et cum tot sint ibi uiri, quare istae duae prae omnibus & nominantur: nisi quae infirmior sexus aut aequauit, aut superauit uirorum fortitudinem? Vna earum erat praegrans, alia lactans: Felicitas parturiebat, Perpetua lactabat. Sed tamdiu Perpetua lactauit, quam diu acciperet ab illo pastore simul & patre bucellam lactis: qua accepta, dulcedo Felicitatis Perpetuae eam fecit contemnere filium, spernere patrem, non inhaerere mundo, perdere animam pro Christo. Felicitas uero, quae sociam habebat Perpetuam, & parturiebat, & dolebat: obiecta bestiis gaudebat potius quam timebat. Quae uirtus in foeminis qualis est gratia: quae cum se infundit, nullum indignum iudicat sexum. Gratias gratiae Dei reparauit enim sexum mulebrem. In opprobrium magnum mulier remanserat: quae ab initio per mulierem unam Euam deiecit, sed Christus natus ex uirgine, multas foeminas exaltauit. Perpetua & Felicitas caput calcauerunt serpentis, quod Eua ad cor suum intus admisit. Istam deduxit falsa promittendo, illas non ualuit superare scuiendo. Illam decepit in Paradisi felicitate: has non potuit adire nec substantiarum deposita potestate. Illius inter paradisi delicias ruina: harum inter poenas fortitudinis constantiam ipse quodammodo diabolus expauit. Merito sic sunt exaltatae, merito uiris uel coaequatae, uel prolatae. Quis enim in Christo Iesu non sit seruus, neque liber, non sit masculus, neque foemina, sed omnes sint unum occurrentes in uirum perfectum: descendit tamen hoc donum ex magna gratia. Perpetua enim & Felicitas, nomina istarum sanctarum foeminarum, merces est sanctorum omnium martyrum.

De eadem Felicitate ex Gregorio Mag. in Euangelia, Homilia iij. fol. ccc. xj. super Euangel. Matth. xij. Ecce mater eius, &c. Ad quam rem nobis idonee confirmandam adest beata Felicitas, cuius hodie Natalicia celebramus, quae credendo extitit ancilla Christi, & praedicando facta est mater Christi.

GREGORIUS I.



Gregorius patria Romanus, patre Gordiano, uiro senatorio, uno omnium consensu, inuitus etiam, pontifex creatur, anno domini DC. ac XIX. Monachus namque erat, ac Leuita. Is autem cum principis consensus requireretur (ut antea dixi) nuncios cum literis miserat, qui Mauritium obsecrarent, ne pateretur electione cleri & populi Romani ea in re ualere. Interceptae sunt literae a praefecto urbis, ac disceptatae, scriptaeque aliae, quibus rogabatur, ut quem populus ac clerus

ac clerus in pontificē legisset, eundem imperator confirmaret, quo nihil ei nunciari iucundius ac gratius potuit, cum secū familiariter, dum Constantinopoli erat Gregorius, uixisset, filiumq; eius ē fonte baptismatis leuasset. Remittit itaq; Mauritius nuncios, ac quidem properē, qui Gregorium confirmarent, cogerentq; hominem sanctissimum, pontificatus gubernacula in tanta perturbatione rerū suscipere. Is itaq; non sibi ipsi, sed utilitati hominum, ac honori diuino consulens, quem certē ob religionem & pietatem rebus omnibus semper antetulerat, spretis opibus, posthabitis uoluptatibus, atq; omni ambitione & potentia. Gubernacula reipublicæ Christianæ suscipiens, ita uixit, ut usq; ad tempora nostra neminem ex successoribus parem habuerit, nedum superiorem uel sanctitate uitæ, uel diligentia in rebus agendis, uel doctrina & scriptis. Nam & librū de sacramentis composuit, & Antiphonariū tam diurnū q; nocturnū, & cōmentarios in Ezechielē, in quadraginta Euangelia: in Iob quoq; (ut dixi) allegorice, ad mores & historiam respiciens, eleganter scripsit. Edidit & libros quatuor in dialogo, & librum, quē pastoralē appellauit, ad Iohannem Episcopum Rauennatem, de ratione gubernandæ Ecclesiæ. Instituit præterea, ne quid ornatus & concentus inter sacrificandum deesset, ut Antiphonæ canerentur: hæc uulgo introitus uocant. Eius quoq; inuentum est, ut nouies kirie eleyson caneretur, & alleluia, interpositis Septuagesimæ diebus usq; ad Pascha. Cantatur etiam post Euangelium, post cōmunionem suo mandato. Idem quoq; in Canonem redegit, Diesq; nostros in tua pace disponas. Præterea uerò supplicationes maiores, quas Græci letanias uocant, primus instituit. Stationum quoq; magnam partem, maxime autem quæ in basilica Petri habentur, die natali Iesu Christi, in Epiphania, in dominica passionē, in albis Paschæ, in ascensione, in Pentecoste, natalibus Apostolorum, in tertia dominica aduentus, in dedicatione eiusdem basilicæ, die festo sancti Andreæ, in cathedra Petri, dū maior letania sit in sabbato quatuor temporum. Quid plura de hoc sanctissimo uiro commemorem? cum omnis institutio ecclesiastici officij, ueteris præsertim, ab eo sit inuenta & approbata, quem quidem ordinē utinam sequeremur. Non abhorrerent hodie à lectione officij uiri docti, quemadmodum faciunt propter barbariem (nescio quam) illi latinitati & compositioni additam. Ne uerò ulla in re uir sanctissimus Ecclesiæ deesset, synodū habuit apud sanctum Petrum quatuor & uiginti Episcoporum, qua certe multa sustulit, quæ nocitura, multa etiam addidit, quæ profutura fidei nostræ uidebantur. Misit et uiros optimos in Britanniam, Augustinum, Meliū, & Iohannem, cumq; his monachos quosdam probatissimæ uitæ, quorū monitis & prædicationibus fidei nostræ dogma Angli tum primū integre receperunt. Rediere etiam Gotthi Gregorij opera ad unionē catholicæ fidei. Sunt præterea, qui scribant, Gregorium dialogum suum

f ij de mor

de moribus ad Theudelindam Longobardorū reginam misisse, cuius lectione præferocem & indomitum uiri sui Antharis animum ad religionem & mitiorem cultum redigeret. Erat enim matrona insignis, & fidei Christianæ studiosissima. Nam & basilicam beati Ioannis baptistæ Modoëtiæ ædificauit, quod oppidum decem millibus passuum a Mediolano distat: & eandem ecclesiam prædijs ac uasis aureis ornauit. Ferunt eo tempore, quo Hermichildus à patre Leuigildo Gotthorū rege interfectus est, quod fidem catholicam confiteretur, Iesu Christi tunicā, quæ sorte uni militum obtigerat, inuentam esse apud urbem Zaphat in arca marmorea eo loci repositam, Thomæ Hierosolymitani episcopi, & Ioannis Constantinopolitani, ac Gregorij Antiocheni tempore. Interea uero Mauritius superatis in Hetruria & Campania Hexarcho Romano duce, Longobardis in omnia uitia & omnem arrogantiam prolapsis, legem tulit, ut qui Romanæ militiæ ascriptus esset, nisi finita militia, aut mancus & debilis ex uulnere factus, deo militare non posset. Hanc ob rem motus Gregorius hominem admonet, ne eius religionem impugnet, cuius benignitate ex infima sorte hominum ad summū gradum dignitatis peruenerat. Præterea uero cum Ioannes Constantinopolitanus episcopus habita Græcorum synodo seipsum œcomenicum, id est uniuersalem patriarcham creasset, monuissetque Gregoriū Mauritius, ut Ioanni obtemperaret, respondit homo constantis ingenij & fidei, potestatem ligandi & soluendi Petro traditam, eiusque successoribus, non episcopis Constantinopolitanis: proinde desineret iram dei in se cōcitare, dum seditiones studiose nimium in eius ecclesia serit. Nequaquam uero his malis contentus Mauritius, reuocatis militibus suis, qui in Italia erant, Longobardos adhortatur, ut spretis fœderibus iam ictis Romanos adorirentur: quare Agilulphus ex Cisalpina mouens uastatis longe ac late Hetruriæ agris, quā iter faciebat, urbem Romam magnis illatis calamitatibus integrum annum obsedit, quo quidē tempore Seuerus Aquileiensis episcopus in hæresim lapsus est, quæ multorum malorum seminarium fuit. Nam Seuerō mortuo Aquileiensis ecclesia bifariam diuisa est, cum Agilulphus Longobardorum rex, Ioannem Aquileiensem, Gregorius Candianum Gradensem Foroiulianis episcopos præfēcissent. Agilulphus uero omiſsa spe potiundæ urbis obsidionē soluens, Mediolanum rediit. At Mauritius non sponte, sed coacte poenitentia ductus, cum Gregorio mitius agere cœpit, quod intellexerat quendā monachi habitu indutum, strictum gladium in manu tenentem in foro Constantinopolitano clamasse, Imperatorem breui gladio moriturum: hoc idem eius somnium confirmauit, quo se uxorem ac liberos cædi uidebat. Interim uero milites stipendijs suis defraudati, Phocam centurionē imperatorem creant, & Mauritium obtruncant, unde uigesimo imperij sui anno. At Gregorius exornatis quibuscunque rebus potuit basilicis Romanis

manis, dedicataq; Gotthorum ecclesia, quæ in suburra est Agathæ martyris nomine, Fl. Ricimeri uiri consularis opus (ut literæ missiuae indicant) paternam domum in Cliuo Scauri positam non longe à circo maximo in monasterium redegit: quo in loco & hospites continuo accipiebat, & pauperes undiq; cōfluentes, cibo & potu in uita retinebat. Vir certe omni laude dignus, si uitam, si mores, si doctrinam, si solertiā in rebus tum diuinis tum humanis inspicias. Neq; est, cur patiamur Gregorium hac in re à quibusdam literarum ignaris potissimum carpi, q; suo mandato ueterum ædificia sint dirupta, ne peregrini & aduenæ (ut ipsi fingunt) ad urbem religionis causa uenientes, posthabitis locis sacris, arcus triumphales & monumenta ueterum cum admiratione inspicerent. Absit hæc calumnia à tanto pontifice Romano, præsertim cui certè post deum patria quàm uita charior fuit. Multa profecto ex collapsis ædificijs exedit uetustas. Multa præterea demoliuntur homines ædificandi gratia, ut quotidie cernimus. Impacta illa foramina, quæ tum in concauo fornicum, tum in coniuncturis marmorum quadratorum uel lapidum uidentur, non minus à Romanis, q̃ à barbaris auellendi æris causa crediderim. In fornicibus enim, quo leuior esset moles, ollas cum numismatibus collocabant. Lapidēs uero quadratos æneis clauis firmabant. Factum id quoq; à Romanis dixi, si Epirotæ, Dalmatæ, Pannonij, & fex totius orbis terrarum huc missa Romani appellari possunt, Gregorius autem confirmata omni ratione ecclesia dei anno xij. mense vj. die x. pontificatus sui moritur: Phocæ uero imperatoris anno secundo: sepeliturq; collachrymantibus omnibus in basilica Petri ante secretarium, quarto Idus Martij.

S. BENEDICTVS CONFES.

for Domini.

Benedictus ex Nursia ciuitate claris parentibus ortus, & Romanæ liberalibus disciplinis eruditus, ab ipsa infantia Christum egregia pietate coluit, & miraculis claruit. Quod ut faceret expeditius, in solitudinem & specum quandam profundam, ad locum qui dicitur Sublacus, secessit: Vbi triennio latuit cunctis hominibus incognitus, præter Romanum monachum, qui ei necessaria subministrabat. In qua solitudine, quum die quodam diabolica tentatione, ardore libidinis ureretur, se in spinis & uepribus nudum uolutauit, donec laceratus & cruentus tentationem superaret. Deinde uocatus à quibusdam monachis, ut ipsorum monasterio præesset: quidam ipsorum dissoluti quū paulò sæuerius ab eo tractarent, ipsum uenenato uino necare constituerunt. Quod quū ei in poculo uitreo porrigeret, ille rem diuinitus cognoscens, solo signo Crucis manufacto, uas intactum mirabiliter confregit: Et dimisso monasterio, ad solitudinem remeauit. Quo quum

f iij multi

D E S A N C T I S

multi discipuli cōuenissent, duodecim monasteria construxit, quæ optimis institutis, exemplo sanctitatis, multis etiam sequentibus signis fundauit, monachorumq; Regulam prudentissime ac luculenter scripsit, Hæc ille. Porro, si cui libet plura de S. Benedicto, Euangelico uiro, nosse, is legat D. Gregorij dialogorum lib. ij. à principio. Is author Scholasticæ quoq; sororis Benedicti historiam attingit.

HYMNVS AD DIVVM BENEDICTVM.

HVcades ô Benedicte, meos neu despice cantus,
 Hucades Orphea diue canende lyra.
 Vre puer costum Assyrium redolentibus aris,
 Vre & odoratis plurima thura focis.
 Digne senex populi precibus, uotiçq; potentum
 Digne senex, aræ cui sacra mille parent.
 Mille canant, pater euge pater Benedicte, tibi omnis
 Turba, chorusq; omnis cantitet, euge pater.
 Hic uel mille aras tibi maxime Christe dicauit,
 Mille arces, mille & mœnia, mille tholos.
 Primus & hic Italæ posuit sacraria genti,
 Et clausit sacros mœnia in una choros.
 Huic & sæuities concessit barbara, & hostis
 Armatus miti uictus ab ore uiri est.
 Totq; uirum ductor, & tantis indyus actis
 Prostratus geminos corruit ante pedes.
 Quid maius radians uidit sol? & tibi plausit
 Christus, & e cœlo nuncia signa dedit.
 Instaura iam thura puer, cane sancte sacerdos:
 Ingeminent laudes tympana pulsa nouas.

ADVNCIATIO ANGELICA.

:Olympo



Abitur, & ueniens fulgentes explicat alas
 Nuncius, & celeri penetrat secreta uolatu
 Limina. ad ingressum subitæ perterrita lucis
 Extulit attonito titubantia lumina uultu:
 Et formam mirata uiri tabescere castum
 Pectus, & insidias metuens pallefcere coepit
 Aliger arguta referans noua nuncia uoce:
 Pone metus, inquit, Superis gratissima uirgo,
 Lætus ab æthera uenio tibi nuncius arce
 Æterni iucunda ferens mandata Tonantis.
 Conceptura nouos ullo sine semine foetus,

Et

Et prolem paritura Dei, materq; futura es
 Stirpis Olympiacæ tactus non passa uiriles,
 Et Deus ipse tuam ueniens labetur in aluum
 Gressibus occultis, tuq; intra uiscera corpus
 Ipse sibi formans post nonæ tempora Phœbes
 Exiit humanæ uelatus imagine formæ
 Arma ferens pacis uenit, atq; salutifer orbi.
 Propterea sanctam dabis attestata salutem
 Nomina, in immensum crescet, uenturaq; magno
 Sæcula consensu templis congesta superbis
 Dona ferent illi, rutilo qua surgit ab ortu
 Lucifer, hesperias & qua declinat in undas,
 Qua micat Arctophylax, latum qua sustinet orbem
 Axis inocciduus, resonans qua nascitur Auster.
 Imperio premet omne genus telluris & undæ,
 Possessurus opes cœliq; habiturus honorem
 Perpetuum, & mundum æquatis recturus habenis.
 Sed neq; fulgentes auro radiante coronas,
 Nec Tyrios regum feret ornamenta colores.
 Non illi sublime domus dabit ardua culmen,
 Marmora nec tollet subeuntibus alta columnis
 Viuenti, non Martis opus, non ærea tela
 Tractabit, rigido non oppida milite cinget,
 Non ruet aërias arces, non æquora grandi
 Classe premet, non hinnitus laudabit equorum,
 Nec quæ bella mouent horrenti classica cantu,
 Ferrea nec mittet captos in uincula reges
 Nec populo illustres ducet spectante triumphos.
 Scilicet hæc homines curant, nos alta tenentes
 Qui regimus totum damus hæc non quærimus orbem.
 Non illi humana bellum est cum gente, superbum
 Spirituum genus atq; procax, atroxq; quod ausu
 Diuinum ingenti iam uulgo usurpat honorem
 Impetit, huc belli uires, huc dirigit omne
 Robur, & hæc agitur non ferro pugna, sed astu
 Quid fieri maius poterit, quam trudere diuos
 Sedibus antiquis & auito pellere regno?
 Sed grauis humanas premit ignorantia mentes:
 Nam quod promittunt uenturo oraculo Christo
 Imperium mortale putant, uatemq; futurum
 Terrena tantum ducunt à stirpe, Deumq;
 Esse negant.

Fœlices

DE SANCTIS

Fœlices annos, & quæ tua protulit ætas
Aurea non Cæsar renouauit sæcula, uerum
Tuq; puerq; tuus : nam primi dulcia mundi
Tempora conuerso coeperunt currere gressu.
Læta quies oritur, niueis pax aurea pennis
Descensuram.

Nunicius hæc. humilis firmato pectore uirgo
Imperio dixit magni parere Tonantis
Cogimur, & miti curuans caput annuit ore
Candida uirginitas, simplex prudentia, uelox.
Et matura fides, humilisc; modestia totos
Lætitiâ impleuit cœlos & sydera cantu.
Tum diuina grauem subitis conceptibus aluum
Extulit, atq; sinus soboles extendit onustos.
Sicut in adductos penetrat cum lubrica folles
Aura, cauernosum surgens tumor exit in orbem.
Mirata est creuisse uterum natura, suumq;
Esse negauit opus trepidas ut uirginis aures
Aliger afflauit cœlesti nuncius ore.
Diulgata polo res est, mysteria norunt
Ætherij ciues, Mariæ tunc æthere toto
Nomen honoratum, cœli cantata Theatris
Virginitas fœcunda fuit nondum agnita nigris
Manibus, infernoue Ioui, sub hypostasim unam
Naturæ coire duæ.
Temporeq; ex illo semper toto æthere uirgo est
Angelicis prælata choris, & dignior omni
Agmine spirituum rutilo.

AD ANGELIS MON SEV ANNUNCIATIONEM.

purissime Dei genitricis Mariæ.



Angelus præantistes e cœlo missus est dicere Dei genitrici:
Aue, & cum incorporea uoce, corporeū factum te aspiciens
domine, obstupuit, & stetit clamans ad eam hæc: Aue, per
quam lætitiâ effulget. Aue, per quam nocumentum deficiet. Aue,
Adam cadentis reuocatio. Aue, lachrymarum Euæ redemptio. Aue,
altitudo difficile accessibilis humanis intellectibus. Aue, profunditas
difficultis contemplabilis & angelorum oculis. Aue, quoniam es regis
cathedra. Aue, quoniam portas portantem omnia. Aue, stella manis
festans solem. Aue, uenter diuinæ incarnationis. Aue, per quam reno-
uatur creatio. Aue, per quam infans efficitur conditor. Aue, sponsa in-
nupta. Aspiciens sancta seipsam in castimonia, inquit Gabriel audacter:
Admirabile uocis tuæ, difficile percepta meæ animæ uidetur, inseminas
tæ enim

tæ enim conceptionis foeturâ quo pacto dicis, clamans alleluia. Cogni-
 tionem incognitam cognoscere uirgo querens clamauit: administrantē
 ex lumbis castis, filium, quo pacto est nâsci possibile: dic mihi. Ad quam
 ille dixit in timore nisi clamans ita: Aue, consilij arcani sacerdos. Aue,
 silentij indigentium fides. Aue, miraculorum Christi proœmium. Aue,
 dogmatum ipsius caput. Aue, scala coelestis, per quam descendit Deus.
 Aue, pons traducens terrestres ad cœlum. Aue, angelorū diuulgatum
 miraculum. Aue, dæmonum diuulgatum uulnus. Aue, lumen ineffabi-
 liter generans. Aue, quo pacto nullum docens. Aue, supergradiens
 cognitionem. Aue, fidelium illustrans mentes. Aue, sponsa innupta.
 Potestas altissimi obumbravit tunc ad conceptionem nuptiarum ex-
 perti, atq; fructiferum huius uentrem, ut agrum ostendit suauem omni-
 bus uolentibus metere salutem in pfallendo sic: Alleluia. Habens Dei
 plenum uirgo uentrem, currit ad Helisabet. Infans autem illius statim
 agnoscens huius salutationem, gauisus est, & saltibus ut cantibus clama-
 bata d Dei genitricem: Aue, germinis marcescibilis palmes. Aue, fru-
 ctus incorrupti possessio. Aue, agricolam agricolatâ humanum. Aue,
 plantatorē uitæ nostrę producens. Aue, aruum germinans fertilitatem
 misericordiarum. Aue, mensa ferens abundantia propitiationum. Aue,
 quoniâ paratum deliciarū reuifescere facis. Aue, qm̄ portum animarū pa-
 ras. Aue, acceptū legationis incensum. Aue, totius mundi propitiatio.
 Aue Dei ad mortales bona uoluntas. Aue mortaliū ad Deum fiducia.
 Aue sponsa innupta. Fluctuationē intus habens rationum ambiguarū
 castus Ioseph perturbatus est ad innuptā te aspiciens, et cælantē nuptias
 suspicans irreprehensā, discens autē tuam conceptionem ex spiritu san-
 cto, dixit alleluia. Audiērent pastores angelos cantantes, corpoream
 Christi præsentiā, & currentes ut ad pastorem, aspiciunt hunc, ut
 agnum immaculatum in uentre Mariæ pastum, quam laudantes dixe-
 runt: Aue, agni & pastoris mater. Aue, caula rationalium pecudum.
 Aue inuisibilium ferarum telum. Aue, paradisi ianuarum apertorium.
 Aue, quoniam coelestia congaudent terræ. Aue, quoniam terrestria co-
 exultant cœlis. Aue, Apostolorum non silens os. Aue, certantium in-
 uicta fiducia. Aue, firmum fidei firmamentum. Aue, splendida gratiæ
 cognitio. Aue, per quam spoliatus est infernus. Aue, per quam induti
 sumus gloriā. Aue, sponsa innupta. Ad Deum currentē stellam uis-
 dentes Magi, huius secuti sunt splendorem, & ut lucernam tenentes
 ipsam, uestigauerunt fortem regem, & præuenientes lætati sunt claman-
 tes alleluia. Viderunt filij Chaldæorum in manibus uirginis qui fecerat
 manu homines, & dominum cognoscentes ipsum, & si serui sumpsit
 formam, festinarunt donis uenerari, & clamare benedictæ. Aue, astri
 inoccidini mater. Aue, lux mysticæ diei. Aue, deceptionis fornacem ex-
 tinguens. Aue, trinitatis sacerdotes illuminans. Aue, tyrannum inhu-

g

manum

manum expellens ē principatu. Aue, dominum humanum ostendens Christum. Aue, ā barbara redimens cultura. Aue, ā coeno liberans operum. Aue, ignis adorationem quiescens. Aue, ā flamma affectuum absoluens. Aue, fidelium dux castitas. Aue, omnium generationum lætitia. Aue, sponsa innupta. Nuncij ā Deo ducti facti sunt Magi, conuersi sunt in Babylonem cum perfecissent tuum oraculum, & nunciassent te Christum omnibus, & derelinquissent Herodem illusum nescientem cantare alleluia. Cum illustrasses in Ægypto illuminationem ueritatis expulisti mendacij tenebras. Nam idola huius saluator non ferentia tuam fortitudinem, ceciderunt. Ex his autem liberati nunc clamant ad Deiperam: Aue, correctio hominum. Aue, depressio dēmonum. Aue, deceptionis robur conculcans. Aue, idolorum dolum arguens. Aue, mare summergens Pharaonem stolidum. Aue, petra potum præbens sitientibus uitā. Aue, ignea columna ducēs eos qui in tenebris sunt. Aue tegmen mundi latius nebula. Aue, cibæ mannæ susceptiue. Aue, deliciarum sanctarum ministra. Aue, terra annunciaonis. Aue, aqua fluit mel & lac. Aue, sponsa innupta. Migraturo Simeone ā præsentī sæculo deceptore, traditus es quasi infans ei, sed cognitus fuisti ei Deus perfectus. Ideo obstupuit tuam ineffabilem sapientiam clamans: Alleluia. Nouam ædificationem demonstrans conditor nobis ab eo factis ex insimine germinans uentre, & seruans ipsam, ut erat, incorruptam, ut miraculum uidentes, laudemus ipsam clamātes: Aue, flos incorruptionis. Aue corona continentiae. Aue resurrectionis formam illustrans. Aue, angelorum uitam demonstrans. Aue arbor splendidi fructus, ex qua nutriuntur fideles. Aue lingnum bonæ umbræ foliorum, sub quo teguntur multi. Aue, quæ peperisti ducem errantibus. Aue, quæ genuisti redemptorem captiuis. Aue iudicis iusti placatio. Aue multorum errantium uenia. Aue dilectio omne desyderium uincens. Aue sponsa innupta. Admirabilem partum intuiti peregre eamus ā mundo, mente in cœlum transposita. Propterea igitur excelsus in terra apparuit humilis homo uolens trahere ad celsitudinem sibi clamantes alleluia. Totus erat in inferioribus, & ā superioribus non penitus aberat, inconstriptibile uerbum. Descensus enim diuinus non transmutatio autem localis facta est. Et partus ex uirgine deicipia audiente hæc: Aue Dei incomprehensibilis regio. Aue uenerandi mysterij ianua: Aue infidelium ambigua auditio. Aue fidelium certa locutio. Aue currus sanctissimum eius, qui supra Cherubin. Aue habitatio optima eius, qui supra Seraphim. Aue, quæ contraria in idem adduxisti. Aue uirginitatem, & phœturam iugans. Aue, per quam soluta est transgressio. Aue per quam apertus est paradysus. Aue clauis Christi regni. Aue spes bonorum sæculorum. Aue sponsa innupta. Omnis natura angelorum obstupuit ob magnum incarnationis opus: Inaccessibilem enim ut Deum speculabatur

batur omnibus accessibilem hominem nobiscum quidē conuersantem,
 audientem autem ab omnibus alleluia. Oratores sonoros ut pisces multos
 uidemus in te deipera. Dubitant enim dicere, quonam modo & uirgo
 manes, & parere potuisti. Nos autem mysterium admirantes, fideliter
 clamamus : Aue sapientiæ Dei receptaculum : Aue prouidentiae
 ipsius ærarium. Aue sapientes insipientes ostendens. Aue arte loquens
 indisertos redarguens. Aue, quoniam insaniuerunt graues indagatores.
 Aue, quoniam aruerunt fabularum poetæ. Aue Atheniensium
 nodos abrumpens. Aue piscatorum sagenas implens. Aue profundum
 ignorantiam extrahens. Aue multos in cognitione ditescens. Aue ratis
 uiolentium saluari. Aue portus uitæ nautarum. Aue sponsa innupta.
 Saluare uolens mundum cunctorum ornator, in hunc ipse nuncius uenit,
 & pastor existens, ut Deus per nos apparuit secundum nos homo.
 Simili enim simile cum accersiuisset, audit ut Deus, alleluia. Murus uirginum
 o deipara uirgo, & omnium in te confidentium. Nam coeli & terræ
 præparauit te o immaculata, cum habitasset in mitra tua, & omnes
 acclamare docuisset : Aue columna uirginitatis. Aue ianua salutis.
 Aue princeps intelligibilis reformationis. Aue datrix diuinæ bonitatis.
 Aue, tu enim regenuisti conceptos turpiter. Aue, tu enim admonuisti
 captos mente. Aue, correptorem mentium arctans. Aue, satorem puritatis
 enixa. Aue thalamus sponsalitij. Aue fideles domino aptans. Aue
 pulchra puellarum nutrix uirgo. Aue animarum sponsa ornatrix sanctarum.
 Aue sponsa innupta. Laus omnis minuitur extendi festinans
 multitudine multarum miserationum tuarum æque numerabiles psalms,
 & cantus afferentes tibi rex sancte nihil perfecimus dignū eorum
 quæ dedisti ad te clamantibus alleluia. Luminis acceptricem lampadem
 ihs qui in tenebris apparentem uidimus sanctam uirginem: nam imma-
 teriale accedens lumen, ducit ad cognitionem diuinam omnes splendore
 mentem illuminans, clamore autem honorans hæc. Aue radie intelligibilis
 solis. Aue facula inoccidui luminis : Aue fulgur animas illustrans.
 Aue, ut tonitru inimicos perterrefaciens. Aue, quoniam à te multiflua
 oritur illuminatio. Aue, quoniam multi numeris per te scaturit
 fluuius. Aue lauacri figurans formam. Aue poculum miscens exultationem.
 Aue odor Christi beneuolentiæ. Aue uita figuratum conuiuium.
 Aue sponsa innupta. Gratiam præbere uolens debitorum antiquorum
 omnium debiti solutor hominum. Venit per seipsum ad profugos suæ
 ipsius gratiæ, & scisso chirographo, audit ab omnibus alleluia. Canentes
 tuum partum laudamus te omnes ut animatum templum deipera. In tuo
 enim habitans uentre tenens omnia manu dominus sanctificauit, glorificauit,
 edocuit clamare tibi omnes : Aue tentoriū Dei & Verbi. Aue sancta
 sanctis maior. Aue scriniū deauratū spiritu. Aue depositum uitæ
 inexpensum. Aue preciosa corona regum piorū.

g ij

Aue

Aue honoranda sacerdotum piorum: Aue ecclesiæ immota turris. Aue regni infracta moenia. Aue per quam excitatur trophæa. Aue per quam inimici decidunt. Aue corporis mei medicina. Aue animæ meæ salus. Aue sponsa innupta. O perlaudanda mater, quæ peperisti sanctorum sanctissimum uerbum, accipiens nūc oblationem, ab omni libera calamitate omnes, & à futura redime animaduersione clamantes alleluia.

MARIA ÆGYPTIACA.

Ex Paulo
Diacono.

Fuit quidam senex in Palestinæ monasterijs, uir uitæ uenerabilis, & uerbo decoratus, qui ex ipsis cunabulis monachicis nutritus est moribus, Zozimas nomine. Nullus enim existis met cognominatione nominis Zozimæ illum me dicere Zozimam, cui inter dogmaticos detrahebatur, ut putetur hereticus. Nam hic alius atq; ille alius: multa enim inter utroq; fuit differentia: hic orthodoxus monachicam elegit uitam in quibusdam (ut dictum est) Palestinæ monasterijs, totam percurrens patrum conuersationem, omniq; orbi in abstinentia repertus est præcipuus: simulq; regulas sibi traditas iuxta eorū certamina, infans dum esset, conseruauit. Plura enim adinuenit de sua propria natura, qualiter subditam spiritui carnem faceret. Nam ita fertur certaminibus isdem senex ignitus, ut pleriq; multotiens in propinquis monasterijs aliquando & in longinquis degentes, ad eius current doctrinam, eiusq; imitarentur abstinentiam, & eo informari atq; erudiri festinarent. Talis enim fuit seni uirtutis operatio, quæ meditationem aliquando sacri uerbi nunq; negligeret. Reficiendo autem uel à refectione surgendo opus ab eius manibus non desijt. Dicebat ergo hic Zozimas, qd ex ipsis matris sinibus in eodē traditus monasterio, quin quaginta ibidem degisset annos, monachicum cursum perficiens. Post hæc, ut ipse retulit, molestabatur à quibusdā cogitationibus dicens intra se: Perfectus sum in omnibus, aliena doctrina minus egeo, putasne inuenitur quisquam inter monachos, qui bonū mihi tradere aut edificare possit, quod nescio: aut quam ego operatus non sum monachicā operam? Nec inueniri potest in deserto uir philosophus, qui me sensu uel opere præcellat. Hæc secum cogitans, pater quidam astitit ei, & dicit ad eum: Bene quidē in omnibus certasti, optimi monachi cum cursum perfecisti: uerūtamen tu cum nullum hominem putas esse perfectiorē, iam sunt & aliæ salutis uiæ, quas si uis apprehendere, egredere de terra & de cognatione tua, & de domo patris tui, ut Abrahā ille in patriarchis opinatissimus, & sequere me in quoddam monasterium, iuxta Iordanē fluiuium positum. Euestigio senex sequens præcipientem, egressus est monasterium, in quo pusillus creuerat. Cumq; peruenisset ad Iordanem sacratissimum flumē, ductus uoce clamantis in illud monasteriū, in quod deus

deus iusserat eum uenire, manu atrij regiam pulsauit. Mox ut locutus est, quidam monachus regiam custodiens, nunciauit eum abbati, qui susceptus est ab eo, &c.

Tunc ergo Zozimas iuxta consuetam regulam monasterij, pertransiit Iordanem, paruumque secum detulit cibum ad sustentationem corporis, & pannum, quo induebatur: equidem regulam adimplebat pertransiundo heremum, tempore uero refectiois edebat cibum necessarium pro natura corporis. Soporē uero in terra paruū iacens capiebat, modicū gustando somnū, ubi eum finis diei occupasset, atque iterū diluculo iter suum faciebat, incessabiliter augmentando cursum, habens desiderium pertransire heremum, sperans aliquem reperire patrē in deserto qui eum potuisset ædificare iuxta eius desiderium. Currebat igitur securus optimam uiam, ut ei permissum fuerat, festinanterque currebat. Viginti ergo dierum pergens iter, facta hora quasi sexta, paululum se abstinuit ab itineris labore: eleuatisque oculis ad orientem, consuetam sibi celebrabat orationem. Solitus autem erat statuto diei tempore, id est, tertia, sexta & nona abstinere se à sui itineris cursu orationis causa, eleuansque oculos ad superna, & respiciens ad dexteram, uidit in quodam loco stare quasi umbraculum humani corporis. Stupefactus ac turbatus ualde, existimabat fantasma esse, quod uidebat, & signaculum sibi redemptionis sanctæ crucis faciens, ac completa oratione, uidit quandam ambulātem in parte meridiana, nudo nigroque corpore ex incendio solis exustam, capilli capitis eius ut lana Candana, atque parui usque ad collum corporis descendentes. Dum hoc uideret Zozimas, admiratus repletusque gaudio magno, coepit currere ad eandem partem, in qua prædicta uidebatur. Nam & illa quum Zozimā uidebat, ineffabili exultabat lætitia: quoniam uidebat, quod multorum annorum spacio minime respexerat, humanæ naturæ speciem, neque alicuius animalis uel uolucris figurā. Miratur ergo Zozimas, qui uel qualis esset, quam uiderat, existimans, quod magnam uidisset personam. Dum enim illa uiderat de longe ad se appropinquantem, cepit gradu concito fugere ad interiora deserti: Zozimas autem contemnens senectutis debilitatem fastidiumque itineris, concito eam gradu sequebatur, & illa magis fugam petebat. Erat autem Zozime cursus uelocior, & paulatim appropinquabat fugienti. Proximus autem ei factus, ita ut etiam uox eius posset audiri, cepit Zozimas uociferare, talem emittens uocem cum lachrymis: Vt quid me fugis hominem senem & peccatorem serue dei uiui? Sustine me quicumque sis: coniuro te per deum, pro cuius amore hunc habitas heremum, ut recipias me debilem atque indignum senem. Coniuro te per illum, ad quē pro tantis tuis laboribus spem habes bonam & æternam tribulationem, colloquere mecum dulcedinis ac suauitatis uerba, & noli me derelinquere sine tua locutione, &c. ¶ Reliqua requirat lector in uitis patrum.

g in

Hymnus

D E S A N C T I S
HYMNVS DE S. QVIRINO MARTYRE.

Ex Prudētia **I**Nsignem meritis uirum
Quirinum placitum deo
Vrbis moenia Sisciae
Concessum sibi martyrem
Complexu patrio fouent.

Hic sub Galerio duce,
Qui, tunc Illyricos sinus
Urgebat ditionibus,
Fertur Catholicam fidem
Inlustrasse per exitum.

Non illum gladij rigor,
Non incendia, non feræ
Crudeli interitu necant,
Sed lymphis fluuialibus
Gurges dum rapit, abluūt.

Nil refert uitreo æquore,
An de flumine sanguinis
Tingat passio martyrem,
Æque gloria prouenit
Fluctu quolibet uuida.

Summo pontis ab ardui
Sanctæ plebis Episcopus
In præceps fluuiο datur,
Suspendum laqueo gerens
Ingentis lapidem molæ.

Deiectum placidissimo
Amnis uertice suscipit,
Nec mergi patitur sibi,
Miris uasta natalibus.
Saxi pondera sustinens.

Spectant eminus è solo
Doctorem pauidi greges,
Nam Christi populus frequens
Riparum sinuamina
Stipato agmine sepserat.

Sed Quirinus ut emīnens
Os circumtulit, heu suos
Exemplo trepidos uidet,
Nil ipse proprij memor
Inter stagna pericli.

Confirmat pia pectora,
Verbis mirificis rogans,
Ne quem talia terreant,
Neu constans titubet fides,
Aut poenam putet emori.

Dicentem fluitantibus
Amnis terga uehunt uadis,
Nec substrata profunditas,
Saxoq; & laqueo & uiro
Audet sponte dehiscere.

Sensit martyr Episcopus
Iam partam sibi præripi
Palmam mortis, & exitus,
Ascensumq; negarier
Æterni ad solium patris.

Iesu cunctipotens, ait,
Haud quaquam tibi gloria
Hæc est insolita, aut noua,
Calcere fremitum maris,
Prona & flumina sistere.

Scimus discipulum **Petrum**
Quum uestigia tingeret
Mortali trepidus pede,
Dextræ subsidio tuæ
Subiecisse salum solo.

Iordanem quoq; nouimus
Tortis uorticibus, uagum,
Dum fertur rapido impetu,
Ad fontem refluīs retro
Confugisse meatibus.

Hæc miracula sunt tuæ
Virtutis domine, ut modo
Suspendar leue prænatans
Summo gurgite fluminis,
Cum collo scopulum traham.

Iam plenus titulus tui est,
Et uis prodita nominis,
Qua gentilis hebet stupor,
Absoluas precor optime
Huius nunc animæ moras.

Quid

Quid possis, probat amicus,
 Qui uectat silicem liquor.
 Hoc iam quod superest cedo,
 Quo nil est pretiosius
 Pro te Christe deus mori.

Orantem simul halitus,
 Et uox deserit, & calor,
 Scandit spiritus ardua.
 Fit pondus graue saxeum
 Corpus suscipiunt aquæ.

DIE PALMARVM.

VTq̃ caduca uagi contemnens culmina sæcli
 Monstraret se rite deum, non curribus altis,
 Qui pompæ est mortalis honor, rapidisq̃ quadrigis
 Puluereum sulcauit iter, nec terga frementis
 Ardua pressit equi, phaleris qui pictus & ostro
 Ore cruentatum mandenti concutit aurum.
 Sed lento potius gestamine uilis aselli
 Rectori suffecit honos, leuis ungula cuius,
 Ut tanto sessore decus mirabile portans,
 Nobilior sub falce foret, non illius impar,
 Qui parulo Christum licet in præsepe iacentem.
 Agnouit tamen esse deum. Plebs omnis adorans
 Insolito molles subiecit tramite uestes.
 Dicite gentiles populi, cui gloria regi
 Talis in orbe fuit: cui palmis compta uel unquam
 Frondibus arboreis laudem coelestibus hymnis
 Obuia turba dedit domino: nisi cum patre Christo
 Qui regit æthereum princeps in principe regnum:

DIVI AVGVSTINI CONCIO

de festo Palmarum.

Admonet uos fratres charissimi ad solennitatem Dominicæ
 passionis, ipse in quo eam nec muta elementa tacuerunt. Cele
 bret eam lux fidei linguis hominū, quam cōclamauerunt etiā
 silentia tenebrarum. Hodie dominus noster in statera crucis pretiū no
 stræ salutis appendit, & una morte uniuersum mundum, sicut omnium
 conditor, ita omnium reparator absoluit. Indubitanter enim credamus,
 q̃ totum mundum redemit: qui plus dedit, q̃ totus mundus ualeret.
 Meritum enim redemptæ mercedis dignitas insignis pretij supragressa
 est. Inter redemptum & redimentem dispensatio fuit, compensatio non
 fuit. Qui ergo non habebat peccata propria, digne deleuit aliena. Solus
 hic pia uictima pro omnibus cecidit, ut omnes leuaret. Et quia debitum
 solus non habuit, recte foenus misericordiæ pro debitoribus erogauit.
 Perpende

Perpende inter hæc, qui talem pro nobis dedit pecuniam, qualem à nobis sit exacturus usuram. In hac itaq; die fides prophetissæ annunciationis impleta est, ita dicentis: Corpus meum dedi percutientibus, & genas meas uellentibus: faciem meam non auerti à foeditate sputorum. Suscepit mala nostra, ut tribueret bona sua. Hinc intelligamus, quantum hominem diligere dignatus sit ante culpam, quem sic diligit post ruina. Agnosce homo quantum ualeas, & quantum debeas: & dum tantâ redemptionis tuæ perspicias dignitatem, ipse tibi indicies peccandi pudorem. Ecce pro impio pietas flagellatur: pro stulto sapiëntia illuditur, pro mendace ueritas necatur. Damnatur iustitia pro iniquo: misericordia afficitur pro crudeli. Pro misero repletur sinceritas aceto: inebriatur felle dulcedo: addicitur innocentia pro reo: moritur uita pro mortuo. Expauit scelus hominum natura rerum: & quæ creatura rebellis non agnoscit, eum mundi dominum tremens terra testatur, & cœli regem Sol fulgians cõfitemur. Chlamyde coccinea induitur, quia sanguine martyrum suorum Ecclesiæ corpus ornatur. Corona spinea capiti eius imponitur: quia punctio peccatorum nostrorum, quorum remissione redemptoris gloria struitur, aridis tribulis comparatur. Studeamus nunc ediuersos, ut membrorum uita capitis sit coronâ. Quod uero sitire se in cruce positus dicit, fidem incredulæ gentis concupiscit. Sed econtrâ acetum malitiæ porrigunt: quia uinum sapiëntiæ, quod à deo acceperant, peccando corruperant. Velum templi scinditur, quia synagoga honore nudatur. Obseruatio antiqua dissoluitur, Ecclesiæ unitas præmonstratur. Monumenta aperiuntur, quia mortis iura iure superantur. Laxata sede tartarea à domino rerum profundæ noctis claustra referantur: Et quem homines non recipiunt, Inferi deum esse cognoscunt. Quod autem triginta argenteos ludas uenditor pphanus refudit, indicabat nihil sibi Christi precium profuturum, sed salutis beneficium scelere suo alijs conferendum. Videamus quid hoc refuso precio emptum esse eloquia diuina testantur. Emerunt, inquit, ex eo agrum figuli in sepulturam peregrinorum. Figulus Christus est: ager Christi ecclesia: acquisitio peregrinorum populus gentium. Superest charissimi, ut agri huius quotidiani atque perpetui studeamus esse cultores: seminemus in eo frugem bonæ conscientiæ, ut cum tempus messis, id est, consummationis, & dies reddendæ rationis aduenerit, cum securitate & exultatione bonorum operum manipulos reportemus, & post contritionē ieiuniorum præsentis quadragesimæ laudabilium actuum candore uestiti, & indumento castitatis ornati, ad festa futura procedamus, & Pascha illud æternū piorum inserti concilijs celebremus: Præstante Domino nostro Iesu Christo, qui cum patre & spiritu sancto uiuit & regnat in sæcula sæculorum,

AMEN.

Feria

FERIA QUINTA MAGNA,

Sermo S. Cypriani.



Am sacramenta corporis sui Apostolis Dominus distribuerat, iam exierat Iudas, cum repente de mensa surgens, linteo se praecinxit, & ad genua Petri lauaturus pedes eius, ipse genibus flexis dominus seruo consummatę humilitatis obtulit famulatum. Et ne quid consummationi doctrinę deesset, inter fixa & immobilia praecepta, & ea quę moueri possunt & repeti, distinctionem posuit, ut cæteris immutabiliter semel statutis, ultima lauacri species, quotidianis expiationibus commodata commendaretur fidelibus. Et sicut lex per singulas offensiones propria sacrificia requirebat, unum fingeretur fidei Christianę remedium, ad quod curreret, quoties se cognosceret offendisse. Quod quidem Petro nondum fuerat reuelatum, quippe qui huius traditionis nondum audierat disciplinam. Docetur ergo quę sit baptismi & aliorum sacramentorum stabilitas, & quantum ad expiationem proficiat humilis pietas & pia humilitas, & quomodo omni tempore prosequenda et repetenda sit ablutio pedum per quam recte cognitam & intellectam, adherētes animę sordes quotidiana satisfactione lauantur. Nam baptismum repeti, ecclesiasticę prohibent regulę, & semel sanctificatis nulla deinceps manus iterum consecrans præsumat accedere. Nemo sacros ordines semel datos iterum renouat, nemo sacro oleo lita iterum linit aut consecrat, nemo impositioni manuum uel ministerij derogat sacerdotum, quia contumelia esset spiritus sancti, si euacuari posset quod ille sanctificat, uel aliena sanctificatio emendaret, quod ille semel statuit & confirmat. Ipse summus sacerdos sui est sacramenti institutor & autor, in cæteris homines spiritum sanctum habuere doctorem, & sicut par est spiritui sancto & Christo diuinitas, ita in suis institutis æqua est autoritas & potestas, nec minus ratum est quod dictante spiritu sancto Apostoli tradiderunt, quę quod ipse tradidit, & in sui cōmemorationem fieri praecepit. Manet singulis propria dignitas, & uniformis in suo genere stat actio omnium, nihil addi, nihil subtrahi, nihil potest corrigi uel mutari. Ornata et honorata erat ecclesia quasi paradysus, in amplitudinis suę umbilico fontem continens gratiæ singularis, flumina creans in uitam æternā salientia, uiuam habens originem & decursum perennem. Hinc egredientia quatuor Euangelij flumina per uniuersum mundum secum regenerationis euehunt lauacrum, & de abdito et secretissimo spiritus sancti munere huius gratiæ liquor emanat, sic lauans quos parentalis labes infecerat, ut nec actualis, nec originalis macula aliqua sui post ablutionem illam uestigia derelinquat. Præteritis lotis uita deinceps arbitrio est proprio deducenda, ita tamen ut actualibus aliquando recrudescentibus iam non imputentur originalia, nec propter illa damnationi obnoxius sit cui semel

h illa sunt

illa sunt in baptismo induta. In originalibus enim corruptio naturæ abijci & exterminari meruerat, sed quia non erat uoluntas in culpa, prouidit Deus generali damnationi remedium, & suę sententiam iustitię temperauit, hæreditarium onus à sobole remouens, & misericorditer ablutione & unctione medicinali corruptionis primitiue fermentum expurgans. Sed in eos qui post indulgentiæ huius gratiam uoluntarij per peccata euagati sunt, qui proprio abutuntur arbitrio, & uoluntate non necessitate ducuntur, indignatio & ira non immerito redit, nec in morte Christi aliquis eis superest quęstus, sed iustissime eos beneficia cõtēptā condemnant. Nunc contemptum suum non statim ulciscitur Deus, nec per singulas offensas iudicantis ira discurrit, nec obstruxit fonti misericordię suę ostia meatusq; multiplices, sed obuiat fugientibus & cogit regredi desperatos, ostendens eis pœnitentiæ uiam, qua nulla latior inuenitur, & reuersis dat ut iterum eis possint sacramenta iniuriata prodesse, quorum si pœnitentia non subesset, nullo modo deinceps experiri possent effectum. Propter hoc benignissime domine pedes lauas discipulis, quia post baptismum & eucharistiā quæ sui reuerentia non patitur iterari, aliud lauacrum procurasti quod nunq; debeat intermitteri, tamen ipse quod doces facis, ut quanti quæstus hoc opus sit ex tua bonitate discamus, & inclinata ad pedes nostros altitudine tua, stans aduersus proximos et erigens se contra deum confundatur superbia hominũ & ad humilitatem dei nouerit de se humilia sapere lutum. Pauent discipuli, nec audēt obloqui, & quasi ecstasis teneat eos, uel mens alias raptā peregrinetur, nec magistro resistere, neq; quid hoc sit, uel cur fiat inquirunt. Solus Petrus sciens quia perhibuerat ei testimonium quod filius dei uiui esset, & quia uerba uitæ æternæ haberet, iudicans apud se indignum & inconueniens, sanctum sanctorum flectere genua ad pedes peccatorum: Neutiquam, inquit, tu mihi pedes abluis, & huius humilitatis sustinere obsequium non est nostrum, qui adorare debemus in loco ubi stant pedes tui, & satis est nobis quod sicut catuli de mensæ tuæ reliquijs manducamus, hoc in muliere peccatrice aliquando passus es, nec dedignatus es in mensa solenni multis conuescentibus infamis personæ suscipere famulatum, cuius deuotio usa est ibi capillis pro linteo, oculis pro catino, lachrymis pro baptismo, tetigit, lauit, & unxit unguento. Mactata intrinsecus anima proprium in sancta sanguinem intulit, singula suum præbuere ministerium, cor contritum erupit in lachrymas, fides lauit, charitas unxit. Hæc multa in conspectu tuo congegens holocausta, de fonte cordis fletus hausit protulit: de pœnitentiæ pixide unguenta quę obtulit, caputq; pro suppedaneo strauit, crinibus circumfusus pedes sacros inuoluit et terisit. Nihil sibi de se retinens, totam se tibi deuouit, & tu affectum potius quàm factum attendens, ungebat ungentem, abluebas lauante, tergebas intrinsecus pœnitentē. Superbo oculo

oculo Simon leprosus hanc clementiæ tuæ diligentiam non poterat inueneri, sed moleste ferebat, quod tangi se ab huiusmodi persona dominus sustinebat. Qui si lepræ suæ te attenderet mundator, non dedignaretur, si de plenitudine gratiæ tuæ alij accipiunt, si lauas immundos, si iustificas impios, si reuocas exules & abiectos. Honor tuus deus iudicium diligit, & æquum est, ut omnis terra adoret te, & in nomine tuo omne genu flectatur: uerum quod tu ante figmentum tuum curuaris, quod seruis pedes abluis, non competit maiestati. Habebat in excusatione sua zelum dei Petrus, sed non secundum scientiam: & tolerabile aliquo modo uideretur quod humilitas suggererat, si non obstinatio resistere preceptori niteretur: Non lauabis, inquit, mihi pedes in æternum. Ego si oportuerit me mori tecum, paratus sum: Hoc enim debeo, hoc amplector. Pro te libenter ceruicem porrigo percussori, sed Deum meum & dominum meum ad pedes meos prostratum non patior, non audeo sustinere. Simili modo & Ioannes uenienti Domino ad baptismum tentauit resistere, sed mansuetius increpatus illico obediuit: & quia super hoc etiā responsum acceperat, licet territus acquieuit. Sed differentiā causæ huius Petrus intelligēs, lauare magistrum & obsequi ei tolerabile iudicabat. Lauari autē ab eo & tantam humilitatis eius pati deiectionem, ita uidebatur indignum, ut omnino cogi nō posset, nisi interminatio periculosissima coarctaret. Ait ei Dominus: Nisi lauero te, non habebis partem mecum. Paulatim mysterij huius declaratur necessitas, quam conditio proposita ineuitabilem reddit: & si cum Christo aliter partem habere non possumus, nisi ipse pedes nostros abluat, quandoquidē sic arctatur consensus, lauet, & tergat, et sacramenti huius nobis uirtutē exponat. Supra diximus, semel lotos baptisinate eodem lauacro ulterius non egere, sed hoc lauacrū quotidianis est excessibus institutū, & iugis retractatio usque ad nouissima ueniens, omnia debet opera & cogitatus singulos perscrutari, & affectus per uitia discurrentes, uagam instabilēque animam per inania euehentes corrigere & lauare, nec quicquam in uita prætermittere indiscussum, quod gemitibus & suspirijs non fuerit expiatum. Hoc cum dominus suos usque in finem discipulos dilexisset, in fine statuit, & dixit, neminem posse habere perfectam ablutionem, nisi hac solitudine muniatur. Mandatum igitur simul & exemplum complexus est, ut hoc exemplo instructi, non dedignarentur in alterutrum agere, quod actum est à magistro, & mandato posteris religionis auctoritas firmaretur. Vnde & subiungit: Si ego dominus & magister laui uestros pedes, & uos debetis alter alterius lauare pedes. Non erubescat seruus, si facere iubetur, quod prius fecit dominus: nec difficile nobis esse debet, si sicut ille nobis donauit, & nos inuicē condonamus: quia alter alterius onera comportantes, sic legem Christi implemus. Quoties igitur cohortamur pusillanimes, & his qui Pharaoni in luto & latere fa-

h ij mulati

mulati sunt persuademus, ut exeant de Ægypto : quoties cum infirmis infirmamur, & cum his qui scandalum ferunt urimur: quoties cum afflictis gemimus, toties inhærens lutum peccatorum quæ possumus sollicitudine lauamus, non quod nostra ablutio ex nobis sufficiat, nisi ad lauandum omni tempore nos pius magister accedat. In hoc se periculo fluctuantem laborans anima in Canticis canticorum conqueritur: Laui inquit, pedes meos, quomodo inquinabo illos? Quod ablutum est, timet iterum inquinare, sed in uia lutulenta uix aliquid solitum ubi pedem figat inuenit, & in quibus sæpe prouoluta est, paludum inquinamenta formidat. Clementissime magister quoties ego doctrinæ tuæ transgressus sum regulas? quoties edicta tua domine sancte contempsi? & cum diceres mihi: Reuertere, non sum reuersus: cum minareris, non timui: cū bonus esses & lenis, exasperans fui: ultra septuagies septies in coelū & coram te peccaui, quis tot sordes abluet? quis abradet stercora conglobata? Quicquid dicat Petrus, necesse est ut ipse nos abluas, neque enim lauare nos possumus, sed in omnibus quæ agimus, indulgentiæ tuæ lauacro indigemus. Ad mensæ tuæ participationem Iudas proditor est admissus, sed ab hoc lauacro salutari exclusus, lauari in fine non potuit, quia Apostolatus sui honorem detestabili cupiditate foedauit. Quia uero apud te fons uitæ est & miserationum quæ à sæculo sunt profunditas infinita, quos abluisti baptismo, quos lauasti sanguine tuo, quos semper lauas quotidiana peccata donando, transfer à paludibus sæculi huius, & luto uitæ præsentis ad purgatissimū gloriæ tuæ regnum, ubi nec scabies ulla, nec lippitudo, ubi nemo fluxum sanguinis patiens, nemo immundus, ubi nullo amplius opus est lauacro, configurato corpori claritatis tuæ corpore nostro, secundum promissa tua, necesse est ut impleas, et qui incepisti in nobis opus bonum, perficias solidescq; per Christum dominum nostrum.

FERIA SEXTA MAGNA, SEV PARASCEUE, De passione Christi.

Ex Cypriano.

Domine audiui auditum tuum, & timui. Terruit me cum appropinquaret traditor Iudas, & immineret passionis hora, quod dixisti ad patrem: Pater, si fieri potest, transeat à me calix iste. Et tristem te usq; ad mortem, præ nimia anxietate sanguineo sudore perfusus coram Apostolis es professus. Audiens hæc ego expaui. Quis enim non timeat, si timet ille, quem omnia timent? si pauet ille, cui omne genu curuatur? si ille, qui mors est mortis, & morsus inferni morte propinquantem pertimescit? Nonne ad hoc ueneras, & ita futurū ipse prædixeras? Nonne hoc & signa & oracula & uaticinia prophetarum à mundi initio conclamarunt? Si uoluntarie obedisti patri, & non te, ut patereris, coëgit necessitas, quid quereris, quid causeris? Nonne tu docueras

eueras & instruxeras fideles tuos, ut non timerent eos, qui corpus occi-
 dunt: quia usque ad animam tyrannica uolentia non attingit. Sed metus
 ille infirmitatis humanae communem exprimebat affectum, & genera-
 litatem omnium in carne uiuentium hoc dolore urgeri, & dissolutionem
 corporae spiritualisque naturae hac molestia non posse carere, & hanc poe-
 nam uniuersae successioni Adam sine exceptione impositam, ut difficul-
 tas extremi transitus timeretur. Et haec quidem molestia in eos, qui dei
 iudicio ratione reddituri occurrunt, non immerito cadit: qui de eo quod
 beneficio uitae & rationis, & reliquorum largitate munerum abusi sunt,
 accusante conscientia redarguti, examen illud, in quo nullum est subter-
 fugium, timent: & ipsa auulsio spiritus carnis teneritudinem dirumpit,
 & laedit: hanc nemo anxietatem euasit, & nemo egrediente anima sine
 amaritudine expirauit. Sed tu domine, qui iudex es omnium, qui pote-
 statue ponis animam tuam, & potestatiue resumis: nec poena te ex ne-
 cessitate persequitur, nec formidabilis patris tibi potest esse conspectus,
 quid anxiaris? quid tremebundus ad orationem discurre? Dormitantibus
 Apostolis peruigil proditorem expectas, nec tamen te abscondis,
 sed obuius in aduentum eorum procedis, qui te ligare ueniunt, et trahere
 ad Pilati tribunal, quos Iudas signifer instructa malignitate praecedit. Au-
 diui domine auditum tuum, & expaui, dum quaeris a quaerentibus quid quaer-
 rant, cum noueris quod te quaerant. Et dixisti eis, te esse Iesum Nazarenum. Inua-
 sit ilico timor tuus eos, quos tu timueras, & prostrati solo iacere exanimes,
 & armatam cohortem uox unius hominis terruit, & latens in humanitate
 omnipotentia te discipulis pauidum coram persecutoribus terribilem exhibe-
 bat. Sed ut fieret uoluntas patris, & sacrificium carnis a timore & tristi-
 tia inchoaret, suberant uictimae desolatorum carbones, quos obedientiae
 liquefactus adeps extinxit: & cum traheretur uinctus ad praesidem, non
 supplicauit apparitoribus, sed Petri compescuit zelum: nec gladiatorum
 passus est adhiberi suffragia, imo & Herodis & Pilati contempsit fasti-
 gia: nec potuit altitudo potestatum extorquere ad interrogata respon-
 sum. Iam postposito timore, quasi utens potentiori autoritate inter
 tameta & colaphos, & reliqua ludibria, patientia & mansuetudine uer-
 sanas persecutorum mentes conturbat: & in eo quod inter iniurias &
 conuicia se malicia Iudaica sentit contemptam, uehementius exacerbat-
 tur, & de impietate & malicia suauitas pietasque Christi triumphat. Fru-
 stra funestas iudex manus in pretorio abluis, a sanguine domini te pro-
 fitens innocentem. Tu ipse causam mortis cum diligenter inquisieris, te
 non inuenisse in eo fateris, ipsa coniunx tua nihil tibi & iusto huic esse
 mandauerat, quod utique per os eius daemonia imminere sibi iudicium sen-
 tentia testabantur: non excusas, sed accusas: causam tibi facis cum Iudaeis
 communem. Illi se prodicione, tu parricidio te condemnas. Illi lingua, tu
 ferro occidis, tam te quam illos inauditae crudelitatis scelus inuoluit.

h iij nict

niet anima tua in manus iudicis, quem condemnas, fractisque tribunali-
bus tuis iudicaberis, et demergeris in profundum inferni, eruntque tibi et
Iudæ scelerato in tenebris & gehennalibus flammis poenę irremediales,
inconsumptibiles ignes, dolores perpetui, & tormenta eterna. Et quidē
filius hominis, sicut scriptum est de illo, uadit: qui damnatus est, ut libe-
raret damnatos: doluit, ut sanaret infirmos: timuit, ut faceret securos: op-
probria pertulit, ut impropria detrahentium non mouerent electos:
deputatus inter impios, quorum alter assumptus, alter reprobatus est,
ut daretur exemplum & forma indissolubilis manens in posteros: quia
nec in ultimis Dei clementia poenitentes excludit: nec ulla hora sera est,
cui compunctio districta occurrit: nec eos qui uitæ suæ quocunque arti-
culo temporis ueri sunt iudices iterum iudicari: quia cum iudicis & torto-
ris uices non parcens peccator assumit, semetipsum persequens, dum con-
fessionem confusione honorat, holocausti huius incensio in conspectu
dei ueniam impetrat. Neque enim bis in idipsum iudicat deus, sed impo-
nitentes ipse iudicat & damnat: Poenitētes uero quia a seipsis suscipit iudi-
catos, absoluit: neque iudicio, quod poenitentiae humanæ seueritas protu-
lit, aliquid iustitiæ coelestis apponit. Iudicati sunt Aegyptij, cum in redeun-
tibus super se maris fluctibus inuoluerentur: iudicati Sodomitæ, cum sub-
uersis eorum urbibus flammis sulphureis cremarentur. Sed si in eisdem
subuersionibus gement poenitentes, temporali poenæ æternalis non
succederet poena, sed esset eis pro remedio supplicium, & pro absolutione
tormentum, nec contritos corde æternum contereret & aggrauaret iu-
diciū. Sic in cruce latro confitens non tantum indulgentiam meruit, sed
Christi familiaris effectus, premissus est in paradysum, & factus est parti-
ceps regni: per confessionem factus collega martyrij. Illi uero blasphemo,
quia de domini desperauit potentia, nulla potuit subuenire clementia:
nec potuit illi crucis prodesse consortium, cuius malitia non expiabat
poenitentiae lauacrum. Ascendisti domine palmam, quia illud crucis tue
lignum portantebat triumphum de diabolo, uel de principatibus, & po-
testatibus, & nequitijis spiritualibus uictoriam: erantque in manibus tuis
duo cornua, in quibus erat fortitudo tua abscondita, & imperium tuum
super humerum tuum: tu ipse patibuli tui baiulus hærebas ligno, quod
tuleras, euectionis & passionis anxietates sustinens & labores: Conside-
raui opera tua & expaui. Clauis sacros pedes terebrantibus fossisque ma-
nibus, de uulnerum anxietate non loqueris, de spinis sacrum caput pun-
gentibus non quereris, sed satagis, ut innotescat posteris, quare dereli-
ctus a deo uidearis, expositus contumelijs & ludæorum ludibrijs. Cau-
sam mortis in te non esse Pilatus ipse prædixerat, & Caiphas mortem tuam
pro inimico populo satisfacturam, cum esset anni illius pontifex, pro-
phetauerat. Tu de morte non agis, de opprobrijs non contendis, sed hoc
uis intelligi, quæ sit causa mortis, quis quaestus, ut utraque re cognita pec-
catum

catum appareat & gratia, & quanti ponderis sit utrunq, rerum prober effectus, cum originali morti nullum nisi in Christi morte potuerat esse remedium: nec reconciliare deo potuit exules & damnatos quolibet oblatio, nisi sanguinis huius singulare sacrificium. Et sine hoc holocausto poterat deus tantum condonasse peccatum, sed facilitas ueniae laxaret habenas peccatis effrenibus, quæ etiam Christi uix cohibent passionēs, quæ uix sceleratos animos à uoluptatū fece auellunt. Vulneri sanè tam putrido, & antiquarū cicatricum foetori non inueniebatur medicamentum conueniens, nisi unguento sanguinis huius plaga uetus liniretur, & malagmate carnis in cruce extensæ siccarentur uenena, quæ calcaneo primi hominis & omni posteritati eius serpens ille seductor antiquus infuderat. Hæc una medela corrodit illas, quæ in immensum excreuerant cicatrices, & uim suam concupiscentiarum perdidit corruptela, & deleta damnationis conscriptione, nouis literis assignata est, restituta libertas, priuilegio dato charta indulgentiæ sigillo plagæ lateralis firmata. Considero opera tua, & admiror te cruci inter damnatos affixum, iam nec tristem, nec pauidum, sed suppliciorum uictorem eleuatis manibus triumphantem de Amalech & quasi sanctificantem de excelso plebem & eleuatum in sublimi, & quasi cœlo proximum superioribus inferentem consummati agonis uexillum, & inferioribus erexisse scalam in patris occursum. Ibi dolorum et conuiciorum immemor subtiliter inuestigas, & ipse exponis, quare derelictus fueris, indicans anxietates illius querimoniæ uerba esse delictorum tuorum, quorum personam & causam assumpseras, in tantum, ut per Moysen & per Apostolum sustineres uocari peccatum & maledictum pro similitudinæ poenæ, non culpæ: quod pro eis uoluisti intelligi, qui deseri à deo propter peccata meruerant, quorum reconciliationis agebas causam, in qua allegator subtilis pro seruis seruilem non dedignaris accipere personam: & in tantum infirmis compateris, ut nec crucifigi, nec mori, dum illi uiuant, & te patrocinantem non pereant, nec erubescas, nec formides, altitudinem tuam derelinquens ad tempus gloriæ tuæ maiestatem euacuans, ut redeant dispersi, & respirent derelicti. Hæc est causa, quare derelictus sis, ut colligeret & reuocaret inanitio tua eos, qui fuerant derelicti, & qui sine deo fuerant, dum dominaretur eis peccatum, reducti ad iustitiam cōformes Christi, & Christi efficerentur & dñj. Vnde scriptum est: Ego dixi, dñj estis. Cōsidero domine te in illo patibulo, ubi uidebaris sine adiutorio, quomodo imperatoria potestate latronem præmittis ad regnum: & in cuius assumptione iam manifeste constat, quantum apud derelictos profeceris, quorum primus iste gloria & honore coronatus, ipsa die paradisi ciuis & domesticus curiæ cœlestis efficit. Impossibile quippe erat illam sanctam animam tuam teneri ab inferis, de qua ipse ad patrem dicit: Quia non derelinquens animam meam in inferno, nec corrumpi carnem

carnem meam in sepulchro : quia ubi in præsentia illius effractis inferis
 est captiuata captiuitas, præsentata uictrice anima in conspectu patris,
 ad corpus suum sine dilatione reuersa est: & appropinquauerunt saluti,
 qui longe erant à salute, & inter mortuos liber morti obnoxios perpè-
 tua libertate donauit. Considero te in cruce de matre sollicitum, cui uol-
 lenti loqui tecum cum euangelizares, negaueras retroactis diebus colo-
 loquium, & prætuleras matri auditores uerbi, pauperes spiritu, dicens
 eos tibi esse pro matre & fratribus, qui uoluntati patris obtemperant.
 Nunc materno moueris affectu, & thalamum humanitatis tuæ cubicu-
 lario dilecto commendas, & prouides sedulo benedictæ inter mulieres
 apostolicam clientelam, & obsequium uirginis, uirgini discipulo tradis:
 ut iam nō Ioseph tanti mysterij oneretur præpositura, sed Ioannes: quia
 iam exigebat ratio, ut coniugij remoueret opinio, nec ultra pater Chris-
 sti æstimaretur, qui eatenus uicem patris & coniugis tenuerat. Habebat
 Ioseph in hac Christi dispositione rationabilem contradictionem, cum
 alteri commendaretur Maria, si se cognouisset carnalem maritum: sed
 quia in spiritu actum erat coniunctionis illius mysterium, passus est Io-
 seph æquanimitè sibi eum in hoc seruitio præponi, quem digniorem se
 iudicabat: & ideo maxime, quia magistri electio sic negociū ordinabat.
 Ad hæc sacerdotalis autoritas priuilegium in medio proferens, media-
 tor inter nos & patrem oras pro his, qui ad dolorem uulnerū tuorum
 opprobria addiderunt, & pro inimicis impetras ueniam, supplicas &
 obsecras, ut hæc eis iniquitas dimittatur, & à morte tua habeantur innoxij
 ipsi, qui sanguinē tuum super se & super filios suos manere præcantur:
 usque adeo excæcati, ut scelus suum non intelligant, nec odium Christi
 ipsa mors crucifixi extinguat. Sed charitas tua interim suspendit iudi-
 cium, & reis ingratiscq; patientia tua poenitentia prouidet locum, tem-
 pusq; reseruat, & differt punire dignos exitio, hæc orans, ut aperiantur
 oculi eorum, & agnoscant quæ sit uirtus crucis, quæ efficientia sangui-
 nis, quæ magnitudo delicti & doni, gratia & peccati. Tanta erat spissi-
 tudo uelaminis, & crassitudo doctrinae, qua erant Moyseos scriptura
 imbuti: ita erant eorum sensus hebetes, & ingenia tenebrosa, ut in uer-
 bis legis nihil diuini saperent, nihil aliud quàm exterioris umbraculi inte-
 gumenta uiderent, neq; ad sacramentorum secreta aliqua intellectus in-
 dagine penetrarent. Imò si quis eos uellet in sancta inducere & introdu-
 cere in arcana profundaq; mysteria, impium iudicabant & stultum, mel-
 è petra sugere, & de saxo durissimo oleum eliquare. Dimissum est ergo
 Christo orante peccatum, & ex parte maxima cæcitas illuminata est, &
 malignantium perfidia demum credidit & intellexit: & de torculari
 crucis mustum expressit, accepit & bibit: & in calice quod propinarat
 Moyses uinum merum à fecibus segregauit. Ecce plus potuit donum
 quàm delictum, & gratia quàm peccatum: quoniam ex debito damna-
 tionis

nonis obnoxios gratis sine ullo merito gratia beneficio pietatis absoluit, & iudicium imperante Christo misericordiae dedit locum, & distributionis suae temperamentum iustitia domino disponente modeste sustinuit. Iam uidet Hebraeus, & quicumque de seruitute Aegyptia ad re-promissae patriae libertatem anhelat, quod sanguis Christi efficacius quam sanguis agni illius, quem in Aegypto Israel immolauit, contrarias abigat potestates: cuius hodie tanta est autoritas & potestas, ut non solum Israelitica limina muniat, sed etiam ab his, qui Israeliticè non uiuunt, solum sacramenti signum repellat daemones: & ubicunque conspecta fuerit, terribilis sit eis sacri nominis uirtus & sanguinis nota. Denique quicumque sint sacramentorum ministri, qualescunque sint manus quae uel mergunt accedentes ad baptismum uel ungunt, qualescunque pectus, de quo sacra exeunt uerba, operationis autoritas in figura crucis omnibus sacramentis largitur effectum, et cuncta peragit nomen, quod omnibus nominibus eminet, a sacramentorum uicariis inuocatum. Et licet indigni sint qui accipiunt, sacramentorum tamen reuerentia & propinquiorem ad Deum parat accessum: & ubi redierint ad cor, constat ablutionis donum, & redit effectus munerum: nec alias quaeri, aut repeti necesse est salutiferum sacramentum. Iam sanguis tuus domine non quaerit ultionem, sanguis tuus lauat crimina, peccata condonat. Clamat sanguis Abel, clamant Sodomorum peccata, & parricidium, & libido, digna sunt ultione: tu olim ultionem deus, modo misereris & parcis his qui offenderunt: sanas contritos corde, & alligas uulneratos: filio prodigo reuertenti non improperas luxum: mulieri adulterae non opponis prostibulum: peccatricis publicae non recusas seruitium: debenti pecuniam dimittis depositam: ludaeis perfidis & dedisti gratiam, & dimisisti scelus scelerum, & peccatorum peccatum. De latere tuo fons egreditur in uitam aeternam profiliens, & de eadem consubstantialique origine diuisis limitibus aqua et sanguis emanant, ad complementum, perfectionemque totius iustitiae, sacramenta in perpetuum duratura, & fontis illius ubertas perenni lapsu uniuersam ecclesiam irrigat & foecundat. Ex hoc fonte non tantum ablutionis primae, qua iniciantur accedentes ad Christum undas haurimus, sed & compunctionum & lachrymarum perennes confluent riuus, & misericordiarum suauitas, & totius pietatis affectus emanat. Tu domine sacerdos sancte, qui in tempore iracundiae factus es reconciliatio, sancti huius sanguinis permanentem plenitudinem reliquisti, & beneficium huius sancti liquoris in perpetuum tradidisti, & constituisti nobis consumptibiliter potum uiuificum, crucis signum, & mortificationis exemplum. Tu consumatis omnibus uade ad patrem, & trahere nos post te: da nobis in uita praesenti, ut simus sine angaria baiuli crucis tuae, & comprehendamus cum omnibus sanctis quid latitudo, quid longitudo, quid sublimitas, quid profundum huius ligni significet, quo

DE SANCTIS

quo conspecto non noceat nobis, neque mordeat coluber solitudinis,
sed incolumes per omnia sequamur te, tecum paruuli simus, tecum cir-
cuncidamur, tecum baptizemur, tecum ieiunemus, tecum lotis pedibus
panem angelorum edamus, tecum crucifixi mundo uiuamus, tecum spi-
ritu sancto repleti, & corpore & spiritu in æternum maneamus: Quo
uiuis & non ultra morieris in sæcula sæculorum.

SABBATHVM PASCHÆ.

Ex prudentio



Nuentor rutili Dux bone luminis,
Qui certis uicibus tempora diuidis
Merso Sole chaos ingruit horridum,
Lucem Christe tuis redde fidelibus.

Quamuis innumero sydere regiam,
Lunariq; polum lampade pinxeris,
Incussu silicis lumina nos tamen
Monstras saxigeno semine quærere.

Hoc signas opere Conditor inclyte,
Lumen ueridicum mentibus omnium,
In Christo domino quærere iugiter,
Quem petram loquitur doctor egregius.

Ne nesciret homo spem sibi luminis
In Christi solido corpore conditam,
Qui dici stabilem se uoluit petram,
Nostris igniculis unde genus uenit,
Pingui quos olei rore madentibus
Lychnis aut facibus pascimus aridis,
Quin & fila fauis scirpea floreis
Presso melle prius collita fingimus. &c.

Reliqua uide apud Prudentium, in libro, qui Cathemerinon inscribitur.

IN DIE PASCHÆ

Ex Sedulio.



Oeperat in terra post tristitia Sabbata felix
Irradiare dies, culmen qui nominis alti
A Domino dominante trahit, primusq; uidere
Promeruit nasci mundum, atq; resurgere Christum.
Septima nam genesis cum dicit sabbata claret
Hunc corbis caput esse diem, quem gloria regis
Nunc etiam proprii donans fulgore trophæi
Primatum retinere dedit, hoc luminis ortu
Virgo parens, aliaq; simul cum munere matres

Messias

Messis aromaticæ notum uenere gementes
 Ad tumulum, uacuumq; uident iam corpore factum,
 Sed plenum uirtute locum. Nam missus ab astris
 Angelus amoti residebat uertice saxi,
 Flammeus aspectu, niueo præclarus amictu,
 Qui gemina specie terrorem & gaudia portans,
 Cunctaq; dispensans, custodibus igne minace
 Venerat in formam Christum quærentibus albam.
 Illæ igitur dominum calcata uiuere morte
 Angelica didicere fide: perterritus autem
 Miles in ancipiti retinet discrimine uitam
 Deserta statione fugax, testisq; timoris
 Vera refert gratis, postquam data munera fallit,
 Discipulumq; globum placidi sub tempore somni
 Clam sibi nocturna Christum abstraxisse rapina
 Compositus simulator ait: Fare improbe custos,
 Responde scelerata cohors, si Christus (ut audes
 Dicere) concluso furtim productus ab antro
 Sopitos latuit, cuius iacet intus amictus,
 Cuius ad exuias sedet angelus: an' ne beati
 Corporis ablator uelocius esse putauit
 Soluere contectum, quam deuectare ligatum?
 Cum mora sit furtis contraria? Cautius ergo
 Cum domino potuere magis sua linthea tolli.
 Mentita est uox uana sibi: tamen ista figuram
 Res habet egregiam. Iudæis constat ademptum,
 Quem nos deuoto portamus pectore Christum.

EX IUVENCO.

SYdera iam noctis uenturo cedere soli
 Incipiunt, tumuli matres tum uisere septum
 Concurrent: motus sed terram protinus omnem,
 Concutit, & cœlo lapsus descendit aperto
 Nuncius, & saxum tumuli de limine uoluit.
 Illius & facies splendet ceu fulguris ignis,
 Et niuis ad speciem lucent uelamina uestis.
 Militibus terror sensum discluserat omnem,
 Et iacuerunt simul, ceu fusa cadauera leto.
 Ille sed ad matres tali cum uoce profatur:
 Vestra pauor nullus quatiens nunc corda fatiget.
 Nam manifesta fides, sanctum uos quærere corpus,
 Quod crucis in ligno scelerata infania fixit,
 Surrexit Christus, æternaq; lumina uitæ
 i n Corpore

DE S A N C T I S

Corpore cum sancta deuicta morte recepit.
 Visere iam uobis licitum est, q̄ sede sepulchri
 Nulla istic iaceant fuerant quæ condita membra.
 Dicite præterea celeri properoq̄ recurſu
 Discipulis, Christum remeasse in luminis oras,
 Inq̄ Galilæam lætum præcedere terram.
 His dictis uisq̄ animos perfuderat ardens
 Lætitia attonitis, stupido ancipitiq̄ fauore.
 Deniq̄ præcipiti celerantes gaudia cursu,
 Talia discipulis referunt, tumulumq̄ relinquunt.
 Ecce uiæ medio clarus se ostendit Iesus,
 Et fidas matres blandè saluere iubebat.
 Occurrunt illæ, & genibus plantisq̄ prehensis
 Victorem læti pauide uenerantur Iesum.
 Talibus ille dehinc præceptis pectora firmat,
 Mentibus absistat fidei pauor omnis, & ista
 Fratribus hinc nostris properè mandata referre
 Nostri conspectus si cura est, Ite uolentes
 Inq̄ Galilæam properè discurrete terram.

DE RESVRRECTIONE CHRISTI.

Ex Cyprida
no.



Quæsitis aromatibus ad unguendum dominum Iesum in monumento positum, sacrae mulieres communicato consilio conuenerunt, & repertis ibi sine corpore sudarijs, quem non inuenire putauere sublatum. Nam & lapis reuolutus, & uacuum monumentum simplicibus animis cōiecturas huiusmodi opponebant, quod corpus strictum linteis nisi translatus esset moueri loco non posset, nec lapis magni ponderis nisi ui humana nullatenus reuolui potuisset: unde & mane uenientes quomodo posset ab ostio monumenti lapis gyrari, anxie causabantur. Sed dominus, qui inspirauerat ut uenirent, præueniebat uenientes, & egressus de sepulchro uacuum locum reliquerat, aperitq̄ ostio ingredi uolentibus liberum dederat aditum: & quasi monebat se aliàs queri, qui illis angustijs non poterat occultari. Flebant igitur sacrae foeminae, quæ eum cui obsequi uolebant, se perdidisse putabant, & obriguerant moeritudine, eo quod deuotio sua desiderato frustraretur effectu. Habuerunt siquidem eum sicut prophetam non inferiores fide illis discipulis, qui dicebant, quod Iesus Nazarenus uir propheta fuerat potēs in opere & sermone. Et licet de resurrectione sua ipse tam apostolos q̄ reliquos discipulos, in quorū societate istæ esse meruerant, magister prouidus instruxisset, incusserat tamen omnibus dubietatem & terrorem supplicium crucis & mortis atrocitas; nec tamen ab eorū cordibus

cordibus auelli poterat dilectio, qua ei adhæserant, & recordatio signorum, quæ uiderant, & admiratio doctine, quam audierant, & conuersationis piæ admirabilis sanctitudo, qua fuerant informati. Necdum firmo gressu ibant, sed lababat pes dubitantium, sed quærebant quem amabant, nec maligni desperabant: unde factum est, ut quæstum inuentionis, dilectionis perseverantia mereretur. Illæ itaq; primæ uiderunt, & cognouerunt quæ ardentius dilexerunt, quæ deuotius quæsierunt, illæ sermocinatae cū Christo, certificatae quod ipse esset, qui à mortuis resurrexisset: nunciant Petro & cæteris quod Christus resurgens à mortuis iam non moritur. Euangelizarunt uiuentem, qui mortuus putabatur: nec iam sepulturæ eius odoramentis corporalibus deseruiunt, sed aromatis firmæ fidei, & certæ spei, & charitatis synceræ regnanti domino famulantur, & uirtutum fragrantiam non iudicato præsentant, sed iudici. Lætantur apostoli, quos mundus quasi dehiscens terruerat, & quasi dissolutione elementorū quassaretur, omnia præcipiti ruina stereretur, minas horribiles intentarat, solidatisq; & compactis cœlestibus & terrenis æterna redemptione inuenta, gratulabundi adorant, quem reliquerant, credunt, nec in aliquo hesitant: assistunt quantum possunt ei, à quo diffugerant. Quem non fragor ille mundi terreret, quando terra tremuit, sol expalluit, & radios lucis suæ sol contenebratus abscondit: Ipsa monumenta lapides sibi superpositos proiecerunt, & indignata superior & inferior plaga tenebris & moribus & scissuris, compassionis suæ & uehementis angustiae indicauerunt affectum: nec sustinuit intueri mundus perfidiæ Iudaicæ scelus, & uisa sunt insensata elementa sensu uti abundantiore quàm homines, quibus secundum naturam ratio inerant, & crudeliores extitere feris abutentes intellectu, intantum Christi sanguinem sitientes, ut seipsos maledictione æterna damnarent, & in paruulos suos anathematis illius reliquias immobili stabilimēto firmarent. Sed ne in eorum scelere diutius immoremur, qui repulsi sunt et destructi in finem, quorum parricidalia uota seruitium & exterminium meruerunt, quos cum Dathan & Abiron, quos ob dissensionis flagitium terra dehiscens uiuos absorbuit, constat in tenebris inferi sigillatos, ne tantarum abominationum recordatio paschalem serenitatem interponet, circa solennitatis inclytæ gaudia deuotis & alacribus animis insistamus. Neq; enim fas est, ut à nobis aliqua his diebus tristitia recitentur: sed sicut filiis Chore datum est, ut semper læta canerent & prophetarēt, & omnes psalms eorum attitulati, nominibus gaudia prædicant, nec aliis qua minantur aduersa: ita nos ad Christum pertinentes, cuius sanguine conspersa creditur Adam caluaria, qui sub loco quo crux domini fixa est, humatus traditur ab antiquis, eiusdem sanguinis sanctificati elapsu, lætemur & delectemur in domino, nec iam amatoribus crucis mors magistri sit horrore, neque poena sit dolori, nec passio sit pudori, cum hæc

omnia uitæ nostræ sint instrumenta: quia mors eius pro peccatis nostris sacrificium fuit, & poena crucis excessibus poena dignis occurrit, labor eius onera nostra deposuit, dolor eius nos sanauit, & damnatio indebita nos à damnatione æterna absoluit. Et si qd cōfusionis uisa est in tempore illo pati sancta eius humilitas, rerum hodie manifestatur effectus, quod Apostolus ait: stultum huiusmodi sapientius esse hominibus, & infirmum fortius omni fortitudine: Per quod reprobata sapientia huius mundi, & de sapientibus & potentibus in nomine crucifixi pauperes spiritu potentissime triumpharunt. Cantemus igitur domino, gloriose enim honorificatus est. Liber populus egreditur de Ægypto, Moyse duce, mare fit peruium, columna flammea nocte coruscans, Israëliticum antecedit exercitum: stat à dextra & leua mare suspensum, desiccato luto profundum, inoffensum abysus dat transitum: & egresso populo Dei, Pharaonem cum populo suo repentina mole illapsum pelagus intercludit. Iam præcesserat agnus, quem Israël in Ægypto immolat, cuius sanguine limina rubricata percussor Angelus non est ausus attingere: nec exterminatoris gladium populus formidabat, cui & de spiritualibus nequitijis parabat uictoriam: illud sine macula sacrificium & mare diuisum, & totum Ægypti robur extinctum. Primum illud antiquum pascha his miraculis coruscavit, & excluso fermento, præceptum est ut horum dierum celebritas ageretur in azymis: nec solennitatis huius gaudia seruilibus operibus fuscarentur, nec omnino aliqua tantæ synceritatis gloriam malignitas inquinaret. Certa data est ex lege distinctio, quæ esset paschalis oblatio, & tempus, & locus, & modus, quando, uel ubi, uel quomodo sacra deberet hostia immolari. Victima, agnus, locus, una per singulas familias domus: caro non elixa, sed assa, hora uespertina. Hæc cum eo tempore fierent in figura, quod nos in ueritate agimus, typice loquebantur: & dirupto in Christi morte templi uelamine, uerus agnus solus inter filios hominum sine macula Christus ætate ultima, in qua mundi uesperascit conditio, ab una populi Christiani familia in unitate ecclesiæ assus in cruce, proiectis foras hæreticorum fermentis, synceræ fidei solidata compagine, inconsumptibiliter editur, creditur, & tenetur. Noua & uetera sub hoc nomine conuenerunt, egreditur Israël de seruitute Ægypti, exit populus Dei de regno diaboli, baptizantur in nube & mari Hebræi, & iam spiritu sancto & sanguine Christi mundatur à peccatis populus Dei: ex diuersis familijs una fit domus, una fit tribus, unus est cibus, significantia & significata, res & signa, uirtus inuisibilis, & inuisibilia sacramenta sic faciunt unum corpus, sicut caro & spiritus, & quod uidetur, & nomine & uirtute Christi corpus censetur. In hac rerum cōuenientia honorificatus est Christus, & gloriøsæ laudis triumphos letabunda hodie canit ecclesia, in lapide angulari consocians disiectos olim parietes, quos in unum mirabilis artifex fuso sanguine glutinauit:

glutinauit: & reprobato diu à malignis fidei fundamento, charitatis suæ nexibus diuisas copulauit macerías, et redegit partes in totum, & multa in unum: & facti sunt una domus confœderati parietes, & stabile fundamentum. Honorificatus est Christus resurgens à mortuis, uictor mortis, spolians inferos, & captiuos præmittens ad superos. Hucusq; per humilitatis gradus ascendens, modo gloria & honore coronatus nil mortale, nil passibile retinens, impassibilitatis & immortalitatis donauit nos gloria, & resurgentes in beatitudine constituit sempiterna. Resurrexerunt quidem ante Christum, sed in nomine et fide eius sub Helia uiuente in corpore, unus, & Helisæo uiuo & mortuo, duo qui obierant, sed ad mortem quam gustauerant, iterum redierunt: Surrexit & Lazarus, & alij nonnulli ad imperium Christi: & aliquo tempore beneficio uitæ usi, iterum ad funera rediēre. Res quidem honorabilis & dominatio potestatis tua fuit, ad corpus exanime spiritum reuocare: sed resurrectionis huius, cuius sunt in Christo primitiæ, incomparabilis est dignitas, quam nec sequitur corruptela, nec dissoluit antiquitas, nec aliqua mutabilitas labefactat. Mirati sumus in transfiguratione, quæ facta est in monte præsentibus apostolis Petro & Iacobo et Ioanne, quando sicut sol resplenduit facies Saluatoris, & uestimenta eius candorem omnē exuperantia apostolorum hebetauēre conspectum: sed momentaneus ille decor imaginem, non speciem: similitudinem, non substantiam: partem, non plenitudinem transformationis mirificè explicauit. Sed neq; eandem gloriam quam ante ostendit apostolis, resurgens illico ostendit, sed quod uidere consueuerant, hoc uiderunt: & dilata est claritatis illius quam nobis pollicitus est, plenitudo quæ in se erat perfecta, & à nobis in nobis expectatur perficienda lucidior & syncerior, q̃ æstimari possit ab aliquo, uel q̃ illa etiam claritas intimauerit, cuius primitias in Christo transformato accepimus. Agunt in coelestibus hæc pascalia gaudia ipsi angelici spiritus, & resurgentis domini gloriam admirantur, lætantur, & delectantur in eo, quod forma serui reuersa sit in formam Dei, & exinanitio humilitatis ad depositæ altitudinis redierit maiestatem. Sed & in hoc multiplicata sunt gaudia, quod ab his pro quibus se humiliauerat, tantæ excellentiæ beneficium dignatus esse commune, & partiri nobis suæ abundantiam uoluit claritatis: ut post resurrectionem corpus non aggrauet animam, sed sit caro sine mole & pondere, agilis et mobilis, nullis clausa obstaculis, uisu & auditu penetrans omnia, & attingens, quocunq; uoluerit sine impedimento discurrens. Inerit resuscitatis corporibus nulli uanitati subiecta libertas: & quæ cogi non possit ad aliquid, in nullo laborans, iam à spe educta, re ipsa perfruens, nulla expectatione suspensa, & in pace quietissima confirmata, omnisq; expers formidinis in spiritualibus delictis iugis illa permanens reflorescit. Quam mirabilis est scientia tua Deus, confirmata est super nos, nec possumus ad eam attingere.

Hæc

Hæc sapientiæ tuæ altitudo qui mundum non ex præcedente materia, sed solo uerbi tui condidisti imperio, creaturis uero corporalibus ex mundi essentia dedisti initium, suis incolis singula elementa adornans, hominem quem de mundo fecisti, cunctis in terra & aëre & aquis uiuentibus præficiens, ita ut suo præposito singula in suo genere ministrarent: tu alijs uitam temporalem, alijs procurasti perpetuam, admirabili ordine quædam mutans & renouans, & præfinito tempore metam irrationabilibus omnibus præfixisti, & terminum quem transire non possit, dissolutioni conditio destinata. Homo quia ex cœlesti & terrena materia compactus est, uestitus extrinsecus pelle et carnibus, tempus accepit, quo te iubente, redderet terræ quod de terra assumpserat, & ad immaterialem originem reuerteretur spiritus: cuius natura dissolutionis non admittit iniuriam. Corpus putredine & caro uermibus consumenda, secundum naturæ suæ rationem eternitatis non poterant priuilegio perfrui: et quod sibi iure non competebat, a condidore nequibat exigere: neque ulla eorum interrogatio super hoc merebatur responsum. Sed tu optime domine ultro gratiam uoluisti dare spiritui, decreuisti clementius, ut ex societate & clientela quam reddiderat animæ caro, aliquid ei commodi proueniret: & quæ ei uehiculum fuerat & particeps studiorum in recompensatione ministerij iterum dilecto accolę consociata pudica & pacifica rediret, nullas secum reuehens contumelias, quibus deinceps quietis internæ concuteret puritatem. Sed & hoc domine ad cumulum beneficij addidisti, ut inter legem carnis & spiritus nulla postmodum esset diuersitas: nec post initum foedus ulla iterum inter eos recrudescat rebellio, sed per manum tuam reconciliatio ordinata stabilis in perpetuum perseveret. Te igitur iubente, terra fit caro, & expulsa de domo iterum coniungatur uiro, non iam ancilla, sed libera: & habitant unius moris in domo murmurationibus consopitis, quas olim compugnantes inter se concupiscentiæ concitabant. Quis domine deus considerare hæc opera tua sufficit, & quis lutum coagulare potest in carnem, quis formare potest in hominem, quis infundere animam, quis reddere uitam, quis dare æternitatem, quis addere felicitatem? Ad hunc prouentum humana laborat creatio: hæc semper fidelium expectatio fuit. Hoc optebat rex ille humilis, qui se nouerat imperfectum, ut adderes conditioni tuæ quod deerat, & perficeres & solidares opus tuum, corruptibilitas & mortalitas assidue conuictis multis solebant affligere, & uarijs opprobrijs consueuerant infestare. Tu morti imperas & absorpta eliditur, inanescit corruptio, ubi æger, te medente, sanatur. Gustasti mortem pro filiis hominum, ut qui tecum mortui erant, tecum uiuerent, & participes tribulationum etiam consolatione gauderent. Resurrectio quidem communis est, & ante tribunal Christi necesse est in corpore iustos stare & impios, Dei hoc distantante iustitia, ut pietas & impietas in operatoribus debitis stipendijs donarentur.

donarentur : & qui finem habere contempserunt in malis, infinita clauderentur ultione in poënis : & qui gloriati sunt in cruce cum crucifixo regnantes beatæ fierent perrennitatis participes. Non sunt participes huius gaudiî quos damnat ambitio : nō potest furtiuos habens oculos, paschalibus solennijs interesse. Nihil proditor et uenditor magistri, fermentator prophanus commune habet cum azymis: omnis immundus in anima ad elum huius agni prohibetur accedere. Nulla ad hanc lætitiā perfidia recipitur, omnis malignitas excluditur : calciatus pedibus ad euangelizandum peractus, accinctus renibus & sanctimonix destinatus, habens baculum in manibus, & festinans ut Ægypti deferat idola, sequens Moysen, nec formidans uix discrimina, quisq; purus & syncerus sine fraude homo uerus accedat: et edat et securus quod resurgat, mortem optet, ut attingat ad æterna gaudia, in quibus est uita nostra sursum manens, & nos trahens ad bona cœlestia. Qui uiuit.

EX LACTANTIO FIRMIANO.

Salue festa dies toto uenerabilis æuo,
 Qua Deus infernum uicit, & astra tenet.
 Ecce renascentis testatur gratia mundi,
 Omnia cum Domino dona redisse suo.
 Namq; triumphanti post tristia tartara Christo,
 Vndiq; fronde nemus, gramina flore fauent.
 Legibus inferni oppressis, super astra meantem
 Laudant rite Deum lux, polus, arua, fretum.
 Qui crucifixus erat, Deus ecce per omnia regnat:
 Dantq; creatori cuncta creata precem.

EX AMBROSIO.

C Horus nouæ Hierusalem,	Triumphauit ille splendide,
Noua meli dulcedine	Et dignus amplitudine,
Promat, colens cum sobrijs	Soli poliꝝ patriam
Paschale festum gaudijs.	Vnam facit rempublicam.
Quo Christus inuictus leo	Ipsam canendo supplices
Dracone surgens obruto,	Regem precemur milites,
Dum uoce uiua personat,	Vt in suo clarissimo
A morte functos excitat.	Nos ordinet palatio.
Quam deuorarat improbus,	Per sæcla metæ nescia
Prædam refudit tartarus,	Patri supremo gloria,
Captiuitate libera,	Honorq; sit cum filio,
Iesum sequuntur agmina.	Et spiritu paraclito. Amen.

k

S. Ambros

DE SANCTIS
8. AMBROSIVS EPISCOP.

Mediolanensis.

Ex Paulino
presbyt.

Hortaris uenerabilis pater Augustine, ut sicut beati uiri Athanasius Episcopus, & Hieronymus presbyter, stylo psequuti sunt uitas sanctorum Pauli & Antonij in heremo positorum, sicut etiam Martini uenerabilis Episcopi Turonensis Ecclesiae, Seuerus feruus Dei sermone contexuit, sic etiam ego beati Ambrosij Episcopi Mediolanensis Ecclesiae, meo prosequar stylo. Sed ego ut meritis tantorum uirorum, qui muri Ecclesiarum sunt, & eloquentiae fontes, ita etiam sermone me imparem noui. Tamen quia absurdum esse opinor, quod praecipis declinare, ea quae a probatissimis uiris, qui illi ante me astiterunt, & maxime ab sorore ipsius uenerabili Marcellina didici, uel quae ipse uidi, cum illi astarem, uel quae ab his agnoui, qui illum scripta sunt, cum adhuc obijisse nesciretur. Adiutus orationibus tuis & meritis tanti uiri, licet inculto sermone, breuiter strictimque describam. Igitur posito in administratione praefecturae Galliarum patre eius Ambrosio, natus est Ambrosius, qui infans in area praetorii in cunabulis positus, cum dormiret aperto ore, subito examinem apum adueniens, faciem eius atque ora compleuit, ita ut ingrediendi egrediendique frequentarent uices. Quae pater, qui prope cum matre uel filia deambulabat, ne abigerentur ab ancilla, quae curam nutriendi infantis susceperat, prohibens: sollicita enim erat, ne infanti nocerent. Expectabat tamen patrio affectu, quo fine illud miraculum clauderetur. At illae post aliquandiu euolantes, in tantam aeris multitudinem subleuatae sunt, ut humanis oculis minime uiderentur. Quo facto territus pater ait: Si uixerit infantulus iste, aliquid magni erit. Operatur enim iam tunc dominus in serui sui infantia, ut impleretur quod dictum est: Fauum mellis sermones boni. Illud enim examen apum, scriptorum ipsius nobis generabat fauos, qui coelestia dona annuntiarent, & mentes hominum de terrenis ad coelum erigerent. Postea uero cum adoleuisset, et esset in urbe Roma constitutus cum matre uidua & sorore, quae uirginitatem iam fuerat professsa, comite alia uirgine, cuius uirginis soror Candida, & ipsa est eiusdem professionis, quae nunc Carthagine degit iam anus, cum uideret sacerdotibus a domestica sororis uel matris manus osculari, ipse ludens offerebat dexteram, dicens & sibi id ab eis fieri oportere, siquidem episcopum se futurum esse memoraret: Loquebatur enim in illo spiritus sanctus: qui illum ad sacerdotium nutrieat. Illa uero ut adolescentem & nescientem quid diceret respuebat. Sed postquam edoctus est liberalibus disciplinis, ex urbe egressus est: professusque in auditorio praefecturae praetorii, ita splendide causas perorabat, ut aligeretur a uiro illustri Probo, tunc praefecto praetorii ad consilium tribuendum. Post quod consularitatis suscepit insignia, ut regeret Liguriam, Aemiliamque provincias, uenitque Mediolanum per idem tempus mortuo Augustino

xentio Arrianæ perfidiæ episcopo (qui Dionysio beatæ memorię confessore ad exilium destinato, incubabat Ecclesiam) cum populus ad seditionem esset, quæ illi cura sedandæ seditionis, ne populus ciuitatis in periculum sui uerteretur, perrexit ad Ecclesiam. Ibiq; cum alloqueretur plebem, subito uox fertur infantis in populo sonuisse, Ambrosium Episcopum. Itaq; qui antea turbulentissime dissidebant, quia et Arriani sibi & catholici sibi episcopum cupiebant, superatis alterutris ordinari repente in hunc unū mirabili & incredibili concordia consenserunt. Quo ille cognito, egressus Ecclesiam tribunal sibi parari fecit, quippe mox futurus episcopus, altiora conscendit. Tunc contra consuetudinem suam tormenta iussit personis adhibere. Quod cum faceret, populus nihilominus acclamabat: Peccatum tuum super nos. Sed non similiter is populus tunc clamauit sicut populus Iudæorum. Illi enim uocibus suis sanguinem dominicum effuderunt, dicentes: Sanguis huius super nos: Isti uero catechumenum scientes, fidei uoce remissionem illi peccatorum omnium per baptismatis gratiam promittebant. Tunc ille turbatus reuertens domum, philosophiam profiteri uoluit, futurus sed uerus philosophus Christi, qui contemptis sæcularibus pompis, piscatorum secutus esset uestigia, qui Christo populos congregarunt: non fucis uerborum, sed simplici sermone, & ueræ fidei ratione, missi sine pera, sine uirga, etiam ipsos philosophos conuerterunt. Quod ubi ne faceret, reuocatus est, publicas mulieres publice ad se ingredi fecit, ad hoc tantū, ut uisis his, populi intentio reuocaret. At uero populus magis magisque clamabat: Peccatum tuum super nos. At ille cum uideret, nihil intentionem suam proficere posse, fugam parauit. Egressus noctis medio ciuitatem, cum Ticinum se pergere putaret, mane ad portam ciuitatis Mediolanensis, quæ Romana dicitur, inuenitur. Deus enim, qui Ecclesiæ suæ catholice murum parabat aduersus inimicos suos, & turrem erigebat, dabat contra faciem Damasci, hoc est, perfidiam hæreticorum, fugam illius impediuit. Qui inuentus cum custodiretur à populo, missa relatio est ad clementissimum imperatorem tunc Valentinianum, qui summo gaudio accepit, quod iudices à se directi ad sacerdotium peterent. Lætabatur etiam Probus præfectus, quod uerbum eius impleretur in Ambrosio. Productus itaq; & adductus Mediolanum, cum intelligeret circa se dei uoluntatem, nec se diutius posse resistere, postulauit non se nisi à catholico episcopo debere baptizari. Sollicitā enim habebat perfidiam Arrianorum. Baptizatus itaq; fertur omnia ecclesiastica officia implese, ad quæ octaua die episcopus ordinatus est cum summa gratia & lætitia cunctorum. Igitur post annos aliquot ordinationis suæ, ad urbem Romam, hoc est, ad proprium solum perrexit, ibiq; sanctam puellam, de qua supra memorauimus, cui manum offerre solitus erat, in domo propria cum germana sicut reliquerat, inuenit, iam matre defuncta.

Atque cum illa dexteram illius oscularetur, subridens ait illi: Ecce ut dicebam tibi, sacerdotis manum oscularis. Per idem tempus cum trans Tyberim apud quandam clarissimam inuitatus, ut sacrificium in domo offerret, quædam balneatrix atque paralytica in lecto iacebat: cum cognouisset ibidem esse domini sacerdotem, in sellula se ad eandem domum, ad quam ille inuitatus aduenerat, portari fecit, atque oranti & imponenti manus, uestimenta attigit. Quæ cum exoscularetur, statim sanitate recepta, ambulare coepit, ut impleretur illud dominicum dictum ad Apostolos: Etiam maiora his facietis, credentes in nomine meo. Ordinato itaque catholico sacerdote, Mediolanum reuertitur, ibique Iustinæ Augustæ mulieris innumeras insidias sustinuit, quæ muneribus atque honoribus aduersus sanctum uirum oblatis, populum excitabat: sed infirmorum mentes talibus promissis decipiebantur. Promittebat enim tribunatus, & diuersas alias dignitates, his qui illum de ecclesia raptum ad exilium perduxissent. Quod cum multi conarentur, sed deo prefulere, perficere non ualuerunt, unus infelicior cæteris, nomine Eutimius, tanto furore excitatus est, ut iuxta ecclesiam sibi domum pararet, atque in eadem carrum constitueret, quo facilius raptum superpositum carpento ad exilium perduxisset. Sed iniquitas eius in uerticem ipsius descendit. Post annum eodem die quo illum rapere se arbitrabatur, in eodem carpento impositus, de eadem domo ipse ad exilium destinatus est, reputans sibi iusto iudicio dei id in se esse conuersum, ut in eodem carpento dirigeretur ad exilium, quod ipse parauerat sacerdoti. Cui non minimum solatii sacerdos præbuit dando sumptus, uel alia quæ erant necessaria. Sed hæc confessio hominis nec mulieris furorem, nec uoces sonorum Arrianorum clementia repressit. Maiore enim accensi dementia, basilicam Portianam inuadere nitebantur. Exercitus etiam armatus ad custodiendas fores ecclesiæ est directus, ut nemo auderet catholicam Ecclesiam ingredi. Sed dominus, qui de aduersarijs suis Ecclesiæ suæ triumphos donare consuevit, ad ecclesiæ suæ munimentum militum corda conuertit, ut aduersis scutis ecclesiæ fores seruarent, nec egredi dimitterent: sed ingredi ecclesiam plebem catholicam minime prohiberent. Sed nec hoc satis erat missis militibus, nisi ut etiam pro catholica fide cum plebe pariter acclamaretur. Hoc in tempore primo Antiphonæ, hymni, ac uigiliæ in ecclesia Mediolanensi celebrari coeperunt: Cuius celebritatis deuotio usque in hodiernum diem, non solum in eadem ecclesia, uerum per omnes penè prouincias occidentis manet. Per idem tempus sancti martyres Prothasius & Geruasius se sacerdoti reuelauerunt. Erant enim in basilica positi, in qua sunt hodie corpora Naboris & Felicis martyrum. Ipse autem uir uenerabilis Episcopus erat multæ abstinentiæ & uigiliarum multarum & laborum, quotidiano ieiunio macerans corpus. Cui prandendi nunquam consuetudo fuit, nisi die sabbato & Dominico, uel cum natalitia celeberrimorum martyrum

rum essent. Orandi etiam assiduitas magna die ac nocte. Nec operam declinabat scribendi propria manu libros, nisi cum aliqua infirmitate corpus eius attenuaretur. Erat enim in illo sollicitudo omnium ecclesiarum, interueniendi etiam magna assiduitas & constantia. In rebus etiam diuinis implendis fortissimus labor, in tantum, ut quod implere solitus erat circa baptizandos, quinque postea episcopi tempore quo decessit uix implerent. Sollicitus etiam pro pauperibus & captiuis nimium. Nam in tempore, quo episcopus ordinatus est, aurum omne atque argentum, quod habere poterat, ecclesiae, uel pauperibus contulit. Praedia etiam quae habebat, reseruato usufructu germanae suae, donauit ecclesiae suae. Nihil sibi quod hic suum diceret, derelinquens, ut nudus atque expeditus miles Christi dominum sequeretur. Qui cum diues esset, propter nos pauper factus est, ut nos eius inopia ditaremur. Erat enim gaudens cum gaudentibus, & flens cum flentibus. Siquidem quotienscumque illi aliquis ob percipiendam poenitentiam lapsus suos confessus esset, ita flebat, ut & illum flere compelleret. Videbatur etiam sibi cum iacente iacere. Causas autem criminum, quas illi confitebantur, nulli nisi domino soli, apud quem intercedebat, loquebatur: bonum relinquens exemplum posteris sacerdotibus, ut intercessores apud deum sint, magis quam accusatores apud homines. Sed tandem ordinato sacerdote ecclesiae Ticinensi, incidit in infirmitatem: qua cum plurimis diebus detineretur in lectulo, comes Stilico dixisse fertur, quod tanto uiro recedente de corpore, interitus immineret Italiae. Unde conuocatis ad se nobilibus uiris illius ciuitatis, quos diligere a sancto sacerdote cognouerat, partim interminatus est illis, partim blando sermone persuasit, ut pergerent ad sanctum sacerdotem, suaderent illi, ut sibi uiuendi peteret a domino commeatum. Quod ille ubi ab illis audiuit, respondit: Non ita inter uos uixi, ut pudeat me uiuere: nec timeo mori, quoniam dominum bonum habemus. Per idem tempus cum in extrema parte porticus in qua iacebat, in uno positi Castus, Polenius, Venerius & Felix tunc diaconi secum tractarent, uoce ita repressa, ut uix inuicem se audirent, qui post obitum illius episcopus ordinandus esset, atque cum de nomine sancti loquerentur Simpliciani, tanquam interesset tractatus, cum longe positus ab ipsis iaceret, approbans exclamauit tertio: Senex, sed bonus. Erat enim Simplicianus aui maturior. Qua uoce audita expauescentes fugerunt. Defuncto tamen eo non alius illi successit in sacerdotio, nisi is, quem ille bonum senem trina uoce signauerat. Cui Simpliciano Venerius, quem supra memorauimus, successor fuit. Felix uero nunc usque Bononiensem regit ecclesiam. Castus autem & Polenius nutriti ab Ambrosio bonae arboris boni fructus, in Ecclesia Mediolanensi diaconi funguntur officio. In eodem tamen loco, in quo iacebat (sicut referente sancto Basiano episcopo Laudensis ecclesiae, qui ab eodem audierat didicimus, cum oraret una cum supradicto sacerdote) uis-

k iij derat

derat dominum Iesum aduenisse ad se, & arridentem sibi. Nec multos post dies ablatum est. Sed eodem tempore, quo à nobis migravit ad dominum, ab hora circiter undecima diei, usque ad illam horam, qua emisit spiritum, expansis manibus in modum crucis orauit. Nos uero labia illius moueri uidebamus, uocem autem non audiebamus. Horatus autem sacerdos ecclesie Vercellensis cum in superiora domus sequi eum composituisset, tertio uocem uocantis se audiuit, dicentisq; sibi: Surge, festina, quia modo est recessurus. Qui descendens obtulit sancto domini corpus. Quo accepto ubi glutiuit, emisit spiritum: bonum uaticum secum ferens, ut in uirtute escae anima refectior, angelorum nunc consortio, quorum uita uixit in terris, & Heliae societate lætetur. Quia, ut Helias nunquam regibus uel ullis potestatibus, ita & iste pro dei timore loqui ueritus est. Atque inde ad ecclesiam maiorem antelucana hora, qua defunctus est, corpus ipsius portatum est: ibiq; eadem fuit nocte, quam uigilamus in Pascha, quem plurimi infantes baptizati cum à fonte uenirent uiderunt, ita ut aliqui sedentem in cathedra tribunali dicerent: alij uero ascendentem suis parentibus digito ostenderent: sed illi uidentes uidere non poterant, quia mundatos oculos non habebant. Plurimi autem stellam supra corpus eius se uidere narrabant. Sed lucescēte die dominico, cum corpus illius peractis sacramētis diuinis, de ecclesia leuaretur, portandū ad basilicā Ambrosianā, in qua positus est, ita ibi dæmonū turba clamabat, se ab illo torqueri, ut eiulatus eorū ferri non possit. Quæ gratia sacerdotis, non solum in illo loco, uerum etiam in plurimis prouincijs usque in hodiernum manet. Iactabant etiam turba uirorum ac mulierum oraria uel semicinctia sua, ut corpus Sancti aliquatenus ab ipsis contineretur. Erat enim exequiarum turba innumerabilis totius dignitatis, totiusq; sexus, omniumq; penē ætatum, non solum Christianorum, sed etiam Iudæorum & paganorum, maiore tamen gratia ordo præcedebat eorum, qui fuerant baptizati.

EVSTACHIVS MARTYR.

Georg. Viti-
celij.



I uera est historia Placidi Eustachij, habemus in eo reuocatū Cornelium Centurionem simul & Hiobum illum Vzitam. Nam is Cornelius alter erat catechumenus adhuc, Hiobus uero Christianus iam existens. Verum quod ad cruenta bella Cæsaris impj, ab exilio ac tam grandi tentatione redijisse narratur, minus apud me fidei meretur. Vox Euangelica eius est: Ego Christum deum colo, & illi soli sacrifico. In laude quoq; ponitur, quod uxore suam unā cum liberis, Christo adduxit. Vitam finiuit fortiter, in æneo tauro scilicet, in quo, subiecto igni, uiuus exustus est. Quod supplicij inuentum Perilli cuiusdam, primus Phalaris in artificem retorferat. Nō minus exquisito poenæ

poenæ genere cruciatus fuit homo militaris Sebastianus. Talem uero Phalarismum fuisse uel in Traiano uel in Hadriano Imperat. quis erat suspicaturus? Raphaël Volater. de S. Eustachio sic habet: Eustachius Romanus Martyr, qui inter aulicos fuerat Traiani principis. Placidus antea dictus, cū in uenatione ceruum sectaret, conspecto inter eius cornua Crucis simulachro, & uoce ferè eiusdem audita: Quir me persequeris? Domi uxori Thephytæ & filiis rem manifestauit, factiq; ex hoc Christiani ipse unā cum uxore, sub Adriano in æneo tauro necatus est: cuius Romæ templū festumq; colitur. Hactenus Rapha. Rectius autē dicit Eustathius q̄ Eustachius. Et procliuis lapsus est apud latinos scribas litere κ in χ. Idem penè lapsus accidit in nomine Acacij, quē perperam Achacium uocant, mutantēs κ in χ. Est enim græca uox ἀκάκιος, latinis sonat Innocentem hominem, seu qui alienior sit à malitia.

S. FELIX MARTYR.

DE hoc diuo Felice S. Augustinus sup. Psal. cxxxvii. in eū modum scribit: Ergo fratres Felix martyr & uere felix & nomine & corona, cuius hodie Natalis est, contempsit mundum. An forte quia timebat dominum, inde erat felix, inde erat beatus, quia uxor eius tanquam uinea fertilis erat in terra, et filij eius circumdederunt mensam eius. Omnia ista perfecte habet, sed in corde illius qui hīc describitur, & quia sic ille intellexit contempsit præsentia, ut acciperet futura. Noueritis autem fratres non eum passum mortem, quam alij martyres passi sunt. Confessus est enim dilatus est ad tormenta, alio die inuentum est corpus exanime. Clauserant enim illi carcerem, sed corpori, non spiritui. Quem illic parabant torquere carnifices, absentem inueniunt, perdiderunt sæuitiam suam, iacebat exanimis sine sensu illis ne torqueretur, cum sensu apud Deum ut coronaretur. Vnde & iste Felix fratres, non tantum nomine, sed & præmio uitæ æternæ si ista dilexit &c.

S. ACACIVS X. MILIVM MARTYRUM

antesignanus.

Martyr sanctissimus in arborem nucis suspensus est, & illic postea constructum Oratorium, quod dicitur domus της καρύδας, id est, nucis. Ita enim Socrates Hist. Tripart. lib. xj. cap. xxxv. Alibi legitur Acacium de cruce seu arbore illa socios sermone exhortatum, & Symbolum catholicæ fidei professum fuisse. Decem milium S. Martyrum uexillifer contra Agarenos missus fuerat, qui defecerant à Rom. imperio, tempore Imperat. Anthonini.

S. Linus

S. LINVS I.

Ex Platina.



Linus natione Tuscus, patre Herculaneo, ab ultimo Neronis anno usque ad Vespasiani tempora peruenit: à consulatu Saturnini & Scipionis usque ad Capitonem & Ruffum consules. Hoc autem interuallo imperarunt, sed breui tempore, Galba, Otho, Vitellius. Galba enim uir antiquissimæ nobilitatis in Tyberia Imperator à militibus creatus, ubi Neronis mortem comperit, Romam confestim uenit. Verum cum omnes auaritia ac segnitia offenderet, insidijs Othonis Romæ ad lacum Curtij iugulatur septimo imperij sui mensæ cum Pisone nobilissimo adolescente: quæ in filium per adoptionem susceperat. Vir certe fuit uita priuata insignis militaribus ac domesticis in rebus. Sæpe tamen consul, sæpe proconsul, frequenter dux fuit grauissimis bellis. Hunc ut laudem, facit Marci Fabij Quintiliani doctrina, quem secum Galba ex Hispania Romam duxit. Otho uero materno genere quàm paterno nobilior, uita priuata, mollis quippe qui Neronis familiaris fuerat, inter tumultos (ut dixi) cædesque inuasit imperium. Cum autem ciuile bellum contra Vitellium in Germania imperatorem creatum molitus, tribus leuibus prælijs superior fuisset, uno ad Alpes, alio apud Placentiam, tertio ad Castorem, quarto apud Bibracum superatur, unde rerum desperatione sibimet manum iniecit, imperij sui mense tertio. At Vitellius familia magis honorata quàm nobili Romam ueniens, ac imperio potius, in omnem nequitiam, sæuitiam et ingluuiem prolapsus est. Nam tantæ uoracitatis fuit, ut sæpius in die comederet, & una coena suo iussu duo milia pisciū, & septem milia auium apposita sint. Verum ubi comperit Vespasianum apud Iudæam Palæstinæ ab exercitu Imperatorem creatum cum legionibus aduentare, primum deponere imperium constituit, postea uero à quibusdam animatus, sumptis armis Sabinum Vespasiani fratrem cum Flauianis in Capitolium compulit: quo quidem succenso, omnes concremati sunt. Quare superueniente Vespasiano, cum nullum ueniæ locum sibi reliquisset, è cella palatii, in qua delituerat, turpissimè tractus per uiam sacram, nudus ad scalas gemonias ducitur, ubi excarnificatus in Tyberim projicitur. Hoc itaque tempore Linus fuit Petri successor. Sunt qui hunc locum Clementi ascribant, & Linum ac Cletum prætermittant, quos non solum historia, uerumetiam Hieronymi autoritas reprehendit: Quartus (inquit) post Petrum Romæ episcopus Clemens fuit, siquidem Linus secundus, Cletus tertius sunt habiti, tamen latinorum plerique post Petrum statim Clementem numerent: quem certe constat (tantæ modestiæ fuit) coëgisce Linum ac Cletum ante se munus pontificatus obire, ne posteris hæc principatus ambitio perniciosi exempli haberetur: licet eidem Petrus quasi ex testamento successionis locum tradiderit. Linus uero ex mandato Petri constituit, ne qua mulier nisi uelato capite tem-

plum

plum ingrederetur. Præterea uero ex sacris ordinibus bis in urbe habitis, presbyteros decem & octo, episcopos undecim creat. Scripsit & res gestas Petri, maxime uero eius contentione cum Simone mago. Huius autem temporibus fuit Philo Iudæus natione Alexandrinus, qui multa ita eleganter & grauer scripsit, ut dictum merito sit, aut Plato Philonem sequitur, aut Platonem Philo. Is autem sua doctrina & elegantia Appionis temeritatem contra Iudæos ab Alexandrinis missam compescuit. Romæ uero imperante Claudio consuetudinem cum Petro habuit. Inde multa de laudibus Christianorū conscripsit. Iosephus quoque Mattathiæ filius, & Hierosolymis sacerdos à Vespasiano captus, ac cum Tito filio tantisper relictus, donec Hierosolymæ caperentur, Romam ueniens, Iudaicæ captiuitatis libros septem patri ac filio obtulit Lini pontificatu, qui etiam in bibliothecam publicam repositi sunt, & autor ipse ob ingenij gloriam statua ac merito certe donatus est. Scripsit & alios **xxiii.** antiquitatū libros, à principio mundi usque ad quartumdecimum Domitiani Cæsaris annum. Linus autem cum sanctitate, & moribus in pretio haberetur, dæmones fugaret, & mortuos in uitam reduceret, à Saturnino consule, cuius filiam à dæmonibus liberauerat, capitali supplicio afficitur: sepeliturque in Vaticano iuxta Petri corpus die undecimo kalendas octobris, cum sedisset in pontificatu annos undecim, menses tres, dies duodecim. Sunt qui scribant Gregorium episcopum Ostiensis corpus sanctissimi pontificis Ostiam ex uoto transtulisse, & in templo Diui Laurentij magnifice collocasse.

S. PHILIPVS ET IACOBVS APOSTOLI.

Polycrates Victori episcopo urbis Romæ scribens Philippi Ex Eusebio. Apostoli ac filiarum eius pariter meminit, dicens: Sicut iam superius inseruimus, quod magna lumina in Asiæ partibus dormierunt, quæ resuscitabit dominus in nouissimo die Aduentus sui, cū ueniet in gloria, & requireret omnes sanctos suos. Dico autem de Philippo, inquit, qui fuit unus ex Apostolis, qui dormiuit apud Hierapolim. Sed & duæ eius filiæ inibi uirgines, consenuere, & alia eius filia spiritu sancto repleta permansit apud Ephesum, &c. lib. iij. cap. xxxj.

De alio Philippo, nimirū diacono, sic scribit idē Eusebius: Sed & Philippus, qui erat unus de septem, cum Stephano diaconus ordinatus, descendit Samariam, uirtute dei repletus, & prædicabat primus uerbū dei Samaritanæ genti. In quo tanta erat diuinæ gratiæ efficacia, ut etiam Simonem magum suis prædicationibus consterneret, qui per idem tempus celebris famæ apud Samaritanorum populos habebatur, ita ut uirtus dei magna esse putaretur. Sed is cum uidisset signa & miracula, quæ
1 à Philippo

à Philippo per diuinæ gratiæ potestatem fiebant, obstupefactus & territus cessit, & credere se in Christum, usq; quo etiam baptismū acciperet, simulauit, &c. lib. ij. cap. j. De diuo Iacobo Christi Iesu apostolo scribit noster Eusebius quoq; hæc uerba: Hunc, inquam, ipsum Iacobum, qui & Iustus cognominatus est ab antiquis, uirtutum merito, & insignis uitæ priuilegio, primum historiæ tradiderunt suscepisse Ecclesiæ, quæ in Hierosolymis est, sedem, sicut Clemens in sexto dispositionū libro asserit, dicens: Petrus enim, inquit, & Iacobus & Ioannes, post assumptionē saluatoris, quamuis ab ipso fuerint omnibus penè prelati, tamen sibi nō uindicabant primatus gloriam, sed Iacobum, qui dicebatur Iustus, Apostolorum episcopum statuunt. Idem quoq; ipse in septimo eiusdem operis libro addit de ipso etiam hæc: Iacobo, inquit, qui dicebatur Iustus, & Ioanni & Petro post resurrectionem dominus omnem scientiam tradidit, & ipsi ceteris Apostolis, qui Apostoli illis septuaginta discipulis tradiderunt, ex quibus unus erat & Barnabas. Duos autem fuisse Iacobos constat. Vnum hunc Iustum, qui de pinna templi deiectus, fullonis uerte percussus est, & morti traditus. Alius autem est ille, qui ab Herode capite cæsus est. Huius ergo Iusti Iacobi etiam Paulus meminit, cū scribit: Alium autem, inquit, Apostolorum uidi neminem, nisi Iacobū fratrem domini. In hoc ergo tempore etiam Thattæus (de quo supra memorauimus) secundum Domini præceptum ad regem Abgarū missus, ipsum quidem ægitudine morbi corporalis absoluit, uniuersam uero ciuitatem Edessenorum Christo domino fideli satis credulitate sociauit, ita ut in hodiernum ciuitas illa (quippe quæ ipsius domini & saluatoris meruit scripta suscipere) uelut speciali quadam Christo deuotione dicata sit, &c. De S. Philippo Apostolo sic refert D. Hieronymus: Philippus apostolus in Phrygia prædicat Euangelium dñi Iesu. Sepeliit Hierapoli, cum filiabus honorifice. De S. Iacobo Apostolo scribit D. Hieronymus in hunc modum: Iacobus, qui appellatur frater Domini, cognomento Iustus, ut nonnulli existimant, Ioseph, ex alia uxore, ut autem mihi uidetur, Mariæ sororis matris domini, cuius Ioannes in libro suo meminit filius, post passionem domini, statim ab Apostolis Hierosolymorum Episcopus ordinatus, unam tantum scripsit Epistolā, quæ de septem catholicis est, quæ & ipsa ab alio quodam, sub nomine eius ædita asseritur: licet paulatim tempore procedente obtinuerit auctoritatem. Hegesippus uicinus Apostolicorum temporum, in quinto Commentariorū libro de Iacobo narrans ait: Suscepit Ecclesiam Hierosolymæ, post Apostolos frater domini Iacobus, cognomento Iustus: Multi siquidem Iacobi uocabantur. Hic de utero matris sanctus fuit: uinum & ficeram non bibit, carnem nullam comedit, nunquam attonsus est, nec unctus unguento, nec usus balneo. Huic soli licitum erat ingredi sancta sanctorum. Siquidem uestibus laneis non utebatur, sed lincis, solusq; ingre-

Ingredietur templū, & fixis genubus, pro populo deprecabatur, in tantum, ut camelorum duritiem traxisse eius genua crederetur. Dicit et alia multa, quæ enumerare longū est. Sed & Iosephus in uicesimo libro antiquitatum refert, & Clemens in septimo Hypoteposeon, mortuo Festo, qui Iudæam regebat, missum à Herone esse successorem eius Albinum, qui cum necdum ad provinciam peruenisset, Ananus, inquit, pontifex adolescens, Anani filius, de genere sacerdotali, accepta occasione *ἐναρξίας*, Concilium congregavit, & compellens publice Iacobum, ut Christum dei filium denegaret, contradicentem lapidari iussit, qui cum præcipitatus de pinna templi, contractis cruribus, adhuc semiuivus tendens ad cœlum manus diceret: Domine ignosce eis: quod enim faciunt, nesciunt. Fullonis fuste, quo rudia uestimenta extorqueri solent, in cerebro percussus, interijt. Tradit item Iosephus, tantæ eum sanctitatis fuisse, & celebritatis in populo, ut propter eius necem creditum sit, subuersam esse Hierosolymam. Hic est, de quo Paulus Apostolus scribit ad Galatas: Alium autem Apostolorū uidi neminem, nisi Iacobum fratrem domini. Et apostolorū super hoc crebrius acta testantur: Evangelium quoque, quod appellatur secundum Hebræos, & à me nuper in Græcum Latinumque sermonem translatus est, quo & Origenes sæpe utitur, post resurrectionem saluatoris refert: Dominus autem cum dedisset sindonem seruo sacerdotis, iuit ad Iacobum, & apparuit ei. Iurauerat enim Iacobus, se non comesturum panem, ab illa hora, qua biberat calicē domini, donec uideret eum resurgentem à mortuis. Rursusque post paululum: Afferte ait dominus mensam, & panē: statimque additur: Tulit panem, et benedixit, ac fregit, & dedit Iacobo Iusto, & dixit ei: Frater mi comede panem tuum, quia resurrexit filius hominis à dormientibus. Triginta itaque annos Hierosolymis rexit Ecclesiam, id est, usque ad septimum Heronis annum, & iuxta Templum, ubi & præcipitatus fuerat, sepultus est. Titulum usque ad obsidionem Titi, & ultimam Hadriani, notissimū habuit. Quidam è nostris in monte oliueti eum putauerunt conditum: sed falsa eorum opinio est.

S. ATHANASIUS EPIS. ALEXANDRIÆ.



Um post persecutionem Diocletiani & Maximiani imperatorum crudelissimorum pax Christianis et quies data fuisset, Ex Iohanne Arcimo. & foecunditas Ecclesiæ fructus exhiberet amplissimos, atque confessorum inclytis meritis gauderet, confusus dæmon, astu callido noua contra Ecclesiam bella, atque prioribus persecutionibus peiora excogitauit. Et cum creatoris diuinus cultus quotidie per orbem terrarum excresceret, nec aperto bello ut expertus fuerat, comprimi potuisset, sed quanto maiores persecutiones inferebat, tanto maior ecclesiæ gloria, &

Christianorum uictoria resultabat : noua machinatus non iam aperte, sed ex his, qui nomine potius quàm re Christiani dici poterant, aliquos occulte circumueniens ad dissidium fidei & ecclesiæ dei, ac ueri cultus persecutionem adduxit, atque magnam gentem in pristinum redegit errorem, ut creaturam potius quàm Creatorem adorare contenderet, Christum scilicet Iesum, quem creaturam omnino profiteri non uerebantur. Sed Christus ipse, qui Petri nauiculam submergi non patitur, dedit sapientiam sanctis suis, qui cum in illius splendoris radios aciem omnino intendissent, uero lumine illustrati, pro Euangelica prædicatione, ac ueri cultus pietate ad mortem usque decertarunt, atque diaboli machinas contemnescentes, serpentis antiqui caput fortiter contriuerunt. Inter quos præcipuus Apostolicæ gratiæ particeps magnus Athanasius fuit Alexandrinæ celeberrimæ ciuitatis antistes, qui ueluti margarita præfulgida, feruens spiritu et cœlesti amore saucius, diutissime magistratibus plurimis, atque etiam regibus, hæreticorum ducibus per totum orbem pro tuenda rectæ fidei puritate ardentissime obstitit. Et diuina uirtute fretus aduersus impiorum turbam maximis periculis undique agitatus, uictoriam penitus reportauit. Cuius tanta & tam præclara contra hæreticos in beata ecclesia pro fidei integritate fuere certamina, ut etiam de ipso id dictum esse uideatur, quod scriptum est: Ego enim ostendi illi, quanta eum pro nomine meo oporteat pati. Nam in eius persecutiones non quadraginta uiri, sed uniuersus penè conspirauit orbis. Commoti sunt principes terræ & gentes, & regna, atque exercitus contra illum conuenerunt. Sed ipse diuinum eloquium opere implebat, quo dicitur: Si consistent aduersum me castra, non timebit cor meum. Si exurgat aduersum me prælium, in hoc ego sperabo. Verum tanta illius ac talia feruntur gesta, ut uel certamina exponere, uel uariam in diuinis eloquijs differendis sapientiam, quæ in libris ab eo relictis sole clarius eluceret, enarrare nemo quantalibet facundia præditus digne pro meritis posset. Nec nos id efficere pollicemur, sed pro uirili nostra eius quædam gesta, quæ apud Græcos conscripta comperimus, in Latinum fidelissime conuertemus. Addemusque alia quædam, quæ apud Latinos ac probatissimos autores legendo didicimus, atque in primis quæ nam fuerit pueri indoles, & uitæ tam mirabilis indicium, paucis explicemus. Cum post felicem consummationem beatissimi martyris atque Alexandrinæ ecclesiæ præsulis Petri, & post eum Achilles sanctæ memoriæ Alexander ipsius ciuitatis ordinatus esset episcopus, apud Alexandriam Petri martyris solennem diem agebat. Et cum post expleta solennia cōuenturos ad conuiuium suum clericos domi expectaret, in loco mari uicino cernit ex editiore parte domus pueros ludum ritu ecclesiastico inire, atque ea quæ in ecclesia geri cōsuetum fuerat, peragere. Erat autem domus aspiciens mare, in cuius littore ipsi ludebant pueri: inter quos puer Athanasius simulatus erat episcopus, & alij

cozui

eo qui partim presbyteri, partim diaconi designati, offerebāt isti Athanasio Catechumenos pueros baptizandos. Quos ille omni ecclesiastico ritu seruato, baptizabat. Stupefactus autem in his quæ fiebant Alexander, ac ilico perturbatus uocari ad se clericos iubet, atque eis quod eminus ipse uiderat, ostendebat. Tum abire eos & comprehensos ad se perducere omnes pueros imperat. Cumq; adessent, qui eis ludus, & quid egissent, uel quomodo, perscrutatur: Illi (ut talis habet ætas) pauide negare primum cœperunt. Sed ut cognitos se nouerunt, rem omnino gestam per ordinem pandunt. Cum Alexander diligenter inquirens ab his qui baptizati dicebantur, qd interrogati fuerūt, simul & ab Athanasio quid interrogauerat: ubi uidet secundum religionis nostræ ritum cuncta constare, allocutis clericis, cum consilio clericorum statuisset traditur illis, quibus integris interrogationibus & responsionibus aqua fuerat infusa, iterari baptismum non deberi, sed chrismate eos inungens signaculo Christi confirmauit. Et conuocatis Athanasij parentibus, ac illorum, quos uel presbyteros habere uisus fuerat, uel ministros sub dei obtestatione tradidit ecclesiæ nutriendos. Atq; cum pauco peracto tempore grammaticam sufficienter Athanasius atq; integre p̄didicisset, tanq; fidele domini commendatum à parentibus episcopo Alexandro restituitur. Qui ab eo uelut alter Samuel in templo domini nutriendus accipitur, ut si in senectute bona ad patres à domino uocari cōtingeret, ad portandum post se sacerdotale Ephod eligatur. Interim cum successu temporum mirabiliter diuinis literis eruditus euaderet, & acrimonia ingenij, atq; integritate uitæ cæteris præstaret, instituyente Alexandro Archidiaconus Alexandriæ ordinatur ecclesiæ. Cuius ingenium, fides, ac pietas in ecclesiasticis negocijs, quanta fuerint apud Nicenam in æcumenico, seu uniuersali Concilio ob causam congregato, ad quod cum episcopo suo conuenerat, omnibus palam fieri cœpit, &c. Hilarius uero in Italia tunc degentem, hoc idem moliri repperit. Qui cum uir esset natura lenis & placidus, simulq; eruditissimus, & ad persuadendū commodissimus, rem diligentius & apertius procurabat, atq; libros de fide nostra nobiliter conscriptos edidit. Quibus & hæreticorum uersutias, & nostrorum deceptiones, & male credulam simplicitatem ita diligenter exposuit, ut & præsentēs & longe positos, quibus ipse per se differe re uiua uoce non poterat, perfectissima instructione corrigeret. Ita duo isti uiri uelut magnifica mundi lumina Illyriam, Italiam, & Gallias suo splendore radiarunt. Interea audiens Iulianus, prædicationibus Athanasij plures ex paganis ad Christi fidem conuerti, atq; ex idolorum sacerdotibus nonnullas uxores habere Christianas, filiosq; & seruos, infremuit ira. Nec fictæ temperantiæ imaginem continere potuit, indicantibus maxime ipsis magis, nihil suis artibus successurum, nisi prius Athanasium uelut horum omnium obstaculum, sustulisset. Ob quod iterum

mittitur exercitus, iterum duces, iterum oppugnatur ecclesia. Verum cum mœsti & flentes populi circumstarent, prophetico apud eos usus sermone perhibetur. Nolite, inquit, ô filij perturbari, quia nubecula est, & cito pertransibit. Et cum discessisset, ut refert etiam Rufinus, & nauis per Nilum fluuium iter ageret, comes qui ad hoc ipsum missus fuerat, cognito eius itinere, instanter eum insequi cœpit. Et cum fortè Athanasij nauicula ad locum quendam applicuisset, comperit à prætereuntibus post tergum esse percussorem suum, & iamiam nisi prospiceret, immisnere. Conterriti omnes qui simul aderant socij, eremum suadebant ad fugæ præsidium petendam. Quibus ille: Nolite, inquit, ô filij deterreris: Eamus magis in occursum percussori nostro, ut sciat, quia longe maior est qui nos defendit, quàm qui persequitur. Et conuersa nauicula iter agere obuiâ ei qui se insectabatur, aggressus est. Ille qui nullo pacto suspicari poterat in occursum sibi uenire, quem quæreretur, tanquam quosdam prætereuntes interrogari iubet, ubi uidissent esse Athanasium. Et cum respondissent, se uidisse eum à longe euntē, tota celeritate pertransiens, in uanum festinans, capere properabat, quem ante oculos positum uidere non poterat. Ille uero Dei uirtute munitus, Alexandriam rediit. Ibi quæ tuto latebras, usquequo persecutio cessaret, exegit. Interim secundo anno Imperij sui Iulianus in Persas profectus, nostram post uictoriam, dijs sanguinem uouerat, ut scribit Hieronymus: Sed inconsultius cum à suorum erraret agminibus, forte ab obuio hostium æquitate, illa perfoffus interiit, anno ætatis suæ trigésimo secundo. At Calixtus, qui inter familiares Imperatoris tunc militabat, heroico uersu eius uitam Græca lingua describens ait, eum à dæmone uulneratum, occubuisse. Cuius laudes Libanius rhetor, magnæ etiam nunc famæ apud Græcos, conscripsit. Qui & illi in gloriâ tribuit, lectitasse nocte libros, ut enixius contra asserentes Palæstinum hominem deum dei quæ filium, præliaretur. Post eius igitur mortem sequenti die Iouianus ex primicerio domesticorum, Imperator ab exercitu factus est. Qui composita pace cum Barbaris, prout tempora deposcebant, ad Romanum regressus solium, rem publicam totam post nimias quasi procellas, omni ratione reparare aggreditur: Atque ecclesiarum curam, & ueram religionem in primis habere. Nec id incaute, ut constantius egerat, sed ipsius lapsu admonitus, Athanasium, quem constantissimum & omnium prudentissimum senserat, honorificis, & officiosissimis literis requirit, ut ab ipso formam fidei, & ecclesiarum reponendarum normam suscipiat. Cui ab aliquibus creditum est illi symbolum illud pulcherrimum destinasse: Quicumque uult saluus esse. Alij uero, ut Theodoricus affirmat, Athanasium illi simplicem Niceni Concilij fidem misisse: ad quem apud Antiochiam degentem, Athanasius deuenisse scribitur, & magno illi amore deuinetum suasse, ut legem ferret, Ne quis, non dicam rapere, sed attentare sacratas

sacratas uirgines in matrimonium de cætero auderet. Et hoc ideo, quia Iuliani temporibus quidam apud Alexandriam atque alia diuersa loca homini sacras rapuerunt uirgines, & matrimonio sibi coniunxerunt. Post hæc remittēs Athanasium Alexandriam, curam disponendarū ecclesiarū, atq; omniū populorū Ægypti ei cōmisisse Sozomenus scripsit. Sed hæc tam pia tamq; læta principia, mors immatura corrupit. Post octo etenim menses imperij sui, & ætatis anno quadragesimo quarto apud Ciliciam diem obiit. Post quē Valentinianus imperiū suscepit, qui (ut Ruffinus scribit) pro fide nostra à Iuliano militia fuerat expulsi. Sed compleuit in illo dominus, quod promisit, plus etiam, q̄ centuplū in præsentī sæculo restituens ei, ut qui militiam pro Christo reliquerat, recepit imperium. Qui, ut scribit Theodoricus, non modo fortitudine, sed prudentia, temperantia, iustitia, & uera religione, atq; corporis magnitudine & pulchritudine præfulgebat, regiū pariter & urbanus. Qui cum exercitus ei consortem imperij sociare tentasset, respondisse fertur: Vestrum, inquit, fuit o milites, Imperatore non existente, mihi, imperiū: Verum ubi hoc suscepi, meum iam, non uestrum est, de rebus cogitare cōmunibus. Cuius prudentiam admirati milites, omnem eius persecuti sunt uoluntatem. Verum quod non debuit in consortium regni Valentem fratrem assumpsit, & sibi quidem occidentis partes delegit, illi autē orientales reliquit. Valentinianus igitur Italiam pergens, omnia pie & religiose disponebat: cuius imperij anno primo Auxentio Arriano episcopo, aquod Mediolanum defuncto, Ambrosius ad episcopatum assumitur, & omnes ad fidem rectam in Italia conuertit. Et sequenti anno mortuo Liberio, Romane ecclesię gubernacula suscepit Damasus. Quo anno Valentinianus legem statuit de ueræ fidei & sanctæ Trinitatis obseruatione, quam & suo & Valentis fratris nomine, atq; filij gratia, quē Imperatorē similiter fecerat, promulgauit. Et Valens cum in initio imperij recta fide incederet, ab uxore, more Adam, seductus, quæ prius ipsa ab Eudoxio Constantinopolitano episcopo Arrij perfidia imbuta fuerat, in eius impietatē prolapsus est. Nam & Valens cum cōtra Gotthos qui Istrum ptransierant, & Thraciam peragrans proficisci intenderet, ne sine baptismate pergeret, ab Eudoxio baptizari uoluit, à quo iuramento astrictus fuit, ne dogmatis Arriani impietatē quoad uiueret, abnegaret, atq; omnes contra sentientes, undiq; insequeretur. Quamobrē fauendo hæreticis, omnem orientis perturbauit Ecclesiam, et episcopos Catholicos presbyterosq; atq; diaconos, & monachos plures in exiliū exegit. Verum in ceteros cum principis persecutio debaccharet, ab Alexandria & tota Ægypto ob Athanasij reuerentiā, uelut quadā diuina uirtute phibitus, abstinuit. At beatissimus Athanasius longo iam tempore in Ecclesia sua & tota Ægypto pacem cernens, quadragesimo & sexto anno sacerdotij sui, post multos agones, multasq; patientiæ coronas, ad

nas, ad ueram uitam translatus, requieuit in domino, anno quarto imperij Valentiniani. A tempore uero, quo assumptus fuerat Alexander ad episcopatum Alexandrinum, computari posse uidentur anni ferè sexaginta. Quo anno sanctus episcopus uiderat Athanasium gerentem ludum ecclesiasticum, qui uerisimiliter octo & nouem, aut decem ætatis suæ annos gerere poterat. Ex quo ætas eius usq; ad septuagesimum annum, uel circa, extendi potuisse uidetur. Verū sciscitatus Athanasius de successore, Petrum archidiaconum Alexandrinum, tribulationum suarum participem & socium, delegit. Sed Lucius ab Arrianæ partis Episcopis, ad eandem sedem episcopus similiter ordinatus, ueluti lupo rapax Alexandriā aduolat, & potentia regia Petrum de sede expellit. At ille nauem conscendens, Romam ad Damasum pontificem maximum profugit. Qui sua uirtute & sapientia pacem Ecclesiæ reddi procurauit, Donante domino nostro Iesu Christo, qui uiuit & regnat in sæcula sæculorum, Amen.

GEORGIUS MARTYR.

Georg. Vini-
scly.



Georgius ex Cappadocia patria, chiliarchus seu tribunus militum, tempore Diocletiani & Maximiani Imperatorum Romanorum fuisse perhibetur. Is cum Euangelium Christi Iesu edoctus esset, fidemq; illi, non tantum nomen dedisset, gessit se ubiq; locorum, quemadmodum Christianum decuit, nimirum miles Christianus iam, atq; cum spiritalibus in aëre hostibus belligeris ac colluctans. Ab eo uiro fertur draco immanis in Lybia confossus esse, idq; non humana, sed diuina uirtute. Herculem monstrorum domitorem mendax gentilitas olim habuit. Nobis ille Georgius uerus Hercules esse debet, cuius manu fortissimus Deus Lernæam hydram uere contudit, adeoq; contriuit. Et non potest non credibile esse, grande miraculum: Siquidē deo omnia possibilis, Christiani credimus. Gentilitas persuasa poëtis fabulis, credidit quicquid confingebatur de tauro Marathonio, & Calydonio apro, beluis terræ exitiosissimis. Verum quando nos omnipotentiae diuinæ fortiter gesta omnia religiose adscribimus, nihil absurdū habuerit, draconem Lybicum abs deo per dexteram Christiani equitis è medio sublatum, ne plus damni inferret miseris mortalibus. Etenim dei est, per organum electorum suorum hominibus prodesse, inq; maximis malis opem ferre. Dii atq; idola dæmoniorum quid ualuerint, quid uel effecerint in omni terrarum orbe, suo exitio experti sunt gentiles. Christo duce, Georgius hastam uibrat, aduersus hydram impetu fertur, barathrum teterimū uincit, figit, interficit, atq; eo beneficio liberatur regia filia, & eodem miraculo tanto magna uis paganorum Christo duci lucrifit, dum prædicato Euangelio, datore spiritu creditur, dum baptizatur, dum crescit Ecclesia. Esto tu quoq; quicumq; censeris Christianus,

nus, Georgius, seu si mauis, Theurgius, idq; re ipsa. Pater coelestis *πάτερ* est, inquit Euangelista. Nos huius mystici agricolae *γεωργία* sumus, sicut Apostolus ait. Beatam agricolationem, si spiritu alacerrimo imbuti fuerimus, quo pectus robustissimi militis redundauit in preclarissimū facinus. Draco Leviathan, ipse diabolus est: filia regis, sponsa Christi, seu Ecclesia. Hanc si ē fauce mortifera saeuissimi hostis eripias, Georgiū praestiteris: hac praesertim tempestate sectarum caliginosissima. Excelfo animo inuadendus est cacodæmon, nec ad speciem diabolicæ immanitatis expauescendū. Fidei fortitudine deijcitur magna bestia uno ictu testacei uasculi. Tanta est uirtus firmissimi Iehesu in infirmis mēbris suis. Cæterum fidem ac eiusmodi strenue facta Euangelici militis, inuidia uisū estī satanæ, crux atrox sequi solet. Monstratum illud ipsum est in Georgio, & in plerisq; sanctis dei hominib. Cæso dracone, liberato populo, adornata Ecclesia, excitatur imperatorius furor in gregem dominicum. Multa Christianorum milia passim martyrij palma donantur, non ob aliud, q̃ q̃ Christiani erant. Nam eo tempore iudicabatur, Christianū esse, hominem perditissimum, atq; ipsa luce esse perindignum: regnante nimirum potestate tenebrarum. Tanta in persecutione optimorū hominum uim inuicti spiritus exerēs Georgius, & supplicio addictos fratres solari, & crudeles tyrannos increpare cœpit, citato Psalmo: Omnes dñi gentium dæmonia, Dominus autem coelos fecit. Qua contione offensi procures, uiolentas manus uiro fortissimo afferunt. Interrogatus de patria ac cōditione, intrepide omnia respondet, iam non miles Romanus, sed Christianus. Vbi audiū Christi & Euangelij nomē, ardent ira bipedes leones, iubent abripi confessum Christianum ad multa poenarū genera, quæ sunt stupenda dictu. Sed sentit in summis tormentis se diuinitus refici, ac corroborari, Adhibetur Magica, ut cuius præstigijs diuina uirtus in Georgio ostensa in cōtumeliam Christiani nominis uertatur. Verum tanto contumeliosius ipsa ars satanica exhibita est, quo immobilius uir dei perstitit. Adhibetur item inescando militi haud quaquam delicatulo blandarum persuasionum illecebræ: sed in hoc quoq; omnia opera luditur. Versutiæ prudentiam opponit, fraudem mirabili techna fallit. Pollicetur tyranno, se omisso deo, dñs sacrificaturum. Hac exortata fama, læto clamore accurritur. Georgius idolōon subit, uelut sacra facturus de more gentilium: sed in spiritu Heliae fufis ad deum coeli flagrantissimis precibus pro retegenda paganorū impietate, pro illustranda Christi Iehesu gloria, accidit, ut igne coelesti delubrum unā cum sacrificibus suis absumeretur: nec id sine terræmotu. Potentes preces prophetici zeli, atq; quod ad concussionem terræ attinet, Apostolici exempli. Eo miraculo plurimum fructus ad Euangelium rediisse, uerisimile est. Cum primis dicitur tyranni uxor Christi nomen professa esse cum magna sexus muliebris admiratione. Nondum uero baptizata hæc, sed ad
m huc

huc catechumena scuticis ac scorpionibus cæsa, supremū flatum tradit, quippe in sanguine proprio tincta ac renata, iuxta admonitionē Georgij, qui pugil tandem in arenam educitur, cum ipsa morte decertaturus. Mors superata doluit, dum spiculatoris ense tyrannus Georgium ē uita sustulit. De hoc inclyto martyre Christi S. Ambrosius in libro præfationum, qui intercidisse fertur, tale testimonium profert: Georgius fidelissimus miles Christi, dū Christianismi p̄fessio tegetetur, solus inter Christianicolas intrepidus dei filium lesū confessus est. Cui tantam constantiam gratia diuina concessit, ut & tyrannicæ potestatis præcepta contemneret, & innumerabilium non formidaret tormenta poenarū. O felix & inclytus præliator Domini, quem non solum temporalis regni nō persuasit blanda promissio; sed persecutore deluso, simulachrorum eius portenta in abyssum deiecit. Idem Ambrosius de eodem: Ob hoc regina quoq; Persarum crudeli à dictata sententia, nondū baptismi gratiam consequuta, gloriosæ passionis meruit palmam, &c. S. Gregorius epistol. lib. x. ad Marinianum Abbatem, mentionem diui Georgij facit, quippe mandans, ut templum Georgij nomine nuncupatum restauret, & sacram Psalmodiā in eo restituat. Veteres Græci recensent in Diario sub finem Aprilis, γεώργιον, σάββαρον τὸ τῆς στρατιᾶς, hoc est, militię præsides. Et hodie diui Georgij celebritas apud Græcos præ ceteris per c̄p̄ eximia est. Orandum est, ut nos sanctissimi martyris fidem & charitatem imitari possimus.

TESTIMONIUM GRAECAE ECCLESIAE DE DIVO

Georgio, ex Cyri Theodori Epigrammatis.

Εἰς τὸν ἅγιον γεώργιον ἐν λευκῷ λίθῳ τυπωθέντα.

παῖς Ἀβραάμ ὁ μάρτυς οὗτος ἐκ λίθου πλάων ἐλθὼν σαρκὸς ἔχειν ἡγουμένω. ἔχων
 ῥῶδιν τοῦτο, λεύκον εὐρέθη μαρτυρησίῃς ὑδρῶσιν ἐκ πεπλημνυτόν.

Εἰς τὸν αὐτόν. φθάνει γεώργιον εἰς ἐκατόν ἢ πέντε ὅς σάχω, ἀδελφὲ τὸν ἡγουμένον
 σάχω μὴ πλὴν ἀερμῶν εἶχειν ἢ πέντε ὁ δόσσορ, δι' ἧς ὁ μάρτυς ἐκ φύσεως ἐνετηάφει.

Qui hodie uiuunt Græci, appellant S. Georgium Megalomartyra, hoc est, magnum Christi testem, & Tropæophorum, id est, uexilliferū. Fuit præter hunc & alius Georgius, qui dicitur diaconus, cuius socius Aurelianus, ij apud Cordubam Hispanię pro Christi Iesu nomine passi sunt. Sic enim Adonis Martyrolog. habet.

IN BASILICAM S. GEORGII MARTYRIS.

Fortunati presbyteri carmen.

Martyris egregij pollens micat aula Georgij,
 Cuius in hunc modum spargitur altus honor.
 Carcere, cæde, fame, uinclis, site, frigore, flammis.
 Confessus Christum duxit ad astra caput.
 Qui uirtute potens, orientis in axe sepultus,
 Ecce sub occiduo cardine præbet opem.

Ergo

Ergo memento preces & reddere uota uiator,
 Obtinet hic meritis, quod petit alma fides.
 Condidit antistes Sydonius ista decenter,
 Proficiant animæ quæ noua templa suæ.

MARCUS EVANGELISTA.

Eusebius Cæsar. lib. ij. cap. xv. de S. Marco hæc in monumentis reliquit: Igitur cum Romanæ urbi clarū uerbi Dei lumen fuisset exortum, Simonis quidem tenebræ cum suo autore resinctæ sunt. Sermo autem ueritatis & lucis, qui per Petrum prædicabatur, uniuersorum mentes placido illustrauit auditu, ita ut quotidie audientibus eum nulla unquam satietas fieret. Vnde neq; auditio eis sola suffecit, sed Marcum discipulum eius omnibus precibus exorant, ut ea quæ ille uerbo prædicabat, ad perpetuam eorum commonitionem habendam scripturæ traderet, quo domi forisq; in huiusmodi uerbi meditationibus permanerent. Nec prius ab obsecrando desistunt, quàm que orauerant, impetrarent. Et hæc fuit causa scribendi, quod secundum Marcum dicitur Euangelium. Petrus uero, ut per spiritum sanctum religiosè se spoliatum comperit furto, delectatus est, fidem eorum per hæc deuotionemq; considerans, factumq; confirmauit, & in perpetuum legendam scripturam ecclesijs tradidit. Clemens in sexto Dispositionum libro hæc ita gesta esse describit. Cuiq; simile dat testimonium etiam Hierapolites episcopus nomine Papias: qui & hoc dicit, quod Petrus in prima Epistola sua, quam de urbe Roma scripsit, meminerit Marci, in qua tropice Romam Babylona nominarit, cum dicit: Salutat uos ea quæ in Babylone est electa ecclesia, & Marcus filius meus. Hunc autem Marcum tradunt primum ad Ægyptum perrexisse, atq; inibi Euangelium quod ipse conscripserat, prædicasse, & ipsum primum ecclesiam apud Alexandriam constituisse. Tanta autem refertur multitudo credentium uirorum ac mulierum, primo ingressu exemplo sobrietatis eius & continentiae cōgregata, ut etiam conuersatio eorum qui per ipsum crediderant, & uita totius abstinentiæ, ac frugi eorum sobriaq; conuiuia, librorum memoriæ mandarentur à uiro disertissimo Philone, quem sermo tenet temporibus Claudij Imper. Romam uenisse, & Petrum Apostolum uidisse, atque eius adhæsisse colloquijs, uerbum Dei prædicantis. Quod ualde est uerisimile: quia & scripturam istam, quam diximus, posterioribus ab eo temporibus constat esse compositam. In qua euidentissime omnia ecclesiæ instituta complectitur, quæ & tunc tradita sunt, & in hodiernum seruantur à nobis. Sed & abstinentium uitas, eorum duntaxat, qui nunc in ecclesijs uel monasterijs degunt, describit ad liquidum, Vnde plane manifestissime proditur, non solum sciens quæ nostra

m ij sunt,

sunt, sed & amplectens: quippe qui diuinis laudibus extulit sui temporis Apostolicos uiros, ex Hebræorū (quantum intelligi datur) præcipue genere credentes: quoniam quidem constat, quod hi qui sub Apostolis ex Israëlitis credebant, Iudaicis adhuc institutionibus, & legis obseruationibus inhærebant. De Hermagora discipulo Marci ciue Aquileiensi, quem Aquileiæ à populo electum, episcopum ibidem constituit: Item de Calciario Ananio, qui successit illi Alexandriae, ibi ordinauit Ecclesiam: Vide Hierony. ad Euagrium. Fuit S. Marcus unco tractus Alexandriae, spiritum Deo suo commendauit, &c.

CLETVS I.

Ex Platina.



Cletus patria Romanus, de regione Vicopatritij, patre Amiliano, adhortante Clemente pontificatus onus inuitus suscepit, licet doctrina, moribus, & dignitate plurimum apud suos ualeret. Fuit autem temporibus Vespasiani & Titi, à consularu Vespasiani septimo, & Domitiani quinto, usque ad Domitianum & Ruffum consules, ut Damasus scribit. Vespasianus enim (ut antea dixi) Vitellio successit, bellumque Iudaicum biennio ante protractum, Tito filio commendauit, quod quidē biennio post constantissime absoluit. Nam capta Iudæa, eueris Hierosolymis, temploque solo equato, ad sexcenta milia hominum interfecta referunt: licet Iosephus Iudæus eo bello captus, ac uita donatus, quod et mortem Neronis, & Vespasianum Imperatorem breui futurum prædixerat, una decies centena milia ferro ac fame eo bello perisse scribat, captaque ad centum milia, ac publice uenundata. Nec id uero dissonum uideri, cum referat azymorum dies tum fuisse, quo tempore ex omni Iudæa Hierosolymam tanquam in publicum carcerem, tum uel maxime die Phasæ, quo Christum occiderunt, sunt profecti, daturi poenas, & frequentis contra populum Romanum defectionis, & sceleris atque perfidiæ, quæ Christum innocentem peremere. Deuictis itaque Iudæis, triumpharunt pater & filius, eodem curru uecti, subsequente Domitiano equo albo insidente. Extant adhuc in uia noua huius triumphi monumenta: apparent insculpta candelabra, apparent tabulæ ueteris legis è templo ablatae & in triumphum ductæ, hac etiam in uictos humanitate usus, ut omnes qui ex familia Dauid superfuissent, uelut ex regia stirpe conquisitos in precio habuerit. Idem quoque imperio semper modestissime usus est. Tantæ enim lenitatis & clementiæ fuit, ut reos etiam maiestatis, uerbis tantum castigatis dimitteret: petulantium & loquacium dicta contemneret, offensarum & inimiciarum immemor. Colligendarum tamen pecuniarum nimium studiosus habitus est, licet ex alieno non raperet, eis denique pecunijs ad liberalitatem & magnificentiam uteretur. Nam & templum Pacis foro proximum diui Claudij coeptum perfecit, & amphitheatrum

phitheatrum, cuius partē cum admiratione adhuc cernimus, inchoauit. Virtutem autem Titi filij tanti semper fecit, ut tumultuantibus quibusdam ob cupiditatem imperandi dixerit: Aut neminem, aut filium imperio potiturum: & merito quidem, cum ob uirtutem & integritatem animi, Titus amor & delitiæ humani generis haberetur. Nam & eloquentissimus in pace, & fortissimus in bello, & clementissimus in delinquentes est habitus: ita comis & liberalis, ut nulli quicquam negaret. Hoc cum reprehenderent amici, respondisse fertur: Neminem à uultu principis tristem discedere oportet. Addidit & illud, recordatus quod nihil cuiusquam muneris dedisset, amici, diē perdidit. Nemo ante se magnificentia maior fuit, absoluto atq; dedicato amphitheatro, thermisq; edita uenatione ferarum quinque milium. Reuocauit etiam ab exilio Musonium Ruffum philosophum insignem, & Asconij Pædiani uiri doctissimi familiaritate delectatus est. Perijt autem anno imperij sui secundo: delatusq; ad sepulchrum est publico luctu, ac si parēte orbatī omnes essent. Sunt autem qui scribant, anno secundo Vespasiani, qui annis decem imperium obtinuit, Cletum Lino successisse. Vt cunq; sit, constat Cletum uirum optimum ac sanctissimum fuisse, nihilq; prætermisisse, quod ad augendam ecclesiam Dei pertineret. Huius autem temporibus fuit Lucas medicus Antiochenis, Græci sermonis apprime doctus, Pauli apostoli imitator, & omnis peregrinationis eius comes ac socius. Scripsit autē Euangelium, quod à Paulo laudatur. Vnde merito Euangelium illud suum esse Paulus dicit. Apostolorum uero res gestas, quemadmodum uiderat, conscripsit. Vixit annos octogintatres: uxorem habuit in Bithynia, sepultus est Constantinopoli: ad quam urbem xx. Constantij anno eius ossa cum reliquijs Andreæ apostoli de Achaia translata sunt. Philippus quoq; eadem tempestate ex Scythia, quam uiginti annis in fide, exemplo, prædicatione retinuit, in Asiā rediens, Hierosolymis moritur. Cletus autem cum ecclesiam Dei optime pro tempore constituisset, reductis in ordinem ex mandato Petri uigintiquinq; presbyteris, sub Domitiano martyrio coronatur, ac sepelitur apud beati Petri corpus in uaticano, quinto calendas Mai. Affecti & alij multi martyrio, inter quos est habita & Flauia Domicilla Flauij Clementis consulis ex sorore neptis, in insulam Pontiam relegata, quia Christianā se fassa est. Sedit autem Cletus annis XII, mensē I. diebus XI.

S. VITALIS ET AGRICOLA MARTYRES.



Qui ad conuiuium magnum inuitantur, apophoreta secū res ^{Ex S. Ambrosio.} ferre cōsueuerunt. Ego ad Bononiensē inuitatus conuiuium, ubi sancti martyris celebrata translatio est, apophoreta uobis plena sanctitatis & gratiæ reseruauī. Apophoreta autem solent habere

bere triumphos principum: & hæc apophoreta triumphalia sunt. Christi enim nostri principis triumphus sunt martyrum palmae. Nec uero huc dirigebam iter, sed quia petitus à uobis sum, debui mecum deferre, quæ alijs parabantur, ne minor ad uos uenirem, ut quod in me minus est, quæ præsumebatur, in martyre plus inueniretur. Martyri nomen Agricola est, cui Vitalis seruus fuit antè nunc consors & collega martyrii. Præcessit seruus, ut prouideret locum, secutus est dominus, securus quæ si de seruuli iam inueniret paratum. Non aliena laudamus. Passio enim serui Domini disciplina est. Hic instituit, ille impleuit. Nihil illi decerpitur. Quomodo enim minui potest, quod Christus donauit? Egregie & ille qui homini seruiuit, seruiendo didicit, quomodo Christo placeret. Hic tamen geminam laudem acquisiuit: In illo magisterii, in se martyrii. Certauerunt tamen inter se inuicem beneficijs, postquam æquales esse meruerunt. Hic illum ad martyrium præmisit, iste illum accersuit. Nullum ergo ad commendationem hominis conditio affert impedimentum, nec dignitas prosapiæ meritum, sed fides affert. Siue seruus, siue liber: omnes in Christo unum sumus, & unusquisque quodcumque fecerit bonum, hoc recipiet à domino. Nec seruitus derogat, nec libertas adiuuat. Vide ad eam rem quæ nihil in conditione momenti sit. Seruus inquit uocatus es, non sit tibi curæ. Qui enim uocatus est in Domino seruus, libertus est Domini. Similiter qui liber uocatus est, seruus est Christi. Vide inquam uim apostoli. Plus putatur dedisse ei, qui seruus, quæ ei qui liber uocatus est. Ex seruo enim libertus Christi fit, ex libero seruus. Sed nulli plus dedit, uerum utrique æqualem mensuram diuisit. Apud Christum enim seruitus & libertas æqua lance penduntur: nec ullo discerniculo bonæ seruitutis & libertatis merita diuiduntur: quia nulla maior est dignitas, quæ seruire Christo. Denique Paulus seruus Christi Iesu. Hæc enim seruitus gloriosa est, in qua gloriatur Apostolus. An non summa gloria est, quando tali precio æstimati sumus, ut sanguine Domini redimeremur? Sed pergamus ad cætera. Cumque sanctus Vitalis cogeretur à persequentibus, ut Christum negaret, & ille amplius profiteretur dominum Iesum Christum, omnia tormentorum genera in eum exercentes, ut non esset in corpore eius sine uulnere locus, orationem fudit ad Dominum, dicens: Domine Iesu Christe saluator meus, & deus meus, iube suscipi spiritum meum, quia iam desidero, ut accipiam coronam, quam angelus tuus sanctus mihi ostendit. Et completa oratione, emisit spiritum. Sanctus uero Agricola mitior habebatur moribus, ut ab ipsis etiam inimicis diligeretur. Ideoque differebant eius passionem. Sed hæc persecutorum honorificentia omni erat immanitate acerbior, quæ inuidebat martyrium. Denique ubi non acquieuit sanctus Agricola, crucifixus est, ut aduertamus illas blanditias eorum non sedulitatis fuisse, sed fraudis. Supplicio serui dominum terrere uoluerunt. Vertit hoc Christus in gratiam, ut martyrio serui

no serui dominus inuitaretur. Vtriq; nomen aptum martyrio, ut designati ad martyrium ipsis uocabulis uiderentur. Ille Vitalis dictus est, quasi qui cōtemptu istius uitæ, ueram illam uitam æternam sibi haberet acquirere: Iste Agricola, qui bonos fructus spiritalis gratiæ seminare, & sacri sanguinis effusione, meritorum suorum omnium uirtutumq; rigaret plantaria. Sepulti aut erant Agricola & Vitalis in Iudæorum solo inter ipsorum sepulchra. Iudæi ambierunt cum seruulis sepulturæ habere consortium, quorum dominū negauerunt. Sic & aliquando Balaam dixit: Moriatur anima mea pro animis iustorum, & tamen non communiuit eorum operibus, cum uiueret, quorum in animis cupiebat mori. Et isti, quos uiuentes persecuti sunt, mortuos honorabāt. Illic igitur martyris exuias requirebamus, tanq̃ inter spinas rosam legentes, circūfundebarum Iudæis, cum sacræ reliquiæ eueherentur. Adcrat populus Ecclesiæ cum plausu & lætitia. Dicebant Iudæi: Flores uisi sunt in terra, cū uiderent martyres. Dicebant Christiani: Tempus incisionis adest. Iam qui metit, mercedem accipit. Alij seminauerunt, & nos metimus martyrum fructus. Iterum audientes Iudæi uoces plaudentis Ecclesiæ, dicebāt inter se: uox torturis audita est in terra nostra. Vnde bene lectū est: Dies diei eructat uerbum, & nox nocti indicat scientiā. Dies diei, Christianus Christiano: Nox nocti, Iudæus Iudæo. Indicabant ergo Iudæi, q̃ haberent scientiam martyrum, sed non scientiam uerbi: Id est, non secundū illam solius boni, & solius ueri scientiam. Ignorantes enim Dei iustitiā, & uolentes se iustificare, iustitiam Dei non receperunt. Detuli ergo uobis munera, quæ meis legi manibus, id est, crucis trophæa, cuius gratiam in operibus agnoscitis. Certē & ipsi demones confitentur. Condant alij aurum atq; argentum, ac de latentibus eruant uenis: Legant preciosa monilium serta: Temporalis ille thesaurus est, & sæpe habentibus pernitiosus. Nos legimus martyris clauos, & multos quidem: & plura fuerunt uulnera, q̃ membra. Clamare martyrem diceres ad populū Iudæorum, cum clauos eius colligeremus. Mitte manus tuas in latus meum, & noli esse incredulus, sed fidelis. Collegimus sanguinem triumphalem, & crucis lignum. Hæc sanctæ uiduæ negare non potuimus postulanti. Munera itaque salutis accipite, quæ nunc sub sacris altaribus reconduntur, &c.

MARCELLINVS I.

Marcellinus natione Romanus, patre Proiecto, Diocletiani *Ex Platina.* Dalmatæ obscuro loco nati, & Maximiani temporibus fuit. Diocletianus enim anno ab urbe condita M. XLI. ab exercitu Imperator electus, Aprum qui Numerianum interfecerat ipsemet occidit. Verum moto in Gallia tumultu potius q̃ bello, eō cum exercitu Maximianum cognomēto Herculeum misit, qui agrestes facile compescuit.

pescuit. At uero circumstrepentibus undiq; bellis, cum solus Diocletianus resistere tot periculis non posset, Maximianum Augustum, Constantium uero & Maximianum Galericum cæsares creat. Maximianus autem Hercules Carausio fraude Alekti interempto, Britanniam post annos decē recepit. At Constantius, cum primo in Gallia male pugnas-
 set, renouata secundo pugna, multa milia Alemannorum occidit, qui ed uenerant mercede conducti, ac Gallias pacatas reddidit. Diocletianus interim captam Alexandriam, quam Achilleo resistente mensibus octo obsederat, diripiendam militibus dedit. Præterea uero Maximianus Galerius cum duobus prælijs contra Narseum bene pugnas-
 set, postremo inter Galietium & Carras superatur. Atq; tam sinistra pugna amis-
 sis copijs ad Diocletianum confugit: à quo ita arroganter exceptus est, ut per aliquot milia passuum purpuratus ante currum eius cucurrisse di-
 catur. Is autem hac contumelia motus, repetito bello hostes superat ac domat. Pacatis hoc modo undiq; rebus Diocletianus in oriente, Maxi-
 mianus uero Hercules in occidente uastari ecclesias, Christianos affligi interficiq; mandant, decima post Neronem persecutione: quæ certe om-
 nibus diuturnior & immanior est habita. Nam & scripturæ sacræ igni exustæ sunt: & si quis Christianus in magistratu fuisset, eo sublato rema-
 nebat infamis. Præterea uero serui qui in Christianismo perdurabant, libertatem consequi non poterant. Milites item Christiani cogebantur aut immolare idolis, aut militiam pariter uitamq; deponere, edicto prin-
 cipis in foro posito. Hoc uero quidam lacerare ausus pelle nudatus, suis per-
 fusus aceto et sale tandiu cruciatur, quoad uita superfuit. Hunc in fide confirmarunt Dorotheus & Gorgonius uiri clarissimi. Iisdem diebus for-
 te fortuna in urbe Nicomediæ regia domus incendio conflagrare cœ-
 pit, unde imperator à Christianis id factum falsa suspitione existimans, multos interfici, plerosq; uiuos in ignem conijci iubet. Eadem quoque sæuitia usi sunt, qui in Miletene prouincia in Syria, in Aphrica, in The-
 baide, in Ægypto cum imperio erant. In planitie uero Palæstinæ & Ty-
 ri multi sæuissimis bestijs expositi sunt. Nullum autem genus tormenti Christianis tum non adhibitum est. Pro ungulis enim testas fici-
 lorum uasculorum adhibebant: quibusdam uero arundines acutæ sub unguibus figebantur. Hoc etiam tormēto uexatæ mulieres sunt, arundinibus ipsis per pudenda corporum adactis. Vrbs quædam in Phrygia tota combusta est, quia ciues idolis sacrificia exhibere recusarunt, Adaucto Romano uiro sanctissimo eos in fide retinente: ad hæc postremo uenire sæuissimi tortores, ut oculis effossis, ac cauterio adustis sæuissent. Passi etiam martyriū sunt Anthimus Nicomediæ episcopus, Lucianus pres-
 byter Antiochenus uir doctissimus, Pamphilus Cæsariensis, Phileas Ægyptius, qui & Thmuenus uocabatur. Is em̃ capitali pœna afficitur, quod & librum de laudibus Martyrum composuit, & impugnare ius
 dices

dices male iudicantes ausus est. Quid plura? cum Damasus referat xvij. milia hominum utriusque sexus diebus xxx. per diuersas provincias martyrio coronata fuisse. Omitto eos qui in insulas relegati sunt, uel ad metallum, uel ad opus metalli, uel ad fodiendas arenas excidendosque lapides damnati, quæ multitudo propè infinita est habita. At Marcellinus pontifex ad sacrificia gentium ductus, cum minis instarent carnifices, ut thura dijs exhiberet, metu perterritus, deos alienos adorauit. Habito deinde non ita multo post concilio centum & lxxx. episcoporum in Sinuessa urbe Campaniæ, eò & Marcellinus squalidus & puluerulentus ac cilicio indutus proficiscitur, petitque ut sibi pro inconstantia debita poenae tribuatur. Qui eum damnaret in tanto concilio nemo unus inuentus est, cum dicerent omnes ea ferme ratione Petrum peccasse, ac flendo peccati poenam luisse. Rediit Romam Marcellinus iratus, Diocletianum adiit, hominemque increpat, qui se impulerit dijs gentium immolare. Ducitur ad martyrium Diocletiani iussu Marcellinus cum Claudio, Cyrino, Anthonino Christifidelibus. Inter eundem uero Marcellum presbyterum admonet, ne Diocletiani præceptis obtemperet in rebus maxime ad fidem pertinentibus, neue corpus suum sepulturæ traderet, quod diceret ob negatum saluatorem id nequaquam mereri. Horum autem simul interemptorum corpora Diocletiani iussu ad dies sex & triginta insepulta iacuerunt uia publica. Vnde petri Apostoli iussu, qui Marcello in somnis apparuit, uia Salaria in cœmiterio, quod Priscillæ deinceps nomen habuit, sepeliuntur sexto calendas Maias apud beati Crescentionis corpus. Tandem uero aperuit oculos Deus (ut Eusebius ait) & eo Diocletianum compulit, ut deposito imperio priuatus uiueret. Idem fecit & Maximianus eius collega acerrimus persecutionis Christianæ auctor, qui post aliquot annos multis uariisque morbis uexatus, ac post longos cruciatus infania mentis percitus, furisque scelerum agitato, seipsum tandem peremit. Hanc autem calamitatem, quâ nostri passi sunt, à Deo permissam refert Eusebius, propter corruptos nimia libertate & indigentia Christianorum mores: maxime uero ecclesiasticorum, quorum peruersitatem diuina iustitia frenare hac persecutione instituit, dum simulationem in uultu, dolum in corde, fallaciam in eorum uerbis cerneret. Hi enim liuore, superbia, inimicitijs, odijs inter se certantes tyrannidem potius quam sacerdotium sapere uidebantur, Christianæ pietatis omnino obliti, ac diuina mysteria prophanantes potius quam celebrantes. Sed quid futurum nostra ætate arbitramur? qua uitia nostra eò creuere, ut uix apud Deum misericordiæ locum nobis reliquerint. Quanta sit auaritia sacerdotum, et eorum maxime qui rerum potiuntur, quanta libido undique conquisita, quanta ambitio & pompa, quanta superbia & desidia, quanta ignoratio tum suipsius, tum doctrinæ Christianæ, quam parua religio, & simulata potius quam uera, quam corrupti mores uel

n in pro

In prophanis etiam hominibus (quos seculares uocant) detestandi non attinet dicere, cum ipsi ita aperte & palam peccent, ac si inde laudē quærerent. Veniet (mihi credite) utinam falsus sim uates, ueniet Thurcus hostis Christiani nominis Diocletiano & Maximiano uiolentior. Italic claustra iam pulsat. Nos desides & somniculosi interitum communem expectamus, uoluptati priuatæ potius quàm communi utilitati consules. Ad Marcellinum uenio, quem utinam aliquando imitari ad sanitatem redeamus. Hic enim (ut dixi) cognito errore suo, quo à fide defecerat, ad se rediens, martyrium pro fide Christi cōstanti animo passus est, ubi ex sacris ordinibus bis mense decembri habitis, p̄sbyteros quatuor, diaconos duos, episcopos quinque creasset. Sedit autem annis nouem, mensibus duobus, diebus sedecim.

DE SANCTA CHRISTI CRUCE.

Ex Lactantio



Quod uero ad Crucem spectat, magna in ea uis ac ratio est, quam nunc conabor ostendere. Deus namque, sicut superius exposui, cum statuisset hominem liberare, magistrum uirtutis legauit in terram, qui & præceptis salutaribus fomaret homines ad innocentiam, & operibus factisque præsentibus, iustitiæ uiam panderet, qua gradiens homo & doctorem suum sequens ad uitam æternam perueniret. Is igitur corporatus est, & ueste carnis indutus, ut homini, ad quem docendū uenerat, uirtutis & exempla, & incitamenta præberet. Sed cum in omnibus uitæ officiis iustitiæ specimen præbuisset, ut doctoris quoque patientiam mortisque contemptum (quibus perfecta & consummata sit uirtus) traderet homini. Venit in manus impiæ nationis, cum & uitare potuisset scientiam futuri, quam gerebat, & repellere eadem uirtute, qua mirabilia faciebat. Sustinuit ergo cruciatus ac uerbera & spinas. Postremo etiam mortē suscipere non recusauit: homo illo dulce subactam, & catenatam mortem cum suis terroribus triumpharet. Cur autem summus pater id potissimum genus mortis elegerit, quæ affici eum sineret, hæc ratio est. Dicat enim fortasse aliquis: Cur, si deus fuit, & mori necesse fuit, non saltem aliquo honesto mortis genere affectus est? Cur potissimum cruce? Cur infamī genere supplicij? quod etiam hodie libero quamuis nocenti uideatur indignum. Primum, quod is qui humilis aduenerat, ut humilibus & infirmis opem ferret: & in omnibus spem salutis ostenderet, eo genere afficiendus fuit, quo humiles & infirmi solent, ne quis esset omnino, qui eum non posset imitari. Deinde ut inter grū corpus seruaretur, quem die tertio resurgere ab inferis oportebat. Nec hoc cuiquam ignorandum est, quod ipse ante de sua passione prædicans: etiam id notum fecerit, habere se potestatem cum uellet deponendi spiritum, et resumendi. Suffixus itaque cum spiritū sponte deposuisset, necessarium

necessarium carnifices non putauerunt, ossa eius suffringere (sicut mos eorum ferebat) sed tantummodo latus eius perforauerunt. Sic integrum corpus patibulo detractum est, & sepulchro diligenter inclusum. Quæ omnia idcirco facta sunt, ne læsum atq; diminutum corpus ad resurgendum inhabile redderetur. Illa quoq; præcipua fuit causa, cur Deus crucem maluerit, q̃ illa exaltari eū fuit necesse, & omnibus gentibus passionem dei notescere. Nam quoniam is qui patibulo suspenditur, et conspicuus est omnibus, & cæteris altior, crux potius electa est, quæ significaret illum tam conspicuum, tamq; sublimem futurum, ut ad eum cognoscendum pariter & colendum cunctæ nationes ex omni orbe concurrerent. Deniq; nulla gens tam inhumana est, nulla regio tam remota, cui aut passio eius, aut sublimitas maiestatis ignota sit. Extendit ergo in passionem manus suas, orbemq; dimensus est, ut iam tūc ostenderet, ab ortu solis usq; ad occasum magnum populum ex omnibus linguis & tribubus congregatum sub alas suas esse uenturum, signum illud maximum atq; sublime frontibus suis suscepturum. Cuius rei figuram Iudæi etiam nunc exhibent, cum limina sua de cruore agni notent. Deus enim percussurus Ægyptios, ut ab ea plaga immunes faceret Hebræos, præceperat his, ut agnum candidum sine macula immolarent, ac signum liminibus suis de sanguine eius imponderent. Itaque cum Ægyptiorum primogenita una nocte interissent, Hebræi soli signo sanguinis tuti fuerunt: non quia cruor pecudis tantam in se uim haberet, & hominibus saluti esset, sed imago fuit rerum futurarum. Nam agnus candidus sic à Iudæis immolatus, saluti est omnibus, qui signum sanguinis, id est crucis, qua sanguinem fudit sua in fronte conscripserunt. Frons enim summum limen est hominis, et lignum sanguine delibutum crucis significatio est.

DE POTENTIA SIGNI CRVCIS, QUAN-

tæ efficaciz sit inuocatio nominis crucifixi: & quantum à dæmonijs timeatur signum crucis.



Nunc satis est de huius signi potentia, quantum ualeat, exponere: quanto terrori sit dæmonibus hoc signum, sciet, qui uiderit, quatenus adiurati per Christum, de corporibus, quæ obsederint, fugiant. Nam sicut ipse, cum inter homines ageret, uniuersos dæmones uerbo fugabat, hominumq; mētes emotas, & malis incurribus furias, in sensus pristinos reponebat; ita nunc sectatores eiusdem spiritus inquinatos de hominibus & nomine magistri sui et signo passionis excludūt. Cuius rei non difficilis est probatio. Nam cū dñs suis immolant, si assistat aliquis signatam frontem gerens, sacra nullo modo litant: Nec responsa potest consultus reddere uates. Et hæc sæpe causa præcipua, iustitiam persequendi malis regibus fuit. Cum enim quidam mini-

n ij strorum

strorum nostri sacrificiis dominis assisterent, imposito frontibus signo, deos eorum fugauerunt, ne possent in uisceribus bestiarum futura depingere. Quod cum intelligerent aruspices (instigantibus iisdem demonibus, quibus prophetabant) conquerentes prophanos homines sacris interesse, adegerunt principes ipsos in furorem, ut expugnarent dei templum, sedque uero sacrilegio contaminarent, quod grauissimis persecutorum poenis expiaretur. Nec tantum ex hoc ipso caeci homines intelligere possunt, aut hanc esse ueram religionem, cui ad uincendum tanta uis inest, aut illam falsam, quae subsistere, aut congregi non potest. Sed aiunt, hoc deos non metu, uerum odio facere: quasi quisquam possit odisse, nisi eum, qui aut noceat, aut possit nocere. Immo uero congruens maiestati fuit, ut eos quos oderant, presentibus poenis efficerent potius quam fugarent. Sed quoniam neque accedere ad eos possunt, in quibus coelestem notam uiderint: nec his nocere, quos signum immortale munierit, tanquam inexpugnabilis murus: lacessunt eos per homines, et manibus persequuntur alienis: quos profecto si esse confitentur, uicimus. Necesse est enim, hanc esse ueram religionem, quae & rationem demonum nouit, & astutiam intelligit, & uim retundit, & eos spiritualibus armis demitos ac subactos cedere sibi cogit. Si negant, testimonijs poetarum ac philosophorum refelluntur.

AVRELIVS PRUDENTIVS DE signo sanctae Crucis.

Cultor Dei memento
Te fontis & lauachri
Rorem subisse sanctum,
Te Chrismate innouatum,
Fac cum uocante somno
Castum petis cubile,
Frontem locumque cordis
Crucis figura signet.
Crux pellit omne crimen,
Fugiunt crucem tenebrae.
Tali dicata signo,
Mens fluctuare nescit.
Procul o procul uagantium
Portenta somniorum.

Procul esto peruicax
Praestigator astu.
O tortuose serpens:
Qui mille per meandros
Fraudesque flexuosas
Agitas quietia corda,
Discede: Christus hic est,
Hic Christus est: liquece
Signum quod ipse nosti,
Damnat tuam cateruam,
Corpus licet fastidiens
Iacet rediuiue paulum,
Christum tamen sub ipso
Meditabimur sopore.

DIES

ECCLESIAE DEL
DIES ROGATIONVM, SIVE
LETANIAE.

CXLI



Pater noster, qui es in caelis.

Ex Sedulio.

Vi dominum coeli patrem memoramus, in ipso
Iam fratres nos esse decet, nec origine carnis
Germanum gestare odium, sed pneumatidis igne
Flagrantes abolere doli monumenta uetusti,
Atque nouum gestare hominem, ne forsan ab alto
Degenerent terrena Deo, cui nos duce Christo
Fecit adoptiuos coelestis gratia natos.

Sanctificetur nomen tuum.

Sanctificetur ubi dominus, qui cuncta creando
Sanctificat, nisi corde pio, nisi pectore casto?
Ut mereamur eum nos sanctificare colendo.
Annuat ipse prior, sicut benedicier idem
Se iubet à nobis, à quo benedicimur omnes.

Adueniat regnum tuum.

Adueniat regnum iam iamque scilicet illud
Morte uacans, & sine carens, cui nulla per æuum
Tempora succedunt, quia nescit tempus habere
Continuus sine nocte dies, ubi principe Christo
Nobile perpetua caput amplectente corona,
Victor opima ferens gaudebat præmia miles.

Fiat uoluntas tua sicut in caelo & in terra.

Hoc iugibus uotis, hoc nocte dieque precemur,
Illius ut fiat caelo, terraque uoluntas.
Qui nusquam uult esse nefas, hostemque nocentem
Ut caelo, sic pellat humo, ne corpora nostra
Tanquam uile solum sæuus sibi uendicet hydrus.
Sed qui cuncta fouet plena pietate redundans
Omnipotens animas pariter conseruet, & artus.
Altera pars etenim caeli sumus, altera terræ.

Panem nostrum quotidianum da nobis hodie.

Annonam fidei speramus pane diurno,
Ne mens nostra famem doctrinae sentiat unquam
A Christo ieiuna suo, qui corpore & ore
Nos saturat simul ipse manens uerbumque, cibusque.
Dulcia nam domini nostris si faucibus hærent
Eloquia, exuperantque fauos, atque omnia mella.

Et dimitte nobis debita nostra, sicut & nos dimittimus debitoribus nostris.

Debita laxari qui nobis cuncta rogamus,
Nos quoque laxemus: proprii nam cautio uerbi
Spondentes manifesta tenet, grauiusque soluti

n iij

Nectimur

Nectimur, alterius si soluere uincla negamus.
Incipietq; pius decies millena talenta
Dimittens dominus, si nos affligere propter
Denarios centum conseruum senferit ullum,
Tradere confestim tortoribus, inq; feroci
Carcere constricti non permittemur abire,
Donec cuncta breuem reddamus adusq; quadrantem.

Et ne nos inducas in tentationem.

Non quia nos dominus lucis uia, semita pacis
In laqueos tentantis agat, sed cum mala nostra
Deserit, ire sinit. Nam quisquis retia mundi
Delitiosa sequens, luxus & gaudia blandæ
Perditionis amat, deus hunc uirtutis amator
Liquit, & ingreditur, quâ se tentatio ducit.
Ab hac ergo pedem retrò faciamus, & arctum
Corde petamus iter, tenuis quâ semita monstrat
Ire per angustam regna ad cœlestia portam.

Sed libera nos à malo.

Si cupimus uitare malum, debemus adire,
Sectariq; bonum: hic quia liberat, ille trucidat:
Hic allit, ille necat. Nam quantum sydera terris,
Ignis aquis, lumen tenebris, concordia bellis,
Vita sepulchris, tantum bona longius absunt
Dissociata malis. Dextrum unusquisq; necesse est,
Aut leuum gradiatur iter. Sed dextra bonorum
Semita conspicuos uocat in sua gaudia iustos,
Inq; tuos patriarcha sinus. At leua malorum
Exercet poenas, & ad impia tartara mittit.
Ergo agnis, ouibusq; dei est hæc sola uoluntas,
Et bona libertas, euadere torua cruenti
Ora lupi, uitaq; frui per pascua Christi.

GREGORIUS NAZIANZENS.

Ex Breuiario Rhom.



Gregorius, qui ex singulari rerum diuinarum doctrina Theologi cognomen inuenit, natus est in Cappadocia, sed Athenis educatus ac eruditus omni philosophia: unde in patriam reuersus, factus est Episcopus primum Sasimorum, deinde Nazianzenus, ut refert Hieronymus, qui hoc præceptore se profitetur sacras scripturas explanare didicisse. Tum Constantinopolim translatus, ubi populum erudiendo infectum hæreticorum ueneno, tantum profecit, ut tunc primū sibi populares Christiani esse uiderentur, autore Gregorio, qui multo etiam magis exemplo, quàm sermone mores hominum institue-

instituebat. Sed cum ceptum esset à nonnullis uirtuti eius inuideri seditione molientibus, ut eiectò Gregorio episcopus alter sufficeretur: ille recognita, absit inquit, ut sim ego causa seditionis, si propter me exorta est tempestas, tollite me & projicite in mare, ut uos iactari desinatis. Reuertitur igitur in Nazianzenam ecclesiam, quam cum diu sanctissime gubernasset, iam affecta ætate ipse sibi successorem elegit, & se uirtutum diuinarumq; rerum cōtemplationi, sacrarumq; litterarum studio dedit. Quo in genere Græcè multa scitu dignissima partim carmine, partim prosa oratione sancte ac elegantissime conscripsit rure uitam monachi agens: In quibus studijs ab hac uita migravit, Theodosio Imperatore.

VRBANVS I.



VRbanus natione Romanus, patre Pontiano, M. Aurelio Antonino imperatore fuit, anno Christi ducentesimo uigesimo sexto, ab urbe uero condita, noningentesimo & septuagesimo. Hic autem (ut putabatur) Caracallæ filius (Erant enim qui dicebant eum uulgo conceptum) Romam ueniens, magna omnium expectatione imperium adeptus. Heliogabali nomen sumpsit à Sole, cuius sacerdos erat edito templo. Phœnices enim Heliogabalum solem uocant. Verum ita præter expectationem is uixit, ut nullam de se, nisi flagitiorum totiusq; obscœnitatis memoriam reliquerit. Nam & in uirgines uestales incestum cōmisit, & probrosas mulieres semper domi habuit, & iracundia incitatus Sabinum consularem uirum (ad quem Vlpianus scripsit) è medio tolli iussit. Dignitates autem & honores malis ac flagitiosis cōmittebat, quos quidem ita aliquando deridebat, ut cum secum accubuissent, stratis follibus in coena, eisdemq; reflatis, subito sub mensa omnes reperirentur. Ita autē inhoneste ridebat, ut publice in theatro solus audiretur. Primus Romanorū holoserica ueste, mensis ac capsis argenteis usus est. Admonentibus amicis, cauere ne ad inopiam redigetur, respondit: Quid melius q̃ ut ipse mihi hæres sim & uxori meæ. Ed uelania interdum profectus est, ut decem milia pondo arachnearū collegerit, qua ex re dicebat magnitudinem urbis Romæ comprehendi posse. Exhibuit præterea decem milia murum, mille mustelas, mille sorices. Hac uero insania adeo contemni cœptus est, ut tumultu militari exorto, ipse cum matre necaretur. Aiunt, cum ei à sacerdotibus Syrijs dictum esset, ui moriturum, eum parasse funem serico & cocco intortum, quo uitam laqueo finiret. Moritur autē quarto imperij sui anno, quo tempore in Palæstina Nicopolis urbs, quæ prius Emmaus dicebatur, condita est, legationis industriam eius rei gratia suscipiente Aphricano rerum ac temporum scriptore. Urbanus uero qui huius monstri tempore fuit, non autem Diocletiani (ut quidam uolunt) multos sanctitate

DE S A N C T I S

ctitate uitæ & doctrina singulari ad fidem traduxit. Inter hos aut̃ Valerianum uirum præstantissimum, beatæ Cæcilie sponsum, & Tiburtium eiusdem Valeriani fratrem, qui postea martyrium constanti animo tulere. Quam conditionem etiam uirgo ipsa subiit in domo paterna, iam antea suo rogatu ab Urbano deo dicata. Eiusdem quoque Urbani institutum fuit, ut ecclesia prædia ac fundos à fidelibus oblatos reciperet, partireturque prouetus clericis omnibus uiritim, nihilque cuiuspiam priuatum esset, sed in cōmunie bonum, quod hodie absoleuit, tanta est hominum rapacitas & libido. Sunt qui huic attribuunt distinctionem quatuor temporum ac ieiunij, quæ antea confundebantur hominum imperitia. Huius temporibus Tryphonem Origenis auditorem fuisse constat, qui librum præcipue composuit de uacca ruffa in Deuteronomio. Minutius item Felix insignis tum Romæ causidicus dialogum scripsit, quo Christianum & Ethnicum disputantes inducit. Scripsit & contra Mathematicos, cuius etiam Lactantius meminit. Alexander quoque Hierosolymitanus Episcopus bibliothecam illam Hierosolymis tum instituit, unde tantum laudis consecutus est. At ubi ex ordinationibus quinquies mense decembri habitis, presbyteros nouem, diaconos quinque, episcopos nouē creasset, martyrio coronatus est, & sepultus in cœmiterio Prætextati uia Tiburtina. Sedit annos quatuor, menses X. dies XII.

FESTVM ASCENSIONIS

Dominicæ.

Ex Iuuenico.



Amicq̃ Galilæos conscenderat anxia montes
Mandatis Christi concurrens turba suorum.
Cernitur esse suis proles ueneranda Tonantis.
Illum procumbens sanctus chorus omnis adorat.
Nec tamen in cunctis pariter fundata manebat
Pectoribus uirtus: nam pars dubitabat eorum.
Tunc sic discipulos, clarus compellat Iesus.
In cœlo & terris genitor mihi cuncta subegit.
Me pater est uobis dignatus mittere lucem
Gentibus, haud aliter nunc uos ego mittere cunctis
Institui, uestrum est cunctas mihi iungere gentes.
Pergite, & ablutos homines purgantibus undis
Nomine sub sancto patris, natiq̃ lauate,
Viuisfici pariter uiuant spiramina flatus.
Ablutisq̃ dehinc nostra insinuate docentes
Præcepta, ut uitam possint agitare perennem.
Nec uobis unquam nostri præsentia deerit,
Donec consumens dissoluat sæcula finis.

Sermo



Elebrata in cruce solenni uictoria, cum iam templum corporis sui, quod persecutio Iudæorum effoderat, dominus repa-
rasset, uoluit statim ad patrem ascendere, & glorificati corporis
præsentiam inferre coelestibus: sed necessaria dispensatione discipulo-
rum infirmitati consulens utiliter distulit, & quadraginta diebus in ter-
ra conuersatus, & uisus est sepe & loquutus cum Apostolis, & manducauit & bibit, & uulnera quæ ad dubietatem eorum tollendâ, in copore
reseruarat, & uidenda & palpanda exposuit, & impleta in se quæ in scri-
pturis erant prædicta, euidentia rerum edocuit. Ad hoc necessaria fuit
huius temporis mora, ut recollectis quos in fugam timor impegerat,
quos supplicium crucis terruerat, in multis argumētis apparens, mentes
quæ diffidentia titubauerāt, solidaret: nec esse phantasticum, sed uerum
corpus quod surrexerat, tam commensationibus quàm contrectationibus
probaret. Ad hoc dilata est ascensionis gloria, ut sub hoc dierum in-
terstitio præcedens doctrina affectibus firmaretur, imo' ut discipulorū
desideria recessione eius corporalem ambirent, quia spiritualis præ-
sentia plenitudo quæ diu conspectu carnis præsens aderat, aduentare non
poterat: & paulatim in hoc conducti sunt, ut libenter consuetudine con-
uictus assueti carerent, cum inhabitator spiritus sanctus eorum animas
possidens, inuisibili accessu synceriores eis affectus infunderet, & aperiret
interiores oculos ad intuendum intellectu puro patrem luminum, et
substantia rerum sperandarum proposita apparentia sepeliret: nec incer-
titudinis scrupulus superesset, cum dominus & magister, quem uerum
hominem probauerant, eis uidentibus, coelum ascenderet: sed iam securi
se crederent secuturos, nec esse impossibile quin et ipsi in carne & spiritu
ad superos transferrentur. Omnibus itaque ad tam delectabile spectaculo
lum aggregatis: Ascendo, inquit, ad patrem meum & patrem uestrum,
Deum meum & Deum uestrum. Horum uerborum autoritas cum iam
eorum uirtutem spiritus sanctus intimasset, omnem poterat excludere
diffidentiam, & hilarescebant animi eorum paternitatis diuinæ illustrati
honore, & fraternitatis Christi honorati consortio, cum audirent & cre-
derent se filios Dei & fratres Christi, in quo omnis excellentiæ plenitudo
& sufficientia inerat: nec iam quasi idiotæ & hebetes huic uerbo ap-
plaudebant carnaliter, sed subtilissime generationem & dignitatem crea-
turæ à uoluntate & nutu creatoris habuisse initium, & imaginem & si-
militudinem Dei in interiori homine uidebant: & dinoscebant intelle-
ctu potius quàm uisu, quam affinitatem habeant inter se pater & filius:
& quia substantiuo & naturali filio filij adoptiui conformes à prima
origine multa habeant ex natura, & multa ex gratia. Sanè huius gene-
rositatis consortium, secundum quā simul cum Christo filij Dei sumus,
o nobilitas

nobilitatem existentie nostre exponit & intimat: in quo honore si man-
 serimus non degeneres, constat omnino non posse patrem disfidere a filiis,
 deiformibus tutum esse ad paternitatem accessum: nec posse pati ad hæ-
 reditatem possidendam dispositos in petitionibus diuinis repulsam, sed
 in quibuscumque filius filialiter genitorem appellauerit, necesse est boni-
 tatem largitoris iuste supplicantis prosequi uoluntate: maxime cum ipse
 pater qui largiter iusta suggerat peti, quæ non differt benigne largiri. Et
 quidem paterna charitas bonis filiis & hæredibus maxime delectatur:
 & hoc gloriæ Christi unigeniti dilecti accumulat, quod beatitudinis
 suæ non patitur esse solitariam magnitudinem, sed addit fratres: non qui
 minuant quasi diuisam in plures excellentiam, sed qui altitudinem diui-
 tiarum eius exornent participes & consortes. Quod cum ipsum qui pa-
 ter est, constet esse Deum, & eum Deum nostrum sicut et suum, filius ac-
 testatur, in eo quod filii sumus ipse nos possidet, in eo quod noster est
 Deus, quod nostrum est, ipsum cuius proprii sumus, proprie possidemus.
 Dico igitur domino meo: deus meus es tu. & dicit mihi dominus meus:
 Ego dominus deus tuus. Homo cuius deus est, quid amplius querit?
 Si sufficis tu deo, sufficiat tibi deus. Bonorum tuorum deus non indi-
 get, nec conferre potes ei quippiam, nec auferre. Si esurierit, non dicet ti-
 bi. Eius est orbis & plenitudo eius, & magnitudinem eius coeli coelorum
 non capiunt: non infirmatur, non eget indumento uel cibo: omnia scit,
 omnia potest, omnia continet: in ipso omnes uiuimus, mouemur & su-
 mus. Quid tu ei quasi indigo conferes? te solum bonitate non necessi-
 tate desiderat. Scriptum est, & ipso iubente tabulis insculptum lapideis,
 ut diligas eum ex toto corde tuo, & ex tota anima tua, & ex tota mente
 tua. Dilige, & diligeris: prope est merces tua, in manibus porrigitur
 præmium: esto tu dei, & erit tuus deus tuus. Impar sanè commercium, præ-
 cium inæquale: sed qui pro nobis triginta argenteis appreciatus, intelligi
 uoluit, quanta fuerit in precio, quod pro eo datum est, & in eo quod
 ipse dedit pro mundo, dissimilitudo, cum ipse exiguo argento emptus
 & uenditus, tanto precio damnatos redimeret, ut dubium esse non possit,
 quin precii magnitudo superaret negocium: nec æquari posset dam-
 num, quod omnino damnatio iusta meruerat, obedientiæ Christi, quæ
 gratis usque ad mortem progressa est, & ultro soluit quod non debebat.
 His intellectis apostoli sicut filii prophetarum olim uerum Heliam ascen-
 surum sciebant, & horam illam præstolabantur gaudentes, nec iam an-
 xiebantur parturientes, sed exorta læticia parati erant prosequi receden-
 tem, minime dubitantes, quin & ipsi post modicum conuersationis huius,
 postquam de torrente passionis in uia hac bibissent, exaltato capite & ere-
 cto, se ad celestia dominum secuturos. Eleuatis igitur manibus hæredi-
 tariam eis benedictionem relinquens, non manufacto uehiculo, nec aus-
 xiliaribus carpentis euectus est Christus, sed naturæ diuinæ propria usus
 uirtute

uirtute carnem cœlo intulit, & corpus glorificatum patris conspectibus præsentauit. Non indiguit uectoribus angelis, qui offendicula tollentes è medio, ferrent eum in manibus, sed præcedentes & subsequentes applaudebant uictori, & concinentes in iubilatione modulabantur canticum nouū, & implebat cœlos cōsonantiæ illius harmonia, thronis & dominationibus parantibus filio iuxta patrem cōsessum, Cherubim & Seraphim pedes pacificos ambientibus, radiantibus undiq; diuinis claritatibus & splendoribus supercœlestibus, quos nec ardor perseverans consumit, nec turbinis alicuius afflatus extinguit, nec interpolatio caliginis ullius abscondit. Celebrat tanti triumphi magnificentiam lætabundus cœlestis exercitus, & qui descendenti coram pastoribus Bethleemitis decantauert in sublimi præconia, modo expressioribus conatibus & intensioribus iubilis reuerenti ad patrē solenniora obsequia impendebant, & festiuis affectibus uenerabantur hominem supra se sublimatum: quem gloria & honore coronauerat pater, & ad dexteram suam collocatum, hoc dato ei priuilegio singulari, ut in nomine eius omne genu flecteretur, et super omne nomen eius nomen excellentius coleretur. Quanta in eius susceptione in cœlis iucunditas fuerit, nemo sufficit enarrare, rei huius magnificentia omnem superat intellectum. Si linguis hominum uel angelorum quis eloquatur, uel ad hoc cuiuslibet elaboret acumen ingenij, ut definire uelit, quæ patris in reditu filij hilaritas fuerit: aut si forte illud sempiternum gaudium aliquod tunc admiserit incrementum, si stabilitatis æternæ se aliquo modo mutare possit immobilis magnitudo, scrutator illè maiestatis opprimetur à gloria, & uerendum est, ne dum uehemētius exprimit uerba quàm oportet, sanguinem pro lacte emungat. Attamen inuisibilem deum uisibilem filium recepisse ad dexteram suam, manifestum est, & humilitatem carnis nostræ throno iudicario honoratam, paternæ complacuisse altitudini, duo genera gentium ciuitati supernæ, de qua gloriosa dicta sunt, deinceps assignare, & esse supra mansionarios homines & angelos, & beatitudinis illius gloriam his duobus ordinibus in perpetuum frequentari. Hæc merces obedientiæ Christi, hæc crucis & mortis stipendia, hic passionis labor promeruit, ut corpus humilitatis nostræ fieret corpori claritatis Christi conforme, & mortale hoc indueret immortalitatem, & corruptibile incorruptionem: & fierent homines cum Christo in cœlestibus iudices, qui cum eo iudicia pertulerant malignorum, & extiterant usq; ad mortem tribulationum consortes. Hac die primum inuecta est cœlis hæc nouitas inaudita, & gauisus est pater hæreditate amplificata, sobole multiplicata, promissionibus quas loquutus fuerat in prophetis redditis & completis. Solum ad hæc quæ prædicta sunt restat iudicium, & examinationi ultimæ adhuc reseruāt antiqua oracula locum. De iudicio quip & angustia Christo sublato, superest post misericordiæ tempora quæ

ad finem festinant, ut iustitiam comitetur iudicium: & habeant singuli quod merentur, & honoretur honore dignus, & contemptor confundatur inglorius. Hoc & duo angeli Christo ascendente testati sunt, quia qui iudicatus abibat, iudex esset terribilis rediturus, & uideret collecta in unum generalitas hominū, quas foderat manus, quod terebrauerat latus, faciem quam conspuerat, & prolata in medium inflexibili sententia, occurrentibus Saluatori electis, remaneant impij infinitis deputati tormentis. Quanta illud edictum sequentur lamenta, illius ultimæ tubæ clangor quàm horribilis erit, continuus erit & superfluous illarum lachrymarum decursus, stridorem illum dentium flammę inextinguibiles agitabunt. Immortales miseri uiuent inter incendia, & inconsumptibiles flammæ nudum corpus lambent. Ardebit purpuratus diues, nec erit qui æstuanti linguæ stillam aquæ infundat. In proprio adipe fixæ libidines bullient, & inter sartagines flammeas miserabilia corpora cremabuntur, & omni tormento atrocius desperatio condemnatos affliget. Non miserebitur ultra Deus, neq; tunc audiet poenitentes, sera erit illa confessio, & cum clausa fuerit ianua, frustra carentes oleo acclamabunt exclusi. Nullum ibi refrigerium, nullum remedium: semel Christus descendit ad inferos, ulterius non descendet, non ultra uidebunt Deum in tenebris sigillati, irregressibilis erit illa sententia, & immutabile iudicium, & stabit damnationis huius immobile constitutū: Exultabunt sanè sancti in gloria, uidebūt deū, & gaudebūt, lætabuntur, & delectabuntur, et fruentur gloria, & in felicitate iocundabuntur æterna. Ibi non gustabūt, quàm suauis sit Deus, sed implebuntur & satiabuntur dulcedine mirifica: nihil eis deerit, nihil oberit, omne desiderium eorum Christus præsens implebit. Non senescent, non tabescent, non putrescent amplius: perpetua sanctitas, foelix æternitas, beatitudinis illis sufficientiam confirmabunt. Non erit concupiscentia in membris, non ultra ulla exurget rebellio carnis, sed totus hominis status pudicus & pacificus, sana ex integro natura, sine omni macula & ruga deinceps permanebit. Erit deniq; Deus omnia in omnibus, & illius præsentia omnes animæ & corporis implebit appetitus, cessabuntq; de cætero consummatas omnibus ministratoriū angelicarum uirtutum discursus: & impleta ordinataq; omnino ciuitate dei, nec innouabitur, nec mutabitur ultra fixæ & consummatæ beatitudinis status. Ei igitur, ante cuius tribunal stabimus, qui nunc uultui Dei apparet pro nobis, cui de nobis tanta cura fuit, ut pro nobis uellet nasci & mori, in præsenti quæsumus, ut sit cura curandi nos, & nobis auctoritatem & potestatem iudicandi nosmetipsos & corrigendi concedat, ut in illo terribili iudicio suo inter electos asciti & congregati, liberi à seruitute & captiuitate, cœlestibus ciuibus coniungamur, & fruamur bonis, quæ ipse diligentibus se repromisit, quæ nec oculus uidit, nec auris audiuit.

S. Gord.

ECCLESIAE DEL
S. GORDIVS MARTYR MILES

CXLVII

Cæsariensis.



Natura lex apibus innata, fratres dilectissimi, ut nisi rex prius Ex S. Basilio
agmen præcedat, ab aluearibus nunquam discedant. Vos au-

tem dei populum, cum nunc primum ad martyres, tanquam ad flores cœlestes exeuntes, & huc frequentes conuenire uiderim, quo id duce feceritis, exquiro. Quis hyemalem hanc tristitiam in uernam serenitatem cōmutauit, ut populus ex ciuitatis ædificijs tanq̃ ex apum aluearib. hilaris egressus, ad suburbanum decus præclarumq̃ martyris stadium conflueret? Sed quoniam (ut mihi quidem uidetur) pristina desidia reiecta, ducē secuti estis, præstantem martyris uirtutē, & nos quoq̃ quantum uoce cōtendere licet, ueluti bombantes apes uernantibus floribus circūfusæ, præclara ipsius gesta personemus, rem quidē piam agentes, simul at uobis ore intentis gratam. In laude nanq̃ iusti populus lætabitur. Salomonis lectio nobis nuper recitata, quidnam per latentem huiuscemodi prouerbiij sensum ibi uelit, mecū ipse cogitabam: an fortē dicat, q̃ populus oratione magnifica, ac plane culta, quæ auditorū aures demulceat, oblectentur: præterea sermonis ornatum, rerumq̃ inuentionem, ac dispositionem elegantem exoptet. Quod profecto mihi uerisimile nō uidetur, cum ipse nusquam huiuscemodi dicendi genere usus fuisse inueniatur. Nam & Sanctorum memorias orationis & eloquentiæ fūco psequi, non fas erat admonere illius præsertim, cuius scripta sermone simplici, nulloq̃ styli apparatu conspiciuntur. Quis ergo illorū uerborum sensus? Is uidelicet, q̃ populus sola in dicendo ueritate, ac simplici testimonio spiritualiter lætatur: tum ad bonorū exemplorum, quæ audit, cupiditatem & imitationem uehementer incenditur. Illorū enim, qui in fide claruerunt, historia simplex, uelut lucē quandam dei cultoribus uirtutis iter ostendit. Quamobrē cum in sacris uoluminibus Moſis uitam, morū lenitatem nostræ naturæ, magnopere optatam audimus, statim emulamur. Quod si reliquorū facta uiroꝝ eloquentiæ floribus ornantur, Sanctis tamen ad ea, quæ maxima gessere, demonstranda sat fuerit oratio simplex. Cuius dum nitimur ac insistimus ueritati, Sanctos ipsos ex eorum tamē testimonio, quæ de eis referimus, laudare uisemur, & populū omni eloquentiæ suspitione remota, ad ipsius rerum sinceræ narrationis fidem facile deducimus, ac maxime exhilaramus. Ioseph dum audimus aut legimus uitam, illius assequi castitatē magnopere cupimus. Si uero Samsonis narratur historia, ad illius imitandam fortitudinem accendimur. Sacra igitur schola præcepta Rhetorum aut instituta non sequitur: nudam rerum expositionem Sanctis, ac nobis satis esse existimat: illis quidem ad uirtutis eorum præconium, nobis uero ad imitationis gloriam atq̃ formā. Rhetorum nanq̃ instituta sunt, patriæ dignitatem ostendere, generis originem ex altero repetere, educationis

o in incunat

incunabula diligentius referre. Nostrum uero dogma hæc tanquam superuacua dimittit: et quæ sunt propria ac uernacula, sectatur. Quidnam ego sum melior, si mea ciuitas olim magna bella gessit, aut de hostibus triumphauit? Si eadē optimo sit in loco sita, æstate ac hyemē cœli tēperie fruatur? frequens est ædificiis? si ager pascendo pecori sufficiat? si meliores nutriat equorum greges, quæ usquam reperiantur? Quid, inquam, ista quæ ad uirtutem cōmendatiores reddere possunt? Nos ipsi profecto decipimur, si in montis cacumine cōstituti, nubes nos transcendere, ac sublime cœlū nobis cedere uidentes, hac de causa nobis magis aliquid accedi existimamus. Ineptum insuper, si sanctis, qui res orbis uniuersas contempserunt, his esse opus commendationibus putamus. Igitur nostri tantum causa profectus, sat illorum celebrare memoriam fuerit. Non enim nostris indigent laudibus ornari, sed nos ipsorum uitæ historia & cōmemoratione imitationis gratia indigemus. Quemadmodū enim ex igne naturaliter emicat splendor, ex ungento quoque præstanti diffunditur odor: sic è sanctorum cōmemoratione gestorum ad omneis prouenit utilitas. Huius itaque martyris uenerādi facta singula explicare hodierno die nullo modo pollicemur, quæ eorū fama tenuis, nec omnia sanè complectens, ad nos usque delata sit. Quamobrem pictoribus recte cōparabimur. Illi enim cum ex antigrafo sine archetypo imagines exprefferunt, uti par est, à prima forma plurimum recedunt: Nos item cum rerum gestarum aspectu caruerimus, ualde metuendum, ne dicendo rerum ueritatē attēramus. Verū quando eius hodie festū celebramus, qui in huiusmodi die certamen pro Christi nomine subiit, quantum ex eius historiæ notitia deprehendere licet, enarrabimus. Fuit hic martyr beatissimus ciuis noster Cæsariensis, ex quo non mirum, si nostrę mentis affectus ad eum potissimum dirigatur, quod profecto ad uerum ac domesticū huius facit ornamentum. Nam sicut arbores quæ bona ferunt poma, propriæ bonitatis laudem nutrienti tribuunt humo: sic iste ex nostræ urbis prædiens utero, ad summumque gloriæ culmē euectus, patriæ quæ eum produxit atque aluit, honorem gloriosissimi martyris tribuit. Lucunda nempe sunt nobis externa poma, modo sapore delectent, sed longe nostro gratiora gustui propria, quæ peregrina, præterque quæ & gloriam quandam nobis conferre uidentur. Militiam exercuit, in quo locum admodum insignem tenuit, ita ut centum milites eius imperio parerent: quodque animi uirtute & corporis uiribus præcelleret, cunctis inter ordines militibus præstantior habebatur. Ea sanè tempestate, cum tyrannus impius, qui tunc imperitabat, in Christianum nomen uirus suæ feritatis effunderet, manumque deo inimicā aduersus ecclesiā exerceret, tota urbe pconis tuba sonabat, toto foro & per compita tyrannicū promulgabatur edictum, ne quis Iesum coleret. Qui uero contra iussa faceret, graui supplicio plecteretur. Idola proponebantur adoranda, lapideaque ac lignea hominum simulachra

simulachra pro uero numine colenda. O misera tempora: dei ciuitas rei nouitate attonita, tota tumultuabat: Christianorum domus singule perturbantur: innocentium facultates diripiebantur: matres familias pudicissimæ per uicos trahebantur: nulla iuuenum pietas: nulla senum reuerentia erat. In fontes noxijs ac maleficis digna patiebantur. Turba plurima in carcerem arctissimumque locum cōiecta torquebatur: domus insignes & opulentæ eueriebantur. Pleni saltus, plena profugis loca deserta, ob unum tantum crimen, quod Christum colerent. Prodebat patrem filius: pater filium accusabat. Frater aduersus fratrem insurgens. Seruus domino insultabat. Adeo diabolicis artibus hominum animi affecti tenebantur, ut uelut in tenebris agentes, sese minime cognoscerent. Præter hæc autem, sacra templa, basilicæ, aræ sanctissimæ eueriebantur. Thus ante sacrificia in odorem suauitatis non amplius fumabat: nulla erat oblatio. Diuinæ rei nullus iam locus amplius relictus. Cuncta moeror ingens ueluti diffusa caligo occupabat. Sacerdotum collegia fugabantur. Sacer omnis conuentus cladem insolitam expauescebat. Gentilium uero conciliabula gaudebant, nidore ac sanguine uictimarum infecta cuncta dabant. Hæc igitur exempla crudelia cum Centurio generosus conspiceret, tantorum malorum exitum præueniens, abiecto militiæ baltheo, sponte sibi exilium delegit. Itaque relictis honoribus, relictis omnis generis facultatibus, seruis, propinquis, amicis, uoluptatibus, & rebus alijs, quas cæteri maxime appetere, ac magno studio parare solent, ad uasta deserta nemorum loca contendit, longe secum melius agi putans, si in ferarum recessibus, quam inter idola uana cum hominibus habitaret: Heliæ prophetæ secutus exemplum, qui cum Sidoniorum conspiceret impietatem quotidie inualescens, in montis Oreb speluncam secessit, ac sese ab omni humana conuersatione, ut deum quæreretur ac uideretur, abdicauit: Vidit tandem, quantum fas est homini mortali. Eodem modo noster Gordius spretis omnibus, urbanos fugiens tumultus, fori clamorem, magistratuum ambitionem, tribunalium fastum, obrectatores, ementes, uendentes, peierantes, mentientes, mimos, scurras, ceterosque huiusmodi generis homines, quibus magnæ urbes refertæ sunt, multosque secum tantæ magnæ naues alligatas puppibus cymbas per æquora trahunt. Insuper uisu audituque, ac animo à uitijs purgato & libero, deum ipsum contemplando uidere meruit: tum magna discere mysteria, quæ non ab hominibus, nec per homines fuit edoctus, sed magno usus præceptore spiritu sancto. Quamobrem secum meditans, quod sit fallax & inanis uita humana, ac somni phantasmatibus æquiparanda, in supernæ illius ac melioris uitæ amorem exarsit, ac uelut fortis athleta sese ieiunijs, uigilijs, orationibus, studijs demum diuinæ eruditionis probe exercitatum animaduertens, hunc maxime diem obseruauit, in quo frequens ciuitas uisendo equestri spectaculo erat intentæ, quod hoc in loco ea tempestate, in Martis, seu potius furentis bellorum dæmonis

dæmonis, honorem celebrabatur. Populus omnis ex edito spectabat,
 nec ullus deerat, non ludæus, non gentilis, non item Christianorū mul-
 tudo, quæ cum uanitatis concilio commixta sedebat, & iniquorū imi-
 tans consuetudinem, equorum cursum & aurigarum agilitatem specta-
 bat. Serui eo die ab opere liberi. Pueri è scholis spectatū currebant. For-
 minæ prostitutæ ac ignobiles aderant. Plenum iam studium, & omnis
 iam turba confederat, equestre certamē uidere intenta. Tunc magnani-
 mus heros per montis cliuū in theatrum properans, non populū hor-
 ruit, non quantis se pugnacibus manibus traderet, pensitauit: sed animo
 intrepido, seuerorūq; uultu super hominum terga, qui circum theatrū se-
 debant, tanquam per aliquam lapidum congeriem, aut lignorū struem
 ingrediens, in medio campo constitit, illud secum sæpe repetēs dictum:
 Iustus ex fide uiuit. Quid plura? Adeo intrepido excelsorūq; animo fuit,
 ut cum in eminentiore theatri parte staret, ingenti uoce, quā qui audies-
 runt extant adhuc aliqui, exclamauerit, & clare illud Apostoli ad Ro-
 manos dixerit: Ecce inuentus sum ab ijs, qui me non quærūt: his qui me
 non interrogabant, palām apparui. Quibus sanè uerbis se in eum uen-
 nisse locū significauit minime coactum, sed ultro se mancipiū præbuisse,
 seruatoris exemplum secutum, qui cum per atram noctem minime uide-
 retur, se ludæis manifestauit. Omnium igitur oculos statim in se conuer-
 tit. Erat enim aspectu horridus, & q̄ montana diu incoluerat squallenti
 capillo, barba pmissa, ueste obsita, corpore incuruus, pera præcinctus,
 baculo innixus. Quæ sanè omnia horrorem quendam uulgo aspicienti
 incutiebant, simul & eum illustrem magnopere reddebant. Vbi autem
 quis esset, cognitus fuit, gentiliū simul & Christianorum murmur est
 ortum: his quidem ob gaudium sui cōmilitonis exultantibus, illis uerò
 factum damnantibus, ac iudicis animum ad eius cædem accendentibus.
 Hominum igitur clamor atq; tumultus omnia complebat. Equos, cur-
 rus, aurigas, iam despiciebat. Frustra rotarū stridor aërem uerberabat,
 nullus aliud q̄ Gordium uidere malebat, nullus q̄ Gordium uerba son-
 nantem audire studebat. Totum deniq; theatrū murmure more uenti
 per aëra sonantis perstrepebat. Vbi uero per præconem silentium impe-
 ratum, conticuere buccinæ, sopitæ fistulæ, uaria musicorum instrumen-
 ta siluerunt. Solus aspiciebatur Gordius, solus audiebatur. Hinc ad præ-
 sidis tribunal in eodem loco confestim adductus, ab eo quisnā aut cuius
 esset, interrogatus, & patriam & generis & dignitatis locum quē tene-
 rat, præterea fuge causam ac reditus pariter enarrauit. Reuersus sum, in-
 quit, palām ostendens, q̄ tua edicta nihil omnino curo, sed Iesum Chris-
 tum spem meā, meumq; præsidium profiteor: cūq; acceperim, te reliquos
 homines crudelitate superare, hoc sanè tempus explendo meo uoto ma-
 xime idoneum sumpsi. His sanè uerbis uelut ignis ira præsidis accensa,
 quicquid in eo furoris erat, in eum subito cōuertit. Præsto sint (inquit)
 lictores

lictōres, flagella, plumbatae, corpus rotis scindatur, in eculeo suspendatur, omne tormentorum genus excogitetur: feroces adsint ferae, mucronibus transfigatur, igni tradatur, in altum deiciatur barathrum. Verū parua haec omnia uiro execrando, modo una morte intereat. Quin (inquit Gordius) damnum profecto me facere uideor, si saepe uarijsq; modis extingui, uariaq; pro Christo pati supplicia nequeo. At ille his magis irritatus uerbis, magisq; se laedi ac sperni, ob talem loquendi licentiā, existimans, naturali eius feritati uehementior accessit impetus: ac eo truculentior fiebat, quo ille constantior in contemnenda poena uidebatur. Cum nulla tormentorū ratione, nullis armis à coepto proposito auerti posset, quin in coelum oculos attollens, sacra Psalmorū carmina decantabat: Dominus mihi adiutor, non timebo, quid faciat mihi homo. Et rursus: Non timebo mala, quoniā tu mecū es. Et alia istis germana, quae de sacris promebat uoluminibus, ad animū confirmandū, & in proposito perseverandū maxime facientia. Tantūq; abfuit, ut intentatas horreret poenas, ut eas ultro in se puocaret, supplicijq; moras uehementē increparet. Quid (inquit) agitis? Quid cunctamini? Quid hanc mihi gloriam inuidetis? Corripite corpus, membra frustatim cædantur. Deniq; quodcunq; de me suppliciū ocys sumite. Quanto enim mihi plus tormentorum accesserit, tanto plus referam præmiorum. Res enim in hac uita aduersæ, nobis apud deum perpetuā pariunt uoluptatē. Si uulnera mille ac cicatrices patimur in resurrectione splendido induebamur amictu. Pro cōtumelia atq; ignominia palmas coronasq; assequemur. Pro uinculis & carcere per ampla paradisi spacia læti uagabimur. Pro accusatione demū atq; iniqua condemnatione, gloriā ex deo & angelis referemus. Minæ uestre semina mihi sunt diuina, unde immortalitatē, perpetuāq; gaudia metā. Cum tandē uir beatus hac seueritate à fide obstinata auerti nō posset, alia tūc uia præses est aggressus. Illecebris & omni lenitate cōtaminare conatus est, cum p̄sertim diabolus hac uti soleat arte, ut timidōs metu perterreat, fortes leniat atq; palpet. Quod imitatus præses, ubi illum rebus terribilibus nō flexit, dolis ac placabilitate circūuenire querebat: quāobrem magna se daturū spondebat, quorū alia tunc haberet, alia imperatorē daturum ei affirmabat, locū inter milites illustrem, facultates, opes quicquid deniq; animus cuperet. At ille nec sic quidem uictus, præsidis insaniā ridebat, qui cōpensare dignum aliquid supernis sedibus existimaret. Impius ille tunc laxatis iræ habenis furore percitus, ensē uāgina diripit, lictorē corā a stare iussit, et manu et lingua nefanda ad uiri damnationē se accinxit. Ad tribunal omnis theatri multitudo cōuenit: reliquus uero populus, qui ante urbis mœnia diffusus erat, ad hoc nouū properauit spectaculū, quod & angeli et homines uerebantur, daemones uerō perhorrebant: Quid plura? Cōcurrentibus cō cunctis, urbs penē uacua facta est. Matres familiās nobiles, ignobiles properabant,

tabant, domus sine custodib. relictae, tabernae operarijs desertae, in foro uenalia disiecta iacebant. Ex hoc tamē urbs tuta, q̃ omnibus extra moenia egressis, nemo intus remanserat, qui nefas aliquid perpetrare posset. Serui domino simul & opere neglectis, auidi spectandi erant. Virgines tūc primo extra domos prodeuntes, mariū uultus cōspexere. Valetudinarij ac senes ipsi quoq̃ extra muros cōtendebant. In tāto itaq̃ ciuitatis concursu, beatum Gordium alteram uitam iam iam per mortem corporis spectantem atq̃ tenentem, necessariorum amicorumq̃ turba circumsiscebat, amplectabantur, oscula dabant, demū flentes adhortabantur, ne sese in ardenes flammās cōijceret, ne florem proderet iuuentutis, aut æthereas auras, solisq̃ dulce iubar relinqueret. Nonnulli quando à fide omnino auertere non poterant, aut fas putarent, quibusdam eum uerisimilibus aggrediebantur rationibus, & Christū tantum corde si cuperet retinere, ore autem negare suadebant. Non enim deū uerba, sed loquentis animum inspicere. Hoc fermē modo exasperatum iudicis animum demulceri, & deum nihilominus propiciū posse reddi asseuerabant. At ille tanquam cautes immota maris exagitantibus fluctibus, nulla ui, nulloq̃ uerborū impulsu quassatus, in obstinato cōceptoq̃ proposito inexorabilis permansit. Vt enim sapientis domum supra petram ædificatam, uis nulla uentorum, aut imber ē coelo uehemens, nec torrentis impetus quassare potest: ita demū nec preces ullae, aut minae constantiam eius euertere potuerūt. Cumq̃ mentis acie huc illuc uagantem diabolū, & eius impulsū ac arte hinc lachrymas oriri, inde uim eloquentiae suadendiq̃ copiam subministrari animaduerneret, illud domini uerbum flentibus ait: Nolite flere super me, sed flete super dei inimicos, qui in Christianos continuo grassantur, ipsos inquam flete, qui ignem nobis parant, sibi met gehennae incēdia, iramq̃ in die irae thesaurisunt. Meū sollicitare aut emollire animū desinite. Ego enim pro nomine Domini Iesu Christi mille pericula, milleq̃ mortes, si opus foret, adire sum paratus. Alijs uero, qui Christum ore negare adhortabantur respondit: Lingua quidem, quam Christi beneficio retineo, adduci nō possum, ut suū neget autorem: Corde nanq̃ credimus ad iustitiam, ore confessio fit ad salutem. An primus nūc ego, qui Christum profitear? Nonne alios mei ordinis audistis Christianos? Primi centurionis exemplū succurrat, qui cruci seruatoris assistens, eius diuinitatē per prodigia facta cognoscens, non est ueritus adhuc ludæis furentibus, in cæde nomen eius palām fateri. Quod enim animo sensit, id ore subito manifestauit: Vere filius dei erat iste. Alius item centurio, anteq̃ morti traderetur Christus, tanta fide egregia inuentus est, ut sese indignū eius aduentu, qui curare uerbo poterat absentem, iudicaret. Ex quo Domini uoce palām laudatus est, non inuenisse tantam in Israël fidem testantis. Cornelius item centurio angelum domini uidere, & per Petrum saluus fieri meruit, cuius domus

nus preces simul & eleemosynas respexit. Horum igitur centurionum libenter discipulus & imitator esse cupio. Negem ego Deum meum, in cuius cultu sum educatus? Nonne coelum, sol & astra omnia, lumē mihi clauderent suum? Credam profecto humum, quam pedibus tero, mihi ruituram. Reuocate tam nefandam ex animo sententiam, aliam induite mentem. Deus nequaquam irrideri potest: ex ore nostro nos iudicat: ex nostris inquā uerbis nos seruat & damnat. Nonne tremendā Domini sententiā audiistis? Qui me negabit coram hominibus, negabo & ego eū coram patre meo, qui in coelis est. Mihi consulitis, ut deū nosse dissimulem? Quamobrem? ut uitam prorogem? mortē differam? dies adiiciā? At supernae uitae longaeuos perdam annos. An ut corporis cruciatus effugiam? At aeternae patriae dulcedine priuabor. Nam iri perditum dedita opera et fraude ac dolo, suas tartari poenas mercari, manifesta quidem insania. Vobis igitur consulo, si male sapitis, sapientiā ac ueritatem discite. Si uero dissimulatis temporis obsequimini, uos horror rogoque, relicto mendacio, uera loquamini. Dicite quoniam dominus noster Iesus Christus est in gloria dei patris. In eius nomine omne genu flectitur coelestium, terrestrium & infernorum. Omnes profecto morti sumus obnoxij, sed non omnes inclytam martyrij mortē sortiuntur. Non igitur naturalē uitae cursum praestolemur: mundana funera, supremas nostrorum lachrymas despiciamus, coelestem gloriam uiolenta immaturaque morte praueuiamus. Velociter ex hac uita, quae potius est interitus longus dicenda, breui quidem labore ad ueram uitam comigremus. Quid miseri supremum aetatis finem inutilem, sterilem, infructuosum, stultū, uanum, hominibus pariter & brutis communem expectatis? Quicumque enim nati sunt, aut senio tabescunt, aut aegritudine corporis resoluuntur, aut uiolento improvisoque casu aliquo concidunt. Quando igitur omnino semel ē uita migrandum est, martyrium pro Christi nomine, ut semper uiuatis, alacriter assumite: ac uitae, quam omnino relinquere oportet, ne parcite: sit pro necessitate uolūtas. Si enim res mundi perpetue forent, danda uenia fortasse, si superna pro terrenis relinqueremus. Verū quoniam fluxae fragilesque sunt, & illorum cōparatione magnopere indignae, quis furor in his inuigilare, haec tanto studio complecti? Haec ubi dixit Christi miles, crucis se signo communit, et animi magna cōstantia, uultu intrepido, colore nusquam mutato, ad ignis supplicium hilaris contendit: ubi tantā cordis praese ferebat alacritatē, ut non licitorum, sed angelorum manibus se committere uideretur, qui subito post interitū sublimem eum in coelum deferrent. Ad haec tantus illius populi clamor ac tumultus est factus, ut uel tonanti coelo nunquam similis sit auditus. Hoc igitur huius praecleari martyrij certamen fuit. Hoc hodierna dies spectaculum uidit: quod procul dubio tale est, ut nec temporis diuturnitas unquam abolere, nec longae consuetudinis fastidiū tollere, nec aliud quipiam

D E S A N C T I S

piam quamuis magnum exuperare ualeat . Nam quemadmodū solem quanto magis aspicimus, tanto magis eum admiramur , nec ullo modo assiduitate uilescit: sic & huius uiri sanctissimi memoria, quo maiori eam temporis spacio retinemus, eo recentior in nostris animis floret . In memoria enim æterna erit iustus: In terris quidē, dum terra durabit: in cœlis uero, apud æquum & altissimum iudicem dominum nostrum Iesum Christum: Cui honor & imperium in æterna sæcula , Amen.

FESTVM PENTECOSTES Christianæ.

Ex Aratore.



Piritus ætherea descendens sanctus ab aula
Irradiat fulgore locū, quo stemma beatum
Ecclesię nascentis erat, quibus igne magistro
Imbuit ora calor, dictisq; fluentibus exit
Linguarum populosa seges, non littera gessit
Officium, non ingenij stillauit ab aure
Vena, nec egregias signauit cæra loquelas,
Sola fuit doctrina fides, opulentaq; uerbi
Materies, cœleste datum noua uocis origo
Quę numerosa uenit, totoq; ex orbe disertis
Sufficit una loqui. dudum uetus equoris archa
Cum superasset aquas, turrim uoluere maligni
In cœlum proferre suam, quibus impia corda
Sermonum secuere modos, socisq; superbis
Affectus cum uoce perit: confusio linguæ
Consimili tunc gente fuit. nunc pluribus una est
Ecclesię quomodo uenientis imagine gaudet
Concordes habitura sonos, & pace modestis
Fit facunda redux, humilisq; recolligit ordo
Quod tumidi sparsere uiri, res maxima cogit
Non reticere diu, quid sit quod spiritus almus
His datur in flamma: Iordanis ab amne columba
Quod tunc rite canam, promissaq; debita soluam,
Si sua dona ferat, duo sunt hæc signa figuræ
Vt sit simplicitas quam congrua diligit ales
Quæ ne tarda gerat sine dogmatis igne tepores
Sit pariter succensa fides ibi destinat undis
Vnanimos. hic ore iubet flagrare docentes
Mentibus instat amor, sermonibus æstuat ardor.
Hos etiam musto typica ratione moueri
Error uetus ait, quos ebria fonte recenti

Comple

Compleuit doctrina poli, noua uasa liquorem
 Suscepere nouum, nec corrumpuntur acerbo
 Quo ueteres maduere lacus de uite bibentes
 Quæ Christo cultore dedit conuiuia uerbis
 Vnde rubent quas uertit aquæ, tenuemq; saporem
 Legis in ecclesiæ fecit feruescere libris.

Tertia sydereis inclauit hora loquelis
 Hunc numerum deus unus habet, substantia simplex
 Personis distincta tribus, quam plurima nobis
 Instrumenta patent, simul hæc & tempora monstrant.

DE SANCTO SPIRITU.



Deus sancte spiritus, & paraclesim tuam expectantibus illas ^{Ex Cyd. no.}
 bere coelitus, sanctifica templum corporis nostri, & consecra
 in habitaculum tuum: desiderantes te animas tua præsentia

lætifica: dignam te habitatore domum cõpone: adorna thalamũ tuum,
 & quietis tuæ reclinatoriũ circunda uarietatibus uirtutum: sterne pauis
 menta pigmentis, niteat mansio tua carbunculis flammeis, & gẽmarum
 splendoribus, & omnium charismatum intrinsecus spirent odoramen
 ta: affatim balsami liquor fragrantia sua cubiculum tuum imbuat, &
 abigens inde quicquid tabidum est, quicquid corruptelæ seminarium,
 stabile & perpetuum hoc facias gaudium nostrum, & creationis tuę re
 nouationem in decore immarcellibili solides in æternum. Interfuimus
 sacrae uerbi infantia, & puerperio uirginis obsecuti sumus cum coelesti
 militia gloriam decantauimus paruulo: confessi sumus omnipotentem,
 quem in cunabulis uidimus uagientem, circumcisionis celebrauimus sa
 cramenta, & truncato præputio uoluptatum sanctimonix didicimus
 mancipari. Interfuimus baptismati saluatoris, & audita patris uoce de
 coelis, ad obediendum Christo traditi sumus, & instructi coelitus quo
 modo patrem & filium dilectio iungat & uniat, ita ut in ipsis nomini
 bus intimetur distinctio personarum, & nature unitas euidentissime in
 notescat. Sed & spiritum sanctum in specie columbæ inter illa mysteria
 uidimus & intelleximus, ex illa specie gemitus poenitentia & desideria
 contemplationis diuinæ, ex simplicitate cordis & innocentia uitæ imma
 culatæ incessanter prodire, & neminem nisi suspirijs huiusmodi præces
 dentibus, & inspiratione diuina monente, posse ad coelestia aspirare, ut
 suspiratio, & inspiratio, & aspiratio à sancto spiritu & causam habeant
 & effectum, & materiam, & prouentum. Sequuti quoq; sumus in ere
 mum dominum ieiunantem, & repulsa potenter diaboli uidimus tenta
 menta. Interfuimus coenæ, & de calice domini bibimus, pedes lauimus,
 mortui sumus cum Christo, & ecce uiuimus, prosequimur ascendẽtem,

& præstolamur promissum nobis spiritum sanctum, cuius unctio nos de omnibus doceat, qui inuisibili magisterio nos doceat, & coelestibus instruat disciplinis: qui carnales hebetet sensus, & conterat appetitus. Hic spiritus sanctus ab ipso mundi initio aquis legitur superfusus, non materialibus aquis quasi uehiculo egens, quas potius ipse ferebat, & complectentibus firmamentum, dabat congruum motum, & limitem præfinitum. Huius sempiterna uirtus & diuinitas cum in propria natura ab inquisitoribus mundi antiquis philosophis proprie inuestigari non posset, subtilissimis tamen intuiti sunt coniecturis compositionem mundi, compositis & distinctis elementorum affectibus presentem omnibus animam affuisse, quæ secundum genus & ordinem singulorum uitam præberet & motum, & intransgressibiles figeret metas, & stabilitatem assignaret & usum. Hanc uitam, hunc motum, hanc rerum essentiam animam mundi philosophi uocauerunt: putantes coelestia corpora, solem dico & lunam & stellas, ipsumque firmamentum, huius anime uirtute moueri & regi, & aquas, & terram, & aërem huius semine impregnari: qui si spiritum & dominum, & creatorem, & uiuificantem, & nutritorem crederent, omnium quæ sub ipso sunt conuenientem haberent ad fidem accessum. Sed abscondita est à sapientibus & prudentibus tantæ rei maiestas, nec potuit humani fastus ingenij secretis interesse coelestibus, & penetrare ad superessentialis naturæ altitudinem: & licet intellexerent quod uere esset creatrix & gubernatrix rerum diuinitas, distinguere tamen nullo modo potuerunt, quæ esset deitatis trinitas, uel quæ unitas, uel quæ personarum proprietas. Superferebatur quidem elemento purificatorio spiritus sanctificator, iam tunc baptismi uirtutem enuncians. Iam tunc illa præfigurabantur tempora, quibus arca Noë aquis inuecta diluuij uiri iusti familiam conseruauit illæsam, abolita generatione adultera, qui in filiabus hominum bestiali petulantia effrenes, impudenter se illis commiscuerant, nec diuinos nec humanos in flagitijs publicis uerebantur aspectus. Arcam illam quæ typum gerebat ecclesiæ, spiritus sanctus & tunc regebat, et adhuc regit, extra quam quisquis perfidus euagatur, inuolutus fluctibus mergitur in profundum: & impossibile est eum uiuere, cui non superfertur spiritus uite, cuius uiuificus calor animat omnia, & fouet, & prouehit, & foecundat. Hic spiritus sanctus omnium uiuentium anima ita largitate sua se omnibus abundanter infundit, ut habeant omnia rationabilia & irrationabilia secundum genus suum ex eo quod sunt, et quod in suo ordine sue naturæ competentia agunt, num quod ipse sit substantialis anima singulis, & in se singulariter manens: de plenitudine sua distributor magnificus, proprias efficientias singulis diuidit & largitur, & quasi sol omnia calefaciens subiecta, omnia nutrit, & absque ulla sui diminutione integritatem suam deinceps exhausta abundantia, quod satis est & sufficit omnibus, commodat & impartit

impartit. Hic spiritus rubri maris aquas siccavit, et suspensis hinc inde vehementibus fluctibus, ab ollis carnum, & Ægypti pulmentaribus populum ad spiritualem eremi libertatem eduxit incolumen, & alimonij celestibus pavit, manna quasi rorem matutinum infundens graminibus, quod colligi iussum est ad mensuram. Aderat plena mensura per totam hebdomadam, uacante sabbati die, cui sexta præcedens dies consueti victus duplicans quantitatem octavæ præfigurabat quietem, in qua absq̃ labore & solitudine in delicijs epulabuntur electi, & saturabuntur in terra sua duplicia possidentes, corporis et animæ felici perennitate & perrenni felicitate ditati. Hic est spiritus sanctus, quem magi in Ægypto tertij signi ostensione conuicti, cum sua defecisse præstigia facerentur, Dei digitum appellarunt, antiquis philosophis eius intimarunt præsentiam defuisse. Et licet de patre & filio aliqua sensissent Platonici, spiritus tamen tumidus & humani appetitor fauoris sanctificationem in intellectus diuini mereri non potuit, & ubi ad profunditatem sacramentorum uentum est, omnis eorum caligauit subtilitas, nec potuit infidelitas sanctitudini propinquare. Hic digitus dei mundanæ iudex & uindictæ perfidiæ, noui tempore testamenti potenter expellit dæmonia: nec laborat agendo, sed solo nutu perficit omnia: quod dicit, facit: quod iubet, implet: secreta indicat, pandit occulta, reuelat ignota, hebetat acutos, & perspicaces confutat. Hoc digito in lapideis tabulis lex primum conscripta, quinquagesimo die post egressum Israël de Ægypto in monte Sina Moyse est commendata: sed populus nequam, & gens duræ ceruicis, à quorum animis terror ille recesserat, quem mors ardens & flammea iuga, & clangor buccinæ, & lampades coruscæ, & horrenda tonitrua nuper incusserant, in apostasiam cōuersi, & de Moyse reditu desperantes, lege diuinitus missa indigni iudicati sunt: quia in oculis eorum Moyses frangens tabulas, tam uerba quàm instrumenta comminuit & deleuit. Quin etiam sceleris ultione patrata, reuersus in montem ad dominum, quadraginta diebus ieiunans, & colloquens, tandem obstituit ut ipse alias ex saxo ad instar priorum excideret tabulas, in quibus eandem quæ in primis fuerat scripturam insculperet & formaret. Factumq̃ est mirabili dispensatione superni iudicij, ut lex quam sanctus scripserat spiritus, deleretur: & quam manus humana restituit, in posterum teneretur. Quod ea ratione credi potest sic actū, ut populus prior secundum carnem ambulans & uiuens, diuinis colloquijs & spiritualibus mandatis ostenderetur indignus: nec posse mentes perfidas sancta percipere, nec intelligere sacramenta, quæ exemplarium tegmine uelabantur. Porro testamenti noui quæ Christo euangelizante patuit ueritas uerbo Christi prolata, indissolubilis permansit, & solida deinde stabilitatis perpetuæ autoritate fulcita est, eo quod oblam gratiam humiles susceperunt, & quod filius inter pauperes spiritu inuenit sibi domum,

in qua

DE S A N C T I S

in qua caput reclinaret, & merito reprobatos uisibiles tabulæ inuisibilis dei indicant contemptores, & ampliori dignos honore incarnati uerbi credulos auditores, & deuotos ueneratores. Lex igitur à paschalis agni immolatione die quinquagesimo datur, & pentecostes nomen tantę rei solennitas ex lege accepit, in ipso dierum numero sacramenti magni complicans rationem. Septenarius quippe numerus septies reuolutus, quinquagesimum efficit, addito monade, qui præsents sæculi meta, & futuri initium, perpetuitatem sub octauæ nomine continens, sic præsents terminat, ut nos ad perpetua introducat. Sacratu hic septenarius numerus à conditione mundi autoritatē obtinuit: quoniam in sex diebus prima dei opera patrata sunt, & septima consecrata quieti, quasi sancta & sanctificans solennitate uacationis honorata, & spiritui sanctificatori attribulata. Vnde & cessanti à seruilibus operibus populo iubetur ut diem sabbati sanctificet, & spiritui rectitudinis, & sanctitudinis, & fortitudinis ascribat, quod directe, quod honeste, quod uiriliter incedit, quia totum ex eius constat ducatu, quod deũ diriguntur, quod impij conuertuntur, quod debiles confirmantur. Spiritus rectus, spiritus sanctus, spiritus principalis regit, componit, consummat, & perficit quas inhabitantes, & corda quæ possidet: nec errare patitur, nec corrumpi, nec uinci, quos docuerit, quos possederit, quos gladio potentissimæ uirtutis accinxerit. Septenarius iste ex quaternario & ternario constans, cum in se propter prædictas causas honorabilis habeatur, habet ex partibus suis excellentiam maximam: quia artificis & materiæ uidetur exprimere & distinguere primarias substantias, ut ternarius creatorem propter trinitatem enunciet, & quaternarius creaturam propter quatuor elementa, quæ rerum omnium causæ sunt & semina, sub huius numeri breuitate concludat. Spiritus sanctus à patre procedens, à patre & filio, quaternario superfertur, & conditor benignus opus suum amplectitur, & diligit quod plasmauit, & creaturam suam sanctus ipse sanctificat & consolat sibi, & caritatis nexu statuit & cōquadrat. His alijsq; secretioribus rationibus quas illustriũ uirorũ subtiliora ingenia indagarunt, septenarius numerus in scripturis sanctis sepe sacramentales causas complectit, & simplex & multiplicatus necessarios ad intelligentiam diuinorũ operum parturit intellectus. In hebdomadibus apud Hebræos dies septimus sabbatũ idem requies appellatur, qui numerus nō tam in septimanis, sed etiam obseruatur in annis, & annorum hebdomada consummata, septimus annus requietionis est, & ipsi terræ sabbatum imperatur: nec fas est cuiquam eo anno serere uel metere quippiam, sed quæ sponte siue in terra, siue in uineis, uel in arboribus nascuntur, alimonix pauperum deputantur. Annorum quoq; septimanę apud Hebręos quinquagesimum annum faciunt, quem iubileum appellant, in quo decreto legis (ut supra dictum est) sic terræ remissio, & seruorum libertas, & restitutio,

stitudo possessionum, quas eatenus distractio alienauerat, & cætera huiusmodi gratis ad hæreditatis ordinem reuertuntur. De numero septenario cum multa dicta sint, plura supersunt quæ in Lege & Euangelio præcipue cõmendantur. Quinquagesimus itaq; annus perficit iubileum, quinquagesimus dies à pascha pentecosten facit, in quo uere spiritu sancto infuso apostolis, ad hereditatem coelestem à quo uenundati sub peccato exulabant, quos diabolo domino mendicitas et egestas subiecerat, reuertuntur. Septem sacerdotalibus clangentibus tubis, Hiericho corruit: septem petitionibus orandum patrem filius docuit. Remissio peccatorum duplicato septies septenario Petro mandatur. Leprosus septimi diei inspectione à sacerdote iudicatur, summi sacerdotis in septem diebus consecratio consummatur. Dominus Iesus Christus de septem panibus quinq; milia hominum reficit: Et iustus quisq; deo laudes per diem septies dicit. Ipse dominus Iesus ab Adam secūdam generationes, quas Lucas cõmemorat, septuagesimus septimus inuenitur, ut ultionem in Lamech septuagesies septies promulgatā ueniens terminaret. Septem diebus in pascha editur azyma. Septem diebus mense septimo tabernaculorum solennitas celebratur. In septem annis templum à Salomone construitur: septem brachijs & totidem luminibus candelabrū adornatur. Celebramus tam nos quàm Iudæi quinquagesimum diem, sed illi in typo, nos autem in ueritate, non tam significamus quàm agimus. Pentecosten igitur celebrantes cõmemorauimus, quæ olim sub Moyse in ueteri testamento sunt acta, & quæ sub Christo facta sunt, post cuius ascensionem in coelos spiritus sanctus uisibiliter super apostolos in linguis igneis apparuit, & ad instar prioris sæculi uniuersitatem fidelium unius labij esse uoluit: ut quorum erat cor unum et anima una, una esset & lingua: nec posset impedire intellectum credentium aliqua diuersitas uerborum, sed euangelica doctrina propria lingua prolata ad omnem auditum eandem efficientiam obtineret, & Græcis & Barbaris omnibusq; gentibus uerbum Euangelij sic esset intelligibile, ac si in eorum auribus linguæ in qua nati erant idiomata resonarent. Aderant Medi, & Elamitæ, Mesopotameni, & Arabes: Hi omnes, dum Hebræa lingua apostoli prædicarent, locutio Iudaica enunciationis suæ articulos cursu consueto euoluens nullo exponebatur interprete, sed uerbo eorum per spiritū sanctum inerat uirtus & gratia, ut habitantes Pontum et Asiam, suam esse dicerent linguā, quam audiebāt, quasi primitiuæ linguæ libertas ad antiquitatis reuersa originem confusionis contumeliam euasisset. Nectantum apostolis collata est hæc gratia, sed multitudini credentium idem spiritus superfusus est, intus ardentibus, extra loquentibus, & complectebantur se dilectio & uerbum, & de calore spiritus sermo feruebat ingnitus. Iam omni timore excluso, obedire, sed Deo magis q̃ hominibus publice profitebantur, & uidebatur eis gloria, si pro Christo

Iniuriam pateretur. Ad hunc modum olim Moyſi iuſſum eſt, ut in uiros ſeptuaginta, quos ipſe preſbyteros iudicaret, de ſpiritu ſuo partiretur, ut in negocijs partem gererent ſollicitudinis, quibus cum impoſuiſſet Moyſes manus, requieuit in eis ſpiritus ſanctus, qui non Moyſi ablatus eſt, quaſi ipſe ſine ſpiritu remaneret, uel idem ſpiritus ſecaretur in partes, ſed ſecundum meſuram donationis diuinæ quæ erat in Moyſe, gratia ſingularis facta eſt multiplex & communis, & data eſt multis in eo po-
teſtas, quod prius ſolius Moyſi disponebat autoritas. Sic Helix ſpiritu duplicem recepit Helifæus, non quod in duas ſubſtantias idem ſpiritus ſit diuiſus, et duos propheta ſanctus habuerit ſpiritus, ſed quod populo Chriſtiano, cuius typum Helifæus gerebat, accepto ſpiritu ſancto, data ſit poteſtas in opere & ſermone, & aſcendentem Heliam, id eſt Chriſtum, pio deſiderio proſequutus fide claruerit et intellectu, & uita & ſignis & miraculis fulſerit & exemplis. Hic ſacrorum ordinum diſtributor reges creat & principes, ſacrat pontifices, eligit ſacerdotes. Hic ſapientia Salomonem, intellectu Daniele, Ioseph conſilio, Samſonem fortitudine, Moyſen ſcientia, Daud pietate, Iob timore proſequitur, & ſanctorum animas omnimodis foecundat uirtutibus, in tantum affectos pacificos prouehens, ut iam in coelis noſtra ſit conuerſatio, diſfuſa in nobis charitate per ſpiritu ſanctum, qui datus eſt nobis. Hic in pudicis mentibus ſibi ſtatuit manſionem. Hic humiles & coelibes habet domesticos, abominatur ærarios, falſarios deteſtatur. Hic Giezi mercenarium lepra condemnat, & Ieroboam uendentem ſacerdotia cum apoſtatis locat. Hic Simonem gratiæ Dei nundinatore a ſanctorum cōſortio exhæredat, cuius deteſtabiles auſus ultrix ruina confundit & quaſſat. Hic Balaam ad maledicendum conducto ſilentium imponit, & per aſinam redargutum, collifo ad parietem pede, uacuum pecunia, contumelia oneratum, claudicantem ad propria remiſit confuſum. Hic omnibus eccleſiæ ſacramentis intereſt, quæ ipſe efficit & conſumat. Hic peccata diluit: hic iuſtificat impios, & ad uitā reuocat mortuos. Hic diſcordes pacificat, & uinculo dilectionis aſtringit & ligat. Hic nos cœlo inuehit, & a mundi huius uanitatibus auulſos ſuperni regni cōſtituit hæredes, cuius ſumma eſt felicitas, quod corpus iſtud ſpirituſuali effectu cum angelis conuerſabitur, nec ultra erit carnis & ſanguinis aliquis appetitus, ſed erit omnium plena ſufficiencia, cognoscibilis Deus, & inhabitator ſpiritus ſanctus.

HYMNVS DE SANCTO SPIRITU.

I Am Chriſtus aſtra aſcenderat
Regreſſus unde uenerat:
Promiſſum patris munere
Sanctum daturus ſpiritu.

Solennis urgebat dies:
Quo myſtico ſeptemplici
Orbis uolutus ſepties
Signat beata tempora.

Dum

Dum hora cunctis tertia
Repente mundus insonat,
Orantibus Apostolis
Deum uenisse nunciat.

De patris ergo lumine
Decorus ignis aduenit,
Qui fida Christi pectora
Calore uerbi compleat.
Impleta gaudent uiscera
Afflata sancto spiritu,
Voces diuersas intonant:
Fantur Dei magnalia.

Ex omni gente cogniti,
Græcis, Latinis, Barbaris,
Cunctisque admirantibus,
Linguis loquuntur omnibus.
Iudæa tunc incredula
Vesana toruo spiritu,
Ructare multi crapulam
Alumnos Christi concrepat.
Sed signis & uirtutibus
Occurrit, & docet Petrus,
Falsa profari perfidos
Iohelis testimonio.

VNITAS TRINITASQUE DEI OPT.

Max. sacrosanctissima.



Vi pater & genitus & spiritus indytus alium
Numen personis distinctum uiribus unum,
Te summe omnipotens æterne essentia simplex,

O genitor, patris o genite, atque o spiritus alme
Amborum nexus, & summi copula amoris
Te colo, te ueneror, te supplex semper adoro.
Te genitrix natura colit, te pontus & aer,
Quæque imam nimio sortita est pondere sedem,
Terra parens, citimo & feruens plaga proxima cœlo
Errantes uarijs te obseruant sedibus ignes.

Quorum sydereæ deflectit lora choreæ
Flammiferi solis non recto semita cursu,
Te colit octauæ sphæræ creberrima lampas,
Et numerum seruat superum, qui sedibus orbis
Proximus & reliquos spatijs ingentibus ambit.
Extimus incenso te spiritus igneus ore,
Ardet in exhausta summi dulcedine amoris,
Et semper saturo foeliciore ore.

Te quoque concipiunt Cherubini, & lucida sedes
Suscepit iusta & de maiestate pependit.
Hinc dominus, uirtus atque hinc tremit alta potestas,
Principis inde chorus cælo tibi paret olympos.

Quique regunt orbem, nec non quibus infima tellus
Flectitur, angelicæ seruant tua iussa cateruæ.
Te dominum, regem, moderatoremque fatentur
Omnia, te summis affectant uiribus omnes
Cœlicolæ, affectant terrestres, tartara nomen

q ij Formidant

DE S A N C T I S

Formidant, celeriq; fuga mandata capeſſunt.

EX EODEM.

Rex ſumme æterni ſoboles æterna potentis,
Cuius opus terra & cœlum, cuiq; omnia curæ
Cuius & ad nutum legio famulatur olympi
Innumera, & tetri metuunt quem monſtra barathri,
Cui uario erroneſ curſu, cui ſydera parent,
Sydera flammiferum ſubterlabentia cœlum,
Qui lucis noctiſq; uices, qui tempora motu
Deduciſ, ſuauiq; manu qui cuncta gubernas,
Et trifidum ſæuos fulmen iaculariſ in hoſtes,
Cui telluſ, ær, pontuſ, cui militat omniſ
Natura, & ſtabili reparatur læta reſurſu,
Compescitq; uagoſ hominum taciturna tumultuſ;
Qui Mariæ caſtum uoluisti habitare cubile,
Indutuſq; hominem mortalia membra ſubiſti,
Vt noſ eriperet, ſummo ut flammatus amore
Aſſereret domituſ inferno à principe terras:
Te canimus, laudeſq; tuas prægeſtit aperiſci
Spirituſ, humano quem corpore lurida nubeſ
Sepſit, & implicituſ prædura compede terret,
Nec ſinit eliſo reſidem rex optime linguam
Gutturæ præceſſæ molem componere laudiſ.
Diſſiſce mortaleſ nebulas, trepiduſq; timorem,
Diſſiſce pollutæ nimium rétinacula linguæ,
Luceat internis oculiſ tua uiuida lampas,
Et labriſ celſo reſonent præconia cantuſ.

DE S. BONIFACIO MARTYRE.

Gregoriuſ miſit in Britanniã aliquoſ uerbi miniſtroſ, qui conuerteret Angloſ, Auguſtinuſ, Mellituſ, &c. Poſt quidaſ religioſi Angli pegrinari coeperunt in Franciæ regnũ, ex quib; fuere Vuillibrorduſ, Vuigbertuſ, duo Ewaldi, & ſanctuſ Bonificiuſ, &c. Item duo fratres Wilibalduſ & Wunebalduſ Chriſti cõfeſſoreſ, cum caſtiſſima ſore Waltburga, qui adierunt locuſ Heiſtatenſiſ eccleſiæ. Wilibalduſ à Bonifacio ibidem præſul factuſ, &c.

VITA GREGORII DISCIPVLI

Bonificij.

Legitur de puro Chriſtianiſmo illo tempore, Prædicator uerbi Bonificiuſ unà cū diſcipuliſ Gregorio illo & Lullo, & Megingoluſ, Wilibalduſ, Sturmſ, Wigbertuſ & Burcharduſ. Per hoſ omneſ conuerſa

uerfa Erphurt, & in Hassis Frideslar, ubi primitus in partibus illis exordium habuit religio Christiana. Item Traiectum, Wirciburg, Eichstedt, &c. Tempore Caroli, & post hunc filiorū eius Carolomanni & Pipini. Tunc factus Bonifacius episcopus Maguntinensis, Mirum quot afflictiones pertulerit ab hereticis, qui eum etiā denigrarant apud ipsum Carolum seniore: scribitur effugasse nebulas hæreticæ prauitatis, &c. Atq; hinc liber Bonifacij contra hæreses, à me Fuldæ uisus. De Sturmii abbate Fuldeñ. ait, testari Bochoniam syluam, quæ antehac inculta, nūc ab oriente usq; ad occidentem à septentrione usq; ad meridiem ecclesijs dei & electis palmitibus monachorum repleta est.

Alibi legitur
Sturmio.

VITA S. BONIFACII MARTYRIS A'

S. Wilibaldo descripta.



Veritæ temporibus in monasterio, cui p̄sidebat Wolfhardus abbas, operam dedit & pietati & literarum studijs, semper in animo habens sanctorum exempla sequi. Egregiū specimen de se præbuit tam in nationali Concilio, quod celebratum est nō sine consilio archiepiscopi Cantuariensis, q̄ in emporio Lundenwik, quo tempore hostilis exorta dissensio erat inter Carolum Francorū & Radbodum Fresonum reges, propterea q̄ Radbodus exactis Christianis, atq; destructis eorum templis, idolorū culturam renouauerat. Quā calamitatem ægerrime ferens Winfridus, postea Bonifacius dictus, uix sibi temperauit, quin impium principem increparit. Verum prospexit sibi de oportuniore tempore, quo Fresonibus Euangelium denuo prædicaret. Interea Romam adit, ubi accepto mandato à Gregorio II. pontifice ad inspiciendos immanissimos Germaniæ populos (hæc enim uerba Wilibaldi) uenit, Apostolica legatione functus, uenit & in inculta cordium arua, prædicationis semen, Euangelico arata uomere, iecit: antea salutato in Italiæ sinibus Luitbrando Longobardorum rege. Deinde de prærupta alpiū iuga transcendens, incognitos Baioariorum & Germaniæ terminos aggreditur, in Thuringiam iuxta mandatum Apostolicæ sedis progressus est. Ibi iacto bono uerbi semine, in Franciā uenit. Dum hæc aguntur, auditur mors Radhodi Fresonum tyranni, illuc sine mora peruolans Bonifacius coelestis doctrinæ semina ministravit, & uerbi dei fame expulsa, famelicā paganicæ superstitionis multitudinem æternæ prædicationis pabulo refecit. Carolus fuit Fresonum rex, atque tunc buccina coelestis uerbi cōcrepuit, & prædicatorum adueniente suæ p̄mi roris fertilitate uox intonuit, dum etiam per Willibrordū ac cooperatorum eius propagatus est sermo, destructis idolorum phanis, & extructis ecclesiarum oratorijs. Iam uero Frisia spiritali doctrinæ redditā, alias Germaniæ partes p̄dicandi gratia adiūt, & populos erroris horrore deposito, à maliuola gentilitatis superstitione retraxit, ac monasteria q̄ iij r̄ij collecta

Britannus,
seu Anglus
natus Bonifacius.

Verba Wilibaldi.

rii collecta seruorum dei congregatione cellam construxit. Similiter iuxta fines Saxonum & Hessorum populum paganis adhuc ritibus oberrantem, à dæmoniorum captiuitate per Euangelicam prædicationem liberauit, &c. Quo facto rursus Romam hinc accitus, & Gregorio pontifici rationē suæ fidei ac doctrinæ in charta scriptam reddidit, quā approbans Gregorius, fecit illū præsulē simul mutato eius nomine, **Winfrid**. Qui Caroli patrocinio subiectus, ad Hessorum metas perrexit, ubi per prædicationem eius multi catholicæ fidei subditi, ac septiformis spiritus sancti gratia confirmati, manus impositionem ab eo acceperunt. Eodem tempore reuicit disputando pseudopropheta Adelbertum. Nam is penè seduxerat Carolum. Porro ab eo conflictu dehortati fuerant Bonifacium sui clerici Lullus, Megingauzus, Sturmio, &c. At ille responderat: Maior est, qui in nobis regnat, quàm diabolus, qui illum possidet. Victus phantasta, & carcere Fuldensis monasterij reclusus diu uexabatur. Pergit deinde Bonifacius Hessonum populis adnūciare uerbum uitæ. Id temporis mouerunt arma Saxones in Thuringos, qui opem Caroli implorantes, uictores horum extiterunt. In ea strage occubuit antistes Geroldus, cuius filius Geilep successit in eius episcopatu: quem postea Bonifacius correxit propter aliqua incommoda. (fit hic mentio parochiæ pro episcopatu, sicut in libris Eusebij) Ceterum Carolomannus & Pipinus regni Francorum principes cōspectis Bonifacij uirtutibus, & qui in disponendis & corrigendis rebus Ecclesiæ personam nullam accepit, cōmuni totius cleri & populi consensu, Moguntinensis Ecclesiæ culmē ei cōmiserunt: & ut dignitas eminentior foret, decreuerunt hīdem principes, ecclesiam Mogunt. quæ prius alteri subiecta fuerat, metropolim omnium in Germania positarum ecclesiarum efficere. Moxq; legatione facta, illud à præfule Apostolicæ sedis impetrare curauerunt. At uir dei semper inuigilauit prædicationi & exhortationi. Cū uero deessent operarij messis, coactus est uocare religiosas foeminas. Tecla docuit iuxta Mogum flumen, in Kitzingen, & Lieba in Bischofesheim Monasterio constructo, &c. Sed non diu post misit dominus operarios in messem suam: nempe Burchardum, quem Wirceburg misit, & Wilibaldum, quem episcopum ordinauit in Eistete, & Iohannem, quē in Saltzburg sublimauit, & Ernbertum in Frisingen, & Gaiabaldū in Regenspurg, & Gregorium, quē fecit Traiectensem episcop. aliū in Ougesburg, &c. Quos bello sermone et planè Euangelico adhortatus est, ut curam gregis habeant, &c. planè alter Paulus. Plura eius in Germania gesta in epistolis illius reperiuntur. Memorabile est, quod Moguntia iam episcopus tantus egressus, in orientalium fines prædicando & baptizando peruenit: nec sine miraculis oberrauit. Additur inter alia Hessonum populos lignis ac fontibus sacrificasse, paganos nimirum adhuc. His cōuersis iterum in Thuringiam profectus est, quos partim relapsos, partim infirmos in

mos in religione inuenit, sub impijs ducibus Theobaldo & Heido-
 ne, &c. Compescuit ibi seductores Dorthwin, Berter, Camberth, &
 Vnrat. Tunc Ecclesiae repente instaurantur, & praedicationis eius doctrinae
 uniformiter emanauit, Monasteriumq; Ordorff uulgo dictum, costru-
 ctum est, in quo monachi proprijs sibi manibns, more Apostolico, ui-
 ctum uestitumq; instanter laborando acquisierunt, &c. Conuicit item
 quendam haeticum nomine Erminulfum, dum peragraret Baioaria.
 populumq; a sectis idololatriae reduxit. Tandem urgente necessitate in-
 citauit Carolomannum ad congregandam Synodum, &c. Lullus Bo-
 nifacij Achates ab ipso Episcop. ordinatus, succedere ipsi debuit, si con-
 tingeret mori in Frisia, quam propter Euangelium iam tertio & ultimo
 petijt. Illi Lullo commendauit ecclesiarum structuram a se inceptam, iu-
 betq; ut aedificationem Basilicae ad Fuldam compleat, & illuc corpus *Flumen sentit*
 suum perducatur: sed & lintheum, ait, quo meum decrepitem inuoluatur
 corpus, in theca librorum meorum reponere, &c. Hic Lullus nihil nisi fa-
 ciem lachrymis rigabat. At Bonifacius accepto in Frisiam itinere, uerbum
 dei instantissime praedicabat, paganico & terranico gentilitatis ritu de-
 structo, &c. Multaq; milia hominum cum suo coepiscopo Eobano ba-
 ptizauit, &c. In confinio Osterrich & Westerrich ad ripam Borne erat *De morte*
 festum Neophytorum ob Confirmationis diem, & nuper baptizatorum *sancti.*
 ab episcopo manus impositionis & Confirmationis praedictum popu-
 lo fuerat. Nam longe lateq; unusquisq; dispersus, ad propriam reuersus
 domum est, ut secundum diffinitam sancti episcopi sententiam, uniuersi
 praedestino Confirmationis eorum die praesentarentur. Cum ergo pre-
 dictus dies illuxisset, tunc uersa uice pro amicis inimici, & noui li-
 ctiores pro nouicjs fidei cultoribus aduenerant, armis strepentes. Socij Boni-
 facij se gladio tutari uolentes, ipsius salutiferis uerbis coercerentur: Cessate *Verba histo-*
 pueri, deponite bellum, ne malum pro malo reddite: iam enim optatus *rici huius.*
 adest dies nostrae resolutionis. Confortamini in domino, & promissio-
 nis suae gratiam gratanter sufferte. Sperate in eo, & liberabit animas ue-
 stras. Mox sic: Viri fratres, estote forti animo, & ne terreamini ab ijs,
 qui occidunt corpus, &c. sed gaudete in domino, & anchoram spei ue-
 strae in eum defigite, &c. Et his similia dum exhortatur, furens paganor-
 um tumultus cum gladijs in eos irruit, & felici caede Sanctorum corpo-
 ra cruentauit. A caede diripiunt tentoriolum ad ripam, ubi Bonifacius
 uolebat baptizatos confirmare: & reperta librorum cista putabant pe-
 cuniam inesse, nimirum speratum spoliolum. Verum cum fregissent, librosq;
 pro pecunia inuenissent, in rabiem acti, omnes illos huc illucq; disperse-
 runt, ut perirent, seq; mutuū ceciderunt. Inuenerunt etiam capsas reli-
 quiarum. Porro ex dispersis & abiectis libris super illi tres a me Fuldæ
 uisi. Et hoc testatur historicus, cuius sunt haec uerba: Inter eosdem uero
 libros repertus est liber sancti Euangelij, quem Bonifacius secum iugis-
 ser in

Alia historia
de S. Bonifa.
que cum uo-
cat Apostolu
Germanie.

ter in manu ferre solebat. Hic quamuis gladio acuto per medium incisus fuerit, nullius tamē literæ integritatē ea incisione perdidit. Quē, ut ferunt: Bonifacius in illa hora, qua ad caput eius abscindendum uibrabatur gladius, habens in manibus uel pro tutela capitis, seu pro spiritali clypeo, quem in libro illo esse credidit, percussori obtulit. Scribitur, Christianos collectis copijs in ea regione, paganos illos insecutos fuisse, & percussisse gladio. Corpus eius a clero Traiectum delatum, unde Moguntiam, postremo curante Lullo Fuldam translatum est, Anno Bonifacij LX. Anno Domini D.CCLV. passus est Bonifacius cum socijs suis presbyteris, diaconis, & alijs cooperarijs ad regnum Dei, ad ripam ubi erat baptizans. Regnāte domino nostro Iesu Christo, cui laus & gloria semper, Amen.

Ego Wilibaldus Episcopus, &c. uitam & passionem Bonifacij conscripsi primum in ceratis tabulis ad probationem Lulli & Megengaudi. Post eorum examen in pergamenis rescripsi. Atq; hoc in loco, qui dicitur sancti Victoris extra muros Moguntiae, ubi Lullus & Rabanus uacabant orationibus, &c.

DE EODEM S. BONIFACIO, EX

Bibliotheca Schwabenheim.

Sanctus Bonifacius claro Anglorum genere natus, in monasterio ibidē monastica uita imbuitur, & triginta annorū presbyter ordinatur, & cum literis commendatitijs Episcopi sui Romam ad S. Gregorium secundum mittitur, à quo Germaniae praedicaturus dirigitur. Bauariae igitur orientaliq; Franciae praedicans, Turiniam, Saxoniam, Nepnariam, Frisoniam diuina impleuit praedicatione. Postea à S. Willibrordo archiepiscopo senio fesso iugum episcopatus suscipere rogatur, sed rennuit, mandatum asserens à Summo Episcopo accepisse illis terris uerbum Dei nunciare. Vero si sine cultu Apostolico tam praeclarū onus subire nolle: & accepta licentia abcessit, Frisonumq; genti, & Saxonum & Hessionum uerbum Dei nunciauit. Et sic literas factorum suorum apostolicē direxit: & non multo post in mandato accepit, ut Romam reuiceret. Quod & fecit, & fidem gentibus traditam in scripto Papa dedit, et sic gradum pontificalem accipiens, ad Carolum principem Francorum cum literis mittitur, benigneq; ab eo suscipitur. Et non post longū Maguntinensi ecclesiae praeficitur: Vbi diuina agens obsequia, Fuldense monasterium inchoauit, Bauariamq; uisitauit, ab hereticis deprauatā inuenit. Quos cum detinens damnaret, Deo & Odilone duce iuuantibus totā Bauariam in quatuor Ecclesias diuisit: Salzburem, Regursbur, Frisingam & Batauim. Episcopos quoq; ut haereticis resisterent, ordinauit. Deinde in orientali Francia statuit duo Episcopata: Wirzburg & Einstat, & ibi Episcopos similiter ordinans cum eis satagebat diabolo auferre animas deceptas. Et senio lassus successor rem sibi

rem sibi Ludonem nomine ordinauit, tradēs ei ecclesiastica officia ante omnia præcipit ut mortuum in Fuldensi monasterio sepeliret. Ipse uero in Frisiam undecim socijs comitatus pergens, in ciuitate Tehet ecclesiam statuit, & episcopum ordinauit, & idola destruens, à paganis cum suis occiditur post innumerabilem Papę domino acquisitū. Qui sepulti sunt in ciuitate Tehet ab incolis. Corpus uero S. Bonifacij à Ludone in Fuldense monasterium transfertur.

S. LIEBA ALIAS LIOBA.



Anglicana uirgo, uenit in Germaniam, S. Bonifacio ob communem religionem deditissima: quo tempore Carolus uixit. Monasterijs in Bischoffheim & Sconersheim prope Maguntiam præfuit Abbatissa: mire pia. Licebat illi soli, quoties præcationis causa, Fuldam accessisset, monasterium ingredi, quò alioqui non patebat ingressus foeminarum. Eam Bonifacius in Phrisiam abiturus Lullo commendauit, exhortans, ut constanter Deo seruire pergeret. Iussitq; ut mortuæ Liebæ corpus suo corpori in eodem sepulchro Fuldæ iungeretur. Hæc S. uirgo incendium pagi maximum aqua benedicta & sale restinxisse fertur: Sic legi descriptam historiam. Omnibus sororibus incendio perturbatissimis, reque desperata, iussit Lieba sibi in concha non nihil aquæ adferri ex fluuio qui per Monasterium currebat. Eam sine mora allatam, sale, quod à S. Bonifacio benedictum indefinenter secum habebat, aspersit, dicens: Ite & hanc aquam in fluuium refundite, omnisq; populus ab eo loco deorsum hauriat, & cōtra impetum scuiantis incendiij certatim mittat. Quo facto omnis illa ignium uiolentia ita restincta est, quasi celitus immisso imbri &c.

VITA S. KYLIANI.



Ex Hibernia, hoc est Scotus natus, sicut Columbanus quoq; Georg. Viii celi. & Gallus. A primis annis mundi contemptor, uestigia Christi sti meditabatur. Sed à prædicatione uerbi abstinuit, donec se Roma. Episcopo probandum exhiberet, à quo missus, Roma egreditur iam illic ordinatus præsul. Comites eius Colomannus & Totimannus, ille presbyter, hic diaconus. Romæ febris correptum Gallum reliquit. Eo tempore dux Gozbertus in Francia orientali regnabat, qui à Kyliano, quū forte Wirciburgum uenisset, fidem edoceri cupiuit. Quo facto, ualedixit Dianæ, cuius cultui addictissimus fuerat. Porro in catholica doctrina instructus dux, die paschæ cū multis alijs dato, aqua baptismatis lotus, absolutionem pristini erroris promeruit. Sicq; factum est, ut penè tota prouincia orientalis Franciæ relicto daemonum cultu, diuinae

uinæ Religioni operam daret. Sed coniux ducis secundum gentilitatis ritum fratris ipsius coniugio quondam copulata erat, dicta Geilana. Quod illegittimum coniugium nō ferens Kylianus, initio dissimulauit, ueritus ne offenso duce res Christiana detrimentum pateretur: Sed tandem sumpta fiducia monuit ducem, ne se contaminaret falsa uxore &c. Ille assensit ad separationem pietate recepti Euangelij motus, & auctoritate sancti uiri adductus. Geilana uero ira incanduit, ceu leena raptis carulis: et mox dispexit, qua oportunitate occideret suaforem separationis. Parauit duos sicarios, qui iugularent tres illos uiros Dei in loco orationis, cui uacabant in nocte. Ante irruptionem dixerat Kylianus, utro pote in somnis admonitus de instāte nece: Fratres uigilemus, cito aderit dominus, & pulsabit ianuā. Cauendū ergo est, ne nos somno torpentes inueniat. Addamus oleum lampadibus, dum tempus est, &c. Sicarios quum uidisset Kylianus, dixit: Amici ad quid uenistis? Implete præceptum, & consumabimus cursum. Cædes his secuta est, & defossio cadauerum una cum illorum libris & uestibus, ne scelus deprehendi posset. Latere aut nō potuit, quod absente duce patratū fuerat ab Herodiade. Is domū reuersus percontat ubinam sancti sunt. Hæc respondet, se illos nō custodisse, uenerūt quando uoluerūt, recesserūt item quando uoluerūt, ut peregrinationis suę propositū seruarēt. Cui fūco credidisset dux, nisi parricide ultionē diuinam experti, de se factū illud fuissent confessi. Miserabiliter quoq; Iesabel illa spiritum diabolo tradidit. Post hæc trucidatus est dux cum tota progenie à proprijs seruis. Tum uixit Gertrudis Pipini Francorū regis filia, cuius presbyter Athalungus in Carlbürg morabatur, quo autore refossus fuit corpus sancti. Iisdem annis præfatus debat Bonifacius Moguntia, qui Burchardum in Wirzburg misit.

VITA S. LVITGERI.

Georg. Vii-
celij.

In Monaste-
rijs olim scho-
la, non ipsa
tantum mona-
stera schola
ut sectæ fin-
gunt.

Synchronus is fuit S. Bonifacij et Willibrordi, oriundus Frisia, quibus in Saxonie partibus omnem penè uitam consumpsit. Baptizatus autem accepit nomen Luitger, ab ipsa pueritia bonis literis deditus. Vtebatur præceptore Gregorio, qui S. Bonifacij discipulus fuera. Literis operam dabat in Traiectensi monasterio, in cuius schola & alij discipuli nobiles & prudentes, è quibus episcopi postea extiterunt, alij in minoribus gradibus doctores Ecclesiarum facti sunt. (His enim uerbis utitur historia) Habuit etiam Luitgerus Alcuinum præceptorem, cuius de ipso Luitg. testimonia uersu scripta extant. Verum quum radix sceleris Widukingus dux Saxonum Christianos persequeretur, relicta Saxonia Romam abiit Luitgerus iam doctus piusq; prædicator. Non ita longe post rediit in patriam: Mox à Carolo rege doctor Frisonicæ gentis constituitur. Ipse uero cura solerti doctus

ctrinæ domini inuigilans, gregi sibi credito studuit ministrare fluentia sacrae scripturæ, fana simulachrorum destruere, & omnes erroris pristini sordes abluere. Cupiens post hæc sanctus domini præco doctrinæ sacrae flumina ulterius deriuare, consilio ab imperatore accepto, transfretauit in confinia Frisonum atq; Denorum, ad quandam insulam, quæ nomine falsi dei sui Fosote, item Fosetesland dicta fuit. Ibi destructo Fosetis phano, Christi ecclesiam construxit. Cumq; habitatores terræ illius fide Christi imbueret, baptizauit eos cū inuocatione sanctæ Trinitatis in fonte qui ibi ebulliebat, in quo S. Willibrordus prius homines tres baptizarat. A quo etiam fonte nemo illorum prius haurire aquam nisi tacens præsumebat. Cuiusdam etiam principis eorum filium Landericum nomine suscepit à fonte. Quem sacris literis imbutum, presbyterum ordinauit. Hic multis annis genti Frisonum præfuit in studio sanctæ prædicationis. Interea dispositione misericordis Dei Saxones conuersi sunt ad dominum, et rex Carolus Luitgerum pastorem in occidentali parte Saxonum constituit: cuius parochiæ sedes principalis in pago Sutergowe, &c. Recusauit episcopus creari. Nam dicere solebat: Oportet episcopum irreprehensibilem esse. Quod cum audiret aliquando Hildibaldus affectator episcopatus, dixisse fertur: Heu heu hoc in me adhuc non impletum est. Sed tandem ad episcopatum tractus Luitgerus, nolens etiā. Verba histor. sic habent: Accepto itaq; sacro pontificali ordine, cū omni sagacitate & modestia gregi Saxonico sibi credito documenta uberrimæ salutis ministrauit, quoadusq; Domino largiente ad perfectam illos fidem perduceret. Tandem in pace obiit confessor domini.

VITA SANCTI SOLÆ

Monachi presbyt.

Sola, regnante domino Imperat. Pipino Francorum & Germanorum, secutus est discipulus præceptorem Bonifacium, à quo presbyter monachusq; ordinatus fuit. Incoluit aliquandiu solitudinem: amator enim solitudinis Sola, sæculi noxia blandimenta mirifice cōtempnit. Vnde nonnulli cellam Solæ, Solonis cellam nuncuparunt: sed uerius Sol quàm Solon dicendus uir. Sola soli Deo coniunctus, coelestia tantum curauit. Hic exclamat historiæ scriptor: O q̃ felix collegium beatissimi Bonifacii, &c. Post huius martyrium, dedit operam Sola unā cum Vuilibaldo episcop. ædificandis sacris ædibus. Subscribam uerba quædam historiæ, unde nimirum liquet, magnas illas structuras primariorum templorum cōmuni manu & ope populi provincialis fuisse perfectas. Sic ait: Quin & accolæ regionum harum quocunq; aduentantes ei (Solæ) in Christi amore frequentius ministrabant. Aliqui & prædij sui partem illi tradebant, quam ille in Dei timore accipiens, cum his, quæ ei dominus Carolus Augustus donare dignatus est,

r ij

tus est,

tus est ad egregium Fuldanensium coenobium, ubi Deo prouidente modo sanctissimus ac in omni arte peritissimus abbas Rabanus perspicabiliter fulget, &c.

VITA S. EVCHARII.

Discipulus Petri apostoli, è Roma in Galliam p̄dicator missus cum socijs Valerio et Materno, tandem ad Treuiros peruenunt, sanam doctrinam seminantes ubiq; ac edentes miracula abunde gloriosa. Factus tandem Episcopus Treuericæ urbis Eucharis, populum gentilitatis errore liberauit. Adorant enim antea centum idola, per quæ dæmones loquebantur. Mortuo Eucharis successit in Episcopatu Valerius, huic deinde Maternus, quorū omnium ex æquo uita consumpta est in prædicatione uerbi dei & bonis operibus. Tres illi eodem sarcophago apud Treuiros contenti, scriptor hystoriz huius testatur se eiusmodi inuenisse sparsim in chartis de gestis sanctorum patrum: idq; post excidium Treuericæ urbis, &c. Character uetustiss.

VITA REMACLI.

Ruenis optimè institutus, per Galliam celeberrimi nominis, electus est episcopus Tungrensis sedis, acclamante populo, dignum talem doctorem præsulatus gerere officium. Mira in pauperes charitas, uerus pastor Christi gregis.

IN FESTO CORPORIS CHRISTI SER-
mo de coena Domini.

Ex Cypria-
no.

Scitati Lazari Hierosolymis increpauerat rumor, & tam solenne miraculum ad uenerationem Christi excitauerat populo, unde & ei ciuitatem ingredienti, cum ramis palmarū obuiam processerūt, sedentemq; super asinum resonantibus laudibus gratulabundi introduxerunt in urbē, regem Israël confitentes, & acclamantes, filium Dauid in nomine Domini aduenisse, cuius æternū imperium prophetarum uaticinia antiquitus conclamarant. Nec latebat dominū, qui sciebat omnia, q̄ in uiæ illius confinio de torrente passionis erat bibiturus, et ex ea ueneratione, quæ impendebatur ei à plebe, inflammandam amplius inuidiam magistratuum, & animos exacerbatos uehementiori insania perturbandos, & conspirationis malignæ non ultra posse occultari consilia, nec differri amplius, quæ de eius interitu cogitarant. Sed uolebat prius magister, cum iam damnationis suæ dictaretur sententia, & propè esset, ut figeretur in cruce, suæ dare indicia potestatis: & qui animam Lazari reuocauerat ab inferis, & quadriduano mortuo reddiderat uitam, dinosceretur uirtute diuina, non humana tantum opus p̄trasse

trasse: & impossibile esse, suam animam ab inferno teneri, qui alienā potestatiue extraxerat: nec se necessitate, sed obedientia urgeri ad mortem: & uitam quam alijs reddebat, ad se quoque ubi iuberet, illico redituram. Finē igitur legalibus ceremonijs impositurus, parari sibi uoluit pascha, & ex consuetudine legis ea quæri, quæ solennitas exigebat, agnū assum, panes azymos, & lactucas agrestes. Non oportet esse fermentarios noui testamenti ministros, puras syncerasque mentes sanctum quærit conuiuium, in ueru crucis boni odoris assatio omnem excoquat carnaliū sensuū cruditatem, & induret solidetque mentis affectus: nec in ecclesiæ sanctæ sacrificio ulla sit macula, sed pura simplicitas & innocentia uitæ in una ecclesiæ catholicæ domo à fidelibus de Ægypto egredientibus transitu mari rubro lotis Christi sanguine affectibus offeratur. Coena itaque disposita inter sacramentales epulas, obuiarunt sibi instituta antiqua & noua, & consumpto agno, quem antiqua traditio proponebat, inconsumptibilem cibum magister apponit discipulis: nec iam ad elaborata impensis & arte conuiuia populi inuitantur, sed immortalitatis alimentum datur, à communibus cibis differens, corporalis substantiæ retinens speciem, sed uirtutis diuinæ inuisibili efficientia probans adesse præsentiam. Significata olim à tempore Melchisedech prodeunt sacramenta, et filijs Abrahe facientibus opera eius summus sacerdos panem profert & uinum: Hoc est, inquit, corpus meum. Manducauerant & biberant de eodem pane secundum formam uisibilem: sed ante uerba illa cibus ille communis, tantum nutriendo corpori commodus erat, & uitæ corporalis subsidium ministrabat. Sed ex quo à domino dictum est: Hoc facite in meam cōmemorationem: hæc est caro mea, & hic est sanguis meus: quotiescunque his uerbis & hac fide actum est, panis iste substantialis & calix benedictione solenni sacratus, ad totius hominis uitam salutemque proficit, simul medicamentum & holocaustum ad sanandas infirmitates & purgandas iniquitates existens. Manifestata est etiā spiritualis & corporalis cibi distantia, aliud fuisse quod prius est appositum & cōsumptum, aliud quod à magistro datum est & distributum. Quādiu cibi illi qui ad diem festum erant parati, à conuescentibus apostolis sumebantur, ueteris paschæ agebatur memoria: nec dum Iudas ad ueterem uitam pertinens, diabolo inuadente & occupante animum eius egredi cogeatur: sed ubi sacrum cibum mens perfida tetigit, & sceleratum os panis sancti ficatus intrauit, parricidalis animus uim tanti sacramenti non sustinens, quasi palea de area exufflatus est, & præceps cucurrit ad proditiōem & precipitium, ad desperationem & laqueum. Orta fuerat aliquando, sicut in Euangelio Ioannis legitur, de nouitate uerbi huius quæstio, & ad doctrinam mysterij huius obstupuerant auditores, cum diceret dominus: Nisi manducaueritis carnem filij hominis, & biberitis eius sanguinem, non habebitis uitam in uobis. Quod quidam quia non credebant, nec

r in

poterant

poterant intelligere, abierunt retrò : quia horrendum eis & nepharium uidebatur, uesci carne humana, existimantes hoc eo modo dici, ut carnem eius uel elixam, uel assam, sectamq; membratim edere docerentur, cum illius personę caro si in frustra partiretur, non omni humano generi posset sufficere, qua semel consumpta, uideretur interisse religio, cui nequaquā ulterius uictima superesset. Sed in cogitationibus huiusmodi caro & sanguis non prodest quicquē : quia, sicut ipse magister exposuit, uerba hæc spiritus & uita sunt: nec carnalis sensus ad intellectum tantę profunditatis penetrat, nisi fides accedat. Panis est esca, sanguis uita, caro substantia, corpus ecclesia: corpus propter membrorum in unum conuenientiam : panis propter nutrimenti congruentiam: sanguis propter uiuificationis efficientiam: caro propter assumptę humanitatis proprietatem. Hoc sacramentū aliquando corpus suum, aliquando carnem & sanguinē, aliquando panem Christus appellat, portionem uitę æternę, cuius secundum hæc uisibilia corporali cōmunicauit naturę. Panis iste communis in carnem & sanguinem mutatus, procurat uitam & incrementum corporibus, ideoq; ex consueto rerū effectū fidei nostrę adiuta infirmitas, sensibili argumento edocta est uisibilibus sacramentis inesse uitę æternę effectum, & non tam corporali, quā spirituali transiōne Christo nos uniri. Ipse enim & panis, & caro, & sanguis, idem cibus & substantia, & uita factus est ecclesię suę, quam corpus suum appellat, dans ei participationē. Et nos quidē cum caro essemus & sanguis, corrupta & infirma corporis animęq; natura reformari non poteramus, neq; ad similitudinem dei reuerti, si morbo inueterato imponeretur malagma conueniens, & in curatione desperatę infirmitatis contraria remouerentur contrarijs, & similia similibus conuenirent. Panis iste, quē dominus discipulis porrigebat non effigie, sed natura mutatus omnipotentia uerbi factus est caro: & sicut in persona Christi humanitas uidebatur, & latebat diuinitas, ita sacramento uisibili ineffabiliter diuina se infudit essentia, ut esset religioni circa sacramenta deuotio, & ad ueritatē cuius corpus sacramenta sunt, syncerior pateret accessus usq; ad participationem spiritus, non quod usq; ad cōsubstantialitatē Christi, sed usq; ad societatem germanissimā eius hæc unitas peruenisset. Solus quippe filius patri consubstantialis est, nec diuisibilis est, nec partiabilis substantia trinitatis: nostra uero & ipsius coniunctio nec miscet personas, nec unit substantias, sed affectus consociat, & confœderat uoluntates. Ita ecclesia corpus Christi effecta obsequitur capiti suo, & superius lumen in inferiora diffusum, claritatis suę plenitudine à fine usq; ad finem attingens, totum apud se manens, totum se omnibus commodat, & calor illius identitas ita corpori affidet, ut à capite non recedat. Panis itaq; hic azymus cibus uerus & syncerus per speciem & sacramentum nos tactu sanctificat, fide illuminat, ueritate Christo conformat. Et sicut panis cōmunis, quem

nū, quem quotidie edimus, uita est corporis, ita panis iste super substantialit uita est animæ, & sanitas mentis. Panem angelorum sub sacramento manducamus in terris, eundem sine sacramento manifestius edemus in cœlis, non ministerio corporali, sæpe repetitis actionibus ad eandem reuertentes, sed consummato sacerdotio nostro, erit & permanebit perpetua & stabilis, implens & reficiens nos sufficientia, qua proferet se palam absq; ullis integumentis omnibus, cōspicabilis summi præsentia sacerdotis. Sacramenta quidem, quantum in se est, sine propria esse uirtute non possunt, nec ullo modo diuina se absentat maiestas mysterijs, sed quamuis ab indignis se sumi uel contingi sacramenta permittant, non possunt tamen spiritus esse participes, quorum infidelitas uel indignitas tantæ sanctitudini contradicit. Ideoq; alijs sunt hæc munera odor uitæ in uitam, alijs odor mortis in mortem: quia omnino iustum est, ut tanto priuentur beneficio gratiæ contemptores, nec in indignis tantæ gratiæ puritas sibi faciat mansionem. Noua est huius sacramenti doctrina, & scholæ euangelicę hoc primum magisterium protulerunt, & doctore Christo primum hæc mundo innotuit disciplina, ut biberent sanguinem Christiani, cuius esum legis antiquæ autoritas districtissime interdicat. Lex quippe esum sanguinis prohibet, Euangelium præcipit, ut bibatur. In quibus mandatis hoc maxime discernere debet Christiana religio, q̃ sanguis animalium à sanguine Christi per omnia differens, temporalis tantum habeat uiuificationis effectum, & uita eorum finem habeat, et sine ulla reuocatione terminū constitutū. Ideoq; ad obtinendam æternitatē non potest perficere, quod semel obrutū non surgit ulterius, nec aliqua ei superest uirtus, quod sine ulla spe p̃cis radicibus mors penitus exiccauit. Vita uero hominis licet aliquā habeat affinitatē cum sanguine, nō tamen solo sanguine regitur, sed anima sanguini dat caloris & nutrimenti effectum, sicut & cæteris quæ in corpore sunt propria distribuit officia, & diuidit motus, & quasi talenta partitur. Nec oportuit, ut sanguini humano sanguis pecudū misceretur, quia uita rationalis hominis uitæ bestiali consociari non habet, sed omnino à fideiū animis quasi sanguis impurus detergenda est hæc carnalis opinio, ne putetur uita hominis eo modo transitoria, quo uita pecudū inanescit, uel q̃ sanguis consubstantialis sit animæ, & necesse sit utrunq; superueniente suffocatione dissolui. Carne quidem animalibus similes sumus, sed uita dissimiles, ideoq; quod cōmune cū eis habemus nobis incorporare licenter possumus: quod uero dignitati nostræ non conuenit, & ab æternitate alienū uidetur, à nobis subtilissimo legis indicio separamus. Bibimus autem de sanguine Christi, ipso iubente, uitæ æternæ cum ipso, & per ipsum participes, animalis uitæ peccata, quasi sanguinem impurum horrentes, & fatentes nos per peccati gustum à beatitudine priuatos & damnatos, nisi nos Christi clementia ad societatem uitæ æternæ suo sanguine reduxisset

reduxisset. Nobis itaq; pro quibus sanguis Christi oblatus est in cruce,
 & quos reconciliauit Deo omnes excédens uictimas hoc sacrificium sin-
 gulare, ipse Christus pincerna porrexit hoc poculum, & docuit, ut non
 tantum exterius hoc sanguine liniremur, sed & interius aspersione om-
 nipotenti animâ muniremur, & penetrans omnia tanti medicamenti uir-
 tus quicquid esset intus ibi durû effugaret, & renouaret, sanaretq; quic-
 quid morbi carni uel spiritui ueteris uitæ adlinierat corruptela. Dixerat
 sanè huius traditionis magister, quod nisi manducaremus & biberemus
 eius sanguinem, non haberemus uitam in nobis: spirituali nos instruens
 documento, & aperiens ad rem adeo abditam intellectum, ut sciremus
 quod mansio nostra in ipso sit manducatio, & potus quasi quædam in-
 corporatio, subiectis obsequijs, uoluntatibus iunctis, affectibus unitis.
 Esus igitur carnis huius quædam auiditas est, & quoddam desiderium
 manendi in ipso, per quod sic imprimimus & eliquamus in nobis dul-
 cedinem charitatis, ut hæreat palato nostro & uisceribus sapor dilectio-
 nis infusus, penetrans & imbuens omnes animæ corporisq; recessus.
 Potus & esus ad eandem pertinent rationem, quibus sic ut corporea nu-
 tritur substantia & uiuit, & incolumis perseverat, ita uita spiritus hoc
 proprio alimento nutritur: & quod est esca carni, hoc animæ est fides:
 quod cibus corpori, hoc uerbum spiritui, excellentiori uirtute peras-
 gens eternaliter, quod agunt alimenta carnalia temporaliter et finaliter.
 Celebrantes sacramenta commonemur, quasi ungulam findens & ru-
 minans pecus reuocare ad fauces, & minutatim commolere dominicæ
 institutionis exemplum, ut semper passio sit in memoria, nec terreant
 crucifixi hæredes mortis supplicia, sed pascant & reficiant maturatæ re-
 surrectionis lætabunda solennia. Quàm præclarus est calix iste, quàm
 religiosa est huius potus ebrietas, per quam excedimus Deo, & quæ res
 tro sunt obliti ad anteriora extendimur, non habentes sensum huius
 mundi, sed diuitis præparati delicias contemnentes, cruci hæremus, san-
 guinem sugimus, & intra ipsa redemptoris nostri uulnera figimus lin-
 guam, quo interius exteriusq; rubricati, à sapientibus huius sæculi iudi-
 camur amentes, qui religionis huius abhorrentes mandatum usq; ho-
 die retro abeunt, & à secretis diuinis omnium intra se mysteriorum con-
 tinentibus summam diffugiunt & recedunt. Qui manducat ex hoc pa-
 ne, ultra non esurit: qui bibit, ultra non sitit, quoniam mysterij huius sic
 sufficit gratia, sic reficit intelligentia, ut cuiusq; tantæ rei innotuerit ple-
 nitudo, omnis consumationis sine inuento Christi baiulus ipsum ferat
 in pectore, ipsum gerat in mente, & omni tempore habitatori suo dicta
 & facta iubilatione consona laudes resonent, & gratiarum actiones de-
 cantent. Hæc ebrietas non accendit, sed extinguit peccatum, in hoc uino
 non est luxuria, nec mouetur ad ludum post hunc porum lasciuiâ. Cum
 sopiuit obliuio cuncta carnis ludibria, mira sunt quæ sentit, magna quæ
 uidet,

videt, inaudita quæ loquitur, quin agnus iste paschalis inhabitat, cuius animam fieri huius fortitudo hilaritate inexplicabili lætificat & delectat. Inter dominicæ mensæ conuiuas animalis homo non admittitur, quicquid caro & sanguis dicat, ab hoc cœtu excluditur, nihil sapit, nisi prædest quicquid humani sensus molitur subtilitas, omne quicquid à suis rationibus deuium uidetur, sapientes huius sæculi ad demerentiam referunt, & à ueritate reputant alienum. Sed ueritas ab erroneis hominibus comprehendere non potuit, & cum in sole uellet figere oculos, uim luminis non ferens, cæcata est non illuminata humana præsumptio, & aspectui eius lippitudo inhæsit. Vident hæc sacramenta pauperes spiritu, & hoc uno contenti ferculo, omnes mundi huius delicias aspernantur, & possidentes Christum, aliquam huius mundi possidere suppellectilem dedignantur. Esurientes & sitientes iustitiam, cum saturati fuerint, uide quid agant, intellige quæ loquantur, quàm sancti odoris sit quicquid illa eructuat plenitudo, uerbum bonum, mores compositos, affectus pudicos, sensus pacificos, illa interior synceritas ubique diffundit, ita ut post odoramenta ista gratiæ huius cōparticipes discurrant, & mutuis se adinuicem affectibus complectantur, & quibus unus est panis, unum est corpus, & omnium unum cor & anima una, uni Christo adhærens, cætera omnia quasi fermentata respuens, in unius azymi synceritate lætatur. Perpetuus est hoc sacrificium & semper permanens holocaustum, nulla panem hunc multitudo consumit, nulla antiquitate ueterascit. Una est domus ecclesiæ, in qua agnus editur, nullus ei cōmunicat, quem Israelitici nominis generosità non commendat. Huius panis figura fuit manna quod in deserto pluit, sic ubi ad uerum panem in terra promissionis uentum est, cibus ille defecit. Per singula sabbata propositionis iam frigidi & duri mutari consueuerant, & calidi panes eiusdem numeri in mensa proponi. Iam nulla fit panis mutatio, unus est panis caloris cōtinui, status integri, qui semel oblatus Deo in sapore dulcissimo, & candore purissimo perseverat. Nec solos sacerdotes ad panes huius dignitatis Leuiticæ prærogatiua admittit, uniuersa ecclesia ad has epulas inuitatur, æqua omnibus portio datur, integer erogatur, distributus non demembratur, incorporatur non iniuriatur, recipitur non includitur, cum infirmis habitans non infirmatur, nec pauperum ministerio indignatur, fides pura, mens sincera hunc habitatorem delectat, neque immani & omnipotentis Dei magnitudinem pauperculæ domus nostræ angustia offendit uel artat. Panis iste angelorum omne delectamentum habens uirtute mirifica, omnibus qui digne & deuote sumunt, secundum suum desiderium sapit, & amplius quàm manna illa eremi implet & satiat edendum appetitus, & omnia carnalium saporum iritamenta, & omnium exuperat dulcedinum uoluptates. Vide quomodo his qui Christi commemorant passionem, intra sacra officia quasi per quosdam can-

nales de interioribus fontibus egrediantur torrentens, & super omnes delicias lachrymis nectareis anima delectetur, quantum suauitatem animæ inquirenti ubi sit Deus suus, suspiria contemplationis eliciant. Non illos imbres procellosæ tempestates deponunt, ros matutinus est de cœlestibus stillans, & quasi unctio spiritus mentem deliniens. Gemitus illos pietas excitat, & inter diem & noctē retro & ante se affectio intuens, inter data & condonata se diuidens, gratias agit tam uberis beneficii largitori, & se sanatam & sanctificatam agnoscens, fletibus se abluit, & lachrymis se baptizat. Verum his qui uerbotenens corde sicci & mente aridi sacris intersunt, uel etiam participant donis, lambunt quidem pertram, sed inde nec mel sugunt, nec oleum, qui nec aliqua charitatis dulcedine, nec spiritus sancti pinguedine uegetantur, nec se iudicant, nec sacramenta diiudicant, sed sicut cibus cōmunibus irreuerenter sacris utuntur muneribus, & dominicæ mensæ in ueste lutulenta se ingerunt impudenter, quibus melius erat mola asinaria collo alligata mergi in pelagus, quam illota conscientia de manu domini buccellam accipere, qui usque hodie hoc ueracissimum & sanctissimum corpus suum creat, & sanctificat, & benedicit, & pie sumentibus diuidit. In huius præsentia non superuacue mendicant lachrymæ ueniam, nec unquam patitur contriti cordis holocaustum repulsam. Quoties te in conspectu domini uideo suspirantem, spiritum sanctum non dubito aspirantem: cum intueor flentem, sentio ignoscentem. Tu si templum spiritus sancti uiolas, si intra te sacrarium Dei deturbas & foedas, si cum calice Christi de calice dæmoniorum communicas, contumelia est, non religio: iniuria, non deuotio. Idolorum seruitus & horrenda abominatio, uelle simul Baal famulari & Christo. Abi retro cum sacellis tuis, qui lucris inhias, & mercedes sectaris, qui opulentus in Sion quotidie crapularis, qui in lectis eburneis recubas, & in stratis segmentatis lasciuis, qui uestiris mollibus, & in terra suauiter uiuentium conuersaris, cuius manus plenæ sunt sanguine, cuius lumbi discincti sunt, & sine balthei discurrens ligamine. Non est tibi pars in sermone isto, quia quod dei est, aufers deo, & imaginē dei consecras idolo. Pauperes quidem spiritu ad hoc mysterium eligit, & diligit spiritus sanctus, & eorum qui pompaticè & gloriose sacris se altaribus ingerunt, obsequia detestatur. Ozias licet rex ob præsumptionē lepra percussus, à sanctuarij ingressu repellitur, & eius oblatio quasi sordida refutatur. Incensi odor de immundorum manibus reputatus est pro foetore, & iram non gratiam præsumptio meruit, quia contra fas rem usurpans illicitam, temerarie in sancta conscendit. Sed & propter malignantium insolentiam altare suum deus repellit, & sanctificantibus maledicit, odit sabbata, obominatur solennia, odoramenta foetent, displicent holocausta. In his omnibus laborare se dicit deus, nec esse uoluntatem suam in ministris impuris, indignatione districta testat. Sed hierarcha pius quæ

spiritus

spiritus sanctus compungit, excitat, inhabitat, & sanctificat, eleuatione manuū crucis mysterium repræsentans, confidenter orat pro sua & populi ignorantia, recolens pudibundi & cōtriti animi confessione, quod aliquando præualente aduersum se peccato fuerit derelictus, iuxta illud quod Dauid plorans ait: Auertisti faciem tuam à me, & factus sum conturbatus. Et dominus per Esaïam: Ad tempus in modico derelinquam te, uerecundatur fateri, & tamen fatetur iuuentutis delicta. Sed accusatrici conscientiae necesse est coram iudice respondere: nec potest ibi esse ullum diffugium, ubi ipsa testis est quæ accusat, & nihil ei potest esse occultum qui iudicat. Sed ubi cum iudice agit qui iudicatur, & ipse in partem accusatoris transiens, etiam in sua proscriptione sententiam approbat condemnantis, experitur clementiam saluatoris, & lætabundus canit: Domine in uoluntate tua præstitisti decori meo uirtutem. Et iterum per Esaïam audit: In miserationibus magnis congregabo te. Sed & in eodem articulo temporis cum iam anima festinet ad exitum, & egrediens ad labia expirantis emerferit, poenitentiam clementissimi Dei benignitas non aspernatur, nec serum est quod uerum, nec irremissibile quod uoluntarium, & quæcunq; necessitas cogat ad poenitudinem, nec quantitas criminis, nec breuitas temporis, nec horæ extremitas, nec uitæ enormitas, si uera contritio, si pura fuerit uoluptatum mutatio, excludit à uenia, sed in amplitudine sinus sui mater charitas prodigos suscipit reuertentes, & uelit nolit Nouatus hæreticus, omni tempore Dei gratia recipit poenitētes. Ipse dominus noster derelictorum personam gerens in cruce, se queritur derelictum: & ne desperarent etiam in ultimis constituti, festinans in adiutorium illico adest, & re in arcto posita non differt beneficium, sed repente indulgentiæ celeris documentum eiusdem statuit & exemplum, latroni inquiring: Hodie mecum eris in paradiso. Latrocinium damnationem meruerat & supplicium, sed cor contritum poenam mutauit in martyriū, & sanguinem in baptismum. In momento impietas religionem, crudelitas induit pietatem, & statim consummatus ciuis sanctorum & domesticus Dei permissus est in regnum reconciliationis humanæ priuilegium secum ferens ad superos, quod Deo patri tantæ legationis fungens honore, in seipso scripturæ huius experimentum continens, libero & securo aditu penetrans, præsentauit. Quid tu domine amplius Stephano contulisti? quid amplius ille obtinuit dilectus tuus, qui supra pectus tuum in cœna recubuit? quid amplius Pauli meruere sudores? quid labores sanctorum? quid tot annorum tormenta? quid martyrum plagæ? Vna hora huic collatum est præmium, ad quod illi per tot discrimina peruenerunt. Sic tu domine armentarios statim facis prophetas, opiliones reges, telonarios apostolos, pisca-tores doctores. Neq; ab his quos sanas, lente languor abscedit, sed illi co quem restituis ex integro, conualescit, quia consummatum est quod

s ij facis,

facis, & perfectum quod largiris. Hanc dei gratiam recolens, qui de sacro calice bibit amplius sitit, & ad Deum uiuum erigens desiderium, ira singulari fame illo uno appetitu tenetur, ut deinceps fellea peccatorum horreat pocula, & omnis sapor delectamentorum carnalium sit ei quasi rancidum radensq; palatum acutæ mordacitatis acetum. Ad hæc inter sacra mysteria ad gratiarum actiones conuertitur, & inclinato capite, mundicia cordis adepta, se intelligens consummatū, restitutus peccator sanctificatam Deo animam quasi depositum custoditū fideliter reddit, & deinceps cum Paulo gloriatur & lætatur dicens: Viuo iam non ego, uiuit uero in me Christus. Hæc in Christi commemoratione retractantur à fidelibus, & defecatis animis carnis eius edulium non est horrori, sed honori, potuq; sancti & sanctificantis sanguinis spiritus delectatur. Hæc quoties agimus, non dentes ad mordendum acuius, sed fide synœcra panem sanctum frangimus & partimur, dum quod diuinum, & quod humanum est, distinguimus & separamus, itemq; simul separata iungentes unum Deum & hominē fatemur. Sed & nos ipsi corpus eius effecti, sacramento & re sacramenti capiti nostro connectimur & unimur, singuli alter alterius membra, ministerium dilectionis pro inuicem exhibentes, cōmunicamus charitate, participamus solitudine, eundem cibum manducantes, & eundem potum bibentes, qui de petra spiritali pfluit & emanat: qui cibus & potus est dominus noster Iesus Christus.

S. VITVS ET MODESTVS.

Ex Romano
breviario.



Itus puer egregius & fidelis annorum duodecim, in Sicilia martyrium passus est. Hic à patre crebro uerberatur, ex eo qd idola contemnebat, nec ipsa adorare uolebat. Quod audiens Valerianus præfectus, puerū accersiu, & sacrificare nolentem fustibus cedi iussit. Brachia aut uerberantium et manus præfecti statim aruerunt: clamauitq; præfectus: Vg mihi, quia manū amisi. Cui Vitus: Accedant dñi tui, & te sanent, si possunt. Cui ille: Nunquid & tu facere uales hoc? Cui Vitus: In nomine dei mei ualeo. Statimq; pro eo orauit, et sanitatem sibi obtinuit. Dixitq; præfectus: Pater corripe puerū tuū, ne male pereat. Cum aut pater filiū occidere cogitaret, angelus domini Modesto pædago eius apparuit, & ut nauem conscendens puerū ad aliam terram duceret, imperauit. Quod cum fecisset, aquila eis cibum afferebat, & multa ibidē mirabilia faciebat. Interea filius Dyocletiani imperatoris à dēmone arripitur, & nisi Vitus lucanus ueniat, se nunq; exire fatetur. Vitus quæritur, & inuentus ad imperatorem ducitur. Cui Dyocletianus: Puer puerum meum sanare uales? Cui ille: Non ego, sed dominus. Statimq; super eum manus imposuit, & protinus ab eo dæmon aufugit. Et ait Dyocletianus: Puer consule tibi, & dñs sacrificia, ne mala morte intereas. Quod cum ille

cum ille recusaret, & in carcerē cum Modesto missus fuisset, subito ferri moles, quæ eis erat imposita, cecidit, & carcer immenso lumine chorus scavit. Quod cum imperatori nunciatum fuisset, eductus in clybanum ardentem mittitur, sed tamen illæsus egreditur. Tunc leo terribilis ad eum deuorandū mittitur, sed tamen ab eo fidei uirtute placatur. Tandē ipse cum Modesto & Crescentia nutrice sua, quæ semper eū secuta fuerat, in eculeum suspendi iubetur: sed subito aër perturbatur, terra concutitur, tonitrua mugiant, idolorum templa corruunt, et multos occidūt. Imperator autem territus fugiēs pugnīs se percutiebat, dicens: Væ mihi quod ab uno puero uictus sum. Illi autem ab angelo continuo soluti, iuxta quoddam flumē se inuenerunt, & ibidem pausantes & orantes, animas domino reddiderunt. Quorum corpora ab aquilīs custodita Florentia illustris matrona sancto Vito reuelante reperit, & ea accipiens honorifice sepeliuit. Passi sunt autem sub Dyocletiano, qui cepit circa annū domini ducentesium octuagesimumseptimum.

GERVASIUS ET PROTASIVS.



Geruasius & Protasius fratres patrem habuerunt Vitalem, qui Rauennę, & matrē Valeriam, qui Mediolani pro Christi fide martyrium tulerunt. Parentum igitur pietatem & fidem æmulantes, post ipsorum mortem iuxta consilium euangelicum omnes suas facultates pauperibus distribuerunt, & seruos quos habebant, libertate donarunt. Quibus rebus & singulari uitę sanctitate commoti gentilium sacerdotes, Christianę religioni infesti, magnū in ipsos odium atq; inuidiam concoeperunt. Cum ergo per id tempus Anastasius comes in bellum proficisceretur, hanc nefariam rationē pios fratres ē medio tollendi sacerdotes iniuerunt, ut Anastasio uelut diuinitus admoniti, psuaderent, negatam ipsi esse decreto deorū uictoriam, nisi Gervasium & Protasium à Christi fide desciscere, ipsisq; dñs sacrificare compelleret. Quod cum Anastasius ab ipsis nec precibus impetrare, nec minis extorquere potuisset, eodem iubente, Gervasius plumbatis tam diu cæsus est, donec spiritum emisit. Protasius uero fustibus primum squissime uerberatus, postremo capite truncatus est. Quorum corpora Philippus quidam uir religiosus ac pius clam sustulit, & in sua domo sepe liuit. Vbi cum diu latuissent, ab Ambrosio episcopo Mediolanensi diuinitus admonito inuenta sunt, & cum magna populi ueneratione in honestissimo & sacro loco reposita. Passi sunt autem Mediolani, XIII. Calend. Iulij.

Ex Romano
breviario.

• iij

Barnabas

DE S A N C T I S
BARNABAS APOSTOLICVS.

*Ex Romano
breuiario.*



Ossephus, qui cognominatus est Barnabas, natione Cy-
prius, ad Christianum dogma gentibus cum Paulo prædi-
candum in Apostolatum extra duodecim assumptus est.
Hic agrum quem habebat uendidit, & attulit precium &
posuit ante pedes Apostolorum. Qui cum missus à Hierosolymitana
Ecclesia euangelizandi gratia Antiochiam peruenisset, ubi Græcorum
aliquot crediderant, uidissetq; gratiam dei, gauisus est, & hortaba-
tur omnes in proposito cordis permanere in domino, quia erat uir bonus, &
spiritu sancto ac fide plenus, et apposita est multa turba in domino. Pro-
fectus inde Tharsum, ut quæreretur Saulum, perduxit ipsum Antiochiā,
& annum totum conuersati sunt ibi in Ecclesia, & docuerunt turbam
multam, ita ut cognominarentur primum Antiochię discipuli Christia-
ni. Qui discipuli prout quisq; habebat, proposuerunt in ministeriū mit-
tere habitantibus in Iudæa fratribus. Quod & fecerunt, mittentes ad se-
niores per manus Barnabæ & Sauli. Qui expleto ministerio, reuersi
sunt à Hierosolymis, assumpto Ioanne, qui cognominatus est Marcus.
Erant autem in ecclesia, quæ erat Antiochiæ, prophetæ & doctores, in
quibus Barnabas & Saulus. Ministrantibus autem illis domino, & ieiu-
nantibus, dixit spiritus sanctus: Segregate mihi Saulum & Barnabam
in opus ad quod assumpsi eos. Tunc ieiunantes & orantes, imponen-
tesq; eis manus, dimiserunt illos. Et ipsi quidē missi à spiritu sancto abie-
runt Seleuciam, & inde Cyprum: multasq; præterea urbes ac regiones
cum magno prædicationis profectu peragrarunt. Postremo Barnabas
à Paulo discedens, ad Cyprum nauigauit, assumpto Marco. Vbi circa
septimum Neronis annum martyrii coronam est adeptus, iij. Idus Iunii.

Eusebius lib. ij. cap. iij. de Barnaba sic refert: Per quos & apud An-
tiochiam florentissima congregatur Ecclesia, in qua erant etiam prophe-
tici ordinis uiri q̄ plurimi, cū quibus & Barnabas, & Paulus, &c. Mox
Paulus uerò & Barnabas, cum ministerio à fratribus collato, quod san-
ctorum usibus deseruiret, Hierosolymam destinantur, &c. Pius lector
reuoluat Acta Apostolorum, ubi de S. Barnaba satis superq; inueniet.

MARCVS ET MARCELLIANVS.

*Ex Romano
breuiario.*



Marcus & Marcellianus fratres, Romæ Diocletiano impera-
tore pro Christi fide in uincula coniecti sunt ab urbis præfes-
cto Chromantio, ad mortemq; damnati, nisi ante diem trices-
simum ad cultum deorum redissent. Ad quos quum Tranquillinus pa-
ter & mater Martia, & pleriq; cognatorum uentitarent, ut ipsos ab
incopto seducerent, à beato Sebastiano confirmati in fide perstiterunt.

Qui

Qui Sebastianus non solum horum sanctorum parentes, sed & Chromantium quoque ad Christi fidem conuertit. Quamobrem Chromantius magistratu ab imperatore priuatus, in exilium missus est. Cui succedens Fabianus, Marcum & Marcellianum deorum cultum aspernantes, post diutinam carceris afflictionem, ad stipitem alligari, pedesque clauis configi iussit. Sed hunc cruciatum quum die ac nocte magno animo Christum laudantes pertulissent, latera transfixi lanceis, martyrum palmam sunt adepti. Quorum corpora a Christianis ablata noctu in uia Ardeatina ad xiiij. Calend. Iulij sepeliuntur.

DE S. IOANNE BAPTISTA.

R

Ex fuit Herodes Iudæa in gente cruentus,
Sub quo seruator iusti, templique sacerdos
Zacharias, uicibus cui templum cura tueri,

Ex Iuuenoo.

Digesto instabat lectorum ex ordine uatum.

Huius inhærebat thalamis nignissima coniunx.

Cura his ambobus parilis moderaminis æqui,

Ambos annexos legis præcepta tenebant,

Nec fuit his soboles iam tot uergentibus annis,

Gratius ut donum iam desperantibus esset.

Sed quum forte adytis, arisque inferret odores

Zacharias, uisus coelo descendere aperto

Nuncius, & soli iussas perferre loquelas.

(Cætera nam foribus plebes astrata rogabat)

Quem tibi terribilis concussit corde pauore

Visus, eum læti sermonis gratia placat.

Nam me propitius rerum pater unicus, alto

E coeli folio tibi nunc in uerba uenire

Præcipit, & chara tibi mox è coniuge natum

Promittit, grandis rerum cui gloria restat

Plurima, qui populis nascendo gaudia quæret,

Sobrius æternum, clausum quem spiritus ipsis

Visceribus matris complebit numine claro.

Istius hic populi partem plerumque docendo

Ad uerum conuertet iter, dominumque, deumque

Continuo primus noscet, plebemque uocabit.

Nomine Ioannem, quem tu uocitare memento.

Illi confusa respondit mente sacerdos.

Æmula promissis obstitit talibus ætas,

Nec senibus soboles poterit contingere fessis,

Quam deus auertens, primæuo in flore negauit.

Hæc trepidans uates, Cui talia nuncius infert:

Si tibi

Si tibi mortalis sobolem promitteret ullus,
 Ad desperandum forsan cunctatio mentis
 Debuerat tardis hærens insistere uerbis.
 Nunc ego, quem dominus coeli, terræq; repletor
 Ante suos uultus uoluit parere ministrum,
 Auribus ingratis hominis, uisusq; receptus
 Summi iussa dei non contemnenda peregi.
 Quare promissis manet irreuocabile donum.
 Sed tibi claudetur rapidæ uox nuncia mentis,
 Donec cuncta dei firmantur munera uobis.
 Hæc ait, & subito tenues se misit in auras.
 Interea populus miracula longa trahebat,
 Quid tantum in templo uellet cessare sacerdos.
 Egressus trepide, numen uidisse supernum,
 Nutibus edocuit, miseræ & dispendia uocis.
 Inde domum remeat, completo ex ordine uates
 Officio, amissamq; leuant promissa loquelam.
 Nec dilata diu uenerunt munera prolis.
 Anxia sed uentris coelabat gaudia coniunx,
 Donec quinque cauam complerent lumina lunam.

DE EODEM.

Ex eodem.



Interea ueteris scripti per debita currens
 Omnia sacrorum series promissa trahebat,
 Zachariæ soboles, desertis uallibus omnes
 Ad deponendas maculas clamore uocabat,
 Fluminis ut liquidi caperent miranda lauacra,
 Quis animi species abluta forde niteret,
 Isaias uates cecinit, quod nunquam iussus
 Vox late resonat desertis uallibus, amplas
 Sternite iam stratas, omnis sit recta uiarum
 Semita, quæ domini plantis calcanda beatis.
 Subsident colles, uallis complebitur omnis.
 Corriget anfractus callis bona linea recti,
 Corporeisq; oculis lumen tractare serenum
 Omnibus indulget genitor, dominusq; salutis.
 Ergo aderant populi, passimq; hinc inde ruentes
 Complebant ripas, auidiq; lauacra petebant.
 Texta Camelorum fuerant uelamina setis,
 Et zonæ pellis, medium cinxere prophetam,
 Edere locustas solitus ruralibus aruis,

M. 12

Et tenuem

Et tenuem uictum præbent syluestria mella,
 Vsq; ubi tot populos diuersis sedibus ortos
 Irruere ad fluuium cernit, sic increpat ore:
 Vipereæ gentis soboles, quis debita uobis
 Supplicia, urgentesq; iras euadere monstrat?
 Sed facite o' miseri fructum (si poenitet) aptum,
 Nec generis uestri tollat fiducia mentes.
 Nam potis est dura superum rex cote creare
 Progeniem, quando soboles sua degener errat.
 Proxima roboreis iam iam radicibus instat
 Cunctorum ante oculos acies sublata securis,
 Cedentur syluæ steriles, ignemq; fouebunt.
 Nunc ego præteritas maculas in flumine puro
 Abluere institui, ueniet sed fortior alter,
 Cuius uincla pedum non sum contingere dignus.
 Abluet ille homines sancto spiramine mergens,
 Flammarumq; globis purgabit noxia corda.
 Illius & manibus ruralis pala tenetur,
 Et propria ipsius purgabitur area frugum,
 Horreacq; implebit secreti copia farris,
 Æternusq; leues paleas populabitur ignis:
 Hæc ait, & properè per syluam passibus ipsum
 Cernit Iordanis ueneranda lauacra petentem.
 Sed uetat increpitans uates, & talia fatur:
 Tunc meis manibus dignaris mergier undis,
 Cum tua me melius possint purgare lauacra:
 Dixit Ioannes. cui talia reddit Iesus:
 Nunc sine, nam decet hoc, sic sancta per omnia nobis
 Iustitiæ consecrandus complebitur ordo.
 Hæc memorans, uitreas penetrabat fluminis undas.
 Surgenti manifesta dei præsentia claret,
 Scinditur auricolor septemplicis æthera coeli,
 Corporeamq; gerens speciem, descendit ab alto
 Spiritus aëream similans ex nube columbam,
 Et sancto flatu corpus perfudit Iesu.
 Tunc uox missa dei longum per inane cucurrit,
 Ablutamq; undis Christum, flatuq; perunctum
 Alloquitur: Te nate hodie per gaudia testor
 Ex me progenitum, placet hæc mihi gloria prolis.

De S. Ioanne Baptista scribit Eusebius histor. eccle. lib. i. cap. xij. in
 hanc sententiam: Verum breui interiecto tempore Ioannes Baptis-
 ta ab Herode, filio Herodis, capite punitur, de quo & in Euangelijs
 t quidem

quidem refertur. Concordi uero testimonio etiam Iosephus de hoc scribit, nominatim etiā de Herodiade, cōmemorans, uelut de coniugio fratris Philippi uiuentis uiolenter abstractæ, & suis ab Herode incestis nuptiis sociatæ, propria & legitima uxore depulsa. Quam Herodiadem filiam dicit fuisse Aretæ regis Arabiæ, propter quam etiam Ioannē Baptistam ab eo cōmemorat interemptum. Bellum quoq; exortum inter Aretam dicit & Herodem, tanq; ob ignominiam filiæ uindicandam. In quo bello exercitum refert Herodis extinctum. Hæc autē ei omnia accidisse propter piaculum, quod in necem Ioannis admisit. Idem quoq; Iosephus iustissimum super omnes Ioannem fuisse, secundum Euangeliorum fidē, & ab Herode propter Herodiadem capite cæsum refert: propter quam etiam regno eum commemorat depulsum, atq; in exilium in Viennam Galliæ urbem, trusum. Hæc in xvij. antiquitatum libro, his ipsis, quibus infra annotatum est, syllabis scribit. Quibusdam autem ludæorum, inquit, uidebatur ideo perisse Herodis exercitum, q; in eum satis iuste ultio diuina cōmota sit pro uindicta Ioannis, qui uocabatur Baptista, quem puniuit Herodes uirum ualde bonum, qui præcipiebat ludæis uirtuti operam dare, iustitiam inter se inuicem custodire, & in deū seruare pietatem, per baptismum in unum coire. Hoc enim pacto baptismum acceptabile fore, si non solum ad abluenda peccata sumatur, uerumetiam ad castimoniam corporis, atq; ad animę iustitiam purificationemq; seruetur, omniumq; pariter uirtutū uelut signaculum et custodia quædam fidelis habeatur. Quæ cum ab eodē per præcepta huiusce modi docerentur, atq; ad audiendum eum per plurima multitudo concurreret, ueritus Herodes, ne fortē doctrinæ eius persuasionē populi à suo regno desciscerent. Videbat enim, q; præceptis eius ac monitis obedire in omnibus plebs esset parata, melius credidit, priusq; aliquid noui fieret, anticipare hominem nece, q; postmodum turbatis rebus seram poenitudinem gerere. Ex sola igitur hac suspicionē Herodis uinctus in castellum Macherunta abducitur Ioannes, ibiq; capite obrūcatur. Hæc tenus de Ioanne. De capite S. Ioannis hæc commemorat *Tript. Hist.* lib. ix. cap. xliij. Eo tempore dicitur delatum Constantinopolim Ioannis Baptistæ caput, quod Herodias petijt ab Herode Tetrarcha. Fertur enim inuentum caput à monachis Macedonianis, qui primum quidem Hierosolymis habitabant, postea uero in Ciliciam migrauerūt. Quum enim ante hoc imperium Mardonius maior domus imperialis nunciasset hoc imperatori, præcepit Valens, caput sacrum Constantinopolim deportari. Qua iussione missi, & imponentes uehiculo deportabāt. Quumq; uenisset ad locum, qui uocatur Pantichium (est em̃ circa Chalcedonem) nequaq; poterat trahi uehiculum, licet multis iumenta affligerentur. Et quum hoc nouum uideretur uniuersis & ipsi simul imperatori, sacrum hoc caput recondiderūt in uico appellato Cosilai, &c. *Legē cetera*

ge cætera in loco allegato Sozomeni. De sepulchro Ioannis Baptiste Hist. Eccle. lib. xj. cap. xxvij. sic tradit: Iuliani temporibus uelut relaxatis frenis efferbuit in omnem sæuitiam feritas paganorum. Ex quo accidit, ut apud Sebasten Palæstinæ urbem sepulchrum Ioannis Baptistæ mente rabida, & funestis manibus inuaderent, ossa dispergerent, atq; ea rursum collecta, igni cremarent, & sanctos cineres pulueri immixtos, per agros & rura dispergerent. Sed dei prouidentia factum est, quosdā de Hierosolymis ex monasterio Philippi hominis dei, orationis illuc causa per idem tempus uenisse, &c. Reliqua, legat presbyter apud Eusebium ipsum. De philosophia heremitica S. Ioannis Baptistæ & aliorum, uide Hist. Tripart. lib. j. cap. xj.

HYMNVS DE S. IOANNE BAPT.

PRæcursores summi regis,
Et præconem nouæ legis
Célebret Ecclesia.

In hac luce tam festiua
Gaude mater, & uotiuā
Deprome præconia.

Huius ortum ueneremur:
Sed nec minus delectemur
In eius martyrio.

Totus mundus sit iucundus:
Nulli martyr hic secundus
Virtute uel præmio.

Non est nostræ paruitatis,
Virum tantæ sanctitatis
Laudare per omnia.

Summa rei recitetur,
Ut affectus inflammetur
Ex eius memoria.

Non arundo leuitatis,
Sed columna ueritatis
Nulla palpat crimina.

Scribas tangit & doctores,
Vocans legis transgressores
Viperæ genimina.

Arguebat hic Herodem,
Nec terretur ab eodem
Ligatus in carcere.

Fert iniuste iustus poenam,
Rem detestans tam obscenam
Regis & adulteræ.

Sæuit in hunc uis tyranni,
Laus accrescit hinc Ioanni,
Tyranno supplicium.

Stultus seruit sapienti,
Quia iustus in præsentī
Purgatur per impium.

In natalis sui cœna,
Capitali plecti poena
Ioannem rex imperat.

Spiculator saltatrici,
Saltatrix dat genitrici
Caput, quod petierat.

Crux præsignat sublimari
Christum, sed hunc minorari
Capitis abscissio.

Mors est iusti preciosa,
Quam præcessit gloriosa
Vitæ conuersatio.

Nos ad laudem tui Christe
Præcursoris & baptistæ
Colimus solennia.

Tu nos ab hac mortis ualle,
Duc ad uitam recto calle
Per eius uestigia.

Adam de S.
Viktore.

t ij

Leo

LEO I.

Ex Platina.



Eo natione Tuscus, patre Quintiano, eo tempore fuit, quo Attila à pugna Catelaunica rediens, in Pannonias comparatis magnis copijs, Italiam hostili manu ingressus, ac primo Aquileiam in limitibus prouinciæ positam, triennio obsedit. Verum cum iam desperatis rebus in eo esset, ut statua moueret, uidissetq; ciconias ex urbe in agros pullos suos deferentes, auspitio motus, adhibitis machinis, miseram ciuitatem acriter oppugnatam, tandem capit, diripit & incendit: nec ulli generi hominum parcat, flagellum Dei se uocitans. Inde Hunni ueluti ruptis claustris per totam Venetiã sese effundentes, urbes omnes occupant, Mediolanum ac Ticinum diripiunt. Iturus deinde Romã infestis signis, cum eo loci consedisset, ubi Mintius Padum influit, amnem traiecturus, uir sanctissimus Leo pontifex calamitatem Italiæ & urbis Romæ miseratus, adhortante etiam Valentiniano, ei fuit obuiam, persuadetq; Alarici exemplo, qui statim Dei iudicio post captam urbem mortuus est, ne ultra progrediatur. Monitis pontificis optimi obtemperans Attila, quod dum simul loquerentur, cernere diuos uiros supra caput suum strictos tenentes gladios, ac mortem minitantes, nisi pareret, uisus est. Ille Petrus & Paulus apostoli putati sunt: inde mouens Pannonias repetit: ubi non ita multo post effundente se ubertim propter ebrietatem è naribus sanguine, moritur. Leo uero ad urbem rediens, totus ad confirmandam catholicam fidem conuertitur, quæ tum potissimum à multis hæreticis impugnabatur, maxime autem à Nestorianis & Eutichianis. Nestorius enim Constantinopolitanus Episcopus, uirginem non Dei, sed hominis tantummodo genitricem dixit, ut aliam carnis, aliam diuinitatis personis personam faceret, & seiunctim alterum esse Dei filium, alterum hominis ostenderet. Eutiches autem Constantinopolitanus abbas, ne sentire cum Nestorio uideretur, diuinam cum humana natura in idem compositum recidisse affirmabat, unumq; factum, nec ullo modo inter se distingui debere. Hanc hæresim cum Flauianus Constantinopolitanus episcopus damnasset, Theodosio annuente, synodus Ephesina indicitur, in qua Dioscoro Alexandrino episcopo p̄sidente, Eutiches restituitur, Flauianus uero damnatur. At Leo mortuo Theodosio in eiusdē locū suffecto Marciano principe catholico, Conciliū Chalcedonense indicit, in quo sexcentorū & triginta episcoporū autoritate decernitur, credendū duas naturas in Christo fuisse, utq; unus idemq; Christus Deus & homo crederetur, ac statim Nestorius & Eutichius nephandus Manichæorum præsul damnarentur. Combusti etiam publicè sunt Manichæorum libri: calcata & depressa est Dioscori superbia atq; hæresis. Interim uero mortuo à suis Valentiniano, Maximus tyrannus imperium occupat, Eudoxamq; quondam Valentiniani uxorem uiolentis nuptijs adiungit. Hanc ob rem Vandalis

dalī ex Aphrica acciti, Genferico duce Romā hostili manu ingressi, Maximum in illo tumultu ab Vrso milite Romano occisum, in Tyberim proiciūt, urbem deripiunt atq; incendunt, Tempła et sacraria spoliāt, nec Leonem pontificem exaudiunt, clamantem & dicentem, ut urbi & templis parcentes, prādā quō uellent abigerent. Abeuntes quartodecimo die post urbē captam, atq; Eudoxam cum filia & ingenti captiuorū numero secum trahentes, in Aphricam reuertuntur. At Leo ad reparandam urbem & templā conuersus, Demetriad ancillam Dei impulit, ut basilicam beato Stephano uia Latina tertio ab urbe miliario in fundo suo conderet. Ipse uero in honorē beati Cornelij episcopi basilicam uia Appia aedificauit. Tempła diffracta restituit, sacrorum uasa comminuta aut ablata uel deuuo renouauit, uel ex integro quoad fieri potuit, restituit. Cameras praeterea treis condidit in tribus basilicis, Iohannis, Petri ac Pauli. Sepulchris quoq; apostolorum custodes addidit ex clero Romano, hos cubicularios appellauit. Praeterea uero monasterium prope sanctum Petrum condidit, constituitq; ut intra actionem mysterij diceretur: Hoc sanctum sacrificium, &c. neue ulla monacha uelamen capitis benedictum acciperet, nisi approbatum fuisset, eam quadraginta annis caste & integre uixisse. Dum autem his curis uir sanctus intentus esset, subito exorta est Acephalorum haeresis: qui ideo Acephali uocati sunt, quia sine cerebro & sine autore habebantur. Hi autem Chalcedonense concilium improbant, proprietatem duarum substantiarum in Christo negant, unam tantum in eiusdem persona naturam praedicantes: quam quidem haeresim epistolis suis eleganter & docte ad Christifideles scriptis accerrime confutauit. Sunt qui scribant Paulinum Nolanæ urbis episcopum, Prosperum Aquitanum uirum doctum, Mamercum Viennensem episcopum in pretio tum fuisse. Primus enim Mamercus (ut aiunt) supplicationes, quas Graeci Ierantias uocant, instituit, ob frequentes terramotus, qui tum maxime Gallias uexabāt. Leo postremo creatis ex institutione sacrorum LXXXI. presbyteris, diaconis XXXI. episcopis sex & LXXX. moritur, ac sepelitur apud sanctum Petrum in Vaticano, IIII. Idus Aprilis. Sedit annis uno & uiginti, mense uno, diebus tredecim.

IOANNES ET PAVLVS

martyres.

Ioannes & Paulus fratres Christianae religionis colentissimi, Ex Romano breuiario. domestici fuerunt Constantiae filiae Constantini magni. Sed cum Iulianus Apostata Imperium exccepisset, factus cerior, hos ex magnis facultatibus, quas illis Constantia reliquerat, pauperes alere, occasionem captabat, eosdem spoliandi. Iubet igitur eos suis domesticis adscribi, non dubitans, illos conditionem religionis gratia

t iij

recusar

recusaturos. Negatibus igitur illis, eius se fore domesticos aut comites, qui à Christiana pietate defecisset, spatiū decem dierum præscribit, quo uel imperata facerent, & Ioui sacrificarent, uel se certe morti pararent. Ipsi uero accepta conditione, bonam partem suarum facultatum pauperibus præscripto tempore distribuerunt. Decima die Terentianus præfectus prætoriae cohortis missus, eos inuenit orantes, à quo quid statuis sent rogati, cum se pro uera religione morti paratos esse respondissent: ille post tertiam noctis horam in domo ipsos, ne fieret tumultus, capite truncauit, ac secreto sepeliuit: rumorq; per urbem ab intersectoribus sparsus increbuit, Ioannem & Paulum in exilium fuisse missos. Sed res enunciata est à dæmonibus, qui corpora quorundam obsidebant. A quibus dæmonibus quum Terentiani filius uexaretur, ductus ad martyrum sepulchrum liberatus est, eoq; miraculo idem & pater ad fidem Christi conuersi sunt, & res tota patefacta. Passi sunt autem Romæ sexto calend. Iulij.

S. PETRVS ET PAVLVS APOSTOLI.

Ex Prædictio



Lus solito coeunt ad gaudia, dic amice quid sit,
 Romam per omnem cursitant, ouantq;
 Festus apostolici nobis redit hic dies triumphi,
 Pauli atq; Petri nobilis cruore.
 Vnus utrunq; dies, pleno tamen innouatus anno
 Vidit superba morte laureatum.
 Scit Tyberina palus, quæ flumine labitur propinquo
 Binis dicatum cespitem trophæis.
 Et crucis, & gladij testis, quibus inrigans easdem
 Bis fluxit imber sanguinis per herbas.
 Prima Petrum rapuit sententia legibus Neronis
 Pendere iussit præminente ligno.
 Ille tamen ueritus celsæ decus æmulando mortis
 Ambire tanti gloriam magistri:
 Exigit ut pedibus mersum caput imprimant supinis
 Quo spectet imum stipitem cerebro.
 Figitur ergo manus subter, sola uersus in cacumen,
 Hoc mente maior, quo minor figura.
 Nouerat ex humili coelum citius solere adiri,
 Deiecit hora, spiritum daturus.
 Vt teres orbis iter flexi rota percucurrit anni,
 Diemq; eundem Sol reduxit ortus.
 Euomit in iugulum Pauli Nero feruidum furorem,
 Iubet feriri gentium magistrum.
 Ipse prius sibimet finem cito dixerat futurum,

Ad

Ad Christum eundum est, iam resoluor, inquit.
Nec mora, protrahitur, poenæ datur, immolatur ense,
Non hora uatem, non dies fefellit.
Diuidit ossa duum Tybris, sacer ex utraq; ripa,
Inter sacrata dum fuit sepulchra.
Dextra Petrum regio tectis tenet aureis receptum,
Canens oliua murmurans fluento.
Namq; supercilio saxi liquor ortus, excitauit
Fontem perennem chrismatis feracem.
Nunc pretiosa ruit per marmora, lubricatq; cliuum
Donec uirenti fluctu & Colymbo.
Interior tumuli pars est ubi lapsibus sonoris
Stagnum niuali uoluitur profundo
Omnicolor uitreas pictura superne tingit undas,
Musci relucent, & uirescit aurum.
Cyaneusq; latex umbram trahit imminentis ostri,
Credas moueri fluctibus lacunar.
Pastor oues alit, ipse illic gelidi rigore fontis
Videt sitire quas fluentia Christi.
Parte alia titulum Pauli uia seruat Ostiensis,
Qua stringit amnis cespitem sinistrum.
Regia pompa loci est, princeps bonus has sacrauit arces,
Lusitq; magnis ambitum talentis.
Bracteolas trabibus subleuit, ut omnis aurulenta
Lux esset intus, ceu iubar sub ortu,
Subdidit & Parias fuluis laquearibus columnas,
Distinguit illic quas quaternus ordo.
Tum Camyros hyalo insigni uarie cucurrit arcus
Sic prata uernis floribus renitent.
Ecce duas fidei summo patre conferente dotes,
Urbi colendas quas dedit togatæ.
Aspice, per bifidas plebs Romula funditur plateas,
Lux in duobus feruet una festis.
Nos ad utrunq; tamen gressu properemus incitato.
Et his & illis perfruamur hymnis.
Ibimus ulterius quâ fert uia pontis Hadriani,
Leuam deinde fluminis petemus.
Transyberina prius soluit sacra peruigil sacerdos:
Mox huc recurrit, duplicatq; uota.
Hæc didicisse sat est Romæ tibi, tu domum reuersus
Diem bis festum sic colas memento.

S. Petrus

S. PETRVS.

Ex S. Hieronymo.



Simon Petrus filius Ioannis, prouinciæ Galileæ, uico Bethsaida, frater Andreæ Apostoli, & princeps Apostolorum, post Episcopatum Antiochenis Ecclesiæ, & prædicationem dispersionis eorum, qui de circuncisione crediderant, in Ponto, Galatia, Cappadocia, Asia & Bithynia, secundo Claudij anno, ad expugnandū Simonem magū Romam pergit, ibique uiginti quinque annis cathedram sacerdotalem tenuit, usque ad ultimum annum Neronis, id est, decimum quartum. A quo & affixus cruci, martyrio coronatus est, capite ad terram uerso, & in sublime pedibus eleuatis, asserens se indignū, ut sic crucifigeretur, ut dominus suus. Scripsit duas Epistolas, quæ Catholicæ nominantur, quarum secūda à plerisque eius esse negatur, propter styli cum priore dissonantiam. Sed & Euangelium iuxta Marcum, qui auditor eius & interpretes fuit, huius dicitur. Libri autem eius, è quibus unus Actorū eius inscribitur, alius Euangelij, tertius prædicationis, quartus Apocalypsis, quintus iudicij, inter Apocryphas scripturas reputantur. Sepultus Romæ in Vaticano, iuxta uiam triumphalem, totius urbis ueneratione celebratur.

Ex S. Hieronymo.



Aulus Apostolus, qui ante Saulus, extra numerum duodecim Apostolorum, de tribu Benjamin, & oppido Iudæe Gischalis fuit, quo à Romanis capto, cum parentibus suis Tharsum Cilicię cōmigravit, à quibus ob studia legis missus Hierosolymam, à Gamaliele uiro doctissimo, cuius Lucas meminit, eruditus est. Cum autē interfuisset neci martyris Stephani, & acceptis à Pontifice templi epistolis, ad persequendos eos, qui Christo crediderant, Damascum pergeret, reuelatione compulsus ad fidem, quæ in Actibus Apostolorum scribitur, in uas electionis de persecutore translatus est. Cumque primum ad prædicationem eius Sergius Paulus proconsul Cypri credidisset, ab eo, quod eum Christi fidei subegerat, sortitus est nomen Paulus: & iuncto sibi Barnaba, multis urbibus peragratis, reuertensque Hierosolymam, à Petro, Iacoboque & Ioanne gentium Apostolus ordinatur. Et quia in Actibus Apostolorum plenissime de eius conuersatione scriptum est, hoc tantū dicam, quod post passionem domini uicesimo quinto anno, id est, secundo Neronis, eo tempore quo Festus procurator Iudæe successit Felici, Romam uinctus mittitur, & biennium in libera manens custodia, aduersus Iudæos de aduentu Christi quotidie disputauit. Sciendū autem in prima satisfactione, necdum Neronis imperio roborato, nec in tanta erumpente scelera, quanta de eo narrant historie, Paulū à Nerone dimissum, ut Euangelium Christi in occidentis quoque partibus prædicaret, sicut ipse scribit in secunda epistola ad Timotheū, eo tempore, quo & passus est. De uinculis dictat Epistolam: In prima mea satisfactione nemo mihi adfuit, sed omnes me dereliquerunt, nō eis imputetur. Dominus autem mihi

mibi adfuit, & confortauit me, ut per me prædicatio compleretur, & au-
dissent omnes gentes, & liberatus sum de ore leonis. Et statim liberauit
me dominus ab omni opere malo, & saluauit me in regnum suum coele-
ste, quod scilicet præsens sibi sentiret imminere martyrium. Nam & in
eadem epistola præmiserat: Ego enim iam immolor, & tempus resolu-
tionis meæ instat. Hic ergo decimoquarto Neronis anno, eodē die, quo
Petrus, Romæ pro Christo capite truncatus, sepultusq; est in uia Osti-
ensi, anno post passionem domini tricesimo septimo. Scripsit autem no-
uem ad septem Ecclesias epistolas, ad Romanos unam, ad Corinthios
duas, ad Galatas unam, ad Ephesios unā, ad Philipenses unam, ad Co-
lossenses unam, ad Thessalonicenses duas. Præterea ad discipulos suos,
Timotheo duas, Tito unam, Philemoni unam. Epistola autem quæ fer-
tur ad Hebræos, non eius creditur, propter styli sermonisq; distantiam.
Sed uel Barnabæ, iuxta Tertullianū, uel Lucæ Euangelistæ, iuxta quos-
dam, uel Clementis Romanæ postea Ecclesiæ episcopi, quem aiunt sen-
tentias Pauli proprio ordinasse & ornasse sermone. Vel certe, quia
Paulus scribebat ad Hebræos, & propter inuidiam sui apud eos, nomi-
nis titulū in principio salutationis amputauerat. Scripserat ut Hebræus
Hebræis Hebraice, id est, suo eloquio disertissime, ut ea quæ eloquen-
ter scripta fuerant in Hebræo, eloquentius uerterentur in Græcum: &
hanc causam esse, q̃ a ceteris Pauli epistolis discrepare uideatur. Legunt
quidam & ad Laodicenses: sed ab omnibus exploditur. Laudes S. Pau-
li legat religiosus presbyter in tribus illis elegantiss. libellis diui Ioannis
Chrysostomi, quorum est titulus: De laudibus Pauli. Adeoq; totus
Actuum Apostolicorum liber, quid aliud est, nisi historia Petri & Pau-
li: Legisse uero nō satis sit, nisi etiam nostro pro modulo, quæ legimus,
imitemur. Nec aliō spectat hic labor noster. Verum ei qui plura de san-
ctiss. Apostolis Petro & Paulo legere concupiscit, ostendimus Egesip-
pum lib. iij. cap. ij.

S. SEPTEM FRATRES MARTYRES.



Rescente rabie persecutionis in Christianos, septem fratres Ex Romano
breniario.
Romæ sub Antonio Pio martyrio coronati sunt. Cum enim
delatum fuisset ad Cæsarem, ab his deos blasphemari, Chri-
sti fidem palam confitentibus, datum est negotium Publico præfecto,
ut eorum causam iudicaret. Qui primo blandis uerbis, deinde ter-
roribus ac minis instat, ut abnegato Christo dijs sacrificarent. Felicis-
tas autem eorum mater constantia plus q̃ uirili: Si Christum, inquit, o
iudex nosceres, eiusq; magnitudinem intelligeres ac diuinitatem, desi-
steres haud dubie, pios homines a religione ipsius oratione impia sub-
ducere. Qui enim Christianis maledicit, deo maledicit in cordibus eorū
habitant. Et ad filios conuersa, ipsos ut neq; cruciatus perhorrescant,
u neq;

nec mortē propter fidem in Christum recusent, adhortatur. Igitur frater iudex, ad filiosq; conuersus, cum uideret eos in fide immobiles permanere, nec promissis nec minis a sententia reuocari, in carcerē eos trudit, & Cæsari rei ordinē exponit. Ille uero omnes morti tradit. Primus igitur eorū Ianuarius plumbatis cæsus expirauit: Felix deinde, & Philippus fustibus necant; Syluanus præcipitio: Alexander cum alijs duobus capite truncatur, vj. Idus Iulij: Mater item quarto post mense gladio percussa, martyrii palmam adepta est. Quam Gregorius octies martyrem appellat. Passa est enim septies in septē filijs, & demum in corpore proprio.

S. PIVS EPISC. ROM.

Ex Platina.

Pius natione Italus, patria Agleiensis, patre Ruffino, M. Antonini Veri tempora attigit, qui tum unā cum L. Aurelio Commodo fratre annis decem & nouem imperium æquo iure administravit. Bellum autē contra Parthos simul susceptum, admirabili uirtute & felicitate gesserunt, de hostibusq; triumpharunt. Verū non ita multo post apoplexiæ morbo e medio sublato Commodo fratre Antoninus, solus imperium obtinet: quem certē ob eius præstantem in omni genere uirtutis animum mirari facilius, q̃ laudare licet. Hic em̃ & quia a teneris annis eiusdem animi eiusdemq; uultus in quauis fortuna semper est habitus: & quia benignitas naturæ cum doctrina a Colatino Frontone oratore habita in eodē uiro certabat, ab omnibus philosophus merito appellatus est, Platonis sententia, quam semper (Capitolino teste) in ore habuit sæpius repetita: tum demum florere ciuitates, si aut philosophi imperarent, aut imperantes philosopharentur. Adeo autem doctrinæ auidus fuit, ut imperator etiam Apollonium philosophum, & Sextum Plutarchi nepotem legentem audiuerit. Frontonis quoq; præceptoris statuam, honoris causa in senatu collocauit. Hoc tempore Pius pontifex consuetudinem, et quidem magnam, cum Hermete habuit, qui librum scripsit, titulo pastoris insignitum. Quo quidem in libro angelus pastoris personam induens ei mandat, ut omnibus persuadeat, pascha die dominico celebrari: quod etiam fecit. Constituit item Pius, ne hæreticus quispiam ex Iudæorum hæresi susciperetur, & baptizaretur. Rogatu primo Praxedis sanctissimæ foeminæ thermas Nouati in uico patricij in honorē sororis suæ diuæ Pudencianæ dedicauit. Multaq; dona huic templo obtulit, ac sæpius eodem in loco sacrificium deo præstitit. Vbi & fontem baptismi constituit, ac benedicens consecrauit, multosq; uenientes ad fidem in nomine trinitatis baptizauit. Illis quoq; poenam constituit, qui negligentes sunt in atrectando Christi sanguine & corpore: Pœnitentiam (inquit) agant quadraginta diebus, quorum negligētia in terram aliquid ceciderit: si super altare, tribus diebus: si super lintheum, quatuor: si in aliud lintheum, nouem diebus. Vbicunq; decide

deciderit, si recipi potest, lambatur: sin secus, aut lauetur, aut radatur: lotum & rasum, aut comburatur, aut in sacrarium reponatur. Huius tempore in precio est habitus Apollinarius Asiae Hierapolitanus Episcopus, qui insigne uolumen de fide Christi M. Antonino secundo tradidit. Scripsit & in Cataphrygas, qui tunc etiam cum Priscilla & Maximilla insaniebant uaticinantes: incipiente tamē Montano, quorum omnium hæc erat opinio: aduentum spiritus sancti non in Apostolis, sed in se traditū fuisse. Illis quoque temporibus laudabatur & Tatianus uir doctissimus, quādiu ab opinione Iustini martyris præceptoris sui non discessit. Nam postea inflatus opinione sui nouam heresim condidit, quā postea Seuerus auxit, unde Seueriani appellati. Hi uinum non bibunt, carnes fastidiunt, & uetus Testamentum ac resurrectionē non recipiunt. Præterea uero Philippus Cretenſis episcopus præclarum contra Marcionē librum hoc tempore edidit. Nam (sicuti dixi) Marcionistæ Cerdonis dogma sequebantur. Scripsit & Musanus librum contra quosdam, qui ad Eucratitarum hæresim declinabant: horum quidem opinio cum Seuerianis conuenit. Omnem enim coitum spurcū putabant, cibosque damnabant, quos deus generi humano proposuisset. At uero Pius ubi in ordinationibus suis, quæ quinque fuere, mense decembri presbyteros decem & nouem, diaconos unum & uiginti, episcopos decem creasset, moritur, & apud beati Petri corpus in Vaticano sepelitur, quinto Idus Iulij. Sedit uero annis undecim, mensibus quatuor, diebus tribus.

VISITATIO MARIE VIRGINIS.

Plena deo mater, foetuque animosa latenti
Trans iuga, trans altos saxosa cacumina montes
Se tulit ad sera fecundam prole parentem,
Cognatamque nurum partus uisura beatos,
Virgineoque sinu paruum strictura nepotem.
Dumque uiam, carpit pedibus calcata pudicis,
Gestit immensum tellus, & dulcia longo
Tempore seruauit presso uestigia dorso.
Tota uenustatem regio mirata decusque
Ætheriæ frontis, fulsumque per ora pudorem.
Attulerat sextum grauidæ iam Delia mensem,
Et pleni languebat anus sub pondere uentris.
Hæc erat Hismeræ claro fata sanguine, magni
Zachariæ coniunx, cui nomen Elizabeth: annis
Iam grauis, hæc longo sterilem se fleuerat æuo.
Oranti tandem diuūm data munere proles
Indice porrecto demonstratura Tonantem:

uñ

Et

DE S A N C T I S

Et lotura sacro uenientem flumine turbam.
 Et consanguineas iunxerunt oscula matres
 Mutua, & iniecti strinxerunt colla lacerti:
 Grandior afflatu uicini numinis infans
 Gestit, & subito Dominum confessus honore
 Maternam insolitis concussit motibus aluum.
 Tunc anus aduentu charæ lætata puellæ,
 Et succensa Deo, dixit: Tu'ne illa propago
 Expectata diu nobis, promissaq; nostris
 Patribus, & sacro uatum celeberrima cantu,
 Quam mea iam sero genuit matertera partu?
 O decor, o summo facies dignissima coelo:
 Te tandem terris superi ostendere: quid ultra
 Tristia primæuæ flemus conuiuia matris?
 O ueterum spes longa patrum spectabilis alman
 Quæ reparas aurora diem, quæ distulit ortus
 Nox tam longa tuos: quæ caussa ignota sub umbris
 Hoc illustre iubar tenuit, nec protulit ante
 Lumen olympiacum radios: o quanta sepultos
 Cura tui proauos tenuit: panduntur ab alto
 Æthere foelices anni: noua nascitur ætas.
 Sydera tu mundo referas: tu Tartara claudis:
 Tu genus instauras hominum, profugamq; paterno
 Soluis ab exilio gentem.
 Fortunata parens, foelix quoq; uiscere sancto
 Progenies, sanctaq; puer qui clauditur aluo.
 Non erit hæc tua uana fides: nec muneris huius
 Latorem frustra credendum est æthere missum.
 Ipse pater, qui coepit opus, formabit ad unguem:
 Irrita nec tantæ fient exordia laudis.
 O me foelicem, tua quod licet ora tueri.
 Consuluit, uulnus & uirgo, medicamina uirgo
 Contulit: illa necis, dedit hæc primordia uitæ.
 Illa tulit belli causas: hæc semina pacis.
 Hæc anus. At senior, uocis cui clauferat usum
 Imbecilla fides, cano uenerabilis ore
 Signa dabat: flexaq; dei ceruice parentem
 Hospitio suscepit ouans: oculisq; manuq;
 Æthera monstrabat prius, & mox hospitis aluum
 Regia parthenice diuino afflata calore,
 Lucundum cecinit carmen.
 Id quanquam nostro non est tractabile uersu,

Subjiciam

Subijciam tamen & sensum, non uerba reponam.

Magnifice regem mea mens extollit Olympi,

Deus exhilarat sancto mea uiscera plausu.

Vedit enim pectus supplex, humilemque ministram:

Ingenticque meos uestiuit numine sensus.

Propterea uentura canent me cuncta beatam

Sæcula: namque modis in me surgentia miris

Omnipotens rerum miracula suscitatur auctor.

Ipsius aeterno clementia flumina torrens

In genus omne fluit: sicut de Doridis aluo

Perpetui uoluunt plenae uada cursibus amnes.

Explicuit forti uires, animumque lacerto

Atque suo elatas dispergens robore gentes.

Eruit excelsos, humilesque in sceptrum uocauit.

Esuriem saturans inopum: dimisit inanes,

Qui terræ rimantur opes: diuina uidentes

Suscepit miserans pueri genus: atque fidele

Semen, ut antiquis responsa parentibus olim

Habraamo natusque dedit, prolique nepotum.

S. IUSTINVS MARTYR.

Iustinus Neapoli natus, in Palestina philosophus fuit Plato ^{ex S. Hieronymo,} ^{onymo,} nicus. Qui factus Christianus plurima studiorum suorum monumenta pro fide Christiana posteritati reliquit. Et in his apologeticum librum pro Christianis ad Anthoninum Pium, & alterum ad successorem huius Anthoninum Verum. Item duos libros contra Paganos. Hic quum in urbe Roma frequenter pro fide Christi disputasset, & Crescentem quendam Cynicum (moribus & professione uere canem) multa in Christianos conuicia iactantem, sæpe redarguisset, ab eodem accusatus, quod Christianus esset, capiteque damnatus, martyrio coronatur. Quod ita futurum martyr ipse prædixerat in defensione secunda, quam pro Christianis ediderat. Passus est autem Imperantibus Marco Aurelio Vero & Anthonino eius filio, Idibus Aprilis. De S. Iustino uiro clarissimo, & homine Dei, sic tradit Eusebii historia: Sed & Iustinus fidelissimus nostræ Philosophiæ sectator, & in Græcorum disciplinis eruditissimus, scribens ad Anthoninum Apologeticum pro nostra religione librum, horum meminit, ita dicens: Non mihi uidetur absurdum, meminisse in his etiam de Antinoo quod nuper gestum est, quem omnes timore principis quasi Deum colere coeperunt, cum bene nouerint, quis, qualis uel paulo ante fuerit, & unde duxerit genus. Idem quoque ipse etiam Iudaici belli, quod tunc gerebatur, memoriam faciens,

u iij talia

talía quædam refert : Etenim in hoc, quod nunc geritur, bello Iudaico, Barchochabas princeps Iudaicæ factionis, Christianos solos, nisi negarent Christū, tanq̃ blasphemos ad supplicia rapi iubebat. In q̃bus lib. etiam de conuersione sua, quam habuit, à gentili philosophia ad ueræ religionis fidem, quod non absq̃ probabili ratione & exanimato iudicio ad hæc conuersus sit, hoc modo scribit : Nam & ego ipse, inquit, sectis Platoniciis institutus, audiens infamari Christianos, & uidens eos impauidos ad suscipiendam mortem, atq̃ omne supplicium tollerandum, considerabam, quod impossibile esset, in malitia eos, & in libidine conuersari. Quis enim aliquando uoluptuosus, & luxurijs deditus, & qui humanis carnibus uesci delicias putet, mortem libenter amplectitur, quo scilicet ipsa confestim careat, pro qua infirmari maluit uoluptate? Hæc lib. iij. cap. viij. Idem Eusebius de S. Iustino cap. xvj.

Cum quibus & uir mirabilis, de quo paulo superius fecimus mentionem, Iustinus, cum secundo iam librum pro religionis nostræ defensione cōscriptum, temporis illius iudicibus obtulisset, remunerationem linguæ fidelis & eruditæ, martyrij munus accepit, quodam philosopho Crescente nomine, cane tam professione quàm moribus, dolos uiro insidiasq̃ tendente. Quoniam quidem sæpe cum eo disputans, auditoribus medijs, non solum obtinuerat eum, uerum & uehementius ueritate sibi suffragante confuderat : unde & uictoriæ suæ palmam, martyrium percepit à domino. Hoc autem ita futurum, etiam beatus ipse, uerus philosophus ueritatis in ea defensione, quam ab eo cōscriptam supra diximus, aperte, sicut erat futurum, prophetica mente prædixit, his uerbis : Nam & ego, inquit, spero me ab aliquo horum, quibus pro ueritate obisto, insidias esse passurum : spero baculo aut claua feriendum : certè uel à Crescente hoc, non philosopho, sed φιλοκόμω, id est, non amatore sapientiæ, sed amatore iactantiæ. Neq̃ enim dignum est, philosophum nominari eum, qui de his quæ nescit, publice protestatur : & Christianos sine Deo esse, & impios dicit, ad gratiam & libidinem eorum, quos in errore positos, ipse in maioribus laqueis erroris inuoluit. Si enim ignoratur ab eo Christi doctrina, & ea arguit quæ ignorat, nequissimus est, & imperitis multo nequior : quia & imperiti uel idiotæ obseruant, ne disputare audeant de his quæ ignorant, & de illis testimonium perhibere, quæ nesciunt. Si uero legit, quæ apud nos scripta sunt, & aut non intellexit eorum uirtutem, aut intellexit quidem, sed dissimulat, ne & ipse suspectus habeatur in talibus, multo nequior & detestabilior iudicandus est, qui imperiti uulgi captans fauorem, ueritatis ac pietatis quam probat, hostis existit & proditor.

Diuisio

DIVISIO APOSTOLORVM

Domini Iesu.



Postoli sese in orbis partes intulerunt, quantum narrat histo-
ria, Bartholomæus in Indos, Thomas tetendit in Parthos. *Ex Eucherio Lug. Episco.*
Matthæus Æthiopes, Andreas Scythas prædicatione molli-
uit. Ioannes Asiam diuino sermone correxit, Petrus Cappadociam atq;
Galatiam, Bithyniam pariter & Pontum, prouinciasq; confines, dum
Iudæis prædicat, circuit: Postremo Romam illustraturus accessit. Pau-
lus ab Hierusalem usque Illyricum cum Euangelio repleuisset, tam in-
numeras ac dispares nationes præceptis tanq; armis uictor edomuit.

APOSTOLORVM NOMINA

accuratius excussa.



Mononymi horum sunt quatuor, uidelicet Andreas, Ioannes, *Georg. Vini*
Philippus & Bartholomæus. Reliqui omnes sunt uel dinom- *celij.*
ynymi uel trinonymi. Dinonymi, Iacobus Maior, qui idem di-
citur filius Zebedæi Matth. x. Mar. iij. Iacobus Minor, qui idem dici-
tur filius Alphæi. Matth. x. Mar. iij. Luc. vi. Act. j. Dicebatur idem Iu-
stus, & Oplia, id est, armatura. Matthæus qui fuerat Telones, qui idem
dicitur Leui filius Alphæi, haud dubium, quin alterius et diuersi à prio-
re Alphæo Iacobi Minoris patre Marc. ij. Neq; enim fratres germani
erant Iacobus & Matthæus. Thomas, qui idē dicitur didymus Ioan. xx.
tamen si idem nomen uideri poterat, diuersa nimirum lingua pronuntia-
tum. Nam quod Hebræi Thom seu Thomas, hoc Græci διδυμος uo-
cant, Latine Gemellum dicimus. Trinonymi sunt: Simon, qui idem
Kananæus dicitur Matth. x. & Zelotes Act. j. Neq; tamen usque adeo
aliud est, cognominari Kananæum, aliud Zelotem, siquidem quod He-
bræi Kanani seu Cananæū, hoc Græci κλώτω dicunt, nos æmulatorem.
Dictus uero est Simon ille Cananæus, non q; fuerit de gente Canaan,
sed à uico Galilææ Cana Ioan. ij. Simon alter (nam duos Simones ha-
bet Apostolicus ordo) is cognominatus fuit Cepha, & idem Petrus,
imò etiam Barlona seu filius columbæ. Verum & hoc loco consistit no-
minum uariatio in linguarum diuersitate. Nam quod Chaldæi Cepha,
hoc ipsum Græci πέφρα uocant, nos saxum. Pari ratione dicitur puella
illa Act. ix. Tabita & eadem Dorcas, scilicet ab intuendo, tamen si iuxta
originale rectius legitur Tabeia. Ultimus Iudas, qui iam Lebbæus, iam
Thaddæus cognominatur Matth. x. S. Lucas uocat hunc Iudam Iaco-
bi cap. vi. & Act. j. Iudam Iacobi fratrem, exponens nimirum quod ante
dixerat Iudas Iacobi. Haftenus de nominibus Apostolorum. Cæte-
rum nonnulli ex Apostolis sanguine ac necessitudine coniuncti fuerunt.
Simon enim Cepha seu Petrus & Andreas fratres erant ex Galilæa orti.
Iacobus Maior & Ioannes fratres & ipsi erant, quorū pater Zebedæus,
mater

mater Salome. Duo isti apud Marcum cognominationem habent Beneregesch seu Benaiaregesch, id est, filij tonitruj à firmitate & magnitudine fidei, teste Hieronymo. Quin fratres etiam erant illi Iacobus Minor, Simon & Iudas, horum pater Cleophas, & mater Maria, quæ dicebatur soror Mariæ deiparæ Ioan. xix. Verum aut Cleophas ille cognominatus fuit Alphæus, aut Alphæus secundus maritus Mariæ huius fuerit oportet. Libet uero hos duos Simones epithethis discernere, sicut duos ille Iacobos: Ita ut alterum Maiorem, nempe Simonem Petrum uocites, alterum Minorem, uidelicet Simonem Zelotem. Discernuntur etiam duæ Iudæ, dum alter Lebbæus à corde, alter Iscariotha à mercede appellatur. In cuius locum suffectus Matthias, quem Francisc. Picus in carmine Donatum uocat, interpretans nimirum latine, quod Hebræis Matthi dicitur Act. j. Idem nomen Matthæus habet, nisi quod in fine syllabis distinguuntur Matthias & Matthæus.

DE APOSTOLIS EX TERTVLIA

no lib. iij. contra Marcio.

SUper autem duodecim Apostolos elegit, & non alium quemlibet numerum? Næ & ex hoc meum Christum interpretari possem, non tantum uocibus prophetarum, sed et argumentis rerum prædicatum. Huius enim numeri figuras apud Creatorem præhendo: Duodecim fontes Elim, & duodecim gemmas in tunica sacerdotali Aaronis, & duodecim lapides ab Iesu de Iordane electos, & in arcam testamenti conditos. Totidem enim Apostoli portendebantur, proinde ut fontes et amnes rigaturi aridum retro & desertum à notitia orbem nationum: sicut & per Esaiam: Ponam inter iniqua flumina. Proinde ut gemmæ illuminaturæ, sacram ecclesiæ uestem, quam induit Christus pontifex patris. Proinde ut & lapides solidi fide, quos de lauacro Iordanis Iesus uerus elegit, & in sacrarium testamenti sui recepit. Hactenus Tertull. Plura ex eodem de Apostolis uide in festo Omnium sanctorum.

IN DIVISIONEM APOSTO-

lorum.



Rigenes in explanatione Genesis: Thomas sortitur Parthos, Matthæus Æthiopiam, Bartholomæus Indiam citeriorem, Iohannes Asiam, Andreas Scythiam, Petrus Pontum, Galatiam, Bithyniam, Cappadociam. Paulus ab Hierosolymis usque ad Illycum, euangelio Christi cunctos repleuit, alij uero uel per hæc, uel per alia loca, secundum quod spiritus sanctus uoluit dimittuntur, sicut propria eorum gesta habent. De quibus fortasse ideo tacuit Origenes, quia uita & actus eorum minus autentici sunt, uel ab hæreticis & impostoribus conscripti. Hactenus ex Haimone.

Nomen

ECCLESIAE DEI. CLXXIII
 NOMENCLATURA LXX. DISCIPV

lorum domini Iesu: è libro non malo, cui
 titulus: Cultura Vineæ

Dominicæ.

Discipuli Christi, quorum nomina scripta sunt in coelis, qui fuerunt, non legitur in canone sacrorum Bibliorum. Sed ut illi in maiori deuotione habeantur, per quos stabilita sunt fundamenta militantis Ecclesiæ, quantum potui in gestis quibusdam antiquis inuenire, hic exprimam. Martialis Cephas, cuius duæ extraneæ Epistolæ. Cleophas Luc. xxiiij. Lucas, iuxta Gregor. Ioseph Barsabas. Matthias Act. j. Ioseph cognomento Barnabas. Stephanus protomartyr, Act. iij. Philippus ille. Prochorus. Nicanor. Simon. Parmenas, de his Act. vj. Nicolaus Antioch. Andronicus. Iulias Ro. xvj. Agabus Act. xxj. Ananias Act. ix. Thaddeus, non Apostolus, sed de quo apud Euseb. li. j. cap. xv. Simon alius. Epænetus, postea Carthag. Epaphras, teste Hierony. Amplias Episc. Ediss. Urbanus Episc. Macedon. Apelles Episc. Oratheæ. Aristobulus Episc. Bethaniæ. Narcissus Episc. Athenarū. Rufus Episc. Cæsariens. Asmeretus Episc. Hyrcaniæ. Phlegon Episc. Machachonen. Hermes Episc. Dalmaciæ. Patrobas Episc. Ponellorum. Hermas Episc. Philopoleos. Agapus Episc. Ephes. Philologus Episc. Sinopensis. Lucius Episc. Laodiciæ in Syria. Sospater Episc. Iconij. Iason Episc. Thars. Erafter &c. Nereus. Amphieus Smyrne. Herodion Rom. xvj. Stachys. Lucius Iconiensis. Syluanus Episc. Thessalo. Sosthenes, de quo ad Corinth. Apollos. Linus Episc. Roman. Cæsar, Philipp. iij. Epaphroditus. Iesus cogn. Iustus Corios. iij. Tychicus. Artemas. Clemens. Onesiphorus. Carpus. Erodius. Aristarchus, ad Philemo. Zenas. Aristarchus Act. xxvj. Philemon. Philetus, ad Timot. Hermogenes. Demas, postea reprobus: cum duobus prioribus. Pudens Timoth. iij. Trophimus. Crescens. Sauinianus. Potentianus. Altimus. Maximianus &c. Horum nomina uel ob hoc celebria, & in templis Christianorum merito decantata sunt, quod S. Apostoli Pauli testimonium habent. Vere sancti uiri, uere discipuli Christi Iesu, per quos Euangelium diuulgatum est, non sine uitæ innocentia, & mortis contemptu.

DE LXXII. DISCIPVLIS EXTAT HOC

apud Volaterranum lib. 19.

LXXII. Discipulorum Christi nomina, hæc sunt: Lucas & Cleophas qui in Christum peregrinum inciderunt, ut plane Grego. in proœmio moralium sentire uidetur. Ambrosius alium à Luca putat. Barnabbas: Matthias: Taddæus qui ad agrum missus est: alter ab Apostolo. Hi Eusebio lib. pri. ponunt: Sequentes uero Abbati Dorotheo. Septemante omnis primi, Diaconi: Stephanus protomartyr. Philp
 x pus is

pus is qui Eunuchum Christianum fecit: præsul in Thracia. Proculus præsul Nicomediæ. Nicanor qui una cum Stephano interfectus. Parmenas. Nicolaus Samariæ præsul deinde pro hæretico Ioanni taxatur. Simon præsul Tyri ac Sidonis: Qui diaconi in Actibus Apost. narrantur. Insuper Ananias Pauli, qui postea Damasci præsul fuit. Titus Pauli, qui in Creta præsul & sepultus fuit. Syluanus Thessaloniciæ præsul & sepultus: cuius ut comitis Paul. ad Thessal. prima meminit. Crisces Chalcedoniæ præsul. Andronicus præsul in Pannonia. Ampliatus præsul Edeffæ. Urbanus præsul in Macedonia. Staheus quæ Andreas in Thracia præsulem constituit. Apelles Heracleæ præsul, qui omnes ad Rom. cap. xvj. memorantur. Philetus uel Philegus Ephesi præsul: sensit ea quæ Simon magus, restitit & Apostolo, ut ad Timo. xj. Herogenes Megaræ præsul. Dimas, qui tres à fide descuerunt, ut ad Timoth. xj. & Ioan. ex nobis prodierunt inquit: sed ex eis non erant. Ampliatus Smyrnæ præsul ante Polycarpum, ut ad Ro. Aristobulus Bethaniæ præsul. Narcissus Athenarum præsul. Heraclytus præsul: & ipse de his omnibus ad Rom. xij. Cicis in Gallia nunciauit euangelium. Agabus qui prophetico chrismate dignus fuit: de quo in Acti. Rufus Thebarum. Asyncritus Hyrcaniæ præsul. Phlegontias. Patrobas. Hermes Philopoleos. Linus qui postea pontifex: de quo xj. ad Timoth. iij. Caius Ephesi præsul. Philologus ab Andrea præsul Sinopensis factus. Liphatus qui Romæ simul cum Paulo uinctus, & post eum capite cæsus. Lucius Laodiceæ Syriæ. Iason Tharsi. Sospater Iconij. Erastes Meandri. Quartus Beriti. De his omnibus ad Rom. xvj. Apollo, ad Co. primo. Sosthenes Colophonis apud eundem. Epaphrodytus, de quo ad Phi. iij. Titicus Colophonis item præsul: ad Col. iij. Cæsar Dyrrachij præsul ad Phi. iij. Marcus Barnabbæ consobrinus Apolloniadis. Iesus cognominatus Iustus Centipoleos præsul, de quo iij. Eccl. histo. Antomas. Clemens præsul Sardicensis, postea pontifex: primus ex gentibus Christianus. Onesimus Coroneæ præsul. Carpus præsul Cheroneæ. Enodius Antiochiæ post Petrum præsul. Aristarchus Apameæ præsul, ad Col. iij. Marcus qui & Io. Biblij præsul, ut in Actib. xij. & ij. ad Tim. iij. Zimas uel Zenas Diospoleos ad Timo. iij. Philemon Gazæ præsul, ad quem Apostolus scribit Epistolam. Pudeus ij. ad Timo. iij. Trophimus de quo ibidē. Hi tres Apostolo semp præsto fuere, ac post eum Romæ & ipsi cæsi. Marcus Euangelista. Candaces eunuchus Æthiopis natione in Arabia & Traprobana Euangelium nunciauit, de quo in Actib. viij. Hi Dorotheo qui Romæ scripsit commemorantur. Polycarpo autem & Vincentio qui sequuntur. Sauinus, Potentianus, Altinus, Maximus & Ioannes senior, in martyru quoq; libro ponunt. Aristion. Rufus. Zozimus. Priscus. Iosephus cognominatus Iustus, qui cum Matthia in sortem positus. Nason, Silas Corinchi præsul. Euphrates

phrates, de quo ad Col. iij. Martialis Lemouicensis præsul. Sidonius uel Cedonius cæcus natus, sepultusq; cum Maximino. Lazarus Massiliæ præsul. Vrsinus ad Bituriges missus: is Nathanaël ille qui Christo probatus fuisse dicitur. Iulianus apud Cenomannos Euangelium nunciavit: qui Simon leprosus esse fertur. Sed & his plures longe reperiuntur, si obseruabimus ea, quæ Paulus scribit, prima ad Cor. xv. Dominum plus quam quingentis fratribus apparuisse.

DE APOSTOLIS ET MARTYRIBVS.

ex Francisco Pico Mirandulano.

Restant bisseñi diuinis uiribus hostes,
Imbelles, inopes, despecti, prorsus egentes,
Mortali auxilio uacui, sed flammeus oris

Fulgor, & ardentis linguæ pila aurea, mentes

Humanas clara nimium penetrantia luce.

His tandem telis Romana potentia cessit,

Cessit & illa prius, quæ garrula turba sophorum

Obstitit, siluitq; lubens, uocemq; repressit.

Nam post innumeras cedes, tormentaq; sæua

Romani procures fuso cum sanguine, apertis

Pectoribus, pueros bellaces fundere turmas

Spectarent, semenq; alijs haustum esse cruorem

Victori Christo statuunt sublime trophæum.

At crucis ligno Ausonios summittere falces,

Et clauis in Latiam iuuat inclinare securim.

Sic postq; uario demens problemate lusit

Turba deum cultrix, postq; rude uincere cultum

Eloquij genus aspexit, conuertit in almæ

Obsequium fidei linguam, Christoq; dicauit.

Quod genus hoc pugne? quænam hæc uictoria cœli

Regnator? lethum letho contundis inermi.

Armatae pereunt acies infante, superbus

Eloquij cultor prosternitur, omnia calcat,

Omnia dispellit, spretoq; triumphat in orbe,

Quem trahis afflatu supero, & perfundis amore.

Atq; hinc crudeli discerptus uiscera rege

Martyr ouat, rigido laceratus membra theatro.

Gliscit, & extreme scandit penetralia sedis.

Ebrius hoc potu Tarsensis Paulus ab ense

Plectitur exultans, calicem poturus amarum

Gestit Ioannes, feruentis dolia oliui

Frigidus insiliens, nec læsus membra calore.

x ij

Extens

DE SANCTIS

Extenditq; alacer, figendaq; brachia lætus
 Porrigit Andreas, uersaq; sub arbore pendet
 Et caput in terram simili sub stipite Petrus
 Præbuit, atq; lubens protendit in aëra plantas.
 Et lapides Stephano dulces torrentis amari
 Mancipijs scelerum. iucunda incendia Laurens
 Suscipit empyrea multum irroratus ab unda.
 Atq; per arduas prunas illæsus abibat
 Maiores in corde ferens Tyburtius ignes.
 Propterea fornax uastis cum follibus auras
 Carbonum iactu pulsaret percita lætus
 Hanc nudis calcans pedibus: tam dulcia dixit
 Tormenta, & læuas tam non comburere flammæ
 Quàm si calcaffet roseos per compita flores.
 Hinc etiam pellem Ptolemæi filius ardens
 Deposuit, uestes alius perpeffus & alti
 Culmina deiectu templi dimensus amore.
 Quid memorem Decij creberrima funera regis?
 Quid referam fœdo tot iam lacerata Nerone, &
 Præbita luminibus nocturnæ lampadis instar
 Corpora: quæ miseræ in fœlix meditatus halosis.

DIVISIO APOSTOLORVM.

Hinc excelsa Pharos humili deiecta Simone,
 Prostratæ turres ardentis fulmine linguæ
 Quum Marcus Libyci uoces de morte Leonis
 Dispergens, baculo Pellæi moenia regis
 Contudit, & Lagi populos sub mystica traxit
 Iura Dei, & lacerum templis detrusit Osirim.
 Hinc agros Syriæ tum sorte Philippus amœnos
 Ingressus, fractis Martem pepulisse sacellis
 Dicitur, & diro contracta peste draconis
 Ægros afflatu reuocasse ad munia uitæ.
 Hinc & Matthæus Solymæ durissima gentis
 Corda uirum supero primum spiramine flexit,
 Moxq; iugo Macedonum colla obluctantia leni
 Subiecit, nigrosq; dehinc peruectus ad austrum
 Æthiopes docuit, &c.
 Inde Lycaoniam Ptolemæi filius ense
 Diuini eloqui discurrens, feruidus Indos
 Accessit, &c.

Indorum

Indorum ad tumulum Thomas perrexit, Hydaspem
Spectauit tumidum, &c.

Tum Solymos Donatus adit, Solymosq; Iacobus,
Tumq; senex uarios Andreas fudit Achæos,
Cuius congressum metuens Pateræus Apollo
Aufugit, &c.

Nam Paulus Cyprum, Illyrium, mollemq; Corinthum
Vicit, & Ausonias proceres, dominumq; senatum.
Cappadocum fines, Galatas, Bithynnaq; rura
Perdomuit Petrus, Romæ quoq; frena superbæ
Imposuit, &c.

SYMPHOROSA.

Symbura Symphorosa matrona sanctissima, uxor fuit Getuli
martyris, ex quo septem filios ad martyriū procreauit, uidelicet *Ex Romano
breviario.* Crescentium, Iulianum, Nemesium, Primitinum, Iustinū,
Stactæum, Eugeniū: cum quibus in persecutione Adriani capta est pro
pter Christianæ fidei professionem, omnesq; multis affecti supplicijs, ut
à uera pietate discederent. In qua cum immobiles permansissent, Sym
phorosa in præterfluentem fluuium, saxo ad collum appenso, præcipi
tata est, & interempta: cuiusq; corpus ab Eugenio, ipsius fratre, sepultu
ræ datum. Postridie uero, qui fuit decimoquinto Calend. Augusti, sep
tē fratres singulis stipitibus alligati sunt: & Crescētius per guttur ferro
trāsfixus, Iulianus per pectus, Nemesius per cor, Primitinus per umbi
licū, Iustinus membratim dissectus est, Stactæus multis lanceis cōfixus,
Eugenius à pectore in partes inferiores scissus. Ipsorum autem corpora
in fossam quandam præaltā deiecta sunt in uia Tyburtina milliario ix.

S. PRAXEDIS.

Praxedis uirgo uenerabilis, Pudentis Romani filia, amissis pa
rentibus, tanta cura & cōstantia Christianorum cōmoditatib; *Ex Romano
breviario.* bus inserviebat, ut multos sanctorum pauperum suis opibus
aleret, aliorum necessitatibus, quoad poterat, provideret. Exorta uero
Christianorū sub Marco Antonino imperatore psecutione, exæstuans
uirgo beata, nō destitit fideles omni ratione fouere. Itaq; alios domi oc
cultabat, alijs necessaria submittebat, alios ad fidei cōstantiam hortaba
tur, martyrum corpora mira sollicitudine collecta sepeliebat. Tantā igit
tur Christianorū stragem cum sine summo dolore ferre nō posset, pre
cata deum, ut se tantis ē malis eriperet, exaudita est. Et egregiæ suæ pieta
tatis atq; laborum præmia perceptura, migravit ad dominum duodeci
mo Calend. Augusti. Cuius corpus Pastor presbyter iuxta patrē & so
rorem Potentianam, in cœmiterio Priscillæ, uia Salaria sepeliuit.

x in

Vita

DE S. A. N. C. T. I. S.
VITA S. SIMPLICII ET FAVSTINI
 fratrum, ac Beatricis sororis eorundem.

Georg. Vvici-
 celi.



Temporibus tyrannorum Diocletiani & Maximiani inuenti inter alios Euangelij professores sunt duo uiri Christiani, Romano nati sanguine, adeoque stemmate senatorio, Simplicius & Faustinus, qui maiore zelo accensi, magna pro Christo fecerunt, aliorum martyrum exhortatores simul & martyres ipsi effecti, trunca-
 ta gladio corpora illorum in Tyberim coniecta, posthac à Beatrice sorore, testibus presbyteris, aquis exēpta, honorifice tumulata sunt. Quopie facto, insurrexit tyrannico furore plenus Lucretius quidam, in uirginem Beatricem, quæ constanti animo Christo quoque suo spiritum inter carnificis manus læta tradidit.

Miror hic nullo uerbo attingi Fuldensē cœnobium, in cuius basilica horum sanctorum corpora in thecis quiescere dicuntur. Vetus-
 tissimus Martyrologij codex manu scriptus eadem ferè habet, quæ ego hic ex Bibliotheca Fulden-
 si decerpſi.

MARGARETA VIRGO ET MARTYR.

G. Vvici-
 celi.



Antiochena puella, pagani sacerdotis filia, temporibus Diocletiani & Maximiani Herculei sanctissimū agona pro Christiana religione felicissime perfecit. Etenim anno ætatis suæ xv. cum iam rudimenta Euangelicę fidei affatim imbibisset, protinus ad certamen & coronam uocata fuit. Olibrius huius forma insigni captus, tyrannus ille & carnifex, pudicum corpusculum, quo frui non licuit, exquisitis cruciatibus dilaniauit. Recusantem enim dñs dæmonibus sacra facere, loris cædi, deinde in sancta persuatione obdurantē, in eculeo suspensam, ungulis ferreis secari, præterea ignibus aduri, aquisque suffocari, postremo gladio decollari iussit. Vicerat patronū nefarii erroris doctis sermonibus, hominis obiectiones apertè refutans: Vicerat draconis in specie diabolum apparentē in carcere: Vicerat in igne inque aqua mortem intentatam, non humano, sed diuino præsidio. Et mirum dictu est, quæ prijs precibus, etque sacra scriptura usurpatis, fuerit usæ contra maximas tentationes, quibus exercebatur, & ab hominibus & à dæmonibus. Fortia uerba Christianissimæ puellæ: Occide, incende, bestijs obijce, interficere poteris, à Christi charitate separare non poteris. Et iterum: Mihi deus meus adiutor est, minas tuas non metuo. Signaculo crucis in fide magna facto, perrupit omnia aduersa uirgo prudentissima. Calcauit aspidem & basiliscum uirtute inuocati Christi amatoris. Tot triumphis æditis confirmandæ pariter & coornandæ religioni, ferro truncata sanctam exhalauit animam. Tenellum corpus, in quo laniando spiculatorum

rum manus defatigatæ fuerāt, à Theotimo quodam Christiano in pres-
dio matronæ cuiusdam Antiochenſis piè humatum eſt, regnante Do-
mino noſtro Ieſu Chriſto, cui laus in ſæcula.

S. MARIA MAGDALENA.



Oſt dominus Phariſæa petens conuiuia cœnæ,
Orantis dapibus ſeſe impertiuuit amici.

Ex ſedula.

Tunc mulier, quam fama nocens, & plurima uitæ
Mordebant delicta ſuæ clementia ſupplex
Corruit amplectens uestigia, quæq; profuſis
Irrigat incumbens lachrymis, & crine ſoluto
Nec tergere ſacras, nec ceſſat lambere plantas,
Vnguento fragrante fouens, ſententia donec
Læta dei, quem ferre manum non poenitet unquam,
Si nos poeniteat ueterem quæſiſſe ruina:
Vade, fides mulier tua te ſaluauit ab omni,
Dixiſſet quodcunq; malo geſſiſſe uideris.
Vtere pace mea. Magna eſt medicina fateri
Quod nocet abſcondi. Quoniam ſua uulnera nutrit,
Qui tegit, & plagam trepidat nudare medenti.
En polluta diu, modicum purgata receſſit
Per gemitum, proprièq; lauans ſe gurgite fletus,
Munda ſuis lachrymis redit, & deterſa capillis.

DE S. MARIA MAGDALENA,

ex Franciſco Petrarcha.



Ecit idem Maria poſt peccatum. Non enim in populis lon-
gum conſpici, aut habitare in palatijs elegit: ſed patriam fugi-
ens, in has terras uelut in orbem alterum delata, perſeueran-
ter latuit hîc in ſinem, & pro domo habuit nudâ & concauam illam ru-
pem, quam uidiſſe te arbitror: neq; enim procul hinc abeſt, & locus eſt
ſacro quodam horrore uenerabilis, ac uiſitari de longinquo etiam non
indignus, ubi & ſæpe me fuiſſe, & tres olim noctes, totidemq; dies, non
ſine uoluptate alia, q̃ quæ in urbibus capi ſolet, exegiſſe memini. Illic dul-
cis ac foelix Chriſti hospita non ornantium ſeruitio puellarum, ſed ob-
ſequentium miniſterio angelorum uiuens, ac moriens uſa eſt. At nihil
tale fecit Martha ſoror, dicat aliquis, & tamen ſancta eſt. Non inficior
id quidem: ſed certè multo ſanctior Maria, quæ id fecit. Hæc Petrar-
cha, qui & plurimū deuotus huic ſanctiſſimæ fuerat: in cuius honorem
& carmina quædam ſepulchro ipſius fecit appendi, quæ iam ſubſcribere
re haud indignum duximus. Sic enim incipiunt:

Dulcis

DUlcis amica Dei, lachrymis inflectere nostris,
 Atque meas intende preces, nostraque saluti.
 Consule, namque potes: neque enim tibi tangere frustra
 Permissum, gemitumque pedes perfundere lactos,
 Et nitidis siccare comis: ferre oscula plantis,
 Inque caput domini preciosos spargere odores,
 Nec tibi congressus primos a morte resurgens,
 Et uoces audire suas, & membra uidere,
 Immortale decus, lumenque habitura per æuum,
 Nequicquam dedit ætherei rex Christus Olympi.
 Viderat ille cruci hærentem, nec dira pauentem
 Iudaicæ tormenta manus, turbæque furentis
 Iurgia, & insultus, æquantes uerbera linguas:
 Sed moestam, intrepidamque simul, digitisque cruentos
 Tractantem clauos, implentem uulnera fletu:
 Pectora tundentem uiolentis candida pugnīs:
 Vellentem flauos manibus sine more capillos.
 Viderat hæc, inquam, dum pectora fida suorum
 Diffugerent pellente metu, memor ergo reuisit
 Te primam ante alios, tibi se prius obtulit uni:
 Te quoque digressus terris, & ad astra reuersus,
 Bis tria lustra cibi nunquam mortalis egentem
 Rupe sub hac aluit: tam longo tempore solis
 Diuinis contenta epulis, & rore salubri.
 Hæc domus antra tibi stillantibus humida saxis
 Horrifico tenebrosa situ, tecta aurea regum,
 Delitias omnes, ac ditia uicerat arua.
 Hic inclusa libens longis uestita capillis,
 Veste carens alia ter denos passa decembres
 Diceris, hic non fracta gelu, nec uicta pauore,
 Namque famem, frigus, durum quoque saxa cubile,
 Dulcia fecit amor, spesque alto pectore fixa.
 Hic hominum non uisa oculis, stipata cateruis
 Angelicis, septemque die subuecta per horas,
 Cœlestes audire choros, alterna canentes
 Carmina, corporeo de carcere digna fuisti.

S. IACOBVS APOSTOLVS.



Eusebius de hoc Zebedei filio Iacobo reliquit hæc in literis:
 In illo autem tempore (sine dubio tempus, quod sub Clau-
 dio fuit, cum fames erat, designat.) immisit, inquit, Herodes
 rex

rex manus suas affligere aliquos de Ecclesia, & interfecit Iacobum fratrem Ioannis gladio. De hoc autem Iacobo Clemens Alexandrinus etiam historiam quandam dignam memoria, in septimo dispositionum suarum libro, scribit, perlatam usque ad se ex traditione maiorum: Quoniam quidem, inquit, & is, qui obtulerat eum ad martyrium, Iacobum scilicet, motus etiam ipse confessus est, se esse Christianum. Ducti sunt, inquit, ambo pariter ad supplicium: & cum ducerentur, in uia rogauit Iacobum, dare sibi remissionem. At ille parumper deliberans: Pax tibi, inquit: & osculatus est eum. Et ita ambo simul capite plexi sunt, lib. ij. cap. ix.

Diuus Hieronymus in uiris suis sic scribit de hoc apostolo: Iacobus Zebedei filius, duodecim tribubus, quæ erant in dispersione, omnibus prædicauit Euangelium domini nostri Iesu Christi. Interfectus est autem gladio ab Herode tetrarcha Iudæorum. Apud Theodoretum cap. vij. legimus de miraculis Iacobi episcopi Antiochiæ in Mygdonia, quæ uocant Syri & Assyrii Nisibin, &c.

VITA S. CHRISTOPHORI.

Dicitur de genere Cananorum ortus, cuius statura fuerit xij. cubitorum. Venit gentilis adhuc in ciuitatem Samon, tempore Dagni regis, sed diuinitus conuersus, multam hominum turbam conuertit ad fidem Iesu Christi, quem constanter prædicauit, credulumque populum frequenter tinxit: duxit ad poenitentiam par metreticum, Niceam & Aquilinam, quas cum nonnullis aulicis Dagnus & uiuis sustulit. Christophorus post multas uerborum cum rege pugnas de deo uiuo contra uanos deos, &c. exquisitis tormentis cruciatus, tandem capite truncatus est. De transitione per mare, & alia quæ pinguntur, nullam syllabam legi.

ANNA Mariæ MATER.

Anna diu uanos secum plorauerat usus
Connubij, sterilemque thorum, tristemque Hymenæum:
Propterea duplicescit manus, frontemque supinam

Attollens, humili superos ita uoce precata est:
Numina, quæ regitis cœlos, quæ uoluitis astra:
Vos penes est genus omne boni; uos omnia rerum
Semina seruat: greminum telluris inane est,
Et sine fruge solum, nisi sumat ab æthere uires,
Siue per astrorum cursus, radiosque calentes:
Siue dei solo (qui temperat omnia) nutu.
Venimus ad canos, frigescentemque senectam,
Et nostræ sine prole dies abiere iuuentæ:
Longa infœlicis thalami consortia sine

y

Claudio

DE SANCTIS

Claudimus infausto: uir pluribus exulat annis,
 Conspectus hominum fugiens: domus orba magistro
 Fluctuat, amisso ceu naui in æquore clauo.
 Currimus in fatum, tacitisq; recedimus annis:
 Mortuaq; ætatis pars est iam maxima nostræ:
 Pallida præteriti spacium mors occupat æui:
 Quod superest expectat hyans, iam plena meorum
 Terra cadaueribus, consanguineosq; sepulchra
 Vix capiunt, soli steriles seruamur in omne
 Dedecus, & certè breuis est fœlicior æui
 Condicio. Primo deus indulgisse parenti
 Creditur, & fragilli bene consuluisse senectæ,
 Cum uetuit primos iterum decerpere fructus,
 Et fruges gestare, quibus produceret annos.
 Nam quod longa dies homini, nisi longa dolorum
 Colluuiēs, longi patientia carceris ætas
 Longior, est cursus uitæ labyrinthus: in ipsum
 Ex utero ingredimur, per limina mortis abimus
 Iam capulo instamus: nec est qui lumen claudat,
 Ossale componat tumulo, tepidisq; sepulchrum
 Fletibus irroret: nobiscum it tota sub umbras
 Progenies: nec erit nostris qui marmora signet
 Nominibus: desertā domus tabescet, & istas
 Longui sudoris opes, quas legimus ambo
 Pluribus obsequiis, hæres ignotus habebit,
 Nobiscumq; cadent nostri monumenta laboris.
 Cernite communes amborum numina curas,
 Et seruate genus: cernant se in stirpe parentes,
 Et sua natorum uideant in uultibus ora.
 Sint qui nos facie referant, gestuq; nepotes.
 Progenimq; suam nostro de nomine dicant.
 Sint qui nos proauos numerent, & stemmata longo
 Limite deducant, iterataq; nomina ponant.
 Pignora longæuæ concedite numina matri,
 Quæ celebres ad uestra ferant altaria cultus.
 Pinguibus & priscum donis imitentur Abelem,
 Sæpius à uobis hoc exorasse precando
 Antiquas est fama nurus, & supplice uoto
 Collapsū genus atq; domos seruasse cadentes,
 Sic alacer Samson, sic & formosus Ioseph,
 Sic puer Isaac satus est, & filius Annæ,
 Qui primum liquido regem perfudit oliuo.

Talibus

Talibus orabat sterilis, gemituq; sonoro
 Crebra dabat longos inter suspiria planctus.
 Audiit omnipotens, animumq; in uota precesq;
 Flexit, & infuso caluerunt uiscera foetu,
 Coepit & humanos paulatim sumere uultus
 Semen, & in nostram sensim transire figuram.

ANNA MATER MARIAE.

Ex Erasmo
 Rotrod.

S Alue parens sanctissima,
 Sacro beata coniuge,
 Sacratione filia,
 Nepote sacratissimo.

Domo quid hac illustrius?
 Ornatus ue? Quæ altera
 Tam multiplex habuit decus?
 Tantum una monstrorum tulit?

Hic hic maritum annis grauem
 Effoeta anus facit patrem.
 Est uirgo foeta filia,
 Nepos dei uerbum, ac Deus.

Gener pudicus se negat
 Partus parentem uxoris,
 At integram iurat, neq;
 Riuale pallet suspicax.

Ergo Anna mater optima,
 Cumulatus multo tuas
 Lachrymas deus solatus est,
 Quam uel Rebecca, uel Saræ,

Vel illius, quæ te refert
 Et rebus, & uocabulo,
 Quæ dum silenter anxij
 Proferret æstus pectoris,

Visa est Heli multo mero
 Amens, parumq; sobria.
 At te pio cum coniuge
 Amore prolis annua

Templis ferentem munera
 Procax sacerdos reppulit,
 Heus, inquit, hinc mihi ocyus
 Prophana uota tollite.

Ipsimul procul procul
 Aris sacris absistite,
 Vestran' deo donaria

Futura grata creditis?
 Quorum pudendæ nuptiæ,
 Præter libidinem nihil,
 Luxum & senilem scilicet,
 Tanto tulere tempore?

Quo se locorum uerterent,
 Vultus pudentium coniugum,
 Repulsa quos tam foeda, tam
 Insignis exanimauerat?

Ioachim pudorem non ferens
 Gregum ad frugum pascua
 Se proripit, tristis suam
 Recepit Anna se domum.

Largis uterq; fletibus,
 Votisq; pertinacibus
 Orare non cessat deum,
 Ut probe probum tolleret.

Coelum penetrarunt preces,
 Adest ab astris angelus,
 Qui prole promissa, graues
 Luctus iuberet ponere.

Surgunt alacres, inuicem
 Narrare uisa gestiunt,
 Porta maritus aurea
 Sequitur autem coniugem.

Offendit hic lætus stupor,
 Dulces utriq; lachrymas
 Excussit, hinc modicos lares
 Iunctis reuifunt gressibus.

Haud uana uox oraculi,
 Lusit piam senum fidem,
 Bis luna nata quinquies
 Anum uidet puerperam.

Tanto quidem foelicius,
 Foecunda quanto serius

y ij Fit

Fit Anna filiae parens,
 Nec filiae cuiuslibet,
 Sed filiae, quae fertilis,
 Eademque uirgo gigneret
 At quem beata gigneret?
 Summi parentis filium,
 Qui sceptrum terrae & aetheris
 Cum patre habet communia,
 Qui deus & idem homo, necis
 Autore uicto per necem,
 Vitam reduxit mortuis,
 Aperuit in coelos iter.

O terque quaterque, & amplius
 Parens beata, nam potes,
 Iuuare preces mortalium,
 Tuo uacantum cultui,
 Nam te patrona
 Speramus assequi, modo
 Voles, uoletque & filia.
 Nec huic petenti pusio
 Negare quicquam nouerit.
 Amat parentem filius.
 Nec filio negat pater,
 Amans & ipse filium.

A M E N.

VITA CAROLI MAGNI, RE-

ligiosi Caesaris.

Ex Plutar-
cho.

Carolo Francorum regi, cui postea ex magnitudine rerum gestarum Magno fuit cognomen, patrem fuisse tradunt Pipinum regem, qui primus in Francos (sicuti quidam scriptores memorie prodidere) liberam dominandi potestatem habuit: cum superiores Francorum reges angustis conditionibus septi, ea lege uiuerent, ut magis nomine & inani titulo, quam dignitate regia potirentur. Nam opes ac potentia regni, & omnium rerum administratio ad praefectos regiae domus (sic enim eos uocitabant) communi consensu deferebatur. Hi domini militiaeque summam potestatem habentes, populos pro suo arbitratu regebant, de omnibus controuersis decernebant, praemia poenasque constituebant. Quibus fiebat, posthabitis regibus, non soli essent qui in summo honore haberentur: hunc uero magistratum, qui apud Francos amplissimus habebatur, consequi non poterant, nisi praecipua nobilitate uiri, & qui regibus essent necessitudine, aut propinquitate coniuncti. Pipinus igitur hac dignitate, quam ueluti hereditariam a patribus suis acceperat, multis annis egregie functus, maximam sibi apud omnis generis homines tum famam, tum beneuolentiam comparauit: quibus postea factum est, ut cum Franci ac Rom. Pontifex Hildericum regem a dominatione ueluti inutilem semouissent, hunc potissimum diligendum putarent, cui communi sententia regnum decernerent. Sic igitur Pipinus auctoritate Pontificis & Francorum decreto plena dominandi potestate suscepta, reliquam deinde uitam publicis pariter ac priuatis rebus egregiam duxit. Regnauit annos quindecim, cuilibet superiorum regum belli pacisque artibus & gloria par. Huic succedere superstites filii duo, Carolus, & Carolomannus, aequae regno inter se partito. Sed non multo post defuncto Carolomanno, Franci eam regni partem quam ille possederat, Carolo fratri detulerunt: Cuius uitam et mores, & res egregie gestas

has literis mandare constitui, ut memoriam tanti uiri, tamq̃ preclare de nostra patria meriti, quantum ego possem, ab obliuione hominum atq̃ à silentio uindicarem. Primum igitur (ut à rebus gestis narratio nostra exordiumumat) satis exploratū habemus, Carolum regem extemplo post Pipini obitum aduersus Aquitanos bellum gessisse. Aquitania pars Galliæ est, quæ antiquorū descriptione, à Garumna flumine ad Pyrenæos montes, & ad eam partem Oceani, quæ ad Hispaniam pertinet, spectat, inter occasum solis & septentrionē. Hanc prouinciam Pipinus superato Vaisario duce, post longum bellum ditioni suæ penē subiecerat. Deinde Pipino Vaisarioq̃ sub unum propē tempus defunctis, Hunuldu uir potens, ex eorum morte (ut plerunq̃ fit) occasionem nactus, bellum quod antea penē cōfectum uidebatur, renouauerat, iamq̃ ferē Aquitaniam totam ad defectionem compulerat. Carolus uero ubi hæc quæ in Aquitania gerebantur, cognouit, nullam moram interponendam ratus, ingenti celeritate exercitu comparato, obuiam Hunuldo progreditur. Primo aduentu conatus illius facile reprimuntur, nec multo postea commisso prælio, Carolus hostem superat, exercitum fundit, fusum persequitur, nec prius uictoriæ modum imponit, quàm Hunuldu ex omni Aquitania pulsum, in proximam regionē, quam nunc Wasconiam uocant, compelleret. Lupus, qui huic prouinciæ dominabatur, propinqui ac familiaris uiri misericordia motus, Hunuldu ad se fugientem comiter hospitaliterq̃ accepit. Euenire enim solet, ut principum afflictæ fortunæ facile eorum opes ad misericordiam alliciant, qui sunt in simili dignitate ac potentia constituti. Verum Carolus cum non minorem uictoriam in capiendo hoste, quàm in subigenda Aquitania collocatam putaret, traiecto Garumna flumine, ac exercitu propius admoto, legatos ad Lupum misit, qui dicerent, ut nisi Hunuldu hominem infestum nomini Francorum q̃ primum ad se adduxerit, se eum hostis loco habiturum. Lupus his mandatis uehementer commotus, ac ueritus, ne potentissimū regem totamq̃ belli molem, quam sustinere non potuisset, in se unum conuerteret, salutare sibi ac gratum Carolo consilium cepit. Nulla enim interposita mora, Hunuldu simul & seipsum unā cum prouincia Caroli potestati permisit. Sic igitur Carolus in Aquitania compositis rebus belloq̃ citius omnium opinione confecto, cū uictore exercitu in regnū reuertitur. Post Aquitanicum bellum Hadrianus Ro. ecclesiæ pontifex à Desiderio Longobardorum rege uehementius, q̃ uires suæ paterentur, oppressus, quum proprijs præsidijs Ecclesiæ statum tueri non posset, oratores ad Carolum misit, qui multis precibus eum rogarent, ut Ro. ecclesiæ in summo periculo constitutæ opem & auxilium ferret, ac Pipini patris, Caroliq̃ Martelli, qui olim in Italia aduersus hanc nationem egregie pugnauerant, memoriam renouaret. Carolum multæ res hortabantur, quare pontificis defensionem sua

y iij scipien

sciendam, & Longobardorum audaciæ quacumq; ratione occurrendum putaret. In primis quod nō ignorabat, caput Christianæ fidei rem Romanam esse, eiꝫ tam graui bello laboranti non subuenire, turpe simul ac periculosum esse censebat. Indignabatur præterea, quod barbaræ gentes tandiu in Italia regnarent, & à maioribus suis sæpe prælijs uictæ nondum contineri possent, quin pontificibus Romanis contra ius fasq; ultro bellū inferrent. Quare his rebus, anteq̃ ulterius augerentur Longobardorū uires, quamprīmū occurrendū ratus, legatos ad Desideriū mittit, qui eum hortentur, ut finem iniurijs faciat, ab armisq; discedat, ac omnia oppida, quæ aut ui occupata essent, aut sponte ad eum defecissent, pontifici Rom. restituat. Hac si fecerit, sibi perpetuam gratiam atq; amicitiam cum eo fore polliceātur: Sin uero, quod facturus uidebatur, mandata neglexerit, ei suo nomine bellum indicant. Dum legati proficiscuntur, interim Carolus non segnus, q̃ si hostes in Gallia essent, exercitum parat, nullam proficiscendi moram facturum, si Desiderium regem perseuerare in bello cognouerit. Hæc expeditio per omnem Galliam uulgata adeo grata cunctis Francorum populis erat, ut iam palam uociferaretur, maturandum in Italiam esse, toties à se uictam Longobardorum gentem uires resumere, condiciones acceptas negligere, semper bella ex bellis serere, itaq; nunq̃ quieturam, nisi eorum nomen penitus deleatur. Sic igitur omnium animis in expectationem belli erectis, legati à Desiderio redeunt, nuntiantes omnia ibi hostilia esse, regem maius quam ante bellum moliri: & quantum coniectura assequi possunt, nunquam iniurijs finem facturum, nisi cum sibi uires & arma ad inferendam iniuriam desint. Carolus his rebus uehementer cōmotus, maturandū sibi existimauit, ne anteq̃ Rom. pontifex opprimeretur, q̃ ei ferre subsidiū posset. Itaq; re frumentaria, cæterisq; ad bellum necessarijs q̃ celerrime potuit comparatis, magnis itineribus in Italiam contendit. Sed multa huic suæ festinationi aduersabantur, montiū altitudo, locorum angustie & penè inuij saltus, per quos miles onustus armis, & impedimenta exercitus ducenda erant. Accedebat, quod Alpium iuga prælijs hostium tenebantur. Miserat enim Desiderius, qui occupatis oportunis locis, quantū possent Francorum transitum prohiberent. Hæc cum ita essent, Carolus tamen non ignarus, res præclaras, labores maximos, maxima quoq; pericula sequi, suos hortatur, ut quoad locorum angustia patiantur, seruatis ordinibus ire ad hostem pergant. Appropinquant Alpij iugis, nunciatum est, hostes relictis angustijs se in planum recepisse, seu metu perterritos, seu quia tutius faciliusq; esse arbitrentur, descendentem ab Alpibus Carolo cum omnibus copijs confestim occurrere. Vix ad Desiderium perlatum erat, Francorum exercitum post paucos dies in Italia fore, cum Carolus superatis iam Alpibus, in agrum Taurinum descendit, ubi primum Hannibalem Carthaginensem alpes transgressum

gressum cum omnibus copijs constitisse tradunt. Eo in loco Carolus paucis diebus refecto milite, cum per exploratores præmissos certior factus esset, Desiderium regem prope Vercellas castra habere, ac ibi cum ingenti exercitu aduentum expectare, nihil ultra differendum ratus, ex Taurinis mouit, atq; continuatis castris in agrum Vercellensem peruenit. Erat Carolus uirtute militum & rei militaris peritia longe superior, multitudine ac numero hominum à Desiderio uincebatur. Cum propè in conspectu exercitus essent, facta utrinq; potestate pugnandi, prælium cōmisere. In ea pugna superati Longobardi in fugam uertuntur, magna parte suorum amissa. Desiderius postq; suos passim fusos fugatosq; conspexit, citato gradu Papiam, quæ caput regni erat, tum paucis militibus petit. Nec segnius Carolus, priusq; se hostes ex terrore fugaq; reciperent, regem persequutus, in agrum Ticinium exercitum ducit, ex temploq; omnibus copijs ad mœnia regiae urbis admotis, tentat si primo impetu capi posset. Vbi id parum processit, consiliq; ab oppugnanda urbe ad obsidendam uersis, sub ipsis mœnibus castra locat, subsidiaq; firma ne qua eruptio fieri possit, portis apponit. Ceterum cum satis constaret Desiderium regem priusq; deditionem faceret, paratū esse etiam ultima experiri, Carolus parte copiarū ad obsidionem relicta, ipse cum reliquo exercitu ad transpadanos contendit. Ibi ciuitates permultæ audita fama uirtutum suarum, rebusq; prospere gestis, certatim ad eum deficiunt. Sed quod in primis ei gratissimum fuit, filij Carolomani, qui ex templo post mortem patris malo consilio temeritatem matris sequuti, ad Desiderium regem perfugerant, sponte in sua castra uenerunt, ac se suaq; omnia potestati Caroli permiserunt: à quo benigne excepti, magnocq; affecti honore, etiam in posterum filiorum loco habiti sunt. Post hæc Carolum quum studio salutandi Pontificem, tum desiderio uisendi celeberrimum beati Petri templum, Romam profectum, ac incredibili honore ab Hadriano susceptum, post paucos dies ad obsidionem rediisse comperio. Erat obsidio uehemens, & frumenti cum summa caritate inopia, sedendoq; expugnaturos se urbem spem Franci habebāt. Oppidani contrario inessis omnibus uis per quas cōmeatus ex proximis locis subuehebantur, diffidebant inopiam diutius ferre posse, rem tamen quantum poterant producebant, beneuolentia aliq; aliq; metu Desiderij regis compulsi. Postremo spe quoq; non solum cibo deficiente, cum famem ulterius tolerare non possent, sexto mense q; obsideri sunt coepti, deditionem faciunt. Capitur Desiderius una cum uxore ac liberis, quem ultimum Longobardorum regum in Italia regnasse tradunt. Tunc enim summo beneficio Caroli Italia se primum erexit, quæ antea diutiusq; uicttricem omnium gentium prouinciam decuit, Barbarorum immanitate oppressa iacuerat. Nam post sedem Romani imperij Byzantium translata, Gotthi primi barbarorum, diuersis deinde temporibus

tribus Hunni, Vandali, Heruli, postremi omnium Longobardi, ueluti in uacuam possessionem ruentes Italiam inuasere. Eam gentem tradit fama ab oceano Germaniæq; ultimis oris, unde illis haud dubie origo fuit, nouas quærentem sedes in proximas regiones transisse, ac Vandalos, Herulos, Gepidas, aliasq; finitimas gentes, Ibore et Aione ducibus, sæpe bello superasse, mutatisq; frequenter sedibus, tandem intra Pannias constitisse. Inde Albuinus eorum rex, accersitus ab Narsete eunuchus (ut quidam memoriæ pròdidere) cum præter Longobardorum multitudinem uiginti quandoq; Saxonum millia spe optimarum sedum exciuisset, profectus ingentibus peditum equitumq; copiis in Italiam uenit, breuicq; Vicentiam, Veronam, Mediolanum, ac omnis penè citioris Galliæ urbes partim peste, partim Gotthorū cladibus exinanitas, ad deditionem compulit. Papia uero cum tres annos obsidionem tulisset, tandem & ipsa fama domita, Barbarorum imperio cessit. Nec ambigitur, quin idem rex paucis annis totam Italiam subegisset, ita omnia apud Italos perdita erant, nisi sexto supra triennium mense postq; Italiam ingressus est, apud Veronam interisset, dolo uxoris Rosemundæ necatus. Huic successit Dephon insignis nobilitate uir, Albuino nequaquam uirtute par, sed crudelitate ac immanitate naturæ longe superior. Eo quoque intra biennium uita functo, Longobardi decem deinceps quentibus annis nullum sibi regem creauere, siue superbia proximi regis huic generi dominationis infensi, siue gubernationem suorum ducum utiliorem rati, qui iam per omnem Italiam uagantes ita impigre bellum gerebant, ut nunq; eo tempore sit regia desiderata potestas. Sub his ducibus adeo creuere Longobardorum opes, ut Hetruria, Flaminia, Piceno, Samnio, alijsq; regionibus subactis, omnem Italiam à Brundisio Tarentoq; usq; ad Alpes tenerent, præter urbem Romam, quæ constat in huius gentis potestate nullo unquam tempore deuenisse. Finito decennio, reditum est rursus ad pristinam cōsuetudinem creandi reges, seruatumq; deinceps per omne tempus usq; ad Desiderium, qui ultimus Longobardorum regum in Italia fuit. Quo debellato (ut supra memorauimus) Carolus Magnus grauem eius gentis dominatum quarto & ducentesimo anno quam regnare inceperant, à ceruicibus Italarum dimouit, ac omnes ciuitates quæ ad Desiderium proximo bello defecerant, recuperatas Pontifici Ro. restituit: Beneuentanum quoq; ac Spoletanum agrum adiecit. Quibus meritis Hadrianus pontifex, cum nullum maius grati animi indicium posset ostendere, conuocato frequenti Episcoporum cœtu, eximioq; celebrato concilio, multis ac maximis priuilegijs eum ornauit. Carolus confecto Longobardorū bello, potentissimo rege capto, cum alia quoque magni ponderis animo moliretur, nullam moram interponendam putauit, quin in Galliam confestim rediret. Saxonicum quippe intermissum bellum eum domū reuocabat, quod

quod eo biennio anteq̃ Carolus ad liberandum Romanū pontificem in Italiam ueniret, & inceptū simul, & à præfectis eius per id tempus leniter administratum comperio. Quo magis adducor ut uirtutem uiri ac animi magnitudinem admirandam putem, quod posthabitis ferocissimis hostib. relictoq̃ domestico bello, rem suam neglexerit, ut Italiā ecclēsiāq̃ Romanā, qua omniū Christianorū salus continebat̃, ab immanitate barbarorū liberaret. Saxonū gens longe maxima erat, ac etiam bellicolissima penē Germanorum omnium. Hi falsos colentes deos, cum neq̃ diuini neq̃ humani iuris quicq̃ pensi haberent, nihil æque, ac religionē nostram hominesq̃ ei deditos oderant. Proximi erant Franci, cum quibus continenter bella gerebant. Sæpe prælijs uicti conditiones acceperant, obsides dederant : sed nondū apud Francos erat inuentus, qui domita penitus eorum perfidia, plenissimā esset uictoriam consequutus. Hæc palma cum Carolo Magno quasi diuino numine reseruata uideretur, nō solum cōsilio principes, sed passim omnes clamorib. agunt, ut aduersus perpetuos Francorum hostes totis uiribus arma sumantur. Carolus uero tempus uenisse ratus, in quo non modo Barbarorum hominum audaciam frangere, sed etiam eorum regnum, quod multo antē animo agitauerat, funditus euertere possit : ingentem exercitum parat, diem dicit, qua die prope ripam fluminis Rheni omnes conueniant. Nunq̃ aliā maiori alacritate contentioneq̃ animorum suscepta à Francis expeditio est. Hinc odium gentis, hinc spes bene gerendæ rei animum excitat. Sed supra omnia, studium auget præsentia regis, cuius ductu auspicioq̃ non modo Saxonum gentem, sed etiam orbem terrarum, si uelit, superare se posse credebant.

DE S. MARTHA.



Ethaniēq̃ solum repetens intrarat, ibiq̃
Lazarus occidua tumulatus forte iacebat
Iam quarto sine luce die, claususq̃ sepulchri

Ex Sedulio.

Marmore, corruptum tabo exhalabat odorem.

Flebant germanæ, flebat populatio præsens,

Flebat & omnipotens, sed corpore, non deitate,

Exanimēsque artus illa pro parte dolebat,

Qua moriturus erat, lachrymis implebat amicum,

Maiestate deum. Quid credere Martha moraris ?

Quid ue Maria gemis ? Christum dubitatis an unū

Possit ab infernis hominem reuocare cauernis,

Qui dabit innumeras post funera surgere turmas ?

Ergo ubi clamantis Domini sonuit tuba dicens:

Lazare perge foras, magno concussa pauore

z

Tartara

D E S A N C T I S

Tartara diffiliunt, Herebi patuere recessus,
Extremuit letale Chaos, mortisque profundæ
Lex perit, atque anima proprias repetente medullas,
Cernitur ante oculos uiuens astare cadauer,
Postque sepulchralem tanquam recreatus honorem,
Ipse sibi moriens & posthumus extat, & hæres.

*Ex Romano
breviario.*



Martha Christi hospita, Mariæ & Lazari soror, post Christi
ascensum ad patrem à ludæis, in persecutione Christiano-
rum cum fratre & sorore, & Marcilla pedissequa, & item Ma-
rimino, à quo tota domus fuerat baptizata, comprehenditur. Et hi om-
nes cum alijs compluribus Christianis in naui quadam imponuntur.
Quæ nauis uelis, remis, clauoque spoliata, mari committitur, ut omnes san-
cti naufragio perirent. Cæterum deo gubernante, Massiliam incolumis
applicuit. Quo miraculo, & dictorum sanctorum prædicatione Massi-
lienses primum, deinde uicini populi ad fidem Christi conuersi sunt. Mar-
tha igitur cum Massiliæ omnium in se animos propter eximiam sancti-
tatem conuertisset, cum multis honestissimis mulieribus in monasterio,
quod ipsa curauit edificandum, sanctissime uixit, mortemque obiit multo
ante à se præcognitâ, & miraculis illustratam, quarto Calend. Augusti.

VINCULA PETRI.

Ex Arator.



Clauditor obscuro, sed non sine lumine, Petrus
Carcere, nec possunt tenebræ caligine furua
Ecclesiæ cælare diem. commune per omnes
Supplicium timor ille facit. custodia Petri
Publica poena fuit: proprium sed pastor ouile
Seruato custode regit, quem ditat honore
Ter dominum confessus amor, de nomine petræ
Nomen Petrus habens, æterna uocabula portat,
Fundamenta gerens, nunquam passura ruinas.
Expectate tuis, cunctoque in tempore charus,
Et nobis iam Petre ueni, simul omnibus exi,
Quos stimulat nunc cura prior. iam nocte profunda
Angelus astra ferens ergastula candidus intrat
Se comitante die. coeli ueniente ministro
Carceris umbra fugit, pulsæ periëre tenebræ
Lucifero radiante nouo. color exulat ater,
Et mutata uident nocturna crepuscula solem,
Custodum uallante manu. inter uincula Petro
Corpore somnus erat; sed cum uigilaret in illo,

Quæ

Quæ nescit dormire, fides. hoc cantica clamant,
Dormio corde uigil, læti documenta figuræ
Discite, qui liquido meruistis fonte renasci,
Et quæ forma manet sacro in corpore Petri.
Cernite corde pio, docet hanc uirtutis apertæ
Angelus ipse uiam, tangens, latus impulit, in qua
Ecclesiæ stat parte caput, qua nuncius ortam
Nouerat, inde leuat, lateri subnexuit arcæ
Hostia sancta Noë clausis animalibus, hinc est
Diluuiio uastante salus. producit Eua
Dormitante uiro lateris generata propago
Nomen habens uitæ, si nunquam culpa fuisset
Sic mansura magis. Christus post mysticus Adam
Dignatus dare membra cruci, atq; in carne perempta
Morte premi, qua uita redit noua dona liquoris
Per lateris sacrauit iter. nunc angelus illa
Petrum parte uocat, mens credat ut omnis in ipso
Ecclesiæ constare decus, teneatq; superno
Assertore fidem. quo calciamenta monente
Hi meruere pedes, tetigit quos dextra magistri,
Quæ totum mundauit aquis. gradientibus illis
Conclusæ cessere fores. putat omnia somno
Ludificante geri, cui præmia uera parauit
Maiestas ignara doli. iam ferrea claustris
Porta patet, rigidi laxant sua uincula postes,
Gentibus abscondens duræ feritatis acumen.
Aspera cuncta domat, ne ianua fixa uetaret
Orbis iter, quo cursus erit. dic gloria rerum,
Ferrea quid mirum, si cedunt hostia Petro?
Quem deus æthereæ custodem deputat aulae,
Ecclesiæq; suæ faciens retinere cacumen
Infernum superare iubet, mox liber ab hoste
Diuinum celebrauit opus, quem prima puella
A' tenebris remeare probat. quia gratia Christi
Rem dedit esse parem uisus adit ipse resurgens
Foemineos. loquitur redeuntis gloria carnis
Ad sexum, quem mater habet, patet hinc quoq; uatē
Ecclesiam sensisse suum. quæ gaudia portet
In cunctum diffusa gregem. quis talia fando
Explicit, aut uerbis attollat pondera rerum?
Maximus ille pavor gelidos qui strinxerat artus,
Lætitia mensura fuit. manet omne per æuum

x ij Pignoris

Pignoris huius apex, & syderis obtinet instar
 Corpore, quod Petrus sacrauit, & andelus ore,
 His solidata fides, his est tibi Roma catenis
 Perpetuata salus. Harum circumdata nexu,
 Libera semper eris. quid enim non uincula prestant,
 Quæ tetigit, qui cuncta potest absolvere? cuius
 Hæc inuicta manu uel religiosa triumpho
 Moenia nonnullo penitus quatiuntur ab hoste
 Claudit iter bellis, qui portam pandit in astris.

STEPHANVS I.

Ex Platina.



Stephanus natione Romanus, patre Iulio. Cum iam de imperio Romano actum uideretur, pontifex eligitur, eo potissimum tempore, quo Posthumus in Gallia tyrannidem occupat, cum maximo reipub. emolumento. Nam annis decem ingenti moderatione usus, pulsus hostibus, prouinciam in pristinam formam redegit. Huic deinde militari tumultu apud Maguntiacum interfecto, Victorinus successit, uir quidem in re militari strenuus: sed dum nimiae libidinis esset, & aliena matrimonia corrumpere, Agrippinae occiditur. Stephanus autem ad ordinandam ecclesiam conuersus, instituit, ne sacerdotes & leuitæ uestibus sacris alibi, quam in ecclesia, & peragendis sacris uterentur: ne si secus facerent, poenam Balthassar regis Babylonis subirent, qui uasa sacra prophanis manibus attigerat. De rebaptizandis autem his, qui ad fidem redissent, eadem sensit quæ Cornelius pontifex: neque ullo modo his recõmunicandum esse, qui rebaptizarent. Vnde Dionysius, qui antea hac de re cum Carthaginensibus & orientalibus senserat, mutata sententia, ad Stephanum scribens, eum bono esse animo iubet, cum ecclesie tam Asianæ quam Aphricanæ mutata opinione in sententiam Romanę sedis iam uenissent. Iuuit & ecclesiam Dei illa tempestate Malchion eloquentissimus Antiochenæ ecclesiæ presbyter. Hic enim contra Paulum Samosatenum episcopum Antiochenum scripsit, quod dogma Artemonis instaurare conaretur, affirmantis Christum cõmunis naturæ hominem tantummodo fuisse, nec semper fuisse, sed à Maria sumpsisse principium. Quæ opinio postea in Antiocheno Concilio omnium consensu improbata est. Hac autem de re idem Malchion grandem epistolam nomine synodi ad Christifideles scripsit. Stephanus autem cum opere & uerbis multos gentiles ad fidem Christi conuertisset, conquisitus à Gallieno, ut quidam uolunt: uel ab his, qui ex Deciano edicto Christianos persequabantur, unâ cum plerisque suorum ad martyrium rapitur. Capite enim mulctatus in Calisti cœmiterio uia Appia sepelitur, quarto Nonas Augusti, cum iam ex ordinibus sacris bis mense Decembri propo-

propositis, presbyteros sex, diaconos quinque, episcopos tres creasset. Sedit annis septem, mensibus quinque, diebus duobus.

SIXTVS II.



Sixtus secundus natione Græcus, patria Atheniensis, ex philosopho Christi discipulus factus est, durante adhuc Deciana & Valeriana persecutione. Sed non erit à re nostra alienum, reliquos tyrannos, ut coepimus, sparsim scribere, quoad uerum principem attigerimus. Nam Victorino in Gallia interempto, Tetricus senator, qui tum Aquitaniā gubernabat, absens à militibus imperator creatur. At uero dum hæc in Gallia agerentur, per Odenatum Persæ uicti, defensa Syria, Mesopotamia usque ad Ctesiphontē recepta est. Ea quoque tempestate exorta doctrina est apud Ptolemaidem, quæ olim Barce uocabatur, Pentapoleos ciuitatem plena blasphemijs in deum patrem, & in Christum, quæ summi dei filium esse negabat, primogenitumque omnis creaturæ, simul etiā spiritus sancti intellectum auferebant. Hi Sabelliani à Sabellio autore tam peruersæ sectæ inuentore uocati sunt. Quid dicā de spurcissimo Cherinti dogmate? Qui post mille annos futuram anastasiā, & regnum Christi in terris dicebat: unde Chiliosotos à Græcis uocatus est. Is autem quia libidinum & cupiditatum impatiens erat, uoluptates ipsas in promissionibus futuri regni sanctis proponebat, abundantiam ciborum, & mulierū copiam. Idem sentiebat & Nepos in partibus Ægypti episcopus. In delitijs enim corporis & uoluptatibus omnibus regnatos in terra sanctos cum Christo dicebat. Hinc Nepotiani tam turpis sectæ imitatores uocati sunt. Confutare & extinguere has opiniones Sixtus aliquando meditabatur: uerum accusatus, quod Christi fidem contra imperatorum decreta prædicaret, captus ad Martis templum ducitur, ut aut Marti sacrificet: aut si id facere noluerit, poenam capitis subeat. Euntem ad supplicium, Laurentius archidiaconus ita alloquitur: Quo (inquit) progredieris sine filio pater? Quo sacerdos optime sine ministro properas? Cui Sixtus: Ego te non desero fili, maiora tibi pro fide Christi supersunt certamina: post triduum me sequeris sacerdotem leuita. Interim aut si quid in thesauris habes, id pauperibus distribue. Eodem uero die unā cum Sixto diaconi sex interficiuntur, Felicissimus, Agapitus, Ianuarius, Magnus, Innocentius, Stephanus, sexto Idus Augusti: Laurentius uero triduo post unā cum Claudio subdiacono, & Seuerio presbytero, & Crescentio Lectore, & Romano ostiario varijs cruciatibus necatur, quarto Idus Augusti. Exustum igni Laurentiū ferunt. Vincentius uero, quem Sixti discipulum fuisse constat, in Hispaniam profectus, huic martyrio interesse non potuit. Sixtus aut in pontificatu suo sacrorum ordinum potestatem bis fecit mense Decembri,

Ex Platina.

z iij

unde

unde & presbyteros quatuor, diaconos septem, episcopos duos creauit. Sixti corpus in coemeterio Calisti uia Appia sepelitur. Reliqui uero martyres iacent in coemeterio Prætextati in agro Veranio uia Tyburina. Sedit aut Sixtus annos duos, menses decem, dies tres & uiginti.

PASSIO SANCTÆ AFRÆ MATRIS QVÆ
eius Hilariæ, & puellarum eius.



Pud prouinciam Regenas in ciuitate Augusta, cum Christianorū esset gloriosa persecutio, & omnes pro Christi nomine uarijs supplicijs afflictī, ad sacrificia traherent, contigit Afram quam notā habebat facies publica, q̄ esset lupanaria, à persecutoribus cōprehendi. Quæ cū fuisset iudici oblata, & interrogasset & agnouisset iudex, quæ esset, dixit ei: Sacrifica dñs, quia expedit tibi uiuere, quā inter tormenta deficere. Afra respondit: Sufficiunt peccata mea mihi, quæ ignorans Deum gessi: Hoc autem quod me iubes facere, nunq̄ factura sum. Gaius iudex dixit: Accedens ad Capitoliū sacrifica. Afra respōdit: Capitoliū meum Christus est, quem habeo ante oculos meos: ipsi quotidie crimina mea & peccata mea confiteor: & quia non sum digna ei sacrificiū offerre, ipsa ego pro nomine eius cupio sacrificari, ut corpus in quo peccaui, dum poenas passum fuerit, abluatur. Iudex Gaius dixit: Sicut audio meretrix es, sacrifica, quia aliena es à Deo Christianorum. Afra respondit: Dominus noster Iesus Christus dixit se pro peccatoribus descendisse de coelo: Nam & Euangeliū eius loquitur, quod meretrix rigauerit pedes eius lachrymis, & indulgentiā acceperit: et meretrices & publicanos nunq̄ despexit, quin imò etiam secum eos manducare permisit. Iudex Gaius dixit: Sacrifica, ut diligaris ab amatoribus tuis, & sicut semper dilecta es, habearis, & inferantur tibi pecuniæ multæ ab eis. Afra respondit: Pecunias execrabiles iam nunq̄ accipio: Nam & quas habui, expendi, quia non fuerunt de bona conscientia: nam nolentes accipere aliquantos fratres meos pauperes, etiā precibus exorauī, ut à me dignarentur accipere, & pro peccatis meis exorare. Si ergo quæ habui à me proieci, quomodo potest fieri, ut quæram accipere quæ iam quasi sordes abieci? Iudex dixit: Iam te Christus dignam non habet, sine causa uis eum deum tuum dicere, qui te suam non esse cognoscit: Meretrix enim quæ est, dici non potest Christiana. Afra respondit: Equidē Christiana nec dici mereor, nec uocari: sed misericordia, quæ nō de merito, sed sua pietate iudicat, ipsa me ad hoc nomen admisit. Gaius dixit: Vnde nosti, quia te admisit ad hoc nomen? Afra respondit: In hoc me cognosco à facie Dei nō esse proiectam, quia ad gloriosam confessionem nominis sancti permittitur accedere mihi, per quam me credo omnium meorum scelerum indulgentiam accepturam. Iudex Gaius dixit

dixit: Hoc fabule sunt, magis sacrificia dñs, per quos salutē consequaris. Afra respondit: Salus mea Christus est, qui pendēs in cruce latroni confitenti bona paradisi repromisit. Iudex Gaius dixit: Sacrifica dñs, ne te in conspectu amatorū tuorū qui tecum turpiter uixerunt catomis cedi iubeam. Afra dixit: Confusio nulla est mihi nisi de peccatis meis. Iudex dixit: Porro iamiam sacrificia, quoniā iniuria est mihi tot horis tecū loqui, certe si nolueris, occideris. Afra dixit: Hoc est quod opto, si tamen merear per hanc confessionem digna effici requiem inuenire. Iudex Gaius dixit: Sacrifica, nam torqueri te faciam, & post uiuam incendi. Afra respondit: Corpus meū quod peccauit accipiat diuersa tormēta, animam meam sacrificijs dæmoniorum non conquinabo. Tunc Iudex nequissimus dictauit sententiam, dicens: Afram publicam meretricem, quæ se Christianam professā est, & si noluit sacrificijs participari, uiuam præcipimus incendi: statimq; rapta à ministris ducta est in insulam fluuij qui dicitur Licus, ibiq; eam spoliantes ad stīpidem ligauerunt. At illa eleuans oculos ad cœlum orabat cum lachrymis, dicens: Domine Deus omnipotens Iesu Christe qui non iustos uenisti uocare, sed peccatores ad pœnitentiam: cuius promissio uera & manifesta est, qui dignatus es dicere: Qua hora conuersus fuerit peccator in suis iniquitatibus, eadem hora non te memoraturū peccatum eius, accipe hac hora passionis meæ pœnitentiam, & per hunc ignem temporalem, qui corpori meo paratus est, ab illo igne æterno me libera, qui & animā simul & corpus exurit. Et his dictis expleta circumdata sarmentis igne subposito uox audietur, dicens: Gratias ago tibi Domine Iesu Christe, qui me dignatus es hostiam haberi pro nomine tuo, qui pro toto mundo solus hostia oblatus es in cruce, iustus pro iniustis, bonus pro malis, benedictus pro maledictis, dulcis pro amaris, mundus à peccato pro peccatoribus uniuersis: tibi offero sacrificiū meum, qui cum patre tuo & spiritu sancto uiuis & regnas in sæcula seculorum, Amen. Et hæc dicens emisit spiritum. Strabant autem iuxta ripam fluminis, Digna & Eunomia & Eutropia, quæ fuerunt ancillæ eius, & simul fuerant in peccato, simulq; à sancto Narcisso Episcopo baptizatæ, quæ descendentes de barca ut eas ibi transmitterent. Cumq; eas transtulissent, inuenerunt Afræ corpus integrum. Puer autem qui cum ipsis erat transnatauit, & nunciauit matri eius. Et uenit in nocte cum sacerdotibus Dei, & tulit corpus eius & posuit illud in secundo miliario à ciuitate Augusta in memoriā quam sibi suisq; construxerat. Nunciatum est autem iudici Gaio, & misit ibi ad ipsam memoriā, dicens: Ite & tenete eas, & si consenserint uobis ad sacrificandum, cum honore eas ad me reducite, ut remunerē illas censu dignissimo. Si uero uideritis eas animo pertinaci obsistere, & nulla ratione ad sacrificandum præbere consensum, implete memoriā gremijs, & claudite super eas ipsam memoriā, & ita demum ignem supponite,

& nulla

& nulla ex his euadat uiua. Euntes autem milites prius blando sermone eas prouocabant. At ubi uiderunt omnes simul contemnere sacrificia, repleuerunt memoriam sarmentis & feno & siccis spinis, & clauferunt super eas, & supposito igne abierunt. Sic factum est, ut in eodem die quo sepulta est Afra, simul etiam mater eius Hilaria & famulæ eius secundum carnem, sed iam sorores in Christo, Digna, Eunomia & Eutropia simul martyrij coronam acciperent, & quæ simul conuersæ fuerant à diabolo simul nuanimes ad Christum Iesum, cui crediderunt, cum palma martyrij peruenirent: qui regnat cum Patre & Spiritu sancto in sæcula sæculorum, Amen. Eodem die passi sunt etiam non longe ab urbe Roma Cyriacus, Largus, Smaragdus, Memnia, Iulia, & multi alij pro nomine Christi decollati sunt.

PASSIO S. CYRIACI ET SOCIORUM eius.



Tempore, quo Maximianus Augustus rediens à partibus Aphricæ ad urbem Romam, uolens placere Diocletiano Augusto ut in nomine eius thermas soli edificaret, coepit inuidia Christianorum omnes milites, siue Romanos, ad afflictionem laboris compellere, & per uaria loca alios ad lapides, alios ad harenam fodiendam damnauit. In ipso tempore erat uir Christianus nomine Trasfon, uir potens & facultatibus locuples, & uita fidelis. Hic cum uidisset affligi Christianos ad fatigationem & laborem, coepit de sua facultate sanctis martyribus alimoniam & uictum ministrare per uiros Christianos, Sisinnium, Griacum, Smaragdum, & Largum. Hoc audiens beatus Marcellus urbis Romæ episcopus, gaudio repletus est magno de eleemosyna, quam Trasfo sanctis ministrabat, & rogans ad se uenire sanctos uiros Christianos, & seruos domini nostri Iesu Christi, Cyriacum, Sisinnium, Smaragdum, & Largum: inquisiuit ab eis, & notum fecerunt ei, quomodo Trasfon sanctis dei uictualia ministrabat. Tunc gaudio repletus, ducens consilium, consecrauit Cyriacum & Sisinnium diaconos ecclesiæ Romane. Factum est, ut una nocte, dum deferrent humeris suis uictum, quæ Trasfon ministrabat, tenti sunt à militibus paganis, & perducti sunt ad tribunum Expurium, suscipiens eos tribunus, retrudit in custodiam publicam. Post diem tertium nunciauit Maximiano Augusto. Hoc cum audisset Maximianus, iussit ut cum custodia ipsi foderent harenam, & humeris suis portarent usque ad locum, ubi thermæ edificabatur. Erat uir senex inter eos, nomine Saturninus, qui iam in senectute maceratus fuerat, hunc coeperunt ad portandum adiuuare. Hoc cum uidissent custodes fieri, quia Sisinnius & Cyriacus diacones & suas sarcinas & alienas cum adiutorio Christi portarent, mirati sunt, & nuntiauerunt tribuno Expurio: tunc tribunus nunciauit Maximiano Augusto, dicens:

dicens, q̄ cum hymnis & laudibus dei, et omni ueneratione Christo glo-
 riā redderent. Eodem tempore misit Maximianus Augustus, & iussit, si-
 bi Sisinnium præsentari. Cui cum præsentatus fuisset, dixit ad eum Ma-
 ximianus: Quis uocaris? Respondit: Ego peccator Sisinnius seruus ser-
 uorum domini nostri Iesu Christi. Maximianus Augustus dixit: Quæ
 carmina sunt uobis? Respondit Sisinnius diaconus, dicens: Si cognosce-
 res quæ sunt carmina fideiū, scires utiq; creatorē tuum. Respondit Ma-
 ximianus Augustus: Et quis est creator, nō inuictus Hercules? Respon-
 dit Sisinnius diaconus: Nobis turpe est uel nominare uel audire eum.
 Maximianus dixit: Vnum ex duob. tibi eligere festina: aut sacrificia deo
 Herculi, aut carnes tuas igni cremabo. Sisinnius diaconus dixit: Et ego
 quidem semper optaui: ueruntamen si meritis fuerim, ut coronā deside-
 ratam accipiam. Iratus Maximianus Augustus, tradidit eum Lauditio
 præfecto. Tunc Lauditius præfectus retrudit eum in custodiā Mamur-
 tini, & fuit ibi in custodia diebus decem & octo. His diebus transactis,
 iussit Lauditius præfectus aspectibus suis Sisinnium præsentari. Qui cū
 præsentatus fuisset ab Aproniano Cōmentariense, subito lux de cœlo
 facta est, & uox de luce exiit, dicens: Venite benedicti patris mei, perci-
 pite regnū, quod uobis paratū est à constitutione mundi. Tunc Apro-
 nianus tremefactus, cecidit ad pedes Sisinnij diaconi dicens ei: Adiuro
 te per Christum, quem confiteris, ne tardes me baptizare, & facias me
 tecum pertingere ad coronam. Eadem hora allata est aqua, & catechi-
 zauit eum, & benedixit frontem, & deposuit eum nudum in peluim, &
 dixit ei: Credis in Deum patrem, & filium, & spiritum sanctum? Et ille
 respondit: Credo. Et dixit Sisinnus diaconus: Illuminet te Christus. Et
 eleuauit eum de pelui, & deduxit eum ad sanctū Marcellum episcopū,
 quē chrismate consecrauit, & altare consecrauit, & participati sunt om-
 nes corpus et sanguinē domini nostri Iesu Christi. Eodem die post meri-
 diem iussit sibi Lauditius præsentari Sisinnium diaconum: ueniens cum
 Sisinnio diacono Apronianus Cōmentariensis iam baptizatus, coepit
 clamās dicere: Quid uos coartat diabolus, in dei seruos tanta mala exer-
 cere? Tunc præfectus dixit ad Apronianū Cōmentariensem: Quomo-
 do te uideo & tu Christianus effectus es. Respondit Apronianus: Ve-
 mihi infelici, quia perdididi dies meos. Respondit præfectus: Verè modo
 perdes dies tuos: & iussit eum capitalem sententiam subire, dicens: Si hic
 extinctus non fueris, multi peribunt. Eodem tempore ductus in uia Sa-
 laria miliario secundo, capite truncatus est, sub die quarto Nonarū Fe-
 bruarii. Tunc iussit retrudi in custodia senem Saturninum, & Sisin-
 nium diaconum, dicens: Si non immolauerint dñs diuersis, eos poenis
 interficiam. Tunc Saturninus senex cum esset in custodia unā cum Si-
 sinnio diacono, ueniebant ad eos multi gentiles, & baptizabantur cum
 omni fiducia. Audiens hoc Lauditius præfectus, iussit sibi tribunal præ-
 parari

A a parari

parari in urbe. Et post dies xliij. misit & exhibuit Saturninum & Sisinnium diaconum, et uincti cathenis adducti sunt nudis pedibus in cōspectu Lauditiij præfecti. Quibus dixit Lauditius: Quid est? Deposuistis uanam superstitionē, & adoratis deos, quos imperatores adorant? Respondit Sisinnius diaconus: Nos peccatores adoramus dominū Iesum Christum Dei filium: nam demonibus & lapidibus nunquam humiliamur. Lauditius dixit: Deferatur Tripoda, & thurificent maiestatibus. Saturninus dixit: Conterat dominus deos gentium. Et continuo soluta est tripoda ærea, uelut lutū. Tunc uidentes duo milites, Papias & Maurus, cœperunt clamare & dicere: Verē Deus est & dominus Iesus Christus, quem colunt Sisinnius et Saturninus. Iratus itaq; Lauditius, iussit eos in eculeo leuari. Et cum traherentur neruis fustibus et scorpionibus cæsi sunt. Illi autē clamabant dicentes: Gloria tibi domine Iesu Christe, quia meruimus socij fieri seruorum tuorū. Tunc Papias & Maurus clamabant dicentes: Vt quid uos coartat diabolus, in seruos Dei ista exercere? Iratus Lauditius, iussit, ut cum lapidibus os eorum contunderetur, & retrudi in carcerem: Saturnino uerō et Sisinnio flammæ ad latera poni. Illi autē pendentes in eculeo uultu alacri gratias deo agebant. Eodem die dedit eis capitalem subire sententiā. Et depositi de eculeo, ducti sunt uia Numentana miliario secundo, & capite sunt truncati. Eorum corpora collegit Trasō cum Ioanne presbytero, & sepeliuit in prædio suo uia Salaria, sub die quarto Calendarū Decembrium. Tunc dixit Lauditius ad Papiam & Maurum: Nunc cognoui, q̄ & uos Christiani sitis. Papias dixit: Verē Christiani. Dicit ad eos Lauditius: Deponite & absoluite uanam fallaciam, & adorete deos, quos principes adorant. Respondit Maurus, & dixit: Adorent eos, qui desperauerūt de animabus suis, ut in æternum pereant. Lauditius præfectus dixit: Modo uos desperatis de animabus uestris, si non sacrificaueritis dñs immortalibus: audite, & facite, & uiuite. Respondit Papias: Sacrifica tu, & uiues in tormentis æternalibus. Tunc iussit eos sterni in terram, & fustibus cedi. Et dum diu cederentur, nulla uox ex eis audita est, nisi tantum: Christe adiuua nos seruos tuos. Tunc iussit eos leuari de terra, & plumbatis cædi, Et dum diu cederentur, emiserunt spiritum. Quorum corpora collegit noctu Ioannes presbyter, et sepeliuit in uia Numentana, sub die quarto Calendarum Februariū, ad nimphas beati Petri, ubi baptizabat. Post multos dies narrauit omnia præfectus Lauditius Augustis Diocletiano & Maximiano de militibus et de sanctis, quos interfecerat. Et gauisi sunt Diocletianus et Maximianus Augusti. Post paucos dies nuntiātū est Diocletiano Augusto, q̄ filia eius Arthemias a dæmonio uexaretur, unde grandi afflictione contristatus est, & præsentī die noluit comedere cibū. Et dum multo tempore in custodia esset beatus Cyriacus & iam de eo obliuio esset facta, multi Christiani pergebant ad eum in custodiam,

diam, & cæci illuminabantur, & infirmi salui fiebant à languoribus suis. Coepit autem urgeri Arthemias filia Diocletiani à dæmonio. Hoc cum nunciatum fuisset Diocletiano Augusto, intrauit ad eam in cubiculum, & ecce ipse dæmon coepit clamare per Arthemiam præsentem Diocletiano, dicens: Nisi uenerit Cyriacus diaconus, non exeo. Misit Diocletianus ad eum in custodiam, ubi erat clausus & constrictus cum Largo & Smaragdo, & exiit de custodia. Et cum præsentatus fuisset Diocletiano Augusto, coepit rogare eum, ut intraret ad filiā eius. Et dum introisset ad eam Cyriacus, dixit: In nomine domini nostri Iesu Christi præcipio tibi, ut ex eas ab ea. Dæmon respondit per os Arthemiae: Si uis, ut exeam, da mihi uas, ubi ingrediar. Dicit ei Cyriacus: Si potes, ecce corpus meū ingredi. Respondit diabolus per os Arthemiae: In uas tuū nō possum introire, quia undiq; clausum & signatum est. Dicit ei Cyriacus: In nomine domini nostri Iesu Christi exi, ut fiat uas mundū, ad superueniendum spiritui sancto. Et dixit ad Arthemiam: Filia crede in deum patrem omnipotentem, & in Iesum Christum filium eius unicum dominum nostrum. Tunc dæmon exclamauit, dicens: O Cyriace, si hinc me ejcis, in Persidam te faciam uenire. Dicit ei Cyriacus: In nomine domini nostri Iesu Christi exi. Tunc clamauit dæmon per os Arthemiae: Per ipsum, inquit, nomen exeo, quia uideo de longe dominum, quem tu prædicas Cyriace. Tunc tenens manum eius beatus Largus & Smaragdus leuauerunt eam. Alia autem die secundum consuetudinem catechizauit eam, & allata aqua, benedixit sanctus Cyriacus, & baptizauit eam præsentem matre sua Serena augusta. Ab eodem die dicebat Serena filiae suæ, ut fideliter amaret religionem Christianam. Post menses uero decem & duos annos explicata fabrica thermarum, cum gloria coepit Diocletianus Augustus habere Cyriacum diaconum bene, & donauit illi domū, & hoc præcepit, ut securus uiueret in urbe Roma, faciente hoc Serena Augusta uxor Diocletiani. Post paucum uero tempus uenit legatio à rege Persarum ad Diocletianum Augustum, ut Cyriacum diaconū ad se dirigeret, quia filia eius à dæmonio uexaretur. Tunc Diocletianus Augustus uidens tantam supplicationem regis Saporis Persarum, præcepit Serenæ uxori suæ, & rogauit ad se uenire Cyriacum diaconū. Cum uenisset Cyriacus ad Serenam Augustam, dixit ei Augusta legationem Saporis regis Persarum, sicut dixerat ei Diocletianus Augustus maritus suus. Tunc dixit Cyriacus diaconus: Cum auxilio domini mei Iesu Christi saluatoris uadam securus. Eodem tempore Serena Augusta Christianissima dedit omne uehiculum & necessaria, quæ opus fuerant in naui, & cum Largo & Smaragdo perrexit usq; ad Persidam partem Cyriacus. Milites uero cum uehiculis ibant. Beatus autē Cyriacus cum baculo suo prius perueniebat ad mansionem, usque dum perueniret ad regem Persarum, nomine Saporem. Et cum præsentati fuissent Cyriacus

cus diaconus, & Largus, & Smaragdus, dixit ad eos rex: Quis ex vobis dicitur Cyriacus diaconus? Et cognouit quis esset Cyriacus diaconus. Tunc rex Sapor adorauit sanctum Cyriacum, rogans ut introiret in cubiculum ad filiam eius nomine Iobiam. Eadem hora exclamauit diabolus ex ore puellæ, & dixit ad Cyriacum: Quid est Cyriace? Respondit Cyriacus: In nomine domini mei Iesu Christi præcipio tibi immunde spiritus exi, et iam non reuertaris ad eam. Respondit diabolus: Fatigatus es? Cyriacus respondit: Ego exiui in nomine domini mei Iesu Christi, cuius auxilio gubernatus sum, & gubernor, non fatigatus sum, sed confortatus. Dicit ei diabolus: Tamen ego te perduxì ad quod uolui. Cyriacus diaconus cum uidisset puellam fatigari, proiecit se in pauimentum, orans & flens dicens: Imperat tibi dominus meus Iesus Christus, quem confessus es, ut ex eas. Respondit diabolus: Da mihi uas, ubi ingrediar. Sanctus Cyriacus diaconus dixit: Dominus Iesus Christus Deus de Deo, ipse tibi imperat, ut ex eas. Tunc ululatu magno & clamore expumans clamauit in aëre ipse diabolus, dicens: O nomen terribile, quod me corripuit exire. Ab eadem hora salua facta est Iobia. Tunc beatus Cyriacus dixit ei: Crede in filium dei, & semper sana eris. Respondit Iobia: Ego credo in dominum Iesum Christum, quem prædicas. Et fecit eam catechumenam more solito, & catechizauit eam. Et allata aqua deposuit eam nudam in concham argenteam, & benedixit aquam, et dixit ei: Iobia credis in patrem, & filium, & spiritum sanctum? Respondit Iobia: Credo. Et dixit ei, Carnis resurrectionem? Et respondit: Credo. Et leuata à concha, coepit dicere Iobia: Vere dominus Iesus Christus, quem prædicat beatus Cyriacus, ipse est Deus. Eadem hora omnes adfines eius baptizati sunt, & ipse rex baptizatus est, & alij promiscui sexus numero quadringenti uiginti baptizati sunt. Eodem tempore multa dona & pecunias obtulit rex beato Cyriaco. Cui sanctus Cyriacus dixit: Nos gratiam Domini nostri Iesu Christi precio non offerimus, sed fide æstimamus. Et nihil accepit, sed tantum pane & aqua cum Largo & Smaragdo usus est. Post dies quadraginta duos ascendens nauim cum commendationibus Epistolarum reuersus est Romam. Quem cum grandi honore suscepit Diocletianus Augustus cum uxore & filia sua, & coepit habitare cum Largo & Smaragdo in domo, quam ei donauerat Diocletianus, iuxta thermas Diocletianas. Post menses duos ambulauit Diocletianus Augustus ad Dalmatias, ibique egritudine fatigatus, fecit testamentum, cohæredes faciens filios suos, & mortuus est. Hoc audiens Maximianus filius eius Augustus, præcepit, ut ubicunque Christiani inuenti fuissent, punirentur, & zelo ductus propter sororem suam Arthemiam, misit & tenuit Cyriacum diaconum & misit eum in custodiam, & hoc percepit, ut in die processionis suæ ad exemplum Christianorum Cyriacus nudus catenis obligatus ante redam suam traheretur.

tur. Vñ autem tempore ueniens in die processionis suæ Marcellus Episcopus, obtulit se Maximiano Augusto, dicens ei: Pietati tuæ suggero seruos Dei, qui orant pro regno tuo, quare trucidas? Tunc iratus Maximianus Augustus præcepit, ut cum fustibus cederentur, & iussit Carpasio uicario, dicens: Audi Carpasi, Cyriacum sacrilegum, qui carminibus magicis & incantationibus suadet hominibus Christum confiteri, diuersis poenis afflige, si non libamina dñs obtulerit. Eodem tempore Carpasius uicarius mittens ad custodiam adduxit Cyriacum diaconum, Largum & Smaragdum, & Crescentianum, & iussit eos inter lude præsentari. Quibus dixit: Quare non obauditis præceptis principum, ut offeratis libamina dñs immortalibus? Respondit Cyriacus cū Largo, Smaragdo & Crescentiano: Nos ipsos domino Iesu Christo offerimus. Carpasius uicarius dixit: Facite quod uobis iubetur: Senecta tua alba facta est Cyriace, sed modo eam iuuenem facio. Et iussit picem reliquari, & cum reliquata fuisset pix, præcepit ut in capite beati Cyriaci diaconi funderetur. Coepitq; clamare beatus Cyriacus diaconus & dicens: Gloria tibi Domine, qui nos seruos tuos dignatus es portas regni coelestis intrare. Dicitq; alijs Carpasius: Sacrificabitis, aut peribitis sicut perfidus Cyriacus. Dixerunt: Nos peccatores Domino Iesu Christo nosiplos sacrificium offerimus. Tunc Carpasius uicarius adduxit in conspectu suo ecaleum, & iussit suspendi Crescentianum & fustibus cedi in conspectu Cyriaci, Largi & Smaragdi. Cumq; diu adtraheretur neruis & fustibus cederetur, & unguibus raderetur, uoce magna clamabat, dicens: Gloria tibi Domine Iesu Christe, qui nos ad gratiam tuam uocare dignatus es. Carpasius dixit: Date flammæ ad latera eius. Et cum diu incendio constrictus ueretur, emisit spiritum. Cuius corpus iussit iactari ante cliuū Vrsi in platea ante templū palatii. Ipsa nocte uenit Ioannes presbyter & collegit corpus eius, & sepeliuit in cœmiterio Priscillæ in arenario uia Salaria sub die octaua calendarum Decemb. Post mortem Crescentiani retrudit in custodiam, Cyriacum, Largum & Smaragdum. Post dies quatuor refedit in eodem loco inter lude, & præcepit sibi præsentari Cyriacum diaconum, cui sic dixit: Quare dies senectutis tuæ cum tormentis deducis ad inferos? Respondit Cyriacus diaconus: Ego semper hoc optauī. Dicit ei Carpasius: Sacrifica dñs immortalibus & uiues. Cyriacus respondit: Sacrificent eis, qui non cognouerunt Dominum Iesum Christum creatorem suum. Tunc iussit eum in catasta extendi & attrahi neruis, & fustibus cedi. Cyriacus autem clamabat dicēs: Misere mihi peccatori Domine Iesu Christe. Eodem die nunciauit Carpasius uicarius Maximiano Augusto omnia quæ exercuerat in sanctos Dei. Tunc iratus Maximianus Augustus, iussit omnes uinctos qui erant in custodia una cum Cyriaco capite truncari. Et data sententia ducti sunt cum Cyriaco diacono promiscui sexus numero uiginti, & decolati

Aa iij lati

lati sunt uia Salaria intra thermas Salustij foris muros. Quorū corpora collegit noctu Ioannes presbyter, & sepeliuit illos in eadem uia. Sanctum uero Cyriacum collegit & cōmendauit sub die xvij. cal. Aprilis. Ipso tempore Maximianus interfecit sororem suam Arthemiam. Post dies octo ueniens beatus Marcellus Episcopus cum Lucina matrona Christianissima, cōdiuit corpora sanctorum cum aromatibus & linteaminibus, & imposuit nocte in Pauone cū eunuchis suis, & sustulit, ubi commendati fuerant, translata sunt corpora cum sancto Cyriaco in prędium eius uia Ostiensi, miliario ab urbe Roma septimo, ubi requiescunt in lapideis sarcofagis, quos manu sua recondiuit beata Lucina, in pace, septimo die mensis Augusti. Eodem tempore beata Lucina fecit donationem de facultatibus suis omnibus ecclesijs. Hoc audiens Maximianus Augustus, proscriptione eam damnauit. Beata autem Lucina rogauit Secundum Marcellum Episcopū, ut domum eius ecclesiam consecraret: quod cum omni deuotione fecit beatus Marcellus Episcopus. Ac ubi frequenter in eadem domo Missas celebrasset in media ciuitate uia lata: Audiens hoc Maximianus Augustus iratus misit in eandem ecclesiā, & fecit præceptione sua, ut in eadem ecclesia planctus exsterneretur ad animalia stabuli publici, & eundem Marcellum Episcopum ad seruitium animalium deputauit cum custodia publica, ubi etiam post multos annos seruiēdo emisit spiritum sub die xvij. cal. Februarij. Cuius corpus rapuit Ioannes presbyter nocte cum beata Lucina, & condiuit eum aromatibus, & sepeliuit in cōemiterio Priscillæ uia Salaria, nō longe ab urbe Roma, miliario tertio, & requieuit in pace. Eodem tempore præcepit Maximianus Augustus ad se uenire Carpasiū uicarium, & interrogauit eum de discussione & nece sanctorū. Et dum uidisset placatū sibi Maximianū, petijt ab eo domū beati Cyriaci sui: confestim donauit domū beati Cyriaci diaconi. Et dum introisset in eandem domum, quā donauerat beato Cyriaco diacono Diocletianus augustus, inuenit locū ubi sanctus Cyriacus fontē ædificauit, quē cōsecrauit sanctus Marcellus Episcopus, ubi frequenter baptizabat sanctus Cyriacus uenientes ad fidē. Tunc Carpasius uicarius paganus crudelissimus ingressus est in eandem domū, dum introisset & inuenisset baptisteriū, fecit in eodem loco balneū, quasi ad deridendam legem Christianam, ubi frequenter lupanaribus & scenicis lauacra exhibebat, turpi lucro gaudens in loco sanctificato. Et dum frequēter ista fierent, & epulæ cum sceleratis quadam die dum lauassent & exhiberent epulas, exeunte Carpasio de balneo cum multis sceleratis, decem & nouem cum Carpasio uicario subito ceciderunt, & mortui sunt. Ab eodē die clauferunt balneū, & factus est timor magnus in eadem religione usq; in hodiernū diem: Deo gratias. Sanctorū uero corpora sunt sepulta, hoc est, Cyriaci, Largi & Smaragdi, Crescentiani, Memmiæ & Iulianę, uia Ostiensi, miliario ab urbe Roma plus minus

minus octauo, ubi orationes eorum florēt, nunc & semper, & quousq̃ iste mundus steterit, regnante Domino nostro Iesu Christo: cui est honor & gloria in sæcula sæculorum, Amen.

S. LAVRENTIVS MARTYR.

Diuus Augustinus sup. Ioannē tract. xxvij. Sed quid est quod ait: Qui manet in me, & ego in illo, quid nisi quod martyres audiebant: Qui perseuerauerit usq̃ in finem, hic saluus erit? Quomodo mansit in illo S. Laurentius, cuius hodie festum celebramus: Mansit usq̃ ad tentationem: Mansit usq̃ ad tyrannicam interrogationem: Mansit usq̃ ad acerrimam comminationem: Mansit usque ad peremptionem: Parum est, usq̃ ad immanem excruciationem mansit. Non occisus est cito, sed cruciatus est in igne. Diu uiuere permissus est, imò non uiuere permissus est, sed tarde mori compulsus est. In illa ergo longa morte, in illis tormentis, quæ bene manducauerat & biberat: tanq̃ illa esca saginatus, et illo calice inebriatus, tormenta non sensit. Ibi enim erat, qui dixit: Spiritus est, qui uiuificat: Caro enim ardebat, sed spiritus animum uegetabat. Non cessit, sed in regnum successit. Dixerat autem illi Syxtus martyr sanctus, cuius diem quinto ab hinc retro die celebrauimus: Noli mœrere fili. Episcopus enim erat ille, iste diaconus: Noli mœrere, inquit, sequeris me post triduum. Triduum autem dixit medium inter diem passionis S. Syxti & diem hodiernum passionis S. Laurentij: Triduum est medium. O solatium. Non ait, Noli mœrere fili, desinet persecutio, & saluus eris, sed noli mœrere, quò ego præcedo, tu sequeris: Nec consecutio tua differtur, Triduum medium erit, & mecum eris. Accepit oraculum, uicit diabolum, peruenit ad triumphum. Hæc S. August. Maximus Taurensis de S. Laurentio sanè multa scripsit, & eadem digna lectu, quæ animus erat in hoc quoque uolumen inserere, nisi ueriti fuissetus prolixitatis tædio lectorem affectum iri. Quæ uerò D. Ambrosius de S. Laurentio commemorat, non potui non subnectere: Huic muneri proficere debuit aurum Redemptoris, ut redimeret periclitantes. Agnosco infusum auro sanguinem Christi non solum irrutilasse, uerumetiam diuinæ operationis impressisse uirtutem redemptionis munere. Tale aurum S. martyr Laurentius Domino reseruauit, à quo cum quæreretur thesauri Ecclesiæ, promisit se demonstraturum. Sequenti die pauperes adduxit: Interrogatus, ubi essent thesauri quos promiserat, ostendit pauperes, dicens: Hi sunt thesauri Ecclesiæ. Et uere thesauri, in quibus Christus est, in quibus Christi fides est. Deniq̃ Apostolus ait: Habemus thesaurum istum in uasis fictilibus. Quos meliores thesauros habet Christus, quàm eos in quibus se esse dixit: Sic enim scriptum est: Esuriui, & dedistis mihi manducare, &c Et
infra:

infra: Quod enim uni eorum fecistis, mihi fecistis. Quos meliores Iesus habet thesauros, quos eos in quibus amat uideri? Hos thesauros demonstrauit Laurentius, & uicit, quod eos nec persecutor potuit auferre. Itaque Ioachim qui aurum in obsidione seruabat, nec dispensabat alimoniam comparandam, & aurum uidit diripi, & se in captiuitatem deduci. Laurentius qui aurum Ecclesiae maluit erogare pauperibus, quam persecutori referuare, pro singulari suae interpretationis uiuacitate, sacram martyrii accepit coronam. Nunquid dictum est sancto Laurentio: Non debuisti erogare thesauros ecclesiae: uasa sacramentorum uendere? In quos usus uasa ecclesiae sint dispertienda, uel qualiter, quibus ex causis, tactum opus est, ut quis fide sincera & perspicaci prouidentia munus hoc impleat, &c. Hæc S. Ambrosii. Officio. lib. ij. cap. xxvij. His adiunge si libet, Christiani poetæ Prudentij de S. Laurentio luculentissimi poema ex suis Peristephanis.

IN BASILICAM S. LAURENTII.

L Aurenti merito flammis uitalibus uste
 Qui ferunente fide uictor ab igne redis,
 Vir dilecte Deo terreno in corpore quondam
 Tunc quoque sydereus iam tibi sensus erat,
 Qui potuisti oculos tactu reuocare sepultos
 Rursus & in uacua fronte referre diem
 Luminis extinctas iterum accendisse lucernas,
 Credimus hæc signo te faciente crucis,
 Addita nunc etiam populis miracula præstas,
 Ut fidei tribuas indubitanter opem
 Dum tua templa nouant, breuiori robore plebes
 Creueruntque trabes, creuit & alma fides.
 Stipite contracto tua se mercede tetendit
 Quantum parua prius postea cæsa fuit,
 Crescere plus meruit succisa securibus arbor
 Et didicit sicca longior esse coma
 Vnde recisa fuit populus fert inde salutem
 Si uenit intrepidus lumina cæcus habet.
 Tu Leuita sacer poena purgate fideli
 Vnde prius flammæ hinc modo lumen habes
 Visa temporibus uenerandi antistitis acta,
 Sed tamen æterno sunt memoranda die.

S. Celerinus

focijs suis.



Gnoscenda et complectenda sunt, fratres dilectissimi, beneficia diuina, quibus ecclesiam suam dominus illustrare temporibus nostris & honestare dignatus est, commeatum dando nobis confessoribus suis & martyribus gloriosis, ut qui sublimiter Christum confessi essent, clerum postmodum Christi ministerijs ecclesiasticis adornarent. Exultate itaque & gaudete nobiscum lectis literis nostris, quibus ego & collegae mei qui praesentes aderant, referimus ad uos Celerinum fratrem nostrum uirtutibus pariter & moribus gloriosum clero nostro non humana suffragatione, sed diuina dignatione coniunctum, qui, cum consentire dubitaret, ecclesiae ipsius admonitu & hortatu in uisione per noctem compulsus est ne negaret, nobis suadentibus, cui plus licuit, et coegit, quia nec fas fuerat nec decebat sine honore ecclesiastico esse, quem sic dominus honorauerit coelestis gloriae dignitate. Hic ad temporis nostri praedium primus, hic inter Christi milites antesignanus, hic inter persecutionis initia feruentia cum ipso infestationis principe & autore congressus, dum inexpugnabili firmitate certaminis sui aduersarium uincit, uincendi caeteris uiam fecit, non breui compendio uulnerum uictor, sed herentibus diu & permanentibus poenis longae colluctationis miraculo triumphator. Per decem & nouem dies custodia carceris septus, in neruo ac ferto fuit. Sed posito in uinculis corpore, solutus ac liber spiritus mansit. Caro famis ac sitis diuturnitate contabuit, sed animam fide & uirtute uiuentem nutrimentis spiritualibus Deus pauit. Iacuit inter poenas poenis suis fortior, inclusus includentibus maior, iacens stantibus celsior, uincientibus firmior uinctus, sublimior iudicantibus iudicatus. Et quamuis ligati ueruo pedes essens, calcatus serpens & obtritatus & uictus est. Lucent in corpore glorioso clara uulnerum signa, eminent & apparent in membris longa tabe consumptis expressa uestigia. Sunt magna, sunt mira, quae de uirtutibus eius ac laudibus fraternitas audiat. Et si aliquis Thomae similis extiterit, qui minus auribus credat, nec oculorum fides deest, ut quisquis quod audit & uideat. In seruo Dei uictoriam gloria uulnerum fecit, gloriam cicatricum memoria custodit. Nec rudis iste aut nouus est in Celerino charissimo nostro titulus gloriarum, per uestigia cognationis suae graditur, parentibus, ac propinquis suis honore consimili diuinæ dignationis aequatur. Auia eius Celerina iam pridem martyrio coronata est. Item patruus eius & auunculus Laurentius & Ignatius in castris & ipsi quondam secularibus militantes, sed ueri & spirituales Dei milites, dum diabolus Christi professione prosternunt, palmas à domino & coronas illustri passione meruerunt. Sacrificia pro eis semper, ut meministis, offerimus, quoties martyrum passionibus & dies anniuersaria commemoratione celebramus. Nec degener

Bb ergo

DE SANCTIS

ergo esse, nec minor poterat, quem sic domesticis exemplis uirtutis ac fidei prouocabat familiaris dignitas & generosa nobilitas. Quod si in familiaria seculari prædicationis & laudis est esse patricium, quanto maioris laudis & honoris est fieri in coelesti prædicatione generosum? Non inuenio quem beatiorem magis dicam, utrum ne illos de posteritate tam clara, an hunc de origine gloriosa. Ita æqualiter apud eos recurrit & com meat diuina dignatio, ut & illorum cetera dignitas sobolis illustret, & huius gloriam sublimitas generis illuminet. Hunc ad nos fratres dilectissimi cum tanta domini dignatione uenientem testimonio & miraculo eius ipsius, qui se persecutus fuerat illustrare, quid aliud quam super pulpitum, id est, super tribunal ecclesie oportebat imponi, ut loci altioris celsitate subnixus, & plebi uniuersae pro honoris sui claritate conspicuus, legat præcepta euangelij domini, quæ fortiter ac fideliter sequitur? uox domini confessa in his quotidie, quæ dominus locutus est, audiat. Videat an sit ulterior gradus ad quem proficisci in ecclesia possit. Nihil est in quo magis confessor fratribus profit, quam ut dum euangelica lectio de ore eius auditur, lectoris fidem quisquis audierit, imitetur. Iungendus in oratione Aurelio fuerat, cum quo & diuini honoris societate coniunctus est, cum quo omnibus uirtutis & laudis insignibus copulatus est. Pares ambo & uterque consimiles. In quantum gloria sublimes, in tantum uerecundia humiles. Quantum diuina dignatione promoti, tantum sua quiete & tranquillitate summissi, & uirtutum pariter & morum singulis exempla præbentes, et congressioni et paci congruentes. Illic robore, hic pudore laudabiles. In talibus seruis letatur dominus. In eiusmodi confessoribus gloriatur, quorum secta conuersatio sic proficit ad præconium gloriæ, ut magisterium cæteris præbeat disciplinæ. Ad hoc eos Christus esse in ecclesia diu uoluit, ad hoc de media nocte subtractos, quadam dixerim resurrectione circa eos facta, incolumes reseruauit, ut dum nihil in honore sublimius, nihil in humilitate submissius a fratribus cernitur, hos eosdem fraternitas sectata comitetur. Hos tamen lectores interim custoditos sciatis, quia oportebat lucernam super candelabrum poni, unde omnibus luceat, & gloriosos uultus in loco altiore constitui, ubi ab omni fraternitate circumstante conspecti incitamentum gloriæ uidentibus præbeant. Cæterum presbyterij honorem designasse nos illis iam sciatis, ut & sportulis ejdem cum presbyteris honorerentur, & diuisiones mensuræ æquatis quantitatibus partiantur, sessuri nobiscum prouectis et corroboratis annis suis, quamuis in nullo minor possit uideri ætatis indole, qui consummauit ætatem gloriæ dignitate.

ASSUMPTIO Mariæ VIRGINIS.

Ex. Mantua no. **I** Amicæ propinquabant canis, rugæque uenustam
Crispabant faciem, formæque inimica senectus

Venera

Venerat: at pulchros ætas ne frangeret artus,
 Lumina ne longo iam caligantia fletu
 Induerent tenebras, fierentq; obnoxia nocti,
 Tum niueam mentem domibus dissoluit opacis,
 Et super iniecit tulerat quæ dona parenti:
 At gelidum tepido iacuit sine sanguine corpus.
 Splenduit æthereo mens immortalis amictu:
 Cui superum mirata cohors arridet, & altis
 Gaudia scintillant animis, dominamq; saluant.
 Insonuere poli, longeque auditus ab alto
 Concentus, mixtumque melos, pars ocyus acta
 Clarius & cantu late resonabat acuto,
 Tarda ibat grauiore sono, qui sydera uoluunt
 Nunc gelidum uersus Boream, pigrumque Bootem:
 Nunc Austros contra, coelique latentis ad axem
 Cursibus assiduus orbes, qui lucida paruo
 Circuitu uersant in summis orbibus astra.
 Hi quoque concordii uocum discrimine carmen
 Immortale dabant: tellus, mare risit & aer.
 Ipsa sinu matrem proles complexa per altos
 Aeris ascendit tractus, iuxtaque paternum
 Ad læuam solium sublimi in sede locauit.
 Interea missi strato imposuere feretro
 Solliciti exanimum corpus gremioque dederunt
 Vallis, ubi magnum mundi, & generale futurum est
 Iudicium, et tali signarunt carmine marmor:
 Parthenicæ diuum Dominæ, matricque Tonantis.

S Anctus Dionysius Areopag. de diuinis nominibus ca. iij. de
 obitu Mariæ uirginis scripsit in hunc modum: Nam & apud
 ipsos diuino spiritu plenos pontifices nostros, cum & nos &
 plerique ex sanctis fratribus nostris ad contuendum corpus illud, quod au
 thorem uitæ Deumque ceperat, conuenissemus (aderat autem & frater
 Domini Iacobus & Petrus superum decus & antiquissimum Teologorum
 columen) ubi post contuitum placuit, ut infinite potentem di
 uinæ infirmitatis bonitatem pontifices laudarent
 omnes, quisque pro captu suo, &c. Greci uo
 cāt *παρθενικὴν καὶ θεοτόκον* corpus Ma
 riæ. Nam in eo cōceptus, exque
 eo corpore natus est
 Christus, uitæ princeps & Dei filius, Seruator
 noster unicus.

DE S A N C T I S
SERMO BEATI HIERONYMI DE AS-
sumptione uirginis gloriosæ.



Ogítis me, ó Paula & Eustochium, imò me charitas Christi compellit, qui uobis dudum tractatibus loqui consueueram, ut nouo loquendi genere sanctis, quæ uobiscum degunt, uirginibus, Latino utens eloquio, exhortationis gratia, sermonem faciam de Assumptione beatæ & gloriosæ semper uirginis Mariæ, more eorum, qui declamatorie in Ecclesijs solent loqui ad populum: quod utique docendi genus necdum attigeram. Sed quia negare nequeo, quicquid iniungitis, nimia uestra deuictus dilectione, experiar, quæ hortamini, aufferctu infantium more balbutientium, qui quæcunq; audierint, fari gestiunt, cum necdum possint ad plenum uerba formare: maxime quia propter simplices quosq; id me depromere compellit, ut habeant sermone Latino, quibus se occupent laudibus, eadem die quibusue diuinis uacent lectionibus, præsertim cum & eadem in multis festiuitatibus multorū sanctorum patrum studia, miro cuderint eloquio, quæ de hac quidem uberius ubiq; in scripturis diuinis prædicata leguntur. Quid enim aliud sonant Euangelia, nisi nascentem dominū ex Maria uirgine, & omnia incrementa eius, quousq; fuit in mundo dūtaxat, diuinis efferunt præconijs? Porro ab exordio sancti Euangelij Gabrielem archangelū colloquentē Mariæ audistis, & deinceps reliqua omnia plenius legistis. Ad præsepe quoq; te ó Paula teste, nato puero multitudinem angelorum inter crepundia noui partus, & querelas nescij ploratus, pro fesceninis gloria in excelsis deo, & in terra pax hominibus bonæ uoluntatis, cantantem audisti, & radiantem stellam uidisti: pastori bus insuper euangelizantibus credidisti. Magos præterea tria deferentes munera in uisione beatis oculis conspexisti. Ipsa eadem munera bene intelligendo, uotis omnibus, fide deo placita obtulisti. Nam & cū eisdē magis deum puerum in præsepe adorasti. Sed forte conquesta me delatorem, q̃ te prodiderim, clamabis. Ad quod ego: Si cælatum esse uolebas, teste cōscientia, mihi narrare ante præsepium, ubi plurimum lachrymata es, non deberes: quoniam, ut uerum fatear, Christi præconia etiam si uoluerō adiuratus, neq; tuas laudes tacere omnino queo. Idcirco tuæ te interrogent filiæ, quas lacte nutris, tu ea melius referabis, quæ nescio, si per speciē aliquam aut in spiritu uidisti. Vnde uos, ó filiæ, pulsate matrem precibus, pulsate ad ostium inuitantis amici, si quo modo uobis tandem aperiantur, quæ referata sunt matri. Veruntamen de his quid plura dicam? Omnia saluatoris gesta, & beatæ Mariæ obsequia, nec nō & actus uitæ, ex Euangelio didicistis. Et nūc quid superest, ut ab aliquo doctorū requiratis? De assumptione tamen eius, qualiter assumpta est, (quia uestra id deposcit intentio) præsentia absens uobis scribere curauim, quæ

ul, quæ absentia præsens deuotus obtuli, ut habeat sanctum collegium uestrum in die tantæ solennitatis munus sermonis Latini, in quo discat tenera infantia lactis experiri dulcedinem, et de exiguis eximia cogitare, qualiter fauente Deo per singulos annos tota hæc dies expendatur in laudem, & cum gaudio celebretur: ne forte si uenerit, uestris in manibus illud apocryphum de transitu eiusdem uirginis, dubia pro certis recipiatis: quod multi Latinorum pietatis amore, studio legendi charius amplectuntur: præsertim cum ex his nihil aliud experiri potest pro certo, nisi quod hodierno die gloriosa migravit à corpore. Monstratur autem sepulchrum eius cernentibus nobis usque ad præsens in uallis Iosaphat medio, quæ uallis est inter montem Sion, & montem Oliueti posita, quæ & tu Paula oculis conspexisti, ubi in eius honorem fabricata est ecclesia miro lapideo tabulatu, in qua sepulta fuisse, ut scire potestis, ab omnibus ibidem prædicatur, sed nunc uacuum esse cernentibus ostenditur. Hæc idcirco dixerim, quia multi nostrorum dubitant, utrum assumpta fuerit simul cum corpore, an obierit relicto corpore. Quomodo autem & quo tempore, aut à quibus personis sanctissimum corpus inde ablatum fuerit, uel ubi transpositum, utrumue resurrexerit, nescitur. Quamuis nonnulli astruere uelint, eam iam resuscitatam, & beata cum Christo immortalitate in coelestibus uestiri: quod & de beato Ioanne Euangelista eius ministro, cui uirgini à Christo uirgo commissa est, plurimi asseuerant, quia in sepulchro eius non nisi manna, ut fertur, inuenitur, quod & scaturire cernitur. Verū tamen quid horū uerius sentiat, ambigimus: melius tamen deo totū, cui nihil impossibile est, committimus. Quod aliquid temere definire uelimus autoritate nostra, quod non probamus & secuti de his, quos cum domino teste Euangelio resurrexisse credimus: sed utrum redierint in terræ puluerem, certum non habemus, nisi quod legimus, quia multa corpora sanctorum, quæ dormierant, resurrexerunt, ac uenerunt in sanctam ciuitatem, scilicet Hierusalem, & apparuerunt multis. De quibus profecto sanctis nonnulli doctorum senserunt, & in suis reliquerunt scriptis, quod iam in illis perpetua completa sit resurrectio. Fatentur enim, quod ueri testes non essent, nisi & uera esset eorum resurrectio. Vnde & beatus Petrus dixisse legitur, cum de Dauid loqueretur in testimonium: Et sepulchrum, inquit, eius apud nos est. Quasi non sit ausus dicere, quod ipse, aut corpus eius apud nos est: sed tamen sepulchrum quo conditus fuerat. Hinc aiunt, resurrexisse & ipsum cum cæteris sanctis, & ideo uacuum mansisse mausoleum, uti nunc beatæ Mariæ cernitur. Quod sanè factum & de alijs quibuslibet locis scripturarum affirmare conantur, quod hi iam cum Christo regnent resuscitati in æterna societate. Quod quia deo nihil est impossibile, nec nos de beata Maria factum abnuimus: quantum propter cautelam salua fide pio magis desiderio opinari oporteat, quam inconsulte definire, quod sine periculo nescitur.

B b iij

scitur.

scitur. Vnde & de his, ex quibus certi sumus, tantisper loquamur, ad exhortationem uestram qualicuncq; sermone ad ædificationem & laudem nominis dei, ut & religio conseruetur pro famulatu, & deuotio augeatur pro affectu: quoniam hæc est uirgo sola, quæ interemit uniuersam hæreticam prauitatem, sola post deum, quæ nos confirmet in omni ueritate, suisq; cõmendet meritis, & precibus auxilietur, ut ipsi digni inueniamur in eius laudibus. Quod si queritur, post ascensionem Domini quid egerit, unū pro certo est, quia uirgo sancta corpore & mente permansit. Quam sanè angelus Gabriel ac si cœlestis paranympheus intactā custodiuit: & Ioannes Apostolus atque Euangelista, cui Christus eam de cruce cõmisit, uirgo uirginem seruauit, suisq; ei deseruiuit obsequijs: non q̃ eam eximius ille sanctorum chorus apostolorum deseruerit, inter quos post resurrectionem domini intrans & exiens familiarius consulit de Christi incarnatione, tanto siquidē uerius, quanto ab initio plenius per spiritum sanctum didicerat, & perspexerat oculis uniuersa: licet & Apostoli omnia per eundem spiritum sanctum cognouerint, & in omnem edocti peruenerint ueritatem. Quam sanè beatam uirginē, etsi omnes uenerati sunt discipuli, eiq; famulabantur officio dilectionis: Ioannes tamen amplius ac specialius usq; ad finem uitæ, qui sibi cõmissam accepit in suam quasi matrem filius, cui benignus magister de cruce, Mulier, inquit, Ecce filius tuus: Ad discipulum autem: Ecce mater tua. Ut uirgo uirgini cohæreret, & deseruïret officiosissime cura adoptionis. Non enim pudicissima uirginitas alicui discipulorum rectius, q̃ uirgini cõmendatur, ut esset adinuicem grata societas, & floridus aspectus, nec non & uenustus conuersandi uultus, uernansq; alternatim pudicitiarū splendor decoratus: Vna siquidem uirtus uirginitatis in ambobus. Sed altera pportio in Maria, altera quidem, quia fecundior, sed ipsa, ipsa uerò, sed altera, quia & ipsa eademq; incorruptio, tamen fœcunditas integritatis longe gloriosior, q̃ uirgiuitas, idcirco & fœcunditas in illa tota deifica est, & uirginitas alioquin nusquam secundum naturam nascendi uirginitas, ubi fœcunditas prædicatur: neq; fœcunditas, ubi uirginitas integra conseruatur, ideoq; totum superexcellit de illa quæ dicuntur, quia sunt diuina & ineffabilia. Vnde uirginitas & fœcunditas prolis supereminens nouitas est, quanquam humanum cernatur ex carne, quod nascitur, ueruntamen etsi magnificentior multum uirginitas in Maria, propter gratiæ excellentiam, una tamen integritas carnis, & una uirtus, quæ adinuicem quasi cognata sociatur. Hinc quoq; Ioannes, quicquid est, quod Maria genuit, euangelizando suo cõmendat eloquio, dicens: In principio erat uerbum, & uerbum erat apud deum, & deus erat uerbum. Hoc quippe uerbum, quod erat in principio, & apud deum erat, & deus erat, ipsum genuit beata & gloriosa uirgo Maria ex se carne factum. Idcirco & uirginitas longe sacrator, & fœcunditas (ut ita dicam) multo

multo ineffabilior, quā suo poterit ille explicare eloquio. Veruntamen quanto uirginitas cognatio uirginitati, tanto beatus Euangelista ceteris excellētiore & uicinior uerbo. Ideo quicquid est, quod uirgo genuit, totum prout potuit homo per spiritum sanctum nobis referabit manifestius & docuit. Cæterum ad exemplum humanæ uitæ conuersatio eius post ascensionē Christi generaliter cum Apostolis fuit, quousque disperguntur, sicut Lucas meminit, dicens: Qui regressi quidem à monte Oliuēti, Hierosolymam uenerunt, & ascenderunt in coenaculum, ubi manebant Petrus & Ioannes, Iacobus & Andreas, Philippus & Thomas, Bartholomæus & Matthæus, Iacobus Alphei, & Simon Zelotes, & Iudas Iacobi. Hi omnes, inquit, erant perseverantes unanimiter in oratione cum mulieribus, & Maria matre Iesu, & fratribus eius. Ecce Iesu ascendente, cum quibus uirgo uacat in schola uirtutum, & meditatur in lege mandatorum dei, ut ipsa sit forma disciplinæ Christi, & exemplum perfectionis uirginibus. Conuersatur autem cum testibus sanctæ resurrectionis & ipsa testis: conuersatur cum senatoribus cœli infra curiam paradisi, sub sancti spiritus disciplina, & magisterio diuinæ maiestatis. Inuenitur prima inter primos summi regis heroas ipsa coheres, quorum uita non erat iam in terris, in quibus Christus præliabatur, sed de cœlis. Hinc ascendisse leguntur in coenaculum, quo Pascha dignissime celebratur. Ipsi quippe manebant cum Maria matre Iesu unanimiter aspirati in charitate, perseverantes in oratione, donec induerentur uirtute ex alto. Cœperant enim iam orare, qui dudum cum domino conuersantes, uirtutibus & miraculis pascebantur. Et bene perseverantes in oratione, nihil hesitantes, donec acciperent munia spiritus sancti, quæ poscebant. Quos & uos, o filii, imitami, quæ in schola Christi permanere uouistis: perseverate in orationibus unanimiter uiuentes, quousque intrare possitis gaudia æternæ uitæ, quo beata uirgo foeliciter hodie introiuit alternantibus hymnicidis Angelorum choris intra pascua æternæ uiriditatis, ubi una societas omnium supernorum, ubi dulcis solennitas angelorū, ubi post labores & ærumnas sæculi huius foelix & suauis resectio animarum. Tu autem Domine miserere nostri.

VITA S. BERNARDI ABBATIS.

Bernardus Burgundie partibus fontanis oppido patris sui oriundus fuit, parentibus claris secundū sæculi dignitatē, sed dignioribus ac nobilioribus secundū Christianæ religionis pietatem. Pater eius Tecelinus, uir antiquæ & legitimæ militiæ fuit cultor Dei iustitiæ tenax. Euangelicam namque secundum instituta præcursoris domini militiam agens: neminem concutiebat, nemini faciebat calumniam: contentus stipendijs suis, quibus ad omne opus bonum abundabat.

Sic

Sic consilio & armis seruiebat temporalibus dominis suis, ut etiā domino deo suo non negligeret reddere quod debebat. Mater Aaleth ex castro cui nomen Mons Barrus: & ipsa in ordine suo apostolicā regulam tenens, subdita uiro, sub eo secundum timorem Dei, domum suam regebat operibus misericordiæ insistēs, filios enutrens in omni disciplina. Septem quippe liberos genuit, & non tam uiro suo q̃ Deo: sex mares, foeminam unam: mares omnes monachos futuros, foeminam sanctimonialem. Deo nāq̃ (ut dictum est) non sæculo generans. Singulos mox ut partu ædiderat, ipsa manibus proprijs Domino offerebat: propter quod etiam alienis uberibus nutriendos committere illustis foemina refugebat, quasi cum lacte materno quodammodo boni infundens eis naturam. Cum autem creuissent, quam diu sub manu eius erant, heremo magis quā curiæ nutrieat, non patiens deliciores assuescere cibos, sed grossioribus & communibus pascens, & sic eos præparans & instituens domino inspirante, quasi continuo ad heremum transmittendos.

Hæc cum in ordine filiorum tertium Bernardum haberet in utero, somnium uidit prælagium futurorū, catellum scilicet totum candidum in dorso subrufum & latrantem in utero se habere. Super quo territa uehementer, cum religiosum quendam uirum consulisset, continuo ille spiritum prophetiæ concipiens, quo Dauid de sanctis prædicatoribus Domino dicit: Lingua canum tuorum ex inimicis. Trepidanti & anxie respondit: Ne timeas, bene res agitur: Optimi catuli mater eris, qui domus Dei custos futurus, magnos pro ea contra inimicos fidei æditurus est latratus: Erit enim egregius prædicator, & tanquam bonus canis, gratia linguæ medicinalis, in multis multos morbos curaturus est animarum. Quo responso mulier pia & fidelis quasi à Deo suscepto læta efficitur, & iam tunc in amorem nondum nati tota transfunditur, cogitans eum sacris literis erudiendum tradere, secundum modum uisionis & interpretationis, qua ei de illo tam sublimia promittebantur: quod et factum est. Mox enim ut foelici partu ædedit, non modo obtulit eum Deo, sicut de alijs agere cōsueuerat, sed sicut legi de sancta Anna matre ^{1. Reg. 1.} Samuelis, quæ petiitum à Domino & acceptum filium in tabernaculo eius destinauit perpetuo seruiturum. Sic & ipsa eum in ecclesia Dei acceptabile obtulit munus. Vnde & q̃ citius potuit in ecclesia Castellionis quæ postmodum ipsius Bernardi opera à seculari conuersatione in ordinem regularum canonicorum promota cognoscitur, magistris literarum tradens erudiendum: egit quicquid potuit, ut in eis proficeret. Puer autem & gratia plenus & ingenio naturali pollens, cito in hoc desiderium matris impleuit. Nam in literarū quidem studio supra ætatem & præ cogtaneis suis proficiebat: sed in rebus secularibus iam mortificationem futuræ perfectionis uelut naturaliter inchoabat. Erat nāq̃ simplicissimus in secularibus, amans habitare secum, publicum fugitans, miri cogitatu

cogitatus, parentibus obediens & subditus, omnibus benignus et gratus, domi simplex & quietus, foris rarus, & ultra quam credi posset ueracundus, nusquam multum loqui amans: Deo deuotus, ut puram sibi pueritiam suam conseruaret: literarum etiam studio deditus, per quas in scripturis Deum disceret & cognosceret. In quo quantum in breui profecerit, & quam perspicacem in discernendo induerit sensum, ex eo quod subiungimus, aduersi potest, &c. Verum ne liber in maiorem, quam par est, magnitudinem excederet, uisum fuit, uitam diui huius abrumperet. Cetera leges alibi.

AGAPETVS I.



Agapetus patria Romanus, patre Gordiano presbytero ecclesie sanctorum Iohannis & Pauli, pontifex creatus à Theodasio, statim ad Iustinianum mittitur, ei infensum quod Amalasium Athalarici matrem in insulam lacus Volsiniensium relegauerat interficere iusserat. Erat enim hæc foemina ita græcis & latinis literis imbuta, ut cum quouis docto disputando congrédi auderet. Præterea uero ita linguas barbarorum omnium callebat, ut sine interprete cum his omnibus loqueretur, qui tum Romanum inuasærant imperium. Huius autem mulieris interitum Iustinianus ita ægre tulit, ut bellum Theodasio se illaturum minaretur. Agapetus itaque eo missus, ac benigne & honorifice susceptus, cum pacem impetrasset ab Imperatore, tentatur ut Eutichianam opinionem confirmaret. Verum cum Iustinianus ab ea re hominem sanctissimum abhorrere cerneret, precibus minas addit. Tum Agapetus: ego, inquit, ad Iustinianum Christianissimum principem uenire optauī, sed Diocletianum inueni, quē Christianorum hostem fuisse constat. Hac libertate loquendi & Dei nutu Iustinianus permotus, & fidē catholicā amplexus est, & pulso Anthemio Constantinopolitano episcopo, qui Eutichianam heresim tuebatur, Mennam catholicum in eius locum suffecit Agapeto consecrante, qui haud ita multo post Constantinopoli moritur, cuius corpus oculis plumbeis clusum Romam deferretur, ac in basilica Petri sepelitur. Sedit autem mensibus undecim, diebus undeuiginti.

DE S. PAPHNVTIO.



Idimus & aliud monasterium sancti Paphnutii, hominis dei, qui nominatissimus in illis locis anachorites, & ultimi habitator fuerat deserti, in regione Eracleos, splendidae urbis apud Thebaidem. De hoc ergo fidelissima patrum narratione comperimus, quod cum fuisset uitæ angelicæ, quodam tempore orauerit ad deum, ut sibi ostenderet, cui sanctorum similis haberetur. Assistens uero angelus Dei respondit ei, quod similis esset Symphoniaco cuidam, qui in uico illo canendi

tandī arte uictum quæreretur. Tunc ille obstupefactus nouitate responsi, cum omni properatione pergens ad uicum, requirit hominem. Et cum inuenisset, studiosissime percūctabatur ab eo, qui nam sancti & religiosi operis gestum sit ei, omnesq; actus eius curiosius discutit. At ille respondit, quod res erat, se esse indignissimæ uitæ hominem peccatorem, atque ante non multum temporis ex latrone in istud, quod nunc exercere uideatur, foedum artificium deuolutum. Paphnutius eo magis instabat requirens, si quid ei forte uel inter latrocinia pij operis fuisset admissum. Nihil, inquit, mihi conscius sum boni. Hoc tamē scio, q̄ cum inter latrones essem, capta est aliquando à nobis uirgo deo consecrata: huius cum cæteri collegæ mei latrones cuperent eripere pudorem, obieci me mediū & eripui eam de contaminatione latronū, & nocte deducens eam usq; ad uicum, domui suę restitui intactam. Alio quoq; tempore inueni mulierem honestæ formæ in heremo oberrantem. Hæc cum interrogaretur à me, cur, aut quomodo in hæc loca deuenisset, respondit: Nihil me interroges infœlicissimam mulierem, nec causas requiras: sed si ancillam placet habere, abducito quo uis. Mihi enim infœlici est maritus, qui debiti fiscali gratia sæpe suspensus & flagellatus, ac poenis omnibus cruciatus seruatur in carcere, nec aliam ob causam producit, nisi ut tormenta patiatur. Tres autē nobis filij fuerunt, qui pro eiusdem iam debiti necessitate distracti sunt. Ego quoq; miserrima, quia ad similes poenās inquiror, de loco ad locū fugitans, inedia miseriāq; confecta, per hæc nunc latitans oberro loca, triduum hoc sine cibo iam ducens. Ego ubi hæc audiui, miseratus adduxi eam ad speluncam, & reficiens animam eius fame collapsam, dedi etiam trecentos ei solidos, pro quibus se ac maritum, & filios non solum seruituti, sed & supplicijs asserbat obnoxios, & reuocatam eam ad ciuitatem, omnes eos data pecunia liberaui. Hoc solum scio me fecisse in latrocinio meo. Tunc pater Paphnutius: Ego, inquit, nihil tale feci, tamen credo etiam ad te peruenisse, q̄ celebre Paphnutij nomen inter monachos habeatur. Fuit enim mihi nō mediocris studiū, ut uitam meam in huiusmodi excolerem disciplinis. Deus igitur de te mihi reuelauit, quia nihil minus apud ipsum meriti habeas, q̄ ego. Quia ergo frater uides, te non minimo loco haberi apud deum, non negligas animam tuam. At ille statim fistulas, quas manu gerebat, abijciens secutus est eum ad heremum, & artem musicam in spiritualem commutans uitæ mentisq; harmoniam, per integrum triennium arctissimę se tradidit abstinentiæ, in Psalmis & orationibus semetipsum die noctuq; exercens, atq; iter coeleste animi uirtutibus agens, inter sanctorum angelicos choros reddidit spiritum. Posteaq; hunc Paphnutius omni exercitij uirtute consummatum præmisit ad dominū, ipse acrioribus semetipsum studijs, q̄ prius exercuerat agens, iterū domino supplicabat, ut sibi ostenderet, quis ei similis esset super terram. Fit ergo uox ad eum, dicens: Sit

mitem

milem te esse nosce primario uici huius, qui est in proximo. Quibus auditis, Paphnutius sine mora ad eum properans, pulsât ad hostium domus eius. Ille uero, cui moris erat suscipere hospites, occurrit ei, atq; introducit in domum suam, lauans quoq; pedes eius apposuit mensam, egitq; conuiuium. Inter epulas uero percunctari Paphnutius coepit ab hospite, qui actus eius, quod studium, cuiusq; operis haberet exercitia. Ille uero cum de se humilia responderet, & latere in bonis, q̃ publicari mallet, perurgebat Paphnutius, dicens: relatum sibi esse a Domino, q̃ dignus esset consortijs monachorum. At ille ergo magis humiliora de seipso sentiens, aiebat: Ego quidem in nullo mihi boni alicuius sum conscius: Verum quia uerbum dei factum est ad te, eum quem nihil latet celare non possum: hæc ergo, quæ mihi in medio multorum posito in usu sunt, loquar. Triginta iam completi sunt anni, q̃ continentiae cōsensum habere me cum coniuge mea nullus agnouit. Suscepi autem ex ea tres filios: horum enim causa solummodo cognita est mihi uxor, nec præter eam alia, nec ipsa ultra iam cognita. Suscipere hospites nunq̃ cessauī, sed ita, ut neminem ante me paterer aduenienti occurrere peregrino. Non dimisi unquam de domo mea hospitem sine uiatico: pauperem nullum despexi, sed quæ necessaria fuerant, præbui. Si in iudicio sedi, nec filij mei personam contra iustitiam accepi. Alieni laboris fructus nunq̃ introierunt in domum meam. Litem si uidi, nunq̃ præterī, donec reconciliare dissidentes ad pacem. Nemo unq̃ deprehendit in culpa famulos meos: nunquam greges mei læserunt fruges alienas. Volentes seminare in ruere meo, nunq̃ prohibui, nec uberiora mihi noualia elegi, steriliora illis dereliqui. Quantum in me fuit, nuquam permisi, ut potēior infirmum premeret. Semper studui in uita mea, ut neminem contristarē. Iudiciū si fuit apud me, neminem condemnaui: et dissidentes reuocare in concordiam studui. Hæc interim mihi uitæ institutio; Deo donante, hætenus fuit. Audiens aut hæc beatus Paphnutius, caput eius exosculans, benedixit eum, & dixit: Benedicat te dominus altissimus ex Syon, & uideas quæ bona sunt Hierusalem omnibus diebus uitæ tuæ. Quia ergo bene hæc & conuenienter implesti, illud tibi deest, quod bonorū omnium summum est, ut omittens cuncta, ipsam iam sequaris dei sapientiā, & secretioris scientiæ inquiras thesauros, ad quos aliter nō poteris peruenire, nisi abneges teipsum, & tollas crucem tuam, et sequaris Christū. At ille cum audisset hæc, nihil moratus, nec omnino aliquid in domo sua ordinans, secutus est uirum pergens cum ipso ad desertum. Cumq; uenissent ad flumen, nusquā ad transmeandū reperto nauigio, Paphnutius præcepit intrare secum pedibus fluuium, cuius in illis locis profunda habebatur altitudo. Transierunt ergo pariter fluuium ita ut aqua eis uix ad latera perueniret. Vbi uero ueniunt ad desertum, collocat hominem Paphnutius in cellula quadam, haud procul a suo monasterio posita, &

fita, & conuersationis spiritualis ordinem tradidit, perfectorumq; studiorum exercitia docet, scientiarum quoq; secretiora concedit. Cumq; eum in omnibus instruxisset, semetipsum denuo maioribus exercitijs dedit, exiguos priores deputans labores, quibus conferri potuerit his, qui sæculi uidebantur actibus occupari: hoc enim sibi dicebat: Si isti qui sunt in sæculo, tantum boni operis faciunt, quanto nos studere debemus plus uel amplius in abstinentiæ laboribus eos antecellere? Tempore autem aliquanto in his transacto, & ad scientiæ perfectionem perducto, eum quem perfectum iam in operibus assumpserat, quadam die Paphnutius sedens in cellula sua, uidet animam eius inter Angelorum choros assumptam, dicentium: Beatus, quem elegisti & assumpsisti, habitabit in tabernaculis tuis. Et cum hæc audisset, agnouit assumptum esse ex hoc mundo uirum. Tunc uero Paphnutius persistebat in ieiunijs & orationibus, semetipsum ad maiora & perfectiora extendens, & rursus orabat dominum, ut sibi ostenderet, cui similis haberetur inter homines. Rursus ei uox diuina respondit, dicens: Similis es negociatori, quem uideris ad te uenientem: sed exurge uelociter, & occurre ei: adest enim uir, cui te simile iudicaui. Et Paphnutius sine mora descendens, occurrit cuidam negociatori Alexandrino, uiginti milibus solidorum merces tribus nauibus deferenti ex Thebaida: & quoniam erat religiosus, & bonorum operum studium gerens, decem leguminum saccos pueris suis impositos ad monasterium dei hominis deferebat: & hæc ei causa adeundi Paphnutium fuit. At ille continuo ut eum uidit: Quid agis, inquit, o preciosissima & deo digna anima? Quid tibi cum terrenis est labor, cui fors & societas cum coelestibus data est? Relinque hæc illis, qui de terra sunt, & de terra cogitant: tu autem regni dei (ad quod natus es) negotiator efficere, & sequere saluatorem, a quo paulo post assumendus es. At ille nihil omnino differens, præcepit pueris suis, ut omnia quæ superessent (multa enim iam ipse per se distribuera) pauperibus erogarent. Ipse uero sequens sanctum Paphnutium ad desertum, in eodem ab eo constitutus est loco, ex quo & priores ad deum fuerant assumpti: & similiter ab eo de omnibus instructus in exercitijs spiritualibus, & diuinæ sapientiæ studijs permanebat. Breui autem tempore consummato, etiam hic translatus est ad congregationem iustorum. Et non multo post ipse etiam Paphnutius in ipsis summæ abstinentiæ exercitijs & laboribus uitam posuit. Astitit enim ei angelus domini, dicens ad eum: Veni iam benedicte domini, & ingredi (quæ tibi debentur) æterna tabernacula. Ecce enim mecum adsunt prophetæ, qui te in tuum suscipiant chorum. Hoc autem tibi prius idcirco non reuelauit, ne forte elatus damnum aliquod tui laboris incurreres. Et unâ post hæc in corpore adhuc positus diem ducens, cum quidam presbyteri ad eum uisitandum uenissent, omnia eis quæ sibi dominus reuelauerat, nota fecit, dicens ad eos: Nullum in hoc

sæculo

seculo debere despici, etiam si latro sit aliquis, aut in scena positus, etiam si cultum ruris exerceat, & coniugio uideatur astrictus, etiam si negotiator dicatur, & mercimonijs inseruiat: tamen in omni ordine humanæ uitæ sunt animæ deo placentes, & habentes actus aliquos occultos, quibus delectatur deus. Vnde constat, non tantum professionem uitæ, aut habitus speciem deo esse placitam, quantum sinceritatem atq; affectionem mentis et operum probitatem. Et cum similia de singulis quibusq; disseruisset, tradidit spiritum. Evidenter autem presbyteri qui aderant, et omnes fratres uiderunt eum ab angelis suscipi, hymnum cantantibus & collaudantibus Deum.

BARPTOLOMÆVS APOSTOLVS.

EVlebius de S. Barptol. ait: Barptolomæus Indiam citeriorem sortitus est, lib. iij. cap. j. Et lib. v. cap. x. sic scribit: Pantænum ferunt, cum ad Indos peruenisset, reperisse, quod Barptolomæus Apostolus apud uos fidei semina prima condiderit, & Matthæi Euangelium Hebræis scriptum literis dereliquerit, &c. Ioach. Vadianus sic meminit S. Barptolomæi: Inter suppliciorum genera excoriationem Persas habuisse. Marcellinus li. xxij. tradit, poenam sine dubio uicinis etiam gentib. cognitam, ut uerisimile sit, quod de Barptolomæo Orientis Apostolo excoriato proditum est. De S. Barptolomæo sic habet D. Hierony. in lib. de uiris illustrib. Barptolomæus Apostolus Indis, ijs qui dicuntur Fortunati, prædicauit euangelium Christi, & Euangelium, quod est secundum Matthæum, eis tradidit. Dormiuit autem Albanopoli, oppido maioris Armeniæ.

S. AVGVSTINVS ECCLESIAE

doctor.



QUod his diebus contigit fratres humanissimi uidistis, quibus ^{Ex S. Ambrosio.} Domini nostri Iesu Christi summam potestatem & clementiam intelligere potuimus: memoriæq; mandare debemus, q; in nulla re magis Christianis gratulari possumus, q; quod hoc tempore & ætate nostra mirandum oculis nostris uidimus. Diuinæ clementiæ innumeras gratias agere debemus, quod Augustinus Afer Carthaginensis, philosophus acutissimus, contempto gentilium cultu, ad ueram Christianam religionem diuino nutu tandem peruenit. Hoc resurrectionis tempus duplici lætitia celebrandum est, Christi scilicet uictoria,posito, ac deleto inferorū imperio, & Augustini conuersione, quæ Christianis plurimum confert. Quis expugnauit animum? quis superauit? Non argumenta, non uis aliqua uerborum, sed Dei duntaxat uirtus & clementia. Nonne Rhetor hic habebatur præstantissimus? Nonne eius doctrina accinctus Mediolanum uenit, ibi a cunctis ciuib. honorificè

Cc iij susceptus

susceptus est: Ad quid tanta liberalium disciplinarum eruditio, tantum philosophiæ acumen? Ad quid illud acre ingenium, illa Dialectica, cæteræq; artes, sine præceptore adeptæ, ad hoc ut diuina potentia magis eluceat mortalibus? Quo Aristotelica institutio in disputando simulationes, difficultates tendebant, uersutiæ, contentiones & astutiæ, quibus maxime erat instructus, argumentaq; contra sacrarum literarum scripturas, cum unâ essemus adducta, in quibus diuinum quandoq; implorabamus auxilium? Quo tanta in dicendo hominis gratia, tanta in dicendo copia atq; facundia, ut non temere eius dicta dissolui potuissent? Ad hoc, ut fides Christi stabiliretur, sæpius me eum tentasse intelligitis, quo inter dissensiones nostras uirtus diuina operaretur. Optabam mirum in modum hominem tantæ doctrinæ illuminari, à quo summa gloria et splendor, ut in merito Christianæ fidei oriri posset. Verum etiam Augustinus tanta interdum pertinaciâ & disputationis suæ acrimonia, ac uehementia nos urgebat, ut inter supplicationes nostras, quod deus ab eius captionibus nos auerteret, rogare coacti sumus. Matris eius Monica precibus & lachrymis penè continuis, nostrisq; orationibus aliquantisper adhærere cœpit, & prædicationibus nostris aliquando interesse cupiebat, in quibus fidei nostræ synceritatem omnibus disciplinis, & omnium artium argumētis antecedere ostendebamus. Diuino tandem auxilio, Christi ueram religionem amplexus est, unde humanum genus & Christi fideles merito iubilare possunt. Veruntamen Simpliciano nostro probatę sanctitatis uiro non minores gratiæ agendæ sunt, à quo Augustinus de religione beata, felicisq; uitæ instructus est. A quo idem multa de Christi fide, tum exempla, tum miracula accepit, quibus si quæ hæresis rubigo esset, pollutum animū abstrescit, quibus à se omnis dubitationis timor procul propulsatus est. Quantis fratres charissimi lachrymis errorem confessus est suum? quanto luctu conuersionis diuturnitatem conquestus est? quibus uerbis, & quo dolore seram poenitentiam damnauit? Dimidiam enim fermē uitæ suæ partem inter gentilium mores ac uanas disciplinas, mundanosq; errores consumpsit. Iubilate de tanta uictoria, in qua Augustinus tanq; dux cum commilitonibus suis Adeodato & Alypio socio captiui nostri sunt. Hæc quidem captiuitas Augustinum beatum faciet, regnum Dei parabit. Triumphare tamen uisus est Augustinus illa præsertim hora, in qua nouum hominem, sacro baptismo induimus, in quo unâ nobiscum diuino quodam instinctu hymnum cantauimus de Christi fide. Et uberius ut instrueretur, & à cæteris gentiliū opinionibus & erroribus remoueretur, totum cognitionis animū intendit. Nouum in Christi fide militem habemus, acerrimum contra gentiles hostem, contra hæreticos inuictissimum imperatorem. Nouum Christianum nouis uestimentis cuculla nigra induimus, cingulo ex corio nosipsi præcinximus, quod Simplicianus noster ingenti lætitiâ

ti lætitia donauit. Agamus gratias Domino Iesu Christo ingentes, qui religioni nostræ talem ac tantum principem instituit. Gaudeamus omnes in Domino, qui omnia uirtute sua continet, & incomprehensibili maiestate uniuersa complectitur. Gaudeant angeli Augustini tam celebri conuersione. Gaudeant cœlum & uniuersa terra, benedicant omnes Dominum, quia ad conferendum hominibus subsidium creauit & illuminauit Augustinum, à quo tanquam religionis exordio Christiani auxilium caperent & suffragium: à quo denique religionis constitutiones oriri poterunt. Hanc Augustini conuersionem in futurum homines diuinis prosequuntur honoribus, Amen.

DE S. MONICA MATRE AVGVSTINI,

Maphæi carmen.



Salue lux matrum, mater sanctissima salue,
Salue Augustini Monica digna parens.

O salue tanti nati dignissima mater:

O salue sexus gloria foeminei,

Quæ genuisti illud, cunctis memorabile sæclis,

Ecclesiæ robur, præsidiumque, sacræ.

Eloquij flumen tantum, quo tota rigatur

Lex sacra: & ubertim lingua Latina fluit.

Vertisti sacris precibus, quibus anxia semper

Pulsabas magnum flensque gemensque Deum.

Vertisti largo lachrymarum flumine, quo te

Spargebas, largo semper & imbre madens.

Felices o quæ, tantum lachrymæ, gemitusque,

Fœlices tantum quæ potuere preces.

Quæ trahere ad sese summum potuere Tonantem,

Ferreque, qua certè mundus egebat, opem.

Ingenij fulmen tantum, quo tota choruscet

Sacra fides, omnis impietasque tremit.

Quem longè errantem, longè Christoque rebellem

Vertisti ad ueræ religionis honos.

O feruens amor, o pietas incensa parentis:

O qui flagrabat sancta per ossa calor.

O flamma, o nulli facile enarrabilis ardor,

Maternæ o feruor mentis, & ignis edax.

O qui te tantus æstus pia mater agebat,

Et quo scandebas impetus astra super,

Ardentes tanquam longè uolucresque sagittæ,

Sicibant lachrymæ, uota, precesque tuæ.

Æthereique altè penetrabant pectora regis,

Cogebant

DE S A N C T I S

Cogebant illum: nulla negare tibi
 Quin maiora etiam quàm quæ sperare uel unq̃
 Auderes ultro, plura simulq̃ dare.
 O quantum tibi nos omnes debere fatemur,
 Cuius ope est mundo tanta reddita salus:
 Quippe nisi è tenebris ad lumina sacra redisset
 Conuersus meritis filius ipse tuis.
 Altiloquas totum nisi diffudisset in orbem
 Doctrinas, tantum totq̃ uoluminibus.
 Errorum nisi tot pestes strauisset iniquas
 Ingenio, nisi tot dogmata praua suo
 Ecclesiam tanto quæ firmauere ruentem
 Robore: felices o lachrymæ atq̃ preces,
 O dulces lachrymæ uincantq̃ mella fauosq̃
 Quæ uincant dulces & omne preces.
 Quid mirum si nostra fides cultusq̃ perisset?
 Si totus noster religionis honos.
 Nunc uero superi quando ad fastigia cœli,
 Euictam nunc te purior orbis habet:
 Quando hac terrena de fece & carcere tantum
 Eruta, tu loca nunc liberiora colis:
 Nunc nostris melius, rogans tu consule rebus
 Pro nostra melius funde salute preces,
 Affer oper nunc tu mundo succurre labenti.

DECOLLATIONIS S. IOAN- nis Baptistæ.

Ex Iuuenco.

INterea ad regem uolitabat fama superbum,
 Quod mala cuncta illic uirtus diuina domaret.
 Sed putat Herodes læti quod lege remissus,
 Tanta ut Ioannes uirtutis dona teneret.
 Nam quondam, cernens, liuenti pectore dæmon
 Erroris labem, puris quod solueret undis
 Iustus Ioannes, damnis accensa malorum
 Tunc petit Herodem pestis squissima regem.
 Et facile iniusti penetrans habitacula cordis
 Accumulare feris subigit scelera impia gestis.
 Arserat illicito Herodes accensus amore,
 In thalamos fratris, casto quod iure uetabat
 Doctus Ioannes, feritas sed nescia recti
 Subiecit leges pedibus, fruiturq̃ nefandis

Connu

Connubijs, iustumq; super (quia praua uetabat)
 Carceris immergit tenebris, uindictq; grauauit.
 Sanguine nam iusti primo compressa timore
 Abstinet sitiens feritas, quia magna prophetam
 Plebis Ioannem ueneratio suscipiebat.
 Natali sed forte die, quum læta tyrannus
 Herodes cellis strueret conuiuia tectis,
 (Luxuria quoniam coniuncta superbia gaudet)
 In medio iuuenum, reginæ filia uirgo
 Alternos laterum celerans sinuamine motus
 Compositos tithara iungit modulante choreas.
 Ipse sed in primis mirata uirginis arte
 Attonitus stupuit, tum præmia cuncta patere
 Iuratus spondet, quæcunq; puella petisset.
 Illa sed horrendæ seruans scelera impia matris
 Urget Ioannis caput à ceruice reuelli,
 Et lance inferri præsentia munera poscit.
 Præsentum Herodes procerum sub pondere tristis,
 Iurandiq; memor iuris, tamen imperat ægre
 Infantis caput inferri, tradiq; puellæ.
 Illa nephas matris scelerata ad gaudia portat.
 Corporis ac lacerum flentes sine nomine truncum
 Discipuli condunt terræ, Christumq; sequuntur.

DE HERODE ET HERODIADE.

Coram Herode Herodiadis dum filia saltat,
 Dum quo debuerat displicuisse placet,
 Ebrius affectu rex coniugis, ebrius illo
 Fortunæ luxu, prætereaq; mero:
 Opta ait, o uirgo, dabitur, iurauimus, huius
 Dimidium regni poscere si libeat.
 Impia suggestu sceleratæ filia matris,
 Inquit: Baptistæ da precor ergo caput.
 Dona petis uirgo (si saltatricula uirgo est)
 Quæ uix sustineas cernere dona petis.
 O funesta parens, o natæ dira nouerca,
 Saltare, atq; homines quam iugulare, doces.
 Rex dolet, & tristis concedit: nempe coactus
 Iurisiurandi relligione sui.
 O regem fidum, sed tunc tantummodo fidum,
 Maius perfidia est quam scelus, ipsa fides.

Thome
 Mori,

Dd

In

DE SANCTIS
IN PICTURAM HERODIAE
mensae.

Sanguine funesta est Herodis mensa uirili,
Sanguine funesta est mensa quoque Flaminij.
Tam similes caedes, similes ferere puellae,
Illam saltatrix obtinet, hanc meretrix.
Id tamen intererat, meretrici uita nocentis,
At saltatrici penditur innocui.

IN EANDEM PICTURAM.

O Ro uiri foedo sancti fluitantia tabo,
Decussum quoque gerit regia mensa caput.
Corpora sic regi rex Atreus ambo Thyesti
Natorum apposuit frater edenda patri.
Sic regi Odrysis natum regina peremptum
Fida soror, genitrix perfida ponit litem.
Talia regales ornant bellaria mensas:
Crede mihi non est pauperis iste cibus.

S. AEGIDIUS CONFESSOR CHRISTI.

Georg. Vili-
selij.



Alunt Aegidium Graecum Athenis natum, patre Theodoro, matre Pelagia utroque Christiano. Qui primis statim annis pietatis specimen edidit, egroto nimirum cuidam suam ipsius uellem impartiens, diui Martini non inegregius imitator futurus. Porro relictum patrimonium Christum suum heredem instituit, hoc est, decreuit illud ipsum in egenos, Christi minimos, hilariter dispergere. Copiose dedit de copiosa hereditate. Maluit bonorum operum diues esse quam pecuniarum. Cum uero inclarescere coepisset in patria, uitandae celebrioris famae gratia, Graeciae ualedicens, nauigio deuenit in Galliam: & Massiliae innotuit Caesario Arelatensi praefuli, qui cupide fruebatur sancti uiri colloquio. Illinc perrexit, & transito Rhodano, delapsus est ad heremum quandam, in qua Veredemium illum reperit, anachoretam miraculis aeditis insignem, Aegidio superiorem. Apud hunc quoque demoratus aliquantisper, utpote eodem spiritu, eademque mente praeditus, ubi Deo uisum fuit, relicto Veredemio de peculiari sibi domicilio prospexit, in quo solus Deo nostro uacaret totus. Antrum uero hoc erat, feris quoque hominibus accommodatius domicilium. Quo tempore Flavius Gothorum rex Monarchiam tenuisse dicitur, circa annum Domini DCC. Solitario igitur, omnibusque humanis commodis destitutus, cerua lactis alimoniam subministrasse scribitur, quam cum uenatores aliquando confectas

consectarentur usque ad speluncam, ac iaculis conarentur figere, ipsum Monachum ex improviso tetigerunt. Eo uulnere nihilo tristior factus, in pio proposito durauit: & regis aliorumque ad se comitantium munera respuit: docuit uero & monuit recta, praeterque quod per Christi lesu nomen multos infirmos bonae ualeitudini restituit. Aiunt isto in loco regis munificentia Monasterium templumque illum exaedificasse, & sincere monachorum greges ibi pauisse uerbo, iam sacerdotij honorem adeptum. Multis post annis Romam accessit, confirmandae communionis gratia. Dein regressus in Galliam, suo in monasterio laetus ad Christum migravit, magna pijs hominibus relicta moestitia.

S. SERAPHIA VIRGO.



Seraphia uirgo Antiöchenfis, quum Adriano Imperatore Romam uenisset, in domo beatæ Sabine diuersata est, eandemque ad fidem Christi conuertit. Quamobrem à præside Beryllo comprehensa, ad dearumque sacrificium producta, negauit se alteri quam Christo sacrificium oblatorum, affirmas se ob perpetuam uirginitatem, quam ei uouerat, templum Dei uiui factam. Tunc præses, ut amissa pudicitia templum Dei esse desineret, duobus eam salacibus iuuenibus constuprandam tradit. Qui obscuriore cubiculo inclusam, quum circa primam noctis horam aggredi pararent, orante uirgine subito lumine circumfulsi, quasi exanimis membris omnibus resolutis in terram prostrati, tota nocte iacuerunt, donec præsidis rogatu fuerunt à uirgine oratione fusa postera die suis uiribus restituti, & quæ sibi contigerant præsidi narrauerunt. Sed quum is cuncta magicis artibus tribueret, adductam sibi uirginem & uestibus spoliata incensis facibus aduri iussit. Quod cum alacri animo illa tolerasset, fustibus diu cesa, & trans arcum Faustini ducta, ibidem decollata est. Eius autem corpus beata Sabina in eodem loco sepeliuit, tertio nonas Septembris.

*Ex Romano
breviario.*

DE S. AMMONE ABBATE.



Vidimus autem in Thebaida etiam alium uirum nomine Ammonem, patrem trium milium circiter monachorum, qui Thebanensis appellabantur, ingentis abstinentie uiri, quibus usus est indui colobis quasi sacco ligneis, & pelle confecta à collo post tergum & latus descendente contegi: cucullis etiam caput operiri, maxime cum ad cibum conuentum fuerit. Eis etiam uelare faciem, ne alius alium partius cibum sumentem deprehendat. Est autem eis & in capiendo cibo summum silentium, ita ut nec putetur, in eo loco esse aliquis hominum, ubi sedent ad mensas. Et omnis eorum conuersatio ita in multitudine

Ex uitis Pat.

D d ij dine

one posita quasi in solitudine: dū ita latet uniuscuiusq; abstinentia, ut ab alio deprehendi non possit. Sedent ergo ad mensam cōtingentes magis quā sumentes cibos, ut nec defuisse mensis, nec tamē uentri satisfecisse uideantur. Maior quippe est continentiae uirtus his abstinere, quā in oculis habentur, & non in manibus.

DE S. BENONE ABBATE.

Ex uitis Pa-
trum.



Idimus & alium senem mansuetudine omnes homines prae-
cellentem abbatem, Benonem nomine, de quo asseriebant fra-
tres, qui cum ipso erant, quod neq; iuramentum unquā, neq;
mendacium de ore eius processerit, neq; ullus hominum iratum uiderit
eum aliquando, aut sermonem superfluum ociosumq; proferentem, sed
erat uita eius in summo silentio, moresq; tranquilli, & per omnia quasi
angelici ordinis uir: humilitas quoq; immensa, & in omnib. pro nihilo
semetipsum ducens. Deniq; nobis multum rogantibus, ut aliquem
sermonem ab eo ædificationis audiremus: uix impetrare potuimus, ut
pauca nobis de mansuetudine loqueretur. Hic aliquando cum bestia
quædam, quæ hyppodamus appellatur, sibi regionem proximam uici-
namq; uastaret, & ipse rogatus fuit ab agricolis, immediate uenit ad illū
locum: & cum ad immanem beluam peruenisset, ait ad eam: Præcipio
tibi in nomine Iesu Christi, ne ultra uastes hanc terram. Tunc illa quasi
angelo persequente effugata, nusquam omnino comparuit. Simili mo-
do etiam Crocodilum ab eo alio tempore fugatum perhibebant.

NATALIS MARIAE DEIPARÆ.

Ex apocry-
phis Hiero-
nimi.



Beata & gloriosa semper uirgo Maria de stirpe regia & fami-
lia David oriunda, in ciuitate Nazareth nata, Hierosolymis
in templo domini nutrita fuit: pater eius ioachim: mater ue-
rò Anna dicebatur: Domus paterna ex Galilæa, & ciuitate Nazareth:
maternum autem genus ex Bethlehem erat. Vita eorum simplex & res-
cta apud dominum, apud homines irreprehensibilis erat, & pia. Nam
omnem substantiam suam trifariam diuiserunt: Vnam partem templo
& templi seruatoribus impendebant: aliā peregrinis et pauperibus ero-
gabant: tertiam suæ familiæ usibus, & sibi referuabant. Ita isti deo chari,
hominibus pñ, per annos circiter uiginti, castum domi coniugium sine
liberorum procreatione exercebant. Vouerunt tamen, si forte deus do-
naret eis sobolem, eam se domini seruitio mancipaturos: cuius rei gratia
& templum domini singulis per annum festis frequentare solebant. Fa-
ctum est autem, ut Encoeniorum festiuitas approquinquaret: unde cum
nonnullis contribulibus suis Hierosolymam & ioachim ascendit. Ea ue-
rò tempe

ro tempestate Hachar ibi pōtifex erat. Cumq; inter cæteros cōcines suos etiam loachim cum oblatione sua uideret, despexit eum, & munera eius spreuit: interrogans, cur inter foecundos infoecundus ipse stare præsumeret, dicens, munera nequaquam Deo digna posse uideri, quem ipse prole indignum iudicasset, scriptura dicente: maledictum omnem esse, qui non genuisset masculum in Israël. Dicebat ergo prius, eum ab hac maledictione sobolis generatione soluendum, & sic demum in conspectu domini cum oblationibus esse uenturū. Cuius opprobrii obiectu pudore magno suffusus loachim, ad pastores, qui cū pecudibus erant in pascuis suis, secessit. Neq; enim domū repetere uoluit, ne fortē a conturbulibus suis, qui simul aderant, & hoc a sacerdote audierant, eodem opprobrii elogio notaretur. Verū cum ibi aliquādiu esset, quadam die, cum esset solus, angelus domini ei cum immenso lumine astitit. Qui cū ad eius uisionem turbaretur, angelus qui ei apparuerat, timorē eius compescuit, dicens: Noli timere loachim, neq; in uisione mea turberis: Ego enim sum angelus domini, missus ab ipso ad te, ut annūciem tibi preces tuas esse exauditas, & eleemosynas tuas ascendisse in conspectum eius. Videns quippe uidit pudorē tuum, & audiuit sterilitatis opprobrium non recte tibi obiectum: Peccati nanq; non naturæ ultor est Deus. Et ideo cum alicuius uterum claudit, ad hoc facit, ut mirabilius denuo aperiat: & nō libidinis esse quod nascitur, sed diuini muneris, cognoscatur. Prima enim gentis uestræ Sara mater, nonne usq; ad octogesimum annum infoecunda fuit: & tamen in ultima senectutis ætate genuit Isaac, cui repromissa erat benedictio omnium gentium. Rachaël quoq; tantū domino grata, tantumq; a sancto Iacob adamata, diu sterilis fuit, & tamen Ioseph genuit, non solum dominum Ægypti, sed plurimarum gentium fame periturarum liberatorem. Quis in ducibus uel fortior Sampsonē, uel sanctior Samuele? Et tamen hi ambo steriles matres habuēre. Si ergo ratio uerbis meis tibi non persuadet credere, dilatos diu conceptus. & steriles partus mirabiliores esse solēre: proinde Anna uxor tua pariet tibi filiam, & uocabis nomen eius Mariam: hæc erit, ut nouistis, ab infantia sua domino consecrata, & spiritu sancto replebitur adhuc ex utero matris. Omne immundum neq; manducabit, neq; bibet, neque inter populares forinsecus turbas, sed in templo domini cōuersatio eius erit, ne quid de ea sinistrū uel suspicari saltem possit, uel dici. Itaq; ætate procedente, sicut ipsa mirabiliter ex sterili nascetur, ita incomparabiliter uirgo generabit altissimi filium, qui Iesus uocatur, secundum nominis ethymologiam saluator omnium gentium erit. Et hoc tibi corum, quæ annuncio, signum erit: Cum perueneris ad auream in Hierosolymis portam, habebis ibi obuiam Annam uxorem tuam, quæ de tuæ regressionis tardatione modo sollicita, tunc in aspectu tuo gaudebit. His dictis, angelus discessit ab eo. Deinde apparuit Annæ uxori eius, dicens: Ne

timeas Anna, neque phantasma putes esse, quod uides: ego enim sum angelus ille, qui preces & eleemosynas uestras obtuli in conspectu Dei, & nunc missus sum ad uos, ut annunciem uobis nascituram filiam, quæ Maria uocata, super omnes mulieres erit benedicta. Hæc à natiuitate sua statim domini gratia plena tribus ablactationis suæ annis in domo paterna permanebit: postea seruitio domini mancipata, à templo usque ad intelligibiles annos non discedet: ibi denique ieiunijs & orationibus nocte ac die deo seruiens, ab omni immundo se abstinebit, uirum nunquam cognoscat, sed sola sine exemplo, sine macula, sine corruptione, sine uirili commixtione, uirgo filium, ancilla dominum, & gratia et nomine & opere saluatorem mundi generabit. Itaque surge, ascende Hierusalem: & cum peruenieris ad portam, quæ aurea, pro eo quod deaurata est, uocatur, ibi pro signo uirum tuum, pro cuius incolumitatis statu sollicita es, obuium habebis. Cum hæc igitur ita euenerint, scito, quod quæ annuncio, sine dubio complenda erunt. Igitur iuxta angeli præceptum, uterque de loco in quo erant promouentes, ascenderunt Hierusalem: & cum ad locum peruenissent angelico uaticinio designatum, ibi sibi inuicem obuiauerunt: Tunc de mutua sua uisione læti, & promissæ prolis certitudine securi, debitas domino humilium exaltatori gratias egerunt. Itaque adorato Domino, domum regressi, diuinum promissum certi & hilares expectabant. Concepit ergo Anna, & peperit filiam, & iuxta mandatum angelicum, parentes uocabant nomen eius Mariam. Cumque trium annorum circulus uolueretur, & ablactationis tempus completum esset, ad templum domini uirginem cum oblationibus adduxerunt. Erant autem circa templum iuxta quindecim graduum psalmos quindecim ascensionis gradus. Nam quia templum erat in monte constitutum, altare holocausti, quod forinsecus erat, adiri nisi gradibus non ualebat. In horum itaque uno beatam uirginem Mariam paruulam parentes constituerunt. Cumque ipsi uestimenta, quæ in itinere habuerant, exuerent, & cultioribus ex more uestibus se & mundioribus induerent: uirgo Domini cunctos sigillatim gradus sine ducentis & leuantis manu ita ascendit, ut perfectæ ætati in hac duntaxat causa nihil deesse putares. Iam quippe Dominus in uirginis suæ infantia magnum quid operabatur, & quanta futura esset, huius miraculi indicio præmonstrabat. Igitur sacrificio secundum consuetudinem legis celebrato, & uoto suo perfecto, uirginem intra septa templi cum alijs uirginibus ibidem educandam dimiserunt: ipsi uero domum regressi sunt.

Virgo autem Domini cum ætatis processu
& uirtutibus perficiebat, & iuxta Psalmam,
mistam, pater &
mater dereliquerant eam: Dominus autem
assumpsit eam.

De Virgine

DE VIRGINE MARIA CONCIO

Erasmi Roterodami.



Vix oratione consequi queam, fratres ac sorores in Christo dilectissimi, quanto gaudio perfundatur animus meus, quum uideo uos tam frequētes, tantaq; cum alacritate ad solennem uirginis matris cōmemorationem conuenisse. Affectus hic in matrē pietas est in filium. Mos quidem est ab antiquis traditus, ut in festo die splendidius aliquod epulum exhibeatur. Utinam autem ego, qui pater sum ac pastor, uobis filijs et ouibus meis in domino è lautissimo diuinarum literarū penu depromere queam cibum, qui non perit, sed saginat ac uegetat animos in uitam æternam: depromere uinum spiritus, quod sobria temulentia exhilaret corda uestra, ut in medijs etiam huius mundi malis semper cantetis, ac spiritualibus hymnis psallatis Domino, qui quum in sanctis omnibus gloriosus sit, in matre tamen peculiariter diuitias gloriæ suæ declarauit. Cōmunibus itaq; uotis imploremus spiritū, qui superueniens in Mariam, uirgineum illius pectusculum consecrauit templum diuinæ triadi, & eiusdē illibatum uterum officinam fecit admirandi partus, qui nobis prodidit omnibus sæculis expectatum seruatorem totius mundi Iesum Christum. Primum illud non ignorat charitas uestra, sanctissimæ uirginis cultum quatuor in rebus potissimū consistere, in laudibus, in honoribus, in inuocatione, et in imitatione. Quorum postremum adeo præcipuum est, ut illa sine hoc sint infrugifera, & hoc unum cetera quoq; in se complectatur. Satis enim laudauit Mariā, satis honorauit, satis inuocauit, qui Mariæ sobrietatem, qui pudicitiam, qui modestiam pro uiribus imitatur. At qui præpostero iudicio sine fine Mariæ laudes canunt, atq; exaggerant, qui cæreis, qui donarijs, qui templis ac delubris illam honorant, qui prolixis & ambiciosus precibus illius opem flagitant, de imitando quam prædicant, ne cogitantes quidem, in periculum ueniunt, ne audiant à matre, quod Iudaicus cultor apud prophetam audit à patre: Hic populus labijs me honorat, cor autē eorū procul abest à me. Rursum quod in Euangelio audit à filio: Non omnis qui dicit mihi: Domine, domine, intrabit in regnum coelorum, sed qui facit uoluntatem patris mei, qui in coelis est. Sit igitur uobis charissimi prima cura, moribus ac uita quantū licet imitari uirtutes Mariæ: ne et ipsa dicat de nobis: hic populus cantionibus, fistulis ac tibijs me honorat, cor autē eorū in his rebus est, quas ego semper odi cum filio meo Iesu, in diuitijs, in uoluptatib. in lusibus sceleratis, in turpibus fabulis, in fastu & superbia. Dant mihi principem locum in templis & aris, in pectore illorum nullum mihi locum concedunt. Occinunt mihi: Regina coeli, domina angelorum, uita, dulcedo, & spes nostra. Salutor undiq; quaq; titulis honorificentissimis: sed non omnis qui dicit mihi: Domina, domina, intrabit in regnum filij mei: sed qui illius exemplum sequentes obtema

tes obtemperant præceptis dei, quicquid meum exemplum exprimere stude-
dentes, filij gratiam ambiunt, in imitanda matre, in qua quicquid imitas
tu dignum est, filij donum est. Ne credamus igitur sanctissimam uirginē
hisce ieiunijs delectari, quibus nonnulli illam certis diebus honorant, in
hoc tantum ieiunantes, ut postridie copiosius inebrientur, aut his can-
tionibus deliniri, quas illi quidem occinunt libidine, luxuque corruptissimis
mi, aut eorum donarijs capi, qui scortis & adulterijs undique cōspurcati
sunt. Non quod clementissima uirgo peccatores auersetur: sed quos pudet,
pigetque suæ turpitudinis, iam peccatores esse desinunt. Quicquid ingras-
tum est filio, non potest placere matri. Scio nonnullis in locis ostendi Ma-
riæ delubrum, sericis, argento, auro, gemmisque differtū, ut qui illic ado-
rant uirginem, mammonam adorare uideantur. Quanto gratius esset
Mariæ, si istæ opes erogarentur, & impenderentur subleuandis Christi
membris, in quibus una cum filio quodam modo uel affligitur, uel reso-
cillatur mater. Si placet simulachrum uirginis, tale fingatur, qualis ipsa
placuit deo, & qualem nos imitari pium sit, pudicitia, modestia, sobrie-
tas in uultu, in totius corporis statu, in uestibus etiā reluceat. Nunc pau-
cis aperiā, quid potissimum imitari conueniat in Maria, si prius illud
admonuero charitatē uestram, à nullo neque perfectius, neque tutius per-
formam ac regulam pietatis, quæ à filio: tamen certum est, nihil esse in ma-
tre, quod à filij doctrina dissideat. Hic animis attentis estote pueri ac pu-
ellæ, matronæ ac uiduæ, uiri, senes & anus: omnibus enim erit quod imi-
tami in Maria. Scopi sunt hi, uirginea simplicitas, cum summa coniu-
cta prudentia, summa felicitas, coniuncta cum summa modestia, summa
castitas in coniugio, matris sedulitas in officio, inuictum animi robur in
sexu fragili. Quam fuerit illi cordi uirginea puritas, uel hinc liquet, quod
ad ingressum angeli turbata est, referente Luca. Nimirū intelligebat, quod
ingens esset thesaurus pudicitia: sed contra quot insidijs obnoxia, quam
multę perdiderunt priusquam scirent, quantum boni possiderent. Quan-
tum autem absunt ab exemplo Mariæ uirgines, quæ ultro procurunt
ad lusus & colloquia iuuenum, angelo longè dissimilium, quæ nutibus,
facetijs, blanditijs, munusculis, & amatorijs epistolis prouocant etiā uno
de pereat uirginitas? Maria sponsum habebat, qui cum sub eodē tecto
uiuebat, & tamē ad ingressum ignotę formę turbatur, omnia uel tuta ti-
mens. Quod sponso nupserat, dedit gentis Iudaicæ consuetudini, dedit
autoritati parentum, & tamen uirginitas erat in uotis. Id aperit, quū ait:
Virum non cognosco. Nam hīc uerbū præsentis temporis, animi pro-
positum significat. Multas ab impudicitia deterret infamia. Maria dum
amore integritatis negligit infamiam sterilitatis, utrumque promeruit, ui-
delicet, ut uirgo deum progeneraret. Qua uerò fronte prædicant se cul-
trices huius uirginis, quæ in ipsa uirginitatis professione nequiter lasciu-
uiunt? quæ iam anus & effoetę, tamen adhuc intempestiua libidine prur-
riunt?

riunt? Iam quod in muliebri sexu foedū est, multo foedius est in sexu uirili. Quæ uirgines uideri uolunt, exemplo Mariæ totæ sint uirgines. Quædam enim corpus habent intactum, sed cultus nō sine fucis parum pudicus est, lasciuiunt oculi, lingua petulans est, fractus incessus. Si uero castus est animus, reluceat huius integritas, et in his rebus quæ foris sunt. Dixerit aliquis: Quid flagitij est, si uirgo spōsum ambiat? si uenatur quem libet sponsum, uirgo non est: sin probum, nullum lenocinium efficacius apud bonos, quā pudor, quā silentium, quā simplex in cultu mundities. Est & in matrimonio scortatio, quemadmodum est & castitas deo gratissima. Imitentur coniugati Ioseph & Mariæ coniugium, saltem quantum patitur carnis infirmitas. Qui cum uxoribus turpiter certant libidine, qui maiore nequicia cum illis lulant & cōfabulantur, quā solent cū prostibulis, nec mariti sunt, nec uxores habent pro uxoribus. In matrimonio casto & coniugij usus debet esse uerecundus. Nunc repperit hominum peruersitas, ut cum uxore quoque committatur adulterium. Simpliciter argumentum hoc erat, quod cum adamaret unicē perpetuam uirginitatem, tamen animo simplici uiuebat puella cum iuene sponso. Nunc audite huius uirgunculæ prudentiam: Non statim resalutat angelū, nec exilit, sed quieta manens, cogitat qualis esset illa salutatio. Et rursus promisso partu tam magnifico nec diffidit pollicēti, nec gestit insolenti gaudio, sed modeste querit ab angelo, qua ratione futurū esset, quod promittebatur incolumi uirginitatis thesauro. Viderat cōcursum pastorū, uenerationem magorum, prophetias Annæ & Simeonis audierat, & tamen nihil horū muliebri facilitate effutit, sed tacita colligit & cōseruat in corde suo. Certissimum argumentū prudentiæ est etiam in uiris, posse tacere tantam felicitatem. Vnde tantum prudentiæ in uirguncula, in puella tenera, ac rerum imperita? Sera miseracque prudentia est, quæ diutina malorum experientia contingit homini. Etiam puellarum ac puerorum pectus implet senili prudentia spiritus sanctus. Purget quisque suū pectus à uitijs, ut immigrare dignetur ille spiritus sapientiæ largitor. De felicitate uero Mariæ quid attinet dicere? Quis unquam salutatus est honorificentius ab angelo, cui magnificentiora promissa delata sunt? Legationem ad uirginem mittit ille cœli terræque conditor. Gabriel pronubum agit, promittitur proles, qualis nulli promissa est: Hic erit magnus, & filius altissimi uocabitur: & dabit illi dominus sedem patris eius, & regnabit in domo Iacob in æternum, & regni eius non erit finis. Quid his pollicitis sublimius? Eorū ut iam fides esset facta per angelum, num tanta felicitas minuit uirgunculæ modestiam? Nequaquā: sed auxit potius: Ecce, inquit, ancilla domini. Ex tanto negotio nihil gloriæ sibi uindicat, ancillam tantum profitetur obediens & sequens quocumque uocaret domini uoluntas. Iam cœlesti foctu grauida, non dedignatur officij causa uisere cognatam anū et grauidam. Audit ab Elisabeth: Vnde hoc mihi,

E e ut

ut ueniat mater domini mei ad me? Illa tamen sui similis accinit: Respexit humilitatem ancillæ suæ. Beatitudinem suam prædicat, non dignitatem: nec dicit, quia promerui, sed: quia fecit mihi magna, qui potens est. Nec dicit: Et sanctum nomen meum, sed: sanctum nomen eius. Cumq; sibi conscia esset, q; talem foetū haberet in utero, tamen non fastidit maritum. Quicquid uxor obsequēs præstat coniugi, hoc illa multo cumulatius præstitit Ioseph. Cum illo proficiscitur ad censum, quē Cæsar indixerat: cum illo circumcidit puerum, cum illo peragit omnem purificationis ritum: hunc sequitur in Ægyptum. Iam enim angelus Ioseph apparuerat, non Mariæ, ut autoritas esset penes uirum: huic hæret rediens ex Ægypto, nec dedignatur uulgo dici cōiunx fabri: nec pudet humilium fratrum ac sororum: nec moleste fert, filium suum haberi filium Ioseph, quem & ipsa patrem appellabat Iesu. Nulla unquam fuit uxor, quæ res uerentius obediuit suo marito, q; dei genitrix. Audite cultrices uirginis: qd hic dicent nouæ nuptæ, quæ forma & ætate feroculæ sponso aspersantur suos? Quid matronæ, quæ dotem subinde maritis exprobrant, nonnunquam & ædibus eos exigunt, perinde quasi dominæ sint, non coniuges. Quid, quæ totam domum rixis ac iurgijs subuertunt? Maria religiosissime morem gerit, & obseruat suum Ioseph: nec unq; respondet, aut præit marito: & uos pudet obsecundare maritis, sine quibus steriles estis & inhonore: & quibus uos subdidit domini et apostoli Pauli autoritas? Nec dubium, quin quanta obseruantia usa fuit erga coniugem, tanta sedulitate curarit filium. Ducit quotannis ad templum, ut à teneris annis imbiberet pietatem. Desideratū quanta solitudine querit: nec conquiescit, donec inueniat. Quid Maria timuit filio suo? Num quod leuitatis indicium uiderat in illo? Nequaq;: sed uos admonuit matres, ætati teneræ nullam satis magnam curam præstari posse: Fragilis est, & in omne uitium sequax. Irreligiose colunt Mariam, quæ suorum liberorum nullam curam gerunt, quasi satis sit genuisse: imò quædam gestationis tædium ac lactandi laborem impijs artibus submouent. Neq; minus peccant, quæ malis exemplis inficiunt imbecillem ætatem, quæ balbutientem infantiam docent nequitiam. Maria sollicita est de filio Iesu, & tu prostituisti ac prodidisti filium & filiam omni turpitudinis generi? Nimirum hinc est, q; multas poenitet foecunditatis, quia bene natos male educant, quum parentum officium peculiarius sit instituisse, q; genuisse. Qui possunt autem bene instituere, qui uel foris agunt, uel domi turpiter uiuunt, ut ex parentum conuictu filij discant turpiloquium, lasciuiam, temulentiam, rixas, aleam, futilitatem, obtrectationem? Verū ingens campus sese nobis aperit, si uelimus sanctissimæ uirginis eximias uirtutes ad nostram conferre uitam: sed tamen plurimū utilitatis capiemus, si nostros mores undiq; corruptos ad illius exemplum emendare studebimus. Superest, ut de fortitudine uirginis nonnihil attingamus.

Nam

Nam utrūq; magnanimitatis est indicium, nec insolescere rebus prosperis, nec aduersis frangi. Quum inclaresceret tot miraculis adorandum Iesu nomen, nusquam legimus sacrosāctam uirginem ullam laudis portionem sibi uindicasse: imo uix ulli miraculo legimus eam interfuisse, nisi quum in nuptijs aquas uerteret in uinū. Audiebat omnia, tacitaq; conferebat in corde suo, semper ancillae personam gerens, quam fuerat professā. Simili constantia tulit, quum filius unice charus ob pharisaeorū insidias crebro periclitaretur: deniq; cum caperetur, ligaretur, caderetur, damnaretur, duceretur. Flebant aliae mulieres, & à domino reprehensae sunt. Quid hic sensit pectus maternum? Sensu non caruit. Doluit dolore filij, sed affectum humanum spiritus robore coërcuit, compressit singultus, repressit erumpentes lachrymas, ac cæteris discipulis metu dilapsis, sola cum Ioanne stabat iuxta crucem filij. Contumeliosae picturae sunt, quae representant eam collapsam, ac syncopi stupefactam, exanimam dolore. Non eiulabat, non lacerabat capillos, non percutiebat pectus, non se clamitabat infelicem. Plus capiebat consolationis ex redemptione generis humani, q̃ doloris ex morte filij. Et hic ancillam se praebuit ei, cui uisum est hoc modo restituere mortaliū genus. Et feliciter se genuisse cogitabat, quae salutis autorem genuerat orbi: publicam felicitatem anteponebat dolori priuato. Vbi nunc sunt foeminae, quae ob pecuniam amissam, aut leuius etiam malū dolore abortiunt? Vbi uiri, qui ob filiolum defunctum, querimonijs ac ploratibus insanis miscent omnia? Maria spectatrix acerbissimae mortis filij fuisse legitur, plorasse aut quæsta fuisse nō legitur. Flebant aliae mulieres, & præ desiderio sublato domini, quem nondum spiritualiter amabant, penē delirabant, sola Maria pectus incōcussum habens, tacet, expectans uoluntatē altissimi. Vos fortasse suspicamini, rem humilem et infirmam, esse seruam aut ancillam domini, nulla res magis est inuicta. Qui se semel tradidit arbitratui domini, nec aliō refert laudem, si quid obtigit felicitatis, nec aliunde sperat præsidium, si res aduersae premunt, nullis satanę technis aut terroribus concuti potest.

S. CORNELIVS MARTYR.



Cornelius natione Romanus, patre Castino, Decij temporibus fuit. Qui è Pannonia inferiore Budalæ natus interfecit Philippos imperium sumpsit, odio in Christianos exarscens propter Philippos eiusdem sectae imitatores. Verum cum postea biennio cū filio Cæsare imperasset, à Barbaris opprimitur, adeo ut eius cadauer nusquam repertum sit. Digno certē damnatus iudicio, qui septimam post Neronem persecutionē in Christianos mouens, multos sanctissimos uiros interemit. At uerò sub episcopatu Cornelij, qui apostas recipiendos censebat, poenitētes præsertim, Nouatus Nouatianum

Ex latina.

Ee ij extra

extra ecclesiam ordinauit, & in Aphrica Nicostratū: quam ob rem confesso- res, qui à Cornelio secesserant, cum Maximo presbytero ac Moysē sentientes, ad ecclesiam reuersi, uerū confessoris nomen adepti sunt. Verum postea instantibus hæreticis, Cornelius Centumcellas in exiliū mit- titur, ad quem Cyprianus Carthaginensis episcopus in carcerem conie- ctus literas mittit, quibus intellexit & amici calamitatem & exiliū sui con- firmationem. Extant & aliæ Cypriani ad Cornelium eplistolæ plenæ religionis & fidei: sed illa potissimum elegans habetur, qua Nouatū dis- cipulum quendam suum accusat & damnat. De eadem quoq; hæresi et Dionysius Alexādrinē urbis episcopus, Origenis olim auditor, ad Cor- nelium scripsit. Nouatum præterea alia epistola reprehendit, q̃d à cōmu- nione Romanæ ecclesiæ discessisset, quodq; etiam se inuitum ad Pontifi- catum obeundum diceret esse deductum. Tum ille: Si inuitus Nouate (ut dicis) designatus es, probabis, cum uolens secesseris. Cornelius aut̃ priusq̃ in exilium mitteretur, instante Lucina matrona sanctissima, cor- pora Petri & Pauli è catechumbis, ubi minus tuta esse uidebant, noctu leuant. Paulum Lucina in prædio suo uia Hostiensis collocat, eo loci ubi interfectus fuerat: Petrū uero Cornelius apud locum reponit, ubi cru- cis martyrium subierat, in templo Apollinis, ad radices aurei montis ter- tio Calendas Iulij. At uero Decius ubi intellexit, Cornelium literas à Cypriano accepisse, eum à Centumcellis Romam perducere iubet, quē ita in Telluris templo astante urbis præfecto alloquitur: Sic (inquit) ob- stinate uitam ducere instituisti, ut neq; deos cures, neq; præcepta uel mi- nas principum timeas, & contra rempub. literas accipias, ac mittas. Huic Cornelius: De laudibus Christi, de ratione redimendorum animorum, non de imminutione Imperij literas accepi & reddidi. Tum Decius ira- tus, sanctissimum uirum plumbatis cædi (genus id flagelli est) atq; dein- cept ad templum Martis duci iubet, ut simulachrum eius adoraret: id si facere abnueret, pœna capitali afficeretur. At uir sanctus dum ad sup- plicium duceretur, omnia bona sua Stephano archidiacono commi- sit. Post hoc uero tertio Nonas Maij obtruncatur. Huius corpus beata Lucina unā cum quibusdam clericis noctu sepeliuit in arenario prædij sui, uia Appia, non longe à cœmeterio Calixti. Sunt qui scribant, hunc pontificem sub Gallo & Volusiano passum. At ego multo magis Das- maso credo, qui Decij iussu hoc factum affirmat. Cornelius aut̃ tem- mense Decembri sacrorum initiandorū potestatem bis fecit, unde presbyteros quatuor, diaconos qua- tuor, episcopos septem creauit. Sedit annis duobus, mensibus duobus, die- bus tribus.

S.CY.



Temporibus Valeriani iniquissimi Imperatoris, fuit in Carthagine, quæ est in Africa, gloriosissimus uir, nomine Cyprianus: qui primo quidem Rhetoricam docuit: deinde à quodam

Ex Cyprianus.

presbyteron, nomine Cæcilio, conuersus ad fidem Christi, nomen quoque sortitus est Cæcilius: qui omne culmen gestiens assequi Christianæ religionis, perfectionem (quam Christus consulenti iuueni de uita æterna deprompserat) sequutus, omnem substantiam suam pauperibus erogauit, ut nudum mater ecclesia suscipere, quem nudum mater carnea terræ edidisset: ueraciter perspiciebat, non posse perfecte in inenarrabili Dei sapientia philosophari, terrenis cupiditatibus innixum. Namque ita Dei ineffabili sapientiæ contemplandæ se tradidit, ut toto orbe prope notissimus, sole clarius extent eius innumera uolumina, quæ in Euangelij & alijs uoluminibus optime perorauit: chronicam quoque ualde utilem composuit, & exhortatorias ad multos sanctorum epistolas, in quibus ardorem fidei uelut bonus demonstraui athleta. Post multam uero temporis, ut non abdita maneret lucerna sub modio, sed ut lucret instar stellæ spiritualis solis, posita est super candelabrum, ut præsentibus & secuturi agnoscerent, non debere doloribus momentaneis cedere, quibus perpetua beatitudo fixa maneret. Denique comprehensus à ministris Paterni proconsulis Carthaginensis, ante eum in quoddam secretarium adductus est, cui ita dixit: Sacratissimi imperatores Galienus & Valerianus ad me literas dirigere dignati sunt, in quibus sanxerunt, ut omnes homines, deos, quos Romani adorant, debeant adorare: & qui contempserint hoc præceptum, gladio feriantur. Audiui uero, quod tu deorum cultum pro nihilo ducas: unde hortor, ut consulas tibi, & deos honores. Cyprianus respondit: Christianus ego sum, & nullos alios deos noui, nisi unum & uerum Deum, qui creauit cælum & terram, mare et omnia quæ in eis sunt. Huic Deo Christiani seruiamus: hunc nocteque dieque deprecamur pro omnibus, etiam pro imperatoribus. Paternus proconsul dixit: Si in hac uoluntate perseueraueris, pessima morte peribis. Sanctus Cyprianus episcopus respondit: Bona uoluntas est, quæ Deum timet: & ideo non potest immutari. Paternus proconsul dixit: Quia in hac uoluntate permanes, secundum præcepta principum exilio deputandus es. Sanctus Cyprianus respondit: Exul non erit, qui Deum in mente habebit: quoniam Domini est terra & plenitudo eius. Paternus proconsul dixit ad eum: Antequam proficiscaris, dic ubi sint presbyteri, qui in hac ciuitate esse dicuntur, uel similes tui. Sanctus Cyprianus respondit: Bene atque uiriliter legibus uestris sanxistis, nullos delatores fore debere: idcirco à me prodi non debent, sed à uobis inueniantur: quia & hoc censuistis, ut nullus se ultro offerret. Proconsul

Ee iij dixit:

dixit: Ego à te cum tormentis eos exquiram. Sanctus dei respondit: Per me non perdentur. Proconsul dixit: Præceptum principum est, ne qui Christiani conciliabula faciant, uel coemiteria ingrediatur: & si quis hoc uiolauerit, gladio animaduertatur. Sanctus dei respondit: Fac quod tibi præceptum est. Cum ergo uideret animum eius immutabilem in religione diuina, fecit eum in ciuitate Furabilitana exulari, ubi aliquandiu exemplo boni operis multis profuit, nemini obfuit. Cumq; ibi domino in sanctitate deseruiret, mortuus est Paternus proconsul. Et ipse de exilio regressus, in quodam hortulo commanebat. Cumq; de eo perlatum esset ad Galerium Maximum, qui Paterno successerat, misit duos ministros, & iussit eum ad se adduci. Qui quū uenissent ad eum, leuauerunt eum in curru suo, & ad Galerium Maximum perduxerunt. Qui quum uidisset eum, ait: Tu es Statius Cyprianus? Sanctus Cyprianus respondit: Ego. Galerius proconsul dixit: Tu es quē Christiani papam suum nominant? Sanctus dei respondit: Ego. Proconsul dixit: Iusserunt tibi principes nostri adorare deos. Sanctus dei respondit: Non faciam. Proconsul dixit: Melius facies, si saluti tuæ consulas, & deos nō contemnas. Sanctus dei respondit: Salus mea & uirtus mea Christus dominus est, cui sine fine seruire desidero. Proconsul dicit: Vitæ tuæ doleo, & uellem consulere tibi. Sanctus Cyprianus respondit: Consultum mihi melius non esse quæro, quàm ut Deum meum adorans, ad ipsum tota mentis auuiditate festinem: quoniam non sunt condignæ passionis huius temporis ad superuenturam gloriam, quæ reuelabitur in nobis. Iratus Galerius proconsul ait: Diu sacrilega mente uixisti, & nephariæ conspirationis homines aggregasti tibi, & inimicum te dñs & sacris religionibus eorum præbuiisti: & non æquissimis consilijs principum assensum unquam præbuiisti, sed semper autor iniqui nominis & signifer extitisti, & propterea cæteris quos sceleri tuo aggregasti, exemplum eris, & in sanguine tuo discent disciplinam. Tunc ergo dictauit sententiā, dicens: Statium Cyprianum dñs libamina offerre renuentem, gladio animaduerti placet. Cumq; duceretur ad decollandum, sequebatur eum multitudo populi, & alij clamabant: moriamur simul cum sancto episcopo. Et quum peruenisset in locum, qui dicitur Sextus, quarto ab urbe miliario, expoliatus se birro, & tradidit carnificibus: Dalmaticam uero tradidit diaconibus, & stetit in lineis, expectans spiculatorē. Et dum ille appropinquasset, iussit, suis illi dare uiginti aureos. Cumq; prostrauisset se in terram, orauit cum lachrymis, & à fratribus lintheamina offerebantur, unde oculos sibi tergebat. Et cum surrexisset ab oratione, sententia ex tabella recitata est, ita: Statius Cyprianus gladio feriat. Et statim respondit sanctus dei: Amen. Et ceruicem obtulit gladio, temporalemq; uitam finiuit, recepturus à Deo sine fine perpetuam. Sic ergo beatus Cyprianus subsequutus est fide gloriosa sanctū Cornelium eodem martyrij genere, eodem

eodem passionis die, licet non eodem anno, deuicto diabolo, triumphator migravit ad coelum. Et sicut scriptum est: Quomodo in uita sua dilexerunt se, ita & in morte non sunt separati. Ambo fide clari, ambo constantia, ambo martyrio gloriosi. Nos ergo fratres oremus omnipotentem Deum pro serenissimo Imperatore Carolo, quatenus qui beatum Cornelium papam & martyrem de Romanis partibus ob munimen sui, cunctorumque fidelium sibi proximari fecit, ac nos de tam magno patrono honorauit: per suffragia huius inclyti martyris beatitudine perennis uitae sibi concessa, sanctorum omnium quos uenerabiliter excoluit, consortia adipisci mereamur perpetuo obtinenda, praestante Domino nostro Iesu Christo, qui cum Patre uiuit & regnat Deus in unitate Spiritus sancti, per omnia saecula saeculorum, Amen.

DE SANCTA CRUCE CHRISTI.

Sermo crucis huius qui pereunt stultitia est, nobis autem qui salu- Ex Iohanne
Damasceno.
te respiramus, uirtus Dei est. Nam spiritualis omnia diiudicat: animalis uero homo non suscipit ea quae spiritus sunt. Stultitia enim huius qui fidem non suscipiunt, & bonitatem & omnipotentiam Dei non existimant, sed humanis & naturalibus cogitationibus diuina scrutantur. Omnia enim Dei sunt super naturam, adhuc & super sermonem & mentem. Quis enim cogitauerit quo pacto ex nihilo adesse, et cuius gratia deduxerit Deus uniuersa? Si naturalibus cogitationibus inuenire uoluerit, non apprehendet: Animalis enim est haec indagatio, & daemonica. Si quis uero fide manuductus, bonitatem, omnipotentiam, ueritatem, sapientiam, iustitiam & diuinitatem cogitet, inueniet omnia leuia & plana, & uiam rectam. Sine enim fide impossibile est saluari: Nam fide omnia & humana & spiritualia constant. Neque enim agricola sine fide incidit terrae sulcum, neque mercator paruo lingno suam ipsius animam infano maris pelago committit, non nuptiae fiunt, non aliud quicquam in uita sine fide. Fide intelligimus ex nihilo adesse omnia dei uirtute deducta esse: omnia & diuina & humana fide dirigimus. Fides autem, est inscrutabilis consensus. Omnis igitur actio & miraculifera operatio Christi, maxima, diuina, & summe admiranda, omnium tamen admirabilissimum est preciosissima ipsius crux. Per nullum enim aliud mors primi parentis destructa est, primi parentis peccatum solutum, infernus spoliatus, resurrectio donata, uirtus nobis contemnendi praesentia mortemque ipsam elargita, ad antiquam beatitudinem regressio reparata, portae paradisi patefactae, natura nostra in dextris Dei sedens, filij Dei & haeredes facti, nisi per crucem Domini nostri Iesu Christi. Per ipsam enim haec omnia mirifice sunt impleta. Nam quicumque baptizati sumus in Christo (ut inquit Apostolus) in morte eius baptizati sumus: & quicumque in Christo baptizati sumus, Christum

Christum induimus. Christus autem est Dei uirtus & sapientia. Ecce mors Christi, id est crux, hypostatica Dei uirtute & sapientia circundet nos. Virtus siquidem Dei, est uerbum crucis: aut quia potentia Dei, id est, contra mortē uictoria, per ipsam nobis manifestata est. Aut quia quemadmodum quatuor extrema crucis per medium centrum continentur & constringuntur, sic per Dei uirtutem altitudo & profunditas, longitudo & latitudo, id est, omnis uisibilis & inuisibilis creatura continetur. Hoc nobis signum datum est super frontem: quemadmodum Israheli circuncisio: per ipsam enim fideles ab infidelibus & distamus & discernimur. Ipsa est scutum & arma & trophæum aduersus diabolum. Ipsa signaculum, ut non tangat nos exterminator, ut inquit scriptura. Ipsa iacentium erectio, stantium firmamentum, baculus debiliū, pastorum uirga, conuertentium manu ductio, proficientium perfectio, animæ salus & corporis, omnium malorum auersio, omnium bonorum causa, peccati destructio, arbor resurrectionis, lignum uitæ æternæ. Ipsum nimirum preciosum lignum, & per quam uere uenerandum, in quo semet ipsum in hostiam pro nobis Christus obtulit, ut sanctificatum tactu sancti corporis & sanguinis decenter adorandum: clauicæ & lancea, & indumenta, & sacra ipsius tabernacula, quæ sunt præsepe, spelunca, golgotha, crux, uiuificum sepulchrum, Sion ecclesiarum propugnaculum, & similia: ut Dei parens ait Dauid: Introibimus in tabernacula eius, adorabimus in loco ubi steterunt pedes eius. Quod autem crucem dicat, ostendit quod sequitur: Resurge Domine in requiem tuam: Sequitur enim crucem resurrectio. Si enim amatorū desiderabilis domus, & lectus, & amictus, multo magis Domini & saluatoris nostri, per quæ & saluati sumus. Adoramus etiam figuram preciosæ & uiuificæ crucis: tametsi ex alia materia facta est, non materiam uenerantes (absit enim) sed figuram, tanquæ Christi signum. Dixit enim discipulis suis testans: Tunc apparebit signum filij hominis in cœlo, crucem dicens. Et idcirco mulieribus dixit resurrectionis angelus: Iesum quæritis Nazarenū, crucifixum. Et Apostolus: Nos autē prædicamus Iesum Christū, & ipsum crucifixum. Multi enim Christi & saluatores, sed unus crucifixus. Non dixit lancea perfossum, sed crucifixum. Adorandum est igitur signum Christi: ubi enim fuerit signum eius, illic & ipse erit. Materia autē ex qua figura crucis exprimitur, siue sit aurū, siue lapides præciosi, aut alia quæuis materia, post figurationem si contingat dissolui, non adoranda. Omnia igitur quæ Deo adiacuerunt adoramus, ipsi reuerentiā pietatisque cultum exhibentes. Hanc preciosam crucem præfigurauit uitæ lignū, quod in paradiso plantatū est à Deo. Nam posteaquæ per lignum mors, oportebat per lignum donari uitam & resurrectionem. Iacob adorans summatē uirgæ, alternatis cancellatisque manibus filios Ioseph benedicens, signum crucis manifestissime descripsit. Virga Mosaica in similitudine crucis

crucis mare percussit, & saluauit Israël, Pharaonem autem submersit. Manus cruciformiter extensæ, Amalech reppulerunt. Ligno amara aqua, dulcis facta est, & petra rupta, & profundens fluente. Virga Aaron, sacri pontificatus insigne fuit. Serpens in ligno triumphatus qui mortuus est, ligno mortuū uidentes inimicum saluante, credentes quod Christus in carne peccati peccatum non sciens, in cruce peccata affixit. Magnus Moses clamat: Videbitis uitam uestram pendentem in ligno ante oculos uestros. Et Esaias: Tota die expandi manus meas ad populum discredentem & contradicentem. Qui hanc igitur adorant, participes fiant Christi crucifixi, Amen.

DE POTENTIA CRVCIS.

HOc signo, inuictus transmissis alpius ultor
Seruitium soluit miserabile Constantinus.

Ex Prudētio

Quum te pestifera premeret Maxentius aula,
Lugebas longo damnatos carcere centum
Vt scis ipsa patres, aut sponsus foedera pactæ
Intercepta gemens, diroq; satellite rapta,
Immersus tenebris, dura inter uincla luebat.
Aut si nupta thorum regis conscendere iussa,
Coeperat impurum domini oblectare furorem,
Morte maritalis dabat indignatio pœnas.
Plena puellarum patrumq; ergastula sæui
Principis, abducta genitor si uirgine mussans
Tristius ingemuit, non ille impune dolorem.
Prodidit, aut confessa nimis suspiria traxit.
Vim libertatis nimix, patriumq; dolorem.

Testis Christicolæ ducis aduentantis ad urbem
Moluimus, exceptum Tyberina in stagna tyrannum
Præcipitans, qua nam uictoria uiderit arma
Maiestate regi, quod signum dextera uindex
Prætulerit, quæ tali radiarint stemmate pila.
Christus purpureum gemmanti textus in auro
Signabat labarum clypeorum insignia Christus
Scripserat, ardebat summis crux addita cristis.
Ipse senatorum meminit clarissimus ordo,
Qui tunc concreto processit crine, catenis
Squalens carcereis, aut nexus compede uasta,
Complexusq; pedes uictoris, ad inclyta flendo
Procubuit uexilla iacens. Tunc ille senatus
Militiæ ultricis titulum, Christi q; uerendum

Ff

Nomen

DE S A N C T I S

Nomen adorauit, quod collucebat in armis.

Ergo caue egregium caput orbis inania post hæc
 Prodigia, esse deos solito tibi fingere cultu,
 Atq; experta Dei uirtutem spernere ueri.
 Deponas iam festa uelim puerilia, ritus
 Ridiculos, tantoq; indigna sacraria regno.
 Marmora tabenti respergine tincta lauate
 O proceres, liceat statuas consistere puras
 Artificum magnorum opera, hæc pulcherrima nostræ.
 Ornamenta cluant patriæ, nec decolor usus
 In uitium uersæ monimenta coinquinet artis.

Talibus edictis urbs informata refugit
 Errores ueteres, & turbida ab ore uieto
 Nubila discussit, iam nobilitate parata
 Æternas tentare uias, Christumq; uocantem
 Magnanimo ductore sequi, et spem mittere in æuum.

Tunc primum senio docilis, sua sæcula Roma
 Erubuit, pudet exacti iam temporis, odit
 Præteritos fœdis cum religionibus annos.
 Mox ubi contiguos fossis muralibus agros
 Sangnine iustorum innocuo maduisse recordans,
 Inuidiosa uidet tumulorum milia circum
 Tristis iudicij magne poenitet, ac ditionis
 Effrenis, nimiaq; sacris pro turpibus iræ,
 Compensare cupit teterrima uulnera læsæ
 Iustitiæ, sero obsequio, ueniaq; petenda,
 Ne Tanto imperio meneat pietate repulsa
 Crimen senitiæ monstrata piacula quærit,
 Inq; fidem Christi pleno transfertur amore.
 Laurea uictoris Marij minus utilis urbi,
 Quñ traheret Numidam populo plaudente Iugurtham
 Nec tantum Arpinas consul tibi Roma medelę
 Contulit, extincto iusta inter uincla Cethego,
 Quantum præcipuus nostro sub tempore princeps
 Præscripsit, tribuitq; boni: multos Catilinas
 Ille domo pepulit, non sæua incendia tectis,
 Aut sicas patribus, sed tartara nigra animabus,
 Internoq; hominum statui tormenta parantes.

Errabant hostes per templa, per atria passim,
 Romanumq; forum, & Capitolia celsa tenebant.
 Qui coniuratas ipsa ad uitalia plebis
 Moliti insidias, intus serpente ueneno

Censues

Censuerant, tacitis pestem miscere medullis.
 Ergo triumphator latitantē ex hoste togatus,
 Clara trophæa refert sine sanguine, remq; Quirini
 Adsuēcit supero pollere in sæcula regno.
 Deniq; nec metas statuit, nec tempora ponit,
 Imperium sine fine docet, ne Romula uirtus
 iam sit anus, norit ne gloria parta senectam.

S. MATTHÆVS APOSTOLVS,

Matth. ix. Luc. v.

Progrediens tunc inde ad uectigalia, uidit
 Confessu in medio Matthæum, protinus illi
 Discipulis hærere iubet: nihil ille rerecusans,
 Imperio Christi paret, gaudetq; secutus.

Ex Iuuenico.

De S. Matthæo habet hæc Eusebius noster: Sed et reliqui domini ac saluatoris nostri discipuli, non solū ex illis duodecim, sed & si qui extra hunc numerū, de schola tamen Domini & Saluatoris nostri, sermonem aliquē, diuinitus inspirati, memoriæ reliquerunt, breuem hunc & succinum per omnia esse uoluerunt. Igitur ex ipsis discipulis Domini, Matthæus tantummodo & Iohannes ad scribendum appulisse animum traduntur, necessitate quadam in hoc ipsum prouocati. Matthæus enim primo Hebræis prædicabat: Verum cum pararet transire ad gentes, patria lingua scripturam composuit, & ea quæ prædicarat, comprehendens, dereliquit his ad memoriam, à quibus proficiscebatur, ut gentibus prædicaret. Post hunc Lucæ & Marci scriptura Evangelica, &c. lib. iij. cap. xxiiij. Idem de Euangelio Matthæi Hebraice scripto, lib. iij. cap. xxxix. item lib. v. cap. x. D. Hieronymus in uiris illustribus de S. Matthæo sic: Matthæus, qui & Leui, ex publicano Apostolus, primus in Iudæa propter eos qui ex circuncisione crediderant, Euangelium Christi Hebraicis literis uerbisq; composuit. Quod quis postea in Græcum transtulerit, non satis certum est. Porro ipsum Hebraicū habetur usque hodie in Cæsariensi Bibliotheca, quam Pamphilus martyr studiosissime confecit. Mihi quoq; à Nazaræis, qui in Berœa urbe Syriæ hoc uolumine utuntur, describendi facultas fuit. In quo animaduertendum, quod ubicunq; Euangelista siue ex persona sua, siue ex persona Domini saluatoris, ueteris scripturæ testimonijs utitur, non sequatur Septuaginta translatorum auctoritatem, sed Hebraicam, è quibus illa duo sunt: Ex Ægypto uocaui filium meum. Et: Quoniam Nazaræus uocabitur.

De sepulchris Apostolorum.

TEmpore S. Bonifacii, è cuius libro manuscripto excerpti ego hæc,
 infra positis in locis Apostolorum corpora requieuerunt: Petrus
 & Paulus Romæ: Iohannes Euangelista in Epheso: Andreas in ciuitate
 Patras: Philippus Hierapoli in Asia: Matthæus in Ponto: Iacobus Hie
 Ff ij rosoly

rosolymis: Barptolomæus Döllici in Phrygia: Thomas in Indiæ ciuitate Iotabis, Iacobus Alphæi in ciuitate Ioppe: Simon Zelotes in Capadocia Cæsariæ: Iudas Iacobi in Byreto Phoeniciæ ciuitate. Marcus Alexandriæ: Lucas Antiochiæ: Timotheus Ephesi: Stephanus Hierosolymis: Barnabas & Syllas in ciuitate Constantia in Cypro, &c.

S. MAVRITIVS, LEGIO'QVE

Thebana.

Georg. Viii.
celij.



Hebæ urbs Ægypti olim populosissima, Plinio Diospolis, hoc est, Iouis ciuitas dicta, Apostolica prædicatione primū ad Christi Iesu cognitionē adductæ, celeberrimam ecclesiam habuerūt: è cuius ceu lapidibus uiuis Mauritius, Exuperius, Victor, alijq; permulti, domino seruatori suo cœlesti gloriosum triumphum exhibuerunt, idq; in sancti Euangelij non intermoriturū decus. Susceperat Her culius Maximianus Cæsar Rom. expeditionem ingentem aduersus Gal liarum rebellionem. Nam Bagaudæ colla sua Rom. imperij iugo subtrahere nitebantur, quo ausu postea omnes fermè Asiani descuerunt. Ad eam expeditionē euocantur & Orientales fortissimi quicq;. Tamen si uerisimile est, tyrannum Maximianum dolo quosdam ex Orientis prouincijs, uidelicet Christianos, ut occasione quauis oblata, turmatim interficerentur, qui domi inquiri necariue non perinde poterant. Accidit igitur, ut tota legio Thebæorū militum selecta, in Italiam ex Syria mitteretur. Huic uero legioni militari præfectus fuerat uir ille Mauritius, quo ductante Thebani Romam intrarant. Ibi cum fuissent à Marcello sancto pontifice in uerbi fide consolidati, exercitum imperatoris in Gal liam usq; per Alpes sequuntur: sed ea mente, q; occidi malint, q; Euangelij fidem prodere. Atq; tum Cæsariani forte castra constituerant non procul ab oppido, quod alij Octodorum, alij Ottodorum appellant. In eo loco, instinctu satanæ, tyrannus impijsissimus cœpit dæmonib. suis facere sacrū, adq; eam impietatem conuocare, imò iussu suo cogere uniuersos milites, tam Occidentis, q; Orientis: seque mandans, ut per deorum aras iurarent, partim uno animo uelle se oppugnare Bagaudas, partim Christianos, dijs inimicos persequi. Ea de abominatione certiores facti Thebani, sine fūco Christiani, supersederunt Octodorum accedere, hærentes tantisper in loco quodā, iuxta Rhodanū, uocant Aganum: Nam hic extingui, q; tantum committere sacrilegium maluerunt. Protinus ubi rescisset tyrannus sanctæ legionis institutum, accensus iracundia, militaris sacramenti nomine hanc attrahere tentat. Legio sine mora respondet, se Christianam planè, eam ob causam minime licere sibi, ut uel deos alienos adoret, uel deum suum perneget, qui ut uiuus, ita unus est: Et ex abundanti statuisse se, q; modis omnibus religionem orientali more traditam, tueri uelint. Quam Apologiam catholice credens
tium

nam Thebanorum cum percepisset Maximianus, ilico misit satellitium suum, præcipiens, ut à legione Christo deditorum stratiotón decimus quisq; gladio feriretur. Atq; hic nullo mortis terrore postulati ad supplicium, ceruices suas ferro dederunt: ita enim illis & spiritus Domini suggessit, & Euangelij doctrina iussit. Post effusum cruorem innoxium sumpto animo, Mauritius orationem habuit mirifice uiuidam, nihilq; præter Christum spirantem, qua uidelicet Christianorum militum animos ad supplicij tolerantiam inflammavit simul, ac à resistendo cohibuit: Gratulor, inquiēs, uirtuti uestræ cōmilitones optimi, q; religionis amore uobis Cæsaris minæ nullam attulere formidinem, quodq; iuxta præceptum domini, gladium in uagina conditū esse sinitis. Haftenus exempla sacris libris cōtenta legebamur, nunc uerò coram quos imitari oporteat, ipsi aspeximus. Non magnopere curandum est, quid imperator iubeat, qui mortalitatis sorte mihi æqualis est. Sacramenta olim dedisse nos memini, q; contemptu lucis istius, defendere rempub. uelimus. Tūc quidem promisi corporis mei uilitatē, & sponendi hanc imperatoribus fidem, nec id temporis ullus mihi regna tamē cōlestia repromisit. Quid igitur Christo repromittente faciendum, si istud militiæ sacramentum pmittere ipsi potuimus? Quare sit in nobis uirilis tantum animus, fides inuiolata permaneat, &c. Mox apostrophē adnectens, sic fatur: Milites quidem tui sumus Cæsar, ac ad defensionem reipublicæ arma Romana suscepimus: nec unquam aut desertores aut proditores extitimus, nec ignauiae subiimus infamiam: Quin tuis etiam præceptis præsentibus morem geremus, nisi Christiani dæmoniorum aras religione uitaremus. Comperimus decreuisse te, ut aut sacrilegis pollueres, aut afficereris supplicio. Ne inquire in nos: En palam Christianos, quotquot conspicias. Habes hic quidem nostra corpora potestati tuæ obnoxia, uerum animæ nostræ Christū authorē uitæ respicientes, te nihil timebunt, &c. Hoc Euangelij classicum protinus ad imperatorem Octodori demonstrantem satellites referunt: unde in furorem acta belua, denuo iussit ad decimare insignem pietate legionem. Quo scelere patrato, consurgens uexillifer Exuperius, ad Christo iuratum legionem hæc inter cætera uerba fecit: Aliud uobis, o fratres cōmilitones, eligendum est prælij genus. Neq; enim his gladjs poterimus ad cōleste regnum pertingere. Robore nobis opus est, & inuictis animis, ut ad ultimū usq; flatum, fidem quā Deo promissimus, integrā custodiamus. Proñciant dexteræ uestræ arma ista cum signis militaribus, &c. Eat truculentus satelles, & hæc imperatori renunciet: Milites quidem tui sumus Imperator, sed (quod liberius confitemur,) serui Dei. Tibi debemus militiam, at illi innocentiam, &c. Tenemus arma, nec malo resistimus: quandoquidem occidi, q; occidere malumus: atq; innoxij interire, q; noxij uiuere, poptamus. Quicquid aduersum nos nunc statueris, subire certum est, Christiani sumus, Chris-

Verba historię, ex Fuldenſi bibliotheca.

Atianos persequi non possumus. Inexpugnabiles legionis huius animos cognosce Cæsar. Tela quidē proijcimus, & exarmatas dextras tuas Cæsar satellites, sed catholica fide pectus armatum, inueniet, &c. Hoc tyranno simulatq; est renunciatum, præcipit legionem omnē tam peditatu, q̃ equitatu suorum cingi, & cinctam in uniuersum iugulari. Qua strage facta, opertam tellurem fortiter occumbentium corporibus, & riuulos fluitare sanguine iustorum uidisses. Nulla unquam rabies tyrannica, extra cōmissum prælium, tantam humanorum corporum cladem dedit. Dicitur Victor quidā superuenisse, dum à cede cruentissima Cæsariani læti epularentur: & cum percepisset, Christianos trucidatos, doluit se superstitem. Atq; patefacta Christiani nominis cōfessione, factus est ipse quoq; Christi uictima. Additur in quodam codice, Aduenticiū, Octauium, & Solutorem, de quibus martyribus S. Ambrosius sermonem Mediolani habuit, eiusdem item fuisse legionis. Passos aiunt circa annum Domini CC. LXXXVII. Præfatio doctoris Ecclesiastici de his in hunc modum: Caterua fidelium diuino lustrata lumine, ab extremis terræ finibus ueniens tibi domine fideliter supplicauit. Et tam corporeis bellatorum mucronibus circumsepta legio, q̃ spiritualibus etiam armis uallata, ad martyrium uigili constantia properauit. Hos pestifer tyrannus ut eos metu perterreret, ad internitionem supplicij gladio decimauit: atq; postmodum constanter eos perdurantes in fide, uniuersos pariter capite plecti præcepit. Sed hi tanto charitatis ardore feruebant, ut eiectis armis flexo poplite passim geniculantes spiculatorū tela hilari corde susciperent. Inter quos beatus Mauritius tuæ fidei amore succensus, decertando martyrij est coronam adeptus. Hæc Ambrosius.

S. COSMAS ET DAMIANVS.

Ex Romano
breviario.



Cosmas & Damianus fratres in Egea urbe Arabiæ nati, quamquam erant arte medicine docti, magis tamen Christi uirtute sanabant oēs infirmitates. Quod audiens Lysias præses, Diocletiano et Maximiano imperatoribus adduci eos ad se iubet. Qui cum ab eo interrogati, nomina, patriam & religionem incunctanter exposuissent, manus pedesq; uincti, quoniam dñs sacrificare recusauerāt, inmanissime torquentur. Sed cū uiderentur cruciatus negligere, iussu præsidis, ut erant ligati, in mare detrudebantur. Diuino tamen munere solutis uinculis è pelago sunt incolumes egressi. Præses autem hoc magicis artibus ascribens, iubet eos in carcerē trudi, ac postridie eductos in magnum rogū immitti. In quo cum illæsi nihilo secius permanisissent, post innumera supplicia capitis obtruncatione martyrio sunt coronati, & ibidem à Christianis sepulti, v. Calend. Octob. Processu uero tēporis Romanam translati, in ecclesia ipsorum nomini dedicata, reconduntur.

S. Lu



Lvdouico susceptus est Ludouicus filius, annos duodecim na-
tus, quem in Blanchæ matris tutela pater reliquerat. Eius eru-
diendi sollicita mater, curam sine intermissione adhabuit, ita
ut uigili studio elaboraret, Christianis illum institutis, præclarisq; mo-
ribus educari. Depudatis ad id negocium religiosi hominibus, ordinis
præcipue Prædicatorum atq; Minorum. Quorum disciplina ita didi-
cit uitæ sanctimoniam amare, ut illo tempore nemo religiosior sit habi-
tus. At Ludouicus in Syria agens, ne repentino suo discessu hostis pa-
cta non seruaret, permittit in Franciam fratrem Pictauia comitem, qui
administrando regno operam cum Blancha matre daret. Ipse interim
ut erat religiosissimus, cum Sydonem urbem peteret, Christianorum
cadauera, quæ per uiam sepulta putridaq; iacebant, suis manibus sepeli-
uit. Ioppen quoq; & alias per Syriam dirutas & maritimas urbes mu-
ris turribusq; muniuit. Peregrinatus præterea in ciuitatem Nazareth ad
Thabor montem, Ioppen regressus est. Vbi nuncio de matris morte ac-
cepto, postq; debita deo pro matris animæ salute persoluisset, post sextū
huius expeditionis annū Franciam repetere constituit, in quā Angli in-
cursionem facere parabant. Eadem tempestate Heremitarum ordo, qui
Augustinensium appellatur, initium dedit sanctitatis. Cum Parasium ue-
nisset, Ludouicus conuentu generali habito rempublicam reformauit,
statutis optimis legibus de iure à iudicibus dicendo, & de officijs non
emendis: de irreligiosis atq; execrabilibus iuramentis: de scortis, quibus
domos & lustra habere ad explendam libidinē, interdixit. Vetuit præ-
sides atq; prætores, quos aut ballinos, aut prepositos appellāt, possessio-
nes in territorio suæ ditionis dum præfecturam gerunt, comparare. Li-
beros suos matrimonio copulare incolis, puinciæ cui præsidebant, pro-
hibuit. Per id tempus præfectura apud Parisios uenalis habebat, soli-
ciq; ciues precio illam sibi uel liberis suis cōparabant. Vnde fiebat, ut inopes
premerentur, opulenti omnia licenter agerent, fures nullis poenis affice-
rentur. Hanc uenalitatem rex prohibuit, constituto annuo stipendio ei,
qui præfectus esset. Atq; ita Stephanum Boilleum iustitia atq; æquitate
spectatum hominē prepositum instituit: qui officium adeptus, intra pau-
cos dies statum ciuitatis longe tranquilliorē reddidit. Et cum inopum
atque egenorum curam sollicitissime gereret, ijs qui luminibus orbari
essent, locum Parisij assignauit: sacello atque cellulam ubi habitarent,
extructis, quem cæcorum locum appellauit. Eius quoq; impensa com-
plures religiosi cœnobيا Parisij ædificauerunt: Ipsius Ludouici opus
est domus hospitalis secus Sequanæ littus, prope templum diuæ Ma-
riæ Parisien. Et præterea apud compendiū sancti Nicolai diuersorium
egenorum. Est & Rothomagi apostoli Matthei cœnobiū: & apud lon-
gum

Ex Roberto
Ganguino.

gum campum monasteriū monialium diui Francisci regulā pfitentium. Attribuit quoque diuerticulum poenitentibus foeminis, quæ à libidine resipiscerent: quas Dei filias appellauit. Carthusiensibus etiam extra urbem ad sancti Michaëlis portam monasteriū dedit. Deduxit præterea ex monte Carmelo uiros religiosos, quos à monte ipso Carmelitas dicimus. Quibus apud Parisios locum ecclesiamq; attribuit. Huiusmodi operum studiosus rex alieni quoq; minime tenax erat. Mortui regis ossa carne nudata ad sanctum dionysium elata sunt & humo cōmendata. Dum autem à Parisijs funus effertur, fuere designatis locis stationes ubi pyramides cum lapideis statuis & Christi cruce constructæ, quæ ad hanc usq; diem persistunt. Eius tam religiosi principis plurima opera miraculis comprobata leguntur & creduntur. Omni quadragesima & per solemnem Christi aduentū, & diebus quatuor ab suscepta eucharistia uxoris concubitu abstinuit. Peccatorum confessionem omni sexta feria sacerdoti faciebat. Erat illi flagellum quinq; cathenulis ferreis confectum quod in eburnea pixide ferebat: quo à sacerdote post factam confessionem detectis scapulis percutiebatur. Cilicio frequenter usus est. Eo cum admonente confessore abstinere cingulo cilicino ad nudam carnem utebatur: & nihilominus solidos XL. pauperibus sacerdotis ministerio dietim dari iussit. In archiuis Caroli quinti reperta est cartula præceptorum, quæ hic diuus rex filio suo primogenito dum Thuniciū obsidebat, dictauit & scripsit. Quam ex Caroli thesauro receptam Girardus de Montaguto regius scriba Carolo exhibuit anno salutis M. CCC. LXVIII. Quæ omnia quia salutaris disciplinæ plena sunt, ita latina feci.

Deum libera menta amato, quo sine nemo saluus est.

Nullum illum crimine offendito.

Tolerabilior tibi mors esto, quàm peccatum.

Si te præmet aduersitas, durato, tanquam commeritus, hinc tibi prouentus accrescet.

Si prospera blandientur, gratias illi exsoluito: non superbito. De mentis est, ob acceptum beneficium in datorem extolli.

Perito & sapienti sacerdoti, tuam frequenter conscientiam aperito, qui te intrepidus male operantem libere reprehendat, doceatq; quid sequaris.

Diuinam rem atq; ecclesiasticam religiose auscultato: Nec confabulator huc atq; illuc circumspectans, sed uoce menteq; Deum orato, illo maxime tempore cum hostiam consecrat tractatq; sacerdos.

In egenos pius esto, & miseris illorū pro tuis facultatib. subuenito. Cum tibi animus dolet, anxiusq; erit, id quod molestum est aut sacerdoti, aut fido tibi amico reuelato: quodcunq; illud est leuius feres.

Religiosis aut probis sæculi uiris sæpius communicato.

Perditis autem atq; perfidis abstinet.

Sanam

Sanam doctrinam clam palamue libens audito.

In quaq; re bonum diligit, malo ne faueto.

Nulli fas esto te coram loqui, quod peccati praeseferat exemplum.

Igitur detractoribus dum ades fores recludito.

In Deum & sancta blasphemios indemnatos non praeterito.

Pro acceptis bonis Deo gratias sedulus agito: ut meliora recipere dignus habearis.

Erga Christicolas pro aequo & bono rigidus rectusq; esto: nec in ullam partem inclinato.

Pauperum causis eatenus faueto, quoad uerum se prodat.

Si aduersum te quaestio agatur, minus tibi q̃ litigatori, donec uerum compereris, indulgeto: eo pacto ijs qui tibi assistunt consules, liberiusq; & sanctius iudicium ferent.

Si quid alienum ministri tui, uel ipse occupas, idq; certo nosti, mox restituito.

Si dubia res est, inquisitoribus qui uerum protinus prouideant committito. In hoc em̃ maxime te uersari decet, ut ij qui magistratus gerunt, quicq; tibi subduntur, quietissime uiuant, & in primis uiris religioni & diuinis rebus addicti. Ego enim a maioribus accepi, Philippum optimū regem, unde nostrū genus deducitur, id diligentissime obseruasse. Cum enim ex consiliarijs eius aliquot ad eum detulissent, ecclesiasticos homines ditionem & regia iura usurpare, unde sua dignitas atq; amplitudo laedebatur: Credo, inquit, id quod loquimini a uero non abhorrire: Sed Dei beneficiorū memor, meis aliquid rebus detractum iri malo, quam Dei & ecclesiam et seruos in contentione adducere, propter quod scandalum oriatur. Igitur Dei famulos q̃ maxime potes diligit, & paci consulito.

Parentibus reuerens esto, eorumq; praeepta ne spernito.

Sacerdotia, id est, ecclesiastica beneficia bonis & optime merentibus conferto. Cum haec facturus eris, prouidos ante homines consulito.

Bellum nisi apprime consultus in Christianum ne gerito. Si gerendum erit, ecclesiam atq; infantes protegitto.

Omni bello & contentioni finem imponere, diui Martini exemplo quoad potes, studeto.

Prouidos tibi ministros et magistratus instituto, eorumq; mores & opera scrutator, nec domesticorum facta omittito.

Peccatis te obijcito.

Execranda iuramenta prohibeto.

Nouis sectis & haeresibus capita, id est, initia praescindito.

Domasticæ impensæ curā adhibeto, eamq; rationis lege moderator.

Deniq; fili te hortor atq; obsecro, si praete terris abiero, animæ meae obsequijs & rebus diuinis subuenito: & quæ post hac feceris bonorum omnium mihi partem concedito.

Gg Illud

Illud ad extremum fili charissime Deum precor, det tibi quasque benedictiones, quibus probatissimus pater filio benedicere potest. Et qui trinus & unus colitur Deus te custodiat, aduersum mala omnia te protegat, ita ut à te iugiter honoretur, unaque cum illo post huius uitæ exitum uiuere & illum laudare mereamur.

Hæc in archiuis Ludouici Gerandus de Montaguto regius scriba se reperisse, & Philippo successori præbuisse constanter affirmat.

S. EVARISTVS I.

Ex Platina.

Evaristus natione Græcus, patre Iudæo nomine Iuda ex Bethlehemi ciuitate, ad Traiani tempora peruenit, cuius principis ob singularem iustitiam & humanitatem libenter mentionem facimus. Nam ubique terrarum ita se æqualem omnibus præbuit, ut usque ad Iustiniani tempora in creatione principum sit acclamatum: Felicius sit Augusto, ac Traiano melior. Præterea uero tantæ comitatus & humanitatis fuit in uisendis egrotis, salutandis amicis, celebrandisque passim festis diebus, inuitantiumque conuiujs, ut ei tanta benignitas uitio daretur, unde dictum illud imperatore dignum prodijt: Talem priuatis imperatorem esse oportere, quales sibi priuatos optat habere. Honores autem, diuitias, facultates, præmia benemerentibus æque distribuit. Nul- li quicquam iniuriarum fecit augendi ærarij gratia. Immunitates ciuitatibus inopia laborantibus dedit. Fluminum traiectiones ac itinera periculosa tuto & saluberrimo opere composuit. Portum Anconitanum ducto præalto & lato muro ad coercendos maris fluctus muniuit. Nichil in uita agens, nihil cogitans, quod ad communem utilitatem non pertineret. Hac tanta gloria belli domique parta, apud Seleuciam Isauriæ ciuitatem profluuium uentris perijt, anno imperij eius decimo octauo, mense sexto: cuius ossa Romam postea delata sunt, & in urbe sepulta urna aurea in foro, quod ipse struxit sub columna Cochlide, quæ adhuc cernimus, cuiusque altitudo centum & quadraginta pedum est. At Euaristus (ut Damasus ait) titulos in urbe Roma presbyteris diuisit, & septem diaconos in ordinem redegit, qui custodirent episcopum prædicantem propter stylum ueritatis. Idem constituit, ne plebis in episcopum accusatio reciperetur. Ordinationes ter habuit mense Decembri, ac presbyteros sex, diaconos duos, episcopos per diuersa loca numero quinque creauit. Huius tempore Papias fuit Iohannis auditor, Hieropolitanus episcopus, qui non tantum historiæ ueterum discipulorum domini, quantum uoce Aristonis & senioris Iohannis adhuc uiuentis delectatus est. Vnde apparet ex ipsa nominum dinumeratione, cum omnium ferè Apostolorum mentionem fecisset, alium esse Iohannem, qui inter Apostolos locatur: alium seniore Iohannem, quem post Aristonem numerat, qui certe

certè doctissimus est habitus : quemq; etiam multi secuti ob doctrinam sunt, ut Irenæus, Apollinarius, Tertullianus, Victorinus Pictaviensis, Lactantius Firmianus. Quadratus quoq; Apostolorum discipulus, ecclesiam Dei tum periclitantem fide & industria sua, quoad fieri potuit, sustentauit. Nam cum Hadrianus tum Athenis hyemem agens, symmistesq; Eleusinæ omnibus penè sacris initiatus, occasionem sæuendi in Christianos dedisset, Quadratus ipse librum Hadriano porrexit de honestate religionis Christianæ compositū, plenum fidei & rationis. Idem fecit Aristides Atheniensis philosophus sub pristino habitu Christi discipulus : uolumen nanq; nostri dogmatis rationem continens, eodem tempore, quo & Quadratus Hadriano principi obtulit. His aut apologeticis libris factum est, ut Hadrianus iniustum fore existimans, Christianos indicta causa ubiq; occidi, Minutio Fundano Asiæ proconsuli scripserit, neminem occidendum, nisi de accusatore et crimine constaret. Euaristus aut (ut quidam tradunt) martyrio coronatur ultimo Taiani principis anno. Sed melius censent, qui sub Hadriano nondum in Christianos placato, id ei contigisse scribunt : annis enim nouem sedit, mensibus decem, diebus duobus. Sepultus est autem Euaristus in Vaticano apud beati Petri corpus VI. calendas Nouembris.

S. MICHAEL ARCHAN,

gelus Dei.



Erba prophetæ Danielis hæc sunt: In tempore autē illo consurget Michaël princeps magnus, qui stat pro filijs populi tui, &c. cap. xij. Verba sacræ Apocalypseos cap. xij. Factum est prælium magnum in coelo, Michaël & angeli eius præliabantur cum dracone, & draco pugnabat & angeli eius, & nō ualuerunt, neq; locus inuentus est eorū amplius in coelo, & proiectus est draco ille magnus serpens antiquus, qui uocatur diabolus & satanas, qui seducit uniuersum orbem, & proiectus est in terram, & angeli eius cum illo missi sunt. Et audiui uocem magnam in coelo dicentem : Nunc facta est salus, & uirtus, & regnū Dei nostri, & potestas Christi eius, quia proiectus est accusator fratrum nostrorum, qui accusabat illos ante conspectum Dei nostri die ac nocte. Et ipsi uicerunt eum propter sanguinem agni, & propter uerbum testimoniū eius, &c. His subiungam, quæ Histo. Trip. de Michaëlo loco tradit : Insignis, inquit, locus ex illo tempore claruit peregrinis & urbicis, ubi olim quidem Vesta colebatur, postea uero ecclesia facta est, qui locus nunc Michaëlum nūcupatur, in dextera positus parte nauigantium à Ponto ad Constantinopolim, distans ab ea nauigio quidem stadijs ferè triginta & quinque: per terram uero circumcuntibus omnem sinum, usq; ad septuaginta & amplius tenditur. Sortitus est igitur is locus appellationem nunc usq; seruata, eo quod illic,

G g ij manifeste

manifeste cernitur apparere Michaël diuinus archangelus : quod etiam ego intus eximie uerum esse confirmo. Ostendit igitur hoc ita esse etiam multis alijs uirtus diuina per ipsarū rerum experimenta. Quidam enim in causas difficiles aut inuitabilia pericula, alijs uero in languores aut ignotas passiones incidentes, supplicantes Deo, liberari promeruerunt. Sed quæ singulis & quomodo illic miracula contigerint, narrare longum est. Quæ uero prouenerint Aquilino nobis noto, & in causis forensibus socio, partim ab eo audiens, partim ipse cognoscens necessario pandam. Cum eum ardentissima febris rubris choleris mota comprehendisset, æstuantī poculum dederunt medici, quod euomuit : moxq; cum uomitu diffusæ cholere superficiem uultus eius simili sui colore tinxerunt. Quamobrē quicquid comederet & biberet, euomebat. Cumq; hoc diu pateretur, nec esca ad nutrimenta proficeret, hærebat ars medicorum : & dum morti uicinus esset, iussit suis, ut se ad locum hunc ducerent, credens aut illic se mori, aut languore priuari. Iacentiq; per noctem diuina uirtus apparens præcepit, ut quicquid comederet, in huiusmodi potione tingeret, quæ esset ex pipere & uino & melle confecta. Quo facto, ab ægritudine liberatus est : quippe cum medicis ratione medicina uideatur esse contrarium, calida pocula choleris exhibere.

D E A N G E L I S D E I,

per Eras. Roterō.



Angeli quoq; multis nominibus sunt nobis amandi, uel quia domino communi familiariter inserviunt, uel quia iussu summi principis ex animo bene uolūt electis, additi nobis custodes aduersus impios spiritus, quorum præsentia nos deberet à peccando detertere. Contristamus enim illos, & à nobis profligamus, quoties contemptis Dei præceptis satanæ paremus instinctibus. Ille cum suis satellitibus nusquam nō uigilat, ut perdat: hi semper uigilant, ut tueantur. Tot enim casibus exposita est humana uita, ut pauci infantes perueniant ad adolescentiam, pauci adolescentes ad uirilem ætatem, pauci uiri ad senectutem, nisi nostri curam assiduam gererent angeli. Par est redamare, qui nobis bene uolunt: par est uenerari, qui naturæ sunt sublimioris, & in amore Dei constabiliti. Deferunt nostra uota ad Deum, referunt ad nos illius munificentiam, solatium adferunt in afflictionibus: Nam & Christum in agone confortasse leguntur. Inspirant facta desideria, adiuuant in tentatione: bonis nostris exhilarantur, malis quodammodo indolescent, omnes expectant consummationē corporis Christi. Adorandi tamen non sunt, licet in ueteris instrumenti uoluminibus legamus adoratos angelos, uelut Geneseos xviij. Sed intelligendum est, uel illos in angelis adorasse Deum, uel adorandi uerbum positum pro uenerandi, quemadmodum legimus & reges adoratos. Quāquam hoc ipsum

ipsum honoris angelus recusat in Apocalysi, agnoscens, ad quam dignitate per uerbum carnem factum subiecta esset natura humana, seque conseruum profitetur, quum in ueteri Testamento patiantur se uocari dominos. De natura angelorum non est necesse altius philosophari, quam in canonicis libris traditum est. Angelos esse constat, ac per hos deum administrare res hominum. Ordinum quorundam tituli proditi sunt, quorundam etiam propria nomina. Mentis sunt incorporee, quae si quando apparent, assumptitiam speciem exhibent oculis. Dicuntur uiri, non quod ullus sexus sit in angelis, sed quod ea specie sese ostendunt. Quoniam autem humanae mentis hebetudo aegre credit esse, quod non uidet, expedit illud teneris protinus animis instillare, esse spiritus inuisibiles, testes omnium actionum nostrarum, atque adeo cogitationum quoque, quibus grata est sobrietas, pudicitia, ueritas, simplicitas, & quicquid ad ueram pietatem pertinet, ut omnes excludas homines, angelum tamen habes spectatorem. Similiter agendum, ut de sanctis uita defunctis religiosam imbibant opinionem.

DE MALIS ANGELIS.



Um ergo numerus hominum coepisset incrementum, prouidens *Ex Lactantio Firmo.* Deus, ne fraudibus suis diabolus, cui ab initio terrae potentiam dederat, uel corrumpere, uel dispergeret homines, quod in exordio fecerat: misit angelos ad tutelam cultumque generis humani. Quibus praecepit ante omnia, ne terrae contagione maculati, substantiae coelestis amitterent dignitatem: scilicet id eos facere prohibuit, quod sciebat esse facturos, ut ueniam sperare non possent. Itaque illos cum omnibus commorantes, dominator ille terrae fallacissimus, consuetudine ipsa paulatim ad uitia pellexit, & mulierum congressibus inquinauit. Tum in coelum ob peccata, quibus se immerferant, non recepti, ceciderunt in terram: sic eos diabolus ex angelis dei suos fecit satellites, ac ministros. Qui autem sunt ex his procreati, quia neque angeli, neque homines fuerunt, sed mediam quandam naturam gerentes, non sunt ad inferos recepti, sicut in coelum parentes eorum. Ita duo genera daemonum facta sunt: unum coeleste, alterum terrenum. Hi sunt immundi spiritus malorum, quae gerunt auctores, quorum idem diabolus est princeps. Vnde Trismegistus illum demonarchen uocat. Dæmonas autem grammatici dictos aiunt, quasi δαίμονας, id est, peritos ac rerum scios.

Hos autem putant deos esse: sciunt illi quidem futura multa, sed non omnia, quippe quibus penitus con-

silium dei scire non liceat: & ideo

solent responsa in

ambiguos

exitus temperare.

Gg iiij

S. Hieron.

DE SANCTIS
S. HIERONYMVVS ECCLESIAE

Presbyter.

Erasmus
Rotcr.



Atus est uir eximius Hieronymus, anno à Christo nato trescentesimo trigessimoprimo, sub Imperatore Constantino, in oppido Stridonis, quo iam tum à Gothis omnia populantibus, euersum fuisse, testis est ipse in Catalogo scriptorū illustrium, olim Dalmatiæ Pannoniæq; confinium. Erat illi frater natus minor, nomine Paulinianus, nam sororis nomen tacuit. Matertera Castorina, cum qua dissidiū nescio quid intercesserat, ob rem (ni fallor) familiarem: quam tamen humanissimis literis ad concordiam inuitat. Patri nomen fuisse Eusebio, declarat ipse, quod Græcis à pietate dictum est, non absq; praesagio, quod pulchre conueniat, ut ex pio nascatur ille sacri nominis heros. Nam id sonat *ἱερὸνυμος*. Atq; ea demum est digna Christiani nominis gloria, quæ non ex stemmatis, aut imaginibus, non ex oppidis euersis, aut concussis copijs, sed ex uita pie sanctæq; acta nascitur. Matris nomen nusquam edidit: non tacens tamen, se parente utroq; Christiano genitū. Ab his domi diligenter institutus, unā cum Bonoso inter ipsos statim parentum amplexus, & nutricum blanditias Christum imbibit, ac mox Christianæ pietatis rudimentis imbutus, simulq; bonis literis, quarum ea tum ætas capax esse poterat, puer adhuc Romam missus, uelut ad primariam eo sæculo tum religionis, tum eruditionis magistrā, liberalibus studijs erudiendus, &c. Quamuis uerò illis temporibus, & apud Gallos, Hispanos & Afros, florerent literarum studia, tamen in prouincijs pro gentis ingenio nonnihil degenerantes, Romæ uelut in suo fonte puriores adhuc erant, & incorruptiores. Hic interim apparet Hieronymū Christo renatum, in illius iurasse uerba, ut hoc certe nomine Roma iure sibi posset hunc uirum asserere: quandoquidem à Baptismo deniq; censetur Christiani. Id satis indicat in epistola quadā ad Damasum papam, testificans sese eius urbis fidem uelle sequi, in qua Christi uestem accepisset. Nec enim de presbyterio sentit, opinor, sed in baptismo uestis candida dabatur, symbolum innocentiae, & lotis mandabatur, ut candorem uestiū suarum illibatum seruarent. Igitur in profanis literis ad plenum eruditus, ad grauiora studia iam adiiciens animū, hac etiam parte laudatissimos uiros est imitatus, uelut Pythagoram, Platonem, Apollonium, ut lustrandis regionibus sapientiæ supellectilem redderet auctiorem. Pensatis aut omnibus, ac circumspectis, monachi placuit institutum: quod ne quis in hoc erret, id temporis longe diuersum erat ab hoc, quod hodie uidemus, &c. Verū post Bonosi secessum, & ipse Hieronymus ordinatis domi rebus, conflatō uiatō, cum primis autem locupletissima bibliotheca summo studio comparata, Syriam adiit, Heliodoro tum itineris comite, tum propositi consorte. Sed statim non uno loco sedit, imò aliunde aliō uertit sedem, quod tandem

tandem circumspectis omnibus, habitaculū suū accōmodum uotis deligeret, &c. Tandē uelut in semotissimam eremū abdidit sese, quæ Syriam à Saracenis distēminat: satius esse ducens, cum feris ac prædonib. barbaris habere commercium, q̃ cum eiusmodi Christianis. Hic annos quatuor ab hominum frequentia semotus, cum solo Christo, cumq̃ libris habebat cōmercium, &c. Primum erat studiū, adolescentiæ lapsus lachrymarū imbre diluere, et laborum asperitate ueluti nitri acrimonia, contractas per ætatis incogitantiam sordes detergere. Inedia, uigilijs, & incredibili totius uitæ austeritate rebellantem carnem, & subinde repululantem ætatis lasciuia cohercebat, corpus spiritui seruire docens, ne quid obstreperet affectus cœlestē molienti uitam, ipse sibi rigidus exactor supplicij, & instantissimus pensarum efflagitator atq̃ ἐξυοδίωνης, ut uocat alibi, &c. Tempus omne studijs & precibus partiebatur: bonam etiam noctiū partē his operis addens, minima portio dabatur somno, minor cibo, nulla ocio. Studiū lassitudinē recreabat deprecatio, aut hymnus: mox uelut integer ad intermissam lectionem redibat. Relegebat uniuersam bibliothecā suā, ueterum studiorum memoriam sibi renouās, sacras literas ad uerbū ediscebat. Meditabatur in prophetis, in cruentis oraculorum mysterijs uigilantissimus. Ex Euangelicis & Apostolicis literis, uelut ex purissimis fontib. Christi philosophiam hauriebat. Lectioni miscebat scribendi studiū, ceu iam tum uelitans ac præludens tractandis literis diuinis. In his sanctissimis laboribus, in hoc uitæ rigore, cum annos aliquot duraret, tamen fatetur nullum uitæ genus sibi fuisse iucundius, &c. Visēbatur nonnunquam ab amiculis, uicinos monachos inuisebat aliquoties, & literarum uicissitudine fruebatur amicis absentibus. Tandem cōcito gradu Bethlehem suam reuersus est, ubi adorauit præsepe & incunabula saluatoris: habuit comites Romanas matronas Melaniam & Paulam. Marcella tametsi & ipsa Bethlehemitico rure relicto, Romam se recepit metu Barbarorum omnia passim uastantium ac populantium, tamen in amicitia fidelissime perstitit, Hieronymianas partes acerrime defendens. Gregorium Nazianzenum præceptorem ipse suum appellat, & hoc interpretante, se sacras didicisse literas testatur. Verum ubinam audierit hominē, aut quanto tempore, parum mihi compertum est. Nam is uitæ mutauit institutum, & sponte cedens episcopi locū, ruri abditus, monachi uitam exegit. Apollinarium Antiochenæ apud Syros ecclesiæ episcopum frequenter audiuit Antiochiæ, & domesticam cum illo consuetudinem egit, adhortante Paula, et sumptuum, ut conijcio, partem suppeditante. Alexandria item usus est præceptore Didymo. Demum ascito Barhanina Iudæo, quod in literis Hebraicis aut diminutum erat, aut exciderat, suppleuit & instaurauit. Cæterum non uno in loco declarat, se corpusculo imbecilli fuisse, crebrisq̃ morbis ac diutinis obnoxium, etiam anteq̃ ueniret senectus. Nec
dubis

dubitandum, quin pleraque uoletudinis incommoda sibi conflare austeritate uitae perpetua, sed praecipua nocturno studio: super omnia uero scribendorum uoluminum indefesso labore, quas ob res frequenter coactus est uti notariorum opera, &, quemadmodum ipse loquitur, auribus tantum linguaque studere. Paulam discipulam & patronam suam praemisit in coelum, cui quod diu fuerit superstes, non satis liquet. Tandem uitae cursu felicissime peracto, ad immortalitatis lauream est euocatus, anno aetatis suae nonagesimo primo: Anno uero salutis humanae quadringentesimo XXII. sub Honorio & Constantio iam in Imperii consortium assumpto. Ferunt ossa postea Romam translata fuisse. Siquidem & hodie monumentum illius monstratur in Exquilis apud aedem uirgini matri sacram, iuxta praesepe Christi.

MARCUS PAPA I.

Ex Platina.



Marcus natione Romanus, patre Prisco, Magni Constantini temporibus fuit, de quo uaria scribunt historici. Sunt enim qui affirmant, Constantinum ultimis imperii sui annis instigante sorore Atrium ab exilio reuocasse, quod inuidia damnatum hominem mulier diceret, in eiusque dogma declinasse. Hos ego deceptos similitudine nominis puto, & patri illud ascribere, quod filii scelere factum est. Neque enim simile ueri est, principem illum sapientissimum, quod semper improbauerit, ea potissimum aetate, qua sapere datur, illud idem colaudasse. Scribunt praeterea Constantinum ab Eusebio Nicomedie episcopo Arriani dogmatis imitatore baptizatum esse. Quod quidem falsum esse, & religio principis ostendit, & baptisterium huius rei causa Romana ab eo magnificentissimis operis aedificatum. A Syluestro enim una cum Crispo filio baptizatur, pulsus ab urbe tyrannis, fidemque edocetur. Aiunt qui aliter dictum sentiunt, Constantinum tantam rem distulisse, quoad ei ad Iordanem peruenire contingeret, in quo ad imitationem saluatoris baptizari cupiebat. Verum dum in Parthos proficiscitur Mesopotamiam incursionibus uastantes, uno & trigesimo imperii sui anno, aetatis uero sexto & LX. apud Nicomediam uilla publica diem extremum obisse, nec ad Iordanem baptismi causa peruenire potuisse, atque illic tum demum extremo uitae tempore baptizatum fuisse. Misceant isti, ut uolunt, rem hanc, & nos quod omnes ferme sentiunt, credamus, Constantinum, qui in signo crucis toties hostes uicerat, qui tot templa in honorem dei aedificauerat, qui sacris Conciliis interfuerat, qui totiens cum sanctis patribus in mysteriis orauerat, baptismatis caractere ubi sapere coepit muniri etiam contra hostem humani generis uoluisse. Non latet me certe, quid Socrates & Sozomenes in tripartita sua uelint, quidque alij plerique, ueritatem sequor, optimi principis religioni & pietati conuenientem. Quod uero in lepram inciderit (ut uulgo dicitur) baptismoque mundatus

mundatus sit, confecta prius de sanguine infantum nescio qua fabula, nullo modo credo, Socratem hac in re secutus, qui affirmat Constantinum ipsum ubi sexagesimum quintum ætatis annum attigisset, egritudine captum, ex urbe Constantinopoli ad aquas calidas egressum ualeitudinis causa, nulla de lepra mentione habita. Præterea uero hac de re à nullo scriptorum fit mentio, non dico ab his, qui ethnici sunt habiti, sed ne à nostris quidem. Non reticisset hoc Orosius, non Eutropius, non illi, qui Constantini res gestas quæ diligentissime scriplere. Ante uero tanti principis mortem stellam crinitam inusitate magnitudinis (quam Græci Cometem appellant) fulsisse aliquandiu constat. Marcus autem Romanus pontifex ad curam Christianæ religionis conuersus, instituit, ut episcopus Hostiensis, à quo Romanus consecratur, pallio uteretur. Voluit præterea diebus solennibus statim post Euangelium symbolum à clero & populo magna uoce decantari, & eo modo quo fuerat in Niceno Concilio declaratum. Duas item Ecclesias Romæ condidit: unam uia Ardeatina, in qua sepultus est: alteram in urbe Roma ad Palatinas: quas quidem Constantinus his muneribus exornauit & auxit: fundo rosarum cum omni agro campestri, patena argentea librarum XX. scypho argenteo X. librarum, corona argentea librarum decem: fundo Antoniano, quia est uia Claudia, fundo ad Bacchanas uia Appia, fundo marmoreo uia Ardeatina. Huius autem & Constantini temporibus fuit Iuencus Hispanus presbyter genere nobilis, qui tetraeuangelia hexametris uersibus ferè ad uerbum transferens, quatuor libris composuit. Scripsit & quædam eo genere metri ad sacramentorum ordinem pertinentia. Marcus autem postea quæ ex sacris ordinibus bis mense decembri habitis, presbyteros quinque & uiginti, diaconos sex, episcopos octo & uiginti creasset, moritur, ac sepelitur in cœmeterio Balbinæ uia Ardeatina, tertio Nonas Octobris. Sedit autem annis duobus, mensibus octo, diebus uiginti.

FRANCISCUS CONFESSOR CHRISTI.

Franciscus natione Italus Assisij natus (quod oppidum est in Umbria) uir fuit religiosissimus, Euangelicæ perfectionis sectator: floruit quæ Innocentio papa tertio. Nam quum adolescens mercaturam exercuisset, non tamen abiit post aurum, nec sperauit in pecuniæ thesauris: sed ad Christum conuersus, quum audisset in ecclesia illud Euangelium: Qui non renunciauerit omnibus, quæ possidet, non potest esse meus discipulus: cuncta quæ ad manum habuit, pauperibus erogauit, cætera patri suo id ipsum postulanti, hæreditario iure coram episcopo tradidit. Deinde ut normam sequeretur, quam Christus dedit Apostolis, dum eos mitteret ad prædicandum, distributa pecunia calceamenta deposuit, & unica contentus tunica, ut quatenus liceret,

Hh Christum

Christum imitaretur, duodecim sibi socios asciuit: atq; ad emulationem Euangelicæ perfectionis, ordinem monasticum, qui Minorum appellatur, instituit: Romamq; uenit circa annū à Christo nato, M. CC. VIII. quem Papa uisione diuina præmonitus benigne recepit, regulamq; & institutum ab eo uiuendi ordinem confirmauit. Dimissis ergo quos quo uersus fratribus, qui uerbum Dei seminarent, ipse in Syriam nauigauit, à Soldanoq; fuit benigne receptus. Sublata tamen prædicandi facultate, coactus fuit in patriā redire. Cui bienniū ante obitū cum xl. dies ieiunasset in monte Aluernæ, in festo exaltationis crucis oranti apparuit Seraph crucifixus, qui in manibus & pedibus ipsius stigmata plagarum Christi mirabiliter impressit. Quibus insignitus summæ admirationi cunctis intuentibus uenerationiq; fuit. Tandem beatus Franciscus plenus bonis operibus & gratia, apud Assisum moritur, quarto Nonas octobris. Quē Gregorius nonus cognitis eius miraculis, Catalogo sanctorum adscripsit.

HYMNVS IO. PONTANI

ad B. Franciscum.

NImboso quisquis speculans de monte sacerdos,
Francisci foelix rura, nemusq; tenes,
Diuinumq; colis tam sancti carceris antrum,
Paruaq; at ingenti tecta habitata uiro.
Hicubi nudus, inops, saxo uix tectus adeso,
Hiberno statuit sub Ioue ferre niues,
Humana expertus quantum patientia posset,
Duraq; paupertas, propositumq; tenax,
Atq; inter syluas, atq; inter lustra ferarum,
Efferret nomen maxime Christe tuum.
Quum uolucres cinxere uirum, pia uerba sonantem,
Aurita ante pedes & stupuere feræ,
Huc aures aduerte, neq; hæc mea dicta sacerdos
Despice, ueridica quæ tibi mente feram.
Non auro splendente domus, gemmisq; superba,
Nec quæ puniceo lana colore rubet:
Non centum uersata iugis foelicia campi
Iugera, nec Cresso palmite diues ager:
Aut gregis innumeri foetus, aut merce Sabæa
Niliaco rediens littore plena ratis:
Nec tam quæsitum multo sudore triumphum,
Subditaq; imperijs oppida mille tuis,
Foelicem efficient, quamuis numerosa parentem
Stirps obeat, plenas exhilaratq; domos,
Quam læta, & sanæ paupertas conscia mentis,

Paupers

Paupertas forti regna decusq; uiro.
 Qua uel Achiménios luxus, regnumq; Phrahartis,
 Exuperat uestri gloria magna patris.
 Cui saui cessere ignes, uictusq; refugit,
 Qui capit assiduo pectora nostra dolo.
 Scilicet & fraudes, & noxia crimina uicit,
 Eiecitq; animo turpe nefasq; suo.
 Qui uarijs mandata dei uirtutibus implens
 Indyta militiæ signa decusq; ferat,
 Labentemq; aciem Christi, pietate, fideq;
 Sistat, & hostiles ense refringat opes.
 Salue igitur patriæq; parens, duxq; optime gentis,
 Quæ sacra pro Christi nomine bella gerit.
 Maeste animo Franciscæ, grauem qui primus in hostem
 Irruis, & Christi munera uictor obis.
 Vulnere Iudaico, qui quondam illata furore
 Excipis, & precium est hoc tibi dulce datum.
 Hæc gestata tibi sunt laurea ferta triumpho,
 Hæc spolia, hæc gentes, hæc tibi currus erunt.
 Desino, nam leuius Lybycæ numerentur arenæ,
 Ocyus & medio quæ salit alga mari.

DOMINICVS CONFESSOR DOMINI.

Dominicus natione Hispanus, uir sanctitate & doctrina clarus, ordinis Prædicatorum autor, Calaroga Oxomensis diocesis oppido natus est, patre Felice, matre uero Ioanna. Quæ facta grauida, in somnis uisa sibi est utero gestare catulū cum facula ori inserta, qui egressus ex utero totum mundum incenderet. Quæ uidelicet re portendebatur, puerum esse conceptum, qui splendore suæ doctrinæ totum mundū illustraret, & prædicationibus ad recte uiuendū inflammaret, ut res ipsa declarauit. Hoc enim præstitit tum per se, tum etiam per ordinem Prædicatorum, quem ipse condidit, quum prius in ecclesia Oxomensis fuisset Canonicus regularis. Huius uiri sanctitas & doctrina plurimum enituit in extirpandis hæresibus perniciosis, quæ ad Tolosam pullularant, septennio cōsumpto in eo labore. Quibus rebus ductus Innocentius tertius papa, institutum ab eo ordinem autoritate Apostolica approbavit: & paulopost itidem Honorius tertius confirmavit. Dominicus igitur quum multa monasteria per orbem erigendi autor fuisset, miraculisq; claruisset, & multas regiones docendo & prædicando lustrasset, Anno Christi nati M. CC. XXIII. Bononiæ (quæ urbs est Italiæ celebris) Nonis Augusti e uita migravit. Quæ postea Gregorius

Hh ij gorius

gorius nonus retulit in numerum Sanctorum, ob ædita miracula, & uita
tam sanctissime gestam.

HYMNVS AD DIVVM DOMINICVM.

Sol oritur, uenit ecce dies, cape thura sacerdos,
Cultaq; diuino carmine templa sonent,
Araq; Tyrrheno niteat uestita paratu,
Fumet odorato myrrhaq; thusq; foco.
Vos castas adhibete preces: nam castus & ipse
Dominicus: casto sint sacra casta uiro.
In quo num pietas, an iustæ conscia mentis
Simplicitas, dubium est, sit prior an ne fides.
Cuius inhæserunt humeris labentia Petri
Culmina, & immoto corpore sistit opus.
Optimus assertor Christi: sed quo neq; maius
Hesperia, aut melius Corduba docta dedit.
Ac ueluti numero stellas comprehendere non est,
Quantaq; in Oceani litore arena iacet:
Sic neq; Dominici laudes æquare canendo,
Concipere humano nec queat ore sonus.

S. CLARA.

Ex Romano
breviario.



Lara uirgo sanctissima, nobili loco nata Assisi (quod oppi-
dum est in Umbria) instituta, disciplinamq; beati Franci-
sci sui ciuis sequuta, relictis mundanis opibus, collegium insti-
tuit pauperum & religiosarum foeminarum, cum quibus recessit in Ec-
clesiam beati Damiani. Vbi mirabili parsimonia et sanctitate uitam qua-
draginta duorum annorum peregit, multis etiam editis miraculis: quo-
rum illud silentio non præteribimus: q; cum tempore Friderici impera-
toris Saraceni, qui Italiam intraserant, Assisum obsiderent, & ipsum
uirginum monasterium oppugnarent, Clara licet ægrotans ad por-
tam se iubet deportari in hostium conspectum cum capsula, qua sacra-
mentum Eucharistiæ continebatur, ubi hanc cum lachrymis orationem
effudit: Ne tradas domine bestiis animas confitentes tibi, & custodifas-
culas tuas, quas precioso sanguine redemisti. Cui uox de coelo reddita
est: Ego uos semper custodiam. Itaque Saraceni subito terrore quo-
dam perculsi, obsidionem soluunt: & qui muros ascenderant, cæcitatem
perculsi deciderunt. Paulo uero post morbo ingrauescente, decem & se-
ptem diebus sine ullo cibo peractis migravit ad dominum, pridie Idus
Augusti, tempore Innocentiæ quarti: qui ægrotantem inuisit, & Eucha-
ristiam est impartitus. Quam Alexander quartus, anno Domini, M. CC.
LV. retulit in numerum sanctarum uirginum.

S. Dios

S. DIONYSIVS EPISCOP. ET

Areopagita.



Obilitatem generis, diuitiarumq; copiam magni Dionysij, Atheniensium Concilium, cuius per electionem particeps erat, ostendit apertè. Nam ut diuinus nos Lucas in scribendis Apostolorum actibus docuit, Areopagitarum fuerat unus. Cum enim Apostolus Paulus Athenas petisset, atq; cum philosophis tum Epicureis, tum Stoicis uerba fecisset, Christumq; ipsis Dominum nostrum, mortuorum resurrectionem, & generale iudicium prædicasset, captus atque ad Areopagitas ductus, prædicatione sua nonnullos etiam ibi confestim lucratus, ad ueritatis lucem reduxit, qui & recedentem secuti sunt. In his Dionysium quoq; Areopagitam fuisse, mulieremq; Damarrim nomine, aliosq; cum ipsis nonnullos tradidit. Ego autem non arbitror absq; causa præter ceteros, qui tunc diuina Pauli prædicatione crediderunt, Dionysium à scriptore, qui spiritu dei mouebatur, tantummodo ipsa etiam addita dignitate nominatum fuisse. Areopagita enim (inquit) Dionysius fuit. Sed credo ita factum, quia & sapientia præcipuus fuit, & uitæ apud Athenienses sanctissimæ. Non enim quoslibet, sed genere, diuitijs, uitæq; sanctimonia primos atq; præclaros ad Concilium illud deligebant. Et antiquitus quidem, ut Androcio in secundo rerum Atticarum libro refert, ex nouem primis magistratibus, nouem primi deligebantur. Postea uero Areopagitarum numerus usq; ad quinquaginta uirum concreuit: primarij tamen semper uiri (ut diximus) eligebantur, ut etiam Philochorus in tertio rerum Atticarum scribit. Erat autem pagus Martius extra urbem Athenas, ubi Areopagitarum Concilium, leges contemnentium, causas cognoscebat, quas omnes Androcio in primo, & Philochorus in secundo & tertio rerum Atticarum enumerat. Ita & diuinus Paulus quasi nouos deos prædicans, à fatuata sapientia studiosis ad Martium trahitur pagum. Sed præcipuus inter eos, ueritatisq; amator diuus hic Dionysius, integro suo Pauli prædicationem iudicio confirmauit, atq; ilico inani Areopagitarum grauitate relicta, lucem prædicationis Pauli dominum nostrum Iesum Christum secutus est. Nam etsi Romani temporibus illis imperio suo domuerant omnia, Athenienses tamen atq; Lacedemonios legibus, moribusq; suis libere uiuere permiserunt: unde Martij pagi concilium dignitatem adhuc suam retinebat. Ita igitur ueritati iam adhærens Dionysius, primum à Paulo salutis dogmata percepit: deinde Maximo Hierotheo (ut ipse ait) secundo usus est præceptore, & demum (ut in septimo Apostolicarum institutionum libro scribitur) episcopus à Paulo Atheniensium, qui credebant, statuitur. Huius beati Dionysij, Dionysius alter antiquissimus Corinthiorum episcopus meminit: & Polycarpus in quadam eius ad Athenienses epistola. Sed rectam magnamq; sanctissimi huius uiri doctrinam

Ex Ambrosio
sio Chamala
duensi.

Hh iij ctrinam

ctrinam mirari omnes maxime debent, ut qui traditiones ecclesiæ incubabiles, & exquisitā disciplinā nouerit, nihil coinquinatū, nihil impurū ex adulteratis philosophorū dogmatibus immiscēs. Et plerisq; ut miseris condolendum est, qui propter suam ignorantiam, acerbos se iudices atq; censores prębuerunt, qui acuta cæterorum inuenta, prout ignorantia sua dictat, acerbe carpentes, cum legant, quæ nō intelligunt, scriptorem statim condemnant. Neq; eos pudet, q̄ nec redarguere, nec emendare possunt, quæ male putant conscripta. Ad seipsos ergo iram suam conuertant, sibiipsis acerbis sint, qui per negligentiam altiora discere nequiuerunt, quiq; a doctioribus petere dedignati, in dubijs suis cōtabuerunt. Hæc dixi, quia nonnulli beatum hunc Dionysium, quasi hæreticē multa conscripsisset, uituperant: qui mihi hæreticorum etiam peruersas opiniones ignorare uidentur. Nam si scirent, certe conferendo hæc illis uiderent tantum ab eis differre, quantum lumen a tenebris distat. Quid enim dicent de theologia istius uiri, qui trinitatem solam adorabilem prædicat? Quid dicent, q̄ animam, corpusq; humanum (hoc est, totum hominem) ab uno trinitatis Iesu Christo unigenito dei uerbo absolute absumptum fatetur? Quid dicent de intellectualium, intelligibilium, sensibilibusq; ipsius doctrina? Aut in quo reprehendere poterūt, quæcunq; de generali hominum resurrectione, de gloria iustorum, & impiorum supplicijs docuit? Hæc enim, ut summatim dicatur, salutem continent nostram, quæ latius exponere, modo tempus non est: præsertim cum oportune scholiorum cōmentarij illa indicaturi sint. Sed non enumerauit libros ipsius (aiunt) Eusebius Pamphili, neque Origenes eius meminit. Nos aut multa fuisse ab Eusebio prætermissa (quæ forte ad eum non peruenerant) respondemus: imò uero ille ipse respondet, qui se fatetur innumerabiles credere libros ad se non peruenisse. Nam uel nonnullorum regionis suæ hominum libros legisse, nullo modo uidetur, ut Hymengi & Narcissi Hierosolymitanæ presbyterorum ecclesiæ, nec Pantheni operum meminit, nec clementis Romani, duabus solum exceptis epistolis. Multos insuper ab eo prætermissos numerare possem, si opus esse putarem. Origenes aut non omnium, sed uix quatuor solummodo meminit uirorum. Mihi uero diaconus quidam Romanus, nomine Petrus, omnes diui Dionysij libros in Romana sacrorū bibliotheca librorum inueniri affirmauit, quorum plurimos ad beatū Timotheum Pauli discipulum, & Ephesinum episcopum scripsit. Is em̄ ab Ionicę philosophiæ studiosis (qui tunc apud Ephesinos florebant) uehementer agitabatur: atq; ideo beati Dionysij omnis externæ philosophiæ doctissimi, patrocinium petebat. Ab Arcopagita uerò Dionysio hos libros conscriptos fuisse, illud etiam testatur, q̄ multorum meminit, & nonnullorum dicta proponit, qui temporibus illis floruerūt: quorum & Actuum liber, & Epistolæ Pauli meminerunt. Sed præcipue

pue omnium synceritas dogmatum istud ostendit. Et quamuis hi libri longioribus egeant commentarijs, ut multitudo, altitudoq; rerum planior fieri possit, breuius tamen per scholia marginalia, deo confisi, quæ uisa sunt scripsimus.

DE S. DIONYSIO.

GAude prole, Græcia.
 Glorietur Gallia:
 Patre Dionysio.
 Exultet uberius
 Felici Parisius
 Illustris martyrio.
 Speciali gaudio
 Felix gaudet concio
 Martyrum præsentia
 Quorum patrocínio
 Tota gaudet regio,
 Regni stat potentia.
 Iuxta patrem positi
 Bellatores inclyti,
 Digni sunt memoria.
 Sed illum præcipue
 Recolit assidue
 Regalis ecclesia.
 Hic à summo præfule
 Directus ad Galliam,
 Non gentis incredulæ
 Veretur insaniam.
 Gallorum apostolus
 Venerat Luteciam,
 Quam tenebat subdolis
 Hostis, uelut propriam.
 Hic errorum cumulus,
 Et omnis spurcitia.
 Hic infelix populus
 Gaudens idolatria.
 Adorabat idolum
 Fallacis Mercurij.
 Sed uicit diabolus
 Fides Dionysij.
 Hic constructo Dei templo,
 Verbo docet & exemplo,

Coruscat miraculis.
 Turba credit, error cedit.
 Fides crescit, & clarescit.
 Nomen tanti præfulis.
 His auditis fit insanus
 Immitis Domitianus:
 Mittitq; Sisinnium,
 Qui pastorem animarum
 Fide, uita, signis clarum,
 Trahat ad suppicium.
 Infiguntur seni poenæ:
 Flagra, carcer, & catenæ.
 Catastam, lectum, ferreum,
 Et æstum uincit igneum.
 Prece domat feras truces,
 Sedat rogam, perfert cruces.
 Post clauos & patibulum,
 Translatus ad ergastulum.
 Seniore celebrante
 Missam, turba circumstante
 Adest Christus, comitante
 Coelesti militia.
 Specu clausum carcerali
 Consolatur, & uitali
 Pane cibatur, immortali
 Coronandum gloria,
 Prodit martyr conflicturus,
 Sub securi stat securus.
 Ferit licitor, sicq; uictor
 Consummatur gladio.
 Sed cadauer mox erexit,
 Truncus truncum caput uexit:
 Quo ferentem hoc direxit
 Angelorum legio.
 Tam præclara passio,
 Repleat nos gaudio.

Hymnus

HYMNVS IN LAVDEM DECEM ET OCTO

martyrum Cæsaraugustanorum: ex Prudentio.

Bis nouem noster populus sub uno Sanguinem iusti cui pastor hæret,
 Martyrum seruat cineres sepulchro, Ferculum duplex, geminumq; donū
 Cæsaraugustam uocitamus urbem, Ferre Complutum gremio iuuabit
 Res cui tanta est. Membra duorum.
 Plena magnorum domus angelorum Ingeret Tingis sua Cassianum
 Non timet mundi fragilis ruinam, Festa, Massylum monumenta regum
 Tot sinu gestans simul offerenda Qui cinis gentes domitas coëgit
 Munera Christo. Ad iuga Christi.
 Quum deus dextrâ quatiens coruscant Singulis paucæ tribus aut duobus
 Nube subnixus ueniet rubente, Forsan & quinis aliquæ placebunt,
 Gentibus iustam positurus æquo Testibus Christi prius hostiarum
 Pondere libram. Pignore functæ.
 Orbe de magno caput excitata Tu decem sanctos reueches & octo
 Obuiam Christo properante ibit, Cæsaraugusta studiosa Christi,
 Ciuitas omnis pretiosa portans Verticem flauis oleis reuincta
 Dona canistris. Pacis honore.
 Afra Carthago tua promet ossa Sola in occursum numerosiores
 Ore facundo Cypriane doctor Martyrum turbas domino parasti,
 Corduba Aciscum dabit, & zoëllū, Sola prædiues pietate multa
 Tresq; coronas, Luce fruëris.
 Tu tribus gemmis diadema pulchrum Vix parens orbis populosa Poëni,
 Offeres Christo genitrix piorum Ipsa uix Romæ in solio locata,
 Tarraco, intexit cui fructuosus Te decus nostrum superare in isto
 Sutile uinclum. Munere digna est.
 Nomen hoc gēme strophio illigatū est, Omnibus portis sacer immolatus
 Emicant iuxta lapides gemelli, Sanguis exclusit genus inuidorum
 Ardet & splendor parilis duorum Dæmonū, & nigras pepuli tenebras
 Igne corusco. Vrbe piata.
 Parua Felicis decus exhibebit Nullus umbrarum latet intus horror,
 Artubus sanctis locuples Gerunda, Pulsa nam pestis populum refugit,
 Nostra præstabit Calagurris ambos Christus in totis habitat plateis
 Quos ueneramur. Christus ubiq; est.
 Barchinon claro Cucufate freta Martyrum credas patriam coronis
 Surget, & Paulo speciosa Narbo Debitam sacris chorus unde surgens
 Tecq; præpollens Arelas habebit Tendit in cælum niueus togatæ
 Sancte Genesi. Nobilitatis.
 Lusitanorum caput oppidorum Inde Vincenti tua palma nata est,
 Vrbs, adoratæ cineres puellæ Clerus hinc tantū peperit triumphū,
 Obuiam Christo rapiens, ad aram Hinc sacerdotum domus infulata
 Porriget ipsam. Valeriorum.

Sæuus

Sæuus antiquis quoties procellis
 Turbo, uexatum tremefecit orbem,
 Tristior templum rabies in istud
 Intulit iras.
 Nec furor quisquam sine laude nostrum
 Cessit, aut elari uacuis cruoris,
 Martyrū semper numerus sub omni
 Grandine creuit.
 Nonne Vincenti peregre necandus
 Martyr, his terris tenui notasti
 Sanguinis rore speciem futuri
 Morte propinqua?
 Hoc colunt ciues, uelut ipsa membra
 Cespes includat suus, & paterno
 Seruet amplexens tumulo beati
 Martyris ossa.
 Noster est, quamuis procul hinc in urbe
 Passus ignota, dederit sepulchro
 Gloriam uictor, prope littus altæ
 Forte Sagunti.
 Noster & nostra puer in palæstra
 Arte uirtutis, fideiꝫ oliuo
 Vinctus, horrendum didicit domare
 Viribus hostem.
 Nouerat templo celebres in isto
 Octies partas, deciesꝫ palmas
 Laureis doctus patriꝫ, eadem
 Laude cucurrit.
 Hic & Encrati recubant tuarum
 Ossa uirtutum, quibus efferati
 Spiritum mundi uiolenta uirgo
 Dedecorasti.
 Martyrum nulli remanente uita
 Contigit terris habitare nostris,
 Sola tu morti propriæ superstes
 Viuis in orbe.
 Viuis, ac poenæ seriem retexis,
 Carnis & cefæ spoliū retentans,
 Tetra quam sulcos habeant amarus
 Vulnere narras.
 Barbarus tortor latus omne carpsit,
 Sanguis impensus, lacerata membra,
 Pectus abscissa patuit papilla
 Corde sub ipso.
 Iam minus mortis pretium peractæ est,
 Quæ uenenatos abolens dolores,
 Concitam membrīs tribuit quietem
 Fine supremo.
 Cruda te longum tenuit cicatrix,
 Et diu uenis dolor hæsit ardens,
 Dum putrescentes tenuat medullas
 Tabidus humor.
 Inuidus quamuis obitum supremum
 Persecutoris gladius negarit,
 Plena te martyr tamen ut peremptam
 Poena coronat.
 Vidimus partem iecoris reuulsam,
 Ungulis longe iacuisse pressis
 Mors habet pellens aliquid tuorum
 Te quoꝫ uiua.
 Hunc nouum nostræ titulum fruendum
 Cæsaraugustæ dedit ipse Christus,
 Iuge uiuentis domus ut dicata
 Martyris esset.
 Ergo ter senis sacra candidatis
 Diues optato simul & Luperco
 Perge conscriptum tibi met senatum
 Pangere psalmis.
 Ede Successum, cane Martialem,
 Mors & Urbani tibi concinatur,
 Iuliam cantus resonet, simulꝫ
 Quintilianum.
 Publium pandat chorus, et reuoluat
 Quale Frontonis fuerit trophæum,
 Quid bonus Felix tulerit, quid acer
 Cæcilianus.
 Quantus Euenti tua bella sanguis
 Tinxerit, quantus tua Primitiæ,
 Quum tuos uiuax recolat triumphos
 Laus Apodemī.
 Quatuor posthinc superest uirorum
 Nomen extolli, renuente metro,
 Quos Saturninos memorat uocatos
 Prisca uetustas.

DE S A N C T I S

<p>Carminis leges amor aureorum Nominum paruifacit, & loquendi Cura de sanctis ociosa non est Nec rudis unquam. Plenus est artis modus, annotatas Nominum formas recitare Christo, Quas tenet coeli liber, explicandus Tempore iusto. Octo tunc sanctos recolet decemq; Angelus, coram patre, filioq; Urbis unius regimen tenentes Iure sepulchri. Quin ad antiquum numerum trahentur Viua post poenę specimen puella, Morsq; Vincēti, cui sanguis hinc est Fons & honoris. Additis Gaio, nec enim silendi; Teq; Crementi, quibus incruentum</p>	<p>Ferre prouenit decus, ex secundo Laudis agone. Ambo confessi dominum, steterunt Acriter contra fremitum latronum, Ambo gustarunt leniter saporem Martyriorum. Hęc sub altari sita sempiterno, Lapsibus nostris ueniam precatur Turba, quam seruat procerū creatrix Purpureorum. Nos pio fletu, date, perluamus Marmorum sulcos, quibus est opera Spes, ut absolua retinaculorum Vincla meorum. Sterne te totam generosa sanctis Ciuitas mecum tumulis, deinde Mox resurgentes animas, & artus Tota sequeris.</p>
---	--

S. LVCAS EVANGELISTA.

DE S. Luca hęc fermē nobis reliquit Eusebiana historia. Ipse autem Lucas, genere quidem Antiochenus, arte medicus, comes uero Pauli, & cæterorum Apostolorum socius & necessarius fuit. Is ergo secundum hanc medicinam, quam ex Apostolorum uel societate uel traditione susceperat, duos nobis Medicinales libros, quibus non corpora, sed animæ curentur, explicuit: Euangelium scilicet, in quo etiam sic præfatur: Sicut tradiderunt nobis, inquit, hi qui ab initio ipsi uiderunt, & ministri fuerunt uerbi Dei, quoq; & ab initio secutus sum: Et Actus Apostolorum, quos non iam auditu perceperat, sed oculis inspexerat. Tradunt aut quod Euangelium suum ex Pauli ore descripserit, & ipsum sit quod Apostolus suum Euangelium soleat nominare, cum dicit: Secundum Euangelium meum: Sicut & Marcus, quæ ex ore fuerant prædicata, conscripsit. Lib. iij. cap. iij. Idem de eodem lib. iij. Cap. xxiiij. Lucas autem in initio Euangelij sui causam cur scriberet, indicauit: uidelicet, quoniam multi alij temere præsumpserant enarrare, quæ sibi magis erant ad liquidum comperta. Volens ergo abstrahere nos à cæterorum narrationibus, fidem facit per se conscriptę ueritati, certus quod eam uel Paulo exponente, uel alijs Apostolis, qui ab initio ipsi uiderant, ac sibi tradiderant, consecutus sit. Et hanc nobis per proprium Euangelium tradat. Hęc à nobis etiam de Luca breuiter dicta sint.

Prosa

ECCLESIAE DEL
PROSA RYTHMICA DE QVA
tuor Euangelistis.

CCXVIII

IVCundare plebs fidelis,
Cuius pater est in coelis:
Recolens Ezechielis
Prophetæ præconia.
Est Ioannes testis ipsi,
Dicens in Apocalypsi:
Vere uidi, uere scripsi
Vera testimonia.

Circa thronum maiestatis
Cum spiritibus beatis,
Quatuor diuersitatis
Astant animalia.

Formam primum aquilinam,
Et secundum leoninam,
Sed humanam & bouinam
Duo gerunt alia.

Formæ formant figurarum
Formas Euangelistarum,
Quorum imber doctrinarum
Stillat in ecclesia.

Hi sunt Marcus & Matthæus,
Lucas, & quem Zebedæus
Pater tibi misit Deus,
Dum laxaret retia.

Formam uiri dant Matthæo,
Quia scripsit sic de Deo,
Sicut descendit ab eo,
Quem plasmavit, homine.

Lucas bos est in figura,
Vt præmonstrat in scriptura.
Hostiarum tangens iura
Legis sub uelamine.

Marcus leo per desertum
Clamans, rugit in apertum:
Iter fiat Deo certum,
Mundum cor à crimine.

Sed Ioannes ala bina
Charitatis, aquilina
Forma, fertur in diuina
Puriori lumine.

Ecce forma bestialis,
Quam scriptura prophetalis
Notat: sed materialis
Hæc est impositio.

Currunt rotis, uolant alis,
Visus, sensus spiritalis.
Rota gressus est æqualis,
Ala, contemplatio.

Quatuor describunt isti
Quadriformes actus Christi,
Et figurant ut audisti,
Quisq; sua formula.

Natus homo declaratur:
Vitulus sacrificatur:
Leo mortem deprædatur:
Sed ascendit aquila.

Paradisus his rigatur,
Viret, floret, foecundatur:
His abundat, his lætatur
Quatuor fluminibus.

Fons est Christus: hi sunt riui.
Fons est altus: hi procliui.
Vt saporem fontis uiui
Ministrent fidelibus.

Quorum trahat nos doctrina
Vitiorum à sentina,
Ne sic morte repentina
Damnemur cum impijs.

Horum fonte delibatis
Sitis crescat charitatis,
Vt supernæ claritatis
Perfruamur gaudijs. Amen.

li ij S. Vrsula

Adam de S.
Viktore.

S. VRSVLA VIRGO.



Isna puella ex Vandalia cum militari agmine aderat magnæ illi expeditioni, cum Haraldus Daniæ rex, uiribus undiquaque collectis duceret in Ringonem Suetiæ regem, magnis illis apparatusibus per septennium plenū ante factis. Non degenerabat Wisna, consimili penè ætate, à uirtute Bohemicarū suæ nationis ac linguæ puellarum, militaribus rebus excita, cum ualida suarum manu Danici regis agmina exornauit: nec sola sui sexus, in latissimis agminibus dux præerat. Nam erant & e Dania & Norwegia similis animi et uirtutis puellæ suorum agminum duces. In acierum autem ordine tantum foemineo robori rex dederat, ut Aquiliferam faceret Wisnam, quæ præcipuam in eius uirtute fiduciam ponere uideretur, &c. Hæc eo consilio libens retuli, ut nemo miretur, eodem penè sæculo, aut non multum distante, Christianam puellam diuam Vrsulam uirgineum agmē, Christo sponso militaturum contrahere, cumque eo mare transire sit ausa ex Britannia per Rhenum descendere, & ex Basilea pedestri itinere Romam petere. Cumque inde remearet, per Rhenum in patriam reditura, in ipso descensu ad moenia Agrippinæ Coloniae obsidentes Hunnos reperit. A quibus tantum agmen Christianarum uirginum, in Christi contumeliam trucidatum est, prouidente castitatis amatore, uirginum sponso Christo domino, ut mallet impius hostis mactare, quam contaminare tantum agmen sacratarum uirginum. Quanquam uirorum agmen, quod illi non defuisse putandum est, uim illam prohibuisset, sed decretum erat omnibus, idque a Christo approbatum, ut in gloriam eius sanguinem profundentes, stolas suas primum rubrifacerent in suo, deinde albarēt in agni crucore, &c. Hæc ille.

EX PETRO CHALYBE.

Martyris uitā canimus beatā
Vrsulæ uersu tenui, supernū
Da deus numen famulo canenti,

Subsidiumque.

Illā regali ueniens ab ortu
Scoticæ gentis, patriam relinquit,
Et sui sponsi thalamos superbos

Vrsula spernit.

Colligit multas, quibus unus ardor,
Virgines, Christū meditare sanctū
Corpore & casto sociam uolentes

Ducere uitam.

Extruunt naues famuli capaces

Vndecim, trāstris onerātque passim
Vt locus turbam capiat reflexus
Illic tantam.

Surgit in paucis igitur diebus
Tantū opus, certè domino uolente
Colligunt escas, fluitant carinæ
Gurgite Rheni.

Dumque sic uastū pelagus perrant
Virgines sanctę, reuoluta Phoebe
Sparserat nodū radios per annos
Splendida binos.

Interim crescit numerus piorum,
Vrsulæ uirtus quoniam beatæ

Exteros

Exteros tangens docuit sub uno
Viuerē Christo.

Vrsula et tandē ueniens ad urbem
Quæ caput mūdi uocitata, surgit,
Moenibus cellis, reuerenter intrat
Præfulis ædes.

Excipit uultu Ciriacus omnes
Splendido, norat quoniā puellas
Cœlitus missas, remouet sacratam
Vertice mītram.

Ecce per uastas iterum procellas
Æquoris nantes, Vbiorū ad urbē
Nauibus pergūt, modicūq; cessant
Poscere uentos.

Iulius tandem malesanus, excors,
Nō potis sanctā bene ferre turbā,
Irruit, ductus precibus tyranni
Maximiani.

Non secus fracto lupus ut ouis
Turpiter mactat teneras bidētes,
Dū fames urget malesuada forsan
Vel furor ingens.

Viribus quisquis proprijs satelles
Imperat curuā rapiens macheram,
Vel leues neruis stridulis sagittas
Eiaculando.

At deus celsō ueniens Olympo,

Qui suos nūquam famulos reliqt,
Astitit tandē precibus precantium
Numine dextro.

Sicq; per latum iacuerē campum
Virgines celsę, cruor atq; terram
Sparsērat sanctus, gladijs sed oēs
Fortius instant.

Vrsulæ tandē penetrans arundo
Aperit pectus: cadit & repente
Cæteris maior Cyriacus, omnes
Æthera scandunt.

Vna sed uirgo nimium timescens,
Dū furit tantus populus per aruā
Abditas quærit latebras carinæ
Cordula tectæ.

Surgit, & tandē gladios peroptat
Cordula sæuos, quoniam sodales
Quas prius liqt, latitans in umbra
Visere tentat.

Vt furor cessit modicū, benignus
Exiens artus laceros in unum
colligit passim, populusq; ad urbē
Illic portat.

Ergo mortales animis fauete,
Qui bono sacram colitis puellam
Pectore, ut uitam tueatur omni
Tempore uestram.

S. HILARION.

Hilarion abbas in uico Tabatha prope Gazam Palestinæ ur-
bem ortus ex parentibus gentilibus Christianus ipse, ut rosa
de spinis effloruit. Qui Alexandriam missus, atq; breui gram-
maticam edoctus, & Christianus effectus, ecclesiam assidue frequenta-
bat, quo tempore cum Antonij nomen esset per totam Ægyptum cele-
berrimum, uidendi eum studio incensus, ad heremum cōtendit. Et cum
illo duobus mensibus uersatus, ipsius uitę rationem, ac morum grauitas-
tem diligenter considerauit. Reuersusq; ad patriam, totum patrimoniu
sibi a defunctis parentibus relictum, pauperibus largitus est. Et adhuc
adolescens quindecim annorum ad heremū reuertitur. Vbi cellula strus-
ta paulo ampliore, q̃ ut caperet eius corpusculū, sacco indutus, ad xxj.
ætatis suæ annū, teste Hieronymo, qui uitam eius literis mandauit, tanta

li iij abstinen

Ex Romano
breviario.

abſtinentia corpus afflixit, ut quindenis moncaricis uno quoq; die poſt ſolis occaſum uelceretur, & ſuper humum iuncis dūtaxat ſtratam, ad ultimum uitæ diem ſomno reficeretur. Hic demū orationi & Pſalmodiæ ſemper intentus, poſt incredibilem carnis macerationem, & continua ieiunia, lxxx. natus annū, ſanctitate & miraculis clarus, migravit ad dominum, xij. Calend. Nouemb.

SIXTVS III. EPISCOP. ROM.

Ex Platina.



Ixtus tertius, natione Romanus, patre Sixto, Valentiani temporā attigit, qui occidentalis imperij gubernator pacem cum Genſerico Vuandalorū rege iniit, ac certis finibus Africam ſibi ac Genſerico diuiſam, Vuandalis incolēdam dedit. Subornatus deinde Genſericus ab Arrianis, eorum impietatem extollens, uarijs terroribus episcopos noſtros perſequitur. Interim uerō dum Valentinianus Conſtantinopolim proficiſcitur, & Theodoſij filiam in uxorem ducit, Vuandali Genſerico duce Carthaginem iterum capiunt, ac diripiunt, anno quingenteſimo & LXXXIII. poſteaꝗ Romanorum eſſe coeperat. Dum hæc autē in Aphrica gererentur, Attila cum Belda fratre Hunnorū reges non contenti occupaffe Pannonias, Macedoniā, Myſiam, Achaia, & utraſq; Thracias ferro ac flāma deuasta, Beldamꝗ fratrem obtruncat, quo ſolus regno potiretur. Inde uerō animos ſumens ad occupandum occidentale imperium, copias undiq; celeriter colligit, atque iter ſtatim carpit. Quod ubi Aëtius intellexiſſet, legatos de pace ſtatim Tholaſſam ad Theodoricum regem mittit, cum quo foedera ita ſunt inita, ut communi impenſa, & paribus copijs bellum contra Attilam gereretur, Romanorum ac Theodorici auxiliares copię fuere, Alani, Burgundiones, Franci, Saxones, atq; omnes ferē occidentales populi. Tandem uerō ſuperueniente Attila in campis Catelaunicis, magno ardore animorum prælium utrinq; cōmittitur. Pugnatum erat aliquandiu, atq; acriter, cum uox ſuperueniens incerto autore certamini finem impoſuit. Ad centum & octoginta milia hominum in eo prælio utrinq; cecidiſſe conſtat, neutro inclinante acie, aut cedente. Ferunt tamē Theodoricum Thurifmundi regis patrem eo prælio cecidiſſe. At Sixtus Pontificatum iniens, a Baſſo quodam reus in iudicium accerſitur. Hic autē congregata ſeptem & quinquaginta episcoporum ſynodo, ita cauſam dixit, ut ab omnibus uno conſenſu abſolueretur. Damnatur Baſſus calunniator iniquus, annuente Valentiniano, & Placidia eius matre: in exiliumꝗ mittitur, ita tamen, ut ultimo die uiaticum ei ob pietatem eccleſiæ non negaretur. Eius autē prædia non fiſco, ſed eccleſiæ aſcribuntur. Aiunt Baſſum poſt exilium nō multum uixiſſe: tertio enim menſe diem extremū obiit: cuius corpus Sixtus episcopus lintheaminibus inuolutū, & aromatibus conſperſum, proprijs manibus ad ſanctum Petrum ſepeliuit in loculis parentis

parentum. **Æ**dificauit autē **Sixtus** basilicam beatæ **Mariæ** uirginis, quæ ab antiquis **Liberij** cognominabatur, iuxta macellum **Libiæ**. Accepit deinde nomen ad **Prælepe**: postremo uero sancta **Maria** maior uocata est. **Sixtum** aut huius templi autorem fuisse, titulus ipse in frontispicio primi fornicis declarat his uerbis: **Xyxtus** episcopus plebi **Dei**. Per **x** enim in principio & **y** scribitur **Græca** orthographia: licet nostra ætas consuetudini seruiens, **Sixtum** scribat per **s** & **iota**. Huic quoque templo idem pontifex hæc dona obtulit, altare argenteum purissimum, **CCC. librarum**, patenas argenteas tres, **C. & XX. librarū**, scyphos argenteos quinque, calices decem, coronas argenteas octo & uiginti, candelabra argentea tria, thymiamatarium librarum quindecim, fundum **Scauri** in agro **Caietano**, fundum **sceleris**, ceruum argenteum fundentem aquam in fontem **Baptisterij**. Ornauit & ambonem **Ecclesiæ** porphyreticis lapidibus, quem nos suggestum appellamus, ubi **Euangelium** & **Epistola** canitur. Præterea uero rogatu **Sixti** **Valentinianus** templa quædam **Sanctorum** mirifice excoluit. Nam & supra confessionem beati **Petri** auream saluatoris imaginem gemmis aureis distinctam collocauit, & fastigium argenteum basilicæ **Constantinianæ** a barbaris sublatum restituit. Ornauit & confessionem beati **Petri** ex argento. Aiunt præterea huius temporibus **Petrum** episcopum natione **Illyricum** ædificasse templum diuæ **Sabinæ** in monte **Auentino**, non longe a monasterio sancti **Bonifacij**, in quo diuus **Alexius** iacet. Quod ego factum **Cælestini** primi tempore crediderim, ut etiam carmina heroica indicant, quæ adhuc leguntur his ferè uerbis:

Culmen Apostolicum cum **Cælestinus** haberet,
Primus & in toto fulgeret episcopus orbe,
Hæc, quæ miraris, fundauit presbyter urbis,
Illyrica de gente **Petrus**, uir nomine tanto
Dignus, ab exortu **Christi** nutritus in aula.
Pauperibus locuples, sibi pauper, qui bona uitæ
Præsentis fugiens, meruit sperare futura.

Sunt etiam, qui scribant, huius temporibus fuisse **Eusebium** **Cremensem**, & **Philippum** **Hieronimi** discipulos, qui pleraque eleganti oratione scripsere. Laudatur & **Eucherius** **Lugdunensis** episcopus doctrina & dicendi copia. Non improbatur postremo **Hilarius** **Arelatensis** episcopus, uir sanctitate & doctrina ea tempestate insignis. **Sixtus** autem cum omnia quæ habuerat, aut in ædificijs & ornamentis **Ecclesiarum**, aut pauperibus erogasset, creatis presbyteris octo & uiginti, diaconis duodecim, episcopis duobus & quinquaginta: moritur, ac sepelitur in crypta uia **Tiburtinæ** apud corpus beati **Laurentij**. Sedit autem annis octo, diebus **XIX.**

Simon

DE SANCTIS
SIMON ET IVDAS APOSTOLI.

Ex Romano
breviario.



Simon qui & Simeon Zelotes, zelo Domini feruens, accepit Ægypti principatum, et post Iacobum Iustum cathedram tenuit Hierosolymorū: cui ecclesię cum multis annis pręfuisset, Atticus cōsularis Traiani tempore, cognito quod esset generis David, & Christianus, multis eum supplicijs afficit. Quibus mira patientia toleratis ad crucem damnatur: iussus ut quem uita coleret, eius exitum morte quoq; imitaretur. Itaq; cruci affixus est, cum cxx. annos natus esset, cunctis admirantibus, in corpore tam senili, tam robustum animum ad ferenda supplicia perstitisse.

Iudas Iacobi frater in Mesopotamia, ac interioribus Ponti euangelizans, feras & indomitas gentes, sancto dogmate mitigauit, & fidei diuinitate subiugauit. Cuius extat parua una Epistola, quę inter catholicas nominatur.

De Simeone Cleophę filio, qui secundus Episcopus Hierosolymis fuit, & per martyrium carnis uinculis resolutus: hæc tradit historia Eccl. lib. iij. cap. xxxij. Ex his igitur ipsis accusarunt quidam Simeonem Cleophę filium, tanq; qui esset ex genere David, & Christianus. Et ita Martyr effectus est, cū esset annorū cxx. sub Traiano Cęsare apud Atticum consularē. Addidit etiam hoc, q; accusatores eius, cum in illis temporibus perquireret, si qui ex genere David & ex regia tribu descenderet, comprehensi sint inter ipsos. Quod aut Simeon unus fuerit ex ipsis auditoribus Domini, uel longęuitas eius indicio est, uel Euangeliorū fides, ubi etiam mater eius Maria, Cleophę uxor refertur. Sed & alios quosdam idem scriptor refert, pręter eos de quibus supra diximus, nepotes Iudę unius ex fratribus Domini, per idem tempus superstites inuentos, & Domitiani temporibus martyres factos, hoc modo scribens: Veniunt igitur hi, & pręsunt omni ecclesię, tanq; martyres & propinqui Domini, & reddita pace ecclesię, permanserunt usque ad tempora Traiani Cęsaris, usquequo consobrinus Domini Simeon, de quo supra diximus, filius Cleophę, calumniā pateretur ab hæreticis, Christianus Consulari delatus. Cumq; multo tēpore supplicijs fuisset affectus, martyrio consummatus est, omnibus qui aderant, & ipso iudice mirantibus, ut centum uiginti annorum senex crucis supplicium pertulisset. Post hæc idem scriptor addidit etiam hoc: quod usq; ad illa tempora uirgo munda & immaculata permansit ecclesia, corruptoribus ueritatis & diuini uerbi temeratoribus, aut nuscq; omnino extantibus, aut etiam si qui forte fuerant, in occultis & abditis hiatibus terrę delitescantibus. Ut uero & Apostolorum chorus, & omnis illa ætas, quę à Domino susceperat uiuę uocis auditum, de hac luce discessit, tum uelut in uacuum domum, falsę doctrinę impius se error immergit, & tanquā ubi nullus iam diuini

iam diuini census defensor existeret, nudato (ut aiunt) capite corripien-
tes arma mendacij, oppugnare Apostolicam ueritatem nituntur. Sed
istud bellum intrinsecus gerebatur. Persecutionū uero extrinsecus pon-
dus urgebat ecclesiam, & tam immensæ cateruæ martyrum quotidie iu-
gulabantur, ut Plinius Secundus, qui tunc prouinciam administrabat,
multitudine interemptorum permotus referret ad imperatorem, quod
innumera hominum millia quotidie obtruncarentur, in quibus nihil
omnino sceleris deprehenderetur admissum, aut aliquid contrarium
Romanis legibus gestum, nisi hoc solum, quod ante lucanos hymnos Chri-
sto cuidam canerent Deo. Adulteria uero, uel cætera huiusmodi crimi-
na apud eos & illicita haberi, & penitus arceri: cætera uero secundum
leges eos agere communes.

De S. Iuda sic Eusebius lib. iij. cap. xx. Adhuc autem uiuebant qui-
dam de carnali genere Domini nostri, nepotes Iudæ, eius qui secundum
carnem frater Domini dicebatur, quos quidam detulerunt, tanquam ex
Dauid stirpe uenientes. Hos reuocatus quidam nomine, qui in hoc mis-
sus fuerat, perducit ad Domitianum Cæsarem, & ipse enim formidabat
de aduentu Christi, sicut & initio Herodes. Interrogati ergo à Domitia-
no, si essent ex familia Dauid, confessi sunt. Tunc quæsiuit ab eis, quan-
tis possessionibus, uel quantis essent facultatibus præditi. At illi respon-
derunt, quod utriusque non amplius esset in bonis nouem milibus denarijs,
ex quibus singulis pars media pro portione deberetur. Nec hæc sibi in
pecunia subsistere, sed in æstimatione terræ, quæ eis esset in quadraginta
minus uno iugeribus constituta, quam suis manibus excolentes, uel ipsi
alerent, uel tributa dependerent. Simul & testes ruralis et diurni operis,
manus labore rigidas & callis obduratas præferebant. Interrogati uero
de Christo, quale sit regnum eius, uel quis ipse, aut unde, aut quando
uenturus. Responderunt quod non huius mundi regnum, neque huius
terræ ei designetur imperium: sed quia cœleste ei regnū per angelorum
ministeria in consummatione sæculi præparetur: quando scilicet aduen-
tans in gloria, de uiuis & mortuis iudicabit, & restituet unicuique pro fa-
ctis ac meritis suis. Ad hæc Domitianus, cum neque in eis quicquam criminis
inueniret, & utilitatem eorum quæ maxime contemneret, abire eos libere
iubet. Sed & persecutionem, quam aduersum ecclesias agitari iusserat,
datis rursus compescit edictis. Illi uero dimissi ab eo, uel martyrij meri-
to, uel propinquitatis prærogatiua pacis, iam tempore duces ecclesiæ
effecti, usque ad Traiani tempora permanserunt.

NEMESIUS ET LVCILLA.



Aleriano & Galliено imperatoribus, Nemeseus tribunus mi-
litum, & Lucilla eius filia Romæ à sancto Stephano papa ad
fidem Christi conuersi, & baptizati sunt. Nemeseus uero pau-
lo post ab eodem diaconus ordinatus, mira pietate Christum eiusque fi-
dem

Ex Romano
breviario.

Kk dem

dem colebat. Is cum aliquando Maximus & Valerianus consules uia Appia, qua ipse transibat, in templo Martis sacrificarent sacrificiū abominatus, deum orare coepit, ut uanitatem superstitionis illorum aliquo signo declararet: statimq; Maximus à dæmonio correptus, exclamare coepit, se uehementer à Nemefio torqueri. Egressi uero ministri, cum eū orantem offendissent, uarijs contumelijs affectum in templum pertraxere, ad cuius præsentiam statim Maximus expirauit. Tunc Valerianus qui rem magicis artibus paratam putabat, ira percitus, Nemesium innumeris supplicijs tortum, cum Lucilla filia in carcerem trudit. Post tertium uero diem educti, Lucilla primum uia Appia, ante templum Martis, ubi Maximus interierat, spectante patre decollatur. Deinde Nemefius inter uiam Appiam & Latinam itidem capite plexus, martyrio coronatur, viij. Calend. August. Quorum corpora idem sanctus Stephanus papa uia Latina non longe ab urbe sepeliuit.

OMNIVM SANCTORVM

memoria.

E T uidi alterum angelum ascendentem ab ortu solis, habentem signum dei uiui, & clamauit uoce magna quatuor angelis, quibus datū est nocere terræ & mari, dicens: Nolite nocere terræ & mari, neq; arboribus, quoadusq; signemus seruos dei nostri in frontibus suis. Et audiui numerū signatorū centum quadraginta quatuor milia signati, ex omni tribu filiorū Israël. Ex tribu Iuda, duodecim milia signati: Ex tribu Rubē, duodecim milia signati: Ex tribu Gad duodecim milia signati: Ex tribu Aser duodecim milia signati. Ex tribu Nephtalim, duodecim milia signati: Ex tribu Manasse, duodecim milia signati: Ex tribu Simeon, duodecim milia signati: Ex tribu Leui, duodecim milia signati: Ex tribu Isachar, duodecim milia signati: Ex tribu Zabulon, duodecim milia signati: Ex tribu Ioseph, duodecim milia signati: Ex tribu Benjamin duodecim milia signati. Post hæc uidi turbam magnam, quam dinumerare nemo poterat, ex omnibus gentibus, & tribubus, & linguis, & populis, stantes ante thronū, & in conspectu agni, amicti stolis albis, & palmæ in manibus eorum, & clamabant uoce magna, dicentes: Salus Deo nostro, qui sedet super thronum, & agno. Et omnes angeli stabant in circuitu throni & seniorum, & quatuor animalium, & ceciderunt in conspectu throni in facies suas, & adoreuerunt Deum, dicentes: Amen, Benedictio & claritas, & sapientia, & gratiarū actio, honor, & uirtus, & fortitudo deo nostro in sæcula sæculorū, Amē. Et respondit unus de senioribus, & dixit mihi: Hi qui amicti sunt stolis albis, qui sunt? & unde uenerunt? Et dixi illi: Domine mi, tu scis. Et dixit mihi: Hi sunt, qui uenerunt de tribulatione magna, & lauerunt stolas suas, & dealbauerunt eas in sanguine agni: ideo sunt ante thronum dei.

dei, & seruiunt ei die ac nocte in templo eius: & qui sedet in throno, habitabit super illos: non esurient, neque sitient amplius, nec cadet super illos sol, neque ullus aestus: quoniam agnus qui in medio throni est, reget illos, & deducet eos ad uitę fontes aquarum, & absterget deus omnem lachrymam ab oculis eorum.

SERMO S. AVREL. AVGVSTINI,

de omnibus sanctis dei.



Odie, dilectissimi, omnium Sanctorum sub una solennitatis lætitia celebramus festiuitatē: quorū societate cœlum exultat: quorum patrocinijs terra lætatur: quorum triumphis ecclesia sancta coronatur: quorum confessio quanto in passione fortior, tanto est clarior in honore: quia dum creuit pugna, creuit & pugnantium gloria, & martyrij triumphus multiplici passionum genere adornatur, per quę grauiora tormenta gratiora fuere & præmia. Dumque Catholica mater Ecclesia per totum orbē longe lateque diffusa, in ipso capite suo Christo Iesu edocta contumelias crucis & mortem didicit non temere, magis magisque roborata est, non resistendo, sed perferendo. Vniuersos autem, quos agmine inclyto carcer poenalis inclusit, pari & simili calore uirtutis ad gerendū certamen gloria triumphalis inspirauit. O uere mater Ecclesia, quam sic honor diuinę dignationis illuminat: quam uincetium gloriosus. martyrum sanguis exornat: quam inuiolatę confessionis candida induit uirginitas: floribus eius nec rosę, nec lilia desunt. Certent nūc charissimi singuli ad utrosque honores amplissimas accipere dignitatū coronas, uel de uirginitate candidas, uel de passione purpureas: in cœlestibus castris pax & acies habent flores suos, quibus milites Christi coronantur. Dei enim ineffabilis & immensa bonitas etiam hoc prouidit, ut laborum quidem tempus & agonis non extenderet, nec longū faceret, aut æternum, sed breue, & ut ita dicam, momentaneū, ut in hac breui & exigua uita agones essent & labores: in illa uero, quę æterna est corona, & præmia meritorum, ut labores quidē cito finirentur, meritorum uero præmia sine fine durarent, ut post huius mundi tenebras uisuri, essent candidissimam lucem, & accepturi maiorem passionū cunctarum beatitudinem, testante hoc Apostolo, ubi ait: Non sunt condignę passionēs huius temporis ad superuenturam gloriam, quę reuelabitur in nobis. Quam læto sinu de prælio reuertentes ciuitas cœlestis excipit, de hoste prostrato thophaza ferentibus occurrit: cū triumphantibus uiris & foeminę ueniunt, quę cum sæculo sexum quoque uicerunt: & geminata gloria militiæ uirgines cū pueris teneros annos uirtutibus transeuntes, sed & cætera fidelium turba aulę perpetuę regiam intrabit, qui sinceritatē fidei inconcussis præceptorum cœlestium disciplinis unita pace obseruauerunt. Ergo agite nunc fratres, aggrediamur iter uitę, reuertamur ad ciuitatem cœlestem, in qua scripti sumus, & ciues

Kk ij

decreti

decreti. Non sumus hospites, sed ciues sanctorum, & domestici dei: et illius heredes, coheredes autem Christi. Huius nobis urbis ianuas aperiet fortitudo, & fiducia latum prebebit ingressum. Consideremus ergo inclytam illius urbis foelicitatem, in quantum considerare possibile est. Ut enim uere est, comprehendere nullus sermo sufficiet: Dicitur de ea in quodam loco sic, quod aufugiet ibi dolor, & tristitia, & gemitus. Quid hac uita beatius, ubi non est paupertatis metus, non ægritudinis imbecillitas? Nemo læditur, irascitur nemo, nemo inuidet. Cupiditas nulla exardescit, nullum cibi desiderium, nulla honoris pulsatio, aut potestatis ambitio. Nullus ibi diaboli metus, insidiæ dæmonum nullæ, terror gehennæ procul. Mors ibi neque corporis, neque animæ erit, sed immortalitatis munere uita iucunda. Nulla erit tunc usque discordia, sed cuncta consona, cuncta conuenientia: quia omnium sanctorum una concordia, pax cuncta & lætitia continet: tranquilla sunt omnia & quietia. Iugis splendor non iste, qui nunc est, sed tanto clarior, quanto foelicior: quia ciuitas illa, ut legitur, non egebit lumine solis, sed dominus omnipotens illuminabit eam, & lucerna eius est agnus: Vbi Sancti fulgebunt ut stellæ in perpetuas æternitates: & sicut splendor firmamenti, qui ad iustitiam erudiunt multos. Quapropter nox ibi nulla, nullæ tenebræ, concursus nubium nullus, nec frigoris ardorisque asperitas ulla: sed talis erit quædam rerum temperies, quam nec oculus uidit, nec auris audiuit, nec in cor hominis ascendit: nisi illorum, qui ea perfrui digni inueniuntur: quorum nomina scripta sunt in libro uitæ: qui & lauerunt stolas suas in sanguine agni, & sunt ante thronum dei, seruiuntque ei die ac nocte. Non est senectus ibi, nec senectutis miseria: dum omnes occurrunt in uirum perfectum, in mensuram ætatis plenitudinis Christi. Verum super hæc omnia est, consociari angelorum & archangelorum coetibus, thronis etiam & dominationibus, principatibus & potestatibus, omniumque coelestium, supernarumque uirtutum contuberniis perfrui, & intueri agmina sanctorum, splendidius syderibus micantia, patriarcharum fide fulgentia, prophetarum spe lætantia, Apostolorum in duodecim tribubus Israel orbem iudicantia, martyrum purpureis uictoriæ coronis lucentia, uirginum quoque choros candentia ferta gestantes inspicere. De rege autem, qui horum medius residet, dicere nulla uox sufficit: effugit enim omnem sermonem, atque omnem sensum humanæ mentis excedit decus illud, illa pulchritudo, illa uirtus, illa gloria, illa magnificentia, illa maiestas. Ultra enim omnem sanctorum est gloriam, ipsius inestimabilem aspicere conspectum, & splendore maiestatis eius irradiari. Si enim quotidie oportet nos tormenta perferre: si ipsam gehennam paruo tempore ut Christum uidere digni possemus in gloria uenientem, & sanctorum eius numero sociari, nonne erat dignum pati omne quod triste est, ut tanti boni, tantæque gloriæ participes haberemur? Quæ erit illa, fratres charissimi, iustorum

iustorum gloria, quàm grandis sanctorum lætitia, cum unaquæq; facies fulgebit ut sol: cum ordinibus distinctis populum suum in regno patris sui coeperit recensere, & meritis atq; operibus singulorum præmia promissa restituere: Pro terrenis coelestia, pro tēporalibus sempiterna, pro modicis magna præstare: adducere sanctos in uisionem paternæ gloriæ, & facere in coelestibus confidere, ut sit deus omnia in omnibus: æternitatemq; amatoribus suis & immortalitatem largiri, atq; eos, quos sanguinis sui uiuificatione reparauit, denuo ad paradysum reducere, regna coelorum fide & ueritate suæ pollicitationis aperire. Hæc hæreant firmiter sensibus nostris: hæc intelligantur plena fide: hæc toto corde diligantur: hæc indefinentium operum magnanimitate acquirantur. Reposita est in potestate facientis, quia regnum coelorum uim patitur. Res ista, o homo, id est, regnum coeleste, aliud non querit precium, q̃ teipsum. Tantum ualeat, quantum es tu. Te da, & habebis illud. Quid turbaris de precio? Christus semetipsum tradidit, ut acquireret te in regnū deo patri: ita & tu teipsum da, ut sis regnū eius, ac non regnet peccatum in mortali tuo corpore, sed spiritus in acquisitionem uitæ. Ad hanc igitur operum salutariū, dilectissimi, palmam libenter ac p̃mpte certemus, omnes in agone iustitiæ deo & Christo spectante curramus: & qui sæculo & mundo maiores esse coepimus, a cursu nostro nulla sæculi cupiditate retardemur. Si expeditos, si celeres in hoc operis agone currentes dies ultimus inuenerit, nusquam dominus meritis nostris ad præmium deerit remunerator. Qui coronam in persecutione purpuream pro passione donauit, ipse in pace uiuentibus pro iustitiæ meritis dabit candidā. Nam nec Abraham, nec Isaac, nec Iacob occisi sunt, & tamen fidei & iustitiæ meritis honorati, inter patriarchas primi esse meruerunt. Ad quorum congregatur conuiuium, quisquis fidelis & iustus & laudabilis inuenitur. Memores esse debemus, uoluntatem non nostram, sed Dei facere debere. Quia qui fecerit eius uoluntatem, ipse manebit in æternum, quo modo & ille manebit in æternū. Quapropter charissimi, mente integra, firma fide, uirtute robusta, charitate p̃fecta parati ad omnē uolūtātē dei simus, cōseruantes fortiter dominica mandata. In simplicitate seruate innocentiam, in charitate concordiam, modestiam in humilitate, diligentiam in administratione, uigilantiam in adiuuandis laborantibus, misericordiam in fouendis pauperibus, in defessa ueritate cōstantiam, in disciplinæ s̃aueritate censuram, ne aliquid ad exemplum bonorū factorum in nobis desit. Hæc sunt uestigia, quæ nobis sancti quicq; reuertentes in patriam reliquerunt: ut illorum semitis inhærentes sequeremur ad gaudia: patriam quoq; nostram paradysum cum illis computemus. Parentes patriarchas iam habere coepimus, cur non properamus et currimus, ut patriam nostram uidere, & parētes salutare possimus? Magnus illic nos charorum numerus expectat, parentum, fratrum, filiorum frequens nos & copiosus

sa turba desiderat, iam de sua incolumitate secunda, adhuc de nostra salute sollicita. Ad eorum complexum & conspectum uenire, quanta illis & nobis in cōmune lätitia est? Qualis illic coelestium uoluptas conseruorum societatem expectantium? Quapropter summa & perpetua foelicitas? Illic Apostolorum gloriosus chorus: illic prophetarū exultantium numerus insignis: ibi martyrum populus innumerabilis ob certaminū uictoriam coronatur: illic clarissima uirginum turba lätatur. Sed & illorum remuneratio censetur, qui praecepta dominica seruantes, ad coelestes thesauros terrena patrimonia transtulerunt. Ad hos electos Dei auida cupiditate properemus, ut cum his cito esse, & cito nos ad Christum peruenire cōtingat, ad eum quem huius itineris ducem habeamus, salutis autorem, lucis principem, lätitiæ largitorem: qui uiuit & regnat cum Deo patre omnipotēte & spiritu sancto in saecula seculorū, Amen.

DE PASSIONIBVS SANCTORVM

Dei Martyrum, ex Lactantio Firmiano.

His igitur hominib. qui deorum suorum moribus congruunt, quia grauis est & acerba iustitia, eandem impietatem suam qua in ceteris rebus utuntur, aduersum iustos uiolenter exercent. Nec immerito à prophetis bestiae nominantur. Præclare itaq; M. T. Etenim si nemo est, inquit, qui mori malit, quam cōuerti in aliquam figuram bestiae, quamuis mentem hominis habiturus: quanto est miserius, in hominis figura animo esse efferato? Mihi quidē tanto uidetur, quanto est præstabiliior animus corpore? Aspernantur itaque corpora beluarum, quibus sunt ipsi sæuiores, sibiq; adeo placent, quod homines sint nati, quorum nihil nisi liniamēta & summam figuram gerunt. Nam quis Caucasus, quæ India, quæ Hyrcania tam immanes, tam sanguinarias bestias unq; aluit? Quoniam ferarū omnium rabies usq; ad uentrā satietatem furit, fameq; sedata protinus conquiescit. Illa est uera bestia, cuius una iussione funditur alter ubique cruor: crudelis ubique luctus, ubiq; pauor, & plurima mortis imago. Nemo huius tantæ beluæ immanitatem potest pro merito describere, qui uno loco recubans, tamen per totum orbem dentibus ferreis sæuit: & non tantum actus hominū dissipat, sed ossa ipsa cōminuit, & in cineres fundit, ne quis ex tet sepulchrae locus: quasi uero id affectent, qui Deum confitentur, ut ad eorum sepulchra ueniatur, ac non, ut ipsi ad Deum præueniant. Quænam illa feritas, quæ rabies, quæ insania est, lucem uitæ, terrā mortuis denegasse? Dico igitur nihil esse miserius his hominibus, quos ministros furoris alieni, quos satellites impię iussione necessitas aut inuenit, aut fecit. Non enim honor ille aut prouectio dignitatis fuit, sed hominis damnatio ad carnificinam, Dei uero ad poenam sempiternam. Quæ autem per totum orbem

orbem singuli gesserint enarrare impossibile est. Quis enim uoluminū numerus capiet tam infinita tam uaria genera crudelitatis? Accepta em̄ potestate pro suis moribus quisq; sæuit: alij præ nimia tumiditate plus ausi sunt quam iubebantur: alij suo proprio aduersum iustos odio: quidam naturali mentis feritate: nonnulli ut placerent, & hoc officio uiam sibi ad altiora munirent: alij ad occidendum præcipites extiterunt, sicut unus in Phrygia, qui uniuersum populum cum ipso pariter conuenticulo concremauit: Sed hic quanto sæuior, tanto clementior inuenitur. Illud uero pessimum genus est, cui clementiæ species falsa blanditur: ille sæuior, ille grauior est carnifex, qui neminem statuit occidere. Itaq; dici non potest, huiusmodi iudices quanta & q̄p grauiā tormentorum generā excogitauerint, ut ad effectum propositi sui peruenirent. Hæc autem non tantum ideo faciunt, ut gloriari possint, nullum se innocentium peremisse: nam & ipse audiui aliquos gloriantes, quia administratio sua in hac parte fuerit incruenta, sed et inuidiæ causa, ne aut ipsi uincantur, aut illi uirtutis suæ gloriam consequantur. Itaq; in excogitandis poenarum generibus nihil aliud quam uictoriam excogitāt. Sciunt enim certamen illud esse & pugnam. Vidi ego in Bithynia præsidem gaudio mirabiliter elatum tanq̄ barbarorū gentem aliquam subegisset, q̄ unus qui per biennium magna uirtute restiterat, postremo cedere uisus est. Contenti igitur ut uincant, & exquisitos dolores corporibus immittunt, & nihil aliud euitant q̄ ut ne toti moriantur: Quasi uero mors tantum nos beatos faciat, ac etiam non tormenta quanto fuerint grauiora, tanto maiorem uirtutis gloriam pariant. Illi autem pertinaci stultitia iubent curam tortis diligenter adhiberi, ut ad alios cruciatus membra renouentur, & paretur nouus sanguis ad poenam. Quid tam pium tam beneficum tam humanum fieri potest? non curassent tam sollicitè quos amarent. Hæc est eorum disciplina, ad hæc opera cultores suos erudiunt, hæc sacra desiderant. Quinetiam sceleratissimi homicidæ contra pios impia iura condiderunt: nam & constitutiones sacrilegæ, & disputationes iuris peritorum leguntur iniustæ. Domitius de officio proconsulis libro septimo rescripta principum nefaria collegit, ut doceret quibus poenis affici oporteret eos qui se cultores Dei confiterentur. Quid his facias, qui ius uocant carnificinas ueterum tyrannorum aduersus innocentes tabide sciencium? Et cum sint iniustitiæ crudelitatisq; doctores, iustos esse se tamen ac prudentes uideri uolunt, cæci, & hebetes, ac rerum & ueritatis ignari. Adeo'ne uobis o perditæ mentes inuisa iustitia est, ut eam summis sceleribus adæquatis? Adeo'ne apud uos perit innocentia, ut ne morte quidem simplici dignam iudicetis, sed supra omnia facinora habeatur, nullum facinus admittere, pectusq; purum ab omni sceleris contagione præstare? Et quoniam cōmuniter cum deorum cultoribus loquimur, liceat per hos benefacere uobiscum. Hæc est enim lex nostra,
hoc opus

hoc opus, hæc religio : Si uobis sapientes uidemur, imitamini : si stulti, contemnite, aut etiam ridete si libet: nobis enim stultitia nostra prodest. Quid latratis? quid affligitis? non inuidemus sapientiæ uestræ. Hanc stultitiam maluimus, hanc complectimur. Hoc nobis credimus expedire, ut uos diligamus, & in uos ipsos qui odistis, omnia conferamus.

EX APOLOGETICO SEP. TERTVLLIANI.

DE nobis nihil tale, cum eque extorquere oporteret, cum falso iactetur, quot quisque iam infanticidia degustasset, quot incesta conceles brasset, quid coci, qui canes affuissent? O quanta illius præsidis gloria, si eruiisset aliquem, qui centum iam infantes comedisset. Atqui inuenimus inquisitionem quoque in nos prohibitam. Plinius enim Secundus, cum prouinciam regeret, damnatis quibusdam Christianis, quibusdam gradu pulsus, ipsa tamen multitudine perturbatus, quid de cætero ageret, consulit tunc Traianum imperatorem, allegans præter obstinationem non sacrificandi, nihil aliud se de sacris eorum comperisse, quam coetus antelucanus ad canendum Christo & Deo, & ad confœderandam disciplinam, homicidium, adulterium, fraudem, perfidiam, & cætera scelera prohibentes. Tunc Traianus rescripsit, hoc genus inquirendos quidem non esse, oblatos uero puniri oportere. O sententiâ necessitate confusam: Negat inquirendos ut innocentes, & mandat puniri, ut nocentes. Parcit, & sæuit: dissimulat, & animaduertit. Quid temetipsum censura circūuenis? Si damus, cur non & inquiris? Si non inquiris, cur non & absoluis? Latronibus uestigandis per uniuersas prouincias militaris statio sortitur: in reos maiestatis, & publicos hostes omnis homo miles est: ad socios, ad consocios inquisitio usque extenditur. Solum Christum inquiri non licet: offerri licet, quasi aliud esset actura inquisitio, quam oblatio. Damnatis ergo oblatum, quem nemo uoluit requisitum, qui puto iam non meruit ideo poenam, quia nocens est, sed quia non requirendus, inuentus. Itaque nec in illo ex forma malorum iudicandorum agitis erga nos, quod cæteris negantibus adhibetis tormenta ad confitendum, solis Christianis ad negandum: cum si malum esset, nos quidem negaremus, non uero confiteri tormentis compelleretis. Neque enim ideo non putaretis requirenda quaestionibus scelera, quia certi essetis admitti ea ex nominis confessione, qui hodie de confesso homicida, scientes homicidium quid sit, nihilominus ordinem extorquetis admissi: Quo peruersius, cum præsumatis de sceleribus nostris ex nominis confessione, cogitis tormentis de confessione decedere, ut negantes nomen pariter utique negemus & scelera, de quibus ex confessione nominis præsumperatis. Sed, opinor, non uultis nos perire, quos pessimos creditis. Sic enim soletis dicere homicidæ: nega, laniari iubere sacrilegum, si confiteri perseverauerit. Si non ita agitis circa nos nocentes, ergo nos innocentissimos iudicatis, cum quasi innocentissimos non uultis in ea confessione perseverare, quam necessitate, non

te, non iustitia damnanda à uobis sciatis. Vociferatur homo: Christianus sum: quod est, dicit: tu uis audire, quod nō est: ueritatis extorquenda praesides de nobis solis mendacium elaboratis audire. Hoc sum, inquit, quod queris, an sim, quid me torques in peruersum? Confiteor, & torques: quid faceres, si negarem? Planè alijs negantibus, non facile fidē accommodatis: nobis, si negauerimus, statim creditis. Suspecta sit nobis ista peruersitas, ne qua uis lateat in occulto, quæ nos aduersus formam, aduersus naturam iudicandi, cōtra ipsas quoq; leges ministret. Nisi em̄ fallor, leges malos erui iubent, non abscondi: confessos damnari praescribunt, non absolui. Hoc senatusconsultum, hoc principum mandata designiunt, hoc imperium, cuius ministri estis: ciuilis, non tyrannica dominatio uestra est. Apud tyrannos enim tormenta etiam pro poena adhibentur, apud uos solos quaestioni temperatur. Vestram illis seruire legem usq; ad confessionem necessarium: & si confessione praueuantur, uacant. Sententia opus est: debito poenæ nocens expungendus est, non eximendus. Denique illum nemo gestit absolvere: nobis non licet hoc uelle. Ideo nec cogitur quisq; negare, Christianum hominem omnium scelerum reum, deorum, imperatorum, legum, morum, naturæ totius inimicum existimas: & cogis negare, ut absoluas, quem non poteris absolvere, nisi negauerit. Prauaricaris in leges: uis ergo, neget se nocentē, ut eum facias innocentē, equidem inuitum non de præterito reum: Vnde de ista peruersitas: ut etiam illud non recogitetis, sponte confessio magis credendum esse, q̄ per uim neganti: uel ne compulsus negare, nō ex fide negarit: & absolutus, ibidem post tribunal de uestra rideat æmulatione iterum Christianus. Cum igitur in omnibus in nos aliter disquiratis, q̄ in cæteros nocentes, id unum contendendo, ut de eo nomine excludamur (excludimur enim, si facimus, quæ faciunt non Christiani) intelligere potestis, non scelus aliquod in causa esse, sed nomen, quod quædam ratio æmulæ operationis insequitur. Hoc primum agentes homines, ut nolint scire pro certo, quod se nescire pro certo sciunt. Ideo & credunt de nobis, quæ non probantur: et nolunt inquire, ne probentur non esse, quæ malunt credidisse: ut non illius æmulæ rationis inimicum, praesumptis non probatis criminibus de sua sola cōfessione damnetur. Ideo torquemur confitentes, & punimur perseuerantes, & absolui mur negantes, quia nominis prælium est. Deniq; quid de tabella recitatis illum Christianum: cur non & homicidā? Sed homicida Christianus, cur non & incestus? uel quodcunq; aliud non esse creditis? In nobis solis putlet aut piget ipsis nominibus scelerū pronunciare? Christianus si nullius criminis reus est, nomen ualde infestum, si solius nominis crimen est.

DE S A N C T I S
NOMINA SANCTORVM MARTYRVM
Christi, ex Historia Ecclesiastica.

A Chillas. De hoc fol. cc. lxxxiiij	Dorotheus martyr.	c. lxxxvj
Æmylianus mart. fol. cccc. liij	Epimachus martyr.	c. liiij
Agathonica martyr. fol. lxxxvj.	Eunus martyr.	c. liiij
Alexander Hierosolymitan. mart.	Eupsychius mart.	cccc. li
tyr. fol. c. xxxv	Eusebii duo martyres. 545. 498	
Ananias martyr.	Episcopi triginta occisi.	ccc. lxxv
Aristarchus martyr.	Item octoginta, in quibus	
Aristion.	Osus.	ccc. lxxxix
Artemius martyr.	Faustus	c. lxiij
Attalus martyr.	Germanycus marty.	lxxxij
Abedecalla senex Christi tes	Gorgonius martyr.	clxxxvj
tis. ccc. xliij.	Heron, Isidorus, & c.	c. liiij
Adauctus martyr.	Heros martyr.	c. xxxiij
Æthalis martyr.	Heracles, Plutarchus, & c.	cccc. lxxij
Alcibiades.	Heraclydes.	c. xxxiij
Ammon, Zenon, Ptolomæus	Leonides Origenis parter mar	
martyres.	tyr.	ccxix
Anthimus mart. c. lxxxvj. & exciij	Lucianus presbyter.	c. xcij
Arsinus martyr.	Macarius Lybi. martyr.	c. liij
Asterius martyr.	Marcella martyr.	c. xxxiij
Aurelius Cyrinus.	Macedonius martyr.	cccc. l
Basilides carnifex, mox mar	Mareas martyr.	ccc. xliij
tyr.	Marinus martyr.	c. lxiij
Benlamin martyr.	Metranus martyr.	c. liij
Basilius Ancyranus.	Mercuria martyr.	c. liiij
Blandina.	Milesius martyr.	ccc. xliij
Bichor martyr.	Nemesius Ægypt.	c. liiij
Busyris martyr.	Pamphilus martyr.	c. xciiij
Coena Thyestea.	Paphnutius.	cc. lxxxvj. ccc. xj
Carpus martyr.	Papyrius mart.	lxxxvj. c. xxiij
Catechumena quædam mar	Peleus & Nilus.	c. xciiij
tyr.	Petrus Alexandrinus.	clxxxj. cciij
Cheremon episcop. exul.	Phileas martyr.	ccc
Cyrillus Hierosolymitanus mar	Photinus mart.	c. iij
tyr.	Potamiena mart.	c. xxxiij
Dioscurus puer martyr.	Publia martyr.	cccc. lxxvj
Diaconus quidam nomine San	Pionius martyr.	lxxxvj
ctus.	Ponticus puer.	c. vi
Dionysia martyr.	Priscus martyr.	c. lxiij
	Scrapion	

Serapion martyr.	c. liij	Theodorus martyr.	c. xciiij
Schyrion.	c. lv	Theodulus martyr.	cccc. l
Sophronia matrona.	c. xcviij	Tyrannio martyr.	c. xciiij
Mauia martyr.	cccc. xlv	Thraseas mart.	c. xx
Sylvanus episc. & mart.	c. xciiij	Tharbua martyr.	ccc. xliij
Tatianus martyr.	cccc. l		

Neq; tamen omnes recensui. Multitudo eorum, qui pro Christi nomine passi mortem sunt, ingens est. Quis enim enumeret tot Ægyptios martyres, tot Antiochenos, tot Alexandrinos, tot Tyrios, tot Persas, tot Ponticos, tot Thebanos, tot Phrygios, tot Hieropolitanos, tot Edissenos, tot Gazæos, tot Cappadoces, ut de Romanis taceā? Quam tam putas recte Christianorum turbam ē medio sustulit persecutio sub Domitiano, persecutio sub Licinio, persecutio sub Diocletiano, persecutio sub Decio, persecutio sub Maximino, persecutio sub Valeriano, &c. De qua tyrannide Eusebius noster multa passim. Paulus Orosius lib. xij. cap. xvij. confert decem plagis Ægyptiorum decem persecutiones Ecclesiæ, &c.

OMNIVM ANIMARVM FIDELIVM

memoria, S. Augustini Sermo.

Recogitemus fratres charissimi cuncta mala, quæ fecimus, ut minis æterni iudicis perterriti, ad ultimum saltem studeamus bona facere. Vnde dominus in Euangelio dicit: Non omnis, qui dicit mihi, Domine, domine, intrabit in regnum cœlorum: sed qui facit uoluntatem patris mei, qui est in cœlis, ipse intrabit in regnum cœlorum. Hoc etiam fratres charissimi cogitare debemus: quia in illa die reddet deus unicuiq; secundum opera sua, bonis bona, malis mala. Bonos mittet in uitam æternam, malos in ignem æternum. Vg illi homini, qui cum diabolo mansionē habebit. Pensemus, qd istud regnum finem habet, regnum dei finem non habet. Ista uita laboriosa, caduca & fragilis, plena scandalis, inuidiosa, quid aliud quærit, nisi manducare, bibere, inebriari, luxuriari, detractiones facere? Certē ubi uolumus permanere, illuc debemus festinare. Fratres nos peregrini sumus in hoc mūdo: conuertamur ad dominum, qui fecit nos. Fratres audistis, qd dominus uindicare ueniet, & peccatores mittet in ignem æternum, sicut in Psalmo dicit: Exurgat deus, & dissipentur inimici eius. Quid autem suis dicturus sit in die illa, audiamus: Venite benedicti patris mei. Et iusti regnabunt sine fine cum Christo, sicut dicit: Et iusti epulentur, & exultent in conspectu dei. Et domine, nonne bonum semen seminasti in agro tuo, unde ergo mixtum est zizania? Et ait illis: Inimicus homo hoc fecit. Primum colligite zizaniam, & alligate per fasciculos, ad comburendum. Messis hæc est genus humanum in consumatione sæculi ad iudiciū con-

Ll ij gregan

gregandum : zizania peccatores: inimicus homo diabolus, qui superseminauit peccata: messores sunt angeli, qui eligunt iustos à peccatoribus. Ligate fasciculos: hoc est, rapaces cum rapacibus, adulteros cum adulteris, fornicatores cum fornicatoribus, homicidas cum homicidis, auaros cum auaris, iracundos cum iracundis, falsos testes cum falsis testibus, fures cum furibus, derisores cum derisoribus, similes cū similibus. Hi sunt fasciculi ad comburendū. Triticum autē congregate in horreum meum, id est, mittite iustos in paradysum. Fratres expauescere & timere debemus de tam breui facietate, de tam longa fame, de tam longis tenebris, de tam breui luce. Dum tempus habemus conuertamur ad dominum, qui fecit nos, ut nō mereamur introire in illas tenebras, sed in lucē: quia omnis homo, qui opera dei facit, eius est filius. Si opera dei facimus, filij dei sumus. Quod modo peccamus, cito emendare debemus: & non addere peccata peccatis. Vnde Psalmista: Appone iniquitatem super iniquitatem eorum, & non intrent in iustitiam tuam. Confessionem queramus puro corde, & poenitentiam donatā à sacerdotibus perficiamus. Nolite iram recondere in cordibus uestris: quia quando iram portamus, nec oblatio, nec oratio à deo recipitur. Date eleemosynam: recipite peregrinos in domibus uestris: pedes eorum lauare, et lectos ipsorum præparate: Dolentes consolamini: nolite despicere peregrinos, quia ipsi peregrini estis. Non circumuenias fratrem tuum in negotio, quia Deus iudex est. Pauperes & uiduas, et orphanos nolite opprimere. Nolite derapinis pauperum eleemosynas facere. Tristatur qui perdit: gaudet qui acquirit: Lucratur pecuniam, & perdit animam: Attendit quid acquirit: & non attendit, quid perdit. Fratres cum domini adiutorio, dum tempus habemus, laboremus, quatenus à malis simus poenitentes, aut per ieiuniū, aut per eleemosynas, aut per uigilias, aut per orationes, aut per charitatē, ut mereamur peruenire ad regna coelestia, ubi est satietas sine fame: ubi est lux sine tenebris, iuuentus sine senectute, requies sine labore, gaudium sine fine. Ipse qui nos creauit, nos adiuuet, ut ad coelestia regna mereamur peruenire, per Christum dominum nostrum, Amen.

HYMNVS AVRELII PRVDENTII

in exequias defunctorum.

DEus ignee fons animarum,
Duo qui socians elementa
Viuum simul ac moribundum
Hominem pater effigiasti.

Tua sunt, tua recta utraq;
Tibi copula iungitur horum,
Tibi dum uegetata cohærent,
Spiritus simul & caro uiuit.

Rescissa sed ista seorsum,
Proprios reuocantur in ortus,
Petit alter æthera feruens,
Humus excipit arida corpus,

Rescissa sed ista seorsum
Soluunt hominem, perimuntq;
Humus excipit arida corpus,
Animæ rapit aura liquorem.

Qui

Qui cuncta creata necesse est
Tabefacta senescere tandem,
Compactaq; dissociari,
Et dissona texta retexi.

Hanc tu Deus optime mortem
Famulis abolere paratus,
Iter inuiolabile monstrans,
Quo perdita membra resurgant.

Vt dum generosa caducis,
Ceui carcere clausa ligantur,
Pars illa potentior extet,
Quæ germen ab æthere traxit.

Si terrea forte uoluntas
Luteum sapit, & graue captat,
Animus quoq; pondere uictus,
Sequitur sua membra deorsum.

At si generis memor ignis
Contagia nigra recuset,
Vehit hospita uiscera secum,
Pariterq; reportat ad astra.

Nam quod requiescere corpus
Vacuum sine mente uidemus,
Spacium breue restat, ut alti
Repetat collegia sensus.

Venient cito sæcula, cum iam
Socius calor ossa reuifat,
Animataq; sanguine uiuo
Habitacula pristina gestet.

Quæ pigra cadauera pridem
Tumulis putrefacta iacebant,
Volucres rapientur in auras,
Animas comitata priores.

Hinc maxima cura sepulchris
Impenditur, hinc resolutos
Honor ultimus accipit artus,
Et funeris ambitus ornat.

Candore nitentia claro
Prætendere lintea mos est,
Aspersaq; myrrha Sabæo
Corpus medicamine seruat.

Quid nam sibi saxa cauata?
Quid pulchra uolunt monumēta?

Res quod nisi creditur illis
Non mortua, sed data somno?
Hoc prouida Christicolarum
Pietas studet, utpote credens

Fore protinus omnia uiua,
Quæ nunc gelidus sopor urget,
Qui iacta cadauera passim

Miserans tegit aggere terræ
Opus exhibet ille benignum
Christo pius omnipotenti.

Quia lex eadem monet omnes
Gemitum dare sorte sub una,
Cognataq; funera nobis
Aliena in morte dolere.

Sancti sator ille Tobia,
Sacer ac uenerabilis heros,
Dapibus iam rite paratis
Ius prætulit exequiarum.

Iam stantibus ille ministris,
Cyathos et fercula liquit,
Studioq; accinctus humandi,
Fletu dedit ossa sepulchro.

Veniunt mox præmia cœlo,
Preciumq; rependitur ingens,
Nam lumina nescia solis
Deus inlita felle serenat.

Iam tunc docuit pater orbis,
Quam sit rationis egena,
Mordax, & amara medela,
Cum lux animum noua uexat.

Docuit quoq; non prius ullū
Cœlestia cernere regna,
Quam nocte & uulnere tristi
Tolerauerit aspera mundi.

Mors ipsa beatior ind' est,
Quod per cruciamina lethi
Via panditur ardua iustis,
Et ad astra doloribus itur.

Sic corpora mortificata
Redeunt melioribus annis,
Nec post obitum recalescens
Campago fatiscere nouit

Hæc quæ modo pallida tabo
Color albidus inficit ora,
Tunc flore uenustior omni,
Sanguis cute tinget amœna.

Nam nulla deinde senectus
Frontis decus inuida carpet,
Macies neq; sicca lacertos
Succo tenuabit adeo.

Morbus quoq; pestifer artus
Qui nunc populatur anhelos,
Sua tunc tormenta resudans
Lucet inter uincula mille.

Hunc eminus aëre ab alto
Victrix caro, iamq; perennis
Cernet sine fine gementem
Quos mouerat ipse dolores.

Quid turba superstes inepta
Clangens ululamina miscet?
Cur tam bene condita iura
Luctu dolor arguit amens?

Iam mœsta quiesce querela,
Lachrymas suspendite matres,
Nullus sua pignora plangat,
Mors hæc reparatio uitæ est.

Sic semina sicca uirescunt
Iam mortua, iamq; sepulta,
Quæ reddita cespite ab imo
Veteres meditantur aristas.

Nunc suscipe terra fouendum,
Gremioq; hunc concipe molli,
Hominis tibi membra sequestro,
Generosa & fragmina credo.

Animæ fuit hæc domus olim
Factoris ab ore creatæ,
Feruens habitauit in istis
Sapientia principe Christo.

Tu depositum tege corpus,
Non immemor ille requies

Sua munera fictor & autor,
Propriq; enigmata uultus.

Veniant modo tempora iusta,
Cum spem Deus impleat omnem,
Reddas patefacta necesse est,
Qualem tibi trado figuram.

Non si cariosa uetustas
Dissoluerit ossa fauillis,
Fueritq; cinisculus arens,
Minimi mensura pugilli.

Nec si uaga flumina, & auræ
Vacuum per inane uolantes,
Tulerint cum puluere neruos,
Hominem perisse licebit.

Sed dum resolubile corpus
Reuocas Deus, atq; reformas,
Qua nam regione iubebis
Animam requiescere puram?

Gremio senis abdita sancti
Recubabit, ut est Eleazar
Quem floribus undiq; septum
Diues procul aspicit ardens.

Seqmur tua dicta redemptor,
Quibus atra morte triumphans,
Tua per uestigia mandas
Socium crucis ire latronem.

Patet ecce fidelibus ampli
Via lucida iam paradisi,
Licet & nemus illud adire,
Homini quod ademerat anguis.

Illud precor optime ductor,
Famulam tibi præcipe mentem
Genitali in sede sacrari,
Quam liquerat exul, & errans.

Nos tecta fouebimus ossa
Violis, & fronde frequenti,
Titulumq; & frigida saxa
Liquido spargemus odore.

S. Hemes

S. HEMETERIVS ET CHELEDO,

nius Martyres.



Cripta sunt coelo duorum
Martyrum uocabula,
Aureis duæ Christus illic
Annotauit literis.

Sanguinis notis eadem
Scripta terris tradidit.
Pollet hoc felix per orbem
Terra Hibera stemmate.

Hic locus dignus tenendis
Ossibus uisus Deo,
Qui beatorum pudicus
Effet hospes corporum.

Hic colentes hausit undas
Cæde tinctus duplici,
Illitas cruore sancto
Nunc arenas incolæ

Confrequentant obsecrantes
Voce, uotis, munere.
Exteri nec non & orbis
Huc colonus aduenit.

Fama nam terras in omnes
Præcucurrit proditrix,
Hic patronos esse mundi
Quos precantes ambiant.

Nemo puras hic rogando
Frustra concessit preces,
Lætus hinc tersis reuertit
Supplicator fletibus,

Omne quod iustum poposcit
Impetratum sentiens.
Tanta pro nostris periclis
Cura suffragantium est.

Non sinant, inane ut ullus
Voce murmur fuderit,
Audiunt, statimq; ad aurem
Regis æterni ferunt.

Inde larga fonte ab ipso
Dona terris influunt,
Supplicum causas petitis
Quæ medelis irigant.

Nil suis bonus negauit
Christus unquam testibus,
Testibus quos nec catenæ
Dira nec mors terruit.

Vnicum Deum fateri
Sanguinis dispendio,
Sanguinis sed tale damnum
Lux rependit longior.

Hoc genus mortis decorū est,
Hoc probis dignum uiris,
Membra morbis exedenda
Texta uenis languidis.

Hostico donare ferro,
Morte & hostem uincere,
Pulchra res ictum sub ense
Prosequutoris pati.

Nobilis per uulnus amplum
Porta iustis panditur,
Lota mens in fonte rubro
Sede cordis exilit.

Nec rudem crudi laboris
Ante uiam duxerant
Milites, quos ad perenne
Cingulum Christus uocat.

Sueta uirtus bello & armis
Militat sacrarijs,
Cæsaris uexilla linquunt,
Eligunt signum crucis,

Proq; uentosis draconum
Quod gerebant palijs,
Præferunt insigne lignum,
Quod draconem subdidit.

Vile censent expeditis
Ferre dextris spicula,
Machinis murum ferire,
Castra fossis cingere.

Impias manus cruentis
Inquinare stragibus
Forte tunc atrox secundos
Israëlis posteros

Ductor

Ductor aulæ mundialis
Ire ad aram iusserat,
Idolis litare nigris,
Esse Christi refugas.

Liberam succincta ferro
Pestis urgebat fidem.
Illa uirgas, & secures
Et bisulcas ungulas

Vltro fortis expetebat,
Christi amore interrita,
Carcer inligata duris
Colla baccis impedit.

Barbaras forum per omne
Tortor exercet manus,
Veritas crimen putatur,
Vox fidelis plectitur.

Tunc & ense cæsa uirtus
Triste percussit solum,
Et rogis ingesta moestis,
Ore flammæ sorbuit.

Dulce tunc iustis cremari,
Dulce ferrum perpeti,
Hic duorum chara fratrum
Conualescunt pectora

Fida, quos per omne tempus
Iunxerat sodalitas,
Stant parati ferre quicquid
Sors tulisset ultima.

Seu foret præbenda ceruix
Ad bipennem publicam,
Verberum post uim crepantum
Post catastas igneas,

Siue pardis offerendum
Pectus, aut leonibus,
Nos'ne Christo procreati
Mammonæ dicabimur?

Et Dei formam gerentes
Seruiemus sæculo?
Absit, ut coelestis ignis
Se tenebris misceat.

Sit satis, quod capta primo
Vita sub chirographo,

Debitum persoluit omne,
Functa rebus Cæsaris.

Tempus est Deo rependi
Quicquid est proprium Dei.
Ite signorum magistri,
Et uos tribuni absistite.

Aureos auferte torques
Sauciorum præmia
Clara nos hinc angelorum
Iam uocant stipendia.

Christus illic candidatis
Præsidet cohortibus,
Et throno regnans ab alto,
Damnat infames Deos.

Vosq; qui ridenda uobis
Monstra diuos fingitis,
Hæc loquentes obruuntur
Mille poenis martyres.

Nexibus manus utraq;
Flexus inuoluit rigor,
Et chalybs attrita colla
Grauibus ambit ciclis.

O uetustatis silentis
Obsoleta obliuio,
Inuidentur ista nobis,
Fama & ipsa extinguitur.

Chartulas blasphemus olim
Nam satelles abstulit,
Ne tenacibus libellis
Erudita sæcula

Ordinem, tempus, modumq;
Passionis proditum
Dulcibus linguis per aures
Posterorum spergerent.

Hoc tamen solum uetusta
Subtrahunt silentia,
Iugibus longum catenis
An capillum pauerint

Quo uiros dolore tortor,
Qua'ue poena ornauerit,
Illa laus occulta non est,
Nec senescit tempore.

Missa

Missâ quod sursum per auras
Euolarunt munera,
Quæ uiam patere cœli
Præmicando ostenderent.

Illius fidem figurans,
Nube fertur anulus,
Hic sui dat pignus oris,
Vt ferunt, orarium.

Quæ superno rapta flatu
Lucis intrant intimum,
Per poli liquentis axem
Fulgor auri absconditur.

Ac diu uisum sequacem
Textilis candor fugit.
Subuehantur usq; in astra,
Nec uidentur amplius.

Vidit hoc conuentus adstant,
Ipse uidit carnifex,
Et manum repressit hærens
Ac stupore oppalluit.

Sed tamen peregit ictum,
Ne periret gloria.
Iam ne credis bruta quondam
Vasconum gentilitas,

Quam sacrum crudelis error
Immolarit sanguinem?
Credis in Deum relatos
Hostiarum spiritus?

Cerne quam palam feroces
Hic domantur dæmones,
Qui lupino capta ritu
Deuorant præcordia.

Strangulant mentes & ipsas,
Sedq; miscent sensibus,
Tunc suo iam plenus hoste
Sistitur furens homo.

Spumeas efflans saliuas,
Cruda torquens lumina,

Expiandus quæstione
Non suorum criminum.

Audias, nec tortor adstat,
Eiulatus flebiles.
Scinditur per flagra corpus,
Nec flagellum cernitur.

Crescit & suspensus ipse
Vinculis latentibus,
His modis spurcum latronem
Martyrum uirtus quatit.

Hæc coërcet, torquet, urit,
Hæc catenas incutit,
Prædo uexatus relictis
Se medullis exuit.

Linqvit inlæsam rapinam,
Faucibus siccis fugit,
Vngue ab imo usq; ad capillum
Salua reddit omnia.

Confitens ardere sese,
Nam gehennæ est incola,
Quid loquar, purgata longis
Alba morbis corpora?

Algidus cum decoloros
Horror artus concutit,
Hic tumor uultum relinquit,
Hic color uerus redit.

Hoc bonum Saluator ipse,
Quo fruamur, præstitit,
Martyrum cum membra nostro
Consecrauit oppido.

Sospitant quæ nunc colonos
Quos Hiberus alluit.
State nunc hymnistæ matres
Pro receptis paruulis.

Coniugum salute læta
Vox maritarum strepet,
Sit dies hæc festa nobis,
Sit sacratum gaudium.

HYMNVS BEATISSIMORVM MAR-
tyrum Fructuosi, Episcopi ecclesię Tarraconen-
sis, & Augurij & Eulogij diaconi.

Mm

Felix

Ex Prudētia

Felix Tarraco Fructuose uestris Hęc fanti placidus refert sacerdos
 Attollit caput ignibus coruscū Eternum colo principem, dierum
 Leuitis geminis procul relucens. Factorem, dominumq; Gallieni.
 Hispanos deus aspicit benignus Et Christū patre prolatū perennī
 Arcē quandoquidē potens Hiberā Cuius sum famulus, gregisq; pastor
 Trino martyre trinitas coronat. Subridens ait ille, iam fuisti.
 Ardens Augurius capessit ęthrā Nec differt furor, aut refrenat irā,
 Nec non Eulogius simul supernū Sæuis destinat ignibus cremandos,
 Christi lucidus ad sedile tendit. Exultāt, prohibentēq; flere uulgum,
 Dux & præuius, & magister illis Quosdā de populo uidet sacerdos
 Ad tantum decus, ex Episcopali Libandū sibi poculum offerentes,
 Clarus nomine Fructuosus ibat. Ieiunamus, ait, recuso potum.
 Accitus quia præsidis repente Nondū nona diem resignat hora
 Iussu, uenerat ad forum sacerdos Nunquā conuiolabo ius dicatum,
 Leuitis comitantibus duobus. Nec mors ipsa meū sacrum resoluet
 Inde ad carceream uiros catenam Sic Christus sitiēs crucis sub hora
 Pastus sanguine carnifex trahebat, Oblatum sibi poculum recusans,
 Gaudet currere Fructuosus ultro. Nec libare uolens, sitim peregit.
 Ac ne quis socios minor feriret, Intran̄t interea locum rotunda
 Præceptor uehemēs eundo firmat, Concluseum cauea, mandens ferarū
 Incenditq; fidem calore Christi. Multo sanguine quē furor frequētat
 Mecum state uiri, uocat cruentus Quū specula perstrepunt cruenta
 Ad poenā coluber Dei ministros, Ac uilis gladiator ense euro
 Ne mors terreat, ęst parata palma Percussus cadit, & fremit uoluptas.
 Carcer ch̄ricolis grad⁹ coronę est Hic flāman̄te pyra, niger minister
 Carcer prouehit ad superna cœli, Ardens supplicium parare iussus,
 Carcer conciliat Deum beatīs. Cōstruxit facibus rogam̄ supremis.
 His dictis, adeunt specū reorum, Qui dū corpora cōcremāda soluit
 Exercent ibi mysticum lauacrum Feruentes animas amore lucis
 Et purgamina quę stupēt tenebrę. Fracto carceris expediuit antro.
 Sex hic continuis latent diebus, Certant officijs p̄j sodales,
 Tandē stāt truci ad tribunal hostis Plantis calciamenta dissolutis,
 Fratres ter geminos tremūt catastę. Pronus detrahare studebat unus.
 Iudex Emilianus imminebat, Sed sanctus uetat, ora Fructuosus
 Atrox, turbidus, insolens, p̄fanus, Inclinata pręmit, faceßite, inquit,
 Aras dæmonicas coli iubebat. Ne nostrā grauet obsequela mortē.
 Tu qui doctor, ait, seris nouellū At quin ipse meos pedes resoluā,
 Commenti genus, ut leues puellę Ne uestigia præpedita uinclis
 Lucos destituant, louē relinquunt. Tardis gressibus inruant in ignem.
 Damnes si sapias anile dogma, Cur lamēta rigāt genas madētes?
 Iussum est Cæsaris ore Gallieni Cur uestri memor ut siem rogatis?
 Quod princeps colit, hoc colamus Cūctis p̄ populis rogabo Christū.

Vix

Vix hæc ædiderat, relaxat ipse
 Indumenta pedum, uelut Moyses
 Quodā fecerat ad rubū ppinquās.
 Nō calcare sacram cremationē,
 Aut adstare Deo prius licebat,
 Quam uestigia pura figerentur.
 Stabat calce mera, resultat ecce
 Cœlo spiritus, & ferit loquelam
 Quæ cunctos tremefecit audiētes.
 Nō est credite poena quā uidetis,
 Quæ puncto tenui citata transit,
 Nec uitam rapit illa, sed reformat.
 Felices animæ, quibus per ignem
 Celsa scandere contigit Tonantis:
 Quas olim fugiet perennis ignis.
 Hæc inter, rapidis focos crepātes
 Intran passibus, & minantur ipsis
 Flammarū trepidantibus caminis.
 Nexus deniq; q manus retrorsus
 In tergum reuocauerant reuinctas,
 Intacta cute decidunt adusti.
 Nō ausa est cohibere pena palmas
 In morē crucis ad patrē leuandas,
 Soluit brachia, quæ deum pcentur.
 Friscorū specimen trium putares,
 Quos olim Babylonicū per ignē
 Cantātes stupuit tremēs tyrannus.
 Illis sed pia flāma dum pepercit,
 Nondum tempore passionis apto,
 Nec mortis dec9 inchoāte Christo.
 Hos quū defugeret uapor9 ardor
 Orant, ut celer ignis aduolaret,
 Et finem daret anxij9 periclis.
 Exorata suos obire tandem
 Maiestas famulos iubet caducis
 Missis corporibus, sibi9 reddi.
 Vidit præsidis ex domo satelles
 Cœlū martyribus patere apertum,
 Insignesq; uiros per astra ferri.
 Quin & filiola monens herili
 Ostendit scelēis notam paterni,
 Cœlo uiuere, quos forum peremit.
 Hæc tum uirginitas palām uidere
 Per sudum meruit, patente cœlo,
 Ut crimen domini domus timeret.
 Tum de corporib. sacris fauillæ,
 Et perfusa mero leguntur ossa,
 Quæ raptim sibi quisq; uindicabat.
 Fratrum tantus amor domū referre
 Sanctorum cinerum dicata dona,
 Aut gestare sinu fidele pignus.
 Sed ne reliquias resuscitandas,
 Et mox cum domino simul futuras,
 Discretis loca diuidant sepulchris,
 Cernuntur niueis stolis amicti,
 Mandant restitui, cauoq; claudi
 Mixtim marmore, puluerē sacrādū
 O triplex honor, o triforme culmē
 Quo nostræ caput exciratur urbis,
 Cunctis urbibus eminens Hiberis.
 Exultare tribus libet patronis,
 Quorū præsidio fouentur omnes
 Terrarum populi Pyrenearum.
 Circūstet chorus ex utroq; sexu,
 Heros, uirgo, puer, senex, anicla,
 Vestrum psallite rite Fructuosum,
 Laudās Auguriū resultet hymn9,
 Mistis Eulogium modis coequans,
 Reddamus parib. pares Camœnas.
 Hinc aurata sonent in arce testæ,
 Blandū littoris extet inde murmur,
 Et carmen freta feriata pangant.
 Olim tempus erit ruēte mundo,
 Quum te Tarraco Fructuosus acri
 Soluet supplicio tegens ab igni.
 Fors dignabit & meis medelam
 Tormētis dare, prosperāte Christo,
 Dulces Hendecasyllabos reuoluēs.

Mm ij Passio

DE SANCTIS
CASSIANVS MARTYR.

Ex Prologio



Ylla forum statuit Cornelius, hoc Itali urbem
Vocant ab ipso conditoris nomine.
Hic mihi quū peterem tē rerū maxima Roma,
Spes est oborta prosperum Christum fore.
Stratus humi tumulo aduoluebar, quem sacer ornat
Martyr, dicato Cassianus corpore.
Dum lachrymans mecū reputo mea uulnera, & omnes
Vitæ labores, ac dolorum acumina,
Erexi ad cœlum faciem, stetit obuia contra
Fucis colorum picta imago martyris.
Plagas mille gerens, totos lacerata per artus,
Ruptam minutis præferens punctis cutem.
Innumeri circum pueri, miserabile uisu,
Confossa paruis membra figebant stilis.
Vnde pugillares soliti percurrere ceras,
Scholare murmur adnotantes scripserant.
Ædituus consultus ait: quod prospicis hospes
Non est inanis, aut anilis fabula,
Historiam pictura refert, quæ tradita libris,
Veram uetusti temporis monstrat fidem.
Præfuerat studijs puerilibus, & grege multo
Septus, magister literarum federat.
Verba notis breuibus comprehendere cuncta peritus,
Raptimq; punctis dicta præpetibus sequi.
Aspera nonnunquam præcepta, & tristia uisa,
Impube uulgus mouerant, ira & metu.
Doctor amarus enim discenti semper ephebo,
Nec dulcis ulli disciplina infantiae est.
Ecce fidem quatiens tempestas sæua, premebat
Plebem dicatam Christianæ gloriæ.
Extrahitur coetu è medio moderator alumni
Gregis, quodd aris supplicare spreuerat.
Poënarum artifice quærenti, quod genus artis
Vir nosset, alto tam rebellis spiritu,
Respondent, agmen tenerum, ac puerile gubernat,
Fictis notare uerba signis imbuens,
Ducite conclamat captiuum ducite, & ultro
Donetur ipsis uerberator paruulis,
Ut libet illudant, lacerent impune, manusq;
Tingant magistri feriatas sanguine.

Ludum

Ludum discipulis uolupte est ut præbeat ipse
 Doctor seuerus, quos minis coërcuit.
 Vincitur post terga manus, spoliatus amictu,
 Adest acutis agmen armatum stilis.
 Quantum quisq; odij tacita conceperat ira,
 Effudit ardens felle tandem libero.
 Conijciunt alij lapides, inq; ora tabellas
 Frangunt, relisa fronte lignum dissilit.
 Buxa crepant cerata, genis impacta cruentis,
 Rubetq; ab ictu curua tumens pagina.
 Inde alij stimulos, & acumina ferrea uibrant,
 Qua parte aratis cera sulcis scribitur.
 Et qua secti apices abolentur, & æquoris hirti
 Rursus nitescens innouatur area.
 Hinc foditur Christi confessor, & inde secatur,
 Pars uiscus intrat molle, pars scindit cutem.
 Omnia membra manus pariter fixere cruentæ,
 Totidemq; guttæ uulnerum stillant simul.
 Maior tortor erat, qui summa pupugerat infans,
 Quam qui profunda perforarat uiscera.
 Ille leuis, quoniam percussor morte negata
 Sæuere solis scit dolorum spiculis.
 Hic quanto interius uitæ condita pulsata,
 Plus dat medellæ dum necem prope applicat.
 Este precor fortes, & uincite uiribus annos,
 Quod deficit æuo, suppleat crudelitas.
 Sed male conatus tener, infirmusq; laborat,
 Tormenta crescunt dum fatiscit carnifex,
 Quid gemis, exclamat quidam, tute ipse magister
 Istud dedisti ferrum, & armaisti manus.
 Reddimus ecce tibi iam millia multa notarum,
 Quæ stando, flendo, te docente excepimus.
 Non potes irasci quod scribimus, ipse iubebas
 Nunquam quietum dextera ut ferret stilum:
 Non petimus toties te præceptore negatas
 Auare doctor, iam scholarum ferias.
 Pangere puncta libet, sulcisq; intexere sulcos,
 Flexas catenis impedire uirgulas.
 Emendes licet inspectos longo ordine uersus,
 Mendosa forte si quid errauit manus.
 Exerce imperium, ius est tibi plectere culpam,
 Si quis tuorum te notauit segnius.

Mm iij Talia

DE S A N C T I S

Talia ludebant pueri per membra magistri,
 Nec longa fessum poena soluebat uirum.
 Tandem luctantis miseratus ab æthere Christus,
 lubet resolui pectoris ligamina
 Difficilesq; moras animæ, ac retinacula uitæ
 Relaxat artus, & latebras expedit.
 Sanguis ab interno uenarum fonte patentes,
 Vias sequutus, deserit præcordia.
 Totq; foraminibus penetrati corporis exit,
 Fibrarum anhelans ille uitalis calor.
 Hæc sunt, quæ liquidus expressa coloribus hospes
 Miraris, ista est Cassiani gloria.
 Suggere si quod habes iustum, uel amabile uotum,
 Spes si qua tibi est, si quid intus æstuas.
 Audite credè preces martyr prosperrimus omnes,
 Ratasq; reddit, quas uidet probabiles.
 Pareo, complector tumulum, lachrymas quoq; fundo,
 Altar tepescit ore, saxum pectore.
 Tunc arcana mei percenseo cuncta laboris,
 Tunc quod petebam, quod timebam murmuro.
 Et post terga domum dubia sub sorte relictam,
 Et spem futuri forte nutantem boni.
 Audior, urbem adeo, dextris successibus utor;
 Domum reuertor, Cassianum prædico.

OSVALDVS REX, VIR ELEEMO,
 SYNARIVS.

Imperatori Tyberio Christiano haud dissimilis rex Osualdus extitit. Paulus Diaconus de Tyberio sic scribit: Hic cum multa de thesauris, quos Iustinianus cōgregarat, pauperibus erogaret, Sophia Augusta frequentius increpabat eum, q̃ rem publicā rede-gisset ad paupertatem, dicens: Quod ego multis annis congregaui, tu intra paucum tempus prodige dispergis. Aiebat autem ille: Confido in domino, quia non deerit pecunia fisco nostro, tantum ut pau-peres eleemosynam accipiant, aut captiui redimātur: Hoc est magnus thesaurus, &c. Hæc Paulus Diaconus.
 Porro Sophia ista uxor fuerat præcessoris im-peratoris Iustiniani amentis, mulier longe nequissima, pio Tyberio insidians.

S. W. 10

ECCLESIAE DEL CCXXXII
S. WALTBURGA VIRGO ANGLICA.

TEmpore, quo prædicatores Euangelij Ecclesiastici Augustini Georg. Vili
celij. nus quidam & Mellitus à Romano pontifice Gregorio in Britanniam, seu Angliam, uocante deo, missi, populum eius terræ, operante spiritu, à paganismo ad Christianismum per disseminatum uerbū conuerterunt, accidit, ut ex conuersis quidam præcipui, Christi fide ac dilectione pleni, temporalem patriam relinquerent, & peregrinationes longinquas atq; diutinas susciperent, quo maiorem æderent uerbi fructum. Inter horū numero fuit Bonifacius, Vuillibrordus, Vuigbertus, Leboinus, duo Euualdi; præterea Vuillibaldus, Wunebaldus, & istorum duorum soror Waltburga. Venerūt uerò homines isti dei in Germaniam, & contigit diuina dispositione, ut Vuillibaldus Eichstadij crearetur episcopus, ac Wunebaldus unà cum sorore Waltburga in loco Heidenheim dicto monasterium construeret, ubi monasticam uitam egerunt, seruientes deo, quem per Christum filium cognorant in omni pietate & honestate. Prior uitam morte cōmutauit, Wunebaldus, post in eodem monasterio è sæculo transiit ad adamatum sponsum, seruatorē suum Christum, Waltburga, bonis operibus abundans. Dein florente Otgario archiepiscopo translātum fuit eius diuæ corpus Eichstadiū, ubi temporibus Eckenbaldi Eichstetensis episcopi, & Arnulphi regis, anno nimirum humane salutis 893. multa miracula diuinitus apud S. Waltburgę sarcophagū facta esse legimus. Optamus quotquot Christum ac eius apparitionem diligimus, ut hanc sanctimonialem nostrę imitarentur. O casta sanctaq; monasteria, tam à mundo semota, q̃ celo uicina.

QVINQVE FRATRES PROPTER EVAN-

gelium à paganis occisi.

ANno dominicę incarnationis M.CC.XIX. misit sanctus ille uir Franciscus non sine instinctu dei ex sodalicio suo sex fratres in regnum Marrochiorum, ad euangelizandum incredulis populis. Nomina fratrum sunt, Vitalis, Beraldus, Otto, Accursius, Petrus & Adiutus. Horū antesignanus Vitalis erat. Verum cum peragrarent Aragoniam, Vitalis morbo graui correptus, diem suum obiit, reliquis quinq; cœpto itinere pergentibus, inq; Portugalliam uenientibus, ubi apud reginā suę pietatis specimen ediderūt. Post hæc attigerūt Sarracenorū ciuitatem Sibiliam, mutato monastico cultu: sic enim expediebat, iuxta cōsiliū reginæ. Ibi uerò cum mesquitam, seu templum Sarracenicum pararent ingredi, prohibiti sunt à Sarracenis, ceu prophani: neq; enim de Christianis nobis pagani secus iudicant. At illi, ut erant uiri fide fortes, sumptis animis, ad palatium regis accedebant, hæc q; dicta dā

ēta dabant: Rex missi nos à rege regū sumus euangelizare gratiam, pacem & misericordiam dei patris in Christo Iesu unigenito. Hæc ac similia ubi audisset rex, uersus in furorem est, & iniecta manu iussit, prædicatores Christi in uincula duci. Ferre enim non potuit mentionem fidei & baptismi, nec uituperationē Mahometici Alcorani, atq; uniuersæ istius damnatissimæ legis. Cæterū carcere liberati, quando ita deo libuit, Marrochium uenerunt: qua in prouincia uerbum dei libere seminarūt. Nec omnino destituti fuerunt Christianorum principum, maxime Hispanorum, ope ac subleuamine. Sarraceni non admittentes Euangeliū, huius professores uarijs poënis affecerunt. Tandem rex Marrochiorum Miramamolus dictus, siue, ut alij, Miramolus, succēsus ira, tres simul gladios stringens propria manu & ferali crudelitate Christi cōfessores decollauit. Idq; factum est tempore Honorij III. septem fermè annis ante obitum diui Francisci: qui cum audisset martyrium istud, exultans spiritu dixit: Nūc uere dicere possum, me quinque habere fratres. Ab eo tempore se Franciscus contulit in Syriam, assumptis aliquot fratribus, et illic Soltano Christi fidem constantissime prædicauit.

VITA THOMÆ AQVINATIS DEScripta ab Antho. Pizamano Veneto.

Diuus Thomas Landulpho patre Aquini comite Campaniæ urbis celeberrimæ, ac multorum oppidorum principe natus, Theodoram matrem & genere & sanctissimis uitæ moribus insignem fortitus est, quæ etsi Ludeuico Sicilia Petroq; Arragoniæ regibus ex duabus sororibus ortis dignissima esset, uiuendi tamen ratione dignior extitit, ut quæ assiduus ieiunijs & uigilijs exeso corpore, genub. quoq; ob crebras ad deum preces durissimo callo obductis fuisse feratur. Sorores uero habuit, &c. Reliqua ipse lege in opusculis ipsius Thomæ, seorsim excusis.

S. QUINTINVS MARTYR Romanus.

Georg. Vii-
celij.

Vir ille senatoria familia Romæ prognatus, generis nobilitatē fidei claritate obscurauit. Nam ingēti Christi ardore patriam deferens, in Gallias peruenit, egitq; cum beato Luciano Ambianis aliquādiu: & Christi nomen passim manifestauit tam uerbo, q̃ miraculo. Eo tempore autem non ferens religionem nostram tyrannus Diocletianus, sæuire in pios uiros cœpit, ardescēte etiam paganorum omnium inuidia. Verum nihilo minus succreuit religio, quantumlibet & quibuscunq; modis afflicta. Igitur præfectus Ritionarus cōmissione sui regis exequens, sanctos complures Basileam usq; insectatur, atq; inquisitos in Rheni fluentia demergit. Fœlix sanctorum corporum tumulus Rhe-

Ius Rhenus, sicut & Rhodanus in Gallia. Post multas cædes oblatuſ est ſatrapæ Quintinuſ, qui id tēporis Ambianis Chriſto leſu plurimas animas lucrificet. Hic uaria Tragoedia luditur. Primum carcere recluditur ouis innoxia, deinde uir dei ſiſtitur ad tribunal examināduſ. Poſtremo non uno ſupplicij genere torquetur, ad ultimum uſq; ſpīritum. Iucundū uero lectu, quanto ſermonis planè diuino artificio refutarit Marolophi huius blateramenta. In confeſſione Eccleſiaſticae fidei perſiſtitit dura ſilex. Atrociter minanti tandem reſpondit: Et ego tibi per dominum meum confirmo, nolle me quod iubet facere, nec quod minariſ, metuere. Solebat item ad deum haſ eiaculari preceſ: Domine eripe me de manu peccatoris, &c. Habebat hoc quoq; dictum in ore: Dominuſ mihi adiutor, non timebo, quid faciat mihi homo. Immane, quantis & quot cruciatibus uirum Euangelicum laniarit tyrannuſ. Neq; tamen potuit efficere, quo minus præco diuinuſ medio in foro Chriſtianae fidei ſymbolum ad populuſ prædicarit, non ſine magna fruge Chriſtiani regni. Ultimo capite detruncatuſ, cum pñſſimas preceſ dixiſſet, obdormiuit in Chriſto. Mox mortuum quidem corpus crudeliſſima beſtia in fluuium Somenam proijci curauit: ſed uetare nō potuit, quin illud poſt multoſ annos integrum inde erueret Eulebia Romana foemina, non ſine Dei inſtinctu. Factum id uerò eſt apud Auguſtam Viromandorum in Gallijs, ibiq; humauit ſanctum corpus, tot mortibus excruciatum: uictrice tamen anima, quæ non moritur.

VITA S. MARTINI EPISCOPI Turonenſis.



Artinuſ Sabbariæ Pannoniorū oppido oriundus fuit, Ex Seuero
Sulpitio. ſed intra Italiam Ticini alituſ eſt, parentibuſ ſecundū ſeculi dignitatē nō infimiſ, gentilibuſ tamen. Pater eiſ miles primū, poſt tribunuſ militum fuit. Ipſe armatam militiam in adoleſcentia ſecutuſ, inter ſcalareſ alaſ ſub rege Conſtantio, deinde ſub Iuliano Cæſare militauit: non tamen ſpontē, quia à primis ferè annis diuinam potiuſ ſeruitutē ſacra illuſtriſ pueri inſpirauit infantia. Nam cum eſſet annorum decem, inuitiſ parentibuſ, ad eccleſiam confugit, ſeq; catechuminum fieri poſtulauit. Mox mirum in modum totuſ in dei opere conuerſuſ, cum eſſet annorū duodecim in eremū concupiuit, ſeciſſetq; uotiſ ſatiſ, ſi ætatiſ infirmitaſ nō obſitiſſet. Animo tamen aut circa monaſteria, aut circa eccleſiaſ ſemper intentuſ meditabatur in ætate puerili, quod poſtea deuotuſ impleuit. Sed cum edictuſ eſſet à regibuſ, ut ueteranorum fili j ad militiam ſcriberentur, pudente patre, qui felicibuſ eiſ actibuſ inuidebat, cum eſſet annorū xv. raptuſ & catenatuſ ſacramentiſ militariſ implicatuſ eſt, uno tamen ſeruo comite contentuſ, cui tamen uerſa uice, dominuſ ſeruiēbat, adeo, N n ut pleſ

ut plerumq; ei & calciamenta ipse detraheret, & ipse detergeret, cibum unum caperent, hic sæpius ministraret. Triennium ferè ante baptismum in armis fuit, integer tamen ab ijs uirgibus, quibus illud hominum genus implicari solet. Multa illi circa cõmilites benignitas, mira charitas, patientia uero atq; humilitas ultra humanum modum. Nam frugalitatem in eo laudare non est necesse, quia ita usus est, ut iam illo tempore non miles, sed monachus putaretur. Quibus rebus ita sibi omnes cõmilites suos deuinxerat, ut eum miro affectu mirarentur. Necdum tamen regeneratus in Christo agebat quendam bonis operibus baptismatis candidatum, assistere scilicet laborantibus, opem ferre miseris, alere egentes, uestire nudos. Nihil sibi ex militiæ stipendijs, præter quotidianum uictum referuabat, iam tum Euangelij non surdus auditor, de crastino non cogitabat.

Quodam itaq; tempore, cum iam nihil, præter arma, & simplicem militiæ uestem haberet, media hyeme, quæ solito asperior inhoruerat, adeo, ut plerumq; uis algoris extingueret, obuium habet in porta Ambianensium ciuitatis pauperem nudum: qui cum prætereuntes, ut sui misererentur, oraret, omnesq; miserum præterirent, intellexit uir deo plenus, sibi illum, alijs misericordiam non præstantibus, reseruari. Quid tamen ageret? Nihil, præter chlamydem, quã indutus erat, habebat: ita enim reliqua in opus simile cõsumpserat. Arrepto itaq; ferro, quo erat accinctus, mediam diuidit, partemq; eius pauperi tribuit, reliqua rursus induitur. Interea de circumstantibus ridere nonnulli, quia deformis esse, & truncatus habitu uideretur. Multi quidem, quibus erat mens sanior, altius gemere, quod nihil simile fecissent, cum utiq; plus habentes uestire pauperem sine sua nuditate potuissent. Nocte igitur insculta, cum se sopori dedisset, uidit Christum chlamydis suæ, qua pauperem texerat, parte uestitum. Intueri diligentissime dominum, uestemq; quam dederat, iubetur agnoscere. Mox ad angelorum circumstantium multitudinẽ audiuit Iesum clara uoce dicentem: Martinus adhuc catechumenus hac me ueste contextit. Vere memor dominus dictorum suorum, quæ ante prædixerat, quod diu fecistis hæc uni ex minimis istis, mihi fecistis. Se in paupere professus est fuisse uestitum, & ad confirmandum tam boni operis testimonium in eodem se habitu, quẽ pauper acceperat, est dignatus ostendere.

Quo uiso, uir beatissimus non in gloriam est elatus humanam, sed bonitatẽ dei in suo opere cognoscens, cum esset annorum duo de uiginti, ad baptismum conuolauit. Nec statim militiæ renunciavit, tribuni sui precibus euictus, cui contubernium familiare præstabat. Etenim transacto tribunatus sui tempore renunciaturum se sæculo pollicebatur. Quia Martinus expectatione suspensus, per biennium ferè posteaq; est baptismum consecutus, solo scilicet nomine militauit. Interea irruentibus in-

tra

tra Gallias Barbaris, Iulianus Cæsar coacto in unū exercitū apud Vagionum ciuitatem donatium coepit erogare militibus: & ut est consuetudinis, singuli citabantur, donec ad Martinum uentum est. Tum uero opportunum tempus existimans, quo peteret remissionem: neque enim integrum sibi fore arbitrabatur, si donatium non militaturus acciperet. Hactenus, inquit ad Cæsarem, militaui tibi, nunc patere, ut militem deo: donatium tuum pugnaturus accipiat: Christi ego miles sum, pugnare mihi non licet. Tum uero aduersus hanc uocem tyrannus infremuit, dicens eum metu pugnae, quæ postero die erat futura, non religionis gratia detrectare militiā. At Martinus intrepidus, imò illato sibi terrore constantior: Si hoc, inquit, ignauiae ascribitur, non fidei, crastina die ante aciem inermis astabo, et in nomine domini Iesu signo crucis, non clypeo protectus, aut galea, hostium cuneos penetrabo securus. Retrusi ergo in custodiam iubetur, facturus fidem dictis, ut inermis Barbaris obijceretur. Postero die hostes legatos de pace miserunt, sua omnia, seque dedentes. Vnde quis dubitet, hanc uerè beati uiri fuisse uictoriam, cui præstitū sit, ne inermis ad prælium mitteretur? Et quamuis pius dominus seruare militem suum inter hostium gladios & tela potuisset, tamen ne uel aliorum morte sancti uiolaretur obtutus, exemit pugnae necessitatem. Neque enim aliam pro milite suo Christus debuit prestare uictoriam, quæ ut subactis sine sanguine hostibus, nemo moreretur.

Exinde relicta militia, sanctum Hilarium Pictauæ episcopum ciuitatis, cuius tunc in dei rebus spectata & cognita fides habebatur, expetiuit, & aliquādiu apud eum cōmoratus est. Tentauit autem idem Hilarius inpositio diaconi officio, sibi eum arctius implicare, & ministerio uincire diuino. Sed cum sæpissime restitisset, indignum se esse uociferans, intellexit uir dei altioris ingenij, hoc eum modo posse constringi, si id ei officij imponeret, in quo quidā locus iniuriæ uideretur. Itaque exorcistam eum esse præcepit, quam ille ordinationem, ne despexisse tanquam humiliores uideretur, non repudiavit.

Nec multo post admonitus per soporē, ut patriam, parentesque, quos adhuc gentilitas detinebat, religiosa sollicitudine uisitare, ex uoluntate sancti Hilarii profectus est, multisque ab eo obstrictus precibus et lachrymis, ut rediret, moestus (ut ferunt) peregrinationem illam aggressus est, contestatus fratres, multa se aduersa passurum, quod postea probauit euentus. Ac primum inter Alpes deuia secutus incidit in latrones. Cumque unus securim eleuatā in caput eius librasset, ictum ferientis dextera sustinuit alter. Vincis tamē post tergum manibus, uni seruandus & custodiendus traditur. Qui cum eum ad remotiora duxisset, percontari ab eo coepit, quis nam esset. Respondit, Christianum se esse. Quærebatur etiam ab eo, an timeret. Tunc uerò constantissime profitebatur, nunquam se tam fuisse securum: quia scire, misericordiam domini maxime in

N n ij tentas

tentationibus affuturâ, se magis illi dolere, qui Christi misericordiâ, ne pote latrocinia exercens, esset indignus. Ingressusq; Euangelicam disputationem, uerbum dei latroni prædicabat. Quid longius morer? Latro credidit, persecutusq; Martinum uia reddidit, orans, ut pro se dominum precaretur. Idemq; postea religiosam ducere uitam uisus est, adeo, ut hæc quæ supra retulimus, ab eo audita dicantur. Igitur Martinus inde progressus, cum Mediolanum præterisset, diabolus in itinere humana specie assumpta, se ei obuium tulit, quo tenderet requirens. Cumq; id a Martino responsi accepisset, se quo dominus uocaret: ait ad eum: Quocumq; ieris, uel quæcunq; tentaueris, diabolus tibi aduersabitur. Tunc ei prophetica uoce respondit: Dominus mihi adiutor est, non timebo, quid faciat mihi homo. Statimq; e conspectu eius inimicus euauit. Itaque ut animo ac mente conceperat, matrẽ gentilitatis absoluit errore, patrem malis perseverante: plures tamen suo saluauit exemplo.

Deinde cum hæresis Arriana per totum orbem, & maxime intra illyricum pullulasset, cum aduersus perfidiam sacerdotum solus penè acerrime repugnaret, multisq; suppliciis esset affectus: nam et publice uirgis cæsus est, & ad extremum de ciuitate exire compulsus: Italiam repetiit. Cum intra Gallias quoq; discessu sancti Hilarii, quem ad exilium hæreticorum uis coegerat, turbatam Ecclesiam comperisset, Mediolani sibi monasterium statuit.

Ibi quoq; eum Auxentius auctor et princeps Arrianorum grauissime insectatus est, & multis affectum iniurijs, de ciuitate exturbauit. Cogendum itaq; tempori arbitratus, ad insulam Galinariam nomine secessit, comite quodam presbytero magnarum uirtutum uiro. Hic aliquandiu radicibus uixit herbarum, quo tempore elleborum uenenatum (ut ferunt) gramen in cibum sumpsit. Sed cum uim ueneni in se crassantis uicina iam morte sensisset, imminens periculum oratione repulit, statimq; omnis dolor fugatus est.

Nec multo post, cum sancto Hilario comperisset regis presentia potestatem indultam fuisse redeundi, Romæ ei tentauit occurrere, profectusq; est ad urbem. Cum autem iam Hilarius præterisset ita eum uestigijs persecutus est. Cumq; ab eo gratissime fuisset susceptus, haud longè sibi ab oppido monasterium collocauit. Quo tempore quidam ei se catechumenus iunxit, cupiens uiri sanctissimi institui disciplinis. Paucis quippe interpositis diebus, languore correptus, ui febrium laborabat. At tum Martinus forte discesserat: & cum per triduum defuisset, regressus exanime corpus inuenit. Ita subita mors fuerat, ut absq; baptismo humanis rebus excederet. Corpus in medio positum, tristi moerentium fratrum frequentabatur officio, cum Martinus flens & eiulans occurrit. Tum uero tota spiritum sanctum mente concipiens, egredi cellulam, in qua corpus iacebat, cæteros iubet, ac foribus obsecratis super exanimata defuncti

defuncti fratris membra prosternitur. Et cum aliquandiu orationi incubuisset, sensissetque per spiritum, domini adesse uirtutē, erectus paululum, & in defuncti ora defixus, orationis suae ac misericordiae Domini intrepidus expectabat euentum. Vixque duarum ferè horarum spacium intercesserat, uidit defunctum paulatim membris omnibus commoueri, & laxatis in usum uidendi palpitare luminibus. Tum uero magna ad dominum uoce conuersus, gratias agens cellulam clamore cōpleuerat. Quo audito, qui pro foribus astiterant, statim irruunt. Mirum spectaculū, quod uidebant uiuere, quē mortuū reliquissent. Ita redditus uitae, statim baptisma cōsecutus, plures postea uixit annos, primusque apud nos Martini uirtutum, uel materia, uel testimonium fuit. Idem tamen referre solitus erat, se corpore exutum ante tribunal iudicis ductū, deputatūque obscuris locis, & uulgaribus turbis tristem excepisse sententiam. Tunc per duos angelos iudici fuisse suggestū, hunc esse, pro quo Martinus oraret. Ita per eosdem angelos se iussū reduci, & Martino redditum, uitaeque pristinae restitutum. Ab hoc primo tempore beati uiri nomen enituit, ut qui sanctus iam ab hominibus habebatur, potens etiam & uerè apostolicus haberetur.

Nec multo post, dum agrum Lupicini cuiusdam honorati secundū saeculū uiri preteriret, clamore, & luctu turbae plangentis excipitur. Ad quam cum sollicitus astitisset, et quis esset hic fletus inquireret, indicatur unum ē familia seruulum laqueo sibi uitam extorsisse. Quo cognito celatulam, in qua corpus iacebat, ingreditur, exclusisque omnibus turbis, superstratus corpori aliquantisper orauit. Mox uiuifcente uultu, inardescentibus oculis in ora illius defunctus erigitur, lentoque conamine enissus assurgere, apprehensa beati uiri dextera in pedes constitit, atque ita cum eo usque ad uestibulum domus turba omni inspectante processit.

Sub idem ferè tempus ad Episcopatum Turonicæ petebatur ecclesiae. Sed cum erui à monasterio suo non facile posset, Ruritius quidam unus ex ciuibus, uxoris languore simulato, ad genua illius prouolutus, ut egrederetur obtinuit. Ita dispositis iam in itinere ciuiū turbis, sub quadam custodia ad ciuitatem usque deducitur. Mirum in modum incredibilis multitudo non solum ex illo oppido, sed etiam ex uicinis urbibus ad suffragia ferenda conuenerant. Vna omnium uoluntas, eadem uota, eadem sententia, Martinum Episcopatu esse dignissimum, foelicem fore tali Ecclesiam sacerdote. Pauci tamen, & nonnulli ex Episcopis, qui ad constituendum antistitem fuerant euocati, impie repugnabant, dicentes scilicet contemptibilem esse personam, indignum esse Episcopatu, hominem uultu despicabilem, ueste sordidum, crine deformem. Ita à populo sententiae sanioris hæc illorum irrita dementia est: quia illustrem uirum dum uituperare cupiūt, prædicabant. Nec uero aliud ijs facere licuit, quod populus domino uolente cogebat. Inter episcopos tamē, qui affue-

N n iij rant,

rant, præcipue Defensor quidā nomine dicitur restitisse. Vnde animadu-
uersum est, grauitè illum lectione prophetica tunc notatū. Nam cum
fortuitu lector, cui legendi eo die officiū erat, interclusus à populo des-
fuisse, turbatis ministris, dum expectatur, qui non aderat, unus ē circū-
stantibus sumpto Psalterio, quem primū uersum inuenit, arripuit. Psal-
mus autē hic erat: Ex ore infantium & lactentium perfecisti laudem, pro-
pter inimicos tuos, ut destruas inimicum & defensorem. Quo lecto, da-
mor populi tollitur, pars aduersa confunditur, atq; ita habitum est, di-
uino nutu Psalmum hunc lectum fuisse, ut testimonium operis sui De-
fensor audiret, quia ex ore infantium & lactentium in Martino domi-
ni laude perfecta, & ostensus pariter, & destructus est inimicus.

Iam uero sumpto episcopatu, qualem se, quantumq; præfuerit, nō
est nostrę facultatis euoluere. Idem em̄ constantissime perseverabat, qui
prius fuerat, eadē in corde eius humilitas, eadē in uestitu eius uilitas erat
atq; ita plenus auctoritatis & gratiæ implebat Episcopi dignitatem, ut
non tamen propositum monachi uirtutemq; desereret.

Aliquādiu ergo adherenti ad ecclesiā cellula usus est: deinde cū inque-
rudinē frequentantiū ferre nō posset, duobus ferē extra ciuitatē milibus
monasteriū sibi statuit: qui locus tam secretus & remotus erat, ut eremi-
solitudinē non desideraret: ex uno enim latere p̄cisa montis excelsa rupe
ambiebat, reliquam planitiē Liger fluuius reducto paululū sinu clausu-
rat, una tantū, eademq; arcta admodū uia adiri poterat. Ipse ex lignis cō-
textam cellulā habebat. Multi quidē ē fratribus in eundē modū, pleriq;
saxo superiecti montis cauato receptacula sibi fecerant. Discipuli uero
octoginta erant, qui ad exemplū beati magistri instituebant. Nemo ibi
quicq; p̄priū habebat: omnia in mediū cōferebantur: Non emere, aut
uendere (ut plerisq; monachis moris est) cuiq; licebat. Ars ibi exceptis
scriptoribus, nulla habebatur: cui tamē operi minor ætas deputabatur.
Maiores orationi uacabant. Rarus cuiq; extra cellulā suā egressus, nisi cū
ad locū orationis cōueniebant. Cibū unā omnes post horā ieiunij accipie-
bant. Vinū nemo nouerat, nisi quē infirmitas coēgisset. Pleriq; camelos
rū fetis uestiebantur. Mollior ibi habitus pro crimine erat. Quod eo mas-
gis sit mirū, necesse est, q̄ multi inter eos nobiles habebantur, qui longe
aliter educati, ad hanc se humilitatē et patientiam coēgerant, pluresq; ex
ijs postea episcopos uidimus. Quæ enim esset ciuitas, aut ecclesia, quæ
non sibi de Martini monasterio cuperet sacerdotem?

Sed ut reliquas uirtutes eius, quas in Episcopatu egit, aggrediar:
Erat haud longe ab oppido proximus monasterij locus, quem falsa ho-
minum opinio, uelut conscriptis ibi martyribus consecrauerat. Nam
& altare ibi à superioribus Episcopis cōstitutum habebatur. Sed Marti-
tinus non temere adhibens incertis fidem, ab ijs, qui maiores natu erant
presbyteris uel Clericis flagitabat, nomen sibi Martyris & tempora
passionis

passionis ostendi. Grandi se scrupulo permoueri, quod nihil certi constans sibi maiorum memoria tradidisset. Cum aliquandiu ergo à loco illo se abstinuisset, nec derogans religioni, quia incertus erat, nec auctoritatem suam uulgo accomodans, ne superstitio conualesceret, quodam die paucis secum adhibitis fratribus ad locum pergit. Deinde super sepulchrum ipsum astans, orauit ad dominum, ut quis esset, uel cuius meriti sepultus ostenderet. Tum conuersus ad leuam, uidet prope assistere umbram sordidam, trucem; imperat, nomen meritumque ut loqueretur. Nomen edicit, confitetur de crimine, latronem se fuisse ob scelera percussum, uulgi errore celebratum, sibi nihil cum martyribus esse commune, cum illos gloria, se poena retineret. Mirum in modum uocem loquentis, qui aderant, audiebant, personam tamen non uidebant. Tum Martinus, quid uidisset, exposuit, iussitque ex eo loco altare, quod ibi fuerat, summoueri; atque ita populum superstitionis illius absoluit errore.

Accidit autem in sequenti tempore, dum iter ageret, ut gentilis cuiusdam corpus, quod ad sepulchrum cum superstitioso funere deferebatur, obuium haberet, conspicatusque eminus uenientem turbam, quid nam id esset ignarus, paululum stetit. Nam cum fere quingentorum passuum interuallum esset, ut difficile fuerit dignoscere, quid uideret, tamen quia manum cerneret, & agente uento lintamina corpori superiecta uolitant, profanos sacrificiorum ritus agi credidit, quia esset hæc Gallorum rusticis consuetudo, simulachra dæmonum candido tecta uelamine, misera per agros suos circumferre dementia. Eleuato ergo in aduersum signo crucis, imperat turbæ, non moueri loco, onusque deponere. Hic uero mirum in modum uideres miseros primum uelut saxa riguisse, deinde cum primo mouere se summo conamine niterentur, ultra accedere non ualentes ridiculam in uertiginem rotabantur, donec uicti corporis onus deponunt attoniti, & semet inuicem aspectantes, quid nam sibi accidisset, taciti cogitabant. Sed cum beatus uir comperisset, exequiarum illam esse frequentiam, non sacrorum, eleuata rursus manu, dat eis abeundi, & tollendi corporis potestatem. Ita eos & cum uoluit, stare compulit, & cum libuit, abire permisit.

Item dum in uico quodam templum antiquissimum diruisset, & arborem pinum, quæ Fano erat proxima, esset aggressus excidere, tum uero antistes loci illius, cæteraque gentiliū turba coepit obsistere. Et cum iidem illi dum templum eueritur, imperante domino quieuisent, succidi arborem non patiebantur. Ille quidem eos sedulo commonebat, nihil esse religionis in stipide: Deum potius, cui seruiret ipse, sequerentur: arborem illam excidi oportere, quia esset dæmoni dedicata. Tum unus ex ijs, qui erat audacior cæteris, Si habes, inquit, aliquam de Deo tuo, quæ dicis te colere, fiduciam, nosmetipsi succidimus hanc arborē, tu ruentem excipe, & si tecum est tuus (ut dicis) dominus, euades. Tum ille intrepidus
de con

de consilio in domino, facturum se pollicetur. Hic uero ad istiusmodi conditionem omnis illa gentiliū turba consentit, faciliēq; arboris suę habuere iacturam, si inimicum sacrorum suorum casu illius obruissent. Itaq; cum in unam partem pinus illa esset acclius, ut non esset dubium, quam in partem succisa corrueret, eo loco uinctus statuitur pro arbitrio rusticorum, quo arborem esse casuram nemo dubitabat. Succidere igitur ipsi suam pinum cum ingenti gaudio lætitiāq; cœperunt. Aderat eminus turba mirantiū, iamq; paulatim nutare pinus cœpit, & ruinam suam casura minitari. Pallebant eminus monachi, & periculo iam propiore conterriti spem omnem, fidemq; perdiderāt, solam Martini mortem expectātes. At ille consilio in Domino, intrepidus opperens, cum iam fragorem sui pinus concidens edidisset, iam cadenti, iam super se ruenti, eleuata obuīam manu signum salutis opponit. Tum uero turbis modo retro actam putares, diuersam in partem ruit, adeo ut rusticos qui tuto in loco steterant, penē prostrauerit. Tum uero in cœlum clamore sublato gentiles stupere miraculo, monachi flere præ gaudio, Christi nomen in commune ab omnibus prædicari, satisq; constitit, eodē die salutem illi uenisse regioni. Nam nemo ferē ex immani illa multitudine gentiliū fuit, qui non impositione manus desiderata, Dominum Iesum relicto impietatis errore, crediderit. Et uere ante Martinum pauci admodum, imō penē nulli in ijs regionib. Christi nomen receperant. Quod adeo uirtutibus illius, exemploq; conualuit, ut iam ibi nullus locus sit, qui non aut ecclesijs frequentissimus, aut monasterijs sit repletus. Nam ubi fana destruxerat, statim ibi aut ecclesias, aut monasteria construebat.

Nec minorem sub idem ferē tempus eodem in opere uirtutem edidit. Nam cum in uico quodam fano antiquissimo et celeberrimo ignem immisisset, in proximam imo adhærentem domum agente uento flammæ globi ferebantur: Quod ubi Martinus aduertit, rapido cursu tectum domus scandit, obuīum se aduenientibus flammis inferēs. Tum uero mirum in modum cerneret contra uim uenti ignem retorqueri, ut compugnantium inter se elementorum quidam conflictus uideretur.

Ita uirtute Martini ibi tantum ignis est operatus, ubi iussus est. In uico autem, cui Leprosorum nomen est, cum idem templum opulentissimum superstitione religionis uoluisset euertere, restitit ei multitudo gentiliū, adeo, ut non absque iniuriā sit repulsus. Itaq; secessit ad proxima loca, ibiq; per triduū cilicio tectus & cinere, ieiunans semper atq; orans precabatur Dominum, ut quia templum illud euertere humana manu non potuisset, uirtus illud diuina dirueret. Tum subito ei duo angeli hastati, scutatiq; instar militiæ cœlestis se obtulerunt, dicentes missos se à Domino, ut rusticam multitudinem fugarent, præsidiumq; Martino ferrent, ne quis, dum templum dirueretur, obsisteret. Rediret ergo, &
opus

Opus coeptum deuotus implet. Ita reuersus ad uicum, spectantibus gentilium turbis, & quiescentibus, dum profanam ædem usq; ad fundamenta dirueret, aras omnes atq; simulachra redegit in puluerem. Quo uiso rustici cum se intelligerent diuino nutu obstupefactos, atq; perterritos, ne episcopo repugnarent, omnes ferè in Iesum Christum dominum crediderunt, clamantes palam, & confitentes, deum Martini esse colendum, idola negligenda, quæ sibi adesse non possent.

Quid etiam in pago Eduorum gessit, referam, ubi dum templum istud euerteret, furens gentilium rusticorum in eum irruit multitudo. Cumq; unus audacior cæteris stricto eum gladio peteret, reiecto pallio nudam ceruicem percussuro præbuit. Nec cunctatus ferire gentilis. Sed cum dexteram altius extulisset, resupinus ruit, cōsternatusq; diuino metu, ueniam precabatur.

Nec dissimile huic fuit illud, cum eum idola destruentem, cultro quidam ferire uoluisset, in ipso ictu ferrum ei de manibus excussum non comparuit. Plerunq; autem contradicentibus sibi rusticis, ne eorum fama destrueret, ita prædicatione sancta gentilium animos mitigabat, ut luce eis ueritatis ostensa, ipsi sua templa subuerterent.

Curationū uero tam potens in eo gratia erat, ut nullus ferè ad eum ægrōtus accesserit, qui non continuo receperit sanitatem. Quod uel ex consequenti liquebit exemplo. Treueris puella quædam dira paralyss ægitudine tenebatur, ita ut iam per multum tempus nullo ad humanos usus corporis officio fungeretur, omni ex parte præmortua, uix tenui spiritu palpitabat. Tristes ad solam funeris expectationem assistebant propinqui, cum subito nunciatur, ad ciuitatem illam uenisse Martinum. Quod ubi puellæ pater comperit, cucurrit exanimis pro filia rogaturus. Et forte Martinus iam ecclesiam fuerat ingressus. Ibi inspectante populo, multisq; alijs episcopis præsentibus, eiulans senex genua eius amplectitur, dicens: Filia mea moritur misero genere languoris, & quod ipsa est morte crudelius, solo spiritu uiuit, iam carne præmortua: Rogo, ut eam adeas, atque benedicas: confido enim, q; per te reddenda sit sanitati. Qua ille uoce confusus obstupuit, & refugit, dicens, hoc suæ non esse uirtutis, senem errare iudicio, non esse se dignum, per quem dominus signum uirtutis ostenderet. Perstare coepit uehementius flens pater, & orare, ut exanimem uisitaret. Postremo à circūstantibus episcopis ire compulsus, descendit ad domum puellæ. Ingens turba pro foribus expectabat, quidnam Dei seruus esset factururus. Ac primum, quæ erant illius familiaria in istiusmodi rebus arma, solo prostratus orauit: deinde ægram intuens, dari sibi oleum postulat. Quod cum benedixisset, in os puellæ uim sancti liquoris infudit, statimq; uox reddita est. Tum paulatim singula contactu eius coeperunt membra uiuiscere, donec firmatis gressibus, populo teste surrexit.

Oo Eodemq;

Eodemq; tempore Tetradij cuiusdam proconsularis uiri seruus dæmonio correptus dolendo exitu cruciabatur. Rogatus ergo Martinus, ut ei manum imponeret, deduci eum ad se iubet. Sed nequam spiritus nullo proferri modo ex cella, in qua erat, potuit, ita in aduenientes rabidis dentibus sæuebat. Tum Tetradius ad genua beati uiri aduoluitur, orans, ut ad domū, in qua dæmoniacus habebatur, ipse descenderet. Tū uero Martinus negat se profani & gentilis hominis domum adire non posse: nam Tetradius eodem tempore adhuc gentilitatis errore implicatus tenebatur. Spondet ergo se, si de puero dæmon fuisset exactus, Christianum fore. Ita Martinus imposita manu puero, immundum ab eo spiritum eiecit. Quo uiso Tetradius dominum nostrum Iesum Christum credidit, statimq; catechumenus factus, nec multo post baptizatus est, semperq; Martinum salutis suæ auctorem miro coluit affectu.

Per idem tempus in eodem oppido ingressus patrisfamilias cuiusdā domū, in limine ipso restitit, dicens, horribile in atrio domus dæmonū se uidere. Cui cum, ut discederet, imperaret, quendam ē familiā, qui in interiore parte ædium morabatur, arripuit. Sæuire dentibus miser corripit, et obuios quoscunq; laniare. Commota domus, familia turbata, populus in fugam uersus. Martinus se furenti obiecit, ac primū stare ei imperat. Sed cum dentibus fremeret, hiantiꝫ ore morsum minaretur, digitos ei Martinus in os intulit. Si habes, inquit, aliquid potestatis, hos deuora. Tum uerò ac si candens ferrum faucibus accepisset, longe rediit, etis dentibus digitos beati uiri uitabat attingere. Et cum fugere de obfesso corpore poenis & cruciatibus cogeretur, nec tamen exire ei per os liceret, foeda relinquens uestigia, fluxu uentris egestus est.

Interea cum de metu atq; impetu Barbarorum subita ciuitatem fama turbasset, dæmoniacum ad se exhiberi iubet, imperat, an uerus esset hic nuncius, fateretur. Tunc confessus est sexdecim dæmones fuisse, qui rumorem hunc per populum disseminassent, ut hoc saltem metu ex illo Martinus oppido fugaretur, barbaros nihil minus quam irruptionem cogitare. Ita cum hæc immundus spiritus media in ecclesia fateretur, metu & turbatione præsentis ciuitas liberata est.

Apud Parisium uerò, dum portam illius ciuitatis magnis secum turbis euntibus introiret, leprosum miserabili facie, horrentibus cunctis, osculatus est, atque benedixit: statimq; omni malo emundatus, postero die ad ecclesiam ueniens nitenti cute, gratias pro sanitate, quam receperat, agebat.

Sed nec hoc prætereundū est, q̃ fimbriæ uestimentis eius, cilicioꝫ detractæ crebras super infirmantibus egere uirtutes. Nam cum aut digitis illigatæ, aut collo inditæ sunt, persepe ab ægrotantibus morbos effugauerunt.

Arburius aut uir præfectorius, sancti admodum & fidelis ingenij, cum

cum filia eius grauissimis quartanae febribus ureretur, epistolam Martini, quae casu ad eum delata fuerat, pectori puellae in ipso accessu ardoris inseruit, statimque fugata febris est. Quae res apud Arborium tantum ualuit, ut statim puellam deo uoueret, & perpetuae uirginitati dicaret, profectusque ad Martinum, puellam ei praesens ob uirtutum eius testimoniū, quae per absentem licet curata esset, obtulit, neque ab alio eam, quam a Martino habitu uirginitatis imposito passus est consecrari.

Paulinus uero uir magni postmodum futurus exempli, cum oculū grauiter dolere coepisset, & iam pupillam eius crassior nubes superducta texisset, oculum ei Martinus penniculo contigit, pristinamque ei sanitatem, sublato omni dolore, restituit.

Ipse autem cum casu quodam esset de coenaculo deuolutus, & per confragrosos scalae gradus decidens, multis uulneribus esset affectus, cum exanimis iaceret in cellula, & immodicis doloribus cruciaretur, nocte ei angelus uisus est eluere uulnera, & salubri unguento contusi corporis membra contingere, Atque ita postero die restitutus est sanitati, ut nihil unquam pertulisse incommodi putaretur. Sed quia longum est, ire per singula, sufficiant haec, uel pauca de plurimis; satisque sit, nos & in excellentibus non subtrahere ueritatem, & in multis uitare fastidium.

Atque ut minora tantis inseram, quamuis, ut est nostrorum aetas temporum, quibus iam deprauata omnia, atque corrupta sunt, penè precipuum sit, adulationi regiae sacerdotalem non cessasse constantiam, cum ad imperatorem Maximum ferocis ingenij uirum, & bellorum ciuilitum uictoria elatum, plures ex diuersis partibus Episcopi conuenissent, & foeda circa principem omnium adulatio notaretur, seque degeneri inconstantia regiae clientelae sacerdotalis dignitas subdidisset, in solo Martino apostolica auctoritas permanebat. Nam & si pro aliquibus supplicandum regi fuit, imperauit, potius quam rogauit. Et a conuiuio eius frequenter rogatus abstinuit, dicens, se mense eius participem esse non posse, qui imperatores, unum regno, alterum uita expulisset. Postremo cum Maximus se non sponte sumplisse imperium affirmaret, sed impositam sibi a militibus diuino nutu regni necessitate armis defendisse, & non alienam ab eo Dei uoluntatem uideri, penes quem tam incredibili euentu uictoria fuisset, nullumque ex aduersarijs nisi in acie occubuisse. Tandem uictus uel ratione, uel precibus, ad conuiuium uenit, mirum in modum gaudente rege, quod id impetrasset. Conuiuae autem aderant, ueluti ad diem festum euocati, summi, atque illustres uiri, praefectus idemque consul Euodius uir, quo nihil unquam illo iustius fuit, comites duo, summa praediti potestate, frater regis & patruus, Medius inter hos Martini presbyter accubuerat. Ipse autem sellula iuxta regem posita confederat. Ad medium ferè conuiuium (ut moris est) paterant

O o ij regi

regi minister obtulit. Ille sancto admodum episcopo dari potius iubet, expectans, atque ambiens, ut ab illius dextera poculum sumeret. Sed Martinus ubi ebibit, pateram presbytero suo tradidit, nullum scilicet existimans digniorem, qui post se prior biberet: nec integrum sibi fore, si aut regem ipsum, aut eos, qui à rege erant proximi, presbytero prætulisset. Quod factum Imperator, omnesque, qui tunc aderant, ita mirati sunt, ut hoc ipsum eis, in quo contempti fuerant, placeret, celeberrimumque per totum palatium fuit, fecisse Martinum in regis prandio, quod in infimorum iudicum conuiuijs Episcoporum nemo fecisset. Eidem quoque Maximo longe ante prædixit futurum, ut si ad Italiam pergeret, quo ire cupiebat, bellum Valentiniano Imperatori inferens, sciret se primo quidem impetu futurum esse uictorem, sed paruo post tempore esse periturum: Quod quidem ita uidimus. Nam primo aduentu eius Valentinianus in fugam uersus est. Deinde post annum ferè resumptis uiribus, captum intra Aquileiæ muros Maximum interfecit.

Constat autem, etiam angelos ab eo plerumque uisos, ita ut conferto inuicem apud eum sermone loquerentur. Diabolum uero tam conspicabilem, & subiectum oculis habebat, ut siue se in propria substantia contineret, siue in diuersas figuras, specialesque nequitias transtulisset, qualibet ab eo sub imagine uideretur. Quod cum diabolus sciret se effugere non posse, conuiuijs eum frequenter urgebat, quia fallere non posset insidijs.

Quodam aut tempore cornu bouis cruentum in manu tenens, cum ingenti fremitu cellulam eius irrupit, cruentamque ostentans dexteram, & admissio recenti scelere congaudens, Vbi est, inquit, Martine uirtus tua? Vnum de tuis modo interfeci. Tunc ille conuocatis fratribus, refert, quid diabolus indicasset. Sollicitos esse præcepit per cellulas singulorum, quisnam hoc casu fuisset affectus. Neminem quidem deesse de monachis, sed unum rusticum mercede conductum, ut uehiculo ligna deferret, isse ad syluam, nunciant. Iubet igitur aliquos ire ei obuiam. Iam haud longe à monasterio iam penè exanimis inuenitur. Extremum tamen spiritum trahens, indicat fratribus casum mortis & uulneris, iunctis scilicet bubus, dum dissoluta arctius lora cōstringit, bouem sibi excusso capite inter inguina cornu iniecisse. Nec multo post uitam finiuit. Vides tis, quo iudicio domini diabolo data fuerit hæc potestas. Verum in Martino illud mirabile erat, quod non solum hoc, quod supra retulimus, sed multa istiusmodi, si quoties accidissent, longe ante præuidebat, & sibi nunciata fratribus indicabat.

Frequenter autem diabolus, dum mille nocendi artibus sanctum uirum conaretur illudere, uisibilem se ei formis diuersissimis ingererat. Nam interdum in Iouis personam, plerumque Mercurij, per se præterea in se Veneris

Veneris ac Mineruæ transfiguratum uultibus offerebat. Aduersus quem semper interritus signo se crucis, & orationis auxilio protegebat. Audiebantur plerumque conuitia, quibus illum turba daemonum proteruis uocibus increpabat. Sed omnia falsa & uana cognoscens, non mouebatur obiectis. Testabantur etiam aliqui ex fratribus, audisse se daemonem proteruis Martinum uocibus increpantem, cur intra monasterium aliquos ex fratribus, qui olim baptismum diuersis erroribus perdidissent, conuersos postea recepisset, exponentem singulorum crimina, Martinum diabolo repugnantem respondisse constanter, antiqua delicta melioris uitæ conuersione purgari, & per misericordiam domini absoluendos esse peccatis, qui peccare desinerent. Contradicente diabolo, non pertinere ad ueniam criminosos, & semel lapsis nullam à domino præstari posse clementiam. Tunc in hanc uocem fertur exclamasse Martinus: Si tu ipse o miserabilis ab hominum infestatione desisteres, & te factorum tuorum uel hoc tempore cum dies iudicii in proximo est, poeniteret, ego tibi uere confisus in domino, Christi misericordiam pollicerer. O quam sancta de Domini pietate presumptio, in qua & si auctoritatem præstare non potuit, ostendit affectum. Et quia de diabolo eiusque artibus sermo exortus est, non ab re uidetur, licet extrinsecus, referre, quod gestum est: quia & quædam in eo Martini uirtutum portio est, & res digna miraculo, recte memoriæ mandabitur in exemplum cauendi, si quid deinceps uispiam tale contigerit.

Clarus quidam nomine, adolescens nobilissimus, mox presbyter nunc felici beatus excessit, cum relictis omnibus se ad Martinum contulisset, breui tempore ad summum fidei, uirtutumque omnium culmen enituit. Itaque cum haud longe sibi ab episcopi monasterio tabernaculum constituisset, multique fratres commorarentur apud eum, iuuenis quidam ad eum Anatolius nomine, sub professione monachi omnem humilitatem, atque innocentiam mentitus accessit, habitauitque aliquandiu in commune cum cæteris. Deinde procedente tempore angelos apud se loqui solere dicebat. Cum fidem nullus adhiberet, signis quibusdam plerisque ad credendum cohortabatur. Postremo eoque processit, ut inter se, ac Deum angelos discurrere prædicaret, iamque se unum ex prophetis haberi uolebat. Clarus tamen nequaquam ad credendum cogi poterat. Ille autem ei iram domini, & præsentis plagas, cur sancto non crederet, comminatus, postremo in hanc uocem fertur erupisse: Ecce hac nocte uestem mihi candidam dominus de cælo dabit, qua indutus in medio uestrum diuersabor, idque uobis signum erit, me in dei esse uirtute, quod dei ueste donatus sim. Tunc uero grandis omnium ad hanc professionem expectatio fuit. Itaque ad mediam ferè noctem fremitu insultantium commoueri omne monasterium loco uisum est. Cellulam autem, qua idem adolescens continebatur, crebris cerneret micare luminibus, fremitusque in ea

O o iij discurs

discurrentium, & murmur quoddam multarum uocum audiebatur. Deinde facto silentio, egressum unū de fratribus Sabatium nomine ad se uocat, tunicamq; ei, qua erat indutus, ostendit. Obstupefactus ille conuocat ceteros. Ipse etiam Clarus accurrit, adhibitoq; lumine uestem omnes diligenter inspiciunt. Erat autem summa mollicie, candore eximio, micanti purpura, nec tamen cuius esset generis aut uelleris, poterat agnosci. Curiosius tamen oculis, aut digitis attrectata, non aliud, quam uestis uidebat. Interea Clarus fratres admonet orationi insistere, ut manifestius eis dominus, quid nam esset, ostenderet. Itaque reliquum noctis hymnis psalmisq; consumitur. At ubi illuxit dies, apprehensum dextera trahere ad Martinum uolebant, bene conscij, illud illum diaboli arte nō posse. Tunc uero reniti ac reclamare miser coepit, interdictumq; sibi esse dicebat, ne se Martino ostenderet. Cumq; inuitum eum ire compellerent, inter trahentium manus uestis euauit. Vnde quis dubitet, hanc etiam Martini fuisse uirtutem, ut phantasiā suā diabolus, cum erat Martini oculis ingerenda, dissimulare diutius aut tegere non posset.

Animaduersum est tamen eodem ferē tempore fuisse in Hispanijs iuuenem, qui cum sibi multis signis auctoritatem paruisset, eousq; elatus est, ut se Heliam profiteretur. Quod cū pleriq; temere credidissent, addidit, ut se Christum esse diceret. In quo etiam adeo illudit, ut eum quidam episcopus Ruffus nomine, ut dominū adoraret propter quod eum postea ab episcopatu deiectum uidimus. Pleriq; etiam nobis e fratribus retulerunt, eodem tempore in oriente quendam extitisse, qui se Ioannem esse iactitaret. Ex quo conijcere possumus, istiusmodi pseudoprophetas existentibus Antichristi aduentum imminere, qui iam in istis mysterium iniquitatis operatur.

Nec enim prætereundum uidetur, quanta Martinum sub iisdem diebus diabolus arte tentauerit. Quadam enim die præmissa prece, & circumiectus ipsa luce purpurea, quo facilius claritate assumpti fulgoris illuderet, ueste etiam regia indutus, diademate ex gemmis auroq; redimitus, calceis auro illitis, sereno ore, læta facie, ut nihil minus quam diabolus putaretur, oranti in cellula astitit. Cumq; Martinus primo aspectu eius fuisset hebetatus, diu multumq; ambo silentiū tenuerunt. Tum prior diabolus: Agnosce, inquit, Martine quē cernis, Christus ego sum. Descēsurus ad terras, prius me manifestare tibi uolui. Ad hæc cū Martinus taceret, nec quicquam responsi referret, iterare ausus est diabolus professionis audaciam: Martine, quid dubitas credere, cū uideas? Christus ego sum. Tum ille reuelante sibi spiritu, ut intelligeret diabolum esse, non deum: non se inquit, dominus Iesus purpuratum, & diademate renitentem uenturum esse prædixit. Ego Christum, nisi in eo habitu & forma, qua passus est, nisi Crucis stigmata proferentem, uenisse non credam. Ad hanc ille uocem statim ut fumus euauit, & cellulam tanto f

tore

store compleuit, ut idubia indicia relinqueret diabolum se fuisse. Hoc ita gestum, ut supra retulimus, ex ipsius Martini ore cognoui, ne quis forte existimet fabulosum. Nam cum olim audita fide eius uita, atq; uirtutibus desiderio illius æstuaremus, gratam nobis ad uidendum eum peregrinationem suscepimus. Simul, quia iam ardebat animus illius scribere uitā, partim ab ipso, inquantum ille interrogari potuit, sciscitati sumus, partim ab ijs qui interfuerant, uel sciebant, cognouimus. Quo quidem tempore credi non potest, qua me humilitate, qua benignitate suscepit, congratulatus plurimum & gauisus in domino, quod tanti esset habitus à nobis, quem peregrinatione suscepta expetissemus. Miserrum me, penè nō audeo confiteri, cum me sancto conuiuio suo dignatus est adhibere. Aquam manibus nostris ipse obtulit, ad uesperum aut ipse nobis pedes abluit. Nec reniti aut contraire constantia fuit. Ita illius auctoritate oppressus sum, ut nefas putarem si non acquieuissem. Sermo aut illius non alius apud nos fuit, quam mundi huius illecebras, & sæculi onera relinquenda, ut dominum Iesum liberi expeditiq; sequeremur. Præstantissimumq; nobis præsentium temporum illustis uiri Paulini, cuius supra mentionem fecimus, exemplum igerebat, qui summis opibus abiectis Christum secutus, solus penè his temporibus euangelica præcepta compleisset. Illum nobis sequendum, illum clamabat imitandum, beatumq; esse præsens sæculum tantæ fidei, uirtutisq; documento, cum secundum sententiam domini diues & possidens multa, uendendo omnia, & dando pauperibus, quod erat factu impossibile, possibile fecisset exemplo. Iam uero in uerbis & confabulatione eius, quanta grauitas, quanta dignitas erat. Quam alacer, q̃ efficacax, q̃ in exsoluendis scripturarum quæstionibus promptus, & facilis? Et quia multos ad hanc partem incredulos scio, quippe quos uiderim, me ipso etiam referente, non credere, Iesum testor, spemq; cōmunem, me ex nullius unq; ore tantum scientiæ, tantum ingenij, tam boni, & tam puri sermonis audisse. Quanq; in Martini uirtutibus quantula est ista laudatio? Nisi q̃ mirū est, homini illiterato ne hanc quidem gratiam defuisse. Sed iam finem liber postulat, sermo claudendus est. Non quod omnia, quæ de Martino fuerant dicenda, defecerint, sed quia nos ut inertes poëtæ, extremo in opere negligentes, uicti materiæ mole succumbimus. Nam & si facta illius explicari uerbis utcūq; potuerunt, interiorē uitam illius, & quotidianam conuersationem, & animum cœlo semper intentum. Nulla unquam (uc̃re profiteor) nulla explicat oratio, illam scilicet perseverantiam, & temperamentum in abstinentia, & ieiunijs, potentiā in uigilijs, & orationibus, noctesq; ab eo perinde ac dies actas, nullumq; uacuū ab opere Dei tempus, quo uel ocio indulserit, uel negotio, sed ne cibo, aut somno quidem: nisi inquantum naturæ cogebat necessitas. Vere fatebor non si ipse (ut aiunt) ab inferis Homerus emergeret, posset exponere, adeo omnia maiora

DE S A N C T I S

nia maiora in Martino sunt, quam ut uerbis concipi queant. Nunquam hora ulla momentumq; præterijt, quod non aut orationi incumberet, aut insisteret lectioni, quanq; etiam inter legendū, aut si quid aliud fortè agebat, nunq; animum ab oratione laxabat. Nimirum ut fabris ferrarijs moris est, qui inter operandum pro quodam laboris leuamine incudem suam feriunt, ita Martinus etiam dum aliud agere uideretur semper orabat. O uere beatus, in quo dolus non fuit, neminem iudicans, neminem damnans, nulli malum pro malo reddens. Tantam quippe aduersum omnes iniurias patientiam assumpserat, ut cum esset summus sacerdos, impune etiam ab infimis clericis læderetur, nec propter id eos aut loco unquam amouerit, aut à sua, quantum in ipso fuit charitate, repulerit. Nemo unquam illum uidit iratum, nemo moerentem, nemo ridentem. Vnus idemq; semper coelestem quodāmodo lætitiā uultu præferens extra naturam hominis uidebatur. Nunquam in illius ore nisi Christus, nunquam in illius corde nisi pietas, nisi pax, nisi misericordia inerat. Plerunq; etiam pro eorum, qui obtrectatores illius uidebantur, solebat flere peccatis, qui remotum, & quietum uenenatis linguis, & uipereo ore carpebant. Et uere nonnullos experti sumus inuidos uirtutibus uitæq; eius, qui in illo oderant, quod in se non uidebant, & quod imitari non ualebant. Atq; o nephas dolendum, & ingemescendum, non alij fuere insectatores eius, licet pauci admodum, non alij tamen, quam episcopi ferebantur. Nec uero quenq; nominare necesse est, licet nosmetipsos pleriq; circumlatrent. Sufficit, ut si quis ex ijs hæc legerit, & agnouerit, erubescat. Nam si irascitur, de seipso dictum fatebitur, cum fortasse nos de alijs senserimus. Non refugimus autem, ut si qui eiusmodi sunt, nos quoq; cum tali uiro oderint. Illud facile confido, omnibus sanctis opusculum istud gratum fore. De cætero si quis hæc infideliter legerit, ipse peccabit. Ego mihi conscius sum, me rerum fide, & amore Christi impulsus ut scriberem, manifesta exposuisse, & uera dixisse. Paratumq; (ut spero) habebit à Deo præmium, nō quicumq; legerit, sed quicumq; crediderit.

DE S. MARTINO.

Ex Fortunato
to Presbyt.

DEniq; cum tunicam facer ipse dedisset egenti,
Ac sibi pars tunicæ reddita parua foret,
Quod non texerunt manicæ per brachia curtæ,
Visa tegi gemmis est manus illa uiri.
O nimium foelix, cui contigit inuice lanæ
Nobilium lapidum lumine membra tegi.
Ut cum adhuc cinere aspersus foret atq; fauillis,
Artifice angelico gemmeus iret homo. &c.

S. Brixius

S. BRIXIVS EPISC. TVRO

nensis.

Brixius diui Martini diaconus fuit, postea successit illi in episcopali cathedra, homo primis quidem uitæ suæ temporibus parum laudatus, sed episcopus factus, multis uirtutibus clarere coepit. Hoc iuvene exercita fuit Martini patientia, & probata longanimitas. Nam crebris conuitijs sanctum uirum discerpfit, delirum ac stollidum caput appellans, indignisq; irridens modis. Atq; hoc scilicet premij prestitit ei à quo fuerat tot officijs ab ipsa statim pueritia subleuatus. Nostræ hic ecclesiæ Socrates quidam, quippe qui domi pati didicit, ut foris pati possit. Ad eum propè modum exercuit S. Paulum Ioannes Marcus & Demas, ac Hilarionem Adrianus discipulus, domestica hæc nostri Adæ flagella. Verum progressu temporis multum aduersitatis illum pertulisse, & de afflictato Martino poenas dedisse tradunt. Subscribam de Brixio nonnihil ex Seuero Sulpitio. Quodam itidem die, dum in area, quæ parua admodum tabernaculum illius ambebat, in illo suo, quod noctis omnes, sedili ligneo resedisset, uidit duos dæmones in excelsa illa, quæ monasterio supereminet, rupe consistere, inde alacres, ac lætos uocem istiusmodi adhortationis emittere: Eia te Brixie, eia te Brixie. Credo, cernebant miserum eminus propinquantem, conscij quantam illi rabiem spiritus suscitassent. Nec mora Brixius furibundus irrupit, ibi plenus insaniam euomit in Martinum mille contumelia. Obiurgatus enim pridie ab eo fuerat, cur, qui nihil unquam ante clericatum, quippe qui in monasterio ab ipso Martino nutritus, habuisset, equos aleret, mancipia compararet? Nam illo tempore arguebatur à multis, quod non solum pueros, sed etiam puellas scitis uultibus coemisset. Quibus rebus infelicissimus, infano felle commotus, & (ut credo) præcipue dæmonum illorum agitatus instinctu, Martinum ita aggressus est, ut uix manibus temperaret. Cum quidem sanctus uultu placido, mente tranquilla infelicis amentiam per mitia uerba cohiberet. Sed ita in eo nequam spiritus redundabat, ut ne sua quidem illi quamuis uana admodum mens subesset, trementibus labijs, incertoq; uultu decolor præ furore rotabat uerba peccati, se asserens sanctiorem, quippe qui à primis annis in monasterio inter sacras ecclesiæ disciplinas, ipso Martino educante creuisset, Martinum uero à principio, quod ipse diffiteri non posset, militiæ artibus sorduisse, & nunc per inanes superstitiones, & phantasmatica usionum ridicula prorsus inter deliramenta senuisse. Hæc cum multa, atque alia etiam, quæ reticere melius est, acerbiora uomuisset, egressus tandem furore satiato, quasi qui se penitus uindicasset, rapidus ea parte, qua uenerat, recurrebat. Cum interea (credo per Martini orationes, fugatis ab illius corde dæmonibus) reductus in poenitentiam mox reuertitur, atq; ad Martini se genua prostermit, ueniam poscens fatetur errorē, nec sine

Pp

dæmone

dæmone se fuisse tandem sanior confitetur. Non erat apud Martinum labor iste difficilis, ut ignosceret supplicanti. Tum & ipsi, & nobis omnibus exposuit, qualiter illum uidisset à dæmonibus agitari, se conuictis non moueri, quæ magis illi, à quo essent effusa, nocuissent. Exinde cum idem Brixius multis apud eum magnisq; criminibus persæpe premeretur, cogi non potuit, ut eum à presbyterio summoueret, ne suam persequi uideretur iniuriam, illud sæpe cōmemorans. Si Christus ludam passus est, cur ego non patiar Brixium? Raph. Volater. lib. xiiij. Anthropol. Frontinus Britius, inquit, præsul Turonensis, Martino successit, cui aliquando aduersarius fuit diaconus: deinde sanctitate emicuit, &c. Antho. Sabellic. lib. x. hoc exempli de Brixio describit: Pari infamia perfusus Brixius Turonensis antistes primo pueri nondum menstrui usus est testimonio, qui Christi nomine rogatus, negauit Brixium esse patrem, ascribere prodigiosum affatum æmuli magicæ arti, ardentem prunam pius antistes in sinum collectam per populum impune circumtulit, neq; id miraculum obstitit, quo minus dignitate priuaretur, &c.

S. ELISABETH REGINULA.

Georg. Vindelici.

Hoc optimū spoliū ex Hungaria retulit ecclesia nostra Christoq; sponso grata reddidit. Atq; o Hungariam uel hoc uno nomine celeberrimam, quæ Germanis nobis talem thesaurum protulit. Hæc demum erat materla, de qua sibi spiritus Domini tam sanctum templum fabricauit. Fuit hæc Elisabeth filia regis Hungarici Andree, filij Bele Tertij. Mater huius Gertrudis, natione Germana. Mirū uerò dictū, q̃ intra ipsos pueritiæ annos, præclarum pietatis specimen dederit. Quinquennis etiamdum præludit ad illud disciplinæ fastigium, in quo iam adulta clarissimis operibus emicuit. A ludis nugisq; puerilibus abstinuit, & uix quoq; aulico animaduertente, paulatim rebus seriis assueuit, præter gratis morē. Inerant in puellulæ pectusculo scintille quædam cœlestis spiritus, quibus accensa, nullis aulae regiæ uoluptatibus capiebatur. Septennis cœpit esse religiosula, quotidie penè templi limina terens, humi prostrata Deo supplicans ad nocturnam obsecrationem uigilans, & delicatis illis manusculis donariola mendicis obtrudens. Nec sat habuit, quod ipsa religiose Deum coleret, nisi coætaneas etiam ac socias puellas hortaretur eò. Inter illas cum esset aliquando ducenda chorea, non potuit induci, ut uno plures circuitus faceret. Vnum, inquam, mundo placando dedi, reliquos honorando Deo intermittam. Quo suo exemplo complusculas à lasciuæ saltationis consuetudine auocauit. Iam adultior, quippe nubilis, & principi Duringi Germanorum Ludeuico in uxorem data, morem gerit parentibus, ac demigrat ad nos Teutonas, principis futura coniunx, ut Christo, quem habebat sponso chariorem

ehariorem, prolem letam gigneret. Et o sacrum coniugium, in quo proba matrona mentis omni orbi tot uirtutibus innotuit. Vitae statum mutauit, non affectu. Hungarica uirgo Dei Opt. Max. seruitio mirum in modum antehac addicta fuit, nunc foemina Duringica, ultro quam eredi queat, eidem Deo nostro, qui est benedictus super omnia, totis uiribus, tota anima, totoque corde seruiuit: nec quid omnium prius habuit, quam maiestati tanti regis placere. Saluo matrimonij iure, atque adeo consentiente marito, de nocte ad preces surgere consuevit, quam ob rem saepe numero secubuit. Precibus addebat lachrymas, quo penetrantiores essent eae, diuinisque digniores auribus. In publicis rogationibus incedebat discalciata, in stationibus inter pauperculos ambiebat locum. Et ipsa si ubi multam indixerat, sic ubi foret in quotidiano Dei cultu segnior. Caezum quod ad mundum muliebrem attinet, nulla conditionis etiam infirmae foemina uilius uestita fuit: maxime a uiri obitu. Et illo tam abiecto uestitu, non hypocritice, sed euangelice usa, hoc saeculum nequam pudefecit. Nullus in hoc gynaeceo fastui, aut ornatui illecebroso locus, nulla hic pompae cura, cessant aulae leges, exularat amor spectaculorum. In esu ac potu hac principe foemina nihil frugalius, nihil moderatius. Quin studiose etiam uitauit lautiores cibos, interim plebeis edulijis uescens. Tum uero magis abhorrebat a conuiuijs opiparis, quoties secum reputauit, principes subditorum laniatu ditescere, & pinguescere sudore alieno. Nec tulit, ut gynaeceum ulla afortiae & popinationis istius aulicae, non enim dicam diabolicae macula infamaretur, nimirum disciplinae a Thrasybulo monacho suo traditae retinentissima. Maluit enim mendico monacho, quam diuiti episcopo, pietatis magistro, ac ergo diocta praestrenuo in lubricitate uitae huius uti. Inedia corpus macerare, egregium semper fuit in ecclesia. Iam si quaeras, quomodo se erga proximum suum gesserit, in confesso est, non uixisse mulierem, quae in benefaciendo precellentior extiterit. Neque enim temere mater pauperum uocata est. Nudos quoscunque uspiam conspexit, textit, atque id de suis interdum uestibus, quoties ad manum non erat, unde daret dilectione feruentissima mulier. Exhaustit aliquoties granarium, dum prospicit famelicis, dum curat, ne egeant pauperum infantes, desolatae uiduae, aegroti mercenarii. His colligendis extruxit prochodochium Isennachi in decliui montis cuiusdam, ubi arx sita est, a specula nomen ducens. Nam eo in castro cum Lodouico principe coniuge suo uitam egit. Quo loco paucis ante annis uetustis monumentum, uidelicet fontem bonitate celebrem uidimus, quo Elisabetham languidorum capita lauisse hodie constans ac perpetua fama est apud incolas eius prouinciae. Nunc inuersa illic religione, templum eo loci memoriae tam pia principisse sacrum in bouile uersum est. Huc autem solebat frequentissime descendere, pauperes suos reuiscere, & quod maius est in tanta foemina, ulcerosos Lazaritas lauare, tergere,

P p ij

fouere

fouere, ijs insuper ministrare, quando ad mensam accumberet. Nec sine dei peculiari dispensatione factum est, quod maritus huic tam raro uitae generi, hoc est, tam firmæ atque admirandæ uxoris pietati, neque sermone, neque ullo facto restitit: sed reliquit illam suo ingenio, nolens in ea spiritum extinguere. Annis aliquot exactis perfectus est princeps Lodouicus in Palæstinam, siue ut illic oraret ad sepulchrum Dominicum, siue ut aduersus Sarracenos pugnaret, pro focis arisque Christiani populi. Verum accidit, ut peregre moreretur. Cuius rei fama simulatque peruasisset ad Vuarburgensem aulam, ingens luctus obortus est. Quo completo, coepit innouari tota regionis administratio. Ilico cooriuntur in Elisabetham inimici procures, qui uiuo principe amicos præ se tulerant. Ab his infelix uidua castro pellitur, non aliter ac si fuisset ancillarum contemptissima. Sic, sic inquam uerum fit, quod ait Apostolus: Omnes qui in Christo uiuere uolunt, afflictionem pati oportere. Tum uero quid esse poterat calamitosius sancta illa matrona: orba uiro, spoliata domo, terrenis exuta bonis passim exulabat: & quæ in omnes fuerat munificentissima, à nemine tecto etiam recipiebatur. Nec est in hunc usque diem è uulgi sermone oblitteratum, quanta cum inhumanitate miseram tractarint Duringi. Quo factum, ut eam quasi illinc profligatam alio concedere oportuerit. Accessit ad calamitatem hoc quoque, quod præsul Brandenburgensis auunculus illi renubendum suaderet, cum nollet alteri misceri uiro, dum uiueret, utpote potestatem habens propriæ uoluntatis, sicut Apostolus inquit. Tandem consulente pio Thrafsybulo, relictis ingratis ciuibus, et liberis suis necessario cuidam ad alendum commissis, Marpurgum Hessianæ petiit, ubi, si unquam alias, pauperum curam cupidissime suscepit, constructis in hoc prochodochijs, ut de magnifico templo nihil dicam. Hic quotidie magis ac magis seipsam uicit humilitate, contemptu mundi, amore Dei. Quicquid supererat tam de regia dote, quam de residuo aulae Duringicæ, id omne dispersit inter egenos. Deo tota dedita noctu diuque uigilabat ad obsequium maiestatis eius, iam altera Maria contemplando, iam altera Martha operando. Ipsa suis manibus nunc nebat, nunc scribebat, non tam parandi uictus, quam uitandi ocij causa. Nihil erat tam abiectum, exiguumque et uulgare, cuius faciendi ipsam puduerit, si modo non inhonestum erat. Recusabat audire ab ancillis domina, ut quæ superbam istam usurpationem dominij illicitam putaret Christo sacris hominibus. Precationes energiticas ac operantes effundere, seu iaculari potius ad altissimum sæpe solebat, nec non uisiones uidere. Breuiter sic gessit Elisabeth, ut nihil in ea uel uirgine, uel coniuge, uel uidua desiderare possis, nimirum homo Dei existens omnibus numeris absoluta. Postremo uita ad finem pie ducta, febre corripitur, qua & mortua est in Domino, Anno M.CC.XXVI.

Facit huius Elisabethæ mentionem & Platina Cremonensis in Gregorio

gorio IX. Legi meretur etiam, quod de hac diua carmine scripsit H. Eo-
banus Heflus, in epist. sanctarum Heroidum. Antho. Sabellicus sic de
hac heroide scribit: Helisabeth regia domo orta, post uiri interitū, opib;
busq; bene consumptis, quum palliolo penē lacero amiceretur, omnis
hysq; despiciatissima occurreret, temerariæ mulieris occurſu, quam inter
gra fortuna, benigne iuuerat, foueratq; multa benignitate, ad terrā deie-
cta, coenocq; resperſa, non modo non grauiter tulit, sed subridēs statuit
se leniter in pedes: et quod contemptui fuisset spectantibus, tacite gauisa
est. Idem Sabellicus de eadem: Helisabeth, quæ tam humiliter uixit, q̃
clara est inter homines & illustris, regia fortuna, in qua orta fuerat, aut
lanam carpere ab oratione, aut texere, aut certē aliud serio operari, ne
per ocium & quietem ullum sibi tempus elaberetur, nullam (ut crede-
re æquum est) maiorem iacturam arbitrata, q̃ temporis, in quo sita est
uillcationis ratio, quam Euangelica celebrat historia. Item: Vix mere-
tur hæc quæ ſando audierit, aut legerit aliquando ab Elisabethæ regis
filia abduci solitas in secretū domesticas ancillas, hisq; herile corpus atro-
citer uerberandum præbuisse, fuitq; illud haud uno modo proficere,
nam & castitatem per hæc tueri, & patientiæ assuescere.

Elisabethæ huic sociā par est Flacillam Augustam, Græcis φιλαπῶνων
dictam, eo q̃ mendicos tam enixe foueret. Adnectam de hac uerba Eco-
clesiasticæ historiæ. lib. ix. cap. xxxj. Habebat igitur imperator & aliam
utilitatis occasionē, per quam de bonis operibus triumpharet. Cōiunx
enim eius de diuinis legibus eum sæpius admonebat, seipsam tamē per-
fecte prius erudiens. Non enim regni fastigijs eleuata est, sed potius di-
uino amore succensa. Beneficij namq; magnitudo maiorem ei amorem
benefactoris excitabat. Repente ergo ut uenit ad purpuram, claudorū
atq; debiliū maximam habebat curam, non seruis, non alijs ministris
utens, sed per seipsam agens, & ad eorū habitacula ueniens, & unicuiq;
quod opus haberet, præbens. Sic etiā per ecclesiarū xenodochia discurs-
rens, suis manibus ministrabat infirmis, ollas eorū tergens, ius gustans,
offerens coclearia, panem frangens, cibosq; ministrans, calices abluens,
& alia cuncta faciens, quæ seruis & ancillis mos est solenniter operari.
Illis autem, qui ei tales res nitebantur prohibere, dicebat: Aurum distri-
buere opus imperij est: ego aut pro ipso imperio hoc opus offero, bona
mihi omnia conferenti. Nam uiro suo sæpe dicebat: Oportet te semper
marite cogitare, quid pridem fueris, quid modo sis. Hæc si semper cogi-
taueris, ingratus benefactori non eris: sed imperium, quod suscepisti, les-
gitime gubernabis, & harum rerum placabis autorem, &c. An nō hæc
Flacilla & nostra Isabella eodem spiritu indutæ fuerūt? Quibus rectissis-
ime adiūxeris Marcellam uiduam, de qua Hieronymus noster ad Prin-
cipiam uirginem in hunc modum scribit: Neq; uerō Marcellam tuam,
imō meam, & ut uerius loquar, nostram, omniumq; sanctorum; et pro-

P p iij prie

prie Romane urbis inclytum decus institutis Rhetorum prædicabo, ut exponam illustrem familiam, alti sanguinis decus, & stemmata per proconsules & præfectos prætorio decurrentia. Nihil in illa laudabo, nisi quod proprium est, & eo nobilius, quod opibus & nobilitate contempta, facta est paupertate et humilitate nobilior. Orba patris morte, viro quoque post nuptias septimo mense priuata est, &c.

Nec prætercurrere debeo Pulcheriam imperatricem, de qua Nicephorus Græcus historiographus sic perdidit: Pulcheria beata & pia dormiuit in Christo, quæ multa bona fecit, & omnia sua pauperibus dereliquit, quæ Martiauus cum multa essent, alacriter dedit. Construxit autem eadem & multa oratoria, domosque pauperibus ac hospitibus, nec non sepulchra peregrinis ædificauit, inter quæ S. Laurentij martyris templum construxit. Hæc Nicephorus.

Erat & alia Elisabeth, dicta Saxonica, ordinis Monachici, sanctitatis opinione decantata, quæ scriptos quoque libros post se reliquisse fertur. Ni fallor, est hæc illa Elisabeth, cuius librum de arcanis uisionibus, D. Iacobus Stapulensis, Hermæ apostolici reuelationi adiunctum, in publicum edidit curauit, quibus etiam additæ sunt Apocalypses Vguetini, Roberti, Hildegardis, Mechtildis, &c.

Præter has prima omnium Elisabeth Iudæa uxor sancti sacerdotis, & Ioannis Baptistæ mater, uerbis amplissimis prædicanda est in omnibus ecclesijs. Huius sanctissimæ matris familias uitam pauculis depinxit S. Lucas Euangelista. Mulieres opulentæ auditæ, & facite secundum has tres, una quæque pro mensura gratiæ sibi datæ diuinitus.

S. CHRYSOGONVS MARTYR.

Ex Origene
suo Ro.



Chrysogonus Diocletiani Imperatoris iussu propterea, quod esset Christianus, Romæ iam biennium uinculis premebatur, sancta Anastasia ipsi, & multis alijs Christianis alimenta suggerente: Quum Diocletianus ex Aquileia Romam scripsit, ut cæteris Christianis, qui uincti custodiebantur interfectis, Chrysogonus ad se remitteretur. Aquileiam igitur delatus, Cæsari præfecturas & magnos honores sibi (si deos adoraret) pollicenti, respondit: Vnum deum mente colo, ueneror & adoro: ista deorum simulachra, tanquam malorum demonum thecas execror, & abominor. Tum imperatoris iussu ad locum, cui nomen erat Aquægradatæ, ductus. Ibidem decollatus est VIII. Calend. Decembris. Cuius corpus in mare proiectum, et postea in possessione, quæ dicitur ad Saltum, à Zoilo presbytero inuentum, in domo sua sepultum est.

De alio quodam Chrysogono legimus etiam, Aquileiæ monacho uidelicet, ad quem S. Hieronymus Epistolium scripsit.

Anastasia

ANASTASIA CVM SORORIB.



Anastasia Romanæ familiæ, patre ethnico, matre uero Christi ^{Georg. Vult-}
 stiana, catechista, seu institutore Chrysogono fidem Euangelii ^{celij.}
 licam bellè edocta, & agendo & patiendo declarauit, se times
 re deum cœli. Verum ut nonnullis alijs, ita huic quoq; Anastasiæ con
 nubium impar, nec ita stabile, supplicij occasio fuit. Nam Publio gentili
 homini, iubente patre, coniuncta, & nihilo minus officijs Christianæ re
 ligionis functa honestissima mulier, summū mariti odium incurrit. Bo
 num opus operata est Anastasia, ob id male tractatur à uiro. Quæris
 quidnam operis? Solebat Chrysogonum suum, cumq; hoc plures Chri
 stianos carceratos inuiscere & pascere. Puduic Publium impium p̃ssimū
 facinoris huius, nec ferre potuit beneficam uxorem. Conijcit ergo in car
 cerē, quæ carceratis ministrarat. Eam uero in uinculis immanissimis coe
 lestis pater haudquaquam dereliquit, nec deseruit. Leguntur epistolia
 Chrysogoni ad Anastasiam, & huius ad illam, quibus alterutrum cum
 consolantur in eadem afflictione carceris, tum exhortantur ad patiendū
 grauiora. Interea sorores eius Agapa, Thea, Irena, capite plectuntur, pro
 pter cōfessionem Christi Iesu. Felices ter, & amplius, animulas, quæ ob
 durare potuerunt in tanto agone. Publio tandē mortuo, liberatur Ana
 stasia carcere, & uictrix iam uehementius solito incumbit in bene ope
 randi studiū. Crux repetitur, foemina constans est. Dynastes iubet ado
 rare, iubet sacrificare, Anastasia non facit. Alius tyrannus iubet sibi dari
 opes, utpote quas habere uetuisset Christus. Illa respondente: Ergo ne
 tibi opulento, & non potius egenis dederim? Commotus ira, Christiana
 nam mulierem, continua inedia cruciandam in uincula protrusit. Dein
 ad palam religatæ ignem admouit, & corpus occidit, animam occidere
 non potuit. Eodem temporis spacio alij cōpluſculi ē Christianorū nu
 mero uarijs supplicijs perimuntur. Inter quos unus alacrior, quum ui
 disse opes sibi omnes eripi, elata uoce dixisse scribitur: Heus uiri, quod
 unum potestis auferte hinc, licet hoc quidem per me: tantūmodo Chris
 tum Iesum à me non auferatis. Facta sunt tempore Diocletiani.

Apud Nicephorum legitur de corpore sanctæ Anastasiæ, à Sirmio
 Constantinopolim delato, & reposito in templum eius in porticib. do
 mini. De eodem ibidem habentur hæc uerba: Vasto incendio Constan
 tinopoli facto, Marcianus œconomus ascendens super regulas sanctæ
 Anastasiæ, tenens Euangelium, orationibus & lachrymis illæsam do
 mum seruauit. Historiæ Tripart. lib. ix. cap. viij. & ix. scribit Sozome
 nus de templo Anastasiæ apud Constantinopolim: Nimirum, q̃ ab
 Anastasi, hoc est, à resurrectione isto nomine uocitetur. Eo enim loco
 Orthodoxia tanquā à mortuis surrexerit, Arianismo deuictō, præter
 quā quod ibi mortua puerpera, ui catholicæ precationis, reuixit.

Præsen

D E S A N C T I S
PRÆSENTATIO DEIPARÆ VIRGINIS.

Ex Baptista
Mantuan.

MOs erat antiquis longum seruatus in æuū,
 Æde puellares annos includere sacra,
 Ætatemq; deo teneram, primumq; dicare
 Virgineæ florem uitæ, & generare pudoris
 Ingenui curam, sanctosq; inducere mores.
 Mox ubi uestitum prima lanugine tempus
 Venerat, in thalamos ibant, Hymenæaq; tecta,
 Coniunctæq; uiris, proli indulgere solebant.
 Propterea legum memores, & moris auiti,
 Venturi Solymam trima cum prole parentes
 Deseruere solum, Galileæq; Nazaret arua
 Floribus intextis & odoro gramine cinxit
 Virginis ora parens, stellatæ lumina frontis
 Hærebant cœlo, teneroq; in pectore clausum
 Numen erat, niueo tunicæ talaris amictu
 Albebant humeri, quam circumtextus oliuæ
 Laureus ambibat torques, ad colla per imas
 In strophium flexis palma ibat frondibus oras,
 Matris opus, molliq; sinus uariauerat auro.
 Ventum erat ad magni templum sublime Tonantis,
 Quò ducunt ter quinq; gradus de marmore uiuo,
 Et iam porrectis curuabat prona lacertis
 Serua manus, summum ad limen latura puellam,
 Cum mox uirgineo conceptum pectore numen
 Affluit, & retrahens promptæ sinuata ministræ
 Brachia, debilibus plantis, animoq; uigorem
 Addidit, & supra ætatem fiducia creuit.
 Protulit audaces sublata Cyclade passus
 In sublime uolans uirgo, turbamq; relinquens.
 Sicut ubi multæ uolitant ad littora puppes:
 Ocuis illa subit portum, quæ mole minori
 Labitur, & melius uelis & remige fertur.
 Vertice iam summo magni penes atria templi
 Stabat, ubi ascensu fessos solata parentes
 Risit, & æternum curuato poplite numen
 Cum nuribus uenerata prijs, in claustra recessit
 Virgineæ secreta domus: fleuere parentes,
 Cognatæq; nurus, gemitumq; dedere ministræ,
 Quando è conspectu uultus abitura nitentes
 Vertit, & induxit sublatam in tecta sacerdos.

lamq;

Iamq; uigil primam uirgo perceperat artem,
 Assiduus ueterum studiis, oracula diuū
 Peruigiliq; legens cura, Mosemq; piūq;
 Esaiam, moestisq; uirum qui uersibus urbem
 Plorat, ab ingenio curas, à lumine somnus
 Sedula pellebat: paruo sua uota sacello
 Supplicibus palmis narrabat & ore supino
 Ocia nulla die carpens: nulla ocia nocte.
 Cura cibi, somniq; breuis, quæ pasceret artus.
 Pauperibus mensis genium fraudabat, & ora,
 Et castigato tolerans ieiunia uentre.
 Carmina discebat, sanctiq; poemata regis,
 Qui tetricis olim fidibus cantabat ad aras,
 Sacraq; fatidico psallebat ad orgia cantu.
 Quicquid habent sacrae diuina uolumina legis
 Lustrarat.
 Nunc lœnam pingebat acu, nunc pensa trahebat
 Serica, & immixtis per Licia pendula filis.
 Vela sacerdotum sacros texebat in usus,
 Terrenum nihil ore sonans, inclusa, latensq;
 Plena deo pectus, toti gratissima cœlo.
 Non robusta nimis, teneros neq; debilis artus:
 Incolumis, morboq; carens: non mole sepulti
 Corporea sensus: crines, caput, ora, sinusq;
 Brachia, colla, manus, postremaq; membra ligarat
 Solerti compage Deus: promptissima menti
 Ingenioq; acies, atq; insuperabile robur:
 Neruosaq; animo uires, semperq; uoluntas
 Iustitiæ, rectiq; memor, moderamine certo
 Discordes animæ motus, luxumq; domabat.

ADOLESCENTIA MARIÆ

uirginis.

Tunc igitur Solymas arces, charamq; reuisens
 Progeniem mater, sic est affata puellam:
 Nata, meo quondam suauissima pondera uentri,
 Dulce patris summi donum: mea summa uoluptas:
 Postq; parua lares nostros, & limina nota
 Liquisti, nuncq; ne tuæ te cura parentis,
 Vlla ne te patriæ mouit pietatis imago?
 Optasti ne sinus nostros intrare? senemq;
 Cernere, quem longæua grauant iam membra parentē?
 Debilitat uires, sensus obtundit, amorem

Qq

Diluit

Ex eodē Vergi
lio Christiano.

Diluit, & nobis affert obliuia tempus.
 Ipse pater sacra postq̃ te clausimus æde
 Quotidie menses digitis percurrit, & annos.
 Hæc duo lustra putat duo sæcula: sustinet egre
 Tam longæ tormenta moræ: iam uidimus, inquit,
 Æquæuas Mariæ thalamos intrasse puellas.
 Et quia maiores ætas tua uenit ad annos.
 Nam tibi: ni fallor: bis septima uoluitur ætas.
 Propterea natosq̃ uiro, nobisq̃ nepotes,
 Cultoresq̃ deo debes: satis æde morata es
 Nata redi, nostræq̃ libens succurre senectæ.

ANNÆ MATRI RESPON-

det filia Maria.

Thalamum fortasse subire,
 Atq̃ maritales potero coniungere tædas,
 Non poterit maculare meum Venus ulla cubile,
 Virgineumq̃ decus: custodiet ipse pudorem,
 Qui dedit hæc mihi uota pater, castiq̃ nitorem
 Corporis, & mentem nullum mihi polluet æuum:
 Sic stat, & immotum tenet hæc sententia pectus.

CECILIA VIRGO ET MARTYR.

Georg. Vii-
celij.

Romana hæc & bene nata Cecilia Christi Iesu discipula, sanctum Euangelium in corde gestans, ad cōfessionem oris semper gestijt inter medios idolatras patriæ suæ. Hæc desponsata Valeriano generoso iuueni, anxie cauit sibi, ne cum illo commixta inquireretur, atq̃ id tuendæ uirginitatis proposito, præterq̃ quod à consortio ethnici coniugis abhorruit, cui haud dubie præter uoluntatē suam a parentibus dicata, seu uerius adacta fuit, ut dextrę dextram iungeret. Fidem quidem coniugalem seruauit sponsa sponso, & est ueteri de more domum ducta, sed à congressu atq̃ contactu mariti pertinaciter abstinuit: atq̃ hoc non sine exorato consensu mariti. Existimes renouatū Iosephi ac Marię quantumuis rarum exemplum. Talis inquam connubij ueri uirginei occasione primū innotuit Romæ, Ceciliam Christianam non esse modo, sed pridem etiam fuisse, tametsi dissimulatius. Etenim apparatus perq̃ splendide nuptijs, ac amicis undiq̃ gratulātibus, lætoq̃ clamore omnia implentibus, nuces spargentibus, ipsa Celilia Christum cogitat. Et ne uideretur induilior, uestitur holosericis, callide tegens cilicium indusiū, noua Esther. Atq̃ ita spona sæculi cultu exteriori præ se fert, interiore discipulam Christi. Illi enim soli consecrat cor, quippe potiolem sui partem, Alia alijs agentibus, cecinit Cecilia apud animum suum

suum illud ex octonarijs Daudicis: Fiat cor meum immaculatum in iustificationibus tuis, ut non confundar. Hanc uero pietatem crebris precibus, ieiunijsq; testabatur, & munita talibus armis, sponsum sub primâ statim noctem efficaci persuasione flexit in assensum, inq; dei metum. Iuuenis arcano audito, repente fit alius. Restabat, ut plenius edoceretur Christianæ fidei negotium, dein Ecclesiæ lauacro purgaretur. Mittit ergo nymphea nymphium in Christo nunc amantissimum ad Urbanum eo tempore Romæ urbis episcopum, huius nominis primo, ut is euangelizaret iuueni, simul et credentem baptizaret. Quo factò rediit Valerianus Christianus iam, & Cecilie non tam coniunx, q̃ frater: Nec ea res sine uisionibus mysticis transacta est, quibus neophytum confirmari conueniebat. Non procul absunt angelici spiritus, ubi ad spiritalem Ecclesiæ structuram uiui lapides adduntur. Cæterum Valeriano germanus erat, nomine Tiburtius: hunc protinus cœlestium beneficiorum ac gaudiorum participem facere cupiens, non quieuit, quoad usq; ille eidem Christo nomen daret. Negociū dei, urgente spiritu, leui opera transigitur. Adest p̃perè Tiburtius, audit admirabiles sermones, iam ex Valeriano fratre, iam ex affine Cecilia. Hic uelut è suggesto p̃dicabat in sceleratissimam Romanorum idololatriam, & huius pedissequam, totius uitæ turpitudinem. Quo lolio ex mente catechumeni reuulso, plantatur unius dei cognitio, inseritur Euangelium. De ter sacra Triade docet Cecilia tanta dexteritate, ut à rudiusculo percontatore omnes scrupos eximeret. Quemadmodū, inquit, in una hominis sapientia tria sunt, uidelicet, ingenium, memoria, intellectus: sic quoq; in una diuinitatis essentia tria hæc, pater, filius, spiritus. Post hæc speciatim disserit de incarnatione, natiuitate, cōuersatione, passione, resurrectione filij, his quidem uerbis: Unigenitus Dei Hierosolymis hostiliter uinctus est, ut genus humanū peccatis obuinctum liberè dimittatur. Benedictus maledicebatur, ut homo maledictus benedicatur, &c. In hanc sententiam multa cōtionatrix uirgo hinc perorabat: Illinc neophytus frater fratrem subdubitantem adhuc & metuentem uerbis idoneis fulciebat. Nam id temporis sæuiebatur passim per Italiam in Christianorum corpora. Quapropter Urbanus episcopus fugitare sæuitiam, & latitare in cœmiterijs semet nimis seruans publicis fratrum ac sororum commodis. Verbum Dei capit in auditore. E' cœlis incrementum datur, adeo, ut catechumenus de causa longe certissimus in eiusmodi uocē erumperet: Hæc qui non credit, pecus sit oportet. Qua uoce maiorem in modum delectata Cecilia, opusculum libauit dulcissimo leuiro. Quid multis? Ducitur Tiburtius à Valeriano ad Urbanū, à quo initiatur baptismi mysterijs. En tibi igitur par Christianorum haud uulgare. Reliquum erat, ut zelotæ bonorum operum, cognito redemptori Christo Iesu toto uitæ tempore deseruirent, ne gratiam in uacuum accepisse uiderentur. Quare cum deo ambulant,

Qq ij

bulant, sæcularia deſyderia à ſe coërcent, cōcupiſcentijs iuuenilibus non indulgent, ieiunant, uigilant, orant, diſpenſant, uiſitant, & nihil horum omittunt, quibus fides oſtendi, & Chriſtiana profeſſio ornari ſolet. Vis audire ſeruis dei quid acciderit? Perſecutio eſt in foribus, ut ſemper poſt ſe pietas crucem trahit. Allomachus præfectus fratres in ius uocat. Ipſe & accuſator & iudex, pro ſui animi libidine ethniſmi cauſam agit. Odiū Chriſtiani nominis maligno homini calumniandi & blaſphemandi materiam abunde ſuggerit. Accuſantur p̃ij fratres de cura mortuorū. Crimen eſt: Sepelierunt interfectorum Chriſtianorum corpora. Hos falſus iudex propter flagitia damnatos fuiſſe pronunciat. Fratres reſpondent pro fratribus, ut ſe decuit, & os impudens Allomachi oportune redarguunt: confutatis omnibus, quæcunq; tutandis idolis in medium afferret. In ſumma proponitur, ut aut ad aram eant, aut ad cuſtodiam. Itur ad cuſtodiam, tanquam ad menſam regaliter inſtructam. Qua fortitudine cōplures, Tragoediæ iſtius ſpectatores, permoti, cooperante ſpiritu dei, conſenſerunt Euangelio. Poſtea fortiſſimi cœli milites Valerianus & Tiburtius tanquam homicidæ ac fures eduſti ad aliquot lapides ab urbe, pro Euangelica atq; catholica fide conſcelerato carnificis enſe decollantur: Nec hoc ſolum, uerum etiam bona eorum conuaſata diripiuntur. Cui tyrannidi quidnam addi poſſit? Superſt Cecilia, quæ caſtiſſimum ſponſum ſequi nihil timuit: illius enim apophthegma erat: Melius eſt foeliciter mori, quàm inſoeliciter uiuere. Cum ea præfectus ob id aliquanto cunctatius egit, ſupplicium que deſtinatum prorogauit, ut uel metu mortis, uel amore uitæ reducta, Chriſti nomen pernegaret. Sed ſpe inani ludiur. Subornat Allomachus, qui uario ſermonis genere conſtantiem deiſciant, inq; diuerſum ſenſum retrahant. Sed hac quoque ratione nihil agitur. Virgo prudens & eadem magnanima egregijs ſermonibus aduerſarios deuicit, docens omnia eſſe poſthabenda cœleſti hereditati. Qua exhortatione aliquot boni homines attrahi ſpiritu, fidem noſtram profeſſi ſunt, & ab Urbano Baptiſmate donati. Videbatur præfecto ſuperbiuſcula Cecilia, quod confidenter pro ſe reſponderet: ſed eam cōfidentiam illi peperit conſcientia bona, & fides minime ficta. Nec ſuperbiam, ſed conſtantiam eſſe, quod tam fortiter reſiſteret blaſphemanti, ipſa quoq; affirmabat. Et tam falſum q̃ uerum eſt, quod Imperatorię poteſtatis titulo turgens Allomachus à Cecilia uelut extuſum audit: Poteſtas tua eſt quaſi uter uento repletus, quem ſi quis acu pungat, protinus flacceſcit. Verum uerbis ultro citroq; iactatis, ſuccedunt uerbera. Sancta puella mergitur feruentibus aquis, atq; in his deſtruncat, nō ſine crebris ictibus. Hic pietatis honos hoc in mūdo. Paſſa eſt anno Dñi ccxxxiii. Tenellū ac ſucculentū corpus uirginis humanū ab Urbano, opes in egenorum manus reconditæ. Diuus Ambroſius ſic refert in libro Præfat. Sancta Cecilia cœleſti dono repleta, ut martyrij palmā

ri palmā assumeret, ipsum mūdum est cum thalamis execrata. Testis est Valeriani coniugis & Tiburtij prouocata confessio, quos domine angelica manu odoriferis floribus coronasti. Viros uirgo duxit ad gloriā. Mundus cognouit, quantum ualeat deuotio castitatis. Herman. Contractus de his ad eum modum annotat: Aurelij Imper. tempore coronantur Romæ Calistus & Urbanus Papæ, Cecilia uirgo, Tiburtius & Valerianus, Calepodius presbyter, Palmarius consul cum uxore & filijs, & Simplicius senator. Anthonius Sabellicus de S. Cecilia sic scriptum reliquit: Magnum & Cecilie uirginis exemplum in hac relatione, quæ Valeriano desponsa, ne in nuptiali quidem ornatu cilicium deposuit, sic duobus sponsis placitura, cœlesti interiore, hoc alteri, qui in terris erat cultu exteriori.

CLEMENS ROM. PONTIFEX.

Clemens patria Romanus de regione Celij montis, patre Faustino, Domitiani temporibus fuit: qui ab Augusto nonus ^{Ex Platina} Titus successit, Neroni aut Caligule similior, quam patri Vespasiano, aut fratri: moderatior tamen primis annis est habitus. Mox in ingentia uitia prorupit, libidinis, desidiæ, iracundiæ, crudelitatis, quibus criminibus tantum odij in se concitauit, ut penè patris ac fratris nomen aboleuerit. Multos autem ex nobilitate interfecit, plerosq; in exilium misit, eoq; in loco trucidari iussit. Tantæ uero desidiæ fuit, ut in cubiculo solus muscas præacuto stylo configeret. Vnde quidam prodians interrogatus: esset ne quispiam cum Cæsare? Respondit per iocum: Ne musca quidem. Eo præterea dementiæ & iactantiæ uenit, ut se dominū ac deum uocari, scribi, coliq; iusserit. Hic autē secundus post Neronem Christianos persequitur. Exquiri quoq; quæstionibus & tormentis genus David inter Iudeos mandauit, conquisitumq; funditus perdi ac deleri. Tandem uero diuina superueniente ultione, in palatio a suis interficitur, anno imperij decimo quinto. Huius uero cadauer per uespiliones delatum ignominiose sepelitur. Philix enim in suburbano suo Latina uia illud funeravit. Clemens autem quartus (ut dixi) tum erat Romæ post Petrum episcopus. Nam Linus secundus est habitus, tertius Cletus, tametsi pleriq; Latinorum secundum post Petrum putauerint Clementem fuisse: quod etiam Epistola ad Iacobum Hierosolymitanum episcopum planè significat. Simon Petrus ubi finem uitæ suæ adesse sensit, in corona fratrum positus, apprehensa manu mea, Hunc (inquit) urbis episcopum constituo, qui mihi in rebus omnibus posteaq; Romam ueni, comes fuit. Subterfugiebam ego tantum onus: tum ille, tibi tantummodo consules, populum Dei in fluctibus ambulanti deferres, cum periclitanti subuenire possis. Verum hic omniū modestissimus (ut dixi) Linus & Cletus sponte sibi in tanto honore prætulit. Scripsit item

Qq in Romanæ

Romanæ ecclesiæ nomine ad Corinthios epistolam quidē perutilē, nec characteri epistolæ differentē, quæ sub Pauli nomine ad Hebræos fertur. Legitur hæc publicè à nōnullis: Extat & secunda eius nomine, quā ueteres nō adeo pbarūt. Disputationē quoq; Petri et Appionis longo sermone ab eodem cōscriptam Eusebius in tertio historiæ sue uolumine coarguit. Peruenisse aut ad hæc usq; tempora Ioannē apostolū constat Zebedæi filium Iacobi fratrem. Hic uerò omniū nouissimus Euangeliū scripsit, ac ea confirmauit, quæ à Matthæo, Marco, Luca conscripta fuerant. Ferunt & id ob eam rem à Iohanne postremo factum, quod Ebionitarum dogma consurgens infringeret, qui asserebant & impudenter quidem, Christum ante Mariam nō fuisse: eius enim diuinam naturam Iohannes explicat. Scripsit & alia multa, tum uero Apocalypsim, relegatus à Domitiano in Pathmos insulam, quo postea interempto, & actis eius ob nimiam crudelitatem à senatu rescissis, imperante Nerua Ephesum rediit: ibiq; usq; ad Traianum principem consilio & scriptis ecclesias Asiæ sustentans, senio confectus, sexagesimo octauo post passionem Christi anno in Domino quieuit. Clemens autem pietate, religione, doctrina multos ad fidem Christi quotidie traducebat. Quam ob rem P. Tarquinius sacrorum princeps cum Mamertino urbis præfecto Traianum in Christianos cōcitat. Cuius imperio in insulam Clemens deportatur, ubi ad duo milia Christianorum ad secunda marmora damnatorum inuenit. Dum ibi uero aquæ penuria laboraretur, quam sexto miliario repetebant, Clemens collem haud longe positum conscendens, agnum uidit, sub cuius dextro pede fons diuinitus abundantem aquam scaturiebat, qua quidem & recreati omnes sunt, & multi ad fidem Christi conuersi. Hanc ob rem motus Traianus ex satellitibus suis quosdam mittit, qui Clementem in mare puoñcerent, alligata ad collum ancora, cuius sacratissimum corpus nō ita multo post ad littus delatum est, atq; eo loci sepultum extructo templo, uude fons diuinitus emanauerat. Hoc aut factum narrat XIX. calendas Decembris, anno tertio Traiani principis. Sedem uerò Petri retinens annis nouem, mensibus duobus, diebus decem, & regiones septem notarijs diuisit, qui diligenter res gestas martyrum scriberent: & habitis quoque de more sacris ordinibus, decembri mense presbyteros decem, diaconos duos, episcopos quindécim creat.

CATHARINA VIRGO ET

Martyr.

Ex Romano
breniario.

Atharina uirgo Alexandrina claris natalibus orta, liberalibus disciplinis ab in eunte ætate, & sanctis moribus instituta, in eā sanctitatis & doctrinæ magnitudinem euasit, ut annos nata decem & octo doctissimos etiam uiros & grauissimos superaret: tanto studio flagrans Christianæ pietatis, ut quum Maxentij sæuitia multos Christianos

Christianorum ad supplicia & necem abstrahi animaduertenteret, non dubitauerit ipsum adire, eidemque immanitatem impietatemque grauissimis & doctissimis uerbis impropere. Cuius sapientiam & constantiam demiratus Maxentius asseruari eam iubet, & ex uarijs regionibus uiros doctissimos conuocari, magno premio proposito, si quis Catharinam conuicisset, & a religione Christianorum auertisset. Quod longe secus euenit. Habita enim longa cum quinquaginta, qui conuenerant, doctissimis philosophis disputatione, omnes superatos ad Christi fidem conuertit, & sic in fide confirmavit, ut pro ea mori non dubitauerint. Tunc Maxentius ad blanditias conuersus, magnis pollicitationibus Catharinam aggreditur. Quas cum uirgo repudiasset, plumbatis scuticis crudelissime caesa in carcerem obscurissimum detruditur, & undecim diebus continuis fame & siti cruciata, ad gladium rota extrahitur excarnificanda. Rota autem continuo ad ipsius preces contracta & comminuta est. Quo miraculo multi sunt ad Christi fidem conuersi. Sed quum haec omnia supplicia magno animo diuina ope superasset, iubente Maxentio, cuius erat obstinatus animus, capite plectitur ad VII. Calend. Decembris. Eius autem corpus in Sina monte Arabiae ministerio angelorum conditum est.

DE S. BENNONE EPISCOPO

Misnensi historia.

EXcelsus dominus militantem ecclesiam preciosorum lapidum uiuorum ipsi summo angulari lapidi Christo Iesu unitorum, ornatissima uarietate decoratam, structura mirabili fundare disposuit, atque ab initio uineam suam, pijs cultoribus, iuxta sanctam promissionem suam uisitauit, firmavit & auxit, sicque semper ad illam suae protectionis auxilium multipliciter impartitur, & eandem uineam more solito uisitans uirum fortem ad huius uineae culturam adduxit, gloriosum scilicet confessorem B. Bennonem, superno coetui iamiam indubie sociatum.

Qui inter caeteros Christi athletas, suis meritis & exemplis, ipsam sanctam ecclesiam diuina cooperante gratia, multipliciter decorauit, praesentisque temporis caliginem, suae lampadis fulgore mirabiliter illustrauit. Ipse enim aduersus mundum, carnem & demonem fortiter dimicauit. Et in odorem altissimi currens, copiosam utriusque sexus Christifidelium multitudinem salubriter post se traxit, ac uelut effusam super faciem terrae, religiosam professionis suae generationem dereliquit, ut ad illuminationem gentium celebri memoria tantumque rutilum sidus, in ecclesiae firmamento seruetur.

Siquidem Fredericus Bultenburgensis, uir nobili loco natus, pater fuit B. Bennonis, quem ex Bezela pia eius uxore suscepit. Cumque in B. Bennone ab ineunte aetate, bona indoles eluceret. Ne illa aequalium studiis malis

dijs malis moribus ac deprauatis opinionibus, ut illa ætas assolet corrumperetur: magnopere sibi prouidendum existimauit. Et cum ut primum ex infantia excessit, diuo Bernwardo episcopo Hildesemenfi commendauit & tradidit.

Qui cum negotium sibi commissum attenderet, ut puer ad uirtutem recte informaretur, illum primum ad amorem Dei Opt. Maximiq; induxit. Deinde uero cum uir prudens intelligeret utile esse si literę cum uirtute coniungerentur: beatum Bennonem à Bigario bono sanę uiro & docto, instituendum curauit, sub quo magnos ille progressus fecit: quamobrem ineunte iam adolescentia, cum ad bene beateq; uiuendum satis instructus esset, monasticam uitę rationem suscepit. Monachus itaq; cum esset, reiectis uoluptatibus omnem uitę cursum in uirtute confecit. Quod cum fratres, cum quibus uiuebat, probassent, defuncto eorum Abbate, cunctis ferē suffragijs Abbatiam ei detulerunt. Verum B. Benno ut erat ab omni ambitione alienus, oblatū honorem recusauit: sed quo ille uehementius recusabat, eo magis monachorum studia incendebantur. Vrgentes igitur et instantes B. Bennonem uel inuitum ad dignitatem rapiunt, quam ipse tertio post mense deposuit, seq; ad pristinam uitam, & bene quidem institutam retulit.

Cœpitq; eum clarę memorię Henricus tertius Imperator diligere plurimum, qui cum uideret sanctissimum hominem, ad rempub. bene gerendam natum esse, tantum uirum in cœnobij angulis ætatem consumere passus non est. Sed cum à foelicis recordationis Leone papa nono prædecessore nostro, assensum obtinuisset, illum magnopere repugnantem, ē monasterio eduxit. Ac ppositurę ecclesię Goslarensi, Hildesemen. diocesis præfecit. In ea uero cum usq; ad ingrauescentē ætatem, integre casteq; cōuersaretur, Canonici ecclesię Misnensi, fama eius inducti, uenerandum senem, qui tunc LVI. annos natus erat Ecclesię suę præesse uoluerunt. In qua cum omnia præclare, tum hoc præclarissime egit, quod Vandalos de religione Christiana male sentientes, ex pernicioso errore eripuit, eoq; traduxit, ut unā cū catholica ecclesia pari studio fidē Christianam tuerentur.

Cumq; iam multis annis beatus præsul, fama, uita, & miraculis, superna dei gratia clarus uixisset, tandem ad uitę cursum foeliciter consummandum, plenus dierum attigisset, uir beatus ægrotare cœpit, & breui futurum sperans, ut ex hac uita ad superos, quorum consuetudo dulcis est, adq; eterna migraret. Paulo ante q̃ moreretur, Canonicos suos adhortatus est, ut eam charitatē, quam nos Christus docuit, studiose complecterentur: deinde Eucharistiam, cibum illum diuinum, magna pietate suscepit. Et cum orationes ad Deum Opt. Maximumq; habuisset, ē uita excessit. Et id quidem quadragesimo Pontificatus sui anno: post Christum autem natum millesimo centesimo sexto.

Plura

PLURA DE BENNONE, EX

Biblioth. Fulden.

Sed ex his omnibus episcopis, qui uel damnati fuerant uel depositi, unus tantum scilicet Benno Misnensis episcopus uenit ad sedem Apostolicam pro errore suo petiturus ueniam, quam & promeruit accipere. Ergo Clemens Papa poenitentem benigne suscepit & confessum pro errore suo honorifice tractauit, abeuntemq; cum literis Apostol. sedis ad Henrichum Imperatorem misit, quem & ipse libenter accipiens correctum dimisit libere abire in Episcopatum suum &c.

S. BURCHARDVS EPISCOPVS

Vuirceburgensis.

Britannus is natus, in Germaniam se contulit simulac compersisset, hanc nostram nationem Euangelio passim dare manus. Georg. Vuirceburg. celi.
Eo tempore praeuit Moguntinensi ecclesiae S. Bonifacius maximum totius Germaniae iubar. Ad hunc Burchardus adolescens adhuc, tam uidendum quam audiendum uenit. Mox ille Burchardum diuinat episcopum Franciae futurum, Kiliani seu Chiliani successorem. Proinde non grauatur Bonifacius cum Burchardo Romam adire, ut illic a pontifice Zacharia confirmationem episcopatus huius noui impetraret. Pontifex de rudimentis Christianae religionis in Germania pro sollicitudine pastoralis accurate disquirat, diuus Bonifacius respondet: Euangelij quidem sementem passim inter Barbaros populos germinare, sed deesse operarios aliquot, quorum opera Francia orientalis, in uerbo Dei per Kilianum adnunciato, retineretur. Caeterum nonnullis sermonibus ultro citroque habitis de cura episcopali, deque pauperum necessitate subleuanda, creatur simul & confirmatur Burchardus in Episco. Herbipolitani, ut qui ea cathedra sit tam dignus, quam aptus obeundae sanctae functioni. Abeuntes a se Zacharias pontifex religiosissimus, his uerbis prosequitur: Ite fratres charissimi cooperatores diuini seminis, Crescat Historia uerba. fructus uestri laboris, nec ualeat inimicus uobis torpentibus in agro dominico serere, quod tempore messis debeat incendio tradi. Et comitetur uos auxilium diuinae protectionis, qua Ianitor coelestis aulae defenssus est, ne a satana ueluti triticum cribaretur. Iam Vuirceburgum ingressi sic excipiuntur a prijs ciuibus: Venite patres, uenite serui Dei excelsi, uenite liberatores animarumstrarum: Augite diuini uerbi semina, a beato Chiliano nobis olim praebita &c. Quibus auditis uterque praesul praegaudio lachrymas fudisse memoratur. Ab illo die coepit Burchardus sedula meditatione perquirere, qua ratione commissas sibi oues bene pascere, in extremo examine superni ludicis, dominicum Euge promereri posset. Historia subiungit nonnihil de S. Chiliano & sociorum eius corporibus refoffis, & digniore loco conditis a Burchardo bono pastore, uero praesule, honorando Heroe.

Rr

S. Vuirceburg.

DE SANCTIS
S. VVICBERTVS CONFESSOR.

Georg. Vni-
celij.

Hic haud incelebrem religionis nostrae uirum Anglo saxo-
nem natione fuisse lego, uenisse uero in Germaniam, benefi-
centissimi Bonifacii fama attractum. Quem is, ut recte tum
fidei tum uitae uirum, primum in oppidum, cui Friteslar nomen, dein in
Ordorff amandauit, non docendi tantum, uerum etiam coenobitas pie
instituenti corrigendiue gratia. Verum mortui in Domino corpus
(qua nimirum tempestate Saxones passim uagabantur, omnia depopu-
lantes) nunc huc nunc illuc transportatum est. Resedisse dicunt in pago
Geismar, anteq̃ curante Lullo Mogunt. praesule & Albino suffraga-
neo transferretur in ciuitatem Heresfeld: Quo tempore in monasterio
illo celeberr. uixerunt monachi Ernestus, Batericus & Vuolfus. Multa
miracula, hoc est, beneficia Dei in aegrotos ferunt apud diui huius Vui-
berti cineres in Heresfeldensi monasterio facta fuisse.

S. BENEDICTVS CHRISTIANIS,

simus Abbas.

Ex lib. S. Gre-
gorij.

Hic uir uitae uenerabilis, gratia benedictus & nomine, ab ipso
suae pueritiae tempore cor gerens senile. Aetatem quippe mo-
ribus transiens, nulli uoluptati animum dedit: sed dum in hac
terra adhuc esset, quo temporaliter liberè uti potuisset, despexit iam
quasi aridum mundum cum flore. Qui liberiori genere ex prouincia
Mirsiae exortus, Romae liberalibus literarum studiis traditus fuerat. Sed
cum in eis multos ire per abrupta uitiorum cerneret, eum quem quasi in
ingressu mundi posuerat, retraxit pedem, ne si quid de scientia eius atin-
geret, ipse quoq̃ in immane praecipitium totus iret. Despectis itaq̃ liter-
rarum studiis, relicta domo rebusq̃ patris, soli Deo placere desiderans,
sanctae conuersationis habitum quaesuit. Recessit igitur scienter nesciens
& sapienter indoctus. Huius ergo omnia gesta non didici: sed pauca
quae narro, quatuor discipulis illius referentibus agnoui: Constantino
scilicet reuerendissimo ualde uiro, qui ei in monasterii regimine successit.
Valentiniano quoq̃, qui annis multis Lateranensi monasterio praefuit.
Simplicia, qui congregationem illius post eum tertius rexit. Honorato
etiam, qui nunc adhuc cellae eius in qua prius conuersatus fuerat, praest.

Hic itaq̃ cum iam relictis literarum studiis petere deserta decreuisset:
nutrix quae hunc arctius amabat sola secuta est. Cumq̃ ad locum uenis-
set qui dicitur Enside, multisq̃ honestioribus uiris pro charitate se illic
detinentibus in beati Petri ecclesia demorarentur: praedicta nutrix illius
ad purgandum triticum à uicinis mulieribus praestari sibi capisterium
petiit, quod super mensam incaute derelictum, casu accidente fractum
est, sic ut in duabus partibus inueniretur diuisum. Quod mox rediens

nutrix

nutrix illius, ut ita inuenit, uehementissime flere cœpit: quia uas quod præstitum acceperat, fractum uidebat. Benedictus autem religiosus & pius puer cum nutricem suam flere conspiceret, eius dolore compassus ablatis secū utrisq; fracti capisterij partibus, sese cū lachrymis in orationem dedit: qui ab oratione surgens, ita iuxta se uas sanum reperit, ut in eo inueniri fracturæ nulla uestigia potuissent: moxq; nutricem suam blandè cōsolatus, ei sanum capisterium reddidit, quod fractum tulerat. Quæ res in eodem loco à cunctis est agnita, atque in tanta admiratione habita, ut hoc ipsum capisterium eius loci incolæ in Ecclesiæ ingressu suspenderent, quatenus præsentēs et secuturi omnes agnoscerent, à quantā Benedictus puer conuersationis gratiā perfectione cœpisset, quod annis multis illic ante omnium oculos fuit, & usq; ad hæc Longobardorum tempora super fores ecclesiæ pependit. Sed Benedictus plus appetens mala mundi perpeti, q̃ laudes: & pro deo laboribus fatigari, q̃ uitæ huius fauore extolli, nutricem suam occultè fugiens, deserti loci secesum petijt, cui Sublacus uocabulum est, qui ab Romana urbe XL. fere milibus distans, frigidas atq; perspicuas emanat aquas: Quæ illic uidelicet aquarum abundantia in extenso prius loco colligitur: ad extremum uero in amnem deriuantur. Quò dum fugiens pergeret, monachus quidam Romanus nomine, hunc euntem reperit: quò tenderet, requisiiuit. Cuius cum desiderium cognouisset, & secretum tenuit, & adiutorium impendit, eiq; sanctæ cōuersationis habitum tradidit, & in quantum licuit, ministrauit. Vir autem dei ad eundem locum perueniens, in arctissimum specum se tradidit, & tribus annis, excepto Romano monacho, hominibus ibi incognitus mansit: qui uidelicet Romanus non longe in monasterio sub Theodaci patris regulā degebat. Sed piè eiusdem patris sui oculis furabatur horas, & quem sibi ad manducandum surripere poterat, diebus certis Benedicto panem ferebat. Ad eundem uero specum à Romani cella iter non erat, quia excelsa desuper rupes eminebat: sed ex eadem rupe in longissimo fune ligatum Romanus deponere panem consueuerat, in qua etiam resti paruum tintinabulum inseruit, ut ad eius sonum uir Dei cognosceret, quando sibi Romanus panem præberet, quem exigens acciperet. Sed antiquus hostis unius charitati inuidens, alterius refectioni, cum quadā die submitti panē cōspiceret, iactauit lapidē, & tintinabulū fregit. Romanus tamen modis congruentibus ministrare non desijt. Cum uero iam Deus omnipotens & Romanum uellet à labore quiescere, & Benedicti uitam in exemplum hominibus demonstrare, ut posita supra candelabrum lucerna claresceret, quatenus omnibus qui in domo Dei sunt luceret: cuidam presbytero longius manenti, qui refectionem sibi in paschali festiuitate parauerat, per uisum dominus apparere dignatus est, dicens: Tu tibi delicias præparas, & seruus meus illo in loco fame cruciatur. Qui protinus surrexit, atq; in ipsa

R r ij solennitate

solennitate paschali cum alimentis, quæ sibi parauerat, ad locum tetendit, & uirum Dei per abrupta montium, per concaua uallium, per defossa terrarum quæsiuit, eumq; latere in specu reperit. Cumq; oratione facta, benedicentes Dominum omnipotentem consedisent, post dulcia uitæ colloquia is qui aduenerat presbyter dixit: Surge sumamus cibum, quia hodie pascha est. Cui uir Dei respondit, dicens: Scio quia pascha est, quia hodie uidere te merui. Longè quippe ab hominibus positus, quia die eodem paschalis solennitas esset, ignorabat. Venerabilis autem presbyter rursus asseruit, dicens: Veraciter hodie resurrectionis Domini paschalis dies est, abstinere tibi minime cõgruit, quia & ego ad hoc missus sum, ut omnipotentis dona Dei pariter sumamus. Benedicentes igitur Dominum sumperunt cibum. Expleta itaq; refectione & colloquio, ad ecclesiam suam presbyter recessit. Eodem quoq; tempore hunc in specu latitantem etiã pastores inuenerunt: quem dum uestitum pelibus inter fruteta cernerent, aliquã bestiam esse crediderunt: sed cognoscetes Dei famulum, eorum multi ad pietatis gratiam à bestiali mente mutati sunt. Nomen itaq; eius per uicina loca innotuit cunctis. Factumq; est, ut ex illo iam tempore à multis frequentari cõpisset: qui cum ei cibum afferrent corporis, ab eius ore in suo pectore alimenta referebant uitæ.

Reliqua legat pius presbyter apud ipsum Gregorium lib. 2. Dialog.

S. CANTVS, CANTIANVS, ET CANTIANILLA martyres Christi Iesu.

Ex S. Ambrosio.



Odie beatissimorum Canti, Cantiani, & Cantianillæ natalis est: quàm bene & iocunde tres martyres uno penè uocabulo nuncupantur. Nec mirum, si similes sunt nomine, qui sunt similes passione: Si una est illis apud homines appellatio, quibus aqua deum est una uocatio. Vniter enim uocati sunt à domino, non interposito tempore aliter & aliter passi, sed omnes eodem ictu pariter martyrium pertulerunt. Quod quidem illis parentiua quadam à Christo affectione concessum est, ut congruerent meritis, qui uocabulis concordabant: & qui erant consanguinitate fratres, fierent etiam sanctitate germani: & quorum membra unius corporis substantia uegetabat, eorum animas eiusdem fidei confessio coronaret. Refert autem de beatis supra dictis historia, qd tẽpore passionis, cum eos persecutor inquireret, ascenso uehiculo iunctis mulabus eos secedere uoluisset: & cum non longe ab urbis moenibus iter agerent, unũ animal de subiunctis subito corruisse, atq; ita illos à persecutoribus cõprehenso tentos ad poenam. Quod factum q̃ gloriosum sit, & à diuinitate dispositũ, debemus aduertere. Semper enim deus quos eligit, hos uictores subuectione sublimi in aulã regni coelestis inducit. Nam sicut Helias curru applicato quasi ascendit ad coelum

coelum, ita & isti uehiculo admoto ad martyrium perueniunt: & quadriga sicut illū euexit ad requiē, ita hos portauit ad gloriam. Et quamuis illa ignea quadriga fuerit, hæc tamen inferior non habenda est: quia illa unum gestauit prophetam, hæc tres martyres sustentauit. Sed dicit aliquis: Gloriosius est gestari quadriga ignea, q̄p̄ terrena. Nec hoc planē defuit sanctis uiris. Nam sicut Heliam ignea quadriga portabat, ita & martyres fides ignea iam ferebat. Ferebat, inquā, illos Christus, qui lux mē est, qui ignis est, de quo scriptū est: Dominus noster ignis cōsumens est. Ergo cum beatos, de quibus loquimur, persecutor urgeret, uehiculū conscenderūt. Qua causa? Vt fugerent? Absit. Non ut fugerent, sed ut ad martyrium citius peruenirent: non ut latitarent, sed ut Christianos secūctis transeuntibus manifestius approbarent. Cæterū occultius interpreti plures in ciuitate latere potuerant tutius per diuersa singuli fugæ præsidium cōmendare. At uero ubi quis congregatione habita stratis uehicularis, apparatu disposito, per aggerem publicum egreditur, illic non fuga dicenda est, sed profectus est. Sancti enim uiri hoc facto uelut in triumphali curru positi contestabantur, dicentes: Ecce persecutor, ecce proficiscimur, ecce præcedimus, quid resides? quid moraris? Subsequere nostra uestigia. Nolumus enim uideri inuiti ducti ad poenam, qui præcedere nos profiteamur ad gloriam.

NATALIS SANCTORVM MARTYRVVM,

Octauij, Aduentitij & Solutoris Tauricorum.



Cum omnium sanctorum martyrum fratres deuotissime natalē celebrare debemus, tum præcipue eorū solennitas tota nobis ueneratione curanda est, qui in nostris domicilijs proprium sanguinem profuderunt. Nam licet uniuerſi sancti ubiq; sint, & omnibus p̄sint, specialiter illi tamen pro nobis interueniunt, qui & supplicia pertulere pro nobis. Martyr em̄ cum patitur, non sibi tantū patitur, sed & ciuibus. Sibi enim patitur ad præmium, ciuibus ad exemplū. Sibi patitur ad requiem, ciuibus ad salutem. Exemplo enim eorum didicimus, Christo credere, didicimus contumelijs uitam æternam querere, mortē didicimus nō timere. Videte ergo, quid martyribus debeamus, in quo alter tortus est, ut alius saluaretur: alter carnificē ptulit, ut Christum alter agnosceret: Alter morti addictus est, ut alius uita potiretur æterna: & ad postremum sanctus occisus est, ut peccator euaderet. Beati igitur martyres nec sibi uixerunt, nec sibi sunt mortui. Exemplum enim nobis reliquerūt bene uiuendo cōuersationis, tolerando fortiter passionis. Nam ideo dominus per totū mundū diuersis in locis pati martyres uoluit, ut tanq̄ idonei testes nos presenti quodā fidei exemplo suæ confessionis urgerent, ut humana fragilitas, quæ prædicationis dominicæ

Ex S. Ambro
sio episcopo.

R r iij aditu

aditu longiore uix credit, uel præsentis oculorum testimonio martyris crederet beatorum. Cuncti igitur martyres deuotissime percolendi sunt: sed specialiter ij uenerandi sunt à nobis, quorum reliquias possidemus. Illi enim nos orationibus adiuuant: isti etiam adiuuant passione. Cum his autem nobis familiaritas est: semper enim nobiscum sunt, nobiscum morantur: hoc est, & in corpore nos uiuentes custodiunt, & de corpore recedentes excipiunt. Hic ne peccatorum nos labes assumat: ibi ne inferni horror inuadat. Nam ideo hoc à maioribus prouisum est, ut sanctorum ossibus nostra corpora sociemus, ut dum illos tartarus metuit, nos poena non tangat: dū illis Christus illuminat, nobis tenebrarū caligo diffugiat. Cum sanctis ergo martyribus quiescentes euadimus inferi tenebras eorum proprijs meritis, attamen consocij sanctitate. Ait enim dominus Petro: Tu es Petrus, & super hanc petram ædificabo ecclesiam meam, & portæ inferi non præualerunt ei. Si ergo Apostolo et martyri Petro inferni porta nō præualet, quisquis sociatur martyri, tartaro non tenetur. Martyres enim inferni porta non possidet, quoniam eos paradisi regna suscipiunt. Nam uidemus eos utiq; iam regnare. Cernimus enim ab ijs frequenter obsessos immundissimis dæmonibus homines liberari, ita ut coelesti medicina & captiua anima de diaboli laqueis eruatur, & ipse diabolus uinculis igneis alligatus producat de sua captiuitate captiuus, ut qui prædam pauldante coeperat, ipse subdatur in prædam. Hæc & alia potiora mirabilia per sanctos fieri omnibus notum est. Et ideo fratres ueneremur eos in sæculo, quos defensores habere possumus in futuro. Et sicut eis ossibus parentum nostrorum iungimur, ita & eis fidei imitatione iungamur. In nullo enim ab ipsis separari poterimus, si sociemur illis tam religione, q̃ corpore.

INNOCENS MULIER SEPTIES A

carnifice percussa.

Ex lib. S. Hieronymi.



Æpe à me, Innocenti charissime, postulasti, ut de eius rei miraculo, quæ nostra ætate acciderat, non tacerem. Cumq; ego id uerecunde & uere, ut nunc experior, negarem, meq; alios qui posse diffiderem: siue quia omnis sermo humanus inferior esset laude coelesti, siue quia ocium quasi quædam ingenij rubigo, paruulam licet facultatem, pristini siccaisset eloquij. Tu è contrario afferebas, in Dei rebus non possibilitatem inspicere debere, sed animū: neq; posse eum uerba deficere, qui credidisset in uerbo. Quid igitur faciam? Quod implere non possum, negare non audeo. Super onerariam nauē rudis uector imponor. Et homo qui necdum scalmum in lacu rexi, Euxini maris credor fragoribus. Nunc mihi euanescentibus terris, coelum undiq; & undiq; pontus: nunc unda tenebris inhorrescens, & cæca nocte nimborū spumei fluctus canescūt. Hortaris, ut tumida malo uela suspendam, rudentes

dentes explicem, clauum regam. Pareo iam iubenti: & quia charitas omnia potest, spiritus sancto cursum persequente confidam, habiturus in utraque parte solatiū. Si me ad optatos portus aestus appulerit, gubernator putabor. Si inter asperos orationis anfractus impolitus sermo substiterit, facultatem forsitan requires, uoluntatem certe flagitare non poteris. Igitur Vercellae Ligurum ciuitas haud procul à radicibus alpium sita, olim potens, nunc raro est habitatore semiruta. Hanc cum ex more consularis inuiseret, oblatam sibi quandam mulierculam unam cum adultero, nam hoc crimen maritus impeggerat, poenali carceris horrore circūdedit. Neque multo post, cum liuidas carnes ungula cruenta pullaret, & sulcatis lateribus dolor quæreretur ueritatem, infelicissimus iuuenis, uolens compendio mortis longos cruciatus uitare, dum in suum mentitur sanguinem, accusauit alienum: solusque omnium miser, merito iussus est percuti, qui non reliquit innoxiam, unde posset negare. At uero mulier sexu fortior suo, cum eculeus corpus extenderet, & sordidas foetore carceris manus post tergum uincula cohiberent, oculis quos tantum tortor alligare non poterat, suspexit ad coelum, & uolutis per ora lachrymis: Tu, inquit, testis es domine Iesu, cui occultum nihil est, qui es scrutator renis & cordis: non ideo me negare uelle, ne peream, sed ideo mentiri nolle, ne peccem. At tu miser homo, si interire festinas, cur duos interimis innocentēs? Equidem & ipsa cupio mori, cupio inuisum hoc corpus exuere, sed non quasi adultera. Praesto iugulum, micantem intrepida excipio mucronem, innocentiam tamen mecum feram. Non moritur, quisquis uiolentus occiditur. Igitur consularis patris cruore luminibus, ut fera, quae gustatum semel sanguinem semper sitit, duplicari tormenta iubet, & saeuidentibus frendens, similem carnifici minatus est poenam, nisi confiteretur sexus infirmior, quod non poterat robur uirile reticere. Succurre domine Iesu, ad unum hominem tuum complura sunt inuenta supplicia. Crines ligantur ad stipitem, & toto corpore ad eculeum fortius alligato, uicinus pedibus ignis apponitur, utrumque latus carnifex fodit, nec papillis dantur induciae: immota mulier manet, & à dolore corporis spiritu separato, dum conscientiae bono fruitur, uetuit circa se sequi tormenta, iudex crudelis, quasi superatus attollitur: illa deum deprecatur: soluuntur membra compagibus: illa oculos ad coelum tendit, quasi de communi scelere alius confitetur: illa pro confitente negat, & periclitans ipsa, alium uendicat periclitatem. Una interim uox est: Cede, ure, lacera, non feci. Si dictis tollitur fides, ueniet dies, quae hoc crimen diligenter discutiatur: habeo iudicem meum. Iam lassus tortor suspirabat, ingemit: nec erat nouo uulnere locus. Iam uicta saeuitia, corpus quod laniarat, horrebat. Extemplo ira excitus consularis: Quid miramini, inquit, circumstantes, si torqueri mulier mauult, quam perire? Adulterium certe sine duobus committi non potuit; & esse credibilis reor, noxiam ream negare de scelere, quam innocentem

tem

tem iuuenem confiteri. Pari igitur prolata in utrunq; sententia, damna-
 tos carnifex trahit, totus ad spectaculum populus effunditur, ut prorsus
 quasi migrare ciuitas putaretur, stipatis proruens portis turba densa-
 tur. Et quidem miserrimi iuuenis ad primum statim ictum amputatur
 gladio caput, truncumq; in suo sanguine uolutatur cadauer. Postquam
 uero ad foeminam uentum est, & flexis in terram poplitibus, super tres
 mentem ceruicem micans eleuatus est gladius, & exertam carnifex dexte-
 ram totis uiribus concitauit, ad primum corporis tactum stetit mucro
 letalis, & leuiter perstringens cutem, rasurę modicę sanguinem asperxit,
 imbellem manum percussor expauit, & uictam dexteram gladio mar-
 cescente miratus, in secundos impetus torquet. Languidus rursus in foe-
 minam mucro delabitur, & quasi ferrum eam timeret attingere, circa
 ceruicem torpet innoxiam. Itaq; furens & anhelans licitor, paludamentis
 to in ceruicem retorto, dum totas expedis uires, fibulam quę chlamys
 dis mordebat oras, in humum excussit, ignarusq; rei, ense librabat in-
 uulnus. En tibi, ait mulier, ex humero aurum ruit: collige multo quęsitum
 labore, ne pereat. Proh rogo quę est ista securitas? Impendentem
 non timet mortem: lætatur percussa, carnifex palleat: oculi gladium non
 uidentes, fibulam uident. Et ne parum esset, quod non formidabat in-
 teritum, præstat beneficium sequenti. Iam igitur & tertius ictus sacramen-
 tum frustratus erat trinitatis. Iam spiculator exterritus & non credens
 ferro, mucronem aptabat in iugulum, ut qui secare non poterat, saltem
 premente manu corpori conderetur. O omnibus res inaudita sæculis.
 Ad capulum gladius reflectitur, & uelut dominum suum uictus aspi-
 ciens, confessus est se ferire non posse. Huc huc mihi trium exempla pue-
 rorum, qui inter frigidos flammarum globos hymnos ædidere pro fle-
 tibus, circa quorum sararaballa sanctamq; cæsariem, innoxium lufit in-
 cendium. Huc beati Danielis reuocetur historia, iuxta quę adulantibus
 candis, prædam suam leonum ora timuerunt. Nunc Susanna nobilis
 fide, omnium subeat mentibus, quę iniquo damnata iudicio, spiritu san-
 cto puerum replente saluata est. Ecce non dispar in utraq; misericordia
 domini. Illa liberata per iudicem, ne iret ad gladium: hæc à iudice dama-
 ta, absoluta per gladium est. Tandem ergo ad foeminam uindicandam
 populus armatur. Omnis ætas, omnis sexus carnificem fugat, & coetu
 in circulum coeunte exclamat. Non credit penè unusquisq; quod uidet.
 Turbatur tali nuncio urbs propinqua, & tota licitorum turma glome-
 ratur. E' quibus medius, ad quem damnatorum cura pertinebat, erum-
 pens, et caniciem immundam perfuso puluere turpans: Quin meum, in-
 quit, o ciues petitis caput? me illi uicarium datis? Si estis misericordes, si
 clementes estis, si uultis seruare damnatam, innocens certe perire non de-
 beo. Quo fletu uulgi concussus est animus, moestusq; se per omnes tor-
 por insinuat, & mirum in modum uoluntate mutata, cum pietatis fuisset
 quod

quod ante defenderant, pietatis uisum est genus ut paterentur occidi. Nouus igitur ensis, nouus percussor apponitur. Stat uictima, Christo tantū fauente munita. Semel percussa concutitur, iterum repetita quassa tur, tertio uulnerata prosternitur. O diuinæ potentiae sublimanda maiestas: quæ prius fuerat quarto percussa, nec læsa, ideo post paulum uisa est mori, ne pro ea periret innoxius. Clerici quibus id officij erat cruentum lintheo cadauer obuoluunt, & fossam humum lapidibus construentes, ex more tumulum parant. Festinato sol cursu occasum petit, & misericordia Domini, celeriore cursu naturæ nox aduenit. Subito foemina palpitat pectus, & oculis quærentibus lumen, corpus animatur ad uitam. Iam spirat, iam uidet, iam subleuatur, & loquitur. Iam in illam potest uocem erumpere: Dominus auxiliator meus, non timebo quid faciat mihi homo. Anus interim quædam, quæ ecclesiæ sustentabatur opibus, debitum cœlo spiritum reddidit, & quasi de industria ordine currente rerum, uicarium tumulto corpus operitur. Dubia adhuc luce, in litore diabolus occurrit, quærit cadauer occisæ, sepulchrum sibi monstrari petit: uiuere putat, quā mori potuisse miratur. Recens à clericis cespes ostenditur, & dudum superiecta humus, cum his uocibus ingeritur flagitanti: Erue scilicet ossa iam condita: Infer nouum sepulchro bellum, & si hoc parum est, auibus ferisq; lanianda membra discerpe. Septies percussa, debet aliquid plus morte perpeti. Tali ergo inuidia carnifice confuso, clam domi mulier refocillatur. Et ne forte creber medici ad ecclesiam commeatus suspicionis panderet uiam, cum quibusdam uirginibus ad secretiorem uillulam secto crine transmittitur. Ibi paulatim uirili habitu ueste mutata, in cicatricem uulnus obducitur. Et o uere ius summum, summa malicia: post tanta miracula adhuc sæuiunt leges. En quo me gestorum ordo pertraxit. Iam enim ad Euagrii nostri nomen peruenimus: Cuius ego pro Christo laborem, si arbitrer à me dici posse, non sapiam: si penitus iacere uelim, uoce in gaudium erumpente non possim. Quis enim ualeat digno canere præconio, Auxentium Mediolanis incubantem, huius excubijs sepultum, penè anteq̃ mortuum? Romanum episcopum iam penè factionis laqueis irretitum, & uicisse aduersarios, & non nocuisse superatis? Verum hæc ipse equidem spacijs exclusus iniquis prætereo, atq; alijs post me memoranda relinquo. Præsentis tantum rei fine contentus sum. Imperatorem de industria adit, precibus fatigat, merito lenit, sollicitudine promeretur, ut redditam uitæ redderet libertati.

DEDICATIO SEV FESTVM ECCLE

siæ. S. Augustini concio.



Ecce festa Ecclesiæ colūt, qui se ecclesiæ filios esse recognoscūt. Hæc enim omniū credentium mater est: quæ natos à morte regenerat ad salutem. Hæc est post synagogam quidem uos

Ss cata,

cata, sed ante synagogam promissa. Hæc enim iam in primo homine præfigurata est. Nam sicut ex Adæ latere fabricata est Eua, ita ex Christi corpore & uulnere redempta creuit Ecclesia. Hæc intra arcam diluuii exundante seruata: crucis beneficium & baptismatis mysterium præsignauit. Hanc Sara sterilis & desperata in senectute unico pignore fecundata præcinit, quod ecclesia unicum, id est, dilectissimum Deo populum sæculo iam senescente progeniuit. Hæc est regina illa, de qua ad Dominum dicitur: Astitit regina à dextris tuis in uestitu deaurato circumamicta uarietate, id est, diuersarum circumdata precioso decore uirtutum. Hæc est illa regina, quæ uenit à partibus Æthiopiæ audire sapientiam Salomonis. Sed hæc non tam ex una regione quàm ex uniuersis mundi partibus reges paritura conuenit: sicut etiam Euangelista commemorat: Regina Austri uenit à finibus terræ audire sapientiam Salomonis. Venit Ecclesia ad redemptorem & eruditorem suum, ut de stulticia erroris doctrinam perciperet ueritatis. De qua plenius sicut audiuius regnorum scribit historia, ita dicens: Et ingressa regina Hierusalem cum multo comitatu & diuitijs, cum camelis portantibus aromata & aurum infinitum nimis & gemmas preciosas, uenit ad Salomonem: & locuta est ei uniuersa quæ habebat in corde suo. Ergo in figura reginæ huius ecclesia uenit ex gentibus, & à finibus terræ, imponens finem cupiditatibus uitijsq; terrenis: ut audiret sapientiam Salomonis, id est, ueri pacifici Domini nostri Iesu Christi: qui fecit utraq; uirtutum, soluens inimicitias inter Deum & hominem in carne sua. Venit post ueteres & prophanas superstitiones audire & discere de fidei illuminatione & iudicio futuro: de animæ immortalitate: de spe resurrectionis & gloriæ. Venit ergo in Hierusalem cum multo comitatu, id est, non iam cum una gente Iudeorum, sicut prius synagoga solos habuit Hebræos, sed totius mundi gentibus diuersisq; nationibus. Venit ergo exhibens munera digna Christo: aurum & gemmas preciosas, & hoc camelis portantibus, id est, ex gentili populo uenientibus, qui prius fuerant uitiorum foeditate distorti, & malorum onere curui, ac peccatorum prauitate deformes. Cum his tantis muneribus regina hæc ingreditur ad pacificum regem Christum, exhibens fidei aurum, puritatis incensa preciosa, splendorisq; gemmarum, morum scilicet insignia & ornamenta uirtutum: & locuta est ei uniuersa quæ habebat in corde suo, id est, aperuit ei cor suum, manifestauit ei occulta conscientia suæ in confessione & poenitudine præcedentium delictorum. Videamus quid agat hæc regina. Videns inquam regina Saba omnem sapientiam Salomonis, & domum quam ædificauerat, & cibos mensæ eius, & holocausta quæ offerebat in domo Domini: non habebat ultra spiritum. Quid erat rationis, ut præpotens regina domus expensas, & cibos regios tantopere miraretur? Ergo hoc loco aliqua maiora nos oportet inquirere. Vidit ergo ecclesia ex gentibus con-

bus cōgregata sapientiā Christi, id est, post carnalia instituta gentilium, post humanam & animalem doctrinam philosophorum, accepit intellectum salutis, & uitæ inspexit spiritualium membra bonorum, agnouit uerum fabricatorem cœli & terræ, & potentissimum humani generis condidorem, de cuius sapientia dicitur: Omnia in mensura & pondere & numero constituisti. Vidit & domum quam ædificauerat, id est, incarnationem hominis assumpti, in quo habitat omnis plenitudo diuinitatis corporaliter. Vidit & cibos mensæ Salomonis, id est, illos de quibus dominus dicebat: Meus cibus est, ut faciam uoluntatem eius qui me misit patris. Cibus enim Christi est salus nostra: reficitur cœlestibus epulis, profectibus nostris. Cibus eius sumus, dum acquisiti Ecclesiæ in membra eius corpusq; transimus. Vel cibus eius altaris sacramenta cœlestia sunt, de quibus dicitur: Panem cœli dedit eis: panem angelorum manducauit homo. Vidit & holocausta eius: orationum sine dubio supplicationumq; mysteria: & obstupuit ubi uidit inæstimabiles diuitias domui sui. Dixitq; ad regem: Verus sermo est quem audieram in terra mea super sermonibus tuis & super sapientia tua: & nō credebam narrantibus, donec ipsa ueni & uidi oculis meis, & probaui, quod media pars nunciata mihi non fuisset. Maiora sunt sapientia & opera tua, quam rumor quem audiui. Cum ergo peruenerit regina hæc siue Ecclesia siue quæcunq; anima sancta in æternam Hierusalem, id est, uisionem pacis, & ingressa fuerit beatam requiem & gloriam cœlestium promissorum, multo plura & magnificentiora perspiciet, quam ei sunt in hac terra per sacra eloquia, per prophetas atq; apostolos nunciata. Nunc enim tanq; in speculo & in enigmate, tunc autem oculis suis uidebit, id est, facie ad faciem. Tunc beata & illustris anima inter stupendas remuneratoris sui constituta diuitias, ineffabilibus reginæ huius uerbis uti ad Deum poterit, dicens: Verus est sermo quem audiui in terra mea super sermonibus tuis: maiora sunt opera tua quam rumor quem audiui. Et reuera id quod parat Deus diligentibus se, fide non comprehenditur, spe non tangitur, charitate non capitur, desideria & uota transgreditur. Acquiri potest, æstimari non potest. Habet de perceptione fructū, non habet de satietate fastidium: Ad quæ uos bona perducatur, qui uiuit & regnat in sæcula sæculorum, Amen.

HYMNVS IN FESTVM CATHOLICÆ Ecclesiæ.

Q uam dilecta tabernacula	Ventus, flumen, pluuiæ.
Domini uirtutum: & atria.	Quam decora fundamenta,
Quam electi architecti,	Per concinna sacramenta
Tuta ædificia.	Vmbra præcurrentia.
Quæ non mouent, imò fouent	Latus Adæ dormientis

Adm de S.
Victore.

Ss ij

Euam

DE S A N C T I S

Etiam fudit, in manentis
 Copulæ primordia.
 Arca ligno fabricata
 Noë seruat gubernata
 Per mundi diluuium.
 Prole sera tandem foeta
 Anus Sara ridet læta
 Nostrum lactans gaudium.
 Seruus bibit qui legatur:
 Et camelus adaquatur
 Ex Rebecca hydria.
 Hæc in aures & armillas
 Aptat sibi, ut per illas
 Viro fiat congrua.
 Synagoga supplantatur
 A' Iacob, dum diuagatur
 Nimis freta literæ.
 Lippam Liam latent multa:
 Quibus uidens Rachel fulta,
 Pari nubit foedere.
 In biuio tegens unda,
 Germinos parit ex Iuda
 Thamar diu uidua.
 Hic Moyses a puella
 Dum se lauat, in fiscilla
 Reperitur scirpea.
 Hic mas agnus immolatur,
 Quo Israël satiatur:
 Tinctus eius sanguine.
 Hic transitur rubens unda,
 Ægyptios sub profunda

Obruens uoragine.
 Hic est urna manna plena.
 Hic mandata legis dena,
 Sed in arca foederis,
 Hic sunt ædis ornamenta.
 Hic Aaron indumenta,
 Quæ præcedit poderis.
 Hic Vrias uiduatur.
 Bersabæ sublimatur,
 Sedis consors regiæ.
 Hæc regis uarietate
 Vestis astat deauratæ,
 Sicut regum filiæ.
 Huc uenit austri regina,
 Salomonis quam diuina
 Condit sapientia.
 Hæc est nigra sed formosa,
 Myrrhæ & thuris fumosa
 Virga pigmentaria.
 Hæc futura, quæ figura
 Obumbravit, reserauit
 Nobis dies gratiæ.
 Iam in lecto cum dilecto
 Quiescamus, psallimus:
 Assunt enim nuptiæ,
 Quarum tonat initium
 In tubis epulantium,
 Et finis per psalterium.
 Sponsum millena millia
 Vna laudant melodia,
 Sine fine dicentia: haleluia.

EX ANTHROPOLOGIA VOLA

terrani.



Achillas Statius Alexandrinus scripsit de Leucippo & Clito-
 phonte, aliâq; amatoria: postea Christianus factus præsul
 eiusdem urbis ordinatur, omnimodam deinde historiam
 ædidiit, aliâq; complura.

Hadrianus Martyr sub Maximiano apud Nicomediam, cuius fe-
 stum vi. Idus Septemb.

Heliodorus præsul Tricensis, quæ ciuitas est Thessalæ, tempore
 Theodosij, scripsit græcè Æthiopicam historiam.

Alii

Alius item Heliodorus presbyter, deinde praesul Altinensis.

Agatho Martyr sub Decio apud Alexandriam.

Agapetus puer xij. annorum apud Preneste sub Aureliano principe passus.

Agricola & Vitalis eius seruus martyres sub Maximiano Bononiae passi & sepulti à beato Ambrosio, qui eorum corpora diuinitus ei patefacta, in eadem urbe tumulauit, ut ipse testatur.

Alexis Romanus, quē Alexium uocant, filius Euphemiani magni uiri, Honorij Imp. tempore, nobilis adolescens, patricij unicus, diuino instigatus spiritu clam relictis omnibus, atq; etiam uxore, quæ pauld ante ei pacta fuerat, Edessam Mesopotaniae urbem petijt, ubi inter mendicos hominum misericordia uictitabat: post annos uero xij. cum Laodiceam se conferre uellet, uento Ostiae littus impulsus est. Mansit reliquum uitæ tempus peregrini habitu ac pauperis in domo pauperna in Auentino, ubi nobile nunc ipsius cernitur templum &c.

Ansanus Romanus martyr Senensium patronus.

Anastasius martyr & monachus Persa genere, tempore Heraclij.

Alter item monachus & confessor Ro. ecclesie: huius meminit Gregor. iij. Dialogorum

Anselmus praesul Cantuariensis, Normadus genere, ac monachus apud Anglos, magna doctrinae fama temporibus Paschalis ij. pontif. & Henrici iij. Imper. circa salutis annos M. LVIII. scripsit &c.

Anselmus alius eodem ferè tempore praesul Lucensis, author ut Matildis Comitissa, quæ tunc Lucae dominabatur, coenobium S. Benedicti apud Mantuam ædificaret &c.

Aphrodisius praesul Bituricensis Petri discipulus, genere Aegyptius: iacet apud Bituriges.

Arsenius è stirpe senatoria, Honorij Imper. aulicus, ac beatæ uitæ cupidus, quū diuinitus audisset: Fuge, tace, & quiesce, ad coenobiū properauit relictis omnibus &c. Fuit & alius Arsenius martyr sub Decio.

Artemius praefectus cum Candida uxore & Paulina filia, martyres sub Adriano, iacent in uia Aurelia. Hic Marcellinum presbyterum & Petrum exorcistam in carcere custodiebat, à quibus & ipse Christianus factus, iugulatus postremo est, uxor autem & filia lapidibus obrutæ.

B.

Bassus martyr sub Decio, patria Nicenus, clauis ferreis confixus.

Bassianus martyr Syracus. sub Claudio.

Bibiana uirgo Romana & martyr sub Iuliano, quæ unā cum parentibus martyrum corpora tumulabat: sepulta apud Palatium Lucianum.

Beda natione Anglicus, ob uitæ modestiam Venerabilis cognomentum adeptus: claruit sub Ioanne sexto pontifice. Cum Sarraceni ex

Ss iij

Aphrica

Aphrica soluentes Hispaniam inuasērunt: ex quo Beda literis principes ad eam recuperandam sollicitauit: Græcè latinèq; eruditus fuisse traditur. Scripsit in Actus Apostolorū: in Lucam: ædedit & librum de temporibus, & Homilias quibus Gallici sacerdotes frequenter utuntur. Fratres habuit Strabonem & Aymonem doctos etiam uiros, quorum alter homilias quasdam non ineruditas, alter in Genesim scripsit. Depositum Bedæ Genuæ uisitur.

Bernardus abbas inter Burgundos nobili ortus genere anno fere uigesimo secundo ætatis sub abbate Stephano qui tertius fuerat in cœnobio Cistertiensi: paulo ante instituto, unā cum xxx. socijs monachū professus, doctrinæ, uitæq; laudatæ fama adeo profecit, ut Clara uellensi cœnobio tunc primum Roberti uiri illustris impensa constructo, prepositus sit: Cui annos triginta sex præfuit. Plura reliquit scripta: cōmentarios in Cantica: Considerationes diuinæ contemplationis ad Eugenium pontificem. Vnde pontificij muneris ratio ducatur: Varias quoq; epistolas, sermones &c.

Bonifacij uiri sancti plures: primus Romanus apud Tharsum Aglaes diuitis uiduæ res procurabat, cum qua rem habebat, ebrietate cæteris moribus infamis. Factus repente alius: martyrium sub Diocetiano subiit: relatusq; deinde à seruis Romam, eiq; templum in Auentino dicatum, quod & Alexio postea commune fuit. Alius Britannicus natione, præsul Moguntinus apud Phrisios: & ipse martyr, quod iussu Stephani II. Pont. Pipinum Caroli patrem in regem oleo sacro perunxerit. Alius præsul Carthaginensis Zenone imperante. Alius præsul Ferentinus: ambo confessores. Quintus item martyr Bosnensis, Othonis tertij consanguineus.

Bonus presbyter Romanus simul cum Fausto & Mauro diaconis Romæ sub Valeriano passus: sepulti omnes in uia Latina.

C,

Cassius præsul Narniensis tempore Totilæ, cui occurrens animum placauit, ne ciuibus noceret. Meminit huius Gregorius iij. Dialog.

Cassianus martyr apud forum Corneliij, ubi & iacet, & quo uenerat peregrinationis gratia, è Brixina urbe Germaniæ, cuius erat ciuis & præsul: quumq; foro Corneliij doceret, iussu Iuliani, qui prohibuerat Christianos docere, stilis discipulorum confossus est. Alius Cassianus monachus, tempore Honorij ab hæretic. Hierosoly. eiectus Massiliam uenit, ubi duo condidit cœnobia: Scripsit.

Cassiodorus Rauennas præceptor Theodorici regis Gothorum, primum senator, deinde monachus factus, nonnullos scripsit Psalmorum locos apertius &c. Extant & eius epistolæ ad Theodoricum.

Celsus puer Gallicus ix. annorum, unā cum Nazario apud Mediolanum martyr sub Nerone.

Cyrilli

Cyrilli duo, alter Alexandrinus præsul, qui scripsit contra Iulian. alter Hierosolymitanus, sepe expulsus & receptus tempore Theodosij.

Cyriaci duo, alter diaconus cum Smaragdo, Largo & Sisinnio, Marcello sedente, sub Diocletiano passi: qui Saturninum iam senem ad fodiendam arenam pro thermis damnatum, opera iuuarent. Sepulsi in uia Salaria, translati in Ostiensem &c. Alter Cyriacus siue Quiriacus præsul Hierosolymitanus, sub Iuliano passus, deinde translatus Anconam. Is enim Iudas fuit, qui cum Helena Christi crucem repperit.

Cyrinus Romanus cum Basilide & Nabore sub Dioclet. passus.

Claudij martyres vii. diuersis in locis fuere, inter quos Claudius tribunus cum Hilaria uxore & filijs Mauro & Iasone, ac militibus lxx. à Chrysante & Daria instructus in fide, quibus ille custos adhibitus, à Numeriano Imperat. fuerat, sepulti in uia Salaria. Numerantur etiam tres Claudij apud Petrum de Natalibus.

Crispinus & Crispinianus ex urbe Roma Sueffionem in Galliam profecti, peregrinationis gratia ex arte sua sutoria calceis pauperes iuuabant, multosq; ad fidem deducebant. Sub Maximiano deinde interfecti, templum etiam apud posteros in eadem urbe meruerunt.

Christophorus genere Iudæus, patria Cananæus: cum esset ingenti corpore ac nobilis, dominum quæritabat supremum. Cumq; diabolo humana specie deceptus seruisset, animaduertit quod Saluatoris ille imaginem expauesceret: quapropter Christo ueluti maiori deinceps seruiuit, cuius causa ad fluuium quendam humeris peregrinos transuehebat, inter quos & Christus pueri specie fuit. Tandem & ipse adfectus martyrio occubuit.

Dionysij Areopag. socius Rusticus & Eleutherius: Suidas consensit illum esse, quem nos.

Euphrosyna apud Alexandriam uirgo nobilis: nuptias aufugit in quoddam coenobium ubi pater degebat: ingnota habitu uirili, in quo perseverauit usq; ad extremum, annos uidelicet xxxvj. In morte tantum se patri manifestauit, quæ se Smaragdum appellabat. Altera uirgo Romana & martyr in Domicilla dicitur. Aliam quoque uirginem ac martyrem nostri tradunt ex hac stirpe fuisse, Domitiani ex sorore neptem ac Aurelio Flauio Clementis Domitiani fratris filio pactam: quæ à Nereio & Archileo eunuchis & custodibus eius Petri discipuli ad fidem simul et uirginitatem seruandam deducta est, & à Clemente presbytero abluta: quare de eunuchis supplicium sumptum, ipsa in Pontiam insulam missa: demum à uiro Terracinam reuocata, per Theodoram & Euphrosynam collectaneas nullo modo auerti potuit: sed illæ potius ad fidem ab ea conuersæ, ex quo omnes in uno cubiculo atq; eadē urbe crematæ.

Donatus grammaticus præceptor diui Hieronymi, scripsit artem quæ in manibus extat puerorum, quantq; in epitomen redactam. Com
mentarios

mentarios item in Terentium & Virgilium ædedit. Donatus à quo Donatiani sub Constante & Constantino principibus, asseuerabat à nostris scripturas in persecutione ethnicis traditas, totamq; penè Aphricam ac Iudæam sua persuasione decepit: reliquit scripta ad suam sectam facientia. Hieronymus.

Donatus item martyr præsul Arretinus, sub Iuliano principe: quæ parentibus ob fidem interfectis ipse Arretinum aufugit unà cum Hilario monacho uiro sancto, simulq; securi percussus, atq; in eodem loco sepultus est. Sunt & plures alij huius nominis martyres.

Numerat unà ad supplicium sub Nerone, Dorotheam, Euphemiam, Teclam & Erasinam uirgines.

Hiacynthus & Protus eunuchi Eugeniz filiz Philippi præfecti, sub Maximiano martyres, cum ea sepulti in coemiterio Priscillæ. Alter iugulatus apud Terracinam.

Ianuarius præsul Beneuentanus, martyr sub Dioclet. unà cum Acazio, Desyderio, Proculo & Festo socijs, apud urbem Puteolos.

Hippolitus Romanus martyr, discipulus Laurentij, sub Decio principe, ductus extra portam Tiburtinam, & equis indomitis alligatus atq; discerptus, primi Hippoliti fati felicius ac sanctius imitatus est.

Iphigenia uirgo sancta, filia regis Ægypti prædicatur, ab Apostolo Matthæo facta Christiana, quæ coenobium Virginum instituit.

Iulia comes Eulaliz martyris, sub præside Daciano capite truncta apud Barcinonem. Item alia Iulia martyr. Item tres.

Iustinas duas martyres uirgines. Altera Patauina genere & nomine, Vitiliani regis filia, à S. Prodocino præfule Patauino Christiana facta: deinde sub Maximiano gladio transfixa. Cuius Paduæ uenerabile templum & eius nomine congregatio. Altera Antiochena gladio etiam petita, unà cum Cypriano præfule Antiocheno, Romam deinde translata, postremo Placentiam, ubi nunc requiescit.

Longinus miles simul cum Megisto & Acesto ad Christi fidem inductus à Paulo Apostolo ad supplicium proficiente. Ante hunc dicitur & ex militibus unus extitisse, qui Iesum crucifixum hasta percussit, & ob signa & prodigia subsecuta Christianus factus, postremo martyr. Habeo autorem qui dicat hoc nomen ab illius officio græce uocatum fuisse, ob hæc uerba, ἀλλ' εἰς τὴν σπατίῳ λόγχῃ αὐτοῦ πλὴν πλεῦρα ἐνυζε. qui pro Lonche, id est, hasta Longinum putent dictum. Hic est quem Mantuæ sepultum esse dicunt, quo sanguinem ille dominicum ex humo deletum tulerat.

Lucianus presbyter & martyr, Apostolorum discipulus, in Galliam unà cum Dionysio missus, & ab eodem Beluacensis præsul factus. Lucianus alter uir disertissimus, presbyter Antiochenus, scriptor &c.

Marcia uirgo & martyr cum Ruffino apud Syracusas. Alia apud Nicomediam cum plurimis alijs.

Martini

Martini martyres plures, unus apud Atinam ciuitatem simul cum Nicandro, ubi etiam quiescit, sub Diocletiano. Alius cum Aquilino & Gemino in Aphrica in persecutione Vandalica. Alius præsul Terdonensis sub Adriano.

Martiana uirgo & martyr sub Diocletiano apud Cæsaream.

Martiales plures martyres &c.

Margarita uirgo Antiochena in patria sub Olibrio præfecto post multa supplicia, capite truncatur, annorum xv. ibidem q̃ sepulta.

Menius præsul Catalaunensis, à Petro institutus, & cum Dionysio iu Galliam missus.

Menas uir Ægyptius & martyr sub Diocletiano in Phrygiæ partibus, ubi sub Agricolaō duce merebat.

Modestus & Amonius infantes martyres Alexandriæ sub Diocletiano.

Pantaleon apud Nicomediam patriam sub Maximiano martyr, Christianus ab Hermolao presbytero Nicomediense factus.

Patricius præsul apud Scotos, regem Scotorum ad fidem reduxit.

Petronilla Petri Apostoli filia uirgo, Romæ decessit & iacet. Huic febricitanti, cur non succurreret, sicut alijs, interrogatus Petrus, respondit: Hoc ei præstare.

Pudens senator Rom. sub Anthonino Imperatore à Pio pontifice cum tota domo Christianus factus. Filios habuit Pudentianam, Praxedem, & Nouatum, omnes inter sanctos unā cum patre relatos. Hæ sorores post mortem parentum ex eorum facultatibus sanctis ministrabant, martyres sepeliebant &c.

Lucretia Christiana, uirgo Hispana & martyr apud Emeritam Hispaniæ ciuitatem sub præside Datiano Maximiani tempore passa est.

Romanus nomine ac patria, arte miles, à Laurentio deductus ad fidem, quem in custodia iussu Imperatoris Decij seruabat, martyr & ipse sub eodem: sepultus in agri Verani crypta.

Rufinus & Valerius martyres apud Sueffiones sub Maximiano.

Rufina & Secunda uirgines, patre Asterio, & matre Aurelia, martyres sub Valeriano.

Sabinus martyr ac præsul apud Assisium unā cum Exuperantio & Marcello diaconis sub Diocletiano.

Symphorosa uxor Getulij martyris, filios Tibure sub Adriano martyres læta conspexit, stipitibus per membra uarijs modis transfixos, quorum nomina Crescens, Iulianus, Nemesis, Primitius, Iustinus, Statheus, Eugenius: Sepulti uia Tiburtina ix. ab urbe miliario. Parem filiorum numerum Felicitas Romana matrona in hac palma sub Anthonino uidit: Ianuarius, Felicem, Philippum, Syluanum, Alexandrium, Vitalem, Martialem, uarijs necatos supplicijs. Syluanus etiā de alta

T t crepidine

crepidine præcipitatus, quos paulopost mater etiam martyrio secuta est. Sepulti Romæ omnes. Idem quoque Dormientium numerus legitur fuisse Maximianus, Malchus, Martinianus, Dionysius, Ioannes, Serapion & Constantius, Hi namq; socij apud Ephesum Parthenius & Calocerus, eunuchi Tryphonis uxoris Decij Imperatoris, martyres sub eodem principe.

Saturninus martyr sub Maximiano, damnatus ad extruendas thermas Diocletianas, fodiendamq; arenam.

Tecla uirgo & martyr apud Iconium sub Nerone, Pauli Apostoli discipula.

Theodulus martyr, qui Imp. Iuliano sub Amachio præfecto minoris Asiæ passus est. Quem dicunt illud, dum ureretur pronunciasse: Volue igitur si uis, degustare iam coctum. Hæc Suidas.

Thryphon, Respicius, & Nympha uirgo in Saxonia sub Decio martyres. Prior enim anseres pascebat, cuius exemplo Respicius tribus militum, et deinde Nympha uestalis permoti sunt. Tryphonia uxor ipsius Decij ponitur & in hac palma.

Valerij sancti uiri, duo præsules non prætereundi: alter Cæsarius gustanus & ciuis & episcopus, Maximiani tempore sub Datiano præsidet, una cum Vincentio martyre captus. Alter præsul Hipponensis fuit, cui successit Augustinus. Est & Valeria uirgo & martyr in Aphrica cū Cornelia item uirgine. Altera Valeria martyr uxor S. Vitalis.

Valerianus præsul in Aphrica martyr sub Genserico rege.

Victoria uirgo Trebulana & martyr in patria sub Decio.

Vrsitinus martyr apud Rauennam sub Nerone.

Sophia mater foelicis, tres filias, Fidem, Spem & Charitatem sub Adriano pro Christi nomine iugulatas alacriter uidit sepeliuitq; xviij. ab urbe miliario. Iacob Perganen scribit uocatas eas græcè, Elpis, Pisis, Agape: Et uult templum Sophiæ Constantinopoli uocatum ab hac Sophia.

Simon puer Tridentinus sub Sixto iij. die Veneris à Iudæis clam, comprehensus, & omnibus cruciatibus prius adfectus, demum cruci affixus est. Ex quo templum ei ueluti martyri dicatum.

Sylvanus Troadis præsul Maximiani tempore Rhetor, ab initio Troili Sophistæ discipulus, Christianus uitā monachi dilexit &c. li. xix.

S. PROTASIVS ET GER

uasius Marty. Mediola.

Ex lib. S. Ambrosij



ESTERNO tractaui Versiculum, Dies dici eructat uerbum, prout nostri tulit caput ingenij, hodie mihi non solum superiore tempore, Sed præsentī quoq; prophetaisse uidetur scriptura diuina. Nam cum diebus ac noctibus con-

bus cōtinuatam uideā sanctitatis uestre celebritatem, istos esse dies propheticī carminis, oracula declarare hesternum atque hodiernum, de quibus oportunissime dicitur : Dies diei erunēt, uerbum, & istas noctes de quibus aptissime disputatur, quia nox nocti indicat Scientiam. Quid enim aliud hoc biduo nisi uerbum dei intimo erunētis affectu, & scientiam uos habere fidei probauistis ? Cui tamen celebritati uestre qui solent, inuident. Et quia celebritatem uestram inuidis animis ferre non possunt, causam celebritatis odore, atq; amentie in tantum prodeunt, ut negent martyrum merita, quorum opera etiam dæmones cōfitentur. Sed hoc non mirum. Siquidem tanta est incredulorum perfidia, ut tolerabilior sit diaboli confessio. Dicebat enim diabolus : Iesu fili dei uiui quid uenisti ante tempus torquere nos ? Et cum hæc audirent Iudæi, ipsi tamen dei filium denegabant. Et nunc audistis clamantes dæmones & confitentes martyribus quod pæuas ferre non possint, & dicentes : Quid uenistis ut ante tempus nos tam grauius torqueatis. Et Arriani dicunt : Non sunt isti martyres, nec torquere diabolus possunt, nec alium quem liberare, cum tormenta dæmonum ipsorum uoce probentur, & beneficia martyrum, remedijs cæcorum, & absolutorum indicijs declarantur. Negant cæcum illuminatum, sed ille non negat, se sanatum. Ille dicit : Video qui non uidebam. Ille dicit : cæcus esse desiui, & probat factum. Isti beneficium negant factum negare non possunt. Notus homo est, publicis cum ualeret mancipatus obsequijs, Seuerus nomine, Ianus ministerio. Deposuerat officium postquam inciderat impedimentum. Vocat ad testimonium homines quorum ante sustentabatur obsequijs. Eos indices suæ uisitationis accersit, quos habebat testes & arbitros cæcitatis. Clamat, quia ut contigit frimbriam de ueste martyrum, qua sacræ reliquie uestiuntur, redditum sibi lumen sit. Nonne simile illud est, atq; illud quod in Euangelio legimus ? Vnius enim potentiam laudamus auctoris, nec interest utrum opus sit an, munus, cum et muneret in opere, & operetur in munere. Quod enim alijs faciendum donauerit, hoc in aliorum opere nomen eius operatur. Legimus ergo in Euangelio, Iudæos cum uiderent in illo cæco sanitatis remedium, requisisse parentum testimonium. Interrogabant quomodo uidet filius uester, cum ille diceret, cæcus cum essem, modo video. Hoc & iste dicit : Cæcus fui & modo video. Interrogate alios si mihi non creditis, interrogat ex traneos, ne astipulari mihi parentes putetis. Detestabilior istorum quam Iudeorum pertinacia. Illi cum dubitarent, uel parentes interrogabant, Iste occulte interrogant, palam negant, iam non operi increduli, Sed auctori. Sed quæro qui non credant, utrum a martyribus possint aliqui uisitari, hoc est Christo non credere, Ipse enim dixit : Et maiora his facietis : an ab istis martyribus quorum merita iam dudum uigent corpora, dudum reperta sunt. Quæro hic, utrum mihi an sanctis martyribus inuideant ? Si mihi,

T t ij

nunquid

nunquid à me aliquę uirtutes fiunt? Nunquid meo opere, meo nomine? Cur igitur mihi in uident quod meum nō est? Si martyribus, restat enim ut si mihi non inuident, martyribus inuideantur, ostendunt alterius fidei fuisse martyres, quàm ipsi credunt. Neq; enim aliter eorum operibus inuiderent, nisi fidem in his fuisse eam quam isti non habent iudicarent.

Fidem illam maiorum traditione firmatam, quam dæmones ipsi negare non possunt, sed Arriani negant. Audiuius hodie dicentes eos quibus manus imponebatur, neminem posse esse saluum, qui patrem & filium, & spiritum sanctum negaret, qui trinitatis omnipotentem uirtutem nō crederet. Confitetur hoc diabolus. Sed Arriani nolunt fateri. Dicit enim diabolus, sic torqueatur quemadmodum ipse à martyribus torquebatur qui spiritus sancti deitatem negarit. Non accipio à diabolo testimonium, sed confessionem. Inuitus dixit diabolus, sed exactus & tortus.

Quod nequitia supprimit, extorquet iniuria, cedit diabolus plagis, & ad huc cedere nesciunt Arriani. Quanta perpessi sunt, & quemadmodum Pharao malis suis indurantur. Dicebat diabolus, ut scriptum legimus, Scio te quis sis. Tu es filius dei uiui. Dicebant iudæi: Nescimus quis sit. Dicebant hodie & superiore die uel nocte dæmones, Scimus quia martyres estis, Et Arriani dicunt: Nescimus: Nolumus intelligere, nolumus credere. Dicunt dæmones martyribus: uenistis perdere nos. Arriani dicunt, Non sunt dæmonum uera tormenta, sed ficta & composita ludibria. Audiuimus multa componi, hoc nemo unquàm fingere ponit, ut dæmoniacum se esse simularet. Quid illud quod ita exagitari eos uidemus, quibus manus imponitur, ubi hic locus fraudi est, ubi suspitio simulandi, sed non ego ad suffragium martyrum usurpo uocem dæmoniorum. Beneficijs sacra passio suis comprobetur. Habet iudices sed purgatos, habet testes, sed absolutos. Melior uox est quam sanitas loquitur eorum qui debiles aduenerunt. Melior uox est quam sanguis emittit. Habet enim sanguis. Vocem canoram quæ de terris ad cælum peruenit. Legistis dicente domino: Sanguis fratris tui clamat ad me. Et hic sanguis clamat coloris indicio: Sanguis clamat operationis præconio: Sanguis clamat passionis triumpho. Satis factum est petitioni uestræ, ut cōdendas hesternio in hodiernum diem differremus reliquias.

S. GREGORIVS NAZIANZENUS

Thel. & Episco.

Bilibaldus Byrckbeymer



NUNCIPIAM Vnde incipere est cōuenientissimum; nempe à patria illius, quæ ciuitas fuit Nazianzensis; inter capadoces dignitate secunda: quæ tanti uiri natiuitate adeo est illustrata, ut ad ultimos orbis fines per eum sit cognita, siquidem nequaquam pella per Alexandrum adeo splendida est facta, nec Persæ per Cyrum tam uehementer sunt

ter sunt exaltati, quanquam Nazianzum per Gregorium, quod opus
 pidum iuxta meam opinionem, propter uiri tanti uirtutes, ex diametro
 inter Indos & Britannios est situm, quo utrinque redderetur insigne. Pa-
 rentes autem eius generosi fuere & iusti, magisque animarum quam cor-
 porum puritate in separabiles, ex quibus pater, tanquam alius Abraham
 paternam reliquit terram & idola, peregrinatusque est ad religionem, si-
 quidem deposita infelicitate, & abiecto Hypsistariorum errore, legitimus
 gratiae factus est mystes: primo quidem ouis, deinde ob summam eru-
 ditionem in Nazianzensis etiam ecclesiae assumptus est pastorem. Ma-
 trem uero sortitus est sanctam, & ex sanctis maioribus ortam, quae inter
 cetera pietatem quoque hereditario quasi iure acquisiuit. Sanè quum iam
 ad pubertatem peruenisset, ac eloquentiae teneretur desiderio. Cæsaream
 perrexit, ubi & cum optimis conuersatus, est praceptoribus, doctrinamque
 hanc paruam est adeptus, hinc in Palaestinam nauigauit, ut ibi rhetoricæ
 operam daret, quo & eloquentia excellere, & hominum illorum mores
 perdiscere ualeret, inde Alexandriam perrexit, et ad Pharum, ita ut mul-
 tas ciuitates uideret, & multorum hominum prudentiam, pro sapientia
 acquirenda addisceret: quemadmodum ex sapientibus quidam inquit,
 quumque plurimum utilitatis ibi fuisset consecutus, ad matrem sermo-
 num Athenas naue Aeginetica transfretrauit. Quum uero non multum
 effluxisset temporis, uenit Athenas à Byzantio Basilus magnus, eiusdem
 doctrinae causa, Sodales igitur & contubernales sunt facti proinde cor-
 pora à iuuentute omni exercuerunt abstinentia, contenti necessarijs, He-
 liz instar & Ioannis, qui ex arborum uiuebant fructibus: quæ uero ad
 uentris delicias, nec non ad gulæ pertinerent irritamenta, penitus con-
 temperunt, uoluptatesque longe ualere iusserunt, quid autem de castitate
 dicam: quam in omni uita pure ac illibate deo conseruarunt, ita ut minus
 redargui possent, quam xenocrates ille & Polemon: Porro honestis
 tantum incumbabant studijs, siquidem in Grammatica nihil eos latebat,
 ex Rhetorica autem solum modo eloquentiae decerpebant florem, reli-
 quas uero nugas dimittebant. Philosophiam autem moralem &c. Pri-
 mum igitur diuinum suscepit Baptismum, cuius uirtute iam antea erat
 illuminatus, terminumque sibi ipsi statuit, ne unquam iuraret, donec in hac
 uita ageret, quem etiam ad finem usque seruauit. Sæpius igitur Christum
 manifeste in somno uidit, nec non in meditatione nocturna, & hanc re-
 tributionem pro illa accepit puritate, nam ut liber inquit sacer, Beati puri
 corde, quoniam deum uidebunt, siquidem illum purum uocat dominus.
 qui instar Gregorij magni ciuitates, forum, theatra, sophistarum fastum,
 principum arrogantiam, iudicum citationes, litigantium contentiones,
 rhetorum nugas, furum insidias, mercatorum insacrabilitatem, caupo-
 num periuria, diuitum superbiam, inopum maleficia, satietatem nausean-
 tem, ebrietatem petulantem, gloriam labilem, uestes præciosas, uasa ex
 Tt iij argento

argento & auro elaborata, domus picturis & marmorum crustis ac lapillis sumptuose exornatas, nec non alia cuncta derelinquit, quoniam puras mentes perturbare solent, quo minus purissimo lumini concedatur ingressus, & hæc noster egit Gregorius, quum adhuc in flore iuuentutis esset constitutus, postquam autem pater filium ad sacerdotium promouisset, ac in presbyterum elegisset, uicq; eum & uix ad sententiam suam perduxisset. Interea res accidit talis: quum hæresis Ariana, per spiritus malitiæ ecclesiam infestaret, multi ciuitatū episcopi in exilium sunt pulsi, ac multipliciter tam ui quam calumnijs agitati, sacerdotes uero & populi multitudo ita affligebantur, ut congregationes suas sub æthere facere cogerentur, non enim domus habebant in quibus orarent, neq; contra leges & iustitiam impijs communicare uolebant, quum hæresis omnes ferè terrarum occupasset fines, manu ac impietate regia audaciam sortita. Quum autem pater eius Gregorius (ita enim & ipse uocabatur) uitam cum morte permutasset, ipse patrem oratione honorauit funebri, nam deo acceptam matrē. Nonnam adhuc uiuentem laudauerat, pie ac sancte faciens, & quemadmodum patris & matris, nec non Christi amatorem decebat, curam igitur eius in uiduitate constitutæ gessit, quum in senectute longæua auxilio egeret & quiete. Verum post eius obitum, ecclesia excessit, ac seleuciā est profectus, ibiq; apud uirginum Sanctæ Theclæ domicilium habitauit, tempus tribuens, ut episcopus aliquis Nazianzo præficeretur. Basilius domos ædificauit ingentes, ex prouentibusq; quos ab opulentioribus colligebat, inopes alebat, illos enim sermonibus prudentibus ad distributionem hortabatur, ac omnes debiles ad domus illas, quas pauperum uocabat receptacula, colligebat, reperit autem ecclesiam tanquam nauis malum in monte erectum, uel sicut uia, signum in colle, ut prophetica loquar, constitutum, exiguam, attenuatam, & delitescentem, ac per ulmi omni loquendi libertate priuatam. Sacras uero domus cunctas dereptas & ui-occupatas, adeo ut sola Anastasia sancta, orthodoxis esset relicta, forsitan quia tum propter ambitus contempta esset Augustiam, quemadmodum norunt ij. qui templū uiderunt antiquum. Quū igitur discipuli, Apollinaris assidue populi aures obtunderent, & sancti patris accusarent facta, præualuit tandem calumnia, gutta enim assidue distillans, saxum etiam tandem excauat, & quia talia multorum auditu sublimiora erant, qui nequaquam dispensationis profunditatem intelligere poterant, lupis credebatur, pastor autem qui ueritatem docebat, suspicioni obnoxius erat, qui igitur pro Apollinaris pugnant opinione, tanquam apri Syluestres, quū iam pridem iram accuissent, perturbationemq; & calumniam, quæ Gregorio ex Apollinari opinionum censoribus concitabantur, in auxilium sumpsissent, populum euentis concitarunt sermonibus, ut uirum, quemadmodum olim Iudæi Stephanum lapidarent, nisi quod ictibus aberrarunt,

sunt, quum deus suum protegeret propugnatorem, comprehendentes autem illum tanquam seditiosum quendam, & pacis turbatorem, ad consulis pertraxerunt tribunal. Prohimpudentia, proh mendacii uolentia. Gregorius de talibus iudicatur, qui alienae irae &urbationis mitissimus erat medicus, qui pacis erat dispensator, qui Christi erat discipulus, clementis illius & humilis, & qui mansuetudinem lege statuisset, at ipse quavis talibus oppressus esset difficultatibus, solummodo hæc in ore habuit, propter nomen tuum Christe, etiam si ambulauero in medio umbræ mortis non timebo mala, quoniam tu mecum es, mox sine uerberibus & supplicio est dimissus, martyr absque corporis afflictione, & sine uerbicibus coronatus. Cæterum in omni doctrinarum genere, præcipue uero Theologica profunditate, tantum eminuit, ut licet tempore multo, multi extitissent uiri in Theologica sapientia præstantissimi, famæque & nominis celebritate clarissimi, solus tamen iste, post Ioannem Euangelistam Theologi nomine sit insignitus, appellationemque hanc tanquam præcipuam sortitus. Gregorius autem clerum & populi conuocauit præcipuos, ipsosque adhortatus est, ut fidei custodirent depositum, & dei mandata seruarent. Deinde illis ualedixit, & quum omnibus lachrymarum fontem excussisset ab urbe discessit, contulit autem se ad agrum Ariarum, quem ex hereditate paterna in Capadocia possidebat. Tandem necessarium duxit, quum post regressionem suam in Arianzo quiesceret, ac à negocijs feriatum ocium ageret, ut & ipse carmina scriberet. Unde mihi plurima argumenti deprehenditur materia. Dehinc per aliquod quieuit, philosophia uitam expurgans, quumque iam contemplationi maiori immersus esset, fragilem hanc uitam, cum conditione meliori & sublimiori in multa permutauit senectute, cuius hic uix simulachrum aliud quod deprehenderat.

S. ADELBERTVS SEV AL

bertus Episcopus.



SOLICITE disquirenti mihi, duo Adelberti (præter illum uulgo notum Scriptorem Parisiensem, Præfulem Ratisbonensem, in Sueuia natum, Colonia sepultum) diuersis in libris occurrerunt, quorum alter discipulus fuerat Ecberti in Phrysia defuncti, alter Pragensis Præfule, in Polonia martyrii laurea condecoratus. Hic floruit ante annos ferme 600, ille uero ante 700. De priore scripsit Rugerus Fuldensis ante 400. annos. De posteriore autem nuper Equilius Venetus, de utroque habet ne unum quidem uerbum (quod demum) historia Lombardica, Ratisbonensis omnibus in ore est propter Theologiam istam Sorbonicam, in qua Sueuus ille longe præcelluit. Reliquorum duorum uix ulla apud plerosque mentio. Ipse sepulchrum S. Adelberti Martyris in templo primario Pragæ admirandus uidi.

T t iiii Honorem

Honorem inusitatum adhuc Bohemi suo illi diuo habent, quemadmodum Venceslao quoque & Ludimillæ, quæ foemina Episcopi Methonis doctrina Christo lucrifacta fuit. Prior Adelbertus ætate Pipini Francorum ducis uixisse, & in Hibernia Ecbertum Ecclesiæ doctorem unacum alijs Anglis ac Scotis audiuisset memoratur. Vnde ad prædicandum uerbum Dei incredulis gentibus unacum Vuigberto & Vuillisbrordo presbyteris missus, mirandum in modum auxit Ecclesiasticum ubique gregem. Fertur admirabili quadam morum suauitate, ingenique lenitate fuisse Adelbertus, & illud in primis studuisse, ut doctrinæ parrem uitam exigeret, in medio Nationis prauæ, Euangelizaret primum exteris, deinde per occasionem suis quoque conterraneis, à quibus ubi suo fuisset officio perfunctus, ad externos inuictus concionator rediit. Quando autem libitum fuit domino, atque uir ille spiritu sapientiæ repletus, bonis operibus ornatus, dissolutionis cupientissimus, certamen suum egregie consummasset, in Phrysia apud Eggo suum dulcissimum amicum, animam in pace Deo reddidit, tumulato corpori miraculorum uirtute diuinitus relictæ. Cæterum posterior Adelbertus Selauus, à Parthenopolitano Episcopo liberaliter educatus, deinde Imperatoris. Othonis I. filiorum pædagogus, Post, ex aulico miles Cæsareus, rem bellicam strenue gessit. Postremo prodigiose in Pragensem Episcopum electus, ab obitu uidelicet Ditimari primi ibidem Præsulis, diuinis operibus uacabat, ac prædicationi iugiter insistebat. Hæc enim Equilini uerba sunt, uerum uehementer offensus incorrigibilibus Bohemorum uitijs, episcopa deserta, concilij capiendi gratia Romam accessit. Mox montem Cassinum inuisens, Monachisimum amplectebatur, facultatibus in Egeorum manus dispersis. Solitarium uero ac sibi Deoque tantum uiuentem Pontifex Leo viij. non ferens, ut Bohemiam suam repeteret, monuit. Gessit illi quidem morem Adelbertus, sed denuo pristinorum flagitiorum turpitudine fugatus, assumpto Gaudentio fratre, in Poloniam & Hungariam properauit, illisque populis Euangelium adnuncians, tandem ab impio Pagano lancea transfoditur. Alibi lego Stephanum Hungariæ regem ab hoc uiro fidem Christi Iesu edoctum, sacrum accepisse baptismum. Eius corpus Pragam translatum, hætenus ab hostium infestatione tutum quiescit.

S. VVOLPHGANGVS

Episcopus.



RTVS in Germania nostra, Christum crucifixum ab ipsis incunabilis mirifice sitiuit, Mundum præstigiosum fastidit. Vitæ se, sacerdos primum existens, Monasticæ addixit, ut minus peccans, maiorem operam deo colendo nauare posset. Verum oraculo quodam noctu monitus, ac auulsus à cœnobio, apud Noricos Euangelizare

zare coepit, idq; ad ipsos usq; pannoniae fines. Assueuerat in primis annis, quum apud archiepiscopos Coloniensem & Treuerensem, uitam aliquantum per egisset, docendi laboribus. Quo factum, ut Ottone secundo & Pilgrino Patauensi episcopo uolente ac urgente, praesunt Ratisbonensis crearetur. Sed mirum dictu, quantopere Vuolfgangus eam administrandi prouinciam suscipere recusarit, uereri se dictitans, ne non esset uoluntas dei, quae istorum esset hominum uoluntas, praeterea, multos religiones praetextu ad uitia prolabi. Tandem Pilgrini hortatur crebro uictus Vuolfgangus dixisse fertur. Ecce seruus domini, fiat mihi secundum uerbum tuum. Rara modestia Monachus, post episcopus summa pietate. De iacto bipenni fabulam perridiculam, nuspian legi. Vixit circa Anno domini M.

DIES SACROSANCTIS.

Paschatis.

Ex S. Hieron.



XVLT A coelum, & in laetitia esto terra: dies iste amplius nobis ex sepulchro radiauit quam de sole refulsit. Ouet infernus, quia resolutus est: gaudeat, quia uisitat: resultet, quia ignotam lucem post secula longa uidit, & in profundae noctis caligine respirauit. O pulchra lux quae de candido caeli fastigio promicasti: & interfluenta purpurea sedentes in tenebris, & in umbra mortis subita claritate uestisti. Confestim igitur aeterna nox infernorum Christo descendente resplenduit: siluit stridor ille lugentium, dirupta ceciderunt uincula damnatorum: attonitae mentes obstupuere tortorum: omnis simul officina impia contremuit, cum Christum repente in suis sedibus uidit. Mox igitur ferruginei ianitores descendente Christo, talia inter se caeci per umbrosa silentia cum umbra submurmurant. Qui suam est iste terribilis, & miro splendore coruscus. Nunquam talem noster excepit tartarus. Nunquam in nostra cauerna talem euomuit mundus, inuasor est iste, non debitor, & factor est non precator, iudicem uidemus, non supplicem, pugnare uenit, non succumbere, eripere, non manere.

PARAECONIVM

MARIAE DEI PARAE VIRGI

nis, ex antiquissimis Ecclesiae Patribus congestum.



E Maria sacratissima Dei anessa Nonus Panopolitanus in his uerbis est: Virgo Dei para, Christi mater, uirgo, inquam, Regem Christum filium progenerans, cubilis uiri fugitans, semper uirginitatis florem illibatum conseruans, &c. Hieronymus supra Epistolam ad Titum: Nobilis seruitus, de qua & Dauid ad deum loquitur: Ego

Ego seruus tuus, & filius Ancillæ tuæ. Et beata Maria ad Angelū: Ecce ancilla domini, fiat mihi secundum uerbum tuum. Hanc seruitutem habuit & Moyses, &c. Idem supra Ephesios, de Maria sic: Gloria Dei illuminans suo fulgore mundum, templum sibi de utero uirginali fabricata est. Idem supra Galathas, de Maria matre Dei, in hanc sententiam scribit: Quod aut sanctā & beatā matrē Domini mulierem, non uirginem nominauit Paulus, hoc idem & in Euangelio κατὰ ματταῖον scriptum est, quando uxor appellatur Ioseph, & ab ipso Domino, quasi mulier increpatur. Non enim necesse erat, semper quasi cautē & timidē uirginem dicere, cum mulier, sexū magis significet, quā copulam uiri, & secundum intelligentiam græcitatis γυνή tam uxor, quā mulier ualeat interpretari, &c. Idem supra Matth. xxvij. Potest autem & nouum sepulchrum Mariæ uirginale uterum demonstrare, saxumq; ostio appositū, & saxum magnū ostendere, absq; auxilio plurimorū sepulchrū non potuisse referari, &c. Rursum D. Hieronymus contra Heluid. Si cui autem scrupulus commouetur, quare desponsata, & non potius sine sponso (siue, ut scriptura appellat, marito) uirgo conceperit, sciat triplicem fuisse rationem: Primō, ut per genealogiā Ioseph, cui Maria cognata erat, origo quoq; Mariæ monstraretur. Secundō, ne iuxta legem Moysei, ut adultera lapidaretur à populo. Tertiō, ut ad Aegyptum fugiens, haberet solatium custodis potius, quā mariti, &c. Idem ibidem de Maria: Nulla ibi obstetrix, nulla muliercularū sedulitas intercessit, ipsa panis inuoluit infantem, ipsa & mater & obstetrix fuit. Iterum D. Hieronymus contra Iouinia. lib. I. Hortus conclusus, soror mea sponsa, hortus conclusus, fons signatus. Quod clausum est atq; signatum, similitudinem habet matris Domini, matris & uirginis. Vnde et in sepulchro Saluatoris nouo, quod in petra purissima fuerat excisum, nec antea, nec postea quisquam positus est: Et tamen hæc uirgo perpetua, multarum est mater uirginum. Facit item Hieronymus Mariam illam nostram, fontem irrigatum, portam orientalem, portam Ezechielis clausam, Prophetissam de radice Iessæ, non habentem fruticem cohærentem, cuius uirginitas ineffabilis, quia Christo de terra inuia, &c. Idem Ecclesiæ doctor ad Lætiam de institutione filiarum: Imitetur Mariam, quam Gabriel solam in cubiculo suo repperit, & ideo forsitan timore perterrita est, quia uirum, quem non solebat, aspexit. De uirgineo Mariæ partu, uide, cum alibi apud Hieronymum, tum supra Micheam, capite. v. Ad principiam uirginem ita quoq; Hieronymus: Nam & sancta maria, quia conceperat eum, in quo omnis plenitudo diuinitatis habitat corporaliter, plena gratia salutatur. Ad Fabiolam sic memoriæ tradidit: Nec mirum, si in illo numeri quadragenarij sacramento perueniamus ad regna coelorum sub quo Dominus atq; Saluator à primo Patriarcha peruenit ad uirginem mariam, quasi ad Iordanem, quæ pleno gurgite fluens, spiritus sancti gra

et gratijs redundabat, &c. De sancta Maria diuus Augustinus, in Ser.
 vj. Natal. domini: Nonne in figura Mariæ, typum uidemus esse sanctæ
 Ecclesiæ? Ad hanc utiq; sanctus descendit spiritus, huic uirtus obum-
 brauit Altissimi, hinc potens uirtute Christus egreditur. Hæc est immas-
 culata concubitu, foecunda partu, uirgo & casta perpetuo, hæc cōcepit,
 non uiro, sed spiritu: hæc parit, non dolore, sed gaudio. &c. D. Ambro-
 sius de Maria. lib. I. Offic. cap. xviij. Pudor primus in ipso cognitionis
 ingressu, matrem Domini Mariam cōmendat legentibus, & tanquā
 tectis locuples, dignam quæ ad tale munus eligeretur, astringit, quod in
 cubiculo, quot sola, quot salutata ab Angelo tacet, & mota est in introi-
 tu eius, quod ad uirilis sexus speciem peregrinam turbatur aspectus uir-
 ginis. Itaq; quāuis esset humilis, præ uerecundia tamen non resaluta-
 uit: nec ullum responsum rettulit, nisi ubi de suscipienda domini genera-
 tione cognouit, ut qualitatem effectus disceret, non ut sermonem refela-
 leret, &c. Idem Ambrosius lib. ij. de uirginitate, uitam beatissimæ Ma-
 riæ matris & uirginis, breuib; sic perstringit: Sit igitur uobis tanquā
 in imagine descripta uirginitas uitæ beatæ Mariæ, de qua, uelut specu-
 lo, refulget species castitatis, & forma uirtutis. Hinc sumatis licet exem-
 pla uiuendi, ubi tanquā in exemplari magisteria expressa probitatis,
 quid corrigere, quid effugere, quid tenere debeatis, ostendunt. Primus
 descende ardor, Nobilitas est magistri. Quid nobilius Dei matre? quid
 splendidius ea, quā splendor elegit? quid castius ea, quæ corpus sine
 corporis contagione generauit? Nam de cæteris eius uirtutibus quid lo-
 quar? Virgo erat non solum corpore, sed etiam mente, quæ nullo doli
 ambitu, syncerā adulteraret affectum: Corde humilis, uerbis grauis,
 animi prudens, loquendi parcior, legendi studiosior, non in incerto diui-
 tiarum, sed in prece pauperis spem reponens. Intenta operi, uerecunda
 sermone, arbitriū mentis solita non hominem, sed Deum quærere. Non
 lædere reos, benè uelle omnibus, assurgere maioribus natu, æqualibus
 non inuidere, fugere iactantiam, rationem sequi, amare uirtutem. Quan-
 do ista uultu læsit parentes? quando dissensit propinquis? quando fasti-
 diuit humilem? quando derisit debilem? quando uitauit inopem, eos so-
 los solita cætos uirorū inuisere, quos misericordia non erubesceret, neq;
 præteriret uerecundia? Nihil toruum in oculis, nihil in uerbis procax,
 nihil in actu inuerecundum: non gestus fractior, non incessus solutior,
 non uox petulantior: ut ipsa corporis species simulachrum fuerit mētis,
 figura probitatis. Bona quippe domus in ipso uestibulo debet agnosci
 ac primo prætendat ingressu, nihil intus latere tenebrarum, ut mens nos-
 tra nullis repagulis corporalibus impedita, tanquā lucernæ lux ins-
 tus posita, foris luceat. Quid ego exequar ciborum parsimoniam, offi-
 ciorum redundantiam, alterum ultra naturam superfuisset, alterum pe-
 nē ipsi naturæ defuisse: illic nulla intermissa tempora, hic congeminos
 ieiunio

ieiunio dies? Et si quando reficiendi successisset uoluntas, cibis plerumque obuius, qui mortem arceret, non delicias ministraret. Dormire non prius cupiditas quam necessitas fuit. Et tamen cum quiesceret corpus, uigilaret animus, qui frequenter in somnis aut lecta repetit, aut somno interrupta continuat, aut disposita gerit, aut gerenda prænunciat. Prodire domo nescia, nisi cum ad Ecclesiam conueniret, & hoc ipsum cum parentibus aut propinquis. Domestico operosa secreto, forensi stipata comitatu, nullo meliore tamen sui custode, quam seipsa, quæ incessu affectuque uenerabilis, non tam uestigium pedis tolleret, quam gradum uirtutis attolleret: & tamen alios habeat uirgo membrorum custodes suorum, morum autem suorum se habeat ipsa custodem. Plures erunt de quibus discat, si ipsa se doceat, quæ uirtutes magistras habet, quia quicquid egerit, disciplina est. Sic Maria intendebat omnibus, quasi à plurimis moueretur, sic implebat omnia uirtutis officia, ut non tam disceret quam doceret. Talem hanc Euangelista monstrauit, talem Angelus repperit, talem spiritus sanctus elegit. Quid enim in singulis morer, ut eam parentes dilexerint, extranei prædicauerint, quæ digna fuit, ex qua Dei filius nasceretur? Hæc ad ipsos ingressus Angeli inuenta domi in penetralibus, sine comite, ne quis intentionem abrumperet, ne quis obstreperet. Neque enim comites foeminas desiderabat, quæ bonas comites cogitationes habebat. Quin etiam tum sibi minus sola uidebatur, cum sola esset. Nam quemadmodum sola, cui tot libri adessent, tot Archangeli, tot Prophetæ? Denique & Gabriel eam ubi reuifere solebat inuenit, & angelum Maria quasi uiri specie mota, trepida, quasi non incognitum, audito nomine recognouit, &c. Hæc est imago uirginitatis. Talis enim fuit Maria, ut eius unius uita omnium disciplina sit. De eadem Deipara Maria semper uirgine diuus Cyprianus in Sermon. de Natiuitate Christi, sic concionatur: Veniunt in Bethlehem, quem prædixit Gabriel, inuenitur Emanuel, ciuitas parua, domus paupercula, suppellex exigua. Nulla domus ambitio, nisi reclinatorium in stabulo, mater in foeno, filius in præsepio: tale elegit fabricator mundi hospitium, huiusmodi habuit delicias sacrae uirginis puerperium. Panniculi pro purpura, pro bysso in ornatu regio laciuæ congeruntur, genetrix est obstetrix, & deuotam dilectæ soboli exhibet diem telam: attrahat, amplectitur, iungit oscula, porrigit mammam, totum negotium plenum gaudio, nullus dolus, nulla naturæ contumelia in puerperio. Pedissequas substantia familiaris non patitur, mancipiorum obsequia sumptus tenuis & inops mensa excludit. Nullum domus arcta diuersorium occultabat, nec secreti recessus erant illius casulæ, in castraturam tectum, & soli parietes per circuitum uestiebant. Nec locus ibi erat lauacris, quæ solent puerperis præparari, quippe nec aliqua naturæ iniuria matrem domini læserat: quoniam sine tormento peperit, quæ in conceptione caruit uoluptate: & tamen consuetudinem sequens,

sequens, ut legi satisfaceret, quasi cum alijs mulieribus esset ei in hoc opere ratio similis, diebus designatis recubuit, & depositi oneris lassitudinem professa oblate quieti paruit: & in diebus separationis non se à thoro Ioseph, qui eam nunquam tetigit, sed ab ingressu templi, & cæteris quæ lex prohibebat, continuit. Ultrò maturus ab arbore baiula fructus elapsus est: nec oportuit uellicari, quod sponte prodibat. Nihil in hac re petijt ultrò: nec præcedens delectatio aliquam petijt pænarum usuram, spiritu sancto obumbrante, incendium originale extinctum est: ideoq; innoxiam affligi non decuit, nec sustinebat iustitia, ut illud uas electionis communibus lassaretur iniurijs: quoniam plurimum à cæteris differens, natura cõmunicabat, non culpa. Eratq; ei proprium priuilegium, quod nulla mulierum nec antè, nec deinceps meruit obtinere, quod erat simul mater & uirgo singulis titulis insignita. Vnde & matri plenitudo gratiæ debebatur, & uirgini abundantior gloria, quæ carnis & mentis integritate insignis, spirituali & corporali intus & extra Christi præsentia fruebatur, &c. Subiungam Ioannis Damasceni quodque uerba, de Maria matre Iesu, ex cap. xv. lib. iij. Orthodoxæ fidei:

De sancta & superlaudabili semper uirgine & Deipara Maria, in præactis mediocriter tractauimus, & quod maximè opportunum uisum est, repræsentauimus, quod propriè & uerè Deipara & est, & nominatur: nunc reliqua compleamus. Ipsa enim ante secula præcognitio uo Dei consilio prædiffinita est, & diuersis similitudinibus, & oraculis Prophetarum per spiritum sanctum figurata & prædicata, in prædiffinitio tempore ex Dauidica radice pullulauit, propter factas ad ipsum repromissiones. Iurauit enim (inquit) Dominus Dauid ueritatem, & non frustrabitur eum, de fructu uentris tui ponam super sedem tuam. Et rursus: Semel iurauit in Sancto meo, si Dauid mentiar, semen eius in æternum manebit: & thronus eius ut Sol in conspectu meo, & ut Luna perfecta in æternum, & testis in coelo fidelis. Et Esaias: Egreditur uirga de radice Iesse, & flos ex radice eius ascendet. Enimuero, quod Ioseph ex Dauidica tribu descenderit, Matthæus & Lucas, sacratissimi Euangelistæ, dilucidè monstrarunt. Sed Matthæus quidem ex Dauid per Salomonem deduxit Ioseph, Lucas autem per Nathan. Sanctæ uero uirginis generationem ambo siluerunt. Decet autem scire non fuisse morem Hebræis, necq; diuinæ scripturæ genealogias texere mulierum. Nam lex fuit tribum non desponsare ex alia tribu. Atqui Ioseph ex Dauidica descendit, & iustus erat. Hoc enim de ipso diuinum testatur Euangelium. Non igitur præter legem sanctam uirginem ad desponsationem duxisset, nisi ex eius sceptrò descendisset. Cum igitur ostenderit Euangelista descensum Ioseph, satis factum esse putandum est. Præterea id nequaquam latere par est, quod lex erat: Viro moriente sine prole, fratrem eius defuncti, cõiugem sibi nuptijs copulare, & suscitare semen fratri. Quod

V u igitur

igitur partu ædebatur secundum naturam secundi .i. illius qui genuit, erat. Secundum uerò legem, eius qui obierat diem. Ex serie igitur Nathan filij Dauid, Leui genuit Melchi & Panthera. Panther genuit Barpanthera, sic ab eo denominatum. Hic Barpanther genuit Ioachim. Ioachim uerò genuit sanctam Deiparam. Ex serie Salomonis filij Dauid, Matthan duxit uxorem, ex qua genuit Iacob. Mortuo autem Matthan, Melchi, qui erat ex tribu Nathan filius Leui, frater uerò Pantheris, nupsit uxori Matthan, matri quidem Iacob, & genuit ex ea Heli. Erant igitur fratres uterini Iacob & Heli: Iacob quidem ex tribu Salomonis, Heli uerò ex tribu Nathan. Defuncto autem Heli ex tribu Nathan sine liberis, accepit Iacob frater eius ex tribu Salomonis uxorem eius, & suscitauit semen fratri suo, & genuit Ioseph, Ioseph igitur natura quidem est filius Iacob, ex descensu à Salomone. Secundum uerò legem filius Heli ex Nathan. Ioachim ergo uenerandam & dignam laude Annam in matrimonium duxit. Sed quemadmodum uetus Anna sterilis facta, per uotum & repromissionem genuit Samuelem: hunc in modum & hæc per supplicationem & repromissionem à Deo Deiparam profert, ut & in hoc nulla illustrium & gloriosarum posterior habeatur. Parit ergo gratia. Anna enim interpretatur domina, quod profecto indicat Mariæ nomen: nam reuera domina facta est omnium creaturarum, cum conditoris omnium effecta est mater. Aditur partu in domo ouilis Ioachim, & adducitur in templū. Deinde in domo Domini plantata, & impinguat a spiritu, uelut oliua fructifera, omnis uirtutis habitaculum facta est, ab omni seculari uita & carnali concupiscentia procul mentem sequestrās, & sic uirginem animam cum corpore conseruans, ut decebat eam, quæ in sinu Deum susceptura esset. Sanctus enim existens, in sanctis requiescit. Sic igitur sanctificationem omnem exercet, & templum sanctum & admirabile altiss. Dei dignè demonstratur, &c. Reliqua Christo deuotus Mysta ex ipso Damasc. petat. Nec omittendum, quod de benedicta inter mulieres Maria, & eadem ab omnibus generationibus beatificanda Ecclesiastica historia tradit. Refertur id uerò inter miracula haud uulgaria: Ante Nicopolim seu Emaus, ubi in triuio Christus cum Cleopha post resurrectionem noscitur ambulasse, tanquam ad alium uicum iturus, fons quidam est salutaris, in quo morbi hominum abluuntur, et alia pariter animalia diuersis detenta languoribus emundantur. Quod, ut ita contingat, traditur ex quodam itinere uisum esse Christum apud fontem cum discipulis suis, & lauisse pedes, ex quo aqua facta diuersarum curatrix passinum. Fertur etiam, quod in Hermopoli Thebaidos, arbor quæ uocatur Perseidis, multorum morbos abegerit, si fructus, aut folium, aut pars eius corticis collo ægrotantium ligaretur. De hac enim arbore ferunt, quod cum apud Ægyptum Ioseph cum Christo & Maria uirgine sancta fugisset Herodē, uenissetq; ad Hermopolim ciuitatē,

mox

mox ut ingrediebatur urbem, non ferens hæc arbor maximum Christi salutaris aduentum, inclinata est usque ad terram, & eum suppliciter adorauit. Hæc ego de ista arbore à multis audiens narraui. Reor autem hoc signum fuisse factum ciuibus diuinæ præsentiae, aut certè quia ritu Paganorum hæc arbor propter magnitudinem atque pulchritudinem colebatur, mota est, non ferens Christi diuinitatem, dæmonibus utique contra miscentibus, cum uiderent rerum talium destructorem (nec non omnibus simulachris Ægyptiorum, secundum Esaie prophetiam) fugatoque dæmonio pro testimonio Christi uacuam remansisse. Igitur apud Ægyptios & Palæstinos gestorum testimonia cōseruantur. Ad ultimum adferam nonnihil ex diuo Augustino, is de longè gloriosissima Maria, in lib. iij. capite. iij. Symboli ad Cathechumenos in hunc modum scribit:

Adam superbus, humilis Christus: per foeminam mors, per foeminam uita: per Euam interitus, per Mariam salus. Illa corrupta secuta est seductorem, hæc integra peperit Saluatorem, Illa poculum à serpente propinatum libenter accepit, & uiro tradidit, ex quo simul mererentur occidi: hæc gratia coelesti desuper infusa, uitam protulit, per quam caro mortua possit resuscitari. Quis est qui hæc operatus est, nisi uirginis filius, & uirginum sponsus: qui attulit matri foecunditatem, sed non abstulit uirginitatem? Quod contulit matri suæ, hoc donauit & sponsæ suæ. Denique sancta Ecclesia, qua illi integro integra coniuncta est, quotidie parit membra eius, & uirgo est. Addamus aliquid de diua uirgine, & Dei genitrice Maria, ex Epiphanio Episc. Cyprio. Is lib. iij. contra Hæreses, errorem Hæreticorum (quos Collyridianos uocant) eruditè taxat, ut qui Mariam Dei loco coluerunt, sic uocati, & Mariæ in die quadam anni stata, Collyridem quandam offerebant. Quo pacto Collyridiani nimium ad dexteram declinabant, sicut Antidicomarianitæ nimium ad sinistram. Verba Epiphaniij Episc. hæc sequentia sunt:

Maria digna facta est suscipere in proprijs finibus uniuersorum regem deum, coelestem filium Dei: cuius uterus templum factum est, ac domicilium ad Domini in carne dispensationem, per Dei benignitatem, & admirandum mysterium præparatus est.

Mox ibidem Epiphanius: Reuera sanctum erat corpus Mariæ, non tamen Deus. Reuera uirgo erat ipsa uirgo & honorata, sed non ad adorationem nobis data: sed ipsa adorans eum, qui ex ipsa, carne genitus est, de coelis uero ex sinibus paternis accessit: Et propterea Euangelium munit nos, dicens, quod ipse dominus dixerit: Quid mihi & tibi cum est mulier? nondum uenit hora mea: quod non putarent aliqui magis eximiam esse sanctam uirginem, mulierem eam appellauit: uelut prophetans quæ futura essent in terra, sectarum seu hærescon gratia: ut ne aliqui nimium admirati sanctam, in hanc hæresim, eiusque deliramenta delabantur. Est enim ludibrium tota res, & anicularum fabula, ut ita dicam, tota

Vñ cam, tota

eam, tota hæresis tractatio. Quæ uerò scriptura de hoc narrauit? Quis Prophetarum præcepit hominem adorari, nedum mulierem? Eximium equidem est uas, sed mulier, & nihil à natura immutata, uerum & intellectu & sensu in honore honorata, uelut corpora sanctorum, & si quid amplius ad glorificationem dixerim, sicut Helias ex matre uirgo, & sic manens in perpetuum, & translatus, & mortem non conspiciatus, sicut Ioannes, qui super pectus Domini recubuit, quem diligebat Iesus, sicut Thecla sancta. Et Maria adhuc honoratior hac est, propter dispensationem mysterij, qua digna facta est. Sed neq; Helias adorandus est, etiam si in uiuis sit, neq; Ioannes adorandus, quanquam per preces suas proprias dormitionem suam admirandam effecerit, imò potius ex Deo gratiam acceperit. Sed neq; Thecla. neq; quisquam sanctus adoratur. Non enim dominabitur nobis antiquus error, ut relinquamus uiuentem, & adoremus ea quæ ab ipso facta sunt. Coluerunt enim & adorauerunt creaturam, præter creatorem, & stulti facti sunt. Si enim Angelos adorari non uult, quanto magis eam quæ genita est ab Anna, quæ ex Ioachim donata est Annæ, quæ per preces & omnem diligentiam secundum promissionem patri ac matri data est, non tamen aliter genita est præter hominum naturam, sed sicut omnes ex semine uiri et utero mulieris. Tametsi enim historia Mariæ & traditiones habent, quod dictum est patri ipsius Ioachim in deserto: Vxor tua concepit, tamen non quod sine coniugio hoc factum, neq; sine semine uiri, sed futurum Angelus missus pronuntiatus est, ut ne qua hæsitatio fieret, propter id quod in ueritate factum est, & iam ex Deo ordinatum, & iusto promissum.

Ex eodem Epiphanio: Sit in honore Maria. Pater & Filius, & Spiritus sanctus adoretur. Mariam nemo adoret, non dico mulierem, imò neq; uirum, Deo debetur hoc mysterium. Neq; angeli capiunt talem glorificationem. Deleantur quæ malè scripta sunt in corde deceptorum. Tollatur ex oculis cupiditas ligni. Conuertatur rursus figmentum ad Dominum. Reuereatur Eua cum Adam, ut Deum colat solum, ne seducatur serpentis uoce, sed permaneat in Dei præcepto: Ne comedas de ligno. Et erat lignum non error, sed per ipsum lignum facta est inobedientia erroris. Ne comedat quis de errore, qui est propter S. Mariam. Nam & si pulchrum est lignum, sed tamen non ad cibum. Et si pulcherrima est Maria, sancta & honorata, at non adorationem. Hactenus Epipha. His adijciat catholicus Lector, quæ de Mariæ laudibus collegi in opere, quod Quadragesimale uocamus,

Nimirū Feria. iij. post Dominicam

Inuocauit. Dominus tecum as

mice Frater.

EX PR6

CCLXV

EX PRIMO LIB. ACTII SYN-
ceri Samazarij de partu Virginis.

AVE MARIA. OCVLIS SALVE

Lux debita nostris.



Ampridem notum cœlo iubar, optima Virgo,
Cui sese tot dona, tot explicuere merenti
Diuitiæ Superum, quicquid rectiq; probiq;
Æterna de mente fluit, purissima quicquid
Ad terras summo ueniens Sapientia cœlo
Fert secum, & plenis exundans Gratia riuis:

Te genitor stabili firmam sibi lege sacrauit,
Perpetuos genitor cursus qui dirigit astris,
Manfuramq; tuo fixit sub pectore sedem,
Idcirco coetus inter ueheranda pudicos
Vna es, quam latis cœli in regionibus olim
Tot Diuum celebrent uoces, pro gaudia terris
Quanta dabis?

EX EODEM POEMATE

doctissimi Itali.

MAGNIFICAT ANIMA

mea Dominum.

ILLA sub hæc: Miranda alti quis facta Tonantis
IO Mater, meritas cœlo quæ tollere laudes
Vox queat? exultant dulci mea pectora motu
Authore tantorum Operum, qui me ima tenentem
Indignamq; humilemq; suis respexit ab astris.
Munere quo gentes felix ecce una per omnes
Iam dicar, nec uana fides, ingentia quando
Ipse mihi ingenti cumulauit munera dextra
Omnipotens, sectumq; eius per sæcula Nomen,
Et quæ per magnas clementia dedita terras
Exundat, qua passim omnes sua iussa uerentes
Vsq; fouens, nullo neglectos deserit æuo.
Tum fortem exertans humerum, dextramq; cortuscam
Infanos longè factus, mentesq; superbas
Dispulit, afflixitq; super, solioq; potentes
Deturbans dedit in præceps, & ad ima repressit,
Extollensq; humiles aliena in sede locauit.
Pauperiemq; famemq; fugans, impleuit egenos
Diuitijs, uacuos contra nudosq; reliquit,
Qui nullas opibus metas posuere parandia.

V u iij

Postremo

Postremo sobolem (neque enim dare maius habebat)
 Æternam genitor sobolem, seclisq; priorem
 Omnibus, æqualemq; sibi, de sanguine fidi
 Suscepit pueri, tantis quod honoribus unum
 Deerat adhuc, non ille animi, morumq; suorum
 Oblitus, quippe id meditans promiserat olim
 Sacrificis proauorum attauis, stirpiq; nepotum
 Hæc Virgo.

SALVTATIO CATHOLICA AD
 eandem Virginem matrem, per Eras-
 mum Roterod.

AVE Maria prudentium uirginum regina, quæ nobis Euz fatuæ
 uirginis maledictionem uertisti in benedictionem. Salue matrum
 pudicarum decus, quæ salutem omnibus peperisti. Gaude Angelorum
 & Hominum gloria, quæ cœlestium gaudiorum fontem citra uirginita-
 tis iacturam enixa es. Cuius modestissima pudicitia tam grata fuit supre-
 mo Numini, ut ex tot uirginū milibus te singulariter adamarit, unamq;
 iudicant idoneam, & cuius castissimis uisceribus Dei filius orbi redimen-
 do nasceretur. Eximij fauoris illud est argumentum, quod quum Deus
 adsit omnibus pñs, nulli tamen sese propius, aut mirabilius copulauit,
 quàm tibi. Pater te sibi Sponsam delegit, Spiritus cœlestis te totam im-
 pleuit, Filius ē uirginei corporis tui substantia, corpus humanum assume-
 re dignatus est, in uteri tui latebris menses tres gestari, tuo lacte pasci, tuo
 confoueri sinu: quumq; Deus esset, ac Dei filius, tamen uirginis filius,
 tum esse, tum dici sustinet. Quemadmodum autem Dominus singulari
 modo tecum fuit, ita per te nobiscum etiam peculiariter esse coepit. Pri-
 mum plusquàm triginta annis in terris uisus, & homo cum hominibus
 conuersatus, nunc per spiritum suum inhabitans corda piorum, nosq;
 sua uiua carne reficiens, & sacrosancto sanguine potans, in Eucharistia.
 Agnoscit orbis uniuersus & quāto honore te dignatus sit Deus, & quā-
 tum ipse bonorum per te acceperit, eoq; duo nomina præ cæteris uenes-
 ratur, Iesu filij tui, ad quod sese inflectit omne genu, cœlestium, terrestri-
 um, & inferorum: & Mariæ uirginis, ad cuius mentionem hilarescunt
 ac recreantur omnes animæ, Iesu nomen diligentium. Ille tanquàm sol
 omnium sanctorū gloriam suo splendore uelut obscurat. Tu inter uni-
 uersas laudatas mulieres non aliter lucas, quàm luna pleno orbe inter mi-
 nora sydera. Adeo uero tui nominis splendor cum filij gloria coniun-
 ctus est, ut quoties auditur adorandum Iesu nomen, simul occurrat Ma-
 riæ beatissimæ matris memoria. Olim filio pro nobis pñtenti do-
 lorum fuisti particeps: nunc in cœlis regnanti as-
 sises, dignitatis & gaudiorum
 socia Amen.

VLTL

E C C L E S I A E D E I.
VLTIMVS MVNDI DIES.

Ex Lactantio Firmiano.

CCLXVI

Imminente iam temporum conclusione, propheta magnus mittetur à Deo, qui conuertat homines ad Dei agnitionem, & accipiat potestatem mirabilia faciendi. Vbi cunq; non audierint eum homines claudet cœlum, & abstinebit hymbres, & aquam conuertet in sanguinem, & cruciabit illos siti ac fame. Et quis cunq; conabitur eum lædere, procedit ignis de ore eius, atq; comburet illū. His prodigijs atq; uirtutibus conuertet multos ad Dei cultum: per actisq; operibus eius alter rex orietur ex Syria malo spiritu genitus, euerfor ac proditor generis humani, qui reliquias illius prioris mali cum ipso simul debeat. Hic pugnabit aduersus prophetam Dei, & uincet, & interficiet eum, et insepultum iacere patietur. Sed post diem tertium euiuiscet, atque inspectantibus & mirantibus cunctis rapietur in cœlum. Rex uero ille deterrimus erit quidem & ipse, sed mendaciorum propheta, & seipsum constituet ac uocabit deum, & se coli iubebit ut Dei filium. Et dabitur ei potestas, ut faciat signa & prodigia: quibus uisis irretiat homines ut adorent eum. Iubebit ignem descendere de cœlo, & solem à suis cursibus stare, & imaginem loqui, & fient hæc sub uerbo eius: quibus miraculis etiam sapientium plurimi allicientur ab eo. Tunc eruere Dei templum conabitur, & iustum populum persequetur, & erit pressura & contritio, qualis nunquam fuit à principio mundi. Quicunq; crediderint atq; accesserint ei, signabuntur ab eo tanquam pecudes. Qui autem recusauerint notam eius, aut in montes fugient, aut comprehensi exquisitis cruciatibus necabuntur. Idem iustos homines obuoluet libris prophetarum atque ita cremabit: & dabitur ei desolare orbem terræ mensibus xliij. Id erit tempus, quo iustitia proijcietur, & innocentia odio erit, quo mali bonos hostiliter prædabuntur. Non lex, aut ordo, aut militiæ disciplina seruabitur. Non canos quisquam reuerbitur. Non officium pietatis agnoscer. Non sexus aut infantia miserebitur. Confundentur omnia, & miscebuntur, contra fas, contra iura naturæ. Ita quasi uno communi grauiq; latrocinio terra uniuersa uastabitur. Cum hæc ita erunt, tunc iusti & sectatores ueritatis segregabunt se à malis, & fugient in solitudines. Quo audito ipsius rex inflammatus ira uenit cum exercitu magno, & admotis omnibus copijs circundabit montem in quo iusti morabuntur, ut eos comprehendat. Illi uero ubi se clausos undiq; atq; obseffos uiderint, exclamabunt ad Deum uoce magna, & auxilium coeleste implorabunt, & exaudiet eos Deus, & mittet regem magnum de cœlo, qui eos eripiat & liberet, omnesq; impios ferro igni disperdat. Oppressi igitur in orbe terræ cum ad destruendam immensarum uirium tyrannidem humanæ opes defecerint (siquidem capto mundo cum magnis latronum exercitibus incubabit) diuino auxilio tanto illa calamitas indi-

V u iiii tas indi-

eas indigebit. Commotus igitur Deus & acipiti periculo, & miseranda
 comploratione iustorum mittet protinus liberatorem. Tunc aperietur
 cœlum medium intempesta nocte & tenebrosa, ut orbe toto lumen des-
 cendentis Dei tanquam fulgor appareat: quod Sibylla his uersibus lo-
 cuta est: Cum uenerit ignis, erunt tenebræ in media nocte obscura. Hæc
 est nox, quæ a nobis propter aduentum regis ac Dei nostri peruigil ce-
 lebratur, cuius noctis duplex est ratio: quod in ea uitam tum recipit cum
 passus est, & postea orbis terræ regnum recepturus est. Hic est enim li-
 berator & iudex, & ultor, & rex, & Deus, quem nos Christum uoca-
 mus, qui priusquam descendat, hoc signum dabit: Cadet repente gladius
 e cœlo, ut sciant iusti ducem. Cadet repente gladius e cœlo, irruet in ho-
 mines terror cœlestis. Vnde sanctæ militiæ descensurum & descendet
 comitantibus angelis in medium terræ, & præcedet eum flamma inex-
 tinguibilis, & uirtus angelorum tradet in manus iustorum multitudi-
 nem illam, qui montem circumfederit, & concidetur ab hora tertia usq[ue]
 ad uesperum, & fluet sanguis more torrentis, deletisq[ue] omnibus copijs,
 impius solus effugiet, & peribit ab eo uirtus sua. Hic est autem, qui ap-
 pellatur Antichristus: sed ipse Christum mentietur & contra uerum dis-
 micabit, & uictus effugiet, & bellum sæpe renouabit, & sæpe uinceretur:
 donec quarto prælio confectis omnibus impijs debellatus & captus
 tandem scelerum suorum luet pœnas. Sed & cæteri principes & tyranni,
 qui contriuerunt orbem, simul cum eo uincti adducentur ad regem,
 & increpabit eos & coarguet. Et exprobrabit his facinora ipsorum, &
 damnabit eos ac meritis cruciatibus tradet. Sic extincta malitia & impie-
 rate compressa, requiescet orbis, qui per tot sæcula subiectus errori ac sce-
 leri, nefandam pertulit seruitutem. Non colentur ulterius dñj manus-
 facti, sed a templis & puluinaribus suis deturbata simulachra igni dabun-
 tur, & cum donis suis mirabilibus ardebunt: quod etiam Sibylla cum
 prophetis congruens, futurum esse prædixit. Conterent autem simulach-
 ra homines & diuitias omnes. Erythrea quoq[ue] idem sponondit. Ope-
 ra autem deorum humanis manibus facta exurentur. Post aperiētur in-
 feri, & resurgent mortui, de quibus iudicium magnum ipse idem rex ac
 Deus faciet, cui summus Pater & iudicandi et regnandi dabit maximam
 potestatem, de quo iudicio ac regno apud Erythream Sibyllam si inue-
 nitur in græco eloquio. Cum autem dies iste finem fatalem acceperit, &
 ad mortales iudicium immortalis Dei uenerit, ueniet super homines
 magnum iudicium & initium. Deinde apud aliam: Tartareum autem
 chaos tunc ostendet dehiscens terra. Venient autem ad tribunal Dei res
 omnes. Et alio loco penes eandem: Cœlum uoluens terræ latebras
 aperiam, & tunc leuabo mortuos, fatum soluens & stimulum mortis:
 posteaq[ue] in iudicium ducam iudicans piorum atq[ue] impiorum uitam ui-
 rorum. Nec tamen uniuersi tunc a Deo iudicabuntur, sed hi tantum,

qui

qui sunt in Dei religione uersati. Nam qui Deum non agnouerunt, quoniam sententia de his in absolutionem ferri non potest, iam iudicati damnati sunt: sanctis literis contestantibus, non resurrecturos esse impios ad iudicium. Iudicabuntur ergo qui Deum scierunt, & facinora eorum in mala opera cum bonis collata ponderabuntur, ut si plura & grauius fuerint bona iustis, dentur ad uitam beatam: Si autem mala superauerint, condemnentur ad poenam, &c.

EX LIB. III. ALCIMI AVITI

de diuina sententia.



Ultima cum mundi senium consumpserit aetas,
Cumque repentinus percusserit omnia fulgor
Coelorum, clangente tuba, qua nuncius ante
Iudicis aduentum concussit, terreat orbem.

Tunc cum synceros pastor discreuerit agnos,
Hedis disparibus diuersa in parte locatis
Per medium dirimente chaos, quod fluctibus implet
Sulphureis, uoluens undosa incendia gurges,
Flammarum stagnante lacu, quo feruida, quondam
Dicitur attracto nubes Sodomitica nimbo
Guttatim sparsum fudisse in crimina fulmen.
Cum plueret nox terra focos, coeloque caduco
Aëra per calidum stillarent undique mortes,
Taliter ignifero missa de fonte gehennae
Fluxerunt tristes aliena in saecula riuus.
At quos terribili iudex decreuerit hora,
Viueret post mortem poenaeque ardere perenni
Subtrahet optato grauior sententia lato:
Cumque foret melius dispersis corpora membris
Carpere perpetuum dura sub morte saporem,
Inuitos tamen urna mouet, quis sola uoluntas
Rursus posse mori, sensuque carere dolendi.
Sed sic accipiet feruentis flamma camini
Ambustura suas ut nunquam finiat escas.

EXHORTATIO D. FRANCISCI

Pici Mirandulani ad Imperatorem Maximilianum
aduersus Mahometis
falsas, siue Turcas.

Ex Stanro
ficho.



Votquot collegit uitiorum Roma cloacas,
Assyrium Tyberi cum iam admisisset orantem
Mox proprijs opibus, proprijs ruitura sub armis,
Iam dudum excipiunt, insultant Maurus & Afer

Vu v

Ægyptus.

Ægyptus, Libyæ subsannat, Thracia ridet,
 Nec fidei monitis auscultant, uincimur aiunt,
 Colluuiæ scelerum, uitiorum foetida nubes
 Hinc illuc pridem migravit, perfida turba
 In Christum laxant impune repagula nobis
 Non impune datum, si Christum lingua laceſſat
 Virginis & nomen, nobis non spernitur almæ,
 Sed nec sacra Dei nobis, nec templa, nec aræ
 Venduntur dominis quo tandem cernimus usq;
 Insultare canes? purgemus noxia, rectum
 Firmemus, nostris opus est indicere bellum
 Moribus imprimis. mox bella inferre profanis,
 Scilicet incassum patiemur mystica cœlo
 Delabi, aut ueteres tantum effudisse cruoris
 Sacratæ fidei proceres? aut deniq; Christi
 Nil nobis prodesse necem patiemur amaram?
 Subiectos populos compescas inclyte Cæsar
 A' uitij neq; enim tantas regnator Olympi
 Virtutes & opes tibi contulit, ut tibi tantum
 Prodesſent, cœlæ rarissima munera dextræ,
 Dona recognoscas fortis cœlestia Cæsar
 Sopitam turbis sacrato pollice barbam
 Vellere ne pigeat, tua sunt hæc munia Cæsar
 Stringere constantis fidei pro legibus ensem,
 Inſcultaq; cruce infidos Maomethis alumnos
 Pellere, quæ tibi sunt iam tradita desine Cæsar
 Alter ut inſumat, te contemnente, ministri
 Christo non deſunt, reges, ne tempora deſunt
 Vt mores abigat ſathana impellente neſaſtos,
 Et crucis imperium longe lateq; propaget.

Finis rerum uniuerſarum.

THEOBALDVS

SPENGEL MOGVN. CAN.
didō Lectori, S.



HABES candidiss. Lector denuō diuorum Ecclesiæ uitas siue historias ex probatissimorum uirorum autoritatibus & auctas & emaculationes multō. Eas uerō, ob hoc potissimum sub incudem reuocare placuit, ut super no accensus igne, hoc mystico diuinoq; uolumine ediscere ualeas, ethicē, benē, beateq; uiuere: illorumq; exempla imitare qui pro Christi amore catholicæq; religionis defensione, ut libenter; ita & spiritus sancti gratia, constanter sanguinem suum effuderūt. Certum enim est, horum uitas si speculi loco intueris, statum tuum ad melioris uitæ habitum faciliē composueris adq; meliora pleraq; nostrā procederent. Hactenus uerō, easdem quod aspernauimus; Deum & homines aduersus nos, corruptissimiq; nostri seculi mores irritauimus, incommodaq; subsecuta sunt nobis nostriq; humeri penē innumerabilia. Has quocirca sanctorum uitas amice lector, si aliquando attentē legeris, magnam ex ijs nedum iucunditatem, uerum & utilitatē percipies uberrimam. Postremo; ne tibi uacuas obtrudamus cartas, hinc & facilius quo uniuscuiusq; sanctorum uitæ historiam inuenire queas, hanc tabulam subijcere uisum est operepreciū. Scias autem per numerum designari folium, per a, faciem folij primā, per b alterā. Cæterū errata, si quæ inter imprimendum acciderunt, tute emendabis, sunt enim minutula & cognobilia, Vale, & laborem hunc Quentelijq; promptissimum erga Catholicam & Orthodoxam Ecclesiam animum boni Consulito, mutuaq; beneuolentia prosequere. Ex ædibus nostris Morguntiz xvj. Calend. Januarij Anno M. D. XLVI.



INDEX

A

A Dam	
Abel	
Abraham	
Abrahæ seruus	
Aharon	
Assa	
Apia Salonites	
Azazia	
Abdia	
Aduentus Domini	
Andreas Apostolus	
Agnes uirgo	
Agatha	
Appollonia uirgo	
Amandus episcopus	
Albanus martyr	
Ambrosius episcopus	
Acatius martyrur antefig.	
Athanasius episcopus Alex	
Agricola martyr	
Ascensio Christi	
Apostolorū nomina interp.	
Anna Maria mater	
Afra & Hilaria martyr.	
Agapetus. I.	
Augustinus episcopus D.	
sua	
Ammon abbas	
Angeli Dei	
Angeli mali	
Athanasia cum sororibus	

B

B Barbara uirgo & martyr	
Basilus magnus	
Brigita uirgo	
Blasius episcopus	
Barlaam & Iosaphat	
Benedictus cōfessor	
Bonifacius episcopus et mar.	
Barnabas apostolicus	
Bernhardus abbas	

Barptolomeus Apostolus	
Benon abbas	
Brixius episcopus	
Benno episcopus Misnen.	
Burchardus episcopus VVirtz	
burg.	

C

C Hristus Dei filius	
Christi resurrectio	
Caleo	
Circuncisio Domini	
Crescens Pauli discipulus & epi	
scopus Mogun.	
Cointha mulier	
Cletus primus	
Crux Christi sancta	
Crucis potentia	
Christophorus	
Caroli magni uita	
Ciriacus & socij eius	
Celerinus cum socijs	
Cornelius martyr	
Cyprianus martyr	
Cosmas & Samianus	
Clara uirgo	
Cassianus martyr	
Chrisogonus martyr	
Cecilia uirgo & martyr	
Clemens episcopus Rom.	
Catharina uirgo & martyr.	
Cantus cum socijs	

D

D Auid	
Debora	
Damasus episcopus Rom.	
Dorothea uirgo	
Dominicus confessor	
Dionisius Arcopag. episcop.	
Dies cinerum	
Dies palmarum	
Dies pasche	
Dies rogationum siue letanie	
Diuisio	

I N D E X

Diuisio apostolorum	172.a	Hanani	13.a
E		Hebiseus	19.a
E Nos	7.b	Hulda <i>ἡγουμένη</i>	21.a
Enoch	8.a	Hilarius	66.b
Eli	13.b	Higinus pontifex Rom.	73.a
Ezechias	20.a	Helena Constantini mater	91.b
Esder uirgo	22.a	Hieronymus ecclesie presbit.	111.b
Esther	23.b	Hilarion	119.a
Ezra	21.a	Hemeterius Chelidonius martyr	
Eulalia uirgo	45.a	res	228.a
Emerentiana uirgo	90.b		
Eustachius martyr.	131.b	I Saac	9.a
Eucharis	150.b	Iacob	9.b
Egidius confessor	197.b	Ioseph	10.a
Enaristus.I.	209.b	Iosua	10.b
Elizabet regina	141.b	Iudices	13.a
F		Iael	13.a
F ilij Mathathie	14.a	Iephtha	13.b
Fabianus episcop. & mar.	89.b	Ionathan	15.a
Fœlicitas	113.b	Ieddi	17.b
Franciscus confessor	113.a	Iehu prophet.	17.b
Fructuosus cum socijs	229.a	Iehasiel	18.b
Feria quinta magna	121.a	Iosaphat	codem
Feria sexta magna	122.b	Iosias	20.b
Festum dominic. pentecost.	150.b	Iob	22.b
Festum corporis Christi	158.b	Iudith	23.a
Festum dedicationis	252.b	Iuliana uirgo	95.b
Fratres quinque occisi	232.a	Iulitta martyr	104.a
Fœlix martyr	132.a	Ioseph Marie	105.a
G		Iudas mathathie fil.	24.a
G Enethlicon mundi	1.a	Ignatius episcopus & mart.	84.b
G edeon	13.b	Ioannes apostolus & Euang.	56.b
Gad	17.a	Innocentes Bethlehemitici	59.a
Gregorius.I.	113.b	Ioan Chrysostomus	48.a
Georgius martyr	137.b	Ioan. Eleemosinarius	87.a
Gregorius Nazeanzenus	143.b	Ioannes Baptista	164.a
Gordias martyr	147.a	Ioannes decolla.	196.b
Geruasius & Prothasius	163.a	Ioannes & Paulus martyres	167.a
H		Iustinus martyr	171.a
H Eua	7.b	Iacobus apostolus	176.b
Hanna	14.b	K	
Helia	17.b	Kilianus episcopus Vuirz.	157.a
		Lot	

INDEX

L

L O:	8.b
L Lucia uirgo & mart.	42.b
L imis. l.	132.b
L ieba	157.a
L uitgerus	157.b
L eo	166.b
L aurentius martyr	188.a
L udoni Gallorum rex	208.a
L ucas Euangelista	217.b

M

M Vndi creatio	3.a
M oſes	10.b
M ardocheus	22.a
M athathias	24.a
M ichea	18.a
M ariæ uirginis matris conceptio	44.b
M ariæ uirginis matris purificatio	86.a
M ariæ uirg. matris uifitatio	170.a
M ariæ uirg. matris aſſumptio	187.a
M ariæ uirginis matris natiuitas	198.a
M ariæ uirginis matris præſentatio	144.b
M ariæ uirginis matris annuntiatio	115.b
M ariæ uirginis adoleſcentia	145.a
M agi orientales	62.a
M auri duo	73.b
M arcellus Pon. Rom.	74.a
M arcellinus. l.	140.a
M athias apoſtolus	100.a
M aria Ægyptiaca	118.b
M arcus Euangelista	138.a
M arcus & Marcellianus fratres	163. b
M argaretha uirgo et martyr	175.b
M aria Magdalena	176.a
M artha	181.a
M oneca mater Auguſtini	198.a

M atthæus apoſtolus	206.a
M aurius	206.b
M ichaël archangel.	210.a
M arcus papa. l.	112.b
M artinus epiſcopus	133.a
M ulier innocens ſepties percuſſa	251.b

N

N Noach	8.a
N Naëmi	14.a
N athan	17.a
N ehemias	21.b
N icolaus Myrarum epiſcopus	31.a
N icaſius & Eutropia	46.b
N atalis dominicus	51.a
N omenclatura lxx. diſcipulo	173.a
N emeſius & Lucilla	22.a
N omina ſanctorum martyrum ex Eulebio	125.b

O

O Dilia uirgo	44.a
O mnia ſanctorum memoria	122.b
O mnia animarum memoria	226. a
O ſualdus rex	23.b
O ctauij & ſociorum natalis	251.a

P

P Ineas	12.b
P ropheta uindictor regis lehu	19.b
P rophetæ quorum extant monuſmenta	24. b
P riſca uirgo	74.a
P olycarpus & c.	74.b
P aulus heremita	76.a
P aula uidua	79.a
P auli apoſtoli conuerſio	82.b
P etri cathedra	108.b
P etri uincula	181.b
P erpetua	113.b
P hilippus apoſtolus	133.a
P œnitentia ſignum crucis	142.a
P etrus	

INDEX

Petrus & Paulus apostoli 177.b
 & 178.
Pius episcopus Rhom. 179.b
Praxedis uirgo 175.a
Petrus Calib. 118.b
Passio sanctorum dei martyrium 223.b

Q

Q Virinus martyr 119.b
Quatuor Euangel. 218.a
Quintinus martyr 132.b

R

R Ebecca 9.b
Rahab 13.a
Ruth 14.b

Reuocatio cuiusdam iuuenis per
D. Ioan. Euang. 57.b
Remigius episcopus Rom. 66.a
Remaelus episcopus 156.b

S

S Anctus Spiritus 151.a
Sola monachus presbyter 158.a
Septem fratres martyres 169.a
Symphorosa matrona 175.a
Symphlicius & Faustinus 175.b
Stephanus. I. 182.b
Sixtus. II. 183.a
Sixtus. III. 219.b
Seraphia uirgo 198.a
Simon & Iudas 220.b
Sara 8.b
Sambson 14.a
Samuel 15.a
Solomon 17.a
Semaia 17.b
Sabas abbas palest. 48.b
Stephanus diaconus 54.b
Syluester pontifex 60.b

Satyrus & Arcadius 76.a
Sebastianus miles & martyr 188.b
Scholastica monialis 194.a
Sacra quadragesima 94.b
Sancti quagraginta martyres 191.a
Sabbathum Paschæ 125.b

T

T Obias 13.a
Thomas apostolus 50.b
Thomas episcopus Anglicus 60.b
Thomas Aquinas 232.b
Telesphorus pont. Rom. 65.b
Timotheus Pauli discipulis 83.b
Tytus Pauli discip. eodem

V

V Nit as Trinitasq; Dei opt.
 max. 154.a
Vxor Loth 8.b
Viriusq; Testamenti comprehen-
 sio 25.a
Vincentius diacon. & martyr 65.b
Vedastus 95.a
Valentinus episcopus 95.b
Valentinus presbyter 95.a
Victor & corona 110.a
Vitalis martyr 139.a
Vrbanus. I. 144.a
Vitus & modestus 162.b
Vrsula uirgo 218.b
Vltimus mundi dies 267.b

VV

VV altburga uirgo 232.a
VV icbertus confessor 249.b

Z

Z Arepthana uidua 18.b
Z acharia 20.a
Z orobabel 21.a

Exech. IX,
 Signa T H A V super frontem gementium &
 dolentium super cunctis abominationibus.



Vidi peremeritantes, & labeſcebant, & ſancti.

Triffitia veſtra meretur in gaudium. Ioh. 16.

Matth. 7.
 Beati qui lugent, quia conſolationem accipient.